



# MORALIS CHRISTIANA

E

SCRIPTURA SACRA,  
TRADITIONIBUS, CONCILIIIS, PATRIBUS,  
& INSIGNIORIBUS THEOLOGIS

EXCERPTA,

IN QUA POSITIS & STATUTIS PRINCIPIIS  
DEDUCUNTUR CONSECTARIA, QUIBUS CASUS  
CONSCIENTIÆ, SIGILLATIM  
EXPLICANTUR.

AUCTORE

R. P. JACOBO BESOMBES D. T.

*Editio omnium recentissima.*

Cui adduntur Epitome plurium Bullarum, &  
Doctrinæ moralis & canonicæ ex Operibus Benedicti XIV.  
desumptæ, nec non Monita S. Caroli Borromæi ad Con-  
fessarios, Canones pœnitentiales, Propositiones dam-  
natæ, Casus reservati, aliaque multa ad Sacra-  
mentum Pœnitentiæ spectantia.

*Bibliotheca Monasterii Closter-Da-Hausen  
Ind. A. Benedicti IN Comparat. 22 1893*

QUATUOR TOMOS DISTINCTA.

TOMUS II.

SUPERIORUM PERMISSUM

AUGUSTÆ

In Officina JOSEPH-WOLFFIANA.

I 7 8 5.

MORALS  
CHRISTIAN

SCRIPTURE  
TRADITIONS  
IN OUR  
MORALS  
AND  
CHRISTIAN

By G. M. J. II. 25





INDEX  
TRACTATUM ET CAPITUM,  
QUÆ  
IN HOC SECUNDO TOMO  
CONTINENTUR.

---

*TRACTATUS XI. De quarto Decalogi Præcepto.*

*Caput I. Quis finis & quæ merces hujus Præcepti.* fol. 1

De fine quarti præcepti. *ibid.*

Quosnam respiciat quartum præceptum? 2

Confectaria hujus Doctrinæ. *ibid.*

Quæ merces observantibus, & quæ pœna infractoribus reservetur? 5

*Caput II. De mutuis filiorum & parentum carnalium officiis.* 6

Quid debeant filii parentibus suis carnalibus? *ibid.*

Amor specialis & internus debetur parentibus. 7

Reverentia specialis interna & externa debetur parentibus. 9

Obedientia specialis & interna & externa debetur parentibus. *ibid.*

Filii debent parentibus subsidium speciale, tum in corpore, tum in anima. 12

Quid parentes filiis debeant quoad corpus? 14

Parentes debent filiis victum. *ibid.*

Parentes debent filiis vestitum. 16

Pa-



# INDEX

Parentes debent filiis congruam hæreditatem.	<i>ibid.</i>
Quid parentes filiis debeant quoad animam?	18
Parentes debent filiis doctrinam.	19
Parentes debent filiis correctionem.	21
Parentes debent filiis bonum exemplum.	22
Parentes debent filiis Episcopalem sollicitudinem.	24
Quinam munus parentum vere Christianorum impleant?	26
<i>Caput III. De Curatoribus &amp; Tutoribus erga pupillos &amp; minores, &amp; vice versa.</i>	27
De his, quæ sibi mutuo debent Tutores & pupilli.	<i>ibid.</i>
<i>Caput IV. De servis erga Dominos &amp; de Dominis erga servos.</i>	28
Quid famuli debeant heris suis?	<i>ibid.</i>
Confectaria hujus Doctrinæ.	29
Quid debeant heri servis suis?	32
Confectaria hujus Doctrinæ.	33
<i>Caput V. De mutuis Conjugatorum officiis.</i>	34
De officio uxoris erga virum.	<i>ibid.</i>
Confectaria hujus Doctrinæ.	35
De officiis mariti erga uxorem.	36
Confectaria hujus Doctrinæ.	37
De subsidio, quod sibi mutuo debent conjugati, ut societatem conjugalem foveant.	38
Confectaria hujus Doctrinæ.	39
De subsidio, quod sibi debent conjugati in ordine ad salutem æternam.	40
Confectaria hujus Doctrinæ.	<i>ibid.</i>
<i>Caput VI. De mutuo Pastorum oviumque officio.</i>	42
De officio ovium erga Pastores.	<i>ibid.</i>
Confectaria hujus Doctrinæ.	43
De officio Pastorum erga oves suas.	44
	Con-

*Tractatum & Caputum.*

Confectaria hujus Doctrinæ. 46

*Caput VII. Quæ sit mutua obligatio Pædagogorum  
& discipulorum?* 47

De officio discipulorum erga Pædagogos. *ibid.*

Confectaria hujus Doctrinæ. *ibid.*

De officio Pædagogorum erga discipulos. 49

De his, quæ in formandis puerorum moribus inservire possunt. 50

De his, quæ necessaria sunt Pædagogis, ut pueros scientiam doceant. 53

Monitum utile Pædagogis. 61

Quæ monita dare possunt Pædagogi parentibus? 62

*Caput VIII. De mutua obligatione inter supremos  
Dominos & subditos.* 65

De debito subditorum erga Reges. *ibid.*

Confectaria hujus Doctrinæ. 66

De officio Regum. 69

*TRACTATUS XII.*

*De quinto Decalogi præcepto.*

*Caput I. Quid prohibeatur aut jubeatur illo præcepto: Non occides.* *ibid.*

De fine hujus præcepti, & quibus actionibus violetur? *ibid.*

Quinam sunt illi, qui peccant peccato homicidii, vel pertinente ad homicidium? 71

Confectaria hujus Doctrinæ. 72

*Caput II. De injusta læsione corporali proximo illata.* 73

De his, qui peccant peccato homicidii, vel reducto ad homicidium, causando directe vel percussionem, vel mutilationem, vel occisionem corporalem. *ibid.*

Confectaria hujus Doctrinæ. 74

De his, qui peccant peccato homicidii, vel reducto ad homicidium, causando indirecte vel percussionem, nem,



# INDEX

nem, vel mutilationem, vel occisionem corporalem.	76
Confectaria hujus Doctrinæ.	77
<i>Caput III. De occisione sui ipsius, tum positiva, tum negativa.</i>	81
An licita sit directa sui ipsius occisio, vel proprii membri mutilatio.	<i>ibid.</i>
Confectaria hujus Doctrinæ.	82
De indirecta occisione sui ipsius, & proprii membri mutilatione.	84
Confectaria hujus Doctrinæ.	85
Quandonam ex præcepto permittenda est sui ipsius occisio?	87
Confectaria hujus Doctrinæ.	88
Quandonam ex præcepto tenemur mutilationem in nobis permittere?	89
Confectaria hujus Doctrinæ.	<i>ibid.</i>
<i>Caput IV. De occisione, mutilatione, &amp; percussione factis autoritate publica.</i>	90
De occisione facta expresso Dei jussu.	<i>ibid.</i>
De occisione facta autoritate judicis.	91
Confectaria hujus Doctrinæ.	<i>ibid.</i>
<i>Caput V. De percussione, mutilatione, &amp; occisione factis autoritate privata.</i>	94
An & quando liceat privata autoritate pro defendenda vita iniquum aggressorem occidere?	<i>ibid.</i>
Confectaria hujus Doctrinæ.	96
An & quando liceat privata autoritate pro defendendis bonis fortunæ iniquum aggressorem occidere?	101
Confectaria hujus Doctrinæ.	<i>ibid.</i>
An & quando liceat privata autoritate pro defendendo honore iniquum aggressorem occidere?	106
Confectaria hujus Doctrinæ.	108
<i>Caput VI. De duello.</i>	<i>ibid.</i>
Quid	



*Tractatum & Caputum.*

Quid sit, & an licitum sit duellum?	<i>Ibid.</i>
Confectaria hujus Doctrinæ.	109
<i>Caput VII. De Bello.</i>	110
Quid sit, & an licitum sit bellum?	<i>ibid.</i>
Confectaria hujus Doctrinæ.	111
Quæ causæ requirantur in eo, qui bellum indicit?	112
Confectaria hujus Doctrinæ.	113
Quæ requirantur, ut bellum sit licitum?	114
Confectaria hujus Doctrinæ.	<i>ibid.</i>
<i>Caput VIII. De Scandalo.</i>	117
Quid & quotuplex sit scandalum?	<i>ibid.</i>
Quale peccatum sit scandalum, & quibus in casibus interveniat scandalum?	118
Confectaria hujus Doctrinæ.	<i>ibid.</i>
An res præcepta sit omittenda propter scandalum passivum proximi?	124
Confectaria hujus Doctrinæ.	125
Quæ omittenda sunt ad vitandum scandalum pusillorum?	127
Confectaria hujus Doctrinæ.	<i>ibid.</i>
Quæ omittenda sunt ad vitandum scandalum etiam malignorum?	129
Confectaria hujus Doctrinæ.	130
De his, qui videntur esse scandalo, & non sunt; qui videntur cooperari peccato, & non cooperantur.	131
Confectaria hujus Doctrinæ.	132

*TRACTATUS XIII.*

*De sexto & nono Præcepto.*

<i>Caput I. De quibusdam præambulis necessario pertrahendis, antequam agatur de vitio luxuriæ.</i>	138
Quam grave peccatum sit luxuria?	<i>ibid.</i>
Quæ poenæ contra luxuriam a Deo destinantur?	139

# INDEX

Pœnæ temporales contra luxuriam.	<i>ibid.</i>
Pœnæ i, rituales contra luxuriam.	140
Pœnæ æternæ contra luxuriam.	141
<i>Caput II. Quid sit luxuria, &amp; quotuplex ejus species?</i>	<i>ibid.</i>
De natura luxuriæ.	<i>ibid.</i>
De variis speciebus luxuriæ secundum naturam.	142
De variis speciebus luxuriæ contra naturam.	143
De permixtione diversarum specierum luxuriæ.	144
De divertis actibus imperfectis luxuriæ.	145
<i>Caput III. Quod &amp; quale peccatum sit luxuries in genere, &amp; quælibet species luxurie?</i>	<i>ibid.</i>
An actus venereus sit licitus in legitimo matrimonio; & quale peccatum sit extra legitimum matrimonium?	<i>ibid.</i>
Confectaria hujus Doctrinæ.	148
De fornicatione.	<i>ibid.</i>
Confectaria hujus Doctrinæ.	149
De stupro.	150
Confectaria hujus Doctrinæ.	<i>ibid.</i>
De adulterio.	151
Confectaria hujus Doctrinæ.	152
De Sacrilegio.	153
Confectaria hujus Doctrinæ.	154
De incestu.	156
Confectaria hujus Doctrinæ.	<i>ibid.</i>
De raptu.	157
Confectaria hujus Doctrinæ.	158
<i>Caput IV. De speciebus luxuriæ contra naturam.</i>	159
An & quale peccatum sit actus luxuriosus contra naturam?	<i>ibid.</i>
Confectaria hujus Doctrinæ.	<i>ibid.</i>

# *Tractatum & Caputum.*

De mollitie.	160
Confectaria hujus Doctrinæ.	<i>ibid.</i>
De Sodomia imperfecta.	163
Confectaria hujus Doctrinæ.	<i>ibid.</i>
De Sodomia perfecta.	<i>ibid.</i>
Confectaria hujus Doctrinæ.	164
Caput V. De actibus imperfectis luxuriæ.	<i>ibid.</i>
An peccatum sit & quale actus imperfectus luxuriæ?	<i>ibid.</i>
Confectaria hujus Doctrinæ.	165
De visu libidinoso.	<i>ibid.</i>
Confectaria hujus Doctrinæ.	166
De verbis obscænis.	167
Confectaria hujus Doctrinæ.	168
De tactibus & osculis libidinosi.	169
Confectaria hujus Doctrinæ.	<i>ibid.</i>
Caput VI. De variis fomentis lasciviæ.	171
De comædiis & choreis.	<i>ibid.</i>
Confectaria hujus Doctrinæ.	176
Caput VII. De usu matrimonii.	177
De his, quæ in usu matrimonii nullatenus sunt peccata.	<i>ibid.</i>
Confectaria hujus Doctrinæ.	178
De his, quæ inter conjugatos sunt peccata tantum venialia.	<i>ibid.</i>
Confectaria hujus Doctrinæ.	179
De his, quæ inter conjugatos sunt peccata mortalia.	180
Confectaria hujus Doctrinæ.	<i>ibid.</i>
De his, quæ inter conjugatos habentur a quibusdam ut peccata mortalia, ab aliis ut venialia.	182
Explicatur sigillatim quæ peccata committi soleant in usu matrimonii.	183
De fine actus conjugalis, qui est generatio prolis.	184



## I N D E X

Confectaria hujus Doctrinæ.	<i>Ibid.</i>
De modo concumbendi ordinario.	<i>ibid.</i>
Confectaria hujus Doctrinæ.	185
De damno inferendo vel proli jam conceptæ & non- dum natæ, vel proli jam natæ, vel conjugatis.	186
Confectaria hujus Doctrinæ.	187
De debito conjugali reddendo.	188
Confectaria hujus Doctrinæ.	<i>ibid.</i>
De mutua conjugatorum obligatione cohabitandi si- mul.	192
Confectaria hujus Doctrinæ.	193
De loco, in quo debitum conjugale reddendum est.	<i>ibid.</i>
Confectaria hujus Doctrinæ.	<i>ibid.</i>
De tempore, quo debet reddi debitum conjugale.	194
Confectarium hujus Doctrinæ.	<i>ibid.</i>
De obligatione servandi votum in usu matrimonii.	195
Confectaria hujus Doctrinæ.	<i>ibid.</i>
Quibus remediis possint conjugati vitare peccata, quæ committunt solent in usu matrimonii?	198
<i>Caput VIII. De excessu tum in cibo, tum in potu.</i>	199
An licitus, vel illicitus sit cibi & potus usus?	<i>ibid.</i>
Confectaria hujus Doctrinæ.	200
Quandonam illicitus sit cibi & potus usus, sive priva- tim, sive cum aliis?	201
Confectaria hujus Doctrinæ.	202
Quandonam licitus, vel illicitus sit conviviorum usus?	206
<i>De septimo Decalogi Præcepto, Proæmium.</i>	207

### TRACTATUS XIV.

#### De rerum dominio.

<i>Caput I. Quid &amp; quotuplex sit justitia, jus, &amp; domi- nium &amp; possessio.</i>	<i>ibid.</i>
Quid & quotuplex sit justitia?	<i>ibid.</i>
Quid	

*Tractatum & Caputum.*

Quid & quotuplex sit jus?	209
Quid & quotuplex jurisdictio?	<i>ibid.</i>
Quid & quotuplex proprietas?	210
Quid & quotuplex dominium?	211
Quid & quotuplex possessio?	212

*Caput II. De his, quibus competat rerum dominium.*  
214

Deus habet omnium rerum creatarum sive corporearum, sive incorporearum absolutissimum & perfectissimum dominium. *ibid.*

Confectaria hujus Doctrinæ. *ibid.*

Angeli tum boni, tum mali, nullum dominium habent proprie circa creaturas corporeas, vel circa homines. 215

Confectaria hujus Doctrinæ. 216

Homo etiam privatus, hoc ipso quod est rationalis & sui compos habet jus acquirendi dominium rerum exteriorum corporearum, & de iis pro libito disponendi, nisi aliunde a legibus prohibeatur. *ibid.*

Confectaria hujus Doctrinæ. 217

Homo non potest licite res acquirere, nec de eis disponere, nisi juxta legitimam legum, quibus subest, determinationem. 218

Confectaria hujus Doctrinæ. 219

Respublica & Reges altum habent dominium supra bona temporalia subditorum, quo possunt de his disponere, prout exigit vel utilitas publica, vel poena criminibus debita, vel tranquillitas civium, vel fidei publicæ conservatio. 221

Confectaria hujus Doctrinæ. 222

Quid lex absoluta, & quid lex conditionata? 224

Leges, quibus Respublica imponit tributa ad sustinendum Reipubl. statum, vel infligit poenas ad punienda delicta, sunt conditionatæ, seu fundatæ in præsumptione. *ibid.*

Leges,

## I N D E X

- Leges, quibus Respublica statuit rerum divisionem, usufruptiones, & præscriptiones, sunt absolutæ, ligantque in conscientia. 225
- Confectaria hujus Doctrinæ. *ibid.*
- Leges, quibus Respublica ad vitandas fraudes, dolosque præcavendos, reddit personas inhabiles ad contrahendum, sunt absolutæ, obligantes in conscientia, redduntque irritos omnes solemnes contractus. 226
- Confectaria hujus Doctrinæ. 227
- Leges, quibus Respublica ad vitandas fraudes dolosque præcavendos, apponit certas solemnitates obligationibus & contractibus, videntur esse absolutæ & obligare in conscientia. *ibid.*
- Confectaria hujus Doctrinæ. 228
- Leges supradictæ non eximunt contrahentes ab obligatione naturali, si quam inierint vel in ipso contractu civiliter invalido, vel ante, aut post contractum civiliter invalidum. *ibid.*
- Caput III. De acquirendo & transferendo rerum dominio. 229
- Attendendo jus naturale confirmatum per jus civile & divinum, illicita & nulla est ea, quæ per dolum & fraudem fit bonorum temporalium vel traditio, vel acquisitio. 230
- Confectaria hujus Doctrinæ. *ibid.*
- Attendendo ad Jus civile confirmatum per Jus Canonicum, nulla est bonorum temporalium sollemnis traditio & acquisitio, quæ fit etiam absque fraude & dolo, si careat solemnitatibus a Jure civili requisitis. 232
- Quando fit alicujus rei traditio non sollemnis, si fiat sine dolo & fraude, qui accepit, potest rem traditam retinere quamdiu a judice non exturbabitur. 233
- Confectaria hujus Doctrinæ. 234
- Qui bona fide possidet aliquid, quod ei obvenit per contractum solo Jure civili invalidum, si a nullo compellatur coram judice, potest licite illud retinere; sed



*Tractatum Et Capitem.*

- sed si compellatur, tenetur fateri veritatem, & subire sententiam iudicis. 235
- Confectaria hujus Doctrinæ. 236
- Quid occupatio? Quid accessio? 237
- Occupatio & accessio cum debitis conditionibus sunt sufficiens titulus acquirendi res, nedum coram hominibus, sed etiam coram Deo. *ibid.*
- Confectaria hujus Doctrinæ. *ibid.*
- Variæ species accessionum. 239
- Res inventas debemus intueri, non quasi nostras, sed quasi alienas. 241
- Quando res inventa ad nullum pertinet, inventor debet de ea disponere juxta leges Reipublicæ, cujus est membrum. 242
- Confectaria hujus Doctrinæ. 243
- Quid usucapio? Quid præscriptio? 245
- Usucapio & præscriptio cum debitis circumstantiis sunt verus titulus & sufficiens acquirendi res, nedum coram hominibus, sed etiam coram Deo. 246
- Ad legitimam præscriptionem requiritur pura fides, hoc est, credulitas, qua quis sibi prudenter persuadeat eam rem, quam accipit, aut possidet, esse suam. 247
- Confectaria hujus Doctrinæ. *ibid.*
- Ad legitimam præscriptionem requiritur justus titulus, hoc est, justa causa possidendi quod nostrum non est. 248
- Confectaria hujus Doctrinæ. 249
- Ad legitimam præscriptionem requiritur, quod res, quæ præscribitur, capax sit præscriptionis. *ibid.*
- Confectaria hujus Doctrinæ. *ibid.*
- Ad legitimam præscriptionem requiritur tempus a lege definitum. 250
- Diversæ præscriptionum species. *ibid.*
- Ad præscriptionem requiritur possessio continuata. 251
- Confectaria hujus Doctrinæ. *ibid.*

# I N D E X

## TRACTATUS XV.

<i>De variis pactis &amp; contractibus, quibus voluntarie transfertur rerum dominium.</i>	252
<i>Caput Præliminare. De pactis, obligationibus, contractibus, &amp; actionibus.</i>	253
<i>Quid &amp; quotuplex sit pactum?</i>	<i>ibid.</i>
<i>Quid &amp; quotuplex sit obligatio?</i>	254
<i>Quid &amp; quotuplex sit contractus?</i>	255
<i>Quid &amp; quotuplex actio?</i>	259
<i>Caput II. De his, quæ requiruntur &amp; sufficiunt, ut Pacta &amp; Contractus valeant tam jure naturali, quam civili.</i>	260
<i>Ut contractus jure naturali sit validus, inducatque obligationem in foro conscientiæ, sufficit, quod contrahentes libere agant, &amp; consensu reciproco obligentur.</i>	261
<i>Confectaria hujus Doctrinæ.</i>	262
<i>Ut contractus solo Jure naturæ sit validus, res, circa quas sit contractus, debent esse 1.) in commercio hominum 2.) in potestate contrahentium 3.) debent ad rigidam æqualitatem reduci.</i>	270
<i>Confectaria hujus Doctrinæ.</i>	271
<i>Ut Contractus Jure naturali sit validus, requiritur, quod uterque contrahentium nullas ei apponat conditiones legi naturali repugnantes.</i>	275
<i>Confectaria hujus Doctrinæ.</i>	<i>ibid.</i>
<i>Contractus Jure naturæ invalidi &amp; nulli, numquam possunt fieri validi per Jus positivum civile.</i>	278
<i>Confectaria hujus Doctrinæ.</i>	279
<i>Contractus Jure naturali validi declarantur aliquando invalidi per Jus civile positivum.</i>	281
<i>Confectaria hujus Doctrinæ.</i>	<i>ibid.</i>
<i>Lex civilis, qua contractus Jure naturæ validi declarantur invalidi, obligat in conscientia.</i>	282
<i>Confectarium unicum.</i>	284
	Jus

*Traſtatum Eſ Capitem.*

Jus civile non irritat, ſed in ſuo robore naturali relinquit omnes contractus minus ſolemnes, abſque metu, dolo, & fraude initos. *ibid.*

Conſectaria hujus Doctrinæ. *ibid.*

Contractus initi ex metu gravi & injuſte incuſſo jure civili ſunt irriti, vel irritandi. 285

Conſectaria hujus Doctrinæ. 286

Quinam contractus ex metu injuſte incuſſo initi, ſint irriti ipſo facto? 287

Quoties contrahentes metu vel dolo decepti ſunt, aut præſumuntur decepti, toties per Jus civile reſcinduntur contractus. 288

Conſectaria hujus Doctrinæ. *ibid.*

Contractus cum ſolemniori apparatu fieri ſoliti, jure civili declarantur invalidi, ſi careant ſolemnitatibus per legem civilem requiſitis. 290

Conſectaria hujus Doctrinæ. 291

*Caput III. Quinam obligationem in foro conſcientiæ contractus inducant?* 293

Contractus ultro citroque acceptatus & completus vim habet legis, & obligat in conſcientia. *ibid.*

Conſectaria hujus Doctrinæ. 294

Contrahentes nedum ſe obligant ad id, quod expreſſe conventum eſt, ſed etiam ad id, quod neceſſario connexum eſt cum conventione. 298

Conſectaria hujus Doctrinæ. 299

Toties reſcindi poteſt contractus, etiamſi validus, quoties, ſi diutius perſeveraret; non ſervaretur rationalis intentio contrahentium. 300

Conſectaria hujus Doctrinæ. *ibid.*

Forma ſervanda in reſcindendis contractibus. 302

*Caput IV. De obligatione per promiſſionem inducſta.* *ibid.*

Quid & quotuplex promiſſio? *ibid.*



## I N D E X

- Promissio data & acceptata, vera & non simulata, facta spontanee & deliberate cum animo obligandi se, ligat promittentem in conscientia. 303
- Promissio simplex data & acceptata, etsi non iuramento firmata, modo serio facta sit, videtur obligare sub mortali, nisi indeliberatio, & parvitas materiae contrarium suadeat. 304
- Confectaria hujus Doctrinae. 305
- Promissio non ligat coram Deo, quoties facta est contra legem naturalem, immo contra legem positivam, quæ directe respicit bonum commune; ligat vero, si sit contra legem positivam, quæ respicit tantum bonum privatum, nisi esset periculum, vel damnum tertii. 306
- Confectaria hujus Doctrinae. 307
- Caput V. De Contractibus in particulari, & primo de Contractibus, quibus transfertur rerum dominium. 309
- Quid venditio & emptio? *ibid.*
- Quid pretium & quotuplex? 310
- Vendentes proprio nomine debent actu habere dominium vel possessionem rei, quæ venditur, & debent posse acquirere dominium vel possessionem pretii, quod rependitur. *ibid.*
- Confectaria hujus Doctrinae. 311
- Ea solum emi & vendi possunt, quæ juxta leges acquiri possunt; alia vero nec emi, nec vendi possunt. 313
- Confectaria hujus Doctrinae. 314
- Res emi vel vendi possunt absolute, vel conditionate, vel in perpetuum, vel ad certum tempus, vel conjunctim, vel disjunctim, modo inter contrahentes conveniat. 315
- Confectaria hujus Doctrinae. *ibid.*
- Pretia rerum non secundum ipsarum naturam aestimanda sunt, sed quatenus veniunt in usum humanos, & quatenus aestimantur in foro publico. 317
- Confectaria hujus Doctrinae. *ibid.*
- Peccat

*Tractatum E<sup>3</sup> Capitum.*

Peccat & ad restitutionem tenetur, qui sine causa pretio æstimabili rem pluris iusto pretio vendit; non vero qui hoc facit cum causa pretio æstimabili, v. g. ob lucrum cessans, vel damnum emergens. 318

Confectaria hujus Doctrinæ. 319

In emptione & venditione contrahentes non debent se mutuis dolis decipere, sed mutuo commercio juvare. 321

Confectaria hujus Doctrinæ. 322

Emptor & venditor debent omnem omnino fraudem & dolum abjicere, & bona fide contrahere. 324

Confectaria hujus Doctrinæ. *ibid.*

Contractus emptionis & venditionis censetur perfectus, statim atque de pretio, reque tradenda inter partes convenierit; nisi aliter conventum sit, aut usus aliter statuat. 226

Confectaria hujus Doctrinæ. *ibid.*

Completo contractu emptionis & venditionis, contrahentes debent mutuo sibi promissa exequi. Qui pacto non steterit; peccat, & tenetur ad restitutionem. 327

Confectaria hujus Doctrinæ. *ibid.*

Toties rescindi potest venditio, quoties facta fuerit non servatis conditionibus contractus, & si non rescinderetur, non servaretur intentio rationalis emptoris & venditoris. 330

Confectaria hujus Doctrinæ. *ibid.*

Quid Jus retractus? 332

Jure retractus potest res vendita retrahi e manu emptoris, invito emptore & venditore. *ibid.*

Confectaria hujus Doctrinæ. *ibid.*

Quid Jus evictionis? 333

Jure evictionis legitimus dominus rei potest rem suam ab alio venditam e manu emptoris judicis autoritate retrahere. *ibid.*

Confectaria hujus Doctrinæ. 334

## I N D E X

- Quid permutatio? *ibid.*
- Eadem requiruntur conditiones in permutatione, quæ in venditione, his exceptis, quæ distinguunt permutationem ab emptione & venditione. *ibid.*
- Confectaria hujus Doctrinæ. 335
- Quid cambium monetarum, & quotuplex campfor? *ibid.*
- Toties cambium est licitum, quoties diversæ monetæ cambio expositæ reducuntur ad æqualitatem, quoties campforis cura justo pretio compensatur, & lucrum cessans aut damnum emergens reparatur. 336
- Confectaria hujus Doctrinæ. *ibid.*
- Caput VI. De Contractibus, in quibus non transfertur dominium rei, sed tantum ususfructus.* 338
- Quid Emphyteusis & feudum? *ibid.*
- Dominus conservat tantum dominium directum, & potest solum exigere pensionem ab Emphyteuta, fidelitatem vero vel obsequium a feudatario. Emphyteuta vero vel feudatarius acquirit solum dominium utile, & tenetur solvere, vel pensionem, vel obsequium personale. 339
- Confectaria hujus Doctrinæ. *ibid.*
- Caput VII. De Contractibus, quibus transfertur solus usus rei.* 341
- Quid locatio? quid conductio? *ibid.*
- Eadem requiruntur conditiones in locatione & conductioe, quæ in emptione & venditione, his exceptis, quæ emptionem & venditionem a locatione & conductioe distinguunt. *ibid.*
- Confectaria hujus Doctrinæ. 342
- Conductôr non potest uti re conductâ, nisi juxta vel pactum, vel consuetudinem: & si ea abutatur, tenetur reparare damnum culpa sua vel dolo proveniens; si vero ea non abutatur non tenetur reparare damnum casu eveniens. 344
- Confectaria hujus Doctrinæ. *ibid.*
- Loca-



*Tractatum Et Capitum.*

Locator tenetur efficere, quantum in se est, ut conductor pacifice & commode juxta pactionem re conducta fruatur; si hanc curam omittat sine causa, tenetur damnum reparare.

345

Confectaria hujus Doctrinæ.

*ibid.*

Qui locat suas operas, tenetur opus susceptum juxta regulas artis perficere; si non faciat, tenetur damnum ex ignorantia sua, vel negligentia, vel dolo proveniens reparare.

346

Confectaria hujus Doctrinæ.

*ibid.*

Artifex non tenetur ea damna reparare, quorum nullatenus est causa.

347

Confectaria hujus Doctrinæ.

*ibid.*

Quid commodatum? Quid precarium?

348

Eadem requiruntur conditiones in commodato & precario, quæ in donatione, iis exceptis, quæ distinguunt donationem a commodato & precario.

*ibid.*

Confectaria hujus Doctrinæ.

*ibid.*

Quid mandatum?

349

Eadem requiruntur conditiones in mandato, quæ in locatione operarum, cum hoc solo discrimine, quod locatio non est gratuita, mandatum vero debet esse gratuitum.

350

Confectaria hujus Doctrinæ.

*ibid.*

*Caput VIII. De Contractibus, quibus sola res traditur vel custodienda, vel pro securitate.*

352

Quid & quotuplex depositum?

*ibid.*

Depositarius debet semper rem depositam quasi suam inspicere, ut eam custodiat, & quasi non suam, ne eam contrectet contra deponentis voluntatem.

*ibid.*

Confectaria hujus Doctrinæ.

*ibid.*

Quid sequestratio?

353

Quid hypotheca? Quid pignus?

354

Traditio & acceptio pignoris & hypothecæ easdem requirunt conditiones, quas venditio & emptio, his excep-

## I N D E X

- exceptis, quæ venditionem & emptionem ab actione  
pignoratitia distinguunt. *ibid.*
- Confectaria hujus Doctrinæ. *ibid.*
- Duplex est hypotheca & oppignoratio: legalis, &  
conventionalis. 357
- Confectaria hujus Doctrinæ. *ibid.*
- Illicita est hypotheca vel oppignoratio, quoties credi-  
tor, præter securitatem summæ mutuo traditæ, ali-  
quid aliud exigit a debitore. 359
- Confectaria hujus Doctrinæ. *ibid.*
- Quid fidejussio? 363
- Eadem requiruntur conditiones in fidejussore, quæ in  
principali contrahente. *ibid.*
- Confectaria hujus Doctrinæ. *ibid.*
- Caput IX. De Contractibus, quibus intervenit ali-  
quod periculum, seu aliqua fors circa eas res, quæ  
sunt materia contractus. 365
- Quid & quotuplex ludus? *ibid.*
- Ludus mixtus, in quo ludentes inter se paciscuntur,  
ut victori cedat quod uterque deposuit, est licitus,  
modo aliunde nulla prava circumstantia vitietur, &  
ludus ille non omnino dependeat a casu & fortuna,  
sed magis pendeat ex industria, quam ex casu. 366
- Confectaria hujus Doctrinæ. *ibid.*
- Ludus lucrativus, in quo vel sola intervenit fors, vel  
fors insigniter industriæ prævalet, est omnibus Chri-  
stianis illicitus, præcipue quando in eo exponitur in-  
gens pecuniæ summa. 370
- Confectaria hujus Doctrinæ. *ibid.*
- Qui aleam ludo ex professo incumbit, a fortiori qui  
quibuscumque aleatoribus domos suas ad ludendum  
locant, sunt in statu peccati mortalis, & absolvi  
non debent, nisi prius resipuerint. 371
- Confectaria hujus Doctrinæ. 373
- Quid loteria? *ibid.*

### *Tractatum Et Caputum.*

Loteria non est de se illicita, sed potest fieri illicita ex circumstantiis. *ibid.*

Quid affecuratio? 375

Contractus affecurationis certo pretio initus, eandem requirit conditiones, quas emptio & venditio. *ibid.*

Confectaria hujus Doctrinæ. *ibid.*

Quid sponsio? 376

Eadem requiruntur conditiones in sponsione, quæ in donatione conditionali. *ibid.*

Confectaria hujus Doctrinæ. *ibid.*

Quid & quotuplex societas? 377

Contractus societatis non est de se illicitus. 378

Ut contractus societatis sit licitus debet fieri

- 1) inter personas habiles ad societatem.
- 2) Debet esse de rebus aptis ad societatem.
- 3) Debet servari æqualitas vel absoluta, vel proportionalis.
- 4) Capitale utriusque debet esse periculo obnoxium.

*ibid.*

Confectaria hujus Doctrinæ. *ibid.*

Contractus societatis est illicitus, quoties non servatur æqualitas inter ea, quæ utrinque præstantur. 380

Confectaria hujus Doctrinæ. 381

Ut distributio damni vel lucri ad justam æqualitatem redigatur, debet fieri cumulus cujuscunque fortis, & assignari cuilibet deponenti tantum lucrum & tantum damnum, quantum exigit fors deposita. 382

Confectaria hujus Doctrinæ. *ibid.*

Contractui societatis non potest adjungi alius, qui leges societatis destruat; ideo illicitus est contractus, in quo primo initur societas; secundo securum redditur capitale unius socii ab altero socio; & tertio venditur lucrum incertum expectatum pro certo etiam si minori. 383

Confectaria hujus Doctrinæ. 385



## I N D E X

- Contractus societatis potest uniri cum aliis contractibus, modo illi contractus leges veræ societatis non destruant. 387
- Confectaria hujus Doctrinæ. *ibid.*
- Statutis pactis legibus societatis consentaneis, & statuta æqualitate rerum, quilibet socius debet inspicere fundum societatis quasi rem suam, ut eam conservet & adaugeat, & quasi rem alienam, ut nihil sibi inde appropriet: qui secus egerit, peccat; & si damnum afferat, tenetur ad restitutionem. 389
- Confectaria hujus Doctrinæ. 390
- Vir non habet proprietatem bonorum dotialium, sed usumfructum & eorum tutelam. 393
- Confectaria hujus Doctrinæ. *ibid.*
- Caput X. De mutuo & usura. 397
- Quid mutuum? *ibid.*
- Quid & quotuplex usura? 398
- Usura est peccatum contra justitiam: ita docet Scriptura, monent Concilia, ratio naturalis dicat, Jus Civile & Gallicum ostendunt. *ibid.*
- Toties mutuans potest aliquid supra sortem exigere a mutuatario, quoties ratione mutui perit aliquid mutuanti de bonis, quæ actu habebat, vel quæ probabiliter acquisiturus erat. 403
- Confectaria hujus Doctrinæ. 404
- Quando quantitas lucri cessantis & damni emergentis est certa, tantum præcise potest recipi supra sortem, quantum est damnum emergens & lucrum cessans; quando vero est incerta hæc quantitas, tantum potest recipi, quantum determinat Jus civile. 405
- Qui sine pacto exteriori optat recipere aliquid supra sortem ex vi mutui, est usurarius mentaliter. 407
- Confectaria hujus Doctrinæ. *ibid.*
- Usuram committit in aliquo realem, qui de facto dat aliquid mutuo, ea intentione, ut sibi aliquid pretio æstimabile rependatur ex vi mutui, quamvis non exprimat suam mentem exterius. 408
- Usuram

### *Tractatum & Capitem.*

- Usuram exteriorem & apertam committunt, quicumque  
paciscuntur sibi dari aliquid pretio æstimabile ex vi  
mutui. *ibid.*
- Confectaria hujus Doctrinæ. *ibid.*
- Usura palliata committitur, quoties mutuans & mutua-  
tarius varios incunt contractus, quibus capitale sal-  
vum servatur, & interesse percipitur. 412
- Confectaria hujus Doctrinæ. *ibid.*
- Quando in mutuo suscipitur ex pacto aliquid supra for-  
tem, toties debet intervenire vel damnum emergens,  
vel lucrum cessans, vel saltem aliquis novus contra-  
ctus, qui non destruat naturam gratuiti mutui. 417
- Confectaria hujus Doctrinæ, in quibus explicantur  
singulæ voces hujus distici.
- Feuda, Fidejussor, Pro dote, Stipendia Cleri: Spon-  
te datum, Sors indemnis, Conventio pænæ.* 418
- Falsus est omnis titulus sumendi interesse, nisi interve-  
niat vel lucrum cessans, vel damnum emergens. 421
- Confectaria hujus Doctrinæ, in quibus explicantur  
varii tituli sumendi interesse excogitati a quibusdam  
Authoribus. *ibid.*
- Ut committatur usura, debet intervenire contractus vel  
explicitus, vel implicitus mutui, & ex mutuo debet  
immediate percipi res pretio æstimabilis. 424
- Confectaria hujus Doctrinæ. 425
- Quid & quotuplex census? *ibid.*
- Census annuus potest absque vitio usuræ emi & vendi,  
modo observentur certæ conditiones. 426
- Quando statuitur pensio annua, eædem requiruntur  
conditiones, quæ in emptione & venditione. 427
- Confectaria hujus Doctrinæ. *ibid.*
- Quid mons pietatis? 429
- Montes pietatis sunt liciti, modo fiant cum conditio-  
nibus requisitis. *ibid.*
- Confectaria hujus Doctrinæ. *ibid.*
- Ut mutuum sit validum, 1. Mutuator debet habere rei,  
quam mutuo dat, dominium & administrationem, &  
mutuarius debet posse illud recipere. 2) Res  
mutuo data & acceptata debet esse consumptibilis.  
3. Mutui datio & acceptatio nihil debet habere legi-  
bus contrarium. 430

# INDEX

Confectaria hujus Doctrinæ.	<i>ibid.</i>
Quid Senatus Consultum Macedonianum, & in quibus casibus cesset?	432
Quæ poenæ destinantur usurariis?	433
Caput XI. De quasi Contractibus.	434
Quid & quotuplex quasi contractus?	435
Quid tutor & curator?	<i>ibid.</i>
Necessitas publica postulat, ut stabiliantur tutores & curatores.	436
Qui se suaque defendere non possunt, indigent tutela; & qui bona sua administrare non possunt, indigent curatela.	<i>ibid.</i>
Confectaria hujus Doctrinæ.	437
Hi solum Tutores & Curatores institui debent, qui supra dicta exercere valent.	438
Confectaria hujus Doctrinæ.	<i>ibid.</i>
Tutores debent necessaria tum corpori tum animæ pupillo ex ejus bonis providere.	440
Confectaria hujus Doctrinæ.	<i>ibid.</i>
Tutor & Curator ea tantum gerere possunt, quæ sunt pupillis & minoribus; minime ea quæ eis officiant.	<i>ibid.</i>
Confectaria hujus Doctrinæ.	441
Tutor & Curator si quid dolo vel culpa negligent, ad restitutionem tenentur; minime vero si casu detrimenti aliquid eveniat.	<i>ibid.</i>
Confectaria hujus Doctrinæ.	442
Tutor & Curator ita se gerere debent, ut nec sibi, nec pupillis, nec minoribus noceant, vel nocere præsumantur.	<i>ibid.</i>
Confectaria hujus Doctrinæ.	<i>ibid.</i>
Pupilli & minores debent Tutoribus & Curatoribus solvere quidquid juste pro illis impensum est.	443
Confectaria hujus Doctrinæ.	444
Negotiorum gestores, & hi quorum negotia geruntur, idem sibi mutuo debent, quæ curatores & minores.	<i>ibid.</i>
Confectaria hujus Doctrinæ.	<i>ibid.</i>
Qui invicem habent rerum communionem, ad eadem tenentur, ad quæ obligantur, qui societatem inierunt.	445
Con-	



*Tractatum & Caputum.*

Confectaria hujus Doctrinæ.	<i>ibid.</i>
Qui adit hæreditatem, eo ipso omnibus se obligat, quibus aliquid ex illa hæreditate debetur.	446
Confectaria hujus Doctrinæ.	<i>ibid.</i>
<i>Caput XII. De Donatione.</i>	447
Quid & quotuplex donatio?	<i>ibid.</i>
Ut donatio sit valida, quædam requiruntur conditiones ex parte donatoris, ex parte donatarii, ex parte rei donatæ, & ex parte modi donandi.	448
Confectaria hujus Doctrinæ.	449
Donatio revocari potest, quoties donator vel coacte, vel irrationabiliter censetur donasse.	453
Confectaria hujus Doctrinæ.	<i>ibid.</i>
<i>Caput XIII. De Testamentis &amp; Codicillis &amp; Le- gatis.</i>	457
Quid & quotuplex Testamentum, quid Codicillus, & quid Legatum?	<i>ibid.</i>
Eadem requiruntur conditiones in Testamento, quæ in donatione.	<i>ibid.</i>
Hi Testamentum valide facere possunt, qui domini sunt rerum suarum, & liberam habent earum dis- positionem.	458
Confectaria hujus Doctrinæ.	<i>ibid.</i>
Testamentum valide facere nequeunt, qui rerum sua- rum non habent dominium.	459
Confectaria hujus Doctrinæ.	<i>ibid.</i>
Testamentum facere nequeunt, qui non habent plenum usum libertatis, neque liberam bonorum suorum dispositionem.	460
Confectaria hujus Doctrinæ.	461
Ut Testamentum sit validum, qui hæres instituitur, debet posse recipere rerum dominium.	462
Confectaria hujus Doctrinæ.	<i>ibid.</i>
Illi hæredes institui non possunt, qui non possunt acqui- rere bonorum temporalium dominium.	464
Confectaria hujus Doctrinæ.	<i>ibid.</i>
Ut Testamentum sit validum, requiritur certus nume- rus testium, & certæ dotes in testibus.	465
Confectaria hujus Doctrinæ.	466

## I N D E X

Ut Testamentum sit validum ex parte formæ, plures requiruntur conditiones.	467
Confectaria hujus Doctrinæ.	<i>ibid.</i>
Testamentum est nullum, si prætereatur hæres, qui juxta leges præteriri non poterat, nisi reddatur causa hujus præteritionis.	468
Confectaria hujus Doctrinæ.	469
Testamentum quibuscumque solemnitatibus munitum potest ad libitum testatoris revocari.	470
Confectaria hujus Doctrinæ.	471
<i>Caput XIV. De hæreditatibus, quæ ab intestato de- feruntur.</i>	472
Qui intestatus, & quot, & qui possint ejus bonis suc- cedere?	<i>ibid.</i>
Qui & quot descendentes?	<i>ibid.</i>
Qui & quot ascendentes?	473
Qui & quot collaterales?	<i>ibid.</i>
Quid sit in stirpes & in capita succedere?	474
In quot partes soleat dividi hæreditas?	<i>ibid.</i>
Quo ordine succedant descendentes?	475
Quo ordine succedant ascendentes?	476
Quo ordine succedant collaterales?	<i>ibid.</i>
Quo ordine succedat maritus, & uxor, & fiscus?	<i>ibid.</i>
Formula Testamenti publici a Parocho aut ejus Vicario conscribendi.	477
Formula Testamenti clausi.	479

## TRACTATUS XVI.

<i>De variis speciebus injustæ acceptionis, vel detentionis boni alieni.</i>	481
<i>Caput I. De furto.</i>	<i>ibid.</i>
Quid furtum, & quæ ejus species?	<i>ibid.</i>
Furtum est peccatum ex suo genere mortale.	<i>ibid.</i>
Confectaria hujus Doctrinæ.	482
De furtis commissis ab extraneis.	483
De furtis uxorum erga maritos, & maritorum erga uxores.	484
De furtis filiorum familias erga patres, & patrum erga filios.	485
De	<i>De</i>

### Tractatum Et Capitulum.

De furtis dominorum erga servos, & servorum erga dominos.	<i>ibid.</i>
Furti reus haberi non potest, qui rem exteriorem accipit iis in casibus, in quibus jus naturale vel positivum illud permittunt.	486
Confectaria hujus Doctrinæ.	487
Quid rapina?	489
Peccant mortaliter, qui per rapinam auferunt bonum alienum & longe gravius quam per furtum.	490
Confectaria hujus Doctrinæ.	<i>ibid.</i>
Quid furtum sacrilegum?	494
Furtum sacrilegum est peccatum mortale longe gravius, quam furtum vel rapina.	<i>ibid.</i>
Confectaria hujus Doctrinæ.	<i>ibid.</i>

### TRACTATUS XVII.

De Restitutione.	495
Caput I. Quæ requirantur, ut quis teneatur ad restitutionem, vel ut ab ea dispensetur?	496
Quid & quotuplex restitutio?	<i>ibid.</i>
De bonis variis, quæ homo possidet.	<i>ibid.</i>
De variis modis, quibus nocemus proximo.	497
De multiplici culpa tam civili quam Theologica, quæ possumus nocere proximo.	498
Restitutio locum habet in bonis vel fortuna, vel corporis, vel honoris & famæ, vel pietatis & gratiæ.	499
Confectaria hujus Doctrinæ.	500
Caput II. De iis, qui absolute excusantur ab omni restitutione coram Deo, licet inferant damnum proximo.	501
Qui nocent proximo absque culpa Theologica, excusantur ab omni restitutione coram Deo; a fortiori, qui nocent exequendo munus suum.	<i>ibid.</i>
Confectaria hujus Doctrinæ.	502
Qui damnum afferunt proximo, peccantes mortaliter contra virtutem diversam a justitia commutativa, licet sint rei coram Deo, non tenentur ad restitutionem damni.	504
Confectaria hujus Doctrinæ.	505
Qui	



## I N D E X

- Qui violando justitiam commutativam nocent proximo per peccatum tantum veniale, obligantur ad restitutionem. 508
- Confectaria hujus Doctrinæ. 509
- Qui damnum intulit per peccatum tantum veniale, obligatur ad restitutionem sub mortali, si damnum refarciendum sit notabile; sub veniali si sit leve. 510
- Confectaria hujus Doctrinæ. *ibid.*
- Caput III. De his, qui ob culpam vel Theologicam, vel civilem obligantur ad restitutionem.* 511
- Quicumque peccat contra justitiam commutativam, si ve damnum inferat per actionem, si ve per omissionem, obligatur ad restitutionem. *ibid.*
- Confectaria hujus Doctrinæ. 512
- Cooperatores obligantur ad restitutionem, quando peccantes contra justitiam commutativam sunt causa efficax damni. Excusantur vero a restitutione, si non sint causa efficax damni, vel si non peccant contra justitiam commutativam. 521
- Confectaria hujus Doctrinæ. *ibid.*
- Culpa civilis, licet noxia proximo, si sit omnino involuntaria, & non deducta ad forum contentiosum, ad nullam coram Deo restitutionem obligat. Si sit voluntaria, licet non deducta ad judicem, obligat coram Deo ad æqualem compensationem damni illati etiam ante sententiam judicis. Si vero sit deducta ad forum contentiosum, si ve voluntaria, si ve involuntaria sit, post latam sententiam obligat ad æqualem compensationem damni illati, & ad pœnam inflictam a judice: ante latam sententiam ad solam compensationem, si sit voluntaria; ad nullam vero restitutionem, si sit omnino involuntaria. 526
- Confectaria hujus Doctrinæ. 527
- Qui contra jus nocet proximo vel per actionem, vel per omissionem, obligatur juxta jus civile 1) ad æqualem compensationem, 2) ad pœnam aliquam. 528
- Confectaria hujus Doctrinæ. 529
- Toties judex damnat eum, qui accusatur, ad integram restitutionem, & insuper ad aliquam pœnam, quo-

*Traſtatum & Capitem.*

quoties in eo præſumitur dolus vel culpa; ſecus,  
ſi abſit dolus, vel culpa. 532

Conſectaria hujus Doctrinæ. 533

In reſtitutione præſcribenda, quæ oritur ex violatione contractus, aut quaſi contractus, vel ex omiſſione officii gratuiti aut lucrativi, attendenda eſt natura illius contractus aut quaſi contractus, & natura illius officii, ut juxta illam, & juxta gravitatem culpæ penſetur reſtitutio. 534

Conſectaria hujus Doctrinæ. *ibid.*

*Caput IV. De his, qui poſt violatam juſtitiam commutativam, poſſunt tamen abſque peccato vel omnino omittere reſtitutionem, vel ad tempus differre.* 537

Illud excuſat abſolute a reſtitutione, vel dat locum eam juſte differendi, quod efficit, ut creditor nequeat exigere rem reſtituendam, niſi ſit irrationalis & iniquus exactor. *ibid.*

Conſectaria hujus Doctrinæ. 538

*Caput V. De materia reſtitutionis.* 543

Quoties fit reſtitutio, toties res ipſa ablata debet reſtitui, ſi poſſit, ſi non poſſit, debet reſtitui æquivalens. *ibid.*

Conſectaria hujus Doctrinæ. *ibid.*

*Caput VI. De quantitate reſtitutionis.* 545

De variis modis, quibus res aliena & acquiri & poſſideri poteſt. *ibid.*

Qui & quot poſſint eſſe fructus unius & ejusdem rei. 546

In foro interiori reſtitutio debet ſolum fieri ſecundum damnum illatum proximo; in foro exteriori debet fieri non ſolum ſecundum damnum illatum, ſed ſecundum mulctam legitime inſlictam a judice. *ibid.*

Conſectaria hujus Doctrinæ. *ibid.*

Ut reſtitutio fiat ad æqualitatem, & res ablata, & res reddenda, debent conſiderari in ſe, & in omnibus adjunctis. 547

Conſectaria hujus Doctrinæ. *ibid.*

## I N D E X

- Ut restitutio fiat ad æqualitatem, res ablata debet æstimari juxta detrimentum, quod latus passus est, non juxta utilitatem, quam lædens percepit. 549
- Confectaria hujus Doctrinæ. *ibid.*
- Ut restitutio reducatur ad æqualitatem, acceptor, & possessor malæ fidei tenetur & rem ipsam & fructus rei, nedum perceptos, sed etiam ex incuria neglectos, attamen a vero domino percipiendos restituere, demum omne lucrum cessans & damnum emergens reparare, sive possessor malæ fidei eo sit factus ditior, sive non, sive res ablata existant, sive non. 553
- Confectaria hujus Doctrinæ. 554
- Acceptor & possessor bonæ fidei non tenentur durante bona fide restituere rem alienam, neque fructus illius; sed cessante bona fide ante præscriptionis tempus tenentur & rem ipsam, quam habent, & totum illius rei, quod retinent, & id omne, in quo facti sunt ditiores, restituere. 556
- Confectaria hujus Doctrinæ. 557
- Possessor, qui fuit initio bonæ fidei, factus postea dubiæ fidei, tenetur diligenter inquirere, quisnam sit verus dominus rei; & eam ipsi reddere, hoc ipso quod ipsum noverit. 558
- Confectaria hujus Doctrinæ. *ibid.*
- Caput VII. Quo pacto debeat fieri restitutio. 560
- In restitutione res ablata debet ei restitui, qui ex ablatione vel detentione injusta damnum patitur. *ibid.*
- Confectaria hujus Doctrinæ. *ibid.*
- Quando debitor non potest omnibus & singulis creditoribus satisfacere, potest vero aliquibus, iste ordo servandus est. Illi prius debet fieri restitutio, qui intimius jus habet vel in re, vel ad rem. 566
- Confectaria hujus Doctrinæ. *ibid.*
- Quantum ad præparationem animi statim restitutio discernenda est; quantum ad executionem facienda est tempore congruo. 568
- Confectaria hujus Doctrinæ. 569
- Restitutio aut omitti aut saltem suspendi potest, quoties imprudenter facta noceret spiritualiter vel ei, cui fieret,



*Tractatum 3 Caputum.*

fieret, vel si; a quo fieret; sed quærenda sunt media, quibus neutri noceat. *ibid.*  
Confectaria hujus Doctrinæ. 570

**TRACTATUS XVIII.**

*De octavo Præcepto.*

*Caput I. De veritatis amore.* *ibid.*  
Quando oporteat veritatem occultare aut manifestare? *ibid.*

Confectaria hujus Doctrinæ. 573  
De equivocatione & restrictione mentali. 579  
Confectaria hujus Doctrinæ. 580

*Caput II. De mendacio.* 584  
An mendacium sit semper illicitum? *ibid.*  
Confectaria hujus Doctrinæ. 585  
Quandonam mendacium sit semper peccatum mortale? 588  
Quandonam mendacium sit peccatum veniale solum? 594

*Caput III. De fama & honore.* *ibid.*  
Quæ sit obligatio conservandi propriam famam? 595  
Confectaria hujus Doctrinæ. 596  
Quam stricte prohibeatur diffamare se ipsum? 598  
Confectaria hujus Doctrinæ. 599  
Quæ sit obligatio conservandi famam proximi? 600  
Quam stricte prohibeatur diffamare proximum? *ibid.*

*Caput IV. De diffamatione proximi apud nos interius facta per suspensiones, per dubia, & judicia temeraria.* 602

Quale peccatum sint suspensiones, dubia, & judicia temeraria facta contra probitatem proximi? *ibid.*  
Confectaria hujus Doctrinæ. *ibid.*  
De circumstantiis aggravantibus diffamationem interiore factam per suspensionem, dubium, & judicium injustum. 605  
De casibus, in quibus sine peccato possumus de proximo dubitare, suspicari, & judicare. 606  
Confectaria hujus Doctrinæ. 607

*Caput*

# INDEX Tractatum & Capitem.

<i>Caput V. De diffamatione exteriori per calumniam &amp; detractionem.</i>	608
Quale peccatum diffamatio exterior?	<i>ibid.</i>
De calumnia.	<i>ibid.</i>
Confectaria hujus Doctrinæ.	609
De Detractione.	610
Confectaria hujus Doctrinæ.	611
De circumstantiis, tum augmentibus, tum minuentibus diffamationem exteriorem proximi.	613
Confectaria hujus Doctrinæ.	<i>ibid.</i>
De casibus, in quibus sine peccato possumus peccatum proximi manifestare.	615
Confectaria hujus Doctrinæ.	616
<i>Caput VI. De honore proximis exhibendo.</i>	617
Quis honor debeat proximo?	<i>ibid.</i>
Confectaria hujus Doctrinæ.	618
De diminutione honoris, qui debetur proximo.	619
Confectaria hujus Doctrinæ.	620
De casibus, in quibus contumelia, convitium, impro- perium sunt absque peccato.	<i>ibid.</i>
Confectaria hujus Doctrinæ.	621
De cooperantibus diffamationi & contumeliæ.	622
Confectaria hujus Doctrinæ.	623





# TRACTATUS UNDECIMUS.

## DE QUARTO DECALOGY PRÆCEPTO.

### CAPUT I.

**Q**uisnam sit finis quarti Præcepti: quos respiciat: quæ merces observantibus illud præceptum destinetur: quæ vero pæna illius infractoribus reservetur.

### ARTICULUS I.

#### *De fine quarti Præcepti.*

Quartum præceptum Decalogi his verbis exprimitur: *Honora patrem tuum, & matrem tuam, ut sis longævus super terram, quam Dominus Deus tuus dabit tibi: Exod. 20. v. 12.* Finis hujus præcepti est, ut conservetur ordo politicus, qui est ordo sancitus a Deo in officiis mutuis superiorum, & inferiorum. Superiores sunt omnes, quos Deus aliis regendis & defendendis præfecit: inferiores sunt hi, quos Deus regendos & defendendos aliis subjecit. Superiores in Decalogo vocantur patres: inferiores vocantur filii.



Quaenam sint mutua superiorum, et inferiorum officia, hic explicandum est.

## ARTICULUS II.

*Quosnam quantum praeceptum respiciat.*

**Prop. 1.** Tenemur sub peccato honorare parentes, & eos qui loco parentum sunt.

**Prob. 1.** Ex Script. *Honora patrem tuum & matrem tuam*: Exod. 20. v. 12. Ergo tenemur honorare parentes, & eos qui loco parentum sunt.

2. Ex libro de duodecim abusuum gradibus inter opera Aug. *Quatuor modis per Scripturas divinas patres vocantur, hoc est, natura, gente, admonitione, & etate*, & his omnibus, inquit idem liber, *Obedientia praebenda erit, exemplo Christi, qui obediens fuit usque ad mortem.*

3. **Rat.** Parentes, & qui loco parentum sunt, quodammodo vices Dei gerunt, cum suo modo nos producant, conservent, & nobis provideant: Ergo sunt specialiter honorandi, utpote gerentes vices Dei: & sicuti amor erga proximum, quem videmus, est signum amoris erga Deum, quem non videmus; ita honor erga parentes, quos cernimus, est signum honoris erga Deum, quem non cernimus.

## Confectaria hujus Doctrinae.

**Confect. 1.** Tenemur parentes carnales honorare; quia illi vere sunt parentes, qui nos genuerunt, & proinde merentur specialem observantiam juxta illud: *Qui timet Dominum honorat parentes, & quasi Dominus serviet his, qui se genuerunt*: Ecclesiastici 3. v. 8. Unde ait Aug. lib. de decem chordis cap. 6. *Quisquis autem suis parentibus non desert honorem; quibus parere poterit?* indicans nemini obedientem fore qui parentibus, a quibus vitam accepit, inobediens fuerit.

**Confect. 2.** Tenemur honorare Ecclesiae Pastores; quia sunt parentes spirituales, juxta illud: *In Christo Iesu per Evangelium ego vos genui*: I. ad Cor. 4. v. 15.

San-

Sanctam illam subjectionem his verbis præcepit Ignatius epist. 1. ad Smirnenſes: *Laici Diaconis subſciantur, Diaconi Presbyteris, Presbyteri Episcopo, Episcopus Christo, ut ipſe Chriſtus, dum viveret, Patri subſciebatur.*

*Conſect. 3.* Tenemur honorare Reges, Principes, Magistratus politicos, dominos, &c. quia ſunt quaſi patres. Sic Naaman a ſamulis pater vocabatur: *Pater, & ſi rem grandem dixiſſet tibi Propheta, certe facere debueras:* 4. Reg. 5. v. 13. Quod cum a gentilibus fuerit factum; a fortiori debet a Chriſtianis fieri, quibus dicitur a Paulo ſcribente ad Titum c. 3. 1. *Admone illos, id eſt, fideles, Principibus & poteſtatibus ſubditos eſſe, dicto obedire: & rursus ad Rom. c. 13. v. 7. Reddite ergo omnibus debita: cui tributum, tributum; cui veſtigal, veſtigal; cui timorem, timorem; cui honorem, honorem.*

*Conſect. 4.* Tenemur magiſtros & pædagogos, quamcumque artem edoceant, tamquam parentes honorare; quia vices parentum agunt: nam Elias & Eliſæus a ſuis diſcipulis Patres vocabantur, juxta illud: *Pater mi, pater mi, curruſ Iſrael & auriga ejus:* 4. Reg. c. 2. v. 12.

*Conſect. 5.* Tenemur ſenes tanquam parentes honorare; quia ratione ætatis quaſi loco parentum ſunt, juxta illud: *Coram cano capite conſurge, & honora perſonam ſenis:* Lev. 19. v. 32. & Eccl. 8. v. 7. *Ne ſpernas hominem in ſenectute ſua.*

*Conſect. 6.* Demum debemus eos omnes venerari, qui nobis aliquo titulo ſuperiores ſunt, ut monet Cathechiſmus Trid. par. 3. de 4. Decal. præcept. his verbis: *Præter eos, qui nos genuerunt, multi præterea ſunt, quos in parentum locum colere debemus, vel poſtatiſ, vel utilitatiſ, vel præſtantiſ alicujus muneris, & officii nomine. Tales ſunt, v. g. Tutores, Curatores, pædagogi, &c.*

*Prop. 2.* Hi, qui ſuperiores ſunt, debent eos, qui ſunt ſibi inferiores, tamquam filios habere.

*Prob. 1.* Ex Script. Paulus ad Ephes. 6. v. 4. alloquens & parentes carnales, & eos, qui ſunt nobis loco parentum ait: *Et vos Patres nolite ad iracundiã pro-*

*vocare filios vestros; sed educate illos in disciplina & correctione Domini: indicans superiorum munus esse, ut sibi subditis dominantur non tyrannice, sed suaviter, & ad instar patrum educationem sanctam, & disciplinam salutarem communicent, & numquam correctionem nisi in Domino exercent.*

2. Ex lib. de duodecim abasionum gradibus, qui inter Augustinianos ponitur tom. 6. ubi sic habetur cap. 5. *Tria necessaria hos, qui dominantur, habere oportet, terrorem scilicet, ordinationem, & amorem: terrorem, inquam, quo suis inferioribus dominantur: ordinationem, qua suos dirigant inferiores: & amorem, quo eos sibi tamquam filios devinciant: Ergo superiores debent suos inferiores tanquam filios habere.*

3. *Rat. Hoc præceptum, honora patrem tuum, & matrem tuam, obligat inferiores, ut superiores tanquam parentes venerentur: ergo & præcepit, ut superiores inferiores suos loco filiorum habeant; in eo enim sita est hujus præcepti vis, ut inferiores erga superiores filialem exercent reverentiam, superiores vero erga sibi subditos paternum amorem concipiant.*

### Confectoria hujus Doctrinæ.

*Confess. 1. Superiores omnes quales sunt, 1. Parentes carnales, 2. Pastores, 3. Reges, Principes, Magistratus, Domini, Pedagogi, 5. Senes, 6. Tutores, &c. debent sibi subditos loco filiorum habere: cum enim ex Scriptura vocentur Patres eorum, qui eis subjiuntur, consequens est, ut eos tanquam filios habeant.*

*Confess. 2. Prædicti superiores & inferiores eadem sibi mutuo debent, quæ sibi debent parentes & filii; quia juxta Scripturam, superiores vocantur patres, inferiores vero nutrantur filii. Quæ autem sint illa, in subsequenstibus capitibus demonstrabimus. Sed prius sit.*



## ARTICULUS III.

*Quæ merces observantibus illud præceptum destinatur: quæ vero pæna illius infractoribus reservetur.*

**Prop. unica.** Filiis obedientibus multiplex præparatur merces a Domino; filiis vero inobedientibus multiplex punitio destinatur.

*Prob.* Hac inductione desumpta ex Scriptura.

1. Filiis obedientibus benedictio destinatur, juxta illud: *Honora patrem tuum, ut superveniat tibi benedictio a Domino:* Eccli. 3. v. 18. inobedientibus vero maledictio reservatur, juxta illud: *Maledictus a Deo, qui exasperat matrem:* Eccli. 3. v. 18.

2. Filiis obedientibus vita longior promittitur his verbis: *Qui honorat patrem suum, vita vivet longiore:* Eccli. 3. v. 7. inobedientibus vero mors præceps & accelerata præparatur: *Qui maledicit patri, aut matri, inquit Sapiens, extinguetur lucerna ejus in mediis tenebris:* Prov. 20. v. 20.

3. Filiis obedientibus nascetur proles obediens. *Qui honorat patrem suum, jucundabitur in filiis,* inquit Scriptura: Eccli. 3. v. 6. inobedientibus vero proles inobediens suscitabitur, juxta illud Christi: *Eadem mensura qua mensi fueritis, remetietur vobis.*

4. Filiis obedientibus gloria & honor promittitur, juxta illud: *Gloria enim hominis ex honore patris sui:* Eccli. 3. v. 13. inobedientes vero pessima fama inficiet, juxta illud: *Quam male famæ est qui derelinquit patrem:* Eccli. 3. v. 8.

5. Filiis obedientibus reservantur divitiæ, ut præmonet Scriptura his verbis: *Sicut qui thesaurizat, ita & qui honorificat matrem suam:* Eccli. 3. v. 5. filiis vero inobedientibus paupertas, ut testatur eadem Scriptura his verbis: *Qui affigit patrem, & fugat matrem, ignominiosus est, & infelix:* Prov. 29. v. 26.

*Monit.* Licet sint multi filii inobedientes, quales fuerunt Esau, Iudas &c. qui vitam istam temporalem & fastidiam habuerunt: & ad longissimos annos produxe-

duxerunt: & e contra, licet fuerint filii parentibus obsequentissimi, quos mors accelerata absumpsit; non tamen sequitur veracem non esse Deum in promissis. In omnibus quippe promissionibus terrestribus intelligitur latere supernæ felicitatis promissio. *Pietas enim*, inquit Paulus ad Timotheum 4. v. 8. *promissionem habet vite, quæ nunc est, & future*; sed eo discrimine, quod felicitas æterna absolute promittatur; felicitas vero temporalis *conditione* solum, scilicet, si ita salutis nostræ congruat: unde si filii obediētes diu non vivant in hoc sæculo; vivunt in æternum in futuro. Rapiuntur, ut dicit Scriptura, *ne malitia mutet intellectum eorum*; rapiuntur, *ne videant mala populi sui*: demum vita temporalis contrahitur, ut citius æterna obtineatur.

## CAPUT II.

*De mutuis filiorum & parentum carnalium officiis.*

## ARTICULUS I.

*Quid debeant filii parentibus suis carnalibus.*

**Prop. unica.** Filii debent parentibus carnalibus amorem, reverentiam, obedientiam, & subsidium.

**Prob. I.** Ex Script. *Honora patrem tuum, & matrem tuam.*

*Huic autem honori hæc omnia conjuncta sunt*, inquit Catechismus Trid. *Amor, observantia, obedientia, & cultus.* Ergo filii debent parentibus carnalibus amorem, reverentiam, & subsidium. Et quidem expressus Scriptura illud idem officium inculcat in diversis locis. 1. Debemus amorem non qualemcunque, sed cum reverentiâ & timore conjunctum, juxta illud Lev. 19. v. 3. *Unusquisque patrem suum & matrem suam timeat.* 2. Debemus obedientiam, juxta illud Pauli ad Eph. 6. v. 1. *Filii obedite parentibus vestris in Domino; hoc enim justum est.* 3. Debemus parentibus nostris subsidium, juxta illud Eccli, 3. v. 15. *Eleemo-*  
syna

*syna patris*, id est subsidium, patri exhibitum, *non erit in oblivione*. Demum illa omnia officia istis verbis videtur expressisse Ecclesiasticus 3. v. 9. *In opere, & sermone, & omni patientia honora patrem tuum, ut superveniat tibi benedictio*. Primo in opere, scilicet opera que pater injungit, exequendo pro ejus familieque sustentatione. Secundo in sermone, scilicet, patrem honorifice alloquendo, afflictum consolando, &c. Tercio in patientia, scilicet, tolerando patienter quaecumque a patre vel duro, vel difficili, vel moroso eveniunt.

2. Ex sermone 276. inter opera Aug. Tom. 5. *Movente nos Domino per Prophetam*, inquit ille Autor, *parentibus nostris & honorem semper, & amorem debemus impendere: & si forte evenierit, ut aliqua paupertate laborent, necessitates eorum, secundum quod possumus debemus sublevare*.

3. Rat. Amor debetur parentibus ex gratitudine ob vitam acceptam ab illis: Reverentia, ob dignitatem, quam habent, utpote vices Dei gerentes: Obedientia, ob auctoritatem, quam a Deo acceperunt: Subsidium, ex justitia; sumus enim parentum nostrorum possessor: & ideo sicut terra domino suo fructificat; ita filius debet patri servire & indigenti succurrere.

Dixi, non tantum exterius, sed etiam interius; quia damnate sunt sequentes propositiones ab Innocent. XI. & a Clero Gallic. art. 5. *Non tenemur proximum diligere actu interno & formali*.

*Præcepto proximum diligendi satisfacere possumus per solos actus externos*.

## Confectaria hujus doctrinæ.

### §. I.

*Amor specialis, & internus debetur parentibus.*

*Confect. I.* Peccant graviter qui interius non amant parentes suos, qui numquam eis optant bona spiritualia; vel si eis optent temporalia, non ea optant



in ordine ad aeternam salutem: quia amare generatim est velle bonum; amare vero ex charitate est velle bonum in ordine ad beatitudinem: de quo ita Aug. serm. 344. de amore Dei: *Ama uxorem, ama filios, ama parentes, &c. secundum Deum, ut conjugas eis ad Deum colendum tecum; cui iunctus cum fueris nullam separationem timebis. Ideo non debes illos plus Deo diligere; quos omnino male diligis, si neglexeris tecum ad Deum ducere.*

*Consuet. 2.* Peccant graviter qui interius odio habent parentes suos, qui eis optant mala, v. g. morbos, ut liberius vivant, mortem, ut hereditatem celerius consequantur. *Hereditas*, inquit Scriptura, *ad quam festinatur in principio, in novissimo benedictione carebit*: Prov. 2. v. 21. indicans perversum illud desiderium punitum iri. Ideo sequentes propositiones damnatae sunt ab Innoc. XI. & a Clero Gallic. art. 5. & 7. *Licetum est absoluto desiderio cupere mortem patris; non quidem, ut malum patris, sed ut bonum cupientis; quia nimirum ei obvenitura est pinguis hereditas.*

*Licetum est filio gaudere de parricidio parentis a se in ebrietate perpetrato, propter ingentes divitias inde ex hereditate consecutas.*

*Consuet. 3.* Peccant graviter, qui dant exterius signa latentis odii erga parentes, v. g. eos aspere habent, torvis aspiciunt oculis, duris loquuntur vocibus, minantur, percutiunt, mutilant, occidunt. *Qui maledixerit patri suo, aut matri*, inquit Scriptura, *morte morietur*: Lev. 2. v. 9. Et ne tantum crimen impunitum maneat, en quid Deus parentibus praecepiat: *Si genuerit homo filium contumacem, & protervum, qui non audiat patris aut matris imperium, & coercitus obedire contempserit, apprehendent eum, & ducunt ad Seniores civitatis illius, & ad portam iudicis, dicentque ad eos: Filius noster iste protervus est, contumax est, monita nostra audire contemnit, commensationibus vacat, & luxuriae atque convitiis: lapidibus eum obruet populus civitatis, & morietur, ut auferatis malum de medio vestri, & universus Israel audiens pertimescat*: Deut 21. v. 18.

## § II.

*Reverentia specialis interna & externa debetur parentibus.*

*Consect. 1.* Graviter peccant, qui interius non honorant parentes: v. g. non satis alte sentiunt de illis vel ob ignobilitatem, vel ob tarditatem ingenii, vel ob senectutem; quia defectus illi non eripiunt dignitatem patris, juxta illud: *Fili, suscipe senectam patris tui, & non contrisces eum in vita illius: etsi defecerit jenu, veniam dā, & ne spernas eum in virtute tua: Eccl. 3. v. 14.*

*Consect. 2.* Peccant graviter, qui interius spernunt parentes, & intra semetipsos deprimunt vel ob defectus, vel ob quancunque aliam causam. *Ne gloriaris, inquit Scriptura, in contumelia patris tui: non enim est tibi gloria ejus confusio: Eccl. 3. v. 12.*

*Consect. 3.* Peccant graviter, qui in certis circumstantiis non honorifice tractant parentes. Contrarium fecit Ioseph honorifice recipiens Iacob: & Salomon matri allurgens, & ad dexteram solii sui ei Thronum statuens. De Ioseph sic loquitur Scriptura. *Iuncto Ioseph curru suo ascendit obviam patri suo ad eundem locum, vidensque eum, irruit super collum ejus, & inter amplexus flevit: Gen. 46. v. 19.* De Salomone vero sic habetur: *Surrexit Rex in occursum ejus, adoravit eam, & sedit super Thronum suum: positusque est Thronus matri Regis, quæ sedit ad dexteram ejus: 3. Reg. c. 2. v. 19.*

## §. III.

*Obedientia specialis interna & externa debetur parentibus.*

*Consect. 1.* Peccant graviter filii, qui non obediunt parentibus circa ea, quæ pertinent ad gubernationem domus, & ea quæ spectant ad salutem, & bonos mores; quia, ut ait D. Thom. quodlib. 2. q. 5. a. 10. *Pater est, in domo, sicut Rex in regno: unde*

sicuti subditi tenentur obedire Regi in his, quæ pertinent ad gubernium regni; ita filii & alii domestici tenentur obedire patrifamilias, 1. in ordine ad regimen domus, 2. in ordine ad bonos mores. Ideo ait Script. Prov. 1. v. 8. *Audi, fili mi, disciplinam patris tui, & ne dimittas legem matris tuæ, ut addatur gratia capiti tuo, & torques collo tuo, id est, ut coroneris.*

*Consect. 2.* Peccant graviter filii, qui moniti a parentibus, non emendant vitia, non exercent actus virtutum, quos parentes iuste præcipiunt; quia ea omnia spectant ad bonos mores, & ducunt ad salutem. *Filii obedite*, inquit Paulus, *parentibus vestris in Domino: hoc enim iustum est:* ad Eph. 6. v. 1. Sic paruit Isaac Abrahæ vincienti, & volenti eum Domino immolare.

Sic Rechabita vino in perpetuum abstinuerunt, ut servarent præceptum patris.

Sic Christus ipse fuit Patri æterno obediens usque ad mortem; Maria vero & Joseph fideliter morem gessit, juxta illud: *Et erat subditus illis.*

*Consect. 3.* Peccant graviter, qui parentes sanctos non imitantur in his, quæ ad salutem sunt necessaria. *Si*, inquit Scriptura, *filii estis Abrahæ, opera Abrahæ facite:* Joan. 8. v. 39. *Attendite ad Abraham patrem vestrum, & ad Saram, quæ peperit vos:* Isai. 51. v. 2. Insignis est historia Rechabitarum exemplum patris imitantium.

*Consect. 4.* Peccant graviter, qui sine causa nubunt contra voluntatem patris; quia nubere est aliquid pertinens maxime ad gubernium domus: ideoque maledictus fuit Esau, quia duxit uxorem contra voluntatem parentum; & benedictus econtra Jacob, quia in hoc obsecutus est parentibus. Ideo multiplex Regum edicto cautum est, ne filiifamilias invitis parentibus matrimonium ineant: quod si contra fecerint, eorum matrimonia quoad effectus civiles invalida habebuntur, ut dicitur ubi de matrimonio. Nec enim, inquit Tertul. *in terris filii sine consensu patrum rite & jure nubunt:* lib. 2. ad uxorem cap. 9.



*Monit. 1.* Dixi, sine causa: nam si pater irrationabiliter vellet in tali materia liberorum cogere voluntatem, graviter peccaret, & filii non tenerentur obedire.

1. Parentes peccant; quia non debent irrationabiliter filiorum cogere voluntatem, quando agitur de matrimonio, aut religione: unde Rebecca parentes dicebant: *Vocemus puellam, & queramus ipsius voluntatem*: Gen. 24. v. 57. Et de filiabus Saiphad dicitur: *Nubant quibus volunt, tantum ut suæ Tribus hominibus*: Num. ult. v. 6. Et Paul. 1. ad Cor. 7. v. 39. art. loquens de vidua: *cui vult nubat, tantum in Domino*.

2. Filii non tenentur in hoc casu parentibus obedire. Ita docet Clemens III. cap. *Cum vicum* de regularib: ubi loquens de filia, *quæ in ætate nubili noscitur constituta*, sic expresse definit. *Nunc enim quia liberum habet arbitrium in electione propositi* status tum religiosi, tum matrimonialis, sequi parentum non cogitur voluntatem: Et D. Thom. 2. 2. q. 104. art. 5. in corp. *In his, quæ ad naturam corporis pertinent, homo homini obedire non tenentur, sed solum Deo*; quia omnes homines natura sunt pares, puta, in his quæ pertinent ad corporis sustentationem & proles generationem: unde non tenentur nec servi dominis, nec filii parentibus obedire de matrimonio contrahendo, vel virginitate servanda, aut aliquo alio huiusmodi.

*Monit. 2.* Filii non peccant, licet non obediant parentibus præcipientibus aliquid vel contra Dei mandatu, vel contra Consilia Evangelica; melius est enim, obedire Deo magis, quam hominibus: Act. 5. 2. Et Bernard. epist. 3. *Sola causa, qua non licet obedire parentibus, Deus ipse est, cum dicit: qui amat patrem aut matrem plus quam me, non est me dignus*. Et Greg. hom. 37. in Evang. *Parentes, quos in via Dei adversarios patimur, odiendo & fugiendo nescimus*. August. quomodo honorandi sint parentes, paucis complexus est. *Honorandus est, inquit pater, sed obediendum est Deo: amandus est generator, sed præponendus est Creator*: Serm. 100. de verbis Evangelii Luc.

## §. IV.

*Filii debent parentibus subsidium speciale tum in corpore, tum in anima.*

*Consect. 1.* Peccant filii, qui parentibus egenis non dant subsidium; quia tenentur ex iustitia eis, a quibus vitam acceperunt, succurrere: de quo Scriptura ait *Elemosyna enim patris non erit in oblivione: Eccli 3. v. 15.* Et Ambros. lib. 8. in Evang. Luc. *O fili, quantum tibi sumis iudicium, si non pascas parentem: illi debes quod habes, cui debes quod es.* Et August. Serm. de decem plagis c. 4. *Caninum est parentes non agnoscere; nihil tam caninum, quam cum illis qui genuerunt, non subvenitur. Merito ergo & catulicamum cæci nascuntur.*

*Consect. 2.* Peccant, qui deserunt parentes egenos, ut ingrediantur Religionem, si parentes nutrire valeant: quia magis ligat præceptum naturale succurrendi parentibus, quam consilium Evangelicum ingrediendi Religionem. Ita D. Thom. *Parentibus in necessitate existentibus, ita quod eis commode aliter quam per obsequium filiorum subveniri non possit, non licet filiis, prætermisso parentum obsequio, Religionem intrare: 2. 2. q. 189. a. 6. in C. Idem Concil. Gangrense cap. 16.* Si qui, inquit, filii parentes, maxime fideles, deseruerint occasione cultus Dei, hoc iustum iudicantes esse, & non potius debitum honorem parentibus reddiderint, ut hoc ipsum in eis venerationem quod fideles sunt, anathema sint.

*Consect. 3.* Religiosis professis non licet passim monasterio egredi, ut parentibus egenis opitulentur, sed distinctione opus est.

Si patre vel matre existente in extrema necessitate, scienter monasterium acceptet professionem Novitii, monasterium tunc tenetur parentes egenos nutrire; tunc enim est loco hæredis & filii; hæredes autem etiam extranei tenentur præstare alimenta. Leg. *Si quis e liberis.*

Si monasterium necessitatem parentis ignoravit, filius potest e monasterio egredi, & ministrare parenti egeno: quia obligatio ministrandi parentibus egenis non

non potest tolli per ingressum in Religionem. Et si parentes juxta leges antiquas possint vendere liberos, ut sibi in extrema necessitate succurrant; a fortiori possunt eos a Religione extrahere, modo evidens periculum damnationis filiorum e tali egressu non sequatur.

Si pater vel mater post professionem filii, a quo adjuvari possunt, labantur in extremam necessitatem, filius religiosus non potest subvenire parentibus egenis, contradicente Prelato, quia jam est ei per votum obligatus, per votum, inquam, fortius ligans, quam pceptum de honorandis parentibus: quia observatio voti est pceptum priore Tabule, honor parentum est secundæ Tabule: primum est negativum, secundum affirmativum. Deinde semel Deo data non possunt contra Dei voluntatem usurpari: et sicut si filius dispensasset bona pauperibus, patre non indigente, non posset ea repetere; ita non potest oblatam Deo voluntatem per votum, contradicente Prelato, retrahere; potest tamen & debet patri exhibere ea ministeria, quæ exhiberi possunt sine detrimento regularis observantiæ, v. g. orare Deum pro illo, cum consolari: ita docet D. Thom. *Secus autem est de illo, qui jam Religionem intravit: quia cum jam sit mortuus mundo per professionem, solutus est a lege, quæ in mundanis obsequiis parentibus tenebatur; in aliis autem spiritualibus, puta, orationibus, & hujusmodi, ei tenetur servire: quodl. 10. q. 5. a. 1.*

*Consect. 4.* Peccant filii heredes qui non exequuntur testamenta & legata patris; quia unam & eandem personam cum patre quoad hoc constituent. *Qui oblationes defunctorum aut negant Ecclesiis, aut cum difficultate reddunt, tamquam egentium necatores excommunicantur*, inquit Concil. Carthagin. 4. Can. 59. Crimen falsi committit, & pene legis Corneliæ de falsis subiacet quicumque testamentum celat, occultat, retinet, vel impedit, ne ad executionem perducatur, pceptue quoad legata pia.

*Consect. 5.* Peccant filii, qui parentibus agetantibus non curant adhiberi Sacramenta, vetant ab eis fieri restitutiones, ad quas ex conscientia tenentur, & qui post eorum mortem pro eis non orant; quia subsidium



dium filiorum erga parentes magis debet spiritualia, quam temporalia respicere: ille enim, juxta Aug. de civit. Dei lib. 21. cap. 26. adificium aureum argenteum, gemmeum, deputabitur, qui patrem, matrem, filios, filias, secundum Christum dilexerit, & ad ejus regnum obtinendum, eique coerendum illis consulat, vel hoc in eis diligat quod membra sunt Christi.

## ARTICULUS II.

*Quid parentes filiis debeant quoad corpus.*

**Prop.** unica. Parentes tenentur providere filiis victum & vestitum, & congruentem hereditatem.

**Prob.** 1. Ex Script. Nec enim debent filii parentibus thesaurizare, sed parentes filiis: 2. ad Corinth. cap. 12. v. 14. Ego tenentur filiis necessaria providere.

2. Ex Chrysost. qui explicans prædictum textum Apost. ait: Parentes quidem filiis suis thesaurizare lex naturæ præcipit: Ergo parentes tenentur jure naturæ eis providere cuncta necessaria, v. g. victum, vestitum, &c.

3. **Rat.** Qui dat esse, tenetur dare consequentia ad esse, ut dicunt, id est, qui vitum dat, debet ea, quæ ad conservandam vitam requiruntur, ministrare: ergo parentes tenentur filiis cuncta necessaria ministrare.

Adde, quod parentes sunt filiis loco Dei: Ergo sicut Deus creaturis providet necessaria; ita & parentes debent filiis suis providere necessaria.

**Consectaria hujus doctrinæ.**

### §. I.

*Parentes debent filiis victum.*

**Consect.** 1. Peccant graviter parentes, qui sine causa filios suos publice exponunt, ut ab aliis nutrantur;

tur; quia, si possunt, debent eos nutrire. *Si quis*, inquit Concilium Gangrentæ can. 15. *liberos suos relinquit, nec eos nutrit, Et quod ad se pertinet non ad pietatem divini cultus informat, sed per occasionem continentie, id est, perjurante, negligit, anathema sit*: plerumque enim, ut monet Gregor. Pastoral. 2. P. c. 9. vitia virtutes se esse mentiuntur, nam sub parsimonia nomine sepe se tenacitas palliat.

*Consect.* 2. Peccant graviter parentes, qui filios suos ita negligenter nutriunt, ut vel parum eurent de eorum vita, vel valetudine: eo tendit istud, quod dicit Christus: *Quis est ex vobis homo, quem si petierit filius suus panem, numquid lapidem porriget ei? aut si piscem petierit, numquid serpentem porriget ei?* Matth. 7. v. 9. indicans, nullum esse parentem; etiam matrem, qui filius suus victum & vestitum non soleat tribuere; ideoque gravissime peccant, qui tali desunt muneri.

*Consect.* 3. Peccant graviter parentes, ex quorum negligentia contingit, ut filii vel suffocentur in lecto, vel alio quovis casu pereant; quia non provident filiis, ut debent. Contra crudelem hanc incuriam parentibus imponitur publica pœnitentia in pluribus Diocesisibus.

*Consect.* 4. Peccant graviter parentes, qui ad secundas nuptias properantes, filiorum e primo thoro susceptorum curam negligunt; in hoc enim sunt brutis ipsis nequiores: nam, ut ait Ambros. lib. 6. in Examer. cap. 4. *Natura hoc bestiis infudit, ut catulos proprios amant, fetus suos diligant.*

*Consect.* 5. Peccant matres, quæ sine causa non lactant pueros; quia non provident filiis, ut debent, nocet enim multum infantibus nutriri diverso lacte ab eo, quo in utero nutriti sunt. Quæ ab hoc officio se dispensant, dimidiatae matres etiam a Gentilibus vocantur. Hoc nocet non solum corpori, sed animæ; quia minuit amorem inter matrem & filios: mutui quippe amor matrum & filiorum est longe constantior, si filii nutrantur a matribus. Ad hanc curam maxime excitat exemplum Sacrae, Rebecæ, Annæ, & beatissimæ Virginis: Sara licet

foemina princeps & nonagenaria, tamen filium Isaac lactavit: Rebecca filium Jacob: Anna filium Samuel; & Virgo Christum lactavit, de qua proinde canit Ecclesia; *Sola Virgo lactabat, ubere de celo pleno: eo facit illud Thren. 43. Lammæ nudaverunt mammam, lactaverunt catulos suos; filia autem populi mei crudelis ut struthio.*

*Consect. 6.* Peccant graviter matres, quæ, si filium lactare nequeant, non quarunt sedulo nutricem corpore sanam, & moribus non depravam, quæ lacte suo proli non noceat, & vitia cum lacte non infundat.

### §. II.

#### *Parentes debent filiis vestitum.*

*Consect. 1.* Peccant parentes, qui filios suos juxta conditionis statum non vestiunt, sed vel superbius ornant vel vilius induunt; utrumque enim malum est. De nimio ornatu sic loquitur Chrysost. in epist. ad Coloss. c. 3. Homil. 10. *Per se magnum malum est nimius ornamentorum appetitus, & desiderium, etiam si nullum aliud inde enascetur, sed citra periculum id liceret habere; nam ad inanem gloriam fastumque parat & infirmit.* Reipsa si superbus ille vestium ornatus malo vacaret, Scriptura non diceret, quod dives, qui in inferno torquetur, induebatur purpura & bysso. Si laceris autem, aut squalidis vestibus aliquando ex avaritia parentes vestiant filios, vitiosum: vituperandas enim est & defectus, & excessus in vestibus, & christiana modestia observanda: vestiendum est corpus, non ornandum: tutandum est ab injuria tempestatum, minime vero vanitati & libidini exponendum: quod utique semper evenit quoties superbius quam par est adornatur.

### §. III.

#### *Parentes debent filiis congruam hereditatem.*

*Consect. 1.* Peccant graviter parentes, qui filiis congruam non provident hereditatem, qui filiis vel filiabus



liabus denegant legitimam dotem vel ut nubant in Domino, vel ut ingrediantur religionem, si ad eam divinitus vocentur, vel ut sacros Ordines suscipiant, si ad statum Clericalem divina gratia eos invitat; quia hæc omnia ad paternam curam pertinent. *Debetur namque liberis, ait Basilus in Psal. 7. a parentibus secundum naturalis amoris affectum sustentandæ vitæ providentia, sive proventus.* Parentum enim est colligere, sive thesaurum recondere liberis, ut præter hoc, quod illos genuerunt ad vitam, etiam vivendi subsidia subministrant. Apud paganos puniebantur parentes, qui liberos aliquam artem non docuerant: ob id a fortiori puniuntur Christiani a Domino.

*Consect. 2.* Peccant parentes, qui in dividenda hæreditate non sequuntur id quod iusta lege & æqua consuetudine præscriptum est; quia iniqua illa bonorum portio seminarium est rixarum & litium. *Jun- gat ergo, inquit Ambr. lib. de Joseph. Patriarch. c. 2. liberos æqualis gratia, quos junxit æqualis natura. Lucrum pietas nescit pecuniæ, in quo pietatis dispendium est. Quid miraris, si propter fundum aut domum oriuntur inter fratres jurgia, quando propter tunicam inter Jacob sancti filios exarsit invidia? Sic Josaphat primogenito regnum dedit; munera vero aliis filiis. Deditque eis, inquit Scriptura, pater suus multa munera argenti, & auri, & pensiones cum civitatibus munitissimis in Juda: Regnum autem tradidit Joram, eo quod esset primogenitus: 2. Paral. 21. 3.*

*Consect. 3.* Peccant parentes, qui filios suos sine causa privant hæreditate debita; secus, si cum causa id faciant. Exemplum paternæ illius sollicitudinis habemus in Abrahamo: Gen. 25. 5. *Deditque Abraham cuncta, quæ possidebat, Isaac; filiis autem concubinarum largitus est munera, & sepeparavit eos ab Isaac filio suo.*

Causa iusta exhæredandi filios, juxta Juristas, est paterni thori violatio, machinatio paternæ necis, animus insigniter erga patrem ingratus, v. g. oblivio patris detenti in carcere, ignominia toti familiæ illata.

## ARTICULUS III.

*Quid parentes filiis debeant quoad animam.*

*Prop. unica.* Parentes tenentur providere filiis 1. Instructionem. 2. Correctionem. 3. Bonum exemplum. 4. Demum ea omnia, quæ ad cælestem Patriam possunt perducere.

*Prob. 1.* Ex Script. Parentes debent primo filiis suis doctrinam, juxta illud Deut. II. v. 18. *Ponite hæc verba mea in cordibus, & in animis vestris. . . docete filios vestros, ut illi meditentur.* Secundo debent filiis suis correctionem, juxta illud Paul. ad Eph. 6. v. 4. *Educate filios in disciplina, & correctione Domini.* 3. Debent filiis bonum exemplum: quippe sicuti Pastoribus dictum est: *vos estis lux mundi*; ita Patribus-familias dictum est: *vos estis lux familiæ.* 4. Demum debent eis procurare media ad salutem æternam necessaria quantum in ipsis est; quia Patrifamilias, sicuti & Pastori dictum est Ezech. 33. v. 8. *Speculatorem dedi domui Israel. . . Si ovis tibi commissus tua culpa pereat, sanguinem autem ejus de manu tua requiram.*

2. Ex Aug. in Psal. 50 in fine. Idem parentes debent filiis suis quoad animam, quod Episcopi debent ovibus suis. *Quomodo, inquit, ad nos pertinet in Ecclesia loqui vobis, sic ad vos pertinet in domibus vestris agere, ut bonam rationem reddatis de his qui vobis sunt subditi:* Atqui Episcopi debent ovibus suis instructionem, correctionem, bonum exemplum, & sollicitudinem, ut patet: Ergo & eadem debent parentes filiis.

3. Parentes non minus debent vitam spiritualem filiorum curare, quam vitam corporalem, immo magis; quia ideo sanctam matrimonium contraxerunt, ut filios Cælo gignerent potius quam Mundo: Atqui vita spiritualis non aliter conservatur in filiis quam per instructionem, correctionem, bonum exemplum, & sanctam parentum sollicitudinem: Ergo isthæc omnia debent parentes filiis.

*Con-*

De quarto Decalogi Præcepto.  
Confectaria hujus Doctrinæ.

19

§. I.

*Parentes debent filiis doctrinam.*

*Consect. 1.* Peccant graviter parentes, qui negligunt media, quibus filiis sancta educatio adhiberi debet, & potest; qui v. g. statim ac nati sunt, non curant conferri eis Baptismum, sed propter sæculares vanitates differunt tantum Sacramentum; quod ne faciant, Ecclesia legibus sanctissimis sub gravibus poenis præscripsit, ne ultra octo dies differatur: & pœnitentiale Rom. cap. 31. ait: *Cujus parvulus sine Baptismo per negligentiam morietur, tres annos peniteat, unum in pane & aqua.*

*Consect. 2.* Peccant parentes, qui primo rationis usu non instruunt filios de his, quæ sunt ad salutem necessaria, v. g. de Doctrina Christiana, de præceptis Dei, & Ecclesiæ: exemplo Tobie, qui cum factus esset vir, accepit Uxorem Annam de Tribu sua, genuitque ex ea filium, nomen suum imponens ei, quem ab infantia timere Deum docuit, & abstinere ab omni peccato: Tob. 1. v. 9. Exemplo Job. qui sancte educatus est; ait enim de se: *Ab infantia mea mecum crevit miserratio: Job. 31. v. 18.*

*Consect. 3.* Debent parentes per se ipsos, quantum fieri potest, filios suos instruere; quia hæc cura pertinet ad patrem: uti enim matres, quantum fieri potest, debent per se, & non per nutrices lactare filios; ita parentes debent, quantum fieri potest, erudire filios suos: *Erudi filium tuum, & refrigerabit te, & dabit delicias animæ tuæ: Prov. c. 29. v. 17. Et Deut. 11. v. 19. omnibus parentibus præcipitur: Docete filios vestros. Exemplum habemus in Davide sic erudiante filium: Tu autem Salomon fili mi, scito Deum patris tui, & servito ei corde perfecto, & animo voluntario: 1. Paralip. 28. v. 9.*

*Consect. 4.* Quando parentes non possunt per se ipsos erudire filios, debent providere eis pedagogos ad tantum inunus idoneos, litteratos, & præcipue bonis moribus instructos: quia si non exigua cura eligendæ



sunt nutrices alendis infantium corporibus destinatae, a fortiori paedagogi instituendis animis occupandi. Hoc egregie docuit magnus Theodosius. Arsenium virum, eo tempore eruditionis & eloquentiae nomine florentissimum acerservit Roma, ut filios suos Honorium & Arcadium Imperii successores omnibus optimis artibus atque disciplinis erudiret. Unde merito Cyprii filios a parentibus male instructos contra eosdem parentes sic querentes inducit: *Nos nihil fecimus. . . perdidit nos aliena perfidia. Parentes sensimus parricidas: lib. de lapsis.*

*Consect. 5.* Necessarium est eos, qui instituendis filiis occupantur, nec mitiores esse, nec saeviores, nec nimis familiares cum illis, nec pariter nimis difficiles. Hanc regulam videtur statuisse Ecclesiast. cap. 30. v. 9. *Lacta filium, & paventem te faciet: hinc cum eo, & contristabit te*, id est, si mollius agas cum illo, efficies ut tibi & illi male metuas: non corrideas illi, ne doleas & in novissimo obstupescant dentes tui. Non des illi potestatem in juventute & ne despicias cogitatus illius. Curva cervicem ejus in juventute, & tunde latera ejus, dum infans est, ne forte induret, & non credat tibi, & erit tibi dolor animae. Doce filium tuum et operare in illo, ne in turpitudine illius offendas.

*Consect. 6.* Necessarium est, ut hi, qui instituendis filiis praeponuntur, eis saepius inculcent monita, quae Tobias moriturus dedit filio suo: Tob. 4. 6. *Omnibus autem diebus vitae tuae in mente habeto Deum: & cave ne aliquando peccato consentias, & praetermittas praecepta Domini Dei nostri. Ex substantia tua fac elemosynam, & noli avertere faciem tuam ab ullo paupere: ita enim fiet; ut nec a te avertatur facies Domini. Quomodo potueris, ita esto misericors: si multum tibi fuerit, abundanter tribue si exiguum tibi fuerit, etiam exiguum libenter impertiri stude. Praemium enim bonum tibi thesaurizas in die necessitatis: quoniam elemosyna ab omni peccato & a morte liberat, & non patietur animam ire in tenebras. Fiducia magna erit coram summo Deo elemosyna omnibus facientibus eam. Attende tibi fili mi, ab omni fornicatione, & praeter uxorem tuam nunquam patiaris crimen scire. Super-*

*biam*

*diā numquam in tuo sensu, aut in tuo verbo dominari permittas; in ipsa enim initium sumpsit omnis perditio. Quicumque tibi operatus fuerit, statim ei mercedem restitue, & merces mercenarii tui apud te omnino non remaneat. Quod ab alio oderis fieri tibi, vide metu aliquando alteri facias. Panem tuum cum esurentibus & egenis comede, & de vestimentis tuis nudos tege. Panem tuum & vinum tuum super sepulchram iusti constitue, & noli ex eo manducare & bibere cum peccatoribus. Consilium semper a sapiente perquire. Omni tempore benedic Deum & pete ab eo, ut vias tuas dirigat, & omnia consilia tua in ipso permanent. Monet postea ipsum de talento, quod Gabelo dederat; deinde sic concludit: Noli timere, fili mi: pauperem vitam quidem perimus, sed multa bona habebimus, si timuerimus Deum, & recesserimus ab omni peccato, & fecerimus bene.*

## § II.

*Parentes debent filiis suis correctionem.*

*Consect. 1. Peccant parentes, qui filios vitiosos non emendant, & corrigunt: ita monet Script. Qui parcit virgæ, odit filium suum: qui autem diligit illum, instanter erudit: Prov. c. 13. v. 24. Stultitia colligata est in collo pueri, & virga disciplinæ fugabit eam: Prov. c. 22. v. 15. Qui diligit filium suum, assiduatur illi flagella, ut lætetur in novissimo die; Eccli. 3. v. 1. Semperque in animo habeant justam, quam Deus contra Heli exercuit punitionem: lib. 1. Reg. cap. 4. quippe, ut ait Chrysost. quia non omnia, quæ fuerant agenda, ut ea ressecarentur vitia, molitus est, & ipse una cum illis periit: etenim, ut monet Theodoretus q. 7. ad hunc locum: Oportebat, cum post primam & secundam monitionem perseverassent in nequitia, eos a templi ambitu expellere, &c. Unde in Scriptura 1. Reg. 4. v. 13. conqueritur Deus de Heli: Eo quod noverat indigne agere filios suos, & non corripuerit eos. Quare in poenam omisse severam correctionis cecidit de sella retrorsum juxta ostium, & fractis cervicibus mortuus est: 1. Reg. c. 4. v. 18. Cecidit de sella, inquit Greg.*

quia Cathedra magisterii nimia erga filios lenitate indignus factus est: cecidit juxta ostium tabernaculi, in quo filios suos sacrilegia committere permiserat: & ita, inquit Sanctus Doctor, *ibi occidit, ubi deliquit.*

*Consect. 2.* Peccant pariter parentes, qui dum corripunt filios, modum Christianæ correctionis excedunt, semper torvis inspiciunt oculis, diris imprecationibus insectantur, tyrannos potius se exhibent quam parentes. In eo, inquit Aug. serm. 52. de temp. beluis ipsis ferociores; nulla enim bestia est, quæ non filiis suis blande murmuret, & cum terreat homines, parvulos fovet. *Frenit leo in sylvis, ut nemo transeat: intrat in speluncam ubi habet filios suos, omnem rabiem feritatis deponit.* Hi vero parentes statim ad domum subeunt, iratos animos suscipiunt. Eos ita commoret Paulus ad Coloss. 3. v. 21. *Patres nolite ad indignationem provocare filios vestros, ut non puillo animo fiant.* Correctio paterna non ab ira, sed a charitate procedat oportet. *Charitas autem* inquit Bernard. *epist. ad Fulcon. cum te arguit mitis est, cum blanditur simplex est, pie solet servire, sine dolo mulcere. patienter novit irasci, humiliter indignari.* Duriores illos filiorum correctores ita instruit Greg. *Past. part. 3. admonit. 14.* *Nonnumquam qui inter flagellorum duritiem remanent incorrecti, dulci sunt admonitione mulcendi: nam plerumque quos cruciamenta non corrigunt, ab iniquis actibus lenia blandimenta compeſcunt; quia & egros, quos fortis pigmentorum potio curare non valuit, ad salutem pristinam tepens aqua revocavit; & nonnulla vulnera, quæ curari incisione nequeunt, fomentis olei sanantur; & durus adamas incisionem ferri minime recipit, sed leni hircorum sanguine mollescit.*

### §. III.

*Parentes debent filiis bonum exemplum.*

*Consect. 1.* Peccant parentes, qui filiis sunt scandalum. Christus enim omnibus, sed præcipue parentibus dicit: *Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris: Matth.*



c. 8. v. 6. Quo circa idem omnibus parentibus dixerim quod dicit Hier. scribens ad Latam: *Nihil in te & in patre suo videat filia vestra, quod si fecerit peccet. Mementote vos parentes virginis, magis eam exemplis doceri posse, quam voce.* Quippe, ut ait Cypr. lib. de duplici martyr. *Efficacius est vitæ, quam linguæ testimonium: habent & opera suam linguam, habent suam facundiam tacente lingua.* Filii ergo longe promptius factis parentum credunt, quam verbis; sunt enim instar mollissimæ ceræ, in qua altissime imprimuntur parentum imagines; sunt & instar speculi, non enim alios exhibent colores, quam eos, qui eis a parentibus imprimuntur; ut enim umbræ figuras corporum, ita filii parentum mores imitantur; ac veluti simia, quæcumque in iis bona, aut mala vident, in se exprimunt. *Quid enim, inquit Aug. in Psal. 136. sub finem, facturus est adhuc infans, anima tenera, nisi ut quo i eos, id est parentes, viderit agere, hoc sequatur? Scire ergo patres debent, inquit Greg. part. 3. Pastor. admon. 5. quia, si perversa unquam perpetrant, tot mortibus digni sunt, quot ad subditos suos perditionis exempla transmittunt.*

Consect. 2. Peccant parentes, qui filios ab exercitio pietatis avertunt, quo pacto id faciant, sive verbo, sive exemplo sive negligentia. Sic peccant parentes, qui in colloquiis suis, aut cum filiis, aut coram filiis, ita languide de rebus divinis loquuntur, ita vero ardentem de rebus mundanis, ut in filiorum animis sæculi amorem accendant, nunquam vero divinam charitatem inspirent. Coram filiis divites hujus sæculi magnifice extollunt, pauperes vero parvifaciunt: raro, immo nunquam, filiorum animis illud Christi insingunt: *Beati pauperes spiritu, quoniam ipsorum est regnum Cælorum.* Coram filiis eos homines laudant, qui prompte, qui fortiter acceptas ulciscuntur injurias: & nunquam illud Christi exprimunt: *Beati mites, quoniam ipsi possidebunt terram.* Coram filiis eos dolent, quos vel mundus spernit, vel infortunia premunt, vel morbi male afficiunt; nunquam vero teneros infantium animos ista imbuunt veritate: *Beati qui lugent, quoniam ipsi consolabuntur.* Filios ad artes liberales, ad scientias, ad armorum exercitium adhortantur &

accendunt spe divitiarum, & bonorum: temporalia commoda, quæ præstantes in huiusmodi exercitiis viros comitari solent, sepiissime recensent; numquam vero filiorum animis inculcant unam salutis æternæ famem esse necessariam, juxta illud Christi: *Beati qui esuriunt & sitiunt iustitiam, quoniam ipsi saturabuntur.* Si quid rudes pueri, & adhuc teneri infantes contra sæculi urbanitatem, contra mundanum decorem forte peccaverint, statim ita excandescunt parentes: si quid vero contra cultum Dei, contra charitatem proximi fecerint, nihil curant; immo si iis prave factis aliquid appareat industrie, vel solertiæ, laudant, blandiuntur; & ita, uti dicit Chrysostomus, materiam vitiorum omnium docent, in filiorum animis accendunt concupiscentiam carnis, concupiscentiam oculorum & superbiam vitæ.

Sic peccant parentes, qui coram filiis texunt suæ antea vitæ, etiam vitiosæ, historiam, aut laudant prave facta, in quibus deberent erubescere; & tot habent imitatores vitiorum, quot habent filios auditores: quippe, ut optime ait Leo serm. de jejun. *validiora sunt exempla quam verba & plenius docetur opere quam voce.*

Sic peccant parentes, qui de salute filiorum parum solliciti, ea solum curant, quæ ad corpus pertinent: hinc ait Chrysost. lib. 3. adversus vituperatores vitæ monasticæ: *Nulla alia ratione perversi ut fiant filii contingit, nisi quod eorum patres circa vitæ præsentis commoda equo plus incumbunt, & fere dixerim, insaniunt; cum enim illa solummodo inquirunt, nihilque illis præferendum censent, & suam pariter & liberorum animam negligere coguntur.*

#### §. IV.

*Parentes debent filiis quasi Episcopalem sollicitudinem.*

Consect. I. Peccant parentes, qui filios suos non separant quam diligentissime ab improborum consortio; quia nihil est quod magis puerorum educationi noceat. *Non adhæsit mihi cor pravam, inquit David, quare? declinantem a me malignum non cognoscebam: superbo*

perbo oculo & insatiabili corde cum hoc non edebam Psal. 100. v. 4. & rursus: Fili mi, si te lassaverint peccatores, ne acquiescas eis, prohibe pedem tuum a semitis eorum; pedes enim illorum ad malum currunt: ibid. v. 15.

Consect. 2. Peccant parentes, qui quam diligentissime non invigilant filiarum pudicitia. Filie tibi sunt, inquit Scriptura, serva corpus earum, & ne ostendas hilarem faciem tuam ad illas; Eccli. c. 6. v. 26. Et c. 42. v. 9. Filia patri abscondita est, vigilia, & sollicitudo ejus aufert somnum. . . ne quando pollucatur in virginitate sua, & in paternis suis gravida inveniat. . . Super filiam luxuriosam confirma custodiam, ne quando jacias te in opprobrium venire inimicis, a detractio- ne in civitate, & abiectione plebis, & confundat te in multitudine populi. Et Hieron. ep. 70. ad Latam: Sollicita provides, ne filia percutiatur a vipera: cur non eadem cura provideas, ne feriatur a malleo uni- versæ terræ, ne bibat de aurco calice Babilonis, ne egrediatur cum Dina, & veli videre filias alienæ religio- nis, ne ludat pedibus, ne trahat tunicas. . . cito violas & lilium & crocum pestilens aura corrumpit. Nusquam absque te procedat in publicum; Basilicas Mar- tyrum & Ecclesias sine matre non adeat; nullus ei ju- venis & cincinnatus arrideat. . . ne transersum qui- dem unguem a matre discedat.

Consect. 3. Peccant parentes, qui filiis suis non pro- hibent, quam diligentissime usum earum rerum, quæ ad vitium sensim incitant: talia sunt cantilenæ sæcu- lares, libri amatorii, saltationes & theatra: & quia hæc omnia ad luxuriam impellunt, ita loquitur Trulla- na Synodus an. 692. can. 52. Omnino prohibet hæc san- cta Synodus eos qui dicuntur mimos, & eorum spectacu- la, deinde venationem quoque, spectationes, atque in scena saltationes fieri; & proinde periculosissimum est adolescentibus his comœdiis interesse.

Consect. 4. Peccant parentes, qui cum agitur de eli- gendo statu pro filiis, ducti rationibus omnino tem- poralibus eos vel ad statum religiosum, vel ad sta- tum clericalem invitos detrudunt, modo minis, mo- do blanditijs fraudulentis, modo occulta, modo aper- ta vi. Quam culpanda sit hæc parentum coactio, di-



cemus ubi de vocatione, quando agemus de variis hominum statibus. Id unum sufficiat, scilicet, quod dicit Trident. sess. 25. c. 18. *Anathemati sancta subicit Synodus omnes. . . Si quocumque modo coegerint aliquam virginem vel viduam ad ingrediendum monasterium.*

*Consest. 5.* Peccant parentes, qui filios suos a statu Clericali vel a statu Monachali avertunt. Simili quoque anathemati Synodus Trid. subicit eos qui sanctam Virginem, vel aliarum mulierum voluntatem vel accipiendi, vel voti emittendi quoquomodo sine causa impedierint: sess. 25. c. 18. Et can. Statuimus, dicitur: *Si vero in fortiori etate adolescentula, vel adolescens servire Deo elegerit, non est potestas parentibus prohibendi.* Unde Chrysost. eos parentes, qui filios a sancto proposito sese consecrandi Deo nituntur avertere, sic insectatur lib. 3. cont. impugnatores vite Monastica. *Eos, inquit, Patres parricidis ipsis immaniores sceleratioresque dixerim: illi enim corpus ab anima separant; isti animam & corpus aeternis ignibus tradunt. . . neque suorum tantum peccatorum penas dabunt, sed eorum quae filii peccarint, si in saeculo remanserint.* Unde saepius contingit, ut in poenam temporalem parentes multa patiantur ab iisdem filiis, quos a statu clericali vel religioso avertunt.

### §. V.

*Quinam munus parentum vere Christianorum impleant.*

*Consest. unicum.* Hi officio Christianorum parentum vere satisfaciunt.

1. Qui filios suos legem Domini edocent exemplo Tobiae, de quo scriptum est: *Filium genuit. . . quem ab infantia timere Deum docuit, & abstinere ab omni peccato.*

2. Qui bonum exemplum filiis praebent: v. g. qui coram filiis, & una cum filiis vespere & mane preces Deo effundunt, qui Ecclesias cum filiis frequentant, qui divinis instructionibus & sacris officiis interunt; exemplo Mariae & Ioseph, qui una cum  
Chri-

Christo in templum ibant. Item illi, qui teneram illam ætatem moribus informandis aptissimam sancte instituunt, memores illius: *Fili, a juventute tua excipe doctrinam, & usque ad senos invenies sapientiam: Eccl. c. 6. v. 18. & rursus: Adolescens juxta viam suam etiam cum senuerit, non recedet ab ea: Prov. 22. v. 6. Ossa ejus implebuntur vitis adolescentiæ ejus, & cum eo in pulvere dormient: Job. c. 20. v. 11. Ideo faciendum putant quod jubet Eccles. 13. v. 81. Equus indomitus evadit durus, & filius remissus evadit præceps. . . curva cervicem ejus in juventute, & runde latera ejus dum infans est, ne forte induret, & non credat tibi. Quippe, ut ait Jerem. Thren. c. 3. v. 27. Bonum est viro, cum portaverit jugum ab adolescentia sua.*

## CAPUT III.

*De curatoribus & Tutoribus erga pupillos  
& minores, & vice versa.*

Tutor est ille, qui datur impuberibus. . . 1. Ut tutetur eorum personam, & provideat eorum educationi & instructioni. . . 2. Ut curet eorum bona. Potest dari invitis pupillis. Curator est ille, qui datur minoribus post annos expletos pubertatis usque ad annum vigesimum quintum, ut provideat, 1. Eorum bonis. 2. Eorum personæ & educationi.

## ARTICULUS UNICUS.

*De his, quæ sibi mutuo debent Tutores & pupilli.*

*Prop. unica. Tutores & Curatores eadem debent pupillis & minoribus, quæ parentes filiis; & vice versa pupilli & minores eadem debent Tutoribus & Curatoribus, quæ filii debent parentibus, excepto hoc, quod Tutor non debet nutrire, & vestire pupillos & minores propriis expensis, sed solum ex bonis pertinentibus ad pupillos & minores: pupilli pariter vel minores non tenentur ex justitia dare subsidium Curatoribus & Tutoribus, sed solum ex charitate.*

*Illæ conclusio probatur iisdem rationibus, quibus duæ superiores probatæ sunt: ratio utriusque est; quia*

quia Tutores & Curatores gerunt vices parentum relative ad pupillos & minores.

De his agetur uberius, ubi de contractibus.

## CAPUT IV.

*De servis erga dominos, & de dominis erga servos.*

### ARTICULUS I.

*Quid famuli debeant heris suis.*

**Prop.** unica. Famuli debent heris suis amorem, obedientiam, reverentiam, & fidelitatem eo ferme modo, quo filii parentibus.

**Prob.** 1. Ex Script. Debent 1. Amorem, juxta illud: *Cum bona voluntate servientes sicut Domino, & non hominibus:* ad Eph. c. 6. v. 7.

2. Obedientiam, juxta illud: *Servi OBEDITE dominis carnalibus cum timore, & tremore, in simplicitate cordis vestri sicut Christo:* ad Eph. c. 6. v. 5.

3. Debent reverentiam, juxta illud 1. ad Timoth. c. 6. v. 1. *Quicumque sunt sub jugo servi dominos suos omni HONORE dignos arbitrentur.*

4. Fidelitatem; juxta illud Pauli ad Titum c. 2. v. 9. *Docceas, servos dominis suis subditos esse, in omnibus placentes, non contradicentes, non fraudulentos, sed in omnibus FIDEM bonam ostendentes:* Ergo servi debent dominis amorem, obedientiam, reverentiam, & fidelitatem.

2. Ex ierm. 117. inter opera Aug. in append. tom. 5. alias de temp. 7. ubi sic habetur: *Sermo mihi ad vos, servi, quicumque dominos carnales habetis. . . Obedite dominis vestris, diligite ex corde, non ad oculum servientes, sed ministerium ex amore facientes: quia & illos Deus constituit ut vobis dominentur, & vos ut serviatis. Bene servite propter Deum, quia de bono servitio mercedem habebitis:* Ergo ex illo auctore servi debent dominis amorem obedientiam, reverentiam, & fidelitatem.

3. **Rat.** Servi christiani debent heros tamquam parentes intueri; heri enim in Scriptura in parentum numero collocantur: Ergo servi debent heris suis, 1. Amorem ut parentibus. 2. Obedientiam ut dominis;

3. Re-



3. Reverentiam ut superioribus. 4. Fidelitatem ut his, qui eos ad suam quasi familiam adscripserunt.

### Consectaria hujus doctrinæ.

*Consect.* 1. Peccant famuli, qui dominis etiam discoloris, duris, & asperis, charitatis affectu non serviunt, quique interius odium contra illos, aut exterius manifestant; quia non observant primum & præcipuum, quod debent heris suis officium. Audiant illud Aug. lib. 1. de moribus Eccles. Cath. cap. 30. *Tu dominis servos*, inquit, *non tam conditionis necessitate, quam officii delectatione doces adherere*. Attendant ad exemplum famuli Abrahæ, qui domino serviebat, ductus non spe lucri, sed amore erga dominum; ut patet ex eo ardore, quo Isaac uxorem accersivit: Gen. c. 44.

*Consect.* 2. Peccant famuli, qui heris suis in his, quæ non sunt prohibita, prompte non obediunt; quia non observant, secundum quod debent, heris suis officium. *Servi*, inquit Paul. ad Coloss. cap. 3. v. 22. *obedite per omnia dominis carnalibus, non ad oculum servantibus, quasi hominibus placentes: sed in simplicitate cordis, timentes Deum*. Attendant ad servos David, qui in rebellionem Abiailonis, cum omnes deficerent a Rege, ei fideliter adhererunt, & mandata etsi difficillima exequabantur. *Dixeruntque*, inquit Scriptura 2. Reg. c. 15. v. 15. *servi Regis ad eum: omnia quaecumque præceperit Dominus noster Rex, libenter exequemur servi tui*.

Sic graviter peccant servi, qui non obediunt in his quæ spectant commodum temporale dominorum suorum; quia ob eum finem operas suas dominis suis locaverunt: sed longe gravius peccant famuli, cum obedientiam renuunt in his, quæ spectant suam salutem æternam, v. g. cum domini præcipiunt servis ut observent mandata Dei & Ecclesiæ; quia tunc inobedientia cum propriæ salutis negligentia conjungitur.

*Monit.* Peccant famuli, qui morem gerunt dominis aliquid contra legem Dei, vel Ecclesiæ præcipientibus; oportet enim semper Deo potius obedire quam hominibus. Sic peccaverunt servi Saulis, qui indicarunt

carunt ei mulierem Pythonissam: 1. Reg. cap. 28. Sic peccarunt etiam servi Davidis, qui uxorem Uriæ ad Regem adduxerunt, ut eam carnaliter cognosceret: 2. Reg. 11. Sic peccarunt quoque servi Absalonis, qui eo iubente Ammonem in Convivio interfecerunt. Ita pariter peccant servi omnes, qui vel odio, vel libidini &c. dominorum suorum famulantur: fatius quippe est ab his heris recedere, quam cum salutis tum suæ, tum dominorum periculo eis obtemperare. Unde damnata est sequens propositio a summo Pontifice, & a Clero Gallic. art. 14. *Famulus, qui submissis humeris sciens adiuvat herum suum ascendere per fenestras ad stuprandam virginem, & multoties eidem subservit deferendo scalam, aperiendo januam, aut quid simile cooperando; non peccat mortaliter, si id faciat metu notabilis detrimenti, puta, ne a domino male tractetur, ne torvis oculis aspiciatur, ne domo expellatur.* Hæc enim propositio, inquiunt Patres Gallicani, scandalosa est, perniciosa, verbis dominicis & apostolicis aperte contraria & hæretica. *Quam enim dabit homo commutationem pro anima sua? Digni sunt morte non solum qui faciunt, sed qui consentiunt facientibus.*

*Consect.* 3. Peccant graviter servi, qui commissa ab heris suis secreta sine causa aperiunt, qui quæcumque geruntur in familia extraneis patefaciunt, & ea quæ silere oporteret, imprudenter divulgant. Attendant ad exemplum Chusai, qui licet esset a consiliis Absalonis rebellantis contra Davidem, tamen secreta sibi a Davide commissa non prodidit, sed ea prudenter tacuit; ius enim naturale postulat, ut servi sint arcanorum sibi ab heris commissorum observantissimi: ipsi enim pagani hoc pessimum in servis vitium esse agnoverunt. Unde Terentius servum secreti sibi commissi non tenacem sic inducit loquentem: *Plenus rimarum sum, hac & illac persuo.* Et Scriptura omnes secreti naturalis proditores sic vituperat: *Qui ambulat fraudulentè, revelat arcana: qui autem fidelis est, celat amici commissum;* Prov. 11. v. 13. A fortiori gravius peccat qui heri sui revelat arcanum: quia amicis secretum debemus ex legibus amicitiae; heris vero nostris ex legibus æquitatis & iustitiæ.

*Consect. 4.* Peccant famuli, qui quando habent heros aut nimum faciles, aut non satis severos, debitam eis non impendunt reverentiam; v. g. heros, qui sunt aut Sacerdotes, aut Religiosi, aut pii, non ut par est venerantur. Nam verum est quod vulgari dicitur Proverbio: *Miles habet servum, Clericus Monachusque sodalem.* Tunc, inquam, servi debitam non impendendo reverentiam, tanto gravius peccant, quanto mitius in eos agitur. Unde ait Paul. 1. ad Tim. 6. v. 2. *Qui autem fideles habent dominos non contemnunt, quia fratres sunt,* id est, quia dominorum auctoritate non utuntur; *sed magis servant, quia fratres sunt & dilecti,* id est, quia suaviter erga servos se gerunt. Forte hic textus hanc potest pati expositionem. *Si enim,* inquit Hieron. *serviebant infidelibus timore odioso; quanto magis servire debent fidelibus, quorum charitatis participes esse merentur?* in cap. 6. 1. epist. ad Tim. Attendat ad exemplum Agar, quam reprehendit Angelus eo quod dominæ Sarai facili & blandienti non morem gesserit, eamque remittit ad Sarai, ut ei etiam severius agenti se subiciat.

*Consect. 5.* Peccant graviter famuli, qui res sibi a dominis commissas non satis fideliter custodiunt; tenentur enim ex justitia rem domesticam dominorum suorum non secus ac propriam conservare. Attendant semper ad exemplum Jacob, qui fidelissime servivit Laban focero suo: Gen. c. 29. Attendant pariter ad exemplum Joseph, qui fidelissime credita sibi a Putiphare administrabat. Attendant Ethai servum Davidis. *Vivit Dominus,* inquit, *& vivit Dominus meus Rex,* quoniam in quocunque loco fueris, domine mi Rex, sive in morte, sive in vita, ibi erit servus tuus: 2. Reg. c. 15. v. 22.

*Consect. 6.* Peccant graviter famuli, si permittant grave damnum inferri heris suis, & tenentur ad restitutionem. Eo tendit dictum illud Christi: *Quis putat est fidelis servus & prudens - Amen dico vobis, quoniam super omnia bona sua constituet eum: indicans eum gravissime puniendum qui secus fecerit:* Matth. c. 24. v. 45.

*Consect. 7.* Peccant graviter famuli, si non laborent juxta conventionem, & tenentur ad restitutionem

Item



Item si heros suos deserant ante conductum tempus; quare ita servos commonet Paulus: *Servi obedite per omnia dominis carnalibus, non ad oculum serviens: ad Col. c. 3. v. 22.*

## ARTICULUS II.

*Quid debeant heri servis suis.*

**Prop. unica.** Domini idem debent servis quoad animam & quoad corpus, quod parentes liberis, excepto quod domini non debent providere hereditatem servis, sed solum solvere pactam mercedem.

**Prob. 1.** Ex Scriptura. Si quis suorum & maxime domesticorum curam non habet, fidem negavit, & est infideli deterior: 1. ad Tim. c. 6. v. 6. Ergo eadem domini debent servis quoad corpus, & quoad animam, quod parentes filiis; cum Paulus filiorum curam cum cura erga famulos conjungat; immo asserat, quod heri, qui servos negligenter, forent infideli deteriores; siquidem infidelis, etsi aliquos despicit propinquos, tamen nequaquam aspernatur, inquit Chrysost. hom. 14. in c. 5. 1. Epist. ad Timoth.

**2.** Ex Aug. Qui optime funguntur patrisfamilias officio, eadem impendunt famulis quæ parentes filiis. Qui autem, inquit lib. 19. de civit. c. 16. *veri patresfamilias sunt, omnibus in familia sua, tamquam filiis, ad colendum & promerendum Deum consulunt, desiderantes atque optantes venire ad cælestem domum:* Ergo domini idem debent servis quoad corpus & animam, quod parentes filiis.

**3.** Rat. Domini sunt servorum suorum patres, ut agnovit Centurio, qui loquens de servo suo ajebar: *Puer meus jacet in domo paralyticus, & male torquetur:* Matth. c. 8. Ergo domini eadem debent servis quoad corpus & animam, quod parentes liberis. Dixi, quod domini non debent servis hereditatem procurare: quia loco hereditatis tenentur solum justam famulatus mercedem rependere, juxta illud Pauli ad Coloss. c. 4. v. 1. *Domini, quod justum est & æquum, servis præstate, scientes quod & vos Dominum habetis in cælo.*

Con-

## Confectaria hujus doctrinæ.

*Consect. 1.* Peccant heri, qui non habent christianam charitatem erga famulos. *Servus sensatus sit tibi*, inquit Scriptura, *dilectus quasi anima tua*: Eccli. c. 7. v. 23. Et Aug. lib. 10. de Civ. c. 14. docens quales debeant esse domini erga servos, tales eos depingit. Neque, inquit *dominandi cupiditate imperant, sed officio consulendi, nec principandi superbia.*

*Consect. 2.* Peccant heri, 1. qui Christianam instructionem non procurant famulis. *Qui misericordiam habet, inquit Scriptura, docet, & erudit quasi Pastor gregem suum*: Eccli. c. 18. v. 13. 2. Qui negligunt eos convenienti exercitio occupare, ne otiosi sint. *Mitte illum, id est servum tuum, in operationem, ne vacet; multam enim malitiam docuit otiositas*: Eccli. c. 33. v. 3. Qui permittunt eos aut prava loqui, aut obscœnum aliquid agere: *Peccant enim non solum qui faciunt, sed etiam qui consentiunt facientibus.* Officium illud ad patrem familias pertinere expresse docet Concil. Mediolan. de his, quæ pertinent ad matrem. *Curet pater familias, ut nemo quisquam de familia sua sit qui christianæ fidei rudimentis non sit instructus, sive filii filięque sint, sive servi & ancille, sive alii in famulatu - - - Nec patiatur in familia sua esse quemquam qui blasphemus sit, perjurus, qui item corruptis moribus utatur, &c.*

*Consect. 3.* Peccant heri, qui impediunt, ne famuli diebus festis Missam audiant, vel dies festos sanctificent: sic enim Scriptura servos ab omni labore eximit die festo. *Non facies, inquit, omne opus in eo, tu & filius tuus, & filia tua, servus tuus & ancilla tua*: Exod. cap. 20. v. 10.

*Consect. 4.* Peccant heri, qui justam servis mercedem subripiant, juxta illud: *Non morabitur opus mercenarii tui apud te usque mane*: Lev. c. 9. v. 13. *Domini, quod justum est & æquum, servis præstate, scientes quod & vos Dominum habetis in celo*: ad Coloss. c. 4. v. 1.

*Consect. 5.* Peccant domini, qui servos suos gravibus injuriis atliciunt. Sic dominos Paulus admonet: *Et vos domini eadem facite illis, remittentes minas; scientes quia illorum, & vester Dominus est in celis*: & personarum acceptio non est apud eum: ad Ephes. c. 6. v. 9.

*Confess. 6.* Peccant domini, qui servos sine causa ante statutum terminum e domo eiciunt, & tenentur damnum emergens resarcire: ita jubet Scriptura. *Non laedas, ait, servum in veritate operantem, neque mercenarium dantem animam suam: Eccli. c. 7. vers. 23.*

## CAPUT V.

*De mutuis conjugatorum Officiis.*

**M**aritus & uxor in aliquo sunt æquales, in aliquo inæquales: pares sunt in mutuo corporum dominio, in mutua animarum unione; dispares in familiæ regimine, ut docet Aug. lib. 22. contra Faustum c. 21. *Cum in cæteris actibus mulier viro debeat servitutem, huius unius rei, qua sexus utriusque carnali sorte discernitur, & carnali commixtione conseritur, similem in se habeant potestatem, vir in uxorem, & uxor in virum. Ideo agemus primo de his, in quibus vir & uxor sunt inæquales: postea agemus de his, in quibus sunt æquales.*

### §. I.

*De his, in quibus maritus & uxor sunt inæquales.*

## ARTICULUS I.

*De officio uxoris erga virum.*

**P**rov. unica. In his, quæ spectant mutuum convictum & regimen rei domesticæ, uxor tenetur subesse viro suo, eique obedire.

*Prob. 1.* Ex Scriptura. *Mulieres viris suis subdita sint, sicut domino: quoniam vir caput est mulieris, sicut Christus caput est Ecclesiæ: ad Ephes. c. 5. 22. Et apud Tobiam: Et apprehendentes parentes filiam suam osculati sunt eam, & dimiserunt ire: monentes eam honorare soceros, diligere maritum, regere familiam, gubernare domum, & se ipsam irreprehensibilem exhibere.*

*2.* Ex Chrysostomo Homil. 10. in epist. ad Coloss. *Diligere quidem, inquit, virorum est, illarum, id est uxorum cedere; hoc quoque a natura sic comparatum est, ut vir quidem diligat, mulier autem obediat. Sed id pressius determinat Aug. lib. 22. contra Faust. c. 21. Quis enim nescit, inquit, uxorem marito tamquam domino debere*  
*ser-*



*servire*, servitute, quæ dominium supponat, non despoticum, sed civile; non tyranicum, sed suave, ut ipsemet explicat Aug.

3. *Rat.* Maritus caput est uxoris: ergo debet uxorem diligere & ei præesse, & uxor debet subesse, juxta illud: *Sub viri potestate eris, & ipse dominabitur*: Genesi 3. v. 16.

### Confectaria hujus Doctrinæ.

*Confect.* 1. Peccat uxor, quæ in mutuo convicctu, mutuisque colloquiis, marito subesse renuit, eique dominari affectat: quæ etiam verbis imperiosis rixaque affectata maritum ad iram provocat, ad juramenta, ad blasphemias, imprecationesve concitat; id enim est contra obsequium quod marito debet. Unde Paulus ad Ephesi. cap. 5. v. 33. sic uxores commonet: *Uxor autem timea virum suum*. Et August. lib. 50. *Homiliarum veter.* edit. ait. *In omnibus ancille esote virorum ceptorum subdite ad obsequium: nulla sit in vobis protervia, nulla superbia, non contumeliosa cervix, non aliqua inobedientia; prorsus tamquam ancille servite*: quod debet semper intelligi de ea servitute, quæ excludat despoticum dominium.

*Confect.* 2. Peccat uxor, quæ neglecta omni erga maritum reverentia eum etiam vitiosum durius tractat, aut intempestive admonet; semper enim firmum stare debet illud Petri: *Mulieres subdite sint viris*; 1 Petri. 3. v. 1. Si quando ergo uxores maritorum vitia carperent velint, gerant se erga sponso suos ad instar Abigail: hæc enim, non dure, nec intempestive virum suum ebrium vel iratum arguebat, sed quoties opportuna occurrebat occasio, gerens se, ut se gallit Monica erga Patritium maritum suum. Hæc, teste Aug. lib. 9. *confess.* c. 9. *noverat non resistere irato viro, non tantum facto, sed ne verbo quidem; jam vero refractum & quietum, cum opportunum videret, rationem facti jam reddebat, si forte ille inconsideratus commotus juerat*: atque ita factum est, ut maritum Patritium pariens Monica Deo lucrata fuerit, ut ait Aug. *ibid.*

*Confect.* 3. Peccat graviter uxor, si ipso viro sibi imperium vindicet; quia uxoris est subesse. *Mulier,*  
C 2 in-

inquit Paulus, *subdite estote viris sicut oportet in Domino: ad Coloss. 3. v. 18.* Et in libro Esther non impro-  
batur generalis hæc constitutio: *Cunctæ uxores tam*

*maiorum, quam minorum desirant maritis honorem.*  
*Consect. 4.* Peccat uxor, si se ingerat in administra-  
tionem domus sine iusta causa, qualis esset, si maritus  
prodigus bona familiæ dilapidaret; quia mulier non  
est caput viri; sed e contra, vir caput est mulieris.

*Consect. 5.* Peccat graviter uxor, si quid notabile ex-  
pendat contra viri voluntatem, & iustam consuetudi-  
nem mulierum ejusdem status vel in ludos, vel in deli-  
cias, immo in eleemosynas, nisi hæ fierent ex bonis  
paraphernalibus si habeat: quia uxor non est domina  
honorum familiæ. *Nihil ergo de sua veste,* inquit  
August. *nihil de suo auro, vel argento, vel quacum-*  
*que pecunia, aut rebus ulis terrenis suis sine arbitrio*  
*mariti facere debuisti:* epist. ad Epiciam 262. &  
ibidem, non licet uxori dicere: *facio quod volo de*  
*meo, cum Et ipsa non sit sua, sed capitis sui, hoc est*  
*virii sui.*

*Consect. 6.* Peccat graviter uxor, si ex quodam  
amore independentiæ sine ulla causa nolit sequi vi-  
rum domicilium mutantem; decet enim uxorem a ma-  
rito non divelli, sicuti decet membrum capiti adherere.  
Exemplum egregium hujus adhesionis est Sacra, quæ  
Abraham peregrinantem semper comitata est.

## ARTICULUS II.

*De Officiis mariti erga uxorem.*

**Prop. unica.** Maritus debet uxorem, non ut servam,  
sed ut sociam habere in mutuo convictu, immo in  
his, quæ ad regimen familiæ pertinent.

*Prob. 1.* Ex Scriptura Petrus Apostolus epist. 1. c.  
3. v. 7. sic viros alloquitur: *Viri similiter cohabitantes*  
*secundum scientiam quasi infirmiori vasculo mulieribus*  
*impartientes HONOREM, tamquam coheredibus gra-*  
*tiae vine, ut non impediatur orationes vestre:* Ergo  
mariti debent uxoribus honorem aliquem impendere:  
ergo non debent eas habere ut servas sive in mutuo  
convictu, sive in domus regimine.

2. Chrysost. in c. 3. epist. ad Ephes. homil. 2. ubi sic  
ha-

habet: *Vita autem sociam, liberorum matrem; Et quæ est causa Et occasio omnis letitiæ, non oportet metu, Et minus ligare, sed dilectione Et affectione; quoniam enim est conjunctio, quando uxor exhorreuit maritum? quoniam autem voluptate fruetur ipse maritus cum uxore habitans tamquam cum ancilla, Et non tamquam cum libera? unde ibidem alloquens maritum, sic cum præmonet: Exige timorem, qui convenit liberæ, non tamquam ab ancilla, est enim corpus tuum; nam si hoc feceris, te ipsum probro afficis, tuum corpus a faciente ignominia: Ergo maritus debet uxorem suam, non ut ancillam, sed ut sociam habere.*

3. *Rat.* Ita debent se gerere viri erga uxores, sicut Christus erga Ecclesiam; & uxores erga viros, sicuti Ecclesia erga Christum: quia, ut docet Aug. lib. de continentia c. 9. in unione Christi cum Ecclesia *Vir, Et uxor quales secum esse debeant, præceptum accipiunt Et exemplum: Atqui Christus Ecclesiam non habet ut servam, sed diligit ut liberam: Ergo & mariti uxores suas, non ut servas, sed ut socias habere debent.*

### Confectaria hujus doctrinæ.

*Confect. 1.* Peccat maritus, si verbis contumeliosis, vel infamatoriis afficiat uxorem. *Viri, diligite uxores vestras, Et nolite amari esse ad illas, ait Paulus ad Coloss. c. 3. v. 19.* Vis, inquit Chrysostomus ibidem, tibi obedire uxorem sicut Christo Ecclesiam, ipse quoque ejus curam gere sicut Christus Ecclesie - - Quomodo Christus eam, quæ ipsum adversabatur, oderatque, Et despiciatui habebat, ac conspuebat, Et per lasciviam ei insultabat, magna sua cura suis subjecit pedibus, non nimis, nec contumeliis, neque metu, neque ullo alio hujusmodi; ita tu quoque te gere in tuam uxorem, etiamsi eam videri despicientem, &c.

*Confect. 2.* Peccat maritus, si uxorem tamquam servam habeat; non enim dominus est uxoris, sed solum caput. Tu viros conjugibus, inquit Aug. non ad illudendum imbecilliorum sexum, sed sinceris amoris legibus præfais: lib. 1. de Morib. Eccles. c. 30. Quia viro nec domina, nec ancilla, inquit Aug. parabatur, sed socia; non de capite, nec de pedibus, sed de latere erat producenda: epist. 99.



*Consect. 3.* Peccat maritus, si sine gravi causa uxorem a domus regimine omnino removeat, si negotiorum familie omnem ei notitiam, quasi foret extranea, penitus eripiat, maritus enim debet uxorem ut sociam, non ut extraneam in rebus domesticis habere, nisi sibi certo constaret, uxorem rem familiarem dilapidare potius quam augere; nihil enim est quod magis noceat rebus domesticis, quam vel minima inter virum & uxorem dissensio: quippe, ut ait Chrysost. in cap. 5. epist. ad Eph. Hom. 22. *Si hi, id est conjugati, in concordia sint, & recte aluntur filii, modestique sunt famuli, & ordinem non deserunt, & bonorum odore fruuntur vicini amique & cognati; sin autem contra, confunduntur omnia: & quomodo cum duces exercitus inter se vacem agunt, omnia suam servant consequentiam, & si rursus illi turbentur, sarsunt & deorsum aguntur omnia; ita & nunc quoque se habent res in familia, quando conjugati dissentiunt.*

*Consect. 4* Peccat maritus si ex negligentia regimen domus, & curam omnem rei familiaris abjiciat; quia vir caput est mulieris, & ita ejus est providere familie; de quo ita Catech. Trid. part. 2. Tit. de matrimonii Sacramento: *Decet virum in alicujus rei honeste studio semper occupatum esse, tum ut suppeditet, quæ ad familia sustentandam necessaria sunt, tum ne inerti otio torpescat, a quo viria fere omnia fluxerunt.*

## §. II.

*De his, in quibus conjugati sunt sibi æqualiter debitores,*

Non loquimur hic de usu matrimonii, quia hoc agemus ubi de luxuria.

## ARTICULUS I.

*De subsidio, quod sibi mutuo debent conjugati, ut societatem conjugalem foveant.*

*Prop. unica.* Conjugati debent sibi mutuo ea subsidia, quæ indivisam vitæ societatem, quam inierunt, fovere possunt.

*Prob. 1.* Ex Script. Conjugati sunt ad minus æquo uniti ac membra ejusdem corporis, juxta illud Gen. 2. v. 24. *Erunt duo in carne uno.* Atqui membra ejusdem

dem corporis ea sibi subsidia conferunt, quæ consistentiam corporis fovere possunt: Ergo & conjugati debent sibi mutuo ea conferre subsidia, quæ individuum societatem, quam inierunt, fovere possunt.

2. *Rat.* Matrimonium est maris & femine legitima conjunctio, individuum vite societatem retinens: Atqui individua, seu inseparabilis illa societas stare non potest, nisi conjugati mutuo sibi necessaria subsidia conferant, ut patet: Ergo conjugati debent sibi mutuo ea subsidia conferre, quæ societatem, quam inierunt, fovere possunt.

### Consuetudina hujus Doctrinæ

*Consuet.* 1. Conjugati debent mutuos tum animi, tum corporis defectus sustinere: dicitur quippe omnibus, sed præcipue conjugatis: *Alter alterius onera portate, Et sic adimplebitis legem Christi:* ad Galat. 6. Sic prudentissima Abigail, ut loquitur Scriptura, Nabal virum suum, *durum, pessimum Et malitiosum* patienter sustinebat. Sic Elcana Annam, licet sterilem, patienter sustinebat, tristemque consolabatur, dicens: *Anna cur fies? Et quare non comedis? Et quam ob rem affligitur cor tuum? Numquid non ego melior tibi sum, quam decem filii?* Unde S. Greg. p. 3. admon. 27. ait. *Admonendi sunt conjuges, ut ea, in quibus sibi aliquando displicent, Et patientes invicem tolerant, Et exhortantes invicem salvent.*

*Consuet.* 2. Conjugati in morbis, aliisque corporis infirmitatibus debent sibi mutuo ministerium; hoc enim exigit amor conjugalis: ideo vituperatur in Scriptura uxor Job, quæ maritum a planta-pedis usque ad verticem pedis vulnere percussum affligebat potius quam sublevabat: Job. cap. 2.

*Consuet.* 3. Conjugati debent comparti necessitatem patienti, prout possunt, succurrere, sive bonis fortunæ si habeant, sive opera manuum si laborare possunt. Unde laudatur in Scriptura uxor Tobie, quæ opera manuum suarum marito indigenti opitulabatur: *Anna vero uxor ejus ibat ad opus textrinum quotidie; Et de labore manuum suarum victum, quem consequi poterat deferebat in hoc laudanda; vituperanda vero in eo quod*

sponso suo spem, quam habebat in Deo, exprobrabat. Unde Aug. lib. 5. Hom. Homilia 49. veteris editionis, uxorem sic commonet: *Aurum tuum vendat maritus pro necessitate sua, ferto femina, noli contradicere, contempnus auri tui, dilectio est viri tui. Si villam tuam pro necessitate sua vendat, quæ est tua, non enim potest esse ejus, quæ non sit tua, si est charitas in te, quæ debet esse in uxore, ferto patienter: Et si dubitat, tu offer, contemne omnia propter amorem viri tui. Quod Augustinus dicit de uxore erga virum, idem dicendum de viro erga uxorem.*

*Consect. 4.* Conjugati debent sibi mutuo & in prosperis gaudium & in adversis solatium: debent simul & in afflictione contristari, & in lætitia congaudere; comparantur enim ad invicem sicut membra unius & ejusdem corporis. Ut autem non sit schisma in corpore, inquit Paulus I. ad Corinth. 12. v. 25. *in idcirco pro invicem sollicita sunt membra: Et si quid patitur unum membrum, compatiuntur omnia membra; siue gloriatur unum membrum, congaudent omnia membra.*

## ARTICULUS II.

*De subsidio, quod sibi debent conjugati in ordine ad salutem æternam.*

*Prop. unica.* Conjugati debent sibi mutuo ea subsidia, quæ ad æternam utriusque salutem sunt necessaria.

*Prob. I.* Ex Script. Is est finis præcipuus matrimonii, ut conjugati sese mutuo adjuvent in ordine ad salutem æternam consequendam, juxta illud Pauli, I. ad Corinth. 7. v. 14. *Sanctificatus est vir infidelis per mulierem fidem; Et sanctificata est mulier infidelis per virum fidem:* Ergo conjugati debent sibi mutuo ea subsidia, quæ ad æternam utriusque salutem sunt necessaria.

*2. Rat.* Matrimonium in lege Evangelica est non solum contractus civilis, sed etiam verum Sacramentum: Ergo obligat conjugatos ut non solum sibi ea subsidia conferant, quæ societatem civilem fovere possunt; sed etiam ea, quæ ad æternam salutem inservire possunt.

Con-



*De quarto Decalogi Praecepto.*  
*Confectaria hujus Doctrinae.*

41

*Confect. 1.* Conjugati debent sibi amorem sanctum & pudicum, qualis reperitur inter Christum & Ecclesiam, ut movet Paulus ad Ephes. 5. v. 22. *Viri diligite uxores vestras, sicut & Christus dilexit Ecclesiam, & seipsum tradidit pro ea, ut eam sanctificaret, mundans lavacro aquae in verbo vite; ut exhiberet ipse gloriosam Ecclesiam, non habentem maculam, aut rugam, aut aliquid ejusmodi, sed ut sit sancta & immaculata.* Idem officium incumbit uxoribus: ergo conjugati debent eo amore mutuo se diligere, quo possunt sine macula, sine ruga coram Deo se sistere. Tales erant Zacharias & Elisabeth, de quibus dicitur; *Erant autem justi ambo ante Deum, incedentes in omnibus mandatis, & justificationibus Domini sine querela;* Luc. 1. v. 6.

*Confect. 2.* Conjugati debent sibi mutuo admonitionem & instructionem circa ea, quae pertinent ad salutem aeternam: & quidem vir utpote caput uxoris debet instruere mulierem; & aliquando uxor debet instruere virum. Sic Tobias uxorem Annam commonebat his verbis: *Tunc hortatus est virginem Tobias, dixitque ei: Sara, exurge, & deprecemur Deum hodie & cras & secundum cras; quia his tribus noctibus Deo jungimur.* Tertia autem transacta nocte in nostro erimus conjugio. Filii sanctorum sumus, non possumus ita coniungi, sicut gentes quae ignorant Deum: Tob. 8. v. 4. Sic Abigail virum Nabal interdum admonebat, & Monica virum suum Patritium.

*Confect. 3.* Conjugati debent sese mutuis exemplis ad pietatem inflammare, v. g. simul Sacramenta frequentare, &c. id docet Chrysost. Hom. 20. in Epist. ad Ephes. *Sint preces vobis communes, inquit, unusquisque eat ad Ecclesiam, & eorum quae illic dicuntur, & legatur & maritus ab uxore partem domi exeat, & ille a marito.*

*Confect. 4.* Conjugati ita debent sancte conversari, ut ex eorum exemplo ceteri tum fideles tum infideles sanctitatem addiscant, ita docet Petrus 1 cap. 3. *Similiter, inquit, & mulieres subire sint viris suis; ut & si qui non credunt verbo, per mulierum conversationem sine verbo luer fiant, considerantes in timore castam conversationem vestram.*

C 5

CA.

De mutuo Pastorum oviumque officio.

## ARTICULU I

De officio ovium erga Pastores.

**Prop. unica.** Pastoribus debemus amorem, reverentiam, obedientiam & subsidium.

**Prob. 1.** Ex Script. Debemus primo amorem Pastoribus nostris, juxta illud Pauli: Rogamus autem vos, fratres, ut noveritis eos, qui laborant inter vos, & præsunt vobis in Domino, & movent vos, ut habeatis illos abundantius in CHARITATE. Propter opus illorum potest habere cum eis: 1. ad Thess. c. 5. v. 12. Secundo reverentiam eis debemus, juxta illud: Honora Deum ex tota anima tua, & HONORIFICA Sacerdotes: Eccles. c. 7. v. 33. Tertio debemus eis subsidium, juxta illud: Honorifica Sacerdotes, & propurga te cum brachiis, da illis partem PRIMITIARUM, sicut mandatum est tibi: Eccles. c. 7. v. 33. Et juxta illud Pauli: Quis militat suis stipendiis unquam? quis plantat vineam, & de fructu ejus non edit? quis pascit gregem, & de lacte gregis non manducat? -- Si nos vobis spiritualia seminavimus, magnum est, si nos carnalia vestra metamus? Quarta eisdem debemus obedientiam, juxta illud: Qui autem superbiert, nolens OBEDIRE Sacerdotis imperio, morietur homo ille: Dent. 17. v. 22. Et juxta illud Pauli: OBEDITE praepositis vestris, & subjacete eis; ipsi enim pervigilant, quasi rationem pro animabus vestris reddaturi: ad Hebr. c. 13. v. 17. Ergo Pastoribus debemus amorem, reverentiam, obedientiam, & subsidium.

2. Ex lib. 2. Constitut. Apostolicae, qui liber, licet verus non sit factus Apostolorum, gravis est tamen auctoritatis: sic ergo habetur c. 20. At vero bonum Pastorem Laicus honoret, diligat, metuat ut patrem, ut Dominum, at herum, ut Dei Pontificem, ut magistrum pietatis: qui enim odit eum, Christum odit, & qui ei non obtemperat, non obtemperat Christo, & qui Christum non recipit, non recipit patrem ejus. Qui enim vos odit, me odit, & qui vos spernit, me spernit, & qui me spernit, spernit eum, qui misit me.

3. Ex Conc. Carisiacensi an. 858. c. 7. Rectores ac Pa-

Pastores Ecclesiarum, ut Patres, & Christi Vicarios colite, sicut sancta Scriptura precipit, dicens: Sacerdotes Dei sanctifica, & Magnati humilia caput tuum: Eorumque spiritualia consilia obaudite, iterum dicente Scriptura - Labia Sacerdotis custodient scientiam.

4. Rat. Pastores sunt spirituales patres fidelium iuxta illud: In Christol per Evangelium ego vos genui: Ergo eadem eis debemus officia, quæ parentibus carnalibus: ergo debemus eis amorem, reverentiam, obedientiam & subsidium.

### Confectaria hujus Doctrinæ.

Confect. 1. Peccant fideles, qui interius non amant Pastores suos spirituales, & qui in circumstantiis debitis non dant signa externa amoris erga illos: quo circa Paulus reprehendit Galatas, quod amor ille, quo eum deperibant, paululum tepesceret. Ubi ergo, inquit, beatitudo vestra? Testimonium enim perhibeo vobis, quia si fieri potuisset, oculos vestros cruissetis & dedissetis mihi: ergo inimicus vobis factus sum, verum dices: ad Galat. 4. v. 15.

Peccant gravius, qui interius odio habent Pastores suos, aut qui exterius proferunt signa latentis odii; illud enim odium non tam in Pastores quam in ipsum Deum refenditur, ut monet Greg. Regis. lib. 12. Indic. 7. Epist. 7. Cum in Præpositos delinquimus, ejus ordinationi, qui eos nobis prætulit, obviamus. Unde Moyses, dum contra se & Aaron conqueri populum cognovisset, ait: Nos enim quid sumus? Nec contra nos est murmur vestrum, sed contra Deum.

Confect. 2. Peccant fideles, qui Pastoribus debitam non exhibent reverentiam, v. g. non alte sentiunt de illis, non eos alloquuntur verbis honorificis; quippe, ut ait Chrysost. Homil. 17. in Matth. Sacerdotes Christi Vicarii sunt: qui honorat Sacerdotes Christi, Christum honorat. Et ibi. 3. de dignitate Sacerdotali ait: Per ipsos Sacerdotes Christum induimus; per ipsos Dei Pater conjungimur: per ipsos membra beati hujus capitis efficiuntur. Quomodo ergo nobis isti non solum reverendi magis quam Reges, aut Principes, sed etiam nobis magis erunt honorabiles, quam parentes? Exemplum habemus tremendum de



his, qui non honorant Sacerdotes, in pueris illis, qui Prophetam quasi calvum irridebant: egressi enim duo ursi de saltu laceraverunt ex eis quadraginta duos pueros, qui Prophetam verbis injuriosis irriserant. Unde Aug. serm. 102. de verbis Evangel. Luc. ait: *Videte ne spernatis nos, ne ad illum perveniat injuria quam nobis feceritis. Si enim non timetis nos, illum timete, qui dicit: Qui vos spernit, me spernit.*

*Consect. 3.* Peccant fideles, qui Pastoribus non obediunt in his, quæ salutem nostram spectant: dicitur enim Matth. cap. 23. v. 2. *Super Cathedram Moysi sederunt Scribæ & Pharisei: omnia erga quæcumque dixerint vobis servate & facite, secundum opera vero eorum nolite facere.* Legitur insuper in epist. quæ tribuitur Clementi: *Quicumque Episcopus non obediunt, indubitanter rei, & reprobi existunt.* Et Aug. serm. 147. de verbis Evangelii Joannis, alias 62. de verbis Domini ait: *Pertineat ergo ad nos Episcopos cura, ad vos fideles obedientia; ad nos vigilantia pastoralis, ad vos humilitas gregis.*

*Consect. 4.* Peccant fideles, qui debitum non conferunt Pastoribus suis subsidium, v. g. decimas, oblationes &c. scriptum est enim in lege Moyfi: *Non alligabis os bovi trituranti: ita & Dominus ordinavit his, qui Evangelium annuntiant, de Evangelio vivere: 1. ad Corinth. c. 9. v. 9. Et rursus: Qui bene præsent Presbyteri duplici honore digni habeantur; maxime qui laborant in verbo & doctrina.* Unde ait Chrysost. in epist. 1. ad Tim. c. 15. hom. 15. *Oportet Doctores necessarium victum assatim ministrari, ne deficiant, atque solvantur, ne minimis occupati, magnis seipso atque alios privent, ut spiritalia operentur.* Sunt enim, ut dicit Christus, operarii in vinea Domini operantes, quibus propterea denarius diurnus lubenter impendendus est.

## ARTICULUS II.

*De Officio Pastorum erga oves suas.*

*Prop.* unica. Pastores debent ovibus suis amorem, bonum exemplum, instructionem, & Sacramentorum administrationem.

*Prob. 1.* Ex Script. Primo Pastores debent ovibus suis

his amorem juxta illud Pauli ad Corinth. 2. c. 6. v. 11. *Os nostrum patet ad vos, o Corinthii: cor nostrum dilatatum est: non angustiamini in vobis, ut est amor noster, qui in vos omnes diffusus est, juxta illud Ioan. epist. 3. v. 1. Senior Gajo charissimo, quem ego diligo in veritate.* Secundo bonum exemplum, juxta illud Pauli: *EXEMPLUM esto fidelium, in verbo, in conversatione, in charitate, in fide, in castitate.* 1. ad Tim. c. 1. v. 1. Ita se gessit caput omnium Pastorum Christus, de quo dicitur: *Cepit Jesus facere & docere.* Et rursus: *Exemplum dedi vobis, ut quemadmodum ego feci, ita & vos faciatis:* Ioan. cap. 13. v. 15. Tertio instructionem debent Pastores ovibus suis juxta illud Pauli ad Tim. 4. v. 2. *ARGUE, OBSECRA, INCREPA in omni patientia, & doctrina.* Et rursus: *Attende tibi, & doctrine: inste in istis.* Hoc enim faciens, & te ipsum salvum facies, & eos qui te audiunt: ibid. v. 16. Hoc docuit nos Christus, qui vicos & pagos evangelizando peragravit. Quarto, Pastores debent ovibus suis cum doctrina conjunctam Sacramentorum administrationem, juxta illud Matth. 28. v. 19 *Euntes DOCETE omnes gentes BAPTIZANTES eos in nomine Patris, & Filii, & Spiritus sancti, id est, docete, Baptismum & alia Sacramenta conferte:* Ergo pastores debent fidelibus amorem, instructionem, bonum exemplum & Sacramentorum administrationem.

2. Ex lib. 2. Constitut. Apostolic. 20. ubi sic habetur: *Similiter Episcopus tanquam filios diligat laicos, prosequens eos studio charitatis, & fovens tanquam ova ad acquirendos pullos, aut tanquam pullos sinu eos complectens ad acquirendum gallinas: omnes monens, omnes increpans acerbè, quicumque increpatione acerbè indigent, sed non feriens; premens ut reveantur, non ut evertantur; monens ut convertat, increpans ut corrigat, &c.* Ergo.

3. Ex concilio Colonienſi primo ann. 1536. part 5. c. 1. ubi explicans illud dictum Petro. *Pasce agnos meos,* sic loquitur. *Id fecerimus, si grigem Christi post Christum unice diligamus, atque eundem tam verbis doctrina, quam operis exemplo pascamus, divinarumque Sacramentorum dispensationem tueamur defendamusque,*

4. Rat.

4. *Rat.* Pastores sunt Patres spirituales fidelium, duces, Doctores & nutritii: ut Patres debent amorem filijs, ut Doctores instructionem; ut duces bonum exemplum, ut nutritii pabulum Sacramentorum. Ideo ait S. Carolus in oratione habita in Concilio primo Mediolanensi ann. 1566. *Hoc munus Pastoris, hoc ducis officium, hæ gubernatoris partes sunt, ut gregi, militibus, navi potissimum prospiciant: nam in subditorum salute præfecti incolumitas continetur.*

### Confectaria hujus Doctrinæ.

*Confect.* 1. Peccant Pastores, qui oves suas in ordine ad salutem æternam non diligunt: quod officium ita explicat Aug. serm. 296. in natali Apost. Petri & Pauli, alias de diversis. 106. ubi sic interpretatur hæc verba: *Pasce oves meas.* *Commendo tibi oves meas,* inquit: *Quas oves? Quas emi sanguine meo. Mortuus sum pro eis. Amas me? Morere pro eis - - Det nobis Deus vires sic amandi vos, ut possimus mori pro vobis aut effectu, aut affectu.* Et Leo VII. epist. 2. ad Gerardum Laurealensem Archiepiscopum, sic Pastoris amorem erga oves describit *pastores ovium solis ardorem, geluque pro gregis sui custodia die ac nocte ferre contenti sunt; Et ne qua ex eis aut errando pereat, aut ferinis laniata morsibus rapiatur, oculis semper vigilantibus circumspiciant: quanto sudore, quantaque cura debeamus esse pervigiles nos, qui pastores animarum dicimur, attendamus.*

*Confect.* 2. Peccant Pastores, qui ovibus suis non prælucent bono exemplo. Pastor enim ut habetur Matth. c. 5. *est sal terræ, Et lux mundi, ut luceat omnibus qui in domo sunt:* Ergo debet bono suo exemplo fidelibus præluere. Ideo Aug. in Psal. 39. explicans illud: *videbunt justi Et timebunt,* ait. *In ecclesia iste ordo est, alii præcedunt, alii sequuntur: Et qui præcedunt, exemplo se præbent sequentibus: Et qui sequuntur, imitantur præcedentes - - Ergo qui jam directos gressu habent in petra, id est Pastores, forma sint fidelibus, instar Pauli, qui dicebat: Imitatores mei estote, sicut Et ego Christi.*

*Confect.* 3. Peccant Pastores, qui non iustruunt plebem sibi commissam juxta regulas ab Ecclesia præscrip-



tas: de quibus speciatim, ubi de statu Clericorum, Sed generatim omnibus Pastoribus in persona Itaiæ dicitur: *Quasi tuba exalta vocem tuam.* Pastores enim, qui tacent, iram Dei incurrunt, ut fatetur Itaiæ: *Ve mihi, quia tacui:* Itai. c. 60. Quippe teste Basilio in regul. Brev. reg. 48. Cui docendi munus commissum est, si annuntiare negligat, perinde ut homicida judicatur. Terribile quidem, & tamen verum quod ait Prosper lib. 1. vitæ contemplativæ c. 20. Ille autem, cui dispensatio verbi commissæ est, etiamsi sancte vivat, & tamen perditæ viventes arguere erubescat, aut metuat, cum omnibus, qui, eo tacente, perierunt, perit: & quid ei proderit, non puniri suo, qui puniendus est alieno peccato?

*Consect. 4.* Peccant Pastores, qui fidelibus, quoties opus est, Sacramenta non administrant. Episcopi, v. g. qui Confirmationem non administrant: Parochi, qui non administrant Pœnitentiam & Eucharistiam: qui non visitant infirmos, nec eos consolantur. Conc. Narb. de Parochis agens, sic habet: *Invigilent Parochi super gregem, & parati semper sint, ne per illorum negligentiam aut parvuli sine Baptismo, aut adulti sine Sacramentis Pœnitentiæ, Communionis, & Extreme Unctionis moriantur.*

*Vid. Constitution. XIII. & XV. ad Calcem. Tom.*

## CAPUT VII.

*Quæ sit mutua obligatio pædagogorum, & discipulorum.*

### ARTICULUS I.

*De officio discipulorum erga pædagogos.*

*Prop. unica.* Discipuli eadem debent pædagogis quæ filii Parentibus, scilicet, amorem, obedientiam, reverentiam, & subsidium honorarium præscriptum. Probatum eisdem rationibus, & auctoritatibus, quibus superior propositio probata est.

*Consectaria hujus doctrinæ.*

*Consect. 1.* Peccant discipuli quoties pædagogis suis tum privatis, tum publicis non exhibent amorem, obedientiam, reverentiam interius & exterius; quia eadem fere debent pædagogis quæ patribus: quod adeo

adeo verum est, ut istud nec ipsis paganis fuerit incognitum; sic enim Quintilianus instruit pædagogum, eique qualem animum habere debeat erga discipulos præscribit, lib. 2. cap. *Sumat igitur ante omnia parentis erga discipulos animum, ac succedere se in eorum locum, a quibus liberi traduntur, existimet: & pari ratione discipuli animum filiorum erga pædagogum suum concipiant.*

*Consect. 2.* Peccant parentes, qui puerorum suorum pædagogis tum privatis, tum publicis debitum non conferunt honorarium: dignus est enim operarius mercede sua. Honorarium religiosissime impendendum esse denotant privilegia ab Imperatoribus pædagogis publicis concessa. Cod. Theodos. lib. 3. tit. 3. leg. 16. *Grammaticos, Oratores, atque Philosophie Præceptores, nec non etiam Medicos, præter hæc quæ retro latarum sanctionum auctoritate consecuti sunt privilegia immunitatesque, frui hac prærogativa præcipimus, ut nulla municipali, nulla curialium collatione, nulla senatoria, vel glebali descriptione vexentur: seu indepta administratione, seu accepta testimoniali meruerint missionem, sint ab omni sanctione omnibusque muneriis publicis immunes: nec eorum domus, ubicumque posita, militum, seu iudicum suscipiant hospitandum. Quæ omnia filiis etiam eorum & conjugibus illibata præcipimus custodiri; ita ut nec ad militiam liberi memoratorum trahantur inviti. Hæc autem & professoribus memoratis eorumque liberis deferenda mandamus. Ergo, ut sequamur mentem Imperatorum, iustum stipendium pædagogis impendendum est.*

*Consect. 3.* Culpandi sunt maxime parentes, qui in eo, quo par est, honore non habent (præcipue coram pueris) pædagogos tum privatos, tum publicos. Ex illo enim pædagogorum contemptu fit, ut pueri magistros suos parvi faciant, monita eorum aspernantur, & ea, quæ ab ipsis edocentur, oscitanter adiciant. Diversa omnino fuit Antiquorum erga pædagogos filiorum suorum reverentia. Philippus Macedo vetuit, ne coram Aristotele præceptore Alexander discipulus federet, ut modestius & docilius magistri documenta susciperet. Theodosius Magnus iussit, ut ejus filii

Arcadius & Honorius Imperatoris insignia deponerent, quamdiu eis lectio ab Arsenio præceptore fieret: & quidem merito; quia, ut bene notat Aristoteles, Deo, parentibus, magistris numquam satis magna reverentia exhiberi potest; cujus pulchra est illa sententia: *Qui interrogat: an Deus, parentes, & magistri colendi sunt? pena indiget, instructione non indiget.*

## ARTICULUS II.

*De officio pædagogorum erga discipulos.*

*Prop.* unica. Pædagogi, sive privati, sive publici, id est, sive hi, qui publice in scholis docent, sive hi, qui in domibus privatim instruunt pueros, duobus debent præcipue insistere, scilicet, moribus efformandis, & scientiis edocendis.

*Prob.* I. Ex scriptura. Paulus scribens ad Tim. epist. 2. c. 2. v. 15. sic eum instruit, & in ejus persona omnes Episcopos cunctosque præceptores, qui sunt quasi domesticæ Episcopi: *Sollicite, inquit, cura te ipsum probabilem exhibere, id est, exhibe te probum, seu probatum Deo: Operarium inconfusibilem, cui non sint pudori pravi mores vel ignorantia: recte tractantem seu secantem verbum veritatis, id est, qui instar nutricis cibum animarum, scilicet, verbum Dei, in particulari secet, ut commodius glutiat. Ergo præceptores duobus debent præcipue insistere, scilicet, moribus efformandis, & scientiis edocendis.*

2. Ex statutis Facultatis Parisiensis art. I. *Ad docendam & regendam juventutem, magistros probatæ vitæ, & doctrinæ recipiant, qui suo munere recte fungi noverint: quorum mores in primis spellandi, ut pueri ab his & litteras simul discant, & bonis moribus imbuantur. Ergo præceptores & moribus efformandis, & scientiis edocendis debent insistere.*

3. *Rat.* Duo præcipue mala a peccato originali oriuntur. Primum est proclivitas ad peccandum: secundum est ignorantia; ergo pædagogi duobus his malis medeantur necessum est: oportet ergo, ut proclivitatem peccandi a malo inflectant, bonos mores inspirando: & ignorantiam expellant, mentem bonis artibus instituendo.



## § I.

*De his, quæ in formandis puerorum moribus inservire possunt.*

*Consej. 1.* Oportet pædagogi sint ipsimet optimis moribus imbuti; quia alias probitatem pueris inspirare non possunt. Scriptura enim loquens de Episcopo epist. 1. ad Timoth. c. 3. v. 2. ait: Oportet ergo Episcopum irreprehensibilem esse: ergo & pædagogum, qui est quasi Episcopus, id est speculator. Unde dicitur Cod. Iust. lib. 10. tit. 52. l. 105. Magistros studiorum Doctoresque excellere oportet moribus primum, deinde facundia. Et concil. Burdig. an. 1624. ait: Ne quis hujusmodi Præceptorum, quod non raro accidit, sit vinosus, blasphemus, maledicus, scurra, aut aliquo vitio ita inquinatus, quod inde tenera juvenus semina vitiorum exsugere queat.

*Consej. 2.* Oportet, ut pædagogi discipulis suis bono exemplo præluceant; quia alias virtutem ipsis inspirare non possunt: ait enim Paulus scribens ad Timoth. 1. 4. vers. 12. Exemplum esto fidelium; Ergo pari ratione idem pædagogis dici potest. Unde Aug. loquens de omnibus, qui præluce debent exemplo, ait: Quantisunque exemplum male conversationis, etiam si non illud illi sequantur, præbuerint, pro tantis se malis rationem noverint reddituros. Et ipse Quintilianus licet paganus, id necessarium in præceptore agnovit; ait enim lib. 2. c. 1. Ipse nec habeat vitia, nec ferat: & cap. 2. Magistrorum primum inspicere mores oportebit.

*Conf. 3.* Oportet, ut Pædagogi in omnibus probitatem prius inspirent pueris, quam scientiam; probitas quippe via est ad scientiam. Dicit enim scriptura Sap. 1. v. 4. In malevolam animam non introibit sapientia, nec habitabit in corpore subdito peccatis: & c. 4. 12. Fascinatio nugacitatis obscurat bona, illudendo scilicet, & impediendo, ne verum a falso secernamus. Unde Concil. Burdig. an. 1583. c. 8. ait: Omnes autem præceptores, sive publici, sive privati Catechismum, sive doctrinam Christianam ea forma dumtaxat, quæ ab Ordinario loci præscribitur, juventutem docere, lectiones prævia oratione incipere, itemque finire, & singulis Dominicis & festis solemnibus discipulos ad Ec-

*clesiam pro officiis Divinis & concionibus verbi Dei audiendis, deducere teneantur.*

*Consect. 4.* Oportet, ut pædagogi severius puniant peccata contra mores, quam contra scientiam, ostendentes scilicet scientias sæculares fallaces esse, iadio & indignatione plenas, juxta illud Eccles. c. I. v. 17. *Dedique cor meum, ut scirem prudentiam atque doctrinam, erroresque & stultitiam: & agnovi, quod in his quoque esset labor & afflictio spiritus: eo quod in multa sapientia multa sit indignatio; & qui addit scientiam, addit laborem.* Ostendat pueris, quod unum sit maxime necessarium, scilicet, probitas, juxta illud Eccles. c. 22. v. 13. *Finem loquendi pariter omnes audiamus: Deum time, & mandata ejus observa: hoc est enim omnis homo.* Unde queritur Aug. lib. Confess. 18. quod pædagogi severius punirent sollicitimos, quam vitia, magisque vituperarent pronuntiationem contra grammaticam, quam contra divinas leges prævaricationem.

*Consect. 5.* Oportet, ut pædagogi ita auctores profanos discipulis explicent, ut maxime caveant ab his locis, quæ vel fidei obesse possunt, vel moribus. Si enim *corrumpunt bonos mores colloquia mala*, ut dicit Scriptura; quanto magis nocebit attenta & sæpius repetita lascivi, aut irreligiosi auctoris lectio? Id prohibet Concil. Turon. an. 1581. c. 3. ubi sic habetur: *Prohibet Synodus, ne libri ad lasciviam & luxus provocantes legantur, aut retineantur sub anathematis pena.* Et Concil. Burdig. an. 1583. ait: *Ascholis Christianorum libri non solum impij, verum etiam impuri longe arceantur.* Ipsemet Quintil. lib. I. c. 8. quantum ea lectio noceret pueris agnovit; ait enim: *Non auctores modo, sed etiam partes operis elegeris: nam & Græci licenter multa; & Horatium in quibusdam volumus interpretari.* Quantum id sibi nocuerit fatetur Aug. Confess. lib. I. c. 16. & 17.

Immo si quid in Auctoribus profanis aut pie dictum, aut sapienter excogitatum inveniat, illud omne prudentes pædagogi in Deum verum, qui est Pater luminum, refundendum esse puerorum animis inculcent: sæpius fundamentum illud Religionis nostræ

stabilant, scilicet, quod homo corruptus longe proclivior sit ad errorem, quam ad veritatem, etiam in rebus naturalibus, & quod in supernaturalibus omnino cæcutiat. *Divini muneris est*, inquit Concil. Araus. can. 9. *cum recte cogitamus, & pedes nostros a facilitate & justitia tenemus. Quoties enim bona agimus, Deus in nobis, atque nobiscum, ut operemur, operatur.*

*Confess. 6.* Si pueros vel cantu, vel declamationibus exerceant pædagogi, curent, ut pueri ea canant, ea recitent, quæ pietatem inspirent, non impietatem; probitatem, non libidinem. Eas sæculi vanitates sic despiciat Propheta: *Narraverunt mihi iniqui fabulationes; sed non ut lex tua.* Et Aug. deslet. 1. *Confess. cap. 17.* ingenium suum occupatum fuisse fabulis paganorum, Authorum profanorum scriptis diutius, quam par erat, fuisse detentum. *Nonne*, inquit, *ecce illa omnia fumus & ventus? Itane aliud non eret, ubi exercebatur ingenium, & lingua mea? Laudes tue, Domine, laudes tue per Scripturas tuas suspenderent palmitem cordis mei, & non raperetur per inania nugarum, turpis preda voluptatis.*

*Confess. 7.* Oportet demum ut Pædagogi a discipulis quantum poterunt, amoveant ea omnia, quæ mores labefactare possunt: commercium, v. g. cum famulis vulgo vitiosis interdican, omnem cum aliis pueris petulantibus societatem penitus dissolvant; quia nihil est quod magis probitati noceat, quam malorum societas, ut dicitur Prov. c. 4. v. 14. *Nec delecteris in semitis impiorum, nec tibi placeat malorum via: fuge ab ea, nec transeas per illam, declina, & desere eam.*

*Confess. 8.* Præceptores illum duntaxat permittant discipulis suis sensuum externorum usum, qui vel tutando corpori, scientiis acquirendis, vel moribus informandis inservire queat. 1. Moneant discipulum, ut cor ab omni pravo affectu temperet: *Omni custodia serva cor tuum*, inquit Sapiens, Prov. c. 4. v. 23. *quia ex ipso vita procedit.* 2. *Auditum* discipuli permittant quidem vel musicis concentibus demulceri, vel utilibus narrationibus & instrui & delectari, sed nihil finant coram discipulo enarrari quod vel turpe sit vel



vel malignum. *Corrumpunt bonos mores colloquia mala* inquit Paulus: & rursus: *Fornicatio nec nominetur in vobis sicut decet sanctos.* Et Sapiens prov. c. 4. 24. *Remove a te os prævum & detrahentia labia sinò procul a te.* 3. *Visum* discipuli ita occupent, ut discat contemplari cœlorum ornatum, terræ divitem proventum, fontium scatebras, fluminum lapsus, maria vasta, animantium varias species: & hæc omnia, ut serviant utilibus hominum, tantum ut homo serviat Conditori suo. Picturis, statuisve non impediatur pasci discipulorum oculis; sed ea cautela, ut nihil turpe videant, nihil obscœnum. *Oculi tui recta videant,* inquit Sapiens: Prov. c. 4. v. 25. David vero ita Deum precatur: *Averte oculos meos ne videant vanitatem.* 4. Ita invigilent *odoratui* discipulorum; ut eos odores ultro concedant, qui cerebro possunt esse robori, minime eos, qui libidini queant esse incitamento; odorum enim molles amatores non erunt impuniti, inquit. Isaias cap. 3. v. 24. *Et erit pro suavi odore fetor:* 5. *Gustum* ita moderentur, ut cibos tantum permittant ad vitam sustentandam, non ad fovendam intemperantiam. *Optimum enim est,* inquit Paulus, *gratia stabilire cor, non escis, quæ non profuerunt ambulanti-bus in eis:* ad Hebr. 13. v. 9. 6. *Tactum* ita refrænent, ut sciant discipuli, nefas esse extra necessitatem aliquas partes tum sui, tum aliorum tangere.

## §. II.

*De his, quæ necessaria sunt pædagogis, ut pueros scientiam edocent.*

*Conseſſ. 1.* Oportet ut pædagogi ea optime calleant, quæ pueros docturi sunt; alias ea discipulos docere non possent. Deinde, ut optime ait D. Tho. 1. 2. q. 76. a. 2. in cor. *Singuli tenentur ea scire, quæ ad eorum statum vel officium spectant:* Ergo pædagogi tenentur ea optime nosse, circa quæ discipulos instituere satagunt. Ideo Codice Theod. lib. 3. tit. 3. leg. 5. Cavetur, ut quisque docere vult, non repente, nec temere profiliat ad hoc munus, sed iudicio ordinis probatus decretum Curialium mereatur, Optimatum con-

*spirante consensu: & quidem merito; si enim naucleri munus nemo suscipiat nisi eam artem didicerit; quanto potiori jure artem dirigendi pueros debet prius didicisse, qui eam exercere voluerit?*

*Consect. 2.* Oportet ut pædagogi probe norint puerorum ingenium: ut enim non omnis fert omnia tellus, ita non ad omnes artes idonea est omnis puerorum mens. Legantur quæ de dignoscendis ingeniis scripsit Ioannes Huartus Hispanus Medicus, aut quicumque alius, qui mentis humana dignoscendæ præcepta tradiderit. Postea vero diligenter incumbendum, ut dignoscatur, qualis sit puer qui instituendus nobis committitur; apparebit enim alius iracundior, alius lenior, alius præfractionior, alius benignior, alius tenacior, alius simplicior, alius fucacior & callidior: hic statim summe vigilandum, ut quod est virtutis provehatur, quod vitii corrigatur. Habet teneram ac quovis flexilem virgulam pædagogus, habet ceram molissimam, habet udam argillam; agat ergo, ut bonus plastes. Teneram virgulam in virtutem inflectat, ceræ molissimæ virtutis characteres imprimat, & udam argillam in vas honorificum efformet: & ut diligens agricola conatur primo fundum, quem culturus est, dignoscere, postea exsiccat limosa, rigat arentia, liberat opaca, æquat aspera, exsecat frutices, extirpat radices, invehit letamen, macerat glebas, postea vero injicit semen in novale; idem faciat pædagogus in commisso sibi fundo.

*Consect. 3.* Oportet ut pædagogi recta cum methodo ea tractent, quæ docturi sunt; nihil enim est, quod magis ab studio deterreat, quam indigesta documentorum farrago. Qui vitium illud fugere voluerit, legat quæ scripsit Dominus de Fleury in eo opere, quod inscribitur: *Traité du choix des études*: consulat eos, qui artem docendi profitentur.

*Consect. 4.* Oportet ut pædagogi ita studium suave & dulce discipulis suis efficiant, ut nihil in eo asperum, nihil amarum discipuli inveniant. *Amet*, inquit Hieronymus ad Gaudentium, *quod cogitur discere; ut non opus sit, sed delectatio; non necessitas, sed voluntas.* Et epist.

ad Latam: Non objuganda est virgo si tardior sit; sed laudibus excitandum est ingenium, ut & vicisse gaudeat, & vincta doceat: cavendum imprimis ne oderit studium.

Et Quintil. lib. I. c. I. sic pædagogum puerorum instruit: Id imprimis cavere oportebit, ne studia, quæ amari nondum potest, oderit, & amaritudinem semel perceptam etiam ultra rudes annos reformidet.

Legantur, quæ instituendis pueris scripsit Erasmius: non enim hujus loci est ea omnia percurrere, quæ ad institutionem puerorum necessaria esse possunt.

Consect. 5. Oportet ut Pædagogi in docendo severitatem omnem, salva tamen præceptoris dignitate, procul amoveant. Dicam hic quod dicit Gersonius de audientibus Conf. d. onibus parvulorum, in opere de parvulis ad Christum trahendis. Quid proderit, inquit, instru-  
 Ello, dum pueri nec libenter audient, nec discis credent, nec imperatis obediunt? Quare majestatem oportet omnem exuere & pro parvulis parvulum se facere, seclusis tamen vitis, & projecta longe omnis impudicitie nota. Adde quod naturam esse contumacem testatur Seneca: magis ducitur quam trahitur. Habet præterea hoc proprium generosa indoles. . . ut blanditiis quam terroribus magis capiatur, desoleaturque. Et inferius id probat exemplo Pauli & Christi. Paulus quippe t. ad Theſſal. cap. 2. vers. 7. Facti sumus parvuli in medio vestrum, tamquam si nutrix forceat filios suos. Et Christus Matth. c. II. v. 28. Venite ad me omnes, qui laboratis & onerati estis: & vers. 29. discite a me quia mitis sum & humilis corde.

Consect. 6. Pædagogi, quantum puerorum ætas patitur, prius debent discipulorum mentem efformare quam vocem, prius intelligentiam dirigere quam linguam: cum enim non loquamur, nisi ut mentis cogitata promamus aliis, debitus ordo postulat, ut prius artem cogitandi, quam loquendi doceamur. Ideo prudens pædagogus, dum aliquid proponit discipulis, ostendat primo, quo pacto debeant rem propositam apprehendere, de ea judicare, circa eam discurrere, & quo pacto possint apprehensiones, judicia & discursus certa methodo ordinare: postea vero demonstret, quo pacto de his, quæ jam mente assæcuti sunt, cum aliis poterint collo-



qui. Artem autem cogitandi & loquendi discet pädagogus si istos libros legat. *L'arte de penser. L'arte de parler. La grammaireraiisonnée &c.* Quid vero de rebus sentire debeat, non aliunde potest certo addiscere, quam ex Scriptura sacra, ex traditione &c. est enim Deus verax, omnis homo vero mendax.

*Confess.* 7. Sciant pädagogi sui muneris esse discipulorum mentibus erga sacros Codices profundam inspirare reverentiam: quod quidem facient, si identidem inculcent discipulis, nullum priscae vetustatis exstare monumentum, in quo gravior, augustior, atque sublimior eluceat vel doctrina, vel eloquentia quam in sacris Bibliis. Hic liber est, inquit, quem scripsit, non fabulosus Homerus, non credulus Plato, non incredulus Aristoteles, non verbosus Cicero, non demum homo mendacio obnoxius; sed Deus ipse, & falli & fallere nescius. Liber est inquit, ex quo hauritur quod ad aures dicunt Confessarii, quod publice prædicant Concionatores, quod in bonum Reipublicæ statuunt Magistratus & Reges, quod demum in bonum Ecclesiæ ordinant Episcopi, constituunt Papa, & decernunt Concilia. Liber est, inquit, quem Scriptores Canonici, Patriarchæ, Prophetæ, Apostoli, immo & ipse Christus divinitus inspirati a Deo acceperunt, tradideruntque hominibus: quique continua totius Ecclesiæ tum vigilia, tum cura, ad nos illibatus pervenit. Post ultimam totius Orbis conflagrationem, Cælorum immutationem, elementorum dissolutionem, sacri illi Codices remanebunt integri, aperientur illi libri, & sermo, quem continent, judicabit nos in novissimo die.

Comparabunt identidem prudentes Præceptores sacra Biblia cum Scriptoribus profanis. Hic liber est, inquit, Ægyptiis sapientibus, v. g. Mercurio Trismegisto multo antiquior: Græcis Philosophis Homero, Socrate, Platone, Aristotole longe vetustior: Latinis authoribus Plauto, Terentio, Cicerone multis sæculis annosior: ex quo eductum est quidquid habent Antiqui facundie, deliciarum Poetæ, veritatis Historici, sapientiæ Philosophi, Legislatores æquitatis: & identidem illud exemplis demonstrabunt, quid v. g. sublimius, dicentes, quid excelsius vel cogitari, vel dici potuit,

tuit, quam illud, quo Moyses initio Genesis profecutus est nascentis naturæ, atque ipsius humani generis exordium: *Fiat lux, Et facta est lux?* Id omnes stupuerunt, & admirati sunt Rhetores facundissimi, ex quorum numero Longinus Græcus illic, qui tam nasute authorum solet scripta distringere, ob illum quem præ se ferunt hæc verba sublimatis splendorem, ac stuporis imaginem, exclamando, dixit: Judæorum Legislator sui Numinis virtutem pro dignitate cognovit & pro dignitate expressit. Quid clarius & eloquentius simul occurrere legentibus potest, quam historia Joseph a fratribus agniti? *Joseph*, inquit sacer Historicus, Gen. 45. non se potuit ultra conhibere multis coram adstantibus. . . . Elevavitque vocem suam cum fletu. . . Ego sum, ait, *Joseph*: adhuc pater meus vivit? Non poterant respondere fratres nimio terrore perterriti. Ad quos ille clementer: *Accedite*, inquit: *Et cum accessissent prope - Ego sum*, ait, *frater vester, quem vendidistis*. Ostendent pædagogi suis discipulis, tot & tam varios affectus paucioribus verbis non potuisse includi, puta, signa pietatis Joseph erga parentem, amoris erga fratres, & stuporis simul & gaudii in fratribus, qui fratrem vendiderant. Quid pariter eloquentius, quid concisus simul & sublimius ista phrasi, qua impii exaltatio & repentina illius disturbatio describitur: *Vidi impium superexaltatum Et elevatum super cedros Libani; transivi, Et ecce non erat*. Innumera alia sese offerent exempla in libro Job, Prophetarum &c.

Exhibeant pædagogi discipulis suis dulciorem nullibi inveniri possum quam in sacris paginis. Ubi Eclogæ magis nativæ, quam in Canticis Canticorum, ubi describitur sacer & pudicus omnino inter Christum & Ecclesiam amor. Ubi carmen generosius, quam canticum Moysis, ubi describitur sepultus in Mari Rubio Pharaonis Exercitus, & per medias undas sicco transiens vestigio Hebraeus populus. *Stetit*, inquit, *unda fluens, congregatae sunt abyssi in medio mari*. *Dixit inimicus: persequar Et comprehendam, dividam spolia, implebitur anima mea. Fraguabo gladium, interficiet eos manus mea. Flavit spiritus tuus, Et operuit eos*

*mare: submersi sunt quasi plumbum in aquis vehementibus. Ubi carmen lugubrius, quam apud Jeremiam Civitatis sancte, civiumque suorum calamitatem flebilibus modis ob oculos ponentem. Quomodo jedet, inquit, sola civitas plena olim populo. . . omnes ejus porte destruetur. Sacerdotes ejus gementes, virgines ejus squalide. . . defecerunt pre lacrymis oculi mei, effugum est in terra jecur meum. O vos omnes qui transitis, videte, si est dolor sicut dolor meus. . . Ubi denum Poeta suavior, quam David, sive plena alacritas oratione Deum laudet, sive in summis suis angustis auxilium a Deo imploret, sive Chantum personet ab inferis resurgentem, sive fatutum de Christo, tum de Ecclesia prophetando prafagiat.*

Ustendant pedagogi discipulis, nec antiquiorem, nec veniorem, nec magis stupentem alibi reperiri historiam, quam in sacris Libris. Hic nascentis describitur Mundi exordium: hic cunctarum nationum primordia jaciuntur. Indicent, non ibi legi fabulosas Amazonas, sed prudentes in domibus suis Saram & Abigail, fortem in bello Deborah, fidentem in desperatis rebus Esther, & generosam Judith uno ictu debeliantem integras Holophernis copias. Dicant discipulis suis Præceptores, narrari in Bibliis, non dubios Herculis labores, sed certissima & fortissima gesta Sampsonis; non Phatontem e solis curru decidentem, sed Josue Solem & lunam in medio cursu sistentem. Hic describi non Apollinem oblique respondentem, vel Giasso in Medos, vel Pyrrho in Romanos expeditionem paranti: sed Deum aperte, perspicue, & infallibiliter respondentem vel Moyse ad Pharaonem, vel Samueli in Amalecitas, vel Josue in Chaneanos proficiscenti.

Discipulis suis certo asserant Præceptores, non alibi quam in Bibliis solidam inveniri Philosophiam. Non hic nascitur Mundus, quo nihil ordinatius, ex temerario atomorum concursu, ut voluit Epicurus: sed summa Dei potentia e nihilo educitur, & summa ejusdem sapientia gubernatur. *Ipse dixit & facta sunt, ipse mandavit & creata sunt.* Non hic homo vel ex maris spuma, vel



vel elementorum pugna, ut quidam somniant, originem trahit: sed corpus, utpote terreste, ex limo formatur; anima vero, utpote mens cogitans, a Deo, qui spiritus est, immediate oritur. *Formavit igitur*, inquit, Scriptura, *Dominus Deus hominem de limo terræ, & inspiravit in faciem ejus spiraculum vitæ, & factus est homo in animam viventem*: Gen. 2. v. 7. Proponitur hic adorandus Deus, non latro ut Mercurius, non scurra sicut Momus, non vorator filiorum ut Saturnus, non luxuriosus ut Jupiter, non vinosus ut Bacchus; sed proponitur Deus, quem venereris ut Dominum, quem tangas ut patrem, cui fides ut Redemptori, quem sequaris ut exemplar, & ad quem tamquam ad veræ beatitudinis fontem incessanter tendas.

Ostendant demum Præceptores discipulis, nullibi æquiores leges constitui, quam in sacris Bibliis. Ideo legunt in his libros legales tum veteris, tum novi Testamenti, libros sapientiales; & ostendant nihil simile reperiri in libris Paganorum. Et ut hic paucis multa complectar, ostendant pueris, quomodo describat Job Dei potentiam: cap. 26. hominum miseriam: cap. 14. Leviathan fortitudinem: cap. 40. & 41.

Ut autem pædagogus ad manum habeat exempla sacre Eloquentiæ, quæ suis discipulis proponat, indicabo hic aliqua.

Exordium habes desumptum ex parte personæ ad quam sermo dirigitur: Act. 26. v. 2. Exordium habes in qualibet Epist. quam scribit Paulus, præcipue in ea, quam scribit ad Philemonem.

Narrationem simplicem habes in servo Abrahamæ petente Rebeccam a parentibus in uxorem Isaac: Gen. cap. 24. Narrationem affectibus plenam habes in historia Joseph, cum venditur a fratribus, cum detruditur in carcerem, cum liberatur a carcere, cum agnoscit fratres & agnoscitur a fratribus: Gen. cap. 38. usque ad cap. 46. Narrationem stupentibus prodigiis plenam habes Exodi a cap. 7. usque ad cap. 12. ubi describuntur plage contra Ægyptum.

Descriptiones habes in Bibliis, cunctis numeris absolutas.

Tem-

Templum describitur lib. 3. Reg. cap. 6. & Palatium Salomonis c. 7. Dei magnitudo describitur apud Job. c. 12. a. v. 3. usque ad 25. & cap. 4. v. 17. & apud Jerem. c. 12. v. 17. & Psal. 88. v. 7. Dei cognitio describitur Psal. 38. v. 1. & Eccli. c. 16. v. 16. Miseria hominis describitur exacte apud Job. c. 10. Vanitas idolorum in Psal. 133. v. 4. Sap. 15. v. 7. & v. 15. Constructio idoli ironice describitur Sap. c. 13. v. 11. Isai. c. 44. v. 12. Jerem. c. 10. v. 3. Vanitas filiarum Sion in ignominiam vertenda quasi ob oculos ponitur apud Isaiam. c. 3. v. 17.

Figure ita sunt in Scriptura frequentes, ut supervacaneum sit eas indicare; ubique enim occurrunt.

Antithesim habes: Isai. c. 3. v. 18. *Erit pro suavi odore fetor*: I. ad Corinth. c. 4. v. 13. *Maledicimur & benedicimus &c.*

Apostrophem habes 2. Reg. c. 1. v. 21. *Montes Gelboe*: apud Isai. 1. *Audite Caeli quæ loquor &c.* apud Matth. *Stulti & tardicorde ad credendum &c.*

Exclamationes habes ad Rom. c. 7. v. 24. *Infelix ego homo, quis meliberabit de corpore mortis hujus &c?*

Imprecationem habes in Psalm. 68. *Fiat mensa eorum in laqueum.*

Repetitionem habes apud Nahum, c. 1. v. 2. *Ulciscens Dominus, & habens furorem, ulciscens Dominus in hostes suos.*

Interrogationem habes ad Rom. 3. v. 27. *Ubi est ergo gloriatio tua? exclusa est &c.*

Communicationem habes apud Michæam; c. 6. v. 3. *Popule meus quid feci tibi &c.*

Enumerationem habes ad Rom. 12. v. 1. *Qui exhortatur in exhortando.*

Quadrantem habes ad Rom. 8. v. 30. *Quos prædestinavit, hos & vocavit: quos vocavit, hos & justificavit, &c.*

Suspensionem habes apud Joan. c. 4. v. 10. *Mulier si scires donum Dei.*

Interrogationem habes ad Corinth. 2. c. 11. *Quis infirmatur, & ego non infirmor? &c.*

Optationem habes apud Jer. 9. *Quis dabit capiti meo fontem lacrymarum.*

Ironiam habes Gen. 3. *Ecce Adam, quasi unus ex nobis factus est.* Et 3. Reg. c. 18. ubi Propheta sic irridet Sa-

cerdotes Baal. : *Clamate voce majore Et.* Et apud Joan.  
3. *Tu es Magister in Israhel, & hæc ignoras.*

Obsecrationem habes ad Rom. 10. *Obsecro vos fratres per misericordiam Dei.*

Exhortationem habes apud Isaiam 1. v. 16. *Lavamini, mundi esote, auferte malum cogitationum vestrarum &c.*

Admirationem habes apud Isaiam 14. *Quomodo cecidisti de caelo Lucifer, &c.*

Tot sententias habes, quot sunt phrasæ in libris sapientialibus.

Si discipuli capaces sint solidioris ratiocinii, bonum erit interdum eis proponere explicationem analyticam alicujus epistolæ.

### §. III.

#### *Monitum utile pædagogis.*

Unum est quod eos pædagogos, qui vel ob indocilitatem, aut levitatem puerorum, vel ob ingratum aliquando erga eos parentum animum, tedium in docendis pueris concipiunt, præmonitos velim. Sciant, institutione puerorum nihil esse vel Deo acceptius, vel Ecclesiæ utilius, vel etiam coram sensatis hominibus gloriosius.

1. Nihil eo exercitio potest esse Deo acceptius: vult enim Deus Religionem suam omnibus hominibus explicari, juxta illud, *Docete omnes gentes;* sed vult præcipue eam parvulis diligenter exponi: increata enim Sapientia sic habet Prov. c. 1. v. 20. *Sapientia foris prædicat. . . usque quo parvuli diligitis iniquitatem. . . convertimini ad correctionem meam* Et c. 8. v. 5. *Intelligite parvuli astutiam & insipientes animadvertite.* Et Christus Sapientia incarnata, Matth. cap. 19. v. 14. ait: *Dimite parvulos & venire ad me, & nolite prohibere: talium enim est regnum Celorum:* Et Marc. c. 10. v. 13. sic habetur: *Discipuli autem comminabantur offendentibus: quod cum vidisset Jesus, indignatus tulit, & complexans eos parvulos, & imponens manus super illos, benedicebat eos.* Quæ verba, inquit Gersonius, *si cum suo pondere sententiam consideremus, ingentem prorsus acerbe, mordacisque invectionis materiam habebimus in eos, qui parvulorum salutem & accessum ad Christum præpediunt, & puerorum institutionem, quasi Deo parum acceptam, dedignantur.*



2. Nihil eo exercitio Ecclesie utilius, ut notat idem Gersonius ibidem, ubi asserit: *Reparationem morum Ecclesiasticorum incionendam esse a parvulis: quia enim, inquit, pueri minus corrupti minusque tenaciter infecti sunt, capaciores inveniuntur doctrinarum salubrium. . . apti sunt ad accipienda bonorum studiorum exordia, quando nondum falsas opiniones altius imbiberunt, quando nondum radicitus hærent perniciose ad inventionis in eis. Vites sunt recentes pro liquoribus optimis. Novelle præterea plantationes, quæ sequuntur leviter quo ducentis manus dixerit. . . Pueri sic vere instituti esse quoque poterunt aliorum Doctores, instructoresque commodissimi maxime domesticorum. Unde patet, institutione puerorum nihil esse Ecclesie utilius.*

3. Nihil eo exercitio coram sensatis hominibus potest esse gloriosius: quod quidem invictissime probat Gersonius his verbis: *O! piissime Jesu quis ultro post te verecundabitur esse humilis ad parvulos! Quis tumescens & elatus de sua vel magnitudine, vel scientia pravitate deinceps parvulorum, ignorantiam, vel imbecillitatem audebit aspernari! quando tu qui es Deus benedictus in sæcula, in quo sunt omnes thesauri sapientiæ & scientiæ absconditi, usque ad castissimos parvulorum amplexus beata brachia mansuevis inclinas, atque circumligas? Procul ergo, procul ex hinc omnis elatio, scorsim sit indignabunda quælibet parvulorum effugatio. Perhonorificam ergo arbitremur pueros instituere, etsi sint male formati quidam homines, qui munus illud frigidis lacerant dictis, & arroganti supercilio aspernentur. Sed in tam arduo exercitio sufficiat christiano pedagogo apud Deum approbatio: quo quidem sicut nihil est difficilius, juxta illud Hieron. dial. adver. Lucif. *Difficile est Leo tantum iudice esse contentum; ita nihil jucundius quam apud Deum approbari, juxta illud Pauli I. ad Corinth. 4. v. 3. Mihi autem pro minimo est ut a vobis iudicer, aut ab humano die. Et juxta illud Davidis: Maledicent illi, & tu benedices: Psal. 108. v. 28.**

#### §. IV.

*Quæ monita dare possint pedagogi parentibus.*  
 Multa sunt, quæ pedagogi tum privati, tum publici per se ipsos impedire non possunt: qualia sunt, verbi gratia,

tia, victus delicatior, vestitus mollior, aut luxuriosior, nimia fratrum sororumque societas, periculosa plerumque puerorum jam pubescentium in eodem lecto cubatio, & alia hujusmodi, quæ penes paedagogum non est semper dirigere, sed ejus solum est prudenter parentes commovere. Quod ut præstet facilius, subjiciam hic quaedam præcepta de nutriendis & educandis liberis e diversis auctoribus excerpta, quæ prudens paedagogus poterit suo loco & tempore proponere.

In primo septennio, id est, ab ortu usque ad septimum annum, infantes nutriendi sunt primo lacte, deinde cibo molli, qui facile digeri valeat: quod innuit Paulus 1. ad Cor. 3. *Tanquam parvulis in Christo lac vobis potum dedi, non escam.* Vino enim abstinere infantes dum lactantur: vinum enim admixtum lacti corruptionem ingenerat. Corpus ea arte magis assuescere debet frigori quam calori, ut robustius infans evadat: cujus rei signum est, quod populi frigida regionis sunt robustiores, ut patet ex Germanis & Anglis. . . Infantes ablactati temperatis motibus sunt assuescendi: sicut enim frigus temperatum nativum calorem concentrat; ita motus temperatus eundem calorem acuit, & humores noxios fugat. Ubi infantium notitia vim suam exercere incipit, recreandi sunt ludis, cantibus: cavendum maxime ne quid triste vel audiant, vel videant; alias redduntur toto tempore vitæ formidolosi. Cohibendi sunt a ploratu vociferativo; per ploratus enim & ejulatus emittuntur spiritus & debilitatur corpus: nec minis, nec verberibus prohibendi sunt a ploratu, sed blanditiis quantum potest fieri.

Prima illa ætate, cum nondum ratio munus suum exerceat, ducaturque infans magis sensibus, quam mente, occupandus est infans picturis videndis, characteribus inspicendis, exiguisque computationibus numerandis.

In secundo septennio ab anno septimo usque ad decimum quartum, cum corpus est robustius, & ratio paulo vegetior, sic & nutrirî & educari possunt infantes. Primo, quoad corpus, nutriendi sunt cibo crassiori potius, quam molli; quia cibus mollior redit puerorum ingenium iners & stupidum, corpus vero debile & flaccidum. Cibus ita debet esse temperatus, ut nec copia super-

liatur ingenii vigor, nec inopia corpus reddatur infirmum. Vino abstineant, aut si concedatur usus vini, non nisi lymphato utantur: vinum enim, juxta Script. multum potatum & iras concitat, & ruinas multas facit, & a studiis mentem amovet.

Exercendum est corpus ea in ætate cursu, ludo pilari, ut robustiores evadant pueri.

Quoad mentem, debent post elapsum septimum annum facilioribus rebus addiscendis applicari, verbi gr. characteres dignoscant legendo, efforment scribendo. Postea vero in his exerceantur, quibus in publicis scholis exercentur juvenes. Utrum utilius sit domi, an in scholis erudiatur adolescens, vide Quintilianum lib. 1. cap. 2. eruditionem publicam domesticæ & umbratili præferentem.

Decimo quarto anno usque ad vigesimum primum, corpus nutriendum est cibis adhuc solidioribus: exercendum est cursu, venatione, palestra, ut robustius fiat; animus vero difficilioribus disciplinis est intituendus.

Dicant identidem pedagogi parentibus, nihil esse quod pueris magis noceat, quam victus ætati puerili parum conveniens, tum quoad qualitatem, tum quoad quantitatem.

Exponant pedagogi parentibus, nihil magis officere puerorum corpori & menti quam vestitus, qui vel molliem in carne ingeneret, vel superbiam in animo foveat. *Qui mollibus vestiuntur, in domibus Regum sunt*, inquit Christus: & proinde longe distant a via, quæ ducit ad vitam: & qui superbe vestiuntur, eam subibunt pœnam, quam patitur dives in inferno sepultus, qui induebatur purpura & bysso.

Non abscondant patribus, quam periculosa sit fratrum societas, si sit aliquis inter illos vitiosus, aut parum docilis. Dicant jussu Dei separatim esse Ismaelem ab Isaco, eo quod ille cum isto lasciviret, inquit versio Tugur. Ostendant, longe periculosiorem esse inter Germanos diversi sexus familiaritatem: cujus rei exemplum est Ammonius & Thamar incestuosum commercium.

Non sileant patribus, quam timenda pubescentium puerorum, etiam ejusdem sexus, eodem lecto cubatio; hinc sequi vulgo infanda illa crimina, quæ Paulus enumerat epist. ad Rom. c. 1. quæque caelestem ignem in sceleratas urbes invexerunt.



## CAPUT VIII.

*De mutua obligatione inter supremos Dominos & subditos.*

Supremi Domini sunt illi, qui non agnoscunt superiorem temporalem. Tales sunt Reges, Imperatores &c. Subditi sunt hi, qui potestatibus supremis subjiciuntur.

## ARTICULUS I.

*De debito subditorum erga Reges.*

*Prop. unica.* Subditi debent Regibus amorem, reverentiam, obedientiam, subsidium temporale & spirituale.

*Prob. 1.* Ex Script. Subditi debent Regibus 1. Amorem, juxta illud: *Diliges proximum tuum sicut te ipsum*: ad Rom. 13. v. 9. Ergo a fortiori debent Regem diligere, qui nobiscum tot modis conjungitur: est enim pater, dominus, legislator, defensor &c.

2. Debent honorem, juxta illud: *Deum time. Regem honorificate*: 1. Petr. c. 2. v. 17.

3. Debent obedientiam. *Omnis anima potestatibus sublimioribus subdita sit*, inquit Paulus ad Romanos c. 13. v. 1.

4. Subditi debent Regibus subsidium temporale, ut docet idem Apostolus: *Cui tributum, tributum*: ad Romanos c. 13. v. 7.

5. Debent subsidium spirituale, juxta illud: *Orate pro invicem ut salvemini*: Jacob. 5. v. 16. Si enim aliis subsidia spiritualia debeamus, a fortiori Regibus, qui nobis tot titulis uniuntur.

2. Ex Tertull. ad Scapulam c. 2. Edit. Pamel. Christianus, inquit, nullius est hostis, nedum Imperatoris, quem sciens a Deo suo constitui, necesse est ut & ipsum diligat, & revereatur, & honoret, & saluum velit. - Colimus ergo & Imperatorem sic, quemodo & licet nobis, & ipsi expedit, ut hominem Deo secundum. Et quidquid est a Deo consecutum, & solo Deo minorem, hoc & ipse vult. Sic enim omnibus major est, dum solo vero Deo minor est. Ergo ex Tertull. debemus Regi amorem, reverentiam &c.

3. Rat. Reges sunt parentes, sunt domini, sunt legislatores, sunt boni publici defensores, ut pater ex titulis, quibus Scriptura eos insigniri vult: Ergo quatenus pa-

centes merentur amorem, quatenus domini merentur reverentiam, quatenus legislatores obedientiam, quatenus defensores boni publici, subsidium & temporale & spirituale.

### Confectaria hujus doctrinæ.

*Confect. 1.* Peccant qui contra Regem internum fovent odium, aut signa dant externa odii contra ipsum: uti fecit Semei contra David insultans ipsi, dum fugeret a facie Absalon.

Debent ergo populi ob amorem Regi debitum,

1. Optare Regi suo benedictionem: uti fecit Jacob Pharaoni; Gen. c. 47. v. 7. Indrædictus enim coram Rege: *Benedixit illi - Et benedictio Rege abiit*: uti fecit Daniel Nabuchodonosor, dicens: *Rex, in æternum vive*: Dan. c. 6. v. 21. uti fecit universus populus Sauli, dicens: *Vivat Rex*.

2. Debent Regem periclitantem tueri: uti fecit Abisai erga David. *Prosidioque fuit*, inquit Scriptura, *Abisai filius Seruiz, & percussus Philisthæum interfecit*, qui processerat, ut occideret David.

3. Debent Regem etiam in rebus non prosperis immobiliter adherere: ut fecit Cusai in rebellionem Absalonis.

4. Debent insidias, si quas norint contra Regem parari, statim prodere: uti fecit Mardocheus: Esther c. 2.

*Confect. 2.* Peccant populi, qui iustas Principum leges infringunt. *Subiecti igitur esote*, inquit Petrus 1. c. 2. v. 13. *omni humane creature propter Deum, sive Regi quasi præcedenti*. Et Hilarius in Psal. 13. approbat, quod præcepta Regis cum honore, ac religione & religantur, & audiantur.

Debent ergo subditi alacri animo Regis iussa perficere: uti fecit omnis populus erga Josue, dicens: *Omnia, que præcepisti nobis, faciemus: & quocumque miseris, ibimus.* Sicut obedimus in cunctis Moysi, ita obedimus & tibi: Josue c. 1. v. 16. uti fecit exercitus Saulis, qui alacri animo votum de non edendo (nisi post relatam victoriam) fideliter observavit.

*Confect. 3.* Peccant, qui Principibus debitam denegant reverentiam, juxta Rom. c. 13. v. 7. *Cui honorum, honorem*. Quod officium ita semper cordi habue-

buerunt Christiani, ut ipsi Episcopi Imperatores etiam paganos sanctissimos nuncuparent, quia, ut ait Tertulianus. *Secundi erant a Deo.*

Debent ergo populi, cum sese occasio offert, externis gestibus Regi, & his qui sunt a Rege, suam declarare reverentiam, uti fecerunt filii Jacob erga fratrem Joseph. Gen. 50. *Proni adorantes in terra dixerunt Joseph: servi tui sumus:* uti fecit Bersabee erga Davidem. *Inclinavit se Bersabee & adoravit Regem:* Reg. c. 1. v. 16.

*Consect. 4.* Peccant populi, qui Principibus denegant sumptus temporales ad Regimen Reipublicæ necessarios, v. g. tributum, vestigal, census, decimas, demum quæ Regi debentur pro diversa politicæ ratione, juxta illud: *Reddite quæ sunt Cæsaris, Cæsari; & quæ sunt Dei, Deo:* Matth. c. 22. v. 21. De quo sic legimus in appendice operum Ambr. in hæc verba: *cui tributum. Primum ea, quæ sunt potestati Regiæ debita, exsolvi jubet Paulus: quia major in his causa acut necessitas est.*

Peccant ergo subditi, qui non impendunt ea, quæ Rex exigit vel religionis amplificande causa, vel Reipublicæ defendende gratia. Id fieri oportere docuerunt Judæi suo exemplo, pendentes Salomoni quæ fuerunt necessaria & pro ædificando templo, & pro struendis munitissimis civitatibus: 2. Reg. cap. 9.

*Consect. 5.* Peccant populi, qui Regibus spiritualia subsidia non conferunt, v. g. qui non orant specialiter pro illis: hæc enim fuit continua praxis Christianorum, ut constat ex Paul. 1. ad Timoth. c. 2. v. 1. *Obsecro igitur, primum omnium fieri observationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitatē sunt, ut quietam & tranquillam vitam agamus, ut patet ex Tertull. Apol. c. 30. Precentes sumus semper pro omnibus Imperatoribus vitam illis prolixam, imperium securum, domum tuam, exercitus fortes, senatum fidelem, populum probum, orbem quietum, quicumque hominis & Cæsaris vota sunt.*

Debent ergo specialiter orare pro Regibus, & quidem ut diversas a Deo pro Rege consequantur gratias.



1. Ut Rex veram Religionem defendat, Dei gloriam, & hominum salutem, quantum est in se, promoveat: uti fecerunt Josue, David, Ezechias, &c. pugnando pro sola causa Domini.

2. Ut aboleat falsas sectas, & ritus omnes veræ Religioni adversantes: uti fecit Afa, *Qui abstulit effeminatos de terra, purgavitque omnes sordes idolorum, quæ fecerant patres ejus.* 3. Reg. c. 15. v. 12. uti fecit Jehu delens progeniem impii Achab, & omnes Sacerdotes Baal: uti fecit Ezechias, qui dissipavit idola, & confregit serpentem areum, qui Judæis erat occasio idololatriæ: 4. Reg. cap. 18. v. 4.

3. Ut sublatis & deletis falsis ritibus curet sinceram doctrinam tradi, & propagari: uti fecit Josaphat, qui misit Doctores legis per universam Judæam: 2. Paralip. c. 17. uti fecit Nabuchodonosor, qui gloriam veri Dei predicavit & blasphemari prohibuit. *Placuit ergo mihi, inquit, predicare signa ejus quæ magna sunt.* Dan. c. 3. v. 106.

4. Ut omnibus subditis pietatis exemplo præluceat: uti fecit David, qui non curans irrisiones uxoris suæ, lætatus est & exultavit coram arca Domini: 2. Reg. c. 6. v. 16. uti fecit Rex Ninivitarum, qui primus in sacco & cinere poenitentiam amplexus est: Jonas c. 3. v. 6.

5. Ut in omnibus sive in bello, sive in pace Dominum consulat, & purum hauriat de sacro fonte consilium: uti fecerunt pii Reges. Josue Eleazarum consulebat: Num. cap. 27. v. 20. David nihil agebat inconsulto Domino: 2. Reg. cap. 2. Josaphat, Achab, Edon, Eliseum Prophetam accerserunt: Lib. 4. Reg. c. 3. Et Ezechias Isaiam, ut eum ardirent: 4. Reg. c. 19. Sedecias Jeremiam consuluit: Jerem. c. 38. v. 14.

6. Ut viros pios ac bonos, & ad regimen idoneos præfectos ordinet, ac constituat: uti fecit Moytes ex consilio Jetro. *Qui providit de omni plebe viros potentes, & timentes Deum, in quibus erat veritas & qui oderant avaritiam, & constituit ex eis Tribunos, &c.* Exod. c. 18. v. 21.

*De quarto Decalogi Præcepto.*  
**ARTICULUS II.**

69

*De officio Regum.*

*Prop. unica.* Qualis debeat esse Rex tum erga Deum, tum erga se ipsum, tum erga populum, habetur Sap. c. 6. cuius hæc sunt verba: *Audite ergo Reges, & intelligite: discite Iudices finium terræ, præbete aures vos qui continetis multitudines, & placetis vobis in turbis nationem: quoniam data est a Domino potestas vobis, & virtus ab Altissimo, qui interrogabit opera vestra, & cogitationes scrutabitur; quoniam cum essetis ministri regni illius, non recte iudicastis, nec custodistis legem iustitiæ, neque secundum voluntatem Dei ambulastis. Horrende & cito apparebit vobis: quoniam iudicium durissimum his, qui præsumunt, fiet. Exiguo enim conceditur misericordia: potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam; quoniam pusillum & magnum ipse fecit, & equaliter cura est illi de omnibus. Fortioribus autem fortior instat cruciatio. Ad vos ergo Reges sunt hi sermones mei, ut discatis sapientiam & non excidatis. &c. Alia passim reperiuntur in Scriptura Sacra, ad quam remittimus eum, qui Regis voluerit cognoscere officium.*

**TRACTATUS**  
**D U O D E C I M U S.**  
**DE**  
**QUINTO DECALOGI**  
**PRÆCEPTO.**  
**CAPUT I.**

*Quid prohibeatur jubeaturve illo præcepto: Non occides.*

**ARTICULUS I.**

*De fine hujus præcepti, & quibus actionibus violetur.*

**Q**uintum præceptum Decalogi ita habet. *Non occides: Exod. 20. v. 13. Et Exod. 21. v. 12. Qui*  
*per-*

*percusserit hominem volens occidere, morte moriatur.*  
 Et gen. 9. *Quicumque effuderit humanum sanguinem, fundetur sanguis illius.* Cui respondet illud Christi apud Matth. *Omnes qui acceperint gladium, gladio peribunt.* Finis hujus præcepti est conservatio vite corporalis tum nostræ, tum aliorum. Præcipiuntur igitur omnia, quæ ad incolumitatem vite nostræ, & aliorum pertinent; contra vero prohibentur omnia, quæ ad illicitam destructionem vite tum nostræ, tum aliorum vergere possint directe, vel indirecte.

Destructionem autem corporis tum nostri, tum proximi, causare possant illicita percussio, mutilatio, & occisio directa, vel indirecta, ut loquantur.

Percussio, mutilatio, occisio est directa, quando fit per actionem ad hoc directe ordinatam, v. g. cum quis forte percussit, gladio mutilat, veneno occidit.

Percussio, mutilatio, occisio est indirecta, quando aliquid omittitur, ad cujus omissionem sequitur percussio, mutilatio, occisio.

Directa percussio, mutilatio, occisio hominis potest esse illicita tripliciter.

1. Ex parte agentis defectu auctoritatis: v. g. si ille, qui agit, auctoritatem non habeat supra eum, qui vel percussus, vel mutilatur, vel occiditur.

2. Ex parte patientis defectu reatus: scilicet, si ille, qui percussus, mutilatur, occiditur, sit innocens; numquam enim licet innocenti nocere.

3. Ex parte modi defectu debiti ordinis: scilicet, si illi, qui habent auctoritatem publicam, vel propriam ut Rex, vel delegatam ut iudex, miles, carnifex, &c. non servant debitum ordinem juris contra reum.

Indirecta percussio, mutilatio, occisio potest esse illicita dupliciter.

1. Ex immoderata actione: ut cum ex actione aliunde licita sequitur mors præter intentionem agentis ex eo quod actio sit excedens: v. g. ex defensione immoderata sequitur mors aggressoris, ex immoderata medicina sequitur mors aegroti.

2. Ex culpabili negligentia: ut cum omittitur id, quod quis & potest, & debet facere; ad quam omissionem, præter intentionem omittentis, sequitur vel occisio;



cisio, vel mutilatio, vel percussio illicita hominis: quæ omnia magis patebunt ex mox dicendis.

## ARTICULUS II.

*Quinam sint illi, qui peccant peccato homicidii, vel pertinente ad homicidium.*

*Prop.* unica. Peccat peccato homicidii, vel pertinente ad homicidium, quicumque privata auctoritate nocet, vel nocere cupit proximo in bonis corporis -- Peccato ex suo genere mortali, si adsit gravitas materiæ, & plena deliberatio.

*Prob.* 1. *Ex Script.* Non vosmetipsos defendentes, charissimi, sed date locum ira. Scriptum est enim: mihi vindicta, & ego retribuam, dicit Dominus: ad Rom. 12. v. 19. Ergo peccat quicumque nocere cupit proximo in bonis corporis; & cum hoc ad homicidium sensim disponat, homicidii reus censendus est.

2. *Ex August. can. homicidium 28. de poenitent. dist. 1.* ubi sic habetur. *Homicidium lege vetitum putatur non aliud esse, nisi corporis peremptio: aperuit ergo Dominus, omnem iniquum motum ad nocendum fratri in homicidii genere deputari.* Ergo homicidii reus coram Deo censendus est, quicumque nocere cupit proximo in bonis corporis.

3. *Rat.* Quicumque nocere cupit proximo in bonis corporis, agit 1. Contra illud, quod tibi non vis fieri, alteri ne feceris. 2. Agit contra charitatem, quæ jubet primo, ut Deum super omnia diligamus, nos deinde & proximum propter Deum; quod utique non facimus, si vitæ corporalis tum nostræ, tum proximi destructionem moliamur. 3. Agit contra iustitiam, quæ jubet, ut cunctis beneficiamus, nemini vero noceamus. 4. Qui ultionis ardet desiderio, non vult sibi ignoscere, & propriæ condemnationi vertit istud orationis dominicæ: *Dimitte nobis debita nostra sicut & nos dimittimus debitoribus nostris.* 5. Qui non parcat inimicis, non imitatur Deum: *Qui solem suum oriri facit super bonos & malos:* non imitatur Christum, qui pro crucifigentibus oravit: non imitatur sanctos Job, Joseph, Stephanum, Paulum, &c. qui lubenter inimicis suis pepercunt: Ergo peccat:

& cum hæc prava cordis dispositio ad homicidium inclinēt, homicidii reus coram Deo censendus est.

### Confectaria hujus Doctrinæ.

*Confect.* 1. Peccat peccato pertinente ad homicidium, qui interius contra proximum odium concipit & fovet; quia odium sensum disponit ad homicidium, juxta illud: *Omnis, qui odit fratrem suum, homicida est:* Joan. 1. c. 3. v. 15. quia, ut ait Hier epist. 36. *Cum homicidium ex odio sæpe nascatur, quicumque, etiamsi necdum gladio percusserit, animo tamen homicida est.*

*Confect.* 2. Eiusdem criminis reus est qui exterius irascendo, verbis & actibus internum odium manifestat; quia ira est dispositio ad homicidium: ita docet Christus: *Audistis, quia dictum est cuiusvis: non occides - Ego autem dico vobis: quia omnis, qui irascitur fratri suo, reus erit iudicio; qui autem dixerit fratri suo, raca, reus erit Concilio: qui autem dixerit, fatue, reus erit gehennæ ignis:* Matth. 5. v. 22.

*Confect.* 3. Peccato pertinente ad homicidium inquitur, qui acceptam injuriam motu proprio ulciscitur; quia sic se excitat ad injustam proximi lisionem: illud idem docet Christus: *Audistis, quia dictum est: oculum pro oculo, dentem pro dente. Ego autem dico vobis, non resistere malo:* Matth. 5. v. 38. & Paulus: *Nulli malum pro malo reddentes,* ad Rom. 12. 17. Et rursus Scriptura clamat: *Qui vindicari vult, a Domino inveniet vindictam, & peccata illius servans servabit:* Eccles. 18. v. 1.

*Confect.* 4. Peccat contra istud præceptum: *non occides*, qui proximum injuste percutit; percussio enim viam parat ad homicidium: de hac lisione sic loquitur Deus: *Qui percusserit hominem volens occidere, morte moriatur;* Exod. 21. v. 12.

*Confect.* 5. Homicidii proprie reus est, qui proximum privata auctoritate interficit: quod peccatum his verbis prohibet Deus: *Quicumque effuderit humanum sanguinem, fundetur sanguis illius; ad imaginem quippe Dei factus est homo:* Gen. 9. v. 6. Quod peccatum ita exhorret Deus, ut homicidæ etiam involuntarii in lege Mosaica exilio plerentur, & ad civitates refugii se recipere cogerentur: in lege vero Ecclesiastica publi-

ex poenitentiae per septem annos addicerentur. Hoc innuit Trid. sess. 14. de reform. c. 7. Jubens, ut qui id fecerint, ad sacros Ordines sine dispensatione non promoveatur.

## CAPUT II.

*De injusta læsione corporali proximo illata.*

### ARTICULUS I.

*De his qui peccant peccato homicidii, vel reducto ad homicidium, causando directe vel percussione, vel mutilationem, vel occisionem corporalem.*

*Prop. unica.* Peccant peccato homicidii vel pertimente ad homicidium, quicumque corpus proximi injuste ledunt, injuste - Vel ex defectu autoritatis, quando scilicet, qui agit, non habet auctoritatem publicam - - Vel ex defectu reatus, quando scilicet, qui paritur, est innocens - - Vel ex defectu debiti modi, quando scilicet in læsione contra reum non servatur ordo debitus.

*Prob. 1. ex Script.* Ut excludatur læsio facta auctoritate privata, dicitur: *Vindicta mihi, & ego retribuam.* Ut excludatur omnis læsio contra innocentem, dicitur: *Insontem & justum non occides:* Exod. 23. Ut excludatur immoderata læsio contra reum, dicitur: *Quod justum est, juste exequeris:* Deut. 16. Ergo peccant qui quocumque modo injuste ledunt corpus proximi.

2. Ex August. *Qui sine publica administratione maleficum occiderit, velut homicida judicabitur:* Lib. 1. de civit. Dei cap. 26. Ergo peccat, qui injuste proximum corporaliter lædit,

3. *Rat.* Ut aliqua actio sit licita, debet esse bona ex objecto, & ex circumstantiis; quia bonum ex integra causa: ergo ut læsio corporalis inflicta proximo sit licita, debet fieri, 1. Contra reum & non contra innocentem; quia innocens non meretur poenam. 2. Debet fieri auctoritate Principis, cujus est gladium portare in vindictam malorum, 3. Debet fieri servato ordine juris: quia quod fit contra ordinem juris, injustum est.



## Confectaria hujus doctrinæ.

*Confect. 1.* Ad homicidium positive influunt, qui privata auctoritate occidunt, mutilant, vulnerant alium hominem, quantumvis infimæ sortis; quia omni privato homini dicitur: *Non occides.* Ideo August: ait Epist. ad Publicolam de occidendis hominibus. *Ne ab eis qui pravi occidantur mihi placet consilium, nisi forte sit miles, aut publica functione teneatur; ut non pro se hoc faciat, sed pro aliis.* Ideo damnata est hæc propositio a Papa, & a Clero Gallicano art. 27. *Non peccat maritus occidens propria auctoritate uxorem in adulterio deprehensam.*

*Confect. 2.* Ad homicidium positive influunt, qui tyrannum quemlibet privata auctoritate occidunt; quia subditis dictum est: *Deum time, Regem honorifica.* Et Concil. Constantiense sess. 15. damnat hanc propositionem tamquam erroneam, hereticam, & scandalosam: *Quilibet tyrannus potest & debet licite & meritorie occidi per quicumque vasallum suum vel subditum, etiam per clanculares insidias, & subtiles blanditias, adulationes, non obstante quocumque præstito juramento, seu confederatione factis cum eo, non expectata sententia vel mandato judicis cujuscumque.*

*Confect. 3.* Ad homicidium pariter positive consentur influere, quicumque malitiose vel in se, vel in altero procurant abortum; quia, ut optime ait Tertull. Apolog. 1. c. 9. *Homicidii festinatio est prohibere nasciturum; nec refert natum qui eripiat animam, an nascentem disurbet.* Et Basilii ad Amphil. can. 8. *Itaque & quæ abortum scientia præbent medicamenta, sunt homicidæ; sicut & quæ fetum necantia verena accipiunt.* Et ita peccant peccato homicidii, 1. Qui conceptum foetum abigunt, ne virgo deflorata infamiam contrahat. Hanc enim propositionem damnavit summus Pontifex, & Clerus Gallicanus art. 7. *Licet procurare abortum ante animationem fetus, ne puella deprehensa gravida occidatur, aut infametur.* 2. Medici, qui mulieri prægnanti potionem ad procurandum abortum præbent, etiam si saluti corporali matris aliter faveri non possit; quia satius est ut pereat corpus matris, quam quod salus æterna pueri periclitetur.

3. Qui-

3. Quicumque dant proximam occasionem abortui: quod ita explicat Antonius: *Si mulier gravida præter intentionem abortetur, si commississet ibi notabilem negligentiam. puta, quia nimis saltavit, vel nimis inordinate laboravit, vel propter innatas lascivias, non esset absque peccato mortali. Idem in viro vel alio percutiente eam, unde abortus sequitur.*

4. Qui peraguntibus venam præcipue pedis, inconsulto Medico, aperiunt, unde solet sequi abortus.

*Confess. 4.* In peccatum ad homicidium pertinens positive influunt parentes, aut alii, qui juvenes contra conscientias castrant, ut sint utiles cantui: ita fuso D. Thom. 2. 2. q. 65. a. 1, in corp. Membrum licite præscindi non potest nisi in duobus casibus inquit, 1. Autoritate judicis in facinorosum hominem puniendum. 2. Consilio Medici, quod ad salutem totius corporis subveniri non potest. Non licet membrum sibi mutilare ad vincendas tentationes carnis. ergo a torquenti non licebit ob temporale lucrum.

*Confess. 5.* In peccatum ad homicidium pertinens positive influunt, qui non sibi subditos verberant; immo qui verberant sibi subditos, si modum correctionis excedant: ita docet D. Thom. *Verberare aliquem non licet, nisi habenti potestatem aliquam super illum qui verberatur; & quia filius subditur potestati patris, & servus potestati Domini, licite potest pater verberare filium, & Dominus servum causa correctionis & discipline.* Unde Prov. 15. scriptum est: *Qui percutit virga, castigat filium suum: & Eccles. 33. v. 28. Servo malevolio toritura & compedes.* Audiant utrique verba Pauli. *Patres: Nolite ad iracundiam provocare filios vestros -- Et vos Domini eadem facite ipsis, remittentes minas; scientes quia & illorum & vester Dominus est in celis: ad Ephes. 6, v. 9.*

*Confess. 6.* Speciem quamdam homicidii positive censentur committere privati, qui contra ordinem juris proximum diu in carcere detinent: quia illud totum pertinet ad iudices: de quo ita D. Thom. *Detinere hominem ad horam ab aliquo opere illicito statim perpetrando cuilibet licet, sicuti cum aliquis detinet aliquam, ne se precipitet, vel ne alium feriat: sed simpliciter aliquem*

quem includere, velligare, ad eum solum pertinet, qui habet disponere universaliter de actibus, & vita alterius: quia per hoc impeditur non solum a malis faciendis, sed etiam a bonis agendis: 2. 2. 7. 65. a. 1. ad 3.

*Consect. 7.* Ad homicidium positive concurrunt privati omnes, qui contra ordinem iustitiæ ad cædes, injurias, que se accingunt mediis ad homicidium tendentibus; quales sunt conjurata a morum gestatio, gladiieductio. Hoc ita determinat D. Thom. 2. 2. q. 40. a. 1. in corp. *Non pertinet ad personam privatam bellum movere, quia potest jus suum in judicio superioris prosequi; similiter etiam, quia convocare multitudinem, quod in bellis oportet fieri, non pertinet ad privatam personam.*

*Consect. 8.* Homicidium dicuntur positive committere iudices omnes, qui aliquid attentant contra homines, quantumvis reos, non servato ordine juris; quia ini-que agit Iudex hoc ipso quod ordinem juris violat. De quo infra, ubi de homicidio per Iudicem commissio.

*Consect. 9.* Homicidium dicuntur positive committere omnes, qui ita cooperantur homicidio, ut ex eorum actione sequatur homicidium: v. g. qui jubent, uti fecit David, qui iussit Uriam occidi: qui consulunt, uti Cai-phas, qui suavit Christi mortem: qui consentiunt, ut Paulus, qui erat consentiens morti Stephani: qui hortantur ad mortem inferendam, uti fecit Isabell, quæ Achab ad occisionem Naboth hortata est, uti fecit & filia Herodiadis, quæ petiit caput Ioan. Baptistæ.

## ARTICULUS II.

*De his, qui peccant peccato homicidii, vel reducto ad homicidium, causando indirecte, ut dicunt, vel percussione, mutilationem, vel occisionem corporalem.*

*Prop. 1.* Peccant peccato homicidii, vel pertinente ad homicidium, quicumque præter intentionem, vel ex illicita actione, vel ex culpabili negligentia, in causa sunt, ut sequatur homicidium, aut læsio aliqua corporalis contra proximum.

*Prob. 1.* Ex Script. *Non occides:* quæ vox generaliter sumpta vetat omnem læsionem injustam proximi, sive directe, sive indirecte, ut dicunt, causatam.



2. Ex D. Thom. Homicidium causale imputatur ad culpam dupliciter: cum quis non vitat quod vitare debebat, homicidium incurrit: alio modo, quando non adhibet debitam sollicitudinem: 2. 2. q. 64. a. 8. in corp.

3. Rat. Toties voluntarium indirecte commissum imputatur ad culpam, quoties vacatur rei illicitæ, vel non adhibetur debita diligentia; quia tunc effectus censetur voluntarius in causa: Ergo in duobus illis casibus, læsio corporalis proximi, vel occisio illius imputabitur ad culpam.

### Confectaria hujus Doctrinæ.

*Confect. 1.* Toties læsio corporalis, mutilatio, occisio &c. imputabitur ad culpam, quoties actio ex qua sequitur, etiam contra intentionem agentis, est illicita quoad substantiam; agens enim tunc debet sibi imputare quod sequitur ex illa. Sic si quis percusserit mulierem prægnantem, & abortus sequatur ex tali percussione, percussor erit reus homicidii; quia vacat rei illicitæ.

Sic si quis dederit gladium furioso, aut ebrio, & furiosus, aut ebrius eo gladio occidat hominem, qui dedit gladium reus erit homicidii; quia vacabat rei secundum se illicitæ.

*Confect. 2.* Toties læsio corporalis, mutilatio, occisio &c. imputabitur ad culpam, quoties actio, ex qua sequitur etiam contra intentionem agentis, est illicita quoad modum; agens enim tunc debet sibi imputare quod sequitur ex illa.

Sic immoderata defensio sui, aut amicorum, aut rerum, illicitam reddit injusti aggressoris occisionem, aut læsionem corporalem; quia defensio illa est illicita ex modo.

Sic immoderata venatio, incauta sagittæ inmissio, incauta equitatio, imprudens equorum calcitrantium relaxatio, imprudens animalium malignantium, & quorumcumque lædere valentium emissio, culpabilem reddit aut læsionem, aut occisionem proximi; quia actio est illicita ex modo.

Sic oppressio infantium in lecto parentum dormientium contra vetitum Ecclesiæ, imputatur ad culpam; quia

quia actio est illicita ex modo: nam etsi licitum sit ponere infantes in lecto propter frigus arcendum, non tamen cum obstat Ecclesie vetitum; quia non sunt facienda mala, ut evitetur aliud malum.

*Consect.* 3. Toties latio corporalis, mutilatio, occisio &c. imputantur ad culpam, quoties omisio, ex qua sequitur latio, est culpabilis ob negligentiam; tunc enim omittens debet sibi imputare id, quod sequitur ex ejus omissione. Ut autem omisio sit culpabilis, tria debent concurrere, inquit Cajetanus, *posse, debere, & non facere*. 1. Oportet ut omittens *posset* non omittere; etenim ad impossibile nemo tenetur: *Impossibile enim*, inquit Tridentinum, *impossibilia non jubet*.

2. Oportet ut omittens ex precepto, & non solum ex consilio, teneatur agere; etenim ex Paulo: *Ubi non est lex, ibi non est prævaricatio*.

3. Oportet ut qui ligatur lege, omittat quod præceptum est; quia ubi non est prævaricatio legis, ibi non est peccatum.

Nota ex dicendis ubi de restitutione: quod si omittens peccat contra iustitiam, negans id, ad quod ex officio tenetur, obligabitur ad restitutionem; si vero peccet præterea contra aliam virtutem diversam a iustitia, non obligabitur ad restitutionem, sed solum ad poenitentiam.

Sic mors naturalis imputatur ad culpam ei, qui denegat elemosynam pauperi in extremis constituto. *Si non paristi*, inquit Ambrosius, *occidisti*; & hoc peccat contra charitatem; quia ex charitate tenetur dare elemosynam, & proinde non obligatur ad restitutionem.

Sic mors violenta, & manifesta, imputatur ad culpam ei, qui proximum iniuste læsum non tuetur contra aggressorem. *Qui enim*, ait Ambrosius, *non repellit a proximo injuriam, si potest, tam est in vitio, quam ille, qui facit*: Lib. 1. de officiis c. 36. hic autem peccat contra solam charitatem, quia ex charitate solum tenetur proximo periclitanti pro virili opulari, & proinde non obligatur ad restitutionem.

Si mors violenta, aut percussio occulte imminens ex iniusto proposito aut consilio iniquorum, imputatur ad culpam ei, qui injustum illud consilium novit, & non im-

impedit vel manifestando, vel obstando; quia non obstat, cum obflare tenetur; non revelat, cum tenetur revelare: & hic peccat contra charitatem, si solum ex charitate teneatur vel obflare, ne fiat illud malum, vel revelare postquam factum est.

*Confiel.* 4. Omnes, quibus ex officio incumbit tueri vitam hominum, & non tuentur, peccant contra justitiam.

1. Peccant; quia ex eorum negligentia culpabili sequitur, ut supponitur, mors, aut mutilatio hominum.

2. Peccant contra justitiam; quia, ut supponitur, tenentur ex officio vitam aliorum tueri. Unde omnes, qui hic subiciuntur, & peccant non tuendo vitam aliorum, & tenentur ad restituenda damna, quæ ex eorum negligentia oriuntur.

1. Principes, & Magistratus, qui homicidas, latrones, & grassatores comprehendi, in vincula conjici, & secundum leges puniri non curant; quia malos puniri jubet Deus. *Noli querere, inquit, fieri iudex, nisi valens virtute irrumpere iniquitates:* Eccles. 9. v. 6. & rursus: *Auferes malum de medio tui:* Deut. 13. v. 5. Iudeis illis mollibus dici potest, quod dictum fuit Achab, 3. Regum c. 20. v. 42. *Hec dicit Dominus: quia dimisisti virum dignum morte de manu tua, erit anima tua pro anima ejus.*

2. Testes, qui adversus illos maleficos iustum ferre testimonium recusant; quia testari veritatem præcipit Deus. *Si peccaverit anima, & audierit vocem jurantis, testisque fuerit, quod aut ipse vidit, aut conscius est, nisi indicaverit, portabit iniquitatem suam:* Lev. 5. v. 1. quia ut ait Aug. lib. 19. de Civ. Dei. Pertinet ad innocentis officium, non solum nemini malum inferre, verum etiam cohibere a peccato, vel punire peccatum, ut vel ipse, qui plectitur, corrigatur experimento, aut alii tercantur exemplo.

3. Iudices qui damnationem, & occisionem innocentium non impediunt cum possunt, vel injuste damnatos a morte non liberant si possint, juxta illud: *Erue eos, qui ducuntur ad mortem: & qui trahuntur ad interitum, liberare ne cesses:* Prov. 14. v. 11. Ideo Iudex, quamvis solus esset, debet injuste aliorum sententiæ, quantum potest, adversari; sic enim iudicem præmonet Deus: *Non sequeris turbam ad faciendum malum: nec in iudicio plurimorum acquiesces sententiæ, ut a vero deus:* Ex. 23.

4. Mies



4. Medici, Chirurgi, Pharmacopole, si ægroti sibi commissi eorum negligentia, vel imperitia moriantur: ita S. Anton. P. 3. tit. c. II. *Ubi negligentia notabili incuris suis nocent infirmis, semper peccant mortaliter, facientes contra illud: Non occides. Non excusantur ex hoc, quod illud non intendant; quia voluntarie dant operam, unde hoc sequitur: immo etiam si sequatur sanitas, non excusantur a peccato; quia exponunt se periculo peccati mortalis.*

Prop. 2. Non peccant peccato homicidii, vel pertinente ad homicidium, quicumque vacant rei licite, & debitam adhibent diligentiam, licet ex tali actione, præter illorum intentionem, sequatur homicidium.

Prob. 1. Ex Script. Si homicidium factum fuerit fortuito, & abs ue odio — liberabitur innocens de auctoris manu: Num. 35. v. 22.

2. Ex D. Th. Si quis det operam rei licite, & debitam diligentiam adhibeat, & ex hoc homicidium sequatur, non incurrit homicidii reatum: 2. 2. q. 64. a. 8 in corp.

3. Rat. Nemo jure suo utens alteri censetur injuriam facere: ergo in illis circumstantiis homicidium non potest imputari ad culpam.

### *Confessaria hujus Doctrinæ.*

Confess. 1. Milites in bello justo possunt occidere innocentes cum hostibus permixtos, quando non possunt innocentes ab hostibus discernere; quia vacant rei licite, & debitam, ut supponitur, adhibuerunt diligentiam ad separandos innocentes ab hostibus.

Confess. 2. Laceratus injuste, potest juxta aliquos auctores occidere infantem, quo injustus aggressor se tamquam clypeo præmunit, quando non est alia via evadendi ictus injusti aggressoris; quia, ut supponitur, omnem adhibet diligentiam, ne lacerator infans.

Confess. 3. Mater prægnans periculose agrotans, quando timetur mors & maris & prolis, potest sumere potionem ordinatam ad sanandam matrem, & expulsivam fœtus nondum animati; quia res est licita, ad quam per accidens solum sequitur expulsio fœtus nondum animati; si tamen fœtus sit animatus, via licita debet conservari, ut baptizetur.

*Confess.*

*Consect. 4.* Respublica passura ab injusto Tyranno integram deletionem, nisi deferat tutelam innocentis, quem tyrannus injuste postulat, ut morti tradatur, potest omittere tutelam illius innocentis; quia talis omissio non est illicita: non enim jubetur defensio privati innocentis cum certo periculo omnium civium Reipublicæ.

*Consect. 5.* Judex, qui omnibus tentatis non potest eum dimittere, quem scit privata scientia innocentem, qui tamen secundum testimonia allegata & probata publice habetur nocens, potest illum innocentem damnare morte; quia ut persona publica vacat rei licitæ, debitamque adhibet diligentiam: ita D. Thom. 2. 2. q. 64. a. 6. ad 3. Quomodo in eo casu debeat Judex se gerere, vide infra.

### CAPUT III.

*De occisione, Et mutilatione sui ipsius, tum positiva, tum negativa, ut dicunt.*

#### ARTICULUS I.

*An licita sit directæ sui ipsius occisio, vel proprii membri mutilatio.*

*Prop. unica.* Peccat peccato homicidii, vel pertinente ad homicidium, qui actione positiva, vel negativa intendit sui ipsius occisionem, vel mutilationem, faciendo aliquid prohibitum, vel omittendo aliquod imperatum, ad quod necessario sequatur vel occisio, vel mutilatio.

*Prob. 1.* Ex Script. Qui ita se gerit, agit contra illud: *Non occides.* Ergo peccat peccato vel homicidii, vel ad homicidium pertinente.

2. Ex Aug. *Quisquis hominem, vel seipsum, vel quemlibet occiderit, homicidii crimine tenebitur:* lib. 1. de civit. Dei c. 21.

3. Rat. Qui proprio nocet corpori, diversimode peccat. 1. Agit contra inclinationem naturalem; res enim qualibet amat sui ipsius conservationem. 2. Agit contra iustitiam; homo enim non est vite sue dominus, sed tantum custos; ideo non potest pro libitu eam prodigere, sed debet eam conservare. 3. Qui nocet proprio corpori, nocet Reipublicæ, cujus est membrum.

## Confectaria hujus Doctrinæ.

*Confect. 1.* Sui ipsius cædis rei sunt, qui per actionem positivam seipfos occidunt pugione, veneno, inedia, quocumque motivo illud faciant: ita docet Aug. Hoc dicimus, hoc asserimus, hoc modis omnibus approbamus: neminem spontaneam mortem sibi inferre debere, vel ut fugiendo molestias temporales, uti fecit Achitophel: 2. Reg. 18. Et Saul, Et Razias, ne incidat in perpetuas: neminem propter aliena peccata, uti fecit nupta impetrata a Diocletiano, quæ se ipsam occidit, ut copiam sui corporis Diocletiano eriperet, ne hoc ipso incipiat habere peccatum gravissimum proprium, quem non polluebat alienum: neminem propter sua peccata præterita, uti fecit Judas, propter quod magis hac vita opus est, ut possit penitendo sanari: neminem velut desiderio vitæ melioris, quæ post mortem speratur, uti fecit Cleombrotus; quia reum suæ mortis melior post mortem vita non suscipit: lib. 1. de Civit. Dei c. 26. Ideo jussu Ecclesiæ privantur sepultura Ecclesiastica qui seipfos occidunt. Samson vero, & alii Sancti, qui dicuntur seipfos occidisse, id fecerunt ducti speciali inspiratione: unde in eo mirandi potius, quam imitandi, ut ait August. ibidem. Unde etiam non excusantur infirmi, qui respuunt medicamina vulgaria, quando spes salutis adest.

*Confect. 2.* Sui ipsius mutilationis rei sunt, qui seipfos mutilant, v. g. amputant manus, pedes, &c. non enim licet mutilare se, nisi quando abscissio membri est ad salutem totius corporis necessaria, ut dicit D. Thom. his verbis 2. 2. quæst. 65. a. 1. in corp. Mutilare autem non est licitum alicui privatæ personæ, etiam volente illo, cujus est membrum; quia per hoc fit injuria Communitati, cujus est ipse homo, Et omnes partes ejus. Si vero membrum propter putredinem sit totius corporis corruptivum, tunc licitum est de voluntate ejus, cujus est membrum, præscindere propter salutem totius corporis; quia unicuique commissæ est cura propriæ salutis.

*Confect. 3.* Sui ipsius mutilationis rei sunt, qui seipfos castrant ad vitandam incontinentiam: de quo ita D. Thom. 2. 2. q. 65. a. 1. ad 3. Saluti spiritali semper potest aliter subveniri, quam per membri præcisionem; quia pec-

catum



*catur subjacet voluntati.* Sancti autem Patres abscissionem illam reprobant: quia, ut ait Chrysost. concupiscentia non fit per eam mansuetior, sed ardentior. Et Basil. *Juvat nos esse castos, & non infirmos.* Improbaturque semper fuit ab Ecclesia factum Origenis se ipsum castrantis indiscreto amore castitatis. Et canon primus Nicænus a Clero rejicit qui se ipsos absciderunt; admittit solum eos, qui vel invitati a barbaris, vel ad vitandum morbum a Medicis abscissi sunt.

*Consect. 4.* Cujusdam quasi mutilationis & occisionis rei sunt qui passionibus se reddunt impotentes ad generationem; quia privare se hac via exercitio potentie generativæ, est quadam occisio & mutilatio: de quo ita Cæsarius Arelat. *Mulier autem quæcumque fecerit hoc, per quod jam non possit concipere, quantumcumque poterat parere, tantorum homicidiorum se ream esse cognoscat.*

*Consect. 5.* Sui ipsius cadis rei sunt, qui per crapulam, ebrietatem, libidinem, aliasque passiones vitam sibi vel minuunt, vel eripiunt: quos ita pramonet Script. *In multis escis erit infirmitas. . . propter crapulam multi obierunt: qui autem abstinentes q, adjiciunt vitam:* Eccl. 17. v. 33.

*Consect. 6.* Præmatura sui ipsius cadis rei etiam sunt qui nimia abstinencia, longioribus vigiliis ex indiscreto zelo sibi vel mortem accelerant, vel valetudinem minuunt; quia debilitandum est corpus, ne rebellet; sed non destruendum, ne poleat: cuilibet enim dictum est: *Noli destruere opus Dei.* Ideo ait D. Th. quodl. 5. a. 18. Vigiliæ, jejunia, carnis niaceratio adhibenda sunt *cum quadam censura rationis: ut scilicet concupiscentia devitetur, & natura non extinguatur, secundum illud ad Romanos:* Exhibeatis corpora vestra hostiam viventem: & postea subdit, rationabile obsequium vestrum. Si vero aliquis in tantum virtutem naturæ debilitet per jejunia, & vigiliæ, & & alia hujusmodi, quod non sufficiat debita opera exequi, puta, Prædicator prædicare, Doctor docere, cantor cantare, & sic de aliis, absque dubio peccat: sicut etiam peccaret vir, qui nimia abstinencia se impotentem redderet ad debitum uxori reddendum.

*Consect.* 7. Sui ipsius cædis rei etiam sunt, 1. Quise exponunt probabili mortis periculo: quales sunt illi qui exercent hastiludium, torneamentum, taurorum agitationes. Hastiludium fit, cum armati equites duo contra incedunt. Torneamentum, cum milites ad virium ostentationem inter se concurrunt. Taurorum agitatio est, cum homines contra tauros decertant. Illa ut plurimum fiunt cum probabili mortis periculo: prohibentur Jurę Canonico sub gravibus pœnis; & qui in tali exercitio moriuntur, licet pœniteant, privantur Ecclesiastica sepultura. Ita enim legitur cap. *Felicitis*, de torneamentis. *Si quis eorum ibi mortuus fuerit, quamvis ei postmodum penitentia non negetur, Ecclesiastica tamen careat sepultura*, si accessit animo pugnandi; minime vero si accessit alia causa, puta, ut debita sibi exigeret, ut explicat caput *Ad audientiam*, ibid.

## ARTICULUS II.

*De indirecta occisione sui ipsius, & proprii membri mutilatione.*

**C**ertum est, illicitum esse intendere directe sui ipsius mutilationem, vel occisionem: sed videamus, an licitum sit, immo aliquando necessarium, sui ipsius occisionem, vel mutilationem permittere.

*Prop.* 1. Homo potest, nedum citra peccatum, immo laudabiliter exercere aliquos virtutis actus, ex quibus prævidet secuturam sui ipsius mortem, aut mutilationem vel ex causis naturalibus, vel ex causis liberis.

*Prob.* 1. Ex Script. Licet Paulus videret imminere sibi vincula, immo mortem, si adiret Jerusalem ait: *Nihil horum vereor, nec facio animam meam pretiosorem quam me, dummodo consummam cursum meum*: Act. 20. v. 24. Ergo licet vitam exponere in laudabili virtutis exercitio.

2. Ex D. Th. *Ad fortitudinem pertinet, quod aliquis ab alio mortem pati non refugiat propter bonum virtutis, & ut vitet peccatum*: 2. 2. qu. 64. a. 5. Patet hoc ex Eleazaro, qui dedit se, ut liberaret populum suum, & acquireret sibi nomen æternum, quando scilicet ab Elephantem oppressus, suo sepultus est sub triumpho.

3. *Rat.* Quilibet potest citra peccatum, immo maxima cum laude, virtutem exercere, licet per accidens

ex tali exercitio sequatur mors, aut mutilatio; quia quilibet potest uti jure suo, & quia præsens vita temporalis parvi facienda est, ut obtineatur futura vita in æternum duratura.

### Confectoria hujus Doctrinæ.

*Confect. 1.* Ut homo exerceat charitatem, potest se sequentibus periculis prudenter exponere, licet ex his ejus occisio, aut mutilatio prævideatur forte futura: v. g. Medicus potest tempore pestis pestiferos curare. Privatus quilibet potest eisdem ægrotis servire. Sacerdos potest eisdem Sacramenta ministrare. Concionator potest in fidelibus fidem prædicare, etiam cum vite dispendio. Quilibet homo potest flammis se exponere, ut baptizet puerum sine baptismo moriturum; quia in his omnibus casibus charitas exercetur: quæ, ut ait Apost. *non quærit quæ sua sunt.* Item homo privatus, nec Reip. nec familiæ suæ necessarius, ab ipso aggressore laceratus, potest sui ipsius occisionem permittere, si probabiliter putet se esse in statu gratiæ, potius quam occidere aggressorem, ut sic vitam suam Deo offerat, & impio aggressori tempus pœnitendi non adimat. Item mater prægnans, periculosissime ægotans, si spes affulgeat conservandi prolem, ut baptizetur, potest sui ipsius occisionem corporalem permittere, ut æterna salus ipsi proli nascituræ procuretur.

*Confect. 2.* Homo reus, ex amore justitiæ potest vel se judici offerre, vel detentus in carcere in eo permanere, cum etiam offert se occasio exeundi, etsi prævideat hinc secuturam ejus mortem; quia virtutem exercet qui non refugit mortem, quam suis sceleribus promeruit.

*Confect. 3.* Homo ex amore temperantiæ potest se temperare a cibis delicatioribus ad tuendum corpus infirmum necessariis, modo utatur communibus: & ita fecerunt plures Sancti. Carthusianus potest abstinere ab esu carnum, licet judicio Medicorum judicentur ad vitam conservandam necessaria; primus enim exerceat virtutem temperantiæ: secundus vero mavult perdere vitam quam obedientiam.



*Confess. 4.* Ex amore castitatis potest homo omnino a matrimonio abstinere, etsi ad sanitatem corporalem conduceret. Ita fecerunt plures Sancti, qui vitam brevi perituram parvi fecerunt, ut castitatem conservarent. Item & ex pudore rationali potest virgo non permittere inspectionem membrorum genitalium Chirurgo, licet forte esset necessaria ad curationem; sed in hoc sequendum iudicium prudentis Confessarii.

*Confess. 5.* Potest quis ex amore poenitentiae, aut maioris perfectionis causa, religiosum statum, aut austerrum vitam genus amplecti, quamvis sciat vitam ipsius inde fore breviandam: ideo enim nedum vituperantur, immo laudantur antiqui poenitentes, de quibus loquitur Climacus, licet stupentibus poenitentiis corpus affligerent; quia virtutis motivo ducebantur.

*Confess. 6.* Potest religiosus ex amore paupertatis negligere remedia, quae sine ingenti pecunia haberi non possunt, modo utatur communibus, quamvis haec ingentis pretii remedia sanitatem essent allatura; quia id praestat amore verae virtutis. Item paterfamilias, qui non est Republicae necessarius, potest ea remedia negligere, quae habere non potest nisi familiam ad extremam paupertatem redigendo; quia agit tunc motivo virtutis, scilicet ex amore erga familiam.

*Prop. 2.* Homo non potest agere, aut omittere aliquid, ex quo etiam praeter intentionem agentis praevideatur sectura occisio, aut mutilatio, si talis actio, aut omisio non jungatur cum verae virtutis exercitio.

*Prop. 1.* Ex Script. Ad solum Deum pertinet iudicium mortis & vitae. *Ego occidam, & ego vivere faciam:* Deut. 32. Ergo homo non potest extra verae virtutis exercitium vitam suam vel positive, vel negative, ut dicunt, exponere.

2. Ex D. Thom. *Quod aliquis sibi ipsi inferat mortem, ut vitet mala penalia, habet quidem quamdam speciem fortitudinis . . . non tamen est vera fortitudo, sed magis mollities animi, non valentis mala penalia sustinere* 2. 2. q. 64. a. 5. ad 5. Idem docet Aug. de civit. Dei lib. I. c. 13. Ergo non licet extra verae virtutis exercitium aliquid moliri quod mortem inferat.

3. *Rat.*

3. *Rat.* Homo nullum jus habet agendi contra propriam vitam, aut illius curam omittendi, in his casibus, in quibus non vera sed falsa virtus exercetur.

### Confectaria hujus Doctrinæ.

*Confect.* 1. Homo ad ostendendam falsam constantiam non potest mortem sibi conciscere vel ferro, vel veneno, vel præceps ruendo in aquam, in ignem, vel ultro exponendo se ferocibus bestiis, aut furiosis hominibus, aut ignem in pulverem tormentarium immittendo, ex quo sine ulla evasionis spe ruitura sit aut arx, in qua ipse est cum aliis, aut comburenda navis, in qua ille vehitur cum aliis; quia ibi furor est, non constantia.

*Confect.* 2. Homo etiam iuste damnatus, aut morte, aut inedia non potest aut sibi mortem inferre, aut oblatum cibum non sumere; quia non prudens, sed imprudens esset hæc obedientia: ita D. Thom. Nullus ita condemnatur, quod ipse sibi inferat mortem, sed quod ipse mortem patiatur; & ideo non tenetur facere id, unde mors sequatur. . . sicut etiamsi aliquis condemnatus sit, ut fame pereat, non peccat, si cibum sibi occulte ministratum sumat; quia non sumere, esset se ipsum occidere: 2. 2. q. 60. a. 4. ad 2.

*Confect.* 3. Homo non potest ad experiendam virtutem theriacæ toxicum epotare; quia experimentum illud circa aliquod brutum & prudentius, & tutius potest fieri; & experimentum illud factum circa homines, insania est & non prudentia.

*Confect.* 4. Nullum est motivum, quo liceat personæ vel privatæ, vel publicæ se ipsam interficere, puta v. g. ne occidatur ab hostibus, vel ne cedat in eorum manus, vel ut vitet captivitatem, aut ignominiam; quia, ut ait Poeta etiam Ethnicus:

*Dic rogo, num furor est ne moriare, mori?*

### ARTICULUS III.

*Quandonam ex præcepto permittenda est sui ipsius occisio.*

*Prop.* Toties permittenda est ex præcepto sui ipsius occisio, quoties illud exigit bonum universale vel Religionis, vel Reipublicæ.

*Prob. 1. Ex Script. Nolitetimere eos, qui occidunt corpus; sed potius timete eum, qui potest animam perdere in gehennam.*

Id est, lubenter mortem corporis potius patimini quam damnationem animæ subeatis; *Quia, qui odit animam suam in hoc mundo, in vitam æternam custodit eam.*

2. Quando violatio legis conjungitur cum dispendio boni universalis vel Religionis, vel Reipublicæ, tunc oportet legem observare, etiam cum propria, vitæ dispendio; quia satius est bonum particulare perire, quam universale,

### Consectaria hujus Doctrinæ

*Consect. 1.* Quoties causa Religionis postulat, ut vitam nostram offeramus, debemus sponte pati nos occidi. Ita fecerunt illi, ac quibus Paulus loquitur: *Lapidati sunt, scissi sunt, tentati sunt, in occasione gladii mortui sunt, &c. ad Hebr. II. v. 37. Non suscipientes redemptionem, ut meliorem invenirent resurrectionem.* Ita & fecerunt omnes Martyres.

*Consect. 2.* Quoties bonum publicum postulat, ut vitam nostram offeramus, tenemur eam offerre: ita fecit Eleazarus, cum pro patria gloriosam mortem appetiit: ita fecit & Samson, cum Philistæos una cum semetipso, concutiendo columnam, oppressit: *Jud. 16.*

Sic milites debent pro salute totius Reipublicæ periculosas stationes tueri, etiam cum vitæ dispendio.

Sic, si bonum Reipublicæ postulet, debent, etiam si spes salvandi seipsos non affulgeat, turres pulveris tormentario erigere, naves, quibus vehuntur, inflammare, ut impediant, ne aut arces, aut naves hostibus serviant,

*Consect. 3.* Damnatus juste a iudice, debet sustinere patienter, & non renitendo, quicquid iudex præscripserit: quia bonum universale exigit, ut malefici puniantur. *Aliquis, inquit D. Thom. damnatur ad mortem dupliciter. Uno modo juste, & sic non licet condemnato se defendere: unde relinquitur, quod ex parte ejus sit bellum injustum, unde indubitanter peccat. Alio modo*



do injuste, & tali judicio licet resistere sicuti latronibus: 2. 2. q. 62. a. 4.

*Confect. 4.* Juxta multos, si quis etiam innocens postuletur injuste a Tyranno minitante totius Reipublicæ excidium, nisi tradatur innocens; tunc qui petitur, debet permittere se tradi, immo offerre se: satius enim est, ut privatus homo, licet innocens, pereat, quam tota Respublica destruat; tunc enim esset maxime nocens, si pro totius Reipublicæ conservatione nollet vitam suam exponere: exemplo enim Jonæ debet dicere: Tollite me, & mittite in mare, & cessabit mare a vobis; scio enim ego quoniam propter me tempestas hæc grandis venit super vos: Jonas I. cap. v. 12.

## ARTICULUS IV.

*Quandonam ex præcepto tenemur mutilationem in nobis permittere.*

*Prov.* Toties debemus mutilationem, id est, membri abscissionem permittere, quoties id exigit aut ordo justitiæ, aut bonum universale Reipublicæ, vel Religionis.

*Prob. 1. Ex Script.* Oculum pro oculo, dentem pro dente, manum pro manu, pedem pro pede: Exod. 21. v. 24. Ergo judex potest aliquando damnare reum poena mutilationis: ergo tunc reus debet huic poenæ se subicere.

2. *Ex P. Thom.* Sicut per publicam potestatem aliquis licite privatur totaliter vita propter aliquas majores culpas, ita etiam privatur membro propter aliquas culpas minores: 2. 2. q. 65. a. 1. in corp.

3. *Rat.* Homo iuste damnatus debet mortem subire: ergo & mutilationem. Homo pariter tenetur mortem pati, cum id exigit bonum universale Reipublicæ, aut Religionis: ergo & mutilationem.

### Confectaria hujus doctrinæ.

*Confect. 1.* Homo tenetur toties pati mutilationem in suo corpore, quoties autoritate judicis ea poena damnatur, sive damnetur iuste a legitimo iudice in poenam alienius delicti, sive injuste a Tyranno in odium Religionis; quia in primo casu id exigit ordo justitiæ, in secundo bonum Religionis,

*Confess. 2.* Homo debet pati mutilationem in suo corpore, quoties hæc judicio prudentum existimatur absolute necessaria ad totius corporis conservationem; quia homo non ita est dominus vitæ, ut possit citra peccatum permittere totum corpus per membrum putridum corrumpi.

## CAPUT IV.

*De occisione, mutilatione, & percussione factis auctoritate publica.*

## ARTICULUS I.

*De occisione facta expresso Dei jussu.*

**Prop.** Occisio hominis facta jussu Dei non est peccatum.

**Prob. 1.** Ex Script. Ego occidam, ego vivere faciam: Ergo cum Deus sit Dominus vitæ nostræ, potest pro libitu occidere, vel conservare hominem.

2. Ex Aug. lib. 1. de civit. Dei cap. 21. Nequaquam contra hoc præceptum egerunt, quo dictum est, non occides, qui Deo auctoritate bella gesserunt, aut personam gerentes publicæ potestatis, secundum ejus leges, hoc est, justissime rationis imperium, sceleratos morte punierunt.

3. **Rat.** Quia cum Deus vitæ ac necis omnium dominus sit, potest morti addicere quos libuerit: & hoc vel præcise ratione supremæ auctoritatis, quam habet supra omnia, vel in pœnam peccati vel originalis, vel actualis. Ideo Abraham paratus filium suum occidere, nedum vituperatur, quin immo laudatur a Deo. Nunc, inquit Angelus, cognosco, quod timeas Dominum. Ideo etiam laudatur Tribus Levi, quod Judæos fornicantes jussu Dei occiderat. Consecrasti manus vestras hodie Domino, unusquisque in filio, & in fratre suo, ut detur vobis benedictio: Exod. 32. Sic Moyses ex inspiratione Dei licite occidit Ægyptium, & Phinees filium Zambri: Num. 25. Samuel Agag. Elias Sacerdotes Baal.

**Monit.** Hæc propositio inservit ad excusandos eos, qui jussu Dei occiderunt. Sed nulli potest esse regula operandi; quia post stabilitam, ut jam est, Christi Religionem, privaræ revelationes, contrariæ expresso Dei præcepto, censeri debent illusiones.

## ARTICULUS II.

*De occisione facta authoritate judicis.*

**Prop.** Judex non intrusus, sed legitimus, potest & debet, non motivo vindictæ, sed amore justitiæ, damnare justo supplicio, non innocentem, sed reum accusatum, & convictum.

**Prob. I.** Ex Script. Qui enim dixit privato homini: *Non occides*, dixit judici: *Maleficos non patieris vivere*: Exod. 11. *Est enim minister Dei, vindex in iram ei, qui malum agit*, ut docet Paulus ad Rom. 13. 4. Ergo debet malos juxta mandatum Dei punire.

2. Ex Aug. epist. ad Macedonium 153. alias 51. *Si non liceat judici malefactores occidere, frustra instituta sunt potestas Regis, jus gladii, cogitationes, ungulae carnificis, arma militis, disciplina de minoribus, severitas etiam boni patris. Habent ista omnia modos suos, causas, rationes, utilitates. Hæc cum timentur, & coercentur mali, & quietius inter malos vivunt boni.*

3. Rat. Magistratus debent imitari Davidem, qui de se ipso ait: *In matutino interficiebam omnes peccatores terræ, ut disperderem de civitate Dei omnes operantes iniquitatem*: Psalm. 100.

4. Bonum commune, nimirum tranquillitas Reipublicæ, debet longe præponderare vitæ innocentium; & ita bonum est, ut per mortem abscindantur, qui nos conturbant, & tamquam membra pestifera a judicibus, quasi totidem prudentibus Medicis, resecantur, ut patet ex multis sanctorum virorum exemplis. . . Moyses jussit Judæos idololatrias occidi: Exod. 22. & Principes Judæorum cum fœminis Madianitis fornicatos patibulo suspendit. Phinees Sacerdos virum cum scorto Madianite commixtum interfecit, zeloque suo Sacerdotium familie suæ in perpetuum promeritus est. Quibus exemplis patet, bonum esse occidi maleficos, ut mali formidine pœnæ a peccato deterreantur.

## Consectaria hujus Doctrinæ.

**Consect. I.** De judice intruso. Judex intrusus peccat, qui hominem quantumvis reum damnat; quia non



non servat ordinem juris: etenim injustum est, quod aliquis judicetur ab eo, qui publicam auctoritatem non habet: ita Concil. Later. sub Inn. III. can. 41. & D. Thom. dicit, peccat: *Quando homo judicat in his, in quibus non habet auctoritatem: Et sic dicitur judicium usurpatum: 2. 2. q. 60. a. 2. in C.*

*Consect. 2.* De iudice legitimo reum absolvente. Peccat iudex etiam legitimus, qui vel flexus precibus, vel territus minis, vel corruptus muneribus, non damnat hominem reum: teneturque restituere damna omnia, quæ ex impunito scelere nascentur: ita docere videtur Script. 3. Reg. cap. 20. *Hec dicit Dominus, quia dimissi virum dignum morte de manu tua, erit anima tua pro anima ejus.*

*Consect. 3.* De iudice, qui non agit amore justitiæ. Peccaret iudex etiam legitimus, qui hominem reum damnaret, ut iræ vel propriæ, vel alienæ serviret, vel ut pecuniam facilius obtineret: ita docet D. Th. *Ad hoc autem, quod iudicium sit actus justitiæ, tria requiruntur. 1. Quod procedat ex inclinatione justitiæ, &c. quando autem est contra rectitudinem justitiæ, dicitur iudicium perversum vel injustum: 2. 2. q. 60. art. 2. in C.*

*Consect. 4.* De iudice, qui damnat innocentem. Peccat iudex legitimus, qui innocentem damnat; quia, quatenus homo, habet jus universale ad vitam, & quatenus innocens, habet jus speciale; quia vir probus bonum Reipublicæ promovet. Quomodo vero debeat se gerere iudex, & carnifex erga innocentem falso accusatum, accipe a D. Thom. 2. 2. q. 64. art. 6. ad 3. *Dicendum, quod iudex, si scit aliquem innocentem esse, qui falsis testibus convincitur, debet diligentius eximinare testes, ut inveniat occasionem liberandi innoxium, sicut Daniel fecit: si autem hoc non potest, debet eum superiori relinquere iudicandum. Si autem nec hoc potest, non peccat, secundum allegata ferens sententiam: quia ipse non occidit innocentem: sed illi qui eum asserunt nocentem. Minister autem iudicis condemnantis innocentem, si sententia intolerabilem errorem contineat, non debet obedire; alias excusarentur carnifices, qui Martyres occiderunt: si vero non contineat manifestam injustitiam non peccat præceptum exequendo; quia ipse non habet*

et discutere superioris sententiam; nec ipse occidit innocentem, sed iudex, cui ministerium exhibet.

*Consect. 5.* De iudice, qui damnat reum ante legitimam accusationem. Peccaret iudex etiam legitimus, qui hominem, etsi reum, damnavit ante legitimam accusationem; quia non servaret ordinem juris: ita D. Th. 2. 2. q. 6. art. 3. in C. *Iudex* est interpretes justitiæ: homines enim, ait Phil. ad iudicem confugiunt, sicut ad quamdam justitiam animatam. Justitia autem non est ad seipsum, sed ad alterum: Et ideo oportet, quod iudex inter aliquos duos dijudicet; quod quidem fit, cum unus est actor, Et alius reus: Et ideo in criminibus non potest aliquem iudicio condemnare, nisi habeat accusatorem, ut dicitur Act. 25.

Nota tamen, ut addit D. Thom. ibidem ad 2. Quod evidentia patrati sceleris non indiget clamore accusatoris, ut dicitur cap. *Evidentia*, de accusatoribus. Ideo licite aliquando rei in flagranti crimine suspenduntur, & bannitos aliquando ex jussu Principis licet cuilibet privato occidere; quia notorium facti vices supplet accusatoris, testium, & juridicæ condemnationis.

*Consect. 6.* De iudice reum damnante ante convictionem juridicam. Peccaret iudex, qui hominem, etsi reum, condemnaret ante juridicam criminis obiecti convictionem; quia non servaret ordinem juris: ita jubet Script. Paralipom. 19. 6. *Videte quid faciatis; non enim hominis exercetis iudicium, sed Domini: Et quodcumque judicaveritis, in vos redundabit. Sit timor Domini vobiscum, Et cum diligentia cuncta facite.* Eo spectat etiam, inquit D. Thomas, illud Pauli Act. 25. *Non est consuetudo Romanis damnare aliquem hominem, priusquam is, qui accusatur, presentes habeat accusatores, locumque defendendi accipiat ad abluenda crimina, quæ ei obijciuntur: 2. 2. q. 67. art. 3. in C.* Hinc docet Cajetan. *V. homicidium*, reos esse homicidii eos, qui, nullo servato juris ordine, jussu Principis aut Magnatis aliquem secreto occiderent vel gladio, vel

Vene-

veneno, etiamsi esset læsæ majestatis reus: quia, inquit, hoc jubere non potest Rex absque scientia publica; scientia autem publica non est nisi tripliciter, scilicet, vel ex propria confessione judiciali, vel ex notorio facto, vel ex probatione judiciali. Si tamen processus judicialis occasio esset rebellionis, tunc reus posset sine illo processu licite occidi.

## CAPUT V.

*De percussione, mutilatione, & occisione factis auctoritate privata.*

## ARTICULUS I.

*An & quando liceat privata auctoritate pro defendenda vita iniquum aggressorem occidere.*

*Prop. unica.* Homo privatus, cui injuste infertur violentia ad mortem usque, si non sit alia via conservandi propriam vitam, potest in actuali conflictu, secluso affectu vindictæ, cum moderamine inculpatæ tutelæ iniquum aggressorem occidere, non intendendo mortem aggressoris, sed sui defensionem.

*Prob. 1.* Ex Script. Exod. cap. 22. v. 2. *Si effringens fur domum, sive suffodiens fuerit invenius, & accepto vulnere mortuus fuerit, percussor non erit reus sanguinis.* Ubi notant interpretes, quod eo textu non destruitur, sed astringitur lex illa hominibus naturaliter insita, qua licitum credimus vim vi repellere cum moderamine inculpatæ tutelæ.

2. Ex Cyrill. lib. 1. in Joannem c. 33. ubi satis aperte indicat, quibuscumque hominibus licitum esse vitæ aggressorem interimere; sic enim habet: *An undenam Petro gladius? Respondebimus vero, cum juxta legem vim vi repellere liceret, ferro quoque uti per legem licuisse. Quid enim ferro quispiam invadat immerentes, quomodo ulcisci poterunt injuriam ferro destituti? Ergo licet ferro uti contra injustum aggressorem: ergo & eum occidere si mortem nostram moliatur.*



3. Ex jure civili lib. 1. tit. 1. ff. I. 3. *Jure hoc venit, ut quod quisque ob tutelam corporis sui fecerit, jure fecisse existimetur.* Et in l. 3. cap. ad legem Corn. de Sic. Gordianus dicit: *Si quis percussorem ad se venientem gladio repulerit, non ut homicida tenetur; quia defensor propriæ salutis in nullo peccasse videtur.* Et l. 2. idem ait: *Si quis aggressorem vel quemcumque alium in dubio vitæ discrimine constitutus occiderit, nullam ob id factum calumniam metuere debet.*

4. ex jure Canon. ubi sic loquitur Innocen. III. cap. *Vim vi repellere omnes leges, & omnia jura permittunt, modo tamen fiat cum moderamine inculpatæ tutelæ, & non ad sumendam vindictam, sed ad injuriam propulsandam.* Tunc enim Respublica censetur privato contulisse auctoritatem occidendi iniquum invasorem. Ergo licet occidere iniquum invasorem, servato moderamine inculpatæ tutelæ.

5. Ex Catechismo Triden. *Si quis, inquit, defendendæ salutis suæ causa, omni adhibita cautione, alterum interemerit, hac lege, non occides, non teneri satis apparet.*

6. Ex Catechismo Concilii Colonienfis de 3. Decalogi præcepto, ubi sic habetur: *Vertunt etiam quidam in quæstionem, num lex civilis, quæ homini privato vim vi repellere concedit, pugnet cum Evangelio.* Nos putamus non pugnare, sed licere capitis periculum intentantis exitio depellere; si tamen certa mors intenditur, nec est aliud effugium. Nam cum eo casu certo quodam ordine & modo, quem lex præscribit, magistratus vim vi repellere concedat, videbitur invadens hoc ordine & modo occisus, magis ipsius magistratus quam privata auctoritate occisus. . . . Oportet autem, ut omnis affectus lædendi invasorem penitus absit.

7. Rat. Actio defendentis se, etiam occidendo aggressorem, ex nullo capite est mala. 1. Non est mala ex fine; quia, ut supponimus, non intendit occidere aggressorem, sed propriam vitam conservare, quo nihil aequius: peccaret quippe mortaliter, si mortem inimici intenderet, ut docet D. Thom. 2. 2. quæst.

64. a. 7. *Illicitum est, quod homo intendat occidere*

dere hominem, ut se ipsum defendat, nisi ei, qui habet publicam auctoritatem. 2. Non est mala ex morte aggressoris; quia mors aggressoris contingit vel contra, vel præter intentionem defendentis, ex sola malitia aggressoris irruentis in arma defendentis se. 3. Non est mala ex circumstantiis; quia defensio fit moderate. Tunc vero servatur moderamen inculpatæ tutelæ, cum vim similem simili vi repellimus, arma armis, fustes fustibus, pugnos pugnis opposcentes, ut ait Bartolus. Præterea nihil magis quieti & humanæ paci adversaretur, quam si fœderati possent quoslibet absque ulla resistentia occidere. Ergo licet injustum aggressorem, servatis prædictis circumstantiis, occidere.

### Confectaria hujus Doctrinæ.

*Confect. 1.* Contra eos, qui licitum putant occidere quemcunque injustum aggressorem, etiam si non inferat violentiam vitæ nostræ. Non licet occidere eum, qui non infert veram violentiam vitæ nostræ, v. g. eum, qui minatur solum, eum, qui leviter percutit, &c. quia in his omnibus casibus non infertur violentia vitæ nostræ: lex enim civilis & canonica non excusant occisionem aggressoris, nisi cum violentia infertur usque ad mortem. Si metu mortis quis occiderit, inquit Ulpianus Lib. 6 ff. ad legem Aquilianam. Si tamen certa nostri mors intenditur, nec aliud est effugium, inquit Catechis. Colon.

*Confect. 2.* Contra eos, qui putant licitum esse occidere injustum accusatorem, falsos testes, &c. Non licet occidere falsum accusatorem falsos testes, iniquos Judices nobis mortem machinantes; quia talis violentia non ita urget, ut aliter quam per mortem aggressoris vitari nequeat, v. g. fuga, & appellacione ad superiores judices, firma in Deum protectorem innocentie fiducia. Ideo damnata est hæc propositio ab Alexandro VII. & a Clero Gallicano art. 7. *Licet interficere falsum accusatorem, falsos testes, aut etiam iniquum judicem, a quo iniqua certo imminet sententia, si alia via innocens damnum evitare non potest.*

Con-

*Confess. 3.* Contra eos, qui licitum putant occidere iustos aggressores. Non licet occidere eos, qui iuste vim inferunt, v. g. ministros iustitiæ, qui nituntur hominem vel accusatum, vel damnatum detrudere in carcerem, aut penas determinatas infligere: qui enim, inquit Paulus, *resistit potestati*. Dei ordinationi resistit; qui autem resistunt, ipsi sibi damnationem acquirunt. Ideo damnata est a Clero Gallicano art. 4. sequens propositio: *Ubi est scripta expressa permissio a Deo, ut Reges & Republicæ possint interficere reos? an est in Scriptura? an in Traditione? estne fidei articulus? si solo lumine naturali co ducimur, patet, ut ex eodem lumine naturali judicemus, quod cuique privato liceat in occidendo aggressore non solum vitæ, verum etiam honoris, & rei.*

*Confess. 4.* Contra eos, qui licitum putant occidere eos, qui non sunt accincti ad occidendum, sed solum mortem nostram meditantur; quia nondum inferunt nonis violentia. Ideo damnata sunt a summo Pontifice, & a Clero Gallicano art. 7. sequentes propositiones. Quando quis decrevit te occidere, & hoc alicui manifestaverit, sed nondum cepit id exequi, potes cum prævenire, occidendo, si aliter non potes effigere: ut si maritus prigionem habeat sub cervicali ad occidendum noctu conjugem: si quis venenum tibi propinandum paraverit: si Rex unus adversus alium classem adornarit: si arma quidem necdum paravit, sed tantum habet decretum firmum & efficax te occidendi, quod tibi vel revelatione divina vel manifestatione confidenter amicis facta innotescat, potes prævenire quis per istud decretum, etsi pure internum, sufficienter censetur aggressor.

Quod adeo recte rationi adversatur, ut Pagani ipsi id defensionis genus damnaverint. Insignis est apud Gellium hæc sententia: *Hominum autem vita, non tam iniquis, neque tam indomitis necessitatibus circumscripta est, ut idcirco prior injuriam facere debeas, quam nisi feceris pati possis.* Et apud Ciceronem citatum a Quintil. lib. 5. de refutatione hæc leguntur: *Quis hoc statuit unquam, aut cui concedi sine summo omnium periculo potest, ut cum jure potueris*



*cidere, a quo metuisse se dicat, ne ipse posterius occideretur: ita apud Gronium lib. 2. de jure belli & pacis cap. 1. numer. 5.*

*Consect. 5. Contra eos, qui volunt, licitum esse occidere injustum aggressorem; non solum in actuali aggressionem, sed etiam post aggressionem. Non licet occidere eum, qui olim voluit nos occidere, sed jam non aggreditur; quia hæc actio non esset defensio, sed vindicta a Christo damnata.*

*Item non licet repercutere eum, qui nos percussit, & jam cessat a percussione; quia hæc actio non esset defensio, sed injusta vindicta.*

*Consect. 6. Contra eos, qui volunt, licitum esse occidere aggressorem, cum vitæ nostræ possumus aliter consulere, v. g. per fugam, &c. Non licet occidere aggressorem, si aliter possis conservare vitam, v. g. fugiendo, eludendo ictus, debilitando invadentem, vulnerando, ligando: quia non licet occidere, nisi cum alia non suppetit via. Si aliquis, inquit D. Thom. ad defendendam propriam vitam utatur majori violentia, quam oporteat, erit illicitum; si vero moderate violentiam repellat, erit licita defensio: 2. 2. q. 64. a. 7.*

*Consect. 7. Contra eos, qui volunt, illicitum esse occidere injustum aggressorem, servato etiam moderamine inculpatae tutelæ. Licet occidere injustum aggressorem, qui nititur nos occidere; quia, ut ait D. Thom. Non est necessarium ad salutem, ut homo alium moderate tutelæ prætermittat ad evitandam occisionem alterius; quia potius tenetur vitæ suæ providere, quam alienæ: D. Thom. 2. 2. q. 64. a. 7. in corp.*

*Verum cum sint plurima, inquiunt Patres Concilii Coloniensis, ad observandum hunc ordinem & modum, inculpatae tutelæ. . . Idcirco nos homini Christiano suaserimus, ut in ea angustia ante omnia Dei auxilium imploret, quod sæpe propinquius est quam credimus, quando legimus & draconem ejus, cujus fuerat olim alumnus, clamore excitatum accurrisse, & a latronibus liberasse: quod si interim Deo visum non sit in vaso præfens afferre præsidium, & malit is occidi quam occi-*

occidere; certe existimamus talem Christiani hominis officio functum, nimirum Christi Domini sui exemplum secutum esse. Quamvis interim secus facientem, ordineque & modo legitimo se defendentem non damnum. Neque enim Evangelium tollit jus naturale, nec legis naturalis ordinationem; sed tantum format affectus ac animum, quem Christus vult ab omni vindictæ cupiditate alienissimum esse. Ergo non est contra legem Evangelicam occidere invasorem, modo absit omnis animus vindictæ: & hoc est quod intendit August. epist. ad Publicol. ut notat D. Thom.

*Consect. 8.* Contra eos, qui nolunt licitum esse occidere furem, qui actu & vitam & bona temporalia tentat eripere. Licet occidere furem, qui vitæ simulque rerum nostrarum actuali aggressionem injusta direptionem molitur; quia in his circumstantiis instat periculum vitæ: ita Fagnanus cap. *Interfecisti*, de homicidio. Hoc autem, inquit, debet intelligi in casu, in quo suberat periculum rerum & persona simul.

*Consect. 9.* Liceatne furem occidere in dubio, an vitam simul & bona temporalia intendat eripere. Licet occidere furem, cum prudenter dubitatur, accedatne vel animo solum furandi, vel animo occidendi. Talis est fur nocturnus, vel fur diurnus, qui se telo, aut aliis armis mortiferis defendit; quia tunc vita nostra periclitatur: ita videtur docere cap. *Interfecisti*, de homicidio -- *Interfecisti furem, aut latronem, ubi comprehendendi poterat absque occisione, per quadraginta dies non intres in Ecclesiam, &c. Si autem sine odii meditatione te tuæque liberando interfecisti -- Si aliquid jejungere volueris, bonum est tibi.* Ergo supponit licitum esse occidere furem, ut & te & tua defendas, id est, ut tuearis vitam simul & bona.

*Consect. 10.* Liceatne injustum aggressorem proximi occidere. Licet occidere invasorem, qui proximum nostrum injuste nititur occidere; quia jus habemus conservandi vitam proximi: ideo ait Script. *Erue eos, qui ducuntur ad mortem.* Et Moyses, inquit Ambros. cum vidisset Hebræum ab Ægyptio injuriam patientem, defendit, ita ut Ægyptium prosterneret, atque in arena absconderet: lib. 1. offic. cap. 26. Quod exem-

plum proponit sanctus Doctor, non mirandum solum, sed etiam imitandum; dicit enim ibidem: *Non in inferenda, sed in deponenda injuria lex virtutis est*: Ergo si lex sit virtutis, factum illud imitari possumus.

Nota tamen, quod qui alium occidit, etiam defendendo se cum moderamine inculpate tutele, si Laicus, debet subijci poenitentiae; si Clericus, arcendus est ab altaris ministerio, donec a summo Pontifice dispensetur: qui cum incertum sit, utrum legitimam defensionis modum excesserit, ideo Laico vel ad exemplum, vel ad cautelam imponenda est poenitentia, & Clericus ab altari est arcendus; quia homicidium illud eget dispensatione: Trid. sess. 14. de reform. cap. 7.

Et in collectione Thaci Episcopi Lingonensis sic habetur cap. 13. *Si quis quiete gradicus per viam, aut si etiam in domo sua fuerit, aut in platea civitatis, aut in villa, subito ab alio sit superventus, aut litis commotione, volens se defendere, non habens contra eum ante odium, interjecerit hominem, septem annis secundum Canonicam institutionem penitat: tres vero a communione privetur: quatuor autem in communione orationum & oblationum susceptus in Sacerdotis pendeat arbitrio, utrum dignus sit corpus Christi accipere, aut usque ad plenitudinem poenitentiae ab eo separari: abstinentia ciborum in providentia Sacerdotis erit, secundum possibilitatem poenitentis & devotionem, & affectum.* Quamvis autem haec severitas non sit literaliter observanda, est tamen poenitenti proponenda, ut videat quantum Ecclesia homicidium voluntarium horreat, quae ita regide involuntarium puniebat.

*Monit.* Nota, quod juxta leges humanas licitum est, cum non alia suppetat via, occidere violentum pudicitiae aggressorem; quia non tantum communi estimatione, sed etiam lege divina, pudicitia vita praestantior est: ita docet Aug. lib. 1. de lib. Arb. c. 1.

Cicero probat iuste Marium occisum esse a milite, quem volebat corrumpere. Et Greg. Turonensis lib. 9. Hist. cap. 27. historiam refert cujusdam puellae, quae velut altera Judith aggressorem pudicitiae occidit. Res ad Regem delata est: Rex non modo vitam donavit, sed praereptionem tribui iussit. Sed non puto id licitum



tuum coram Deo; quia juxta Aug. ibid. *Pudicitia cum in animo sit, a violento stupratore eripi nec ipsa potest - Legem non reprehendo, quæ tales permittit interfici; sed quo pacto istos defendam, qui interficiunt, non invenio.*

## ARTICULUS II.

*An & quando liceat privata auctoritate pro defendendis bonis fortune iniquum aggressorem occidere.*

**Prop. 1.** Peccant peccato homicidii, qui seclutō omni periculo propriæ vitæ furem inermem occidunt pro conservandis dumtaxat bonis fortune, quando bona illa sunt levis momenti, nec sunt ad vitæ, vel status conservationem absolute necessaria.

**Prob. 1.** Ex Script. *Perde pecuniam propter fratrem, & amicum tuum:* Eccles. 29. v. 13. Ego debemus bona temporalia potius perdere, quam vitam proximo eripere. Et Joannis 1. c. 3. v. 16. *Christus animam suam pro nobis posuit; & nos debemus pro fratribus animas ponere:* a fortiori res exigui momenti perdere, potius quam eos pro conservandis rebus tam caducis occidere.

**2.** Ex Aug. lib. 1. de lib. Arb. c. 5. *Quomodo apud divinam Providentiam a peccato liberi sunt qui pro his rebus, quas contemni oportet, humana cede polluti sunt.* Ideo illa propositio damnata est. Regulariter possum occidere furem pro conservatione unius auri. Cler. Gal. art. 7.

**3.** Rat. Bonum temporale, quod aufertur per furem, non potest comparari cum vita proximi, cujus mors interdum cum damnatione æterna conjungitur: ergo satius est nos perdere bonum illud temporale, quam furem occidere; nam si debeamus esse in ea animi preparatione, ut volenti tunicam tollere, debeamus dimittere pallium, Matth. 5. a fortiori debemus vitam proximi bonis exigui momenti præferre.

## Confectaria hujus doctrinæ.

**Confect. 1.** Rei sunt homicidii Laici, qui sunt parati ad occidendum quemcumque temporalium invasorem, eo quod bona temporalia, vita & sanguis hominum appellantur.

*Consect. 2.* Rei quoque homicidii sunt a fortiori Clerici, qui vellent armis bona temporalia tueri; quia, ut ait Alexander III. cap. *Suscepimus* extra de homicidio. *Expedit potius post tunicam relinquere pallium, & rerum sustinere jacturam, quam pro conservandis vilibus rebus & transitoriis tam acriter in alios exardescere.*

*Consect. 3.* Reuse est homicidii Religiosus, qui armis ea quæ possidet in communi, vellet defendere; quia si id non liceat Clericis, neque Laicis, a fortiori Religiosis; nam in dicto capite *Suscepimus*, ab altaris ministerio arceatur frater, qui fures eosdem fugere nitentes occiderat, ne ab ipsis occideretur. Ubi glossa ait: ex hoc §. colligitur aperte, non licere Clericis, vel Religiosis occidere latrones pro rebus conservandis.

*Consect. 4.* Rei essent homicidii, qui vellent nedum res proprias, sed etiam res proximi tueri cum dispendio vitæ furis subripiantis; quia si occidere non liceat pro suis bonis temporalibus; ergo neque pro bonis temporalibus proximi.

*Prop. 2.* Peccat peccato homicidii, qui res, quas nondum possidet, sed ad quas jus tantum habet, vellet defendere cum dispendio vitæ proximi, qualiscumque valoris sint res illæ.

*Prob. 1.* Iisdem authoritatibus, quibus superior conclusio.

2. Si res actu possessas non liceat tanta vi tueri; a fortiori res, quas nondum possidemus. Ideo damnatæ sunt sequentes propositiones ab Innocentio XI. & a Clero Gallican. art. 7. *Non solum licitum est defendere defensione occisiva quæ actu possidemus, sed etiam ea, ad quæ jus inchoatum habemus, & quæ nos possessuros speramus. Licitum est tam heredi, quam legatario contra injuste impediens vel ne hereditas adeatur, vel legata solvantur, se taliter defendere defensione occisiva, sicut & jus habenti in cathedram vel præbendam contra eorum possessionem injuste impediens.*

*Prop. 3.* Rares admodum puto esse casus in praxi, immo fere nullos, in quibus liceat hominem occidere pro conservandis solis bonis temporalibus, etiam si sint ingentis valoris.

*Prob. 1.*

*Prob. 1.* Ex Script. Exod. c. 22. v. 2. Si effringens fur domum, sive suffodiens fuerit inventus, & accepto vulnere mortuus fuerit, percussor non erit reus sanguinis. Quod si orto sole hoc fecerit, homicidium perpetravit, & ipse morietur. Ex quo loco concludit Aug. quod liceat nocturnum furem occidere, minime vero diurnum, nisi iste armis vitam nostram impetat. Nocturnum vero furem tantum licite occidi posse, quia vim infert suffodiendo domum & incertum est, veniatne vel ad furandum solum, vel ad occidendum: Ergo ex Scriptura, juxta explicationem August. non est licitum furem occidere, nisi quando vel apertam vim infert vitæ nostræ, armis adoriendo & defendendo se, vel quando incertum est, an veniat ad occidendum: Ergo in praxi nunquam licet occidere furem, qui præcise fur est, & non sicarius, raptor fortunæ, & non aggressor vitæ. Hactenus lex Mosaica. Quid jubeat lex Evangelica videamus.

Christus jubet deferi tunicam & pallium his verbis: *Qui vult tecum judicio contendere, & tunicam tuam tollere: dimitte ei & pallium:* Matth. 5. v. 4. Paulus vero vult damnum aliquod injustum tolerari potius quam litigare, quæ incruenta est contentio: Ergo & Christus & Paulus volunt res istas temporales deferri, potius quam interfici a nobis hominem ad Dei effugium efformatum, & ex eodem nobiscum sanguine ortum.

2. Ex D. Raymundo lib. 2. tit. 1. §. 3. de homicidio, ubi ostendit, furem licite occidi non posse nisi ad liberandum se suæque, his verbis: *Qui percutit necessitate, estne homicida? -- Distingue, quia, aut illa necessitas fuit inevitabilis, poterat enim evadere absque occisione, & tunc est reus homicidii, & tanquam pro mortali debet agere penitentiam: aut fuit inevitabilis, quia occidit hominem sine odii meditatione, immo cum dolore animi ET SE ET SUA liberando, cum aliter non posset evadere, dicitur non peccare, nec astringuntur ad penitentiam nisi ad cautelam, & propter ambiguum duplicitatis, quia scilicet potest timere ne in aliquo excesserit; interiorem tamen penitentiam debet semper habere, & quasi suis peccatis ascribere, quia in tantam potuit venire necessitatem; bonarum enim mentium est ibi culpam agnoscere, ubi culpa non est.*



3. Ex Alexand. Alensi, 3. part. q. 34. a. 2. §. 2. in fine, ubi sic habet: *Ad ultimum vero argumentum dicendum, quod in necessitate pro tuendis temporalibus, quamvis concedatur lege humana interficere furem, non tamen lege divina, quæ distinguit inter diurnum furem & nocturnum: nocturnus vero, quia non potest discerni utrum causa furandi, vel occidendi venerit, permittitur occidi a quolibet; diurnus vero non.*

4. Ex Alexandro Papa III. cap. Suscepimus de homicidio, ubi sic habet: *Verum quoniam expediebat potius post tunicam relinquere pallium & rerum sustinere iacturam, quam pro conservandis vilibus rebus & transitorijs, tam acriter in alios exardescere, abstinuit humiliter ab altaris ministerio: & uterque, scilicet & ille qui ligaverat, & ille qui interfecerat latrones nocturnos, qui volebant ipsi velles eripere; uterque, inquam, peccatum suum ad arbitrium tuum student expiare. Et ne quis existimaret fortes voces istas: expe- diebat, studeat, importare meum consilium, non in- diuiduū præceptum, ideo Glossa addit ibidem: Pro amissione rerum temporalium nullus debet homicidium incurrere.*

5. Ex Innocent. Papa IV. in C. Si vero, de sententia excommunicationis, ubi sic habet. *Si hic timore ne occidatur, alium occidat, non incidit in Canonem, licet sit irregularis: sed si pro REBUS occideret, secus; quia tunc excederet modum. Ergo qui pro conservandis rebus suis occidit, incidit in excommunicationem: ergo peccat mortaliter; quia excommunicatio sine peccato mortali non incurritur.*

6. Ex Doctoribus Canoniceis in C. Interfecisti, de homicidio voluntario, ubi passim advertunt, non exculari ab homicidio eum, qui præcise pro rebus suis defendendis occiderit; quia textus habet: **TE TUAQUE LIBERANDO.** Panormitanus enim sic habet: *Singulariter textus ibi: tetuaque liberando; quod tunc quis excusatur ab occisione furis etiam nocturni, quando facit ut liberaret se & sua: ergo pro rebus tantum liberandis non licet occidere furem etiam nocturnum: nam ista ponuntur hic copulative; non sufficit ergo altera pars.* Fagnanus in eundem textum sic habet: *Hæc verba, TE*

**TUQUE**, accipienda sunt conjunctive, ita ut pro, salvandis rebus tantum non liceat occidere.

7. Ex Decretis juris civilis, qui nullum homicidium prohibent pro defendendis solis rebus; permittunt vero pro defendenda vita: sic enim habetur lib. ff. 48. tit. 8. l. 9. *Furem nocturnum si quis occiderit, ita demum impune sit, si periret ei sine periculo suo non potuit.* Quam legem sic interpretatur Cujacius ad l. 3. de iust. & jure. *Nominatim*, inquit, ea lege ait, *furem nocturnum non posse occidi: nisi extremo vite periculo, id est, cum quis eum servare non potest quin perdat se.* Et ibidem: *Licet repellere eum, qui venit ferendi, non occidendi causa, quod ex genere telii cognoscitur; SED NON LICET OCCIDERE.* Et eodem modo licet repellere eum, qui venit eripienda possessionis gratia; **SED NON LICET OCCIDERE.**

8. Ex Clero Gallicano art. 7. ubi damnatur sequens propositio: *Non solum vitam, sed etiam bonam perniciam, quorum actura esset damnum gravissimum, licitum est defensionem occisiva defendere.* Fatetur varium esse licitum Ecclesiasticis. - Si tamen aliquando futurum contingat tale malum, id est, gravissimum damnum, etiam ipsis licitum erit bona ista cum occisione furis defendere.

Rat. Non licet occidere nisi cum moderamine inculpate tutele: Atqui qui occidit pro conservandis tantum bonis temporalibus, non servat moderamen inculpate tutele, quia pro solo bono temporali aufert vitam quibuscumque bonis temporalibus præstantiorem; Ergo, &c.

### Confectaria huius doctrinæ.

*Confect. 1.* Rei sunt homicidii, qui occidunt furem vel nocturnum, vel diurnum, cum capi potest, & detineri; quia tunc non est periculum vite, immo neque rerum.

*Confect. 2.* Rei sunt homicidii, qui occidunt furem fugientem cum rebus avariis, et si nulla affluat spes recuperandi res ablatas; quia tunc via erepta proximo ad nihil inservit bonis temporalibus aut conservandis, aut recuperandis.

*Confect. 3.* Rei sunt quoque homicidii, qui occidunt furem cum rebus ablatis fugientem; tunc quidem du-

bium est, an per mortem furis res ablata possint recuperari; sed in tali dubio stare debemus potius pro conservanda vita, quam pro conservandis bonis.

*Monit.* Nota tamen, quod juxta graves auctores occidere liceat injustum bonorum nostrorum raptorem, quando illa bona talia sunt, ut ex ipsis vita, statuto conservatio & sustentatio pendeat, & quando servatur moderamen inculpatæ tutelæ.

Sed non video quo pacto hæc cohæreant. 1. Cum lege naturali, quæ horrorem sanctum inspirat contra eos omnes, qui privata autoritate humanum sanguinem effundant. 2. Cum lege civili, quæ licet homicidium pro defendenda propria vita, non sine certis conditionibus permittat, numquam vero pro defendendis solis bonis temporalibus licitam habet hominum cædem. 3. Cum lege divina Mosaica, quæ jubet, ut homines non modo ut homines nobis similes inspiciamus, sed tanquam veras Dei, quem colimus, imaginem, adeoque eadem hominis sine jussu, aut permissu divino perempti, non ut homicidium modo, sed ut sacrilegium deputemus. 4. Cum lege divine Evangelica, quæ jubet, ut caduca istius mundi bona, non modo non tueamur cum periculo vite proximi; sed etiam ea ultro deferamus, si aliter quam cum contentione & animi amaritudine defendi nequeant. Demum cum lege Ecclesiæ; cæta enim illa divini Filii sponsa, ex quo Deus hominibus factus est homo, tanti habet hominum vitam, ut homicidium quo perimitur, uti maximum in Deum icelus maximis semper poenis affecerit, ut cerni potest apud Basilium, Gregorium Nissenum, & in summorum Pontificum decretis.

### ARTICULUS III.

*An est quando liceat privata auctoritate pro defendendo honore iniquum honoris nostri aggressorem occidere.*

**P**eccant peccato homicidii, qui pro defendendo honore hominem occidunt.

*Prop.* 1. Scriptura dicit generaliter: *Non occides.* exceptis his, quos vel lex juxta generaliter, vel ipse sors justitiæ Deus specialiter occidi jubet, inquit August. lib. 1. de civit. Dei cap. 21. Eadem Scriptura dicit: *Dis-*



gite inimicos vestros: benefacite his, qui oderunt vos: orate pro persequentibus & calumniantibus vos: Matth. 5. Ego autem dico vobis non resistere malo &c. Que certe nullatenus possint concordare cum ea vindicandi se libidine, qua vitam proximis pro futile honore eripimus.

2. Ex Hieron. contra Rufin. lib. 2. *Magis accusari volo, quam accusare, & pati injuriam, quam facere, sciens præceptum ab Apostolo: non vosmetipsos ulcipientes, charissimi, sed date locum iræ; scriptum est enim: mihi vindicta, & ego retribuam.* Ergo si Hieronymus injuriis calumniis laceffitur illicitum credidit accusare accusatorem, a fortiori credidit illicitum eum occidere.

3. Rat. Nullus est casus, in quo, qui lædit honorem, talem vim inferat, ut liceat eum per vim mortem inferentem repellere, exciditur enim moderamenti inculpatæ tutelæ, si vitam eripiamus, dum vita non impetitur.

Adde, quod honor potest aliter defendi, quam per occisionem inhonorantis: nam juxta Script. non vitio, sed virtute vera gloria obtinetur. *Gloriam sapientes possidebunt: stultorum exaltatio ignominia:* Prov. 3. v. 25. *Posside sapientiam -- Et glorificaberis ab ea:* Prov. 4. Demum juxta Paulum ad Rom. 2. v. 10. *Gloria, & honor, & pax omni operanti bonum.*

Demum per occisionem inhonorantis non recuperatur honor, nisi forte apud carnales & mundanos, qui nesciunt, in quo verus honor consistat, apud quo: satius est vituperari, quam laudari, juxta illud Pauli; *Mihi autem pro minimo est, ut a vobis judicer, aut ab humano die.* Et juxta illud Aug. *Qui laudari vult ab hominibus vituperante te, non defendetur ab hominibus te judicante, nec eripietur damnante te:* lib. 10. Confess. cap. 36.

6. Ex propositionibus damnatis sunt sequentes propositiones & a summis Pontificibus, & a Ciero Gallicano. 1. *Est licitum Religioso, vel Curice calumniatorem gravia crimina de se, vel de sua Religione spargere minitantem, occidere, quando alius modus defendendi non suppetit, uti suppetere non videtur, si calumniator sit paratus vel ipsi Religioso, vel ejus Religioni publice, & coram gravissimis viris prædicta crimina impingere, nisi occidatur.*

Fa:

*Fas est viro honorato occidere invasorem, qui nititur calumniam inferre, si aliter hæc ignominia vitari nequit. Idem quoque dicendum, si quis impingat alapam, vel fuste percutiat, Et post impactam alapam, vel illum sustis, fugiat.*

### Confectoria hujus Doctrinæ.

*Confect. 1.* Non licet occidere eum, qui te verbis contumeliosis afficeret, qui tibi contumeliose diceret: mentiris.

*Confect. 2.* Non licet occidere eum, qui vel verum crimen tuum occultum panderet, vel falsum tibi imponeret.

*Confect. 3.* Non licet neque in se, neque in alio abortum procurare sive ante factis membris, sive post, ad vitandam infamiam. De restitutione ob homicidium dicemus ubi de restitutione.

*Confect. 4.* Videtur non licitum esse occidere violentum stupratorem; quia pudicitia, utpote virtus mentis potest etiam violato corpore integra permanere; & quia honor pudicitia ex violenta opprobriatione apud eruditos homines non eripitur, sed intemeratus manet.

## CAPUT VI.

### De duello.

## ARTICULUS UNICUS.

### *Quid sit, Et an licitum sit duellum.*

Duellum, ut vox sonat, est pugna duorum; sed ex usu duellum est pugna duorum, vel plurium.

Duellum aliud fit autoritate publica, aliud autoritate privata. Duellum autoritate publica est pugna duorum, vel plurium inita autoritate Regis, vel Reipublice jus habentis bellum gerere: tale fuit duellum inter David & Goliath. Duellum autoritate privata est pugna inter privatas personas ex conducto inita, altera indicante, altera acceptante.

Levatum autoritate privata aliud est initium sine armis, aliud cum armis.

Duel-

Duellum initum sine armis est quidem peccatum; quia nulli licet privata autoritate pugnare; sed illud duellum non subicitur excommunicationi.

Duellum initum cum armis est peccatum mortale & excommunicationi subiectum, & de hoc duello hic agitur.

*Prop. 1.* Duellum privata autoritate initum, est de se peccatum mortale, & excommunicationi subiectum  
1. Duellantes. 2. Patrinos. 3. Inspectores. 4. Sacerdotes. 5. Principes non prohibentes.

*Prob. 1.* Scriptura dicit generaliter: *Non occides*, quo loco omnino interdicitur quidquid vel ad propriam, vel ad proximi necem potest conducere, uti facit duellum.

2. Ex Irid. feil. 25. c. 19. *Detestabilis duellorum usus fabricante diabolo introductus, ut cruenta corporum morte animarum etiam perniciem lucretur, ex Christiano orbe penitus exterminetur* - Et ibidem prædicti omnes excommunicantur, & morientes in actuali conflictu sepultura privantur: quæ omnia probant duellum esse peccatum mortale.

3. In duello semper adest intentio occidendi, aut graviter vulnerandi: quæ intentio est de se peccatum mortale: ergo & duellum.

4. Quia sequens propositio damnata est ab Alexandr. VII. prop. 2. Vir equestris ad duellum provocatus potest illud acceptare, ne timiditatis notam apud alios incurrat.

### Confectaria hujus Doctrinæ.

*Consect. 1.* Illicitum est duellum initum ulciscendæ injuriæ causâ; quia privatus homo, quantumvis injuste laceratus, non debet sumere vindictam, sed eam etiam superiore exigere: *Vindicta mihi, Et ego retribuam*, scilicet, per me, vel per magistratus.

*Consect. 2.* Illicitum est duellum initum propulsandæ calumniæ causâ: quia aliæ sunt viæ, quibus calumnia repelli potest.

*Consect. 3.* Illicitum est duellum initum vel ad offendendas vires, vel ad declarandam suam in armis tractandis industriam, vel ad determinandam litem sive civilem,  
sive



sive capitalem. Sunt enim alia adminicula, quibus & vires, & in armis solertia declarari potest: & suppetunt alie rationes, quibus lites, qualescumque sint, terminari valeant.

*Consect. 2.* Illicitum est duellum initum ad declarandam veritatem: quia hac in re continetur aperta tentatio Dei, ut respondit Nicolaus I. Can. *Monomachiam*.

*Consect. 5.* Illicitum est duellum, quo milites in bello hostes ad singulare certamen provocant, si id faciant vel sine iussu Regis, vel cum id faciant permisso Ducum, si privatas similitates causae publicae intermiscuant; quia non licet in bello occidere, nisi secundum iusta praescripta Imperatoris.

Ad dissuadendum a duello juvat afferre verba Hieron: Orosii Episcopi Silvensis, lib. 4. de gloria. *Duellantes non fortes, sed furiosi, non honesti, sed ignavi, non illuiores & omph, sed humiles & obscuri edimandi sunt. Quid enim habet turbulentum illud dissidium? cum sit illud ipsum, quod impuris, & bestit immanioribus concedi potest: sed vesaniam illam mundani honoris lividinem uno verbo Scriptura extinguit: Dillexerunt gloriam hominum magis, quam gloriam Dei.*

## CAPUT VII.

*De bello.*

### ARTICULUS I.

*Quid sit, & an licitum sit bellum.*

**B**ellum est certamen initum inter personas, nullum agnoscens superiorem temporalem: qualis est Imperator, Rex, Princeps, Respublica.

Bellum potest considerari prout indicitur ab Imperatore, a Rege, a Principe, & prout exercetur a ducibus & militibus: & examinari potest, utrum bellum ex se licitum, vel illicitum sit.

*Prop. unica.* Bellum non est illicitum nec in Rege, qui indicit, nec in ducibus vel militibus qui illud exercent; sed potest esse sanctum, si fiat cum debitis circumstantiis.

*Prob. 1.* Ex Script. Deus nedum permisit, sed et iussit Judaeos bellum contra hostes suos gerere; ideoque saepius se Dominum exercituum nuncupat. Abraham iussu Dei bellum gessit, & Loth ab hostibus liberavit.

Moy-

Moyſes, Joſue, Gedeon bella geſſerunt: de quibus Paulus ita loquitur: *Sancti per fidem vicerunt regna, fortes facti ſunt in bello, caſtra verterunt exterorum:* ad Hebr.

II. Et Ioannes Baptiſta prædicans non præcipit militibus belli exercitium abſicere, ſed ſolum ait: *Neminem concutiatis, neque calumniam faciatis, & contenti eſtote ſtipendiis veſtris:* Matth. 2. Ergo bellum non eſt illicitum ex ſe.

2. Ex Baſilio. Can. 13. *Codes in bellis factas Patres pro cadibus non reputant.* Et Aug. epitt. ad Marcellin. *Chriſtiana diſciplina, quibus proprium ſtipendium ſufficere debere præcipit, militare utique non prohibuit.*

3. Rat. Supremi Principes, quales ſunt Reges & Reſpublicæ, nullum habentes temporalem Judicem, non poſſunt juſ ſuum coram aliquo ſibi ſuperiore proſequi; ergo reſtat, ut juſ ſuum armis & bello diſimant: & quia non poſſunt per ſemetipſos bellum gerere: ergo debent uti ducibus & militibus: ergo bellum ex ſe non eſt illicitum nec in eo qui indicit, nec in eo qui exercet.

### Conſectaria hujus Doctrinæ.

*Conſect. 1.* Quicumque nullum agnoſcit ſuperiorem temporalem, qualis eſt Imperator, Rex, Princeps, quædam Reſpublica, v. g. Venerorum, Genuenſium, &c. licite poteſt bellum gerere, ut juſ debitum exigat, cum illud nequeat coram ſibi ſuperiore proſequi; non enim, inquit Paulus ad Rom. 13. *Sive cauſa gladium portant.* Sicuti enim gladio juſtitie tuentur licite Reſpublicam contra interiores perturbatores, dum malefactores puniunt: ita etiam gladio bellico licite eam tuentur ab exterioribus hoſtibus. Unde Principibus dicitur Pſal. 81. *Eripite pauperem, & agerem de manu peccatoris liberate.* Ideo Aug. contra Fauſtum lib. 22. c. 75 dicit: *Ordo naturalis mortalium paci accommodatus hoc poſcit, ut ſuſcipiendi belli authoritas atque conſilium penes Principes ſit.* Ergo qui nullum agnoſcit ſuperiorem, habet juſ bellum indicendi.

*Conſect. 2.* Privatus quilibet, cui ex ſtatu ſuo non interdicitur armorum exercitium, poteſt licite ſub ſuo Principe bellum exercere, modo bellum injuſtitiam manifeſtam non contineat; eſt enim miniſter Regis bello ſua manu debita exigentis. Immo in dubio, an bellum ſit juſtum, po-

potest licet subditus sub suo Principe bellare, ut docet Aug. lib. contra Faustum cap. 74. & 75. *Ergo vir justus, si forte sub Rege hoc nomen etiam sacrilego militet, recte potest illo jubente bellare, si vice pacis ordinem servans, quod sibi jubetur ei non esse contra Dei preceptum certum est; vel utrum sit, certum non est: ita ut fortasse reum faciat Regem iniquitas imperandi; innocentem autem militem ostendat ordo servandi.* Excusatur enim subditus in bello, de quo nescit, an sit justum, ratione obedientie: sicut etiam excusatur minuter iudeis occidens damnatum per sententiam, si non contineat errorem manifestum.

Sic subditi in dubio, an bellum sit justum, nec ne, non tenentur examinare jura sui Principis, sed tenentur obedire.

Sic etiam milites mercenarii, qui sub continuo stipendio Regis alicujus degunt, tam pacis quam belli tempore non tenentur pariter examinare jus belli: quia tanquam subditi habendi sunt. Alii vero conducti milites, qui audito belli nomine locant se, tenentur examinare justitiam belli, ne exponant se periculo cooperandi actioni iniuste.

Comitat ergo ex dictis, quod in eo, qui bellum indicit, debeat esse legitima auctoritas, in eo qui exequitur rationalis obedientia: sed plura adhuc requiruntur, de quibus modo.

## ARTICULUS II.

*Quæ causæ requiruntur in eo, qui bellum indicit.*

**Prop.** unica. Toties qui habent auctoritatem suæ premam possunt bellum indicere, quoties eis denegatur, quod eis ex jure debitum est.

**Prob.** 1. Ex Script. Si civitas, in quam ex jure bellare poteris, *Pactus inire noluerit, & ceperit contra te bellum, oppugnabis eam:* Deut. c. 20. v. 12. Ergo quoties hostes denegant quod ab eis jure exigitur, possunt Principes in eos iuste bella gerere.

2. Ex Aug. *Bella iusta deserviri solent, quæ ulciscuntur injurias. Si quæ gens, vel civitas, quæ bello petenda est, vel vindicare neglexerit, quod a suis improbatum est,*  
vel



*vel reddere quod per injuriam ablatum est: lib. 6. quæst. in Jos. q. 10. & habetur Can. Dominus noster.*

3. *Rat.* Sicuti homo privatus potest jure coram judice litigare, cum ei denegatur quod ei debitum est; ita & Princeps bellum potest gerere, cum ei denegatur quod debitum est.

**Confectaria hujus Doctrinæ.**

*Confect. 1.* Licitum est bellum gerere ob ulciscendam injuriam injuste illatam: quia injuriarum ultio est actus justitiæ vindicativæ. Tale fuit bellum omnium Tribuum contra Tribum Benjamin, eo quod Tribus Benjamin renuisset debitis pœnis afficere incolas Gabaâ, qui uxorem Levitæ violenter oppresserant, & nefanda libidine occiderant: Jud. c. 19.

*Confect. 2.* Bellare licet ad recuperanda jura debita vel Regi vel Reipublicæ; nihil enim æquius, quam ut quilibet exigit quod ei debitum est. Tale fuit bellum initum a Judæis, ut terram sibi promissam a Deo ingrederentur.

*Confect. 3.* Licitum potest esse bellum ob ulciscendam injuriam Legatis injuste illatam; Rex enim offenditur cum ejus Legati injuriose tractantur. Tale fuit bellum initum contra Ammonitas, qui Legatos David injuriose exceperant, radendo scilicet dimidiam partem barbæ, & præscindendo vestes eorum medias usque ad nates: lib. 2. Reg. c. 10.

*Confect. 4.* Justum est bellum initum ob reprimendam seditionem; justum enim est rebelantes puniri. Tale fuit bellum David contra Absalonem: 2 Reg. c. 18.

*Confect. 5.* Permittitur bellum ob negatum injuste tributum; promissa quippe tributa etiam hostibus solvenda sunt. Tale fuit bellum Salmanasar contra Oseam: 4. Reg. c. 17.

*Confect. 6.* Legitimum est bellum susceptum ob defensionem fœderatorum; debemus enim ex justitia fœderatos populos contra eorum hostes tueri. Tale fuit bellum susceptum a Josue pro Gabaonitis: Jos. 10.

*Confect. 7.* Juste suscipiatur bellum contra eos, qui transiitum denegant copiis, quando ex illo transitu nullum timetur detrimentum; quia tunc denegatur inju-

riose innoxius transitus. Tale fuit bellum susceptum jussu Domini contra Amalec, qui funditus deletus est, eo quod restitisset Israelii, cum ascenderet de Ægypto: I Reg. 15.

### ARTICULUS III.

*Quæ requirantur, ut bellum sit licitum.*

**Prop.** unica. Ut bellum sit licitum, debet esse justum non modo ex causa, sed etiam ex circumstantiis.

**Præb.** I. Ex Script. Abraham, Moyse, Josue, David multa bella gesserunt, sed semper vel ad obediendum Deo, vel ad recuperandam terram sibi a Deo promissam, vel ad defendendos socios, vel repellendas injurias publicas, & alia hujusmodi. Ergo signum est, bellum non censi justum apud Deum, nisi fiat ex justa causa, & legitimis circumstantiis vestiatum.

2. Ex D. Raymundo lib. I. de raptoribus §. 17. ubi sic habet: *Nota, quod quinque exiguntur ad hoc, ut bellum sit justum; scilicet, persona, res, causa, animus, & autoritas.* Persona, ut sit secularis, cui licet fundere sanguinem, non autem Ecclesiastica, cui est prohibitum. Res, ut sit pro rebus repetendis & pro defensione patriæ. Causa, si propter necessitatem pugnatur, ut per pugnam pax acquiratur. Animus, ut non fiat propter odium, vel ultionem, vel cupiditatem, sed propter pietatem, justitiam, & obedientiam. Autoritas, ut sit autoritate Ecclesiæ, præsertim cum pugnatur pro fide; vel autoritate Principis, cum pugnatur pro rebus temporalibus; tunc enim sufficit sola autoritas Principis. Si aliquid istorum defuerit, bellum dicitur injustum. Ergo bellum debet esse justum ex causa, & ex circumstantiis.

3. **Rat.** Bonum morale ex integra causa exsurgit: ergo, ut bellum sit licitum debet esse justum, non tantum ex causa, sed etiam ex circumstantiis.

#### Confectaria hujus Doctrinæ.

**Consect.** I. Bellum est injustum ex persona, quoties Clerici extra inevitabilem necessitatem coguntur arma movere, vel ipsi sponte arma suscipiunt, ut patet Caus. 23. q. 8. Petro enim, & simul omni Clerico dictum est: *Converte gladium tuum in vaginam: omnis enim qui gla-*

*gladium acceperit, gladio peribit: Matth. 26. ut enim optime monet Ambr. Can. Pila, Dolor, fletus, lacryma munimenta sunt Sacerdotis. In necessitate tamen potest Clericus pro salute tum sua, tum populi bellum gerere.*

*Consect. 2. Bellum est injustum ex rebus, si suscipiatur, non pro jure suo conservando, sed pro usurpando alieno: ita habetur c. 23. q. 2. Justum est bellum quod ex dicto geritur de rebus repetendis, aut propulsandorum hostium causa. Et Ambros. lib. 1. de officiis p. 27. Fortitudo, quæ vel in bello tuetur a barbaris patriam, vel domi defendit infirmos, vel a latronibus socios, plena justitiæ est.*

*Consect. 3. Bellum est injustum ex causa, quando fit extra necessitatem & sine pacis desiderio: de quo ita Aug. epist. ad Bonif. 207. quem ad sancte bellandum his verbis instituit: Pacem habere debet voluntas, bellum necessitas, ut liberet Deus a necessitate, & conservet in pace: non enim pax queritur, ut bellum exciteretur; sed bellum geritur, ut pax acquiratur.*

*Consect. 4. Bellum est injustum ex animo, quando fit alio motivo quam justitiæ: de quo ita Aug. contra Faustum lib. 22. c. 74. & 75. Quid culpatur in bello? An quia moriuntur quandoque morituri, ut dominantur in pace vituri? Hoc reprehendere timidorum est, non Religiosorum. Nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi, & si quæ alia similia, hæc sunt quæ in bellis jure culpantur.*

*Consect. 5. Injustum est bellum ex defectu auctoritatis, quando scilicet privati homines bellum inter se gerunt; possunt enim jus suum coram superiore persequi, & quia ad eos non pertinet convocare multitudinem, quæ ad bellum necessaria est: ita D. Th. 2. 2. q. 40. art. 1.*

*Consect. 6. Injustum est etiam bellum ex variis circumstantiis.*

1. Ex personis: ut si Rex cogat ad bellum personas non sibi subditas.

2. Ex loco: ut si bellum fiat in terris populorum innocentium, qui nullam causam bello dederunt: de quo ita Aug. Intirre bella finitimis, & inde in cætera



procedere, ac populos sibi non molestos sola Regni cupiditate conterere, & subdere, quid aliud est quam grande latrocinium nominandum? lib. 4. de civ.

3. Ex tempore: ut si bellum fiat diebus festis citra necessitatem: de quo ita D. Th. 2. 2. q. 40. art. 6. *Prohibitione Reipublicæ fidelium licitum est iusta bella exercere diebus festis, si tamen hoc necessitas exposcat: hoc enim esset tentare Deum, si quis imminente tali necessitate vellet a bello abstinere; sed necessitate cessante, non est licitum bellare diebus festis.*

4. Ex mediis jure belli prohibitis: v. g. si non modo occultentur insidiæ, sed etiam fœdera non servantur, & jura gentium pervertantur; fides enim, quando promittitur, etiam hosti servanda est, contra quem bellum geritur, inquit Aug. epist. ad Bonif. 207.

5. Ex pertinacia: ut si oblata satisfactiones repudiantur: siquidem, ut optime monet Cajet. sicuti privati homines litigantes non possunt recusare oblatam satisfactionem; ita nec Principes bellum inter se gerentes: circa quod ita monet Aug. Bonifacium epist. 207. *Esto ergo etiam bellando pacificus, ut eos quos expugnas, ad pacis utilitatem vincendo perducas.*

6. Ex stragibus excedentibus: ut si parta jam victoria occidantur indiscriminatum & rei & innocentes, etiam cum nullum subest periculum rebellionis; tunc enim parcendum est multitudini, & ad summum faciendum in capita. Ideo Ambr. Theodosio Imperatori ingressum Ecclesiæ interdixit, quia in bello absque periculo rebellionis integram gentem deleverat. Innocentes autem sunt in duplici differentia: alii sunt innocentes ex jure naturæ, ut pueri, senes, mulieres demum omnes, qui nec manu, nec consilio bello gerendo possunt cooperari: alii ex præsumptione, ut rustici, Clerici, Religiosi, qui ex eorum statu præsumuntur bello non cooperari: æquitas postulat, ut hi omnes eximantur a cede, nisi certo sciatur eos ad bellum concurrisse, vel timeatur futurum ut concurrant; quod confirmat Aug. epist. ad Bonif. 207. *Itaque hostem pugnantem necessitas perimat, non voluntas. Sicut rebelanti, & resistenti violentia redditur; ita victo vel capto misericordia jam debetur, maxime in quo pacis perturbatio non timetur.*

## CAPUT VIII.

*De spiritali homicidio, seu de scandalo.*

## ARTICULUS I.

*Quid & quotuplex scandalum.*

Scandalum est dictum, vel factum, vel omisſum, minus rectum, præbens alicui occasionem peccandi & ruinæ ſpiritalis. Quippe ſicut in via corporali obex, cui impingimus & præbens occasionem lapſus, dicitur ſcandalum; ita in via ſpiritali actio minus recta, præbens occasionem ruinæ, dicitur ſcandalum: ex quo patet, quod peccata mere interna non poſſint habere rationem ſcandali: patet etiam, quod actio minus recta, habens ſpeciem mali, poteſt eſſe ſcandalum. Ideo dicit Paulus I Theſſ. c. 5. v. 22. *Ab omni ſpecie mali abſtinete vos.* Sed ut actio minus recta ſit ſcandalum, non eſt neceſſe quod ſit publica coram omnibus facta; ſed ſufficit, quod ſit externa coram aliquibus facta.

Scandalum aliud eſt activum, aliud paſſivum. Activum eſt actio minus recta, qua inducimus proximum ad peccandum; talis eſt injuſta rapina facta coram proximo.

Paſſivum eſt occasio, quam quis ſumit ex actione alterius: tale eſt peccatum, in quod labitur perſona ſcandalum pariens.

Activum ſcandalum aliud eſt per ſe, aliud per accidens.

Scandalum activum per ſe eſt, ut loquitur D. Th. 2. 2. q. 43. art. 1. ad 4. quando aliquis ſuo inordinato dicto vel facto intendit alium trahere ad peccandum, ſcilicet, intentione vel expreſſa, vel interpretativa. . . expreſſa, ut quando quis ſollicitat alium ad peccatum. . . interpretativa, ut quando facit aliquid, quod poteſt per ſe trahere ad peccatum, v. g. furatur, mœchatur, & blaſphemat coram proximo.

Scandalum activum per accidens est, quando non intenditur ruina proximi, sed tantum quaeritur delectatio in dicto, vel facto minus recto: v. g. cum quis facit aliquid, quod vel est malum, vel habet speciem mali, quaerens non ruinam proximi, sed delectationem quam reperit in eo, quod operatur.

## ARTICULUS II.

*Quale peccatum sit scandalum, Et quibus in casibus interveniat scandalum.*

**Prop.** unica. Scandalum activum est peccatum mortale, tanto gravius, quanto gravius est peccatum, in quod cadunt scandalizati.

**Prob. 1.** Ex Script. *Vae mundo a scandalis*: Matth. 18. v. 7. Maledictio autem non datur, nisi peccato mortali.

**Prob. 2.** Ex D. Thom. Si vero scandalum activum sit per se, puta, cum intendit inducere alium ad peccandum mortaliter, est peccatum mortale: Et similiter si intendat inducere proximum ad peccandum venialiter per actum peccati venialis, est peccatum veniale:

2. 2. q. 43. a. 4.

3. Ex D. Bernard. Num tibi videtur graviores Christus sustinere persecutionem, qui suggestionem mala, exemplo pernicioso, scandali occasione ab eo pervertit animas, quas redemit, quam a Judaeo, qui sanguinem illum sedit, Serm. 1. in convers. Pauli: Ergo cum scandalum sit in aliquo majus peccatum, quam actio crucifigentium Christum, scandalum debet esse peccatum mortale.

4. **Rat.** Prima ratio. Per scandalum datur fratri occasio ruinæ; cum tamen fratris salutem debeamus maxime curare: ergo, &c.

Secunda ratio. Peccat mortaliter, qui omittit correctionem fraternam in certis casibus: ergo a fortiori peccat mortaliter qui est fratri occasio peccandi mortaliter.

### Consectaria hujus Doctrinæ.

**Consect. 1.** Omnis actio vel omissio minus recta, quæ vere est, vel probabiliter censetur esse occasio ruinæ proximi, est peccatum scandali, etiamsi agens non



non expresse intendat illam ruinam, modo intendat interpretative; quia talis actio, vel omissio habet omnia requisita ad scandalum: ita D. Thom. 2. 2. q. 43. a. 1. ad 4. *Ditum vel factum alterius potest esse alteri causa peccandi uno modo per se, alio modo per accidens: per se quidem, quando aliquis suo malo verbo, vel facto intendit alium ad peccandum inducere; vel etiam si ipse hoc non intendat, & ipsum factum est tale, quod de sui ratione habet quod sit inductivum ad peccatum, puta, cum aliquis publice facit peccatum, vel quod habet similitudinem peccati.*

Sic juxta S. Antoninum: Si mulier sciens certe, vel probabiliter dubitans aliquem trahi ad concupiscentiam sui extra matrimonium, nihil hoc curans, se videndam exponeret, ut laudaretur de pulchritudine, mortale esset. Secus autem, si hoc non æstimaret, vel non posset commode dimittere ea loca, in quibus videntur ab his, qui contra ejus voluntatem eam concupiscunt.

Sic juxta eundem Sanctum: Peccat mortaliter ille, qui habet nimiam familiaritatem cum aliqua persona suspecta, & sentit homines scandalizari, nefaria judicando, & loquendo, nec vult dimittere, non curans quod alii scandalizentur.

Sic juxta eundem: Peccaret mortaliter qui verba proferret luxuriosa vel blasphematoria, juxta illud Eccli. 23. v. 8. *Superbus & maledicus scandalizabitur in illis.* Quibus omnibus optime convenit illud Pauli 1. Cor. 10. v. 32. *Sine offensione estote Judæis & Gentibus, & Ecclesie Dei.*

Consect. 2. Facere coram aliis aliquid, quod non est, malum, sed habet tantum speciem mali est peccatum scandalii. Quod si urgeat necessitas rem talem faciendi, debent adstantes præmoneri de bonitate rei faciendæ, & de motivo propter quod fit, quia omnia licent, sed non omnia expediunt. Sic quamvis licitum esset edere idolothyta, Videte tamen, inquit Paulus 1. Cor. 8. v. 9. *ne forte hæc licentia vestra offendiculum fiat infirmis.* Et D. Thom. 2. 2. qu. 43. *Activum scandalum semper peccatum est in eo, qui scandalizat; quia vel ipsum opus, quod facit, est peccatum, vel etiam,*

*si habet speciem peccati, dimittendum est semper propter proximi charitatem, ex qua unusquisque tenetur salutem proximi providere. Sic manducans carnes die prohibita, etiam cum licentia, palam id faciens, peccat, si non pramoneat adstantes, ut non scandalizentur, juxta illud Pauli 1. Cor. 8. v. 13. Si esca scandalizat fratrem meum non manducabo carnem in aeternum.*

*Consect. 3. Peccant peccato scandalii, qui absque necessitate utuntur vestibus alterius sexus juxta illud Deut. 22. v. 5. Non inductur mulier veste virili, nec vir utetur veste feminea: abominabilis enim apud Deum est qui facit hoc. Et Ambros. epist. 69 ad Irenaeum dicit, quod illud peccatum abhorret natura: Cur mentiris feminam, vel tu femina visum? suis unumquemque sexum induit natura indumentis. Mendacium & in verbo est, & in habitu. Et D. Thom. 2. 2. q. 169. a. 2. ad 3. ait: Cultus exterior debet competere conditioni personae secundum communem consuetudinem; & ideo de se vitiosum est, quod mulier utatur veste virili, aut e converso, & hoc precipue, quia hoc potest esse causa lasciviae, & hoc specialiter prohibetur in lege: Deut. 22. Quia gentiles tali mutatione habitus utebantur ad idololatriæ superstitionem. Potest tamen quandoque id fieri sine peccato propter aliquam necessitatem, vel causa se occultandi ab hostibus propter defectum alterius vestimenti, vel propter aliquid hujusmodi.*

*Consect. 4. Rei scandalii sunt qui larvati incedunt, etiam si non utantur veste alterius sexus. Illud colligitur ex istis Joannis Chrysost. verbis hom. 38. in Matth. Quis est ille theatralium hominum adeo magnus sonitus? quis tantus tumultus? qui diabolici clamores? quis vestitus satanicus? alius cum adolescens sit, comam pone reducendam habet, & naturam aspectu, vestitu, ceterisque hujusmodi effeminando ad teneriusculæ imaginem puellæ deducere contendit; alius e contra cum sit senex, novacula pilos, & pudorem omnem abrasus, cinctus assistens ad dicendum & faciendum omnia paratus est.*

*Consect. 5.* Peccant peccato scandali mulieres, quæ ornant se ea intentione, ut alios ad amorem excitent; quia ex prava sua intentione sunt aliis occasio peccandi, juxta illud Script. Prov. 7. v. 10. *Ecce mulier occurrit illi ornata meretricio præparata ad capiendas animas.* Quod peccatum quam grave sit, docet Petrus his verbis: *Quarum non sit extrinsecus capillatura, aut circumdatio auri, aut indumenti vestimentorum cultus:* 1. Pet. 3. v. 3. Et Paulus: *Mulieres in habitu ornato, cum verecundia & sobrietate ornantes se non intortis crinibus, aut auro, aut margaritis, vel veste pretiosa:* 1. Tim. 2. v. 9. Et Chrysost. Si qua vero mulier ideo ornatur & comitur, ut in se oculos omnium irretit; etiamsi nullum pulchritudine sua potuerit vulnerare, dabit tamen extrema supplicia. Paravit quippe virus, temperavit venenum, porrexit poculum, etiamsi nullus, qui biberet, inventus est: Rom. 17. in Matth. Docet idem Tertullianus lib. de cultu faminarum c. 2. *Christiane pudicæ, inquit, appetitionem sui, non tantum appetendam, sed etiam execrandam vobis sciatis. Primo quod non de integra conscientia venit studium placendi per decorem, quem naturaliter scimus invitorem libidinis. Quid igitur excitas in te malum istud? quid invitas? cujus te profiteris extraneam? Tum quod temptationibus viam aperire non debeas, quæ nonnumquam inslando peccatum perficiunt, certe vel spiritum scandalo permovent.*

*Consect. 6.* Peccant peccato scandali mulieres, quæ collum, pectus, brachia nudant, & ita compositæ in publicum prodeunt; hujusmodi enim nuditate præbent viris occasionem peccandi. Ideo ait Tertul. lib. de velandis Virg. c. 16. *Oro te, sive mater, sive soror, sive filia virgo. . . Vela caput; si mater, propter filios; si soror, propter fratres; si filia, propter patres. Omnes in te etates periclitantur. Indue armaturam pudoris, circumduc vallum verecundiæ, murum sexui tuo strue, quin nec tuos emittat oculos, nec admittat alienos.* Ex Clemente Alex. lib. 2. Padag. c. 2. *Neque vero permittendum est mulieribus, ut coram viris appareant aliquid corporis denudantes, ne ambo prolantur; hi quidem, ut qui ad videndum*



*incitentur; illæ vero, ut quæ in se virorum intuitum attrahant.* Unde plures Synodi jubent tales mulieres privari absolutione Sacramentali, donec resipuerint.

*Consect. 7. Peccant peccato scandalii mulieres, quæ fucis vultum adulterant, capillos tingunt &c. quia per hoc sunt occasio peccandi aliis; &, ut diserte probat Tertul. diabolus imitantur, cujus est se transfigurare in diversas formas: de quo ita ait D. Thom. 2. 2. q. 169. a. 2. Mulierum fucatio est quedam species fictionis, quæ non potest esse sine peccato. Non semper tamen talis fucatio est cum peccato mortali; sed solum quando fit propter lasciviam, vel in Dei contemptum, in quibus casibus loquitur S. Cyprian. Sciendum tamen, quod aliud est fingere pulchritudinem non habitam, & aliud occultare turpitudinem ex aliqua causa proveniente, puta, ægritudine, vel aliquo hujusmodi; hoc enim est licitum: I. Cor. cap. 12. Quia secundum Apost. quæ putamus ignobiliora membra esse corporis, his honorem abundantiorum circumdamus; fucari autem pigmentis, quo vel rubicundior, vel candidior appareat, adulterina fallacia est; quæ non dubito etiam ipsos maritos se nolle decipi, ait Aug. epist. 245. alias 73. Etenim ut optime ait Cyprian. tr. 2. de disciplina & habitu Virginum: Manus Deo inferunt, quando id, quod ille formavit, reformare & transfigurare contendunt, nescientes, quia opus Dei est omne quod nascitur, Diaboli quodcumque mutatur... & ibidem ait, Ornamentorum ac vestium insignia, & lenocinia fucorum, non nisi prostitutis & impudicis fæminis congruunt, & nullarum fert pretiosior cultus quam quarum pudor vilis est. Sic in Scripturis Sanctis... describitur civitas meretrix compta pulchrius, & ornata, & cum ornamentis suis, ac propter ipsa potius ornamenta peritura.*

*Consect. 8. Peccant peccato scandalii mulieres alienos capillos ad ornandam caput sine causa adhibentes; quia mutata illa capillatura est aliis occasio peccandi. Ideo dicit Apostolus: Non intortis crinibus: Tim. c. 2. v. 9. Et D. Petrus: Quarum non sit extrinsecus capillatura: I. Pet. cap. 3. v. 3. Ex Clem. Alex. Alienorum capillorum appositiones sunt omnino rejiciende: lib. 3. Pedagogi c. 2.*

*Consect.*

*Confess. 9.* Peccant peccato scandali viri, qui tum in corporis cultu, tum capillatura modum excedunt, sicuti enim mulieres nimio ornatu sunt occasio peccandi viris; ita & viri sunt occasio peccandi mulieribus. Ideo Tiburtius Martyr interrogatus, an Torquatus apostata, qui solebat se superbius ornare, esset Christianus, respondit, numquam tales pestes dignatus est Christus habere servos suos, ut refert Baronius ad an. 286.

*Confess. 10.* Peccant peccato scandali, qui novas illiciti ornatus vestimentorum formas excogitant; quia per hoc sunt occasio peccandi aliis.

*Confess. 11.* Peccant peccato scandali, qui exercent artes aliquas, quarum operibus homines sine peccato uti nequeunt, v. g. qui vendunt picturas lascivas, libros amatorios. Unde ait D. Thom. 2. 2. q. 169. art. 2. ad 4. *Si quæ ars est ad faciendum aliqua opera, quibus homines uti non possunt absque peccato, per consequens artifices talia faciendo peccarent, utpote directe præbentes aliis occasionem peccandi.*

*Confess. 12.* Peccant peccato scandali, qui ædes suas locant ad ludos aleatorios; quia per hoc sunt occasio peccandi aliis: eas enim academias vetant & jus Ecclesiasticum, & jus Civile: de quibus sic loquitur Bernardinus, Serm. 33. in Dominicam 5. quadragesimæ parte 1. *Dans domum, ut intus ludatur, fit particeps tot peccatorum, quot ibi fiunt: dans tabulam & præstans taxillos, toties peccat mortaliter, quoties præstat: nullus confessor poterit eum absolvere, donec remove-rit domum a tali pessimo usu ludendi: impossibile est illum salvari, nisi relinquat illas suas artes maledictas.*

*Confess. 13.* Peccant peccato scandali, qui publicis concubinariis, meretricibus, lenonibus, aut lenis ædes locant; quia sunt per hoc aliis occasio peccandi. Jus Civile & Ecclesiasticum illud prohibent: *Qui id faciunt sciant se & decem librarum auri sustinere poenam, & circa ipsam perdituros habitationem.* Justin. Novella 14. tit. de Lenonibus.

*Monit. I.* Quicumque peccato scandali peccat, præter peccatum personale, inficitur peccato aliorum: quia hic est effectus scandali.

*Monit.*

*Monit. 2.* Quicumque peccat peccato scandali, **tene-** tur in confessione aperire non tantum peccatum personale, sed circumstantias scandali, & numerum personarum, quæ tali scandalo ceciderunt, vel potuerunt cadere; quia scandalum est circumstantia varians peccatum specifice.

*Monit. 3.* Qui peccat peccato scandali, tanto gravius peccat, quanto eminentiorem habet dignitatem; quia dignitas personæ multum facit ad persuadendum peccatum; & ita peccatum scandali gravius est. 1. In Clerico, quam in Laico, juxta illud Bernardi: *Nuge in ore secularium nuge, in ore Sacerdotum blasphemie.* 2. In magistratu quam in privato, & in Rege quam in subdito: *Quia desinunt reprobari hoc ipso quod fiunt purpurata delicta.* 3. In patre quam in filio; quia propter exemplum parentum filiis fiunt religiosa delicta. 4. In Magistro quam in discipulo; quia disperdet Dominus qui fecerit hec, magistrum & discipulum. 5. In pastoribus quam in ovibus; quia pastores sunt sal terræ, lux mundi & Christi bonus odor, & spectaculum facti sunt mundo & hominibus.

### ARTICULUS III.

*An res præcepta sit omittenda propter scandalum passivum proximi.*

*Prop. unica.* Non tenemur vitare rem præceptam ob scandalum-passivum proximi; immo debemus illam exequi, licet multi hinc ex propria malitia scandalum patiantur.

*Prob. 1. Ex Script.* *Non sunt facienda mala, ut inde veniant bona:* Rom. 3. v. 8. & proinde nemo debet negligere suum officium, quod malum esset ob ipsum, quod negligendo ea quæ sunt sui officii, id saltem affluetur quod proximus non suscipiet scandalum.

2. Ex Greg. hom. 7. in 2. c. Ezech. *Quantum sine peccato possumus vitare proximorum scandalum debemus; si autem de veritate scandalum sumitur, utilius nasci scandalum permittitur, quam ut veritas relinquatur.* Sic Christus inunctum a Patre officium Redemptoris exequabatur, quamvis esset Scribis & Phariseis scandalum; immo cum aliquando accessissent ad eum discipuli dicen-



dicentes: Scis quia Pharisei audito verbo hoc, scilicet, non quod intrat in os coinquinat hominem, scandalizati sunt; at ille respondens ait: omnis plantatio, quam non plantavit Pater meus, eradicabitur; finite illos, cæci sunt & duces cæcorum: Matth. 15. v. 12.

3. Ex Raym. lib. 3. de scandalo, ubi hæc affertur regula.

Scandala pro vita, doctrina, justitiaque,

Tu non effugies, sunt in reliquis fugienda.

Pro vita; quia pro nullo scandalo debet quis mortaliter peccare. Doctrina; quia doctor, vel prædicator non debet falsum docere vel prædicare, pro aliquo scandalo vitando. . . . Justitia; quia nec iudex falsam sententiam, nec testis falsum testimonium debet ferre pro aliquo scandalo vitando.

4. Rat. Ordo charitatis postulat, ut quisque salutis suæ magis quam alienæ invigilet. Ergo cum ad propriam salutem pertineat rem præceptam exequi, non debemus ab ea desistere, licet scandalizetur proximus.

### Confectoria hujus Doctrinæ.

Confect. 1. Nulla unquam licet violare præcepta negativa juris naturalis ad vitandum scandalum; quia illa præcepta obligant *ad semper & pro semper*. Sic numquam ob scandali metum licebit mentiri, innocentem interficere &c.

Monit. Præcepta affirmativa, quia non obligant *ad semper & pro semper*, sed solum tempore & loco, non sunt eo tempore observanda, quo ex intempestiva eorum observatione scandalum oriretur. Sic licet teneat corrigere proximum, non tamen eo tempore hanc debet correctionem adhibere, quo video ex illa correctione nasciturum scandalum.

Confect. 2. Quoties tenemur ex præcepto administrare vel tueri bona temporalia, non possumus ea dimittere propter scandalum, ut docet D. Th. Talia sunt bona Ecclesiæ, Reipublicæ, vel ea quæ deposito & tutelæ habemus. . . En verba D. Th. Dicendum, quod circa bona temporalia, aut enim sunt nostra, aut sunt nobis ad conservandum pro aliis commissa, sicut bona Ecclesiæ committuntur Prælati, & bona communia quibuscumque

Res-

*Reipublicæ Reſtoribus. Et talium conſervatio, ſicut & depolitorum imminet his, quibus commiſſa ſunt ex neceſſitate; & ideo non ſunt propter ſcandalum dimittenda, ſicut nec alia, quæ ſunt de neceſſitate ſalutis: 2. 2. q. 43. art. 8.*

Sic bona, quorum non ſumus Domini, non ſunt dimittenda ob ſcandalum; quia hoc noceret bono communi: daretur enim malis occaſio rapiendi, & noceremus ipsis, qui raperent; quia in peccato rapinæ perfeverarent.

*Conſeſt. 3.* Nullus ob metum ſcandali poteſt falſa docere; poteſt tamen ſecundum congruentiam temporis veritatem reticere. Ita D. Th. 2. 2. q. 43. a. 7. ad 2. *Propter nullum ſcandalum, quod ſequi videatur, debet homo prætermiſſa veritate falſitatem docere. Sed ipſe actus docendi inter ſpirituales eleemoſynas computatur; & ideo eadem ratio eſt de doctrina, & de aliis miſericordiæ operibus:* Et proinde juxta mentem D. Thom. ſicut non tenemur dare eleemoſynam, niſi cum illud poſtulant & neceſſitas proximi, & noſtrum officium; ita docere veritatem non tenemur, niſi quando id exigit vel noſtrum officium, vel proximi neceſſitas. Et D. Raymundus loco ſupra citato ait, quod prædicator, doctorve *Tacere poteſt & debet, ſi omnes ita obſtinati ſunt, quod deteriores efficiantur doctrina.*

*Conſeſt. 4.* Ob vitandum ſcandalum, quod interdum naſcitur ex veritate intempeſtive prædicata, Concionatores debent abſtinere ab iis omnibus tractandis coram populo, quæ non inſerviunt ad docendum, arguendum, corripiendum, & erudiendum in juſtitia, ut perfecte ſit homo Dei ad omne opus bonum inſtruitus, ut loquitur Paulus; ſed omiſſis his quæſtionibus, quæ tumultum potius excitant, quam pietatem foveant, debent inſiſtere eradicanſis vitiis ex hominum mentibus, & inſerendis virtutibus: ideo legant quæ pro Concionatoribus ſcripſit ſanctus Carolus Borromæus.

*Conſeſt. 5.* Ad vitandum ſcandalum, ut docet paſſim Auguſt. nulla compenſatio criminum eſt admittenda: & ita ne putemus, ait, nobis licitum eſſe minora peccata committere, ut vitentur majora: uti fecit Loth. offerendo filias virgines Sodonitis, ut vitaret crimen  
con-

contra naturam : Gen. 18. uti fecit senex Gabaonita in  
causa Levitæ : Judic. 9. v. 14.

## ARTICULUS IV.

*Quæ omittenda sunt ad vitandum scandalum  
pusillorum.*

**Prop. 1.** Opus ex objecto indifferens decet omitti ad  
vitandum scandalum pusillorum, id est, eorum  
qui non ex malitia cordis, sed ex infirmitate mentis  
scandalum patiuntur.

**Prob. 1.** Exemplo Pauli, qui dicit, quod non mandu-  
caret carnem in æternum, si sciret nasciturum hinc fratri  
suo infirmo scandalum. Si esca, inquit, scandalizat  
fratrem meum, non manducabo carnem in æternum,  
ne fratrem meum scandalizem : 1. ad Corinth. 8. v. 13.

**2.** Ex D. Raymundo, ibidem : Cum opus est indif-  
ferens, videtur secundum prædicta omnino cessandum  
esse propter scandalum.

**3. Rat.** Ordo charitatis exigit ; ut ab indifferentibus  
abstineamus, ne simus scandalo fratribus nostris.

## Confectaria hujus Doctrinæ.

**Consect. 1.** Si ambulare, si loqui, si cum fratribus con-  
versari, scandalum infirmis pariat, debemus illud omitte-  
re. Videte autem, inquit Paulus, ne forte hæc licentia ve-  
stra offendiculum fiat infirmis : 1. Corinth. c. 8. v. 9.

**Consect. 2.** Propter scandalum pusillorum vel totaliter  
dimittenda sunt temporalia, quorum sumus domini, vel  
aliter scandalum est sedandum per aliquam admonitio-  
nem, ut docet Augustinus. Et D. Thom. 2. 2. q. 43. art.  
8. in corp. Temporalia vero bona, quorum nos sumus  
Domini, dimittere, ea tribuendo, si penes nos ea habea-  
mus, vel non repetendo, si apud alios sint propter  
scandalum quandoque quidem debemus, quandoque au-  
tem non : si enim scandalum ex hoc oriatur propter  
ignorantiam, vel infirmitatem aliorum, quod est scan-  
dalum pusillorum, tunc vel totaliter dimittenda sunt  
temporalia, vel aliter scandalum sedandum, scilicet,  
per aliquam admonitionem, ut ait Aug. Dandum est  
quod nec tibi, nec alteri noceat . . . Et cum negaveris  
quod



quod petit, indicanda est ei iustitia; & melius aliquid dabis cum petentem injuste correxeris.

*Prop. 2.* Bona spiritualia, quæ ad salutem non sunt necessario facienda, id est, quæ non sunt de præcepto, sed tantum de consilio, quandoque differenda, vel occultanda, vel in perpetuum dimittenda ad vitandum scandalum pusillorum.

*Prob.* Ex D. Thom. 2. 2. q. 43. art. 7. in corp. In spiritualibus bonis, quæ non sunt de necessitate salutis, videtur distinguendum: quia scandalum, quod ex eis oritur, quodque ex malitia procedit, cum scilicet aliqui volunt impedire huiusmodi spiritualia bona, scandala concitando, & hoc est scandalum Phariseorum, qui de Doctrina Domini scandalizabantur, contemnendum Dominus docet: quandoque vero scandalum procedit ex ignorantia, vel infirmitate, & huiusmodi est scandalum pusillorum, propter quod sunt spiritualia bona, scilicet Consilii, vel occultanda, vel etiam interdum differenda, ubi periculum non imminet, quousque reddita ratione huiusmodi scandalum cesset; si autem post redditam rationem huiusmodi scandalum duret, jam videtur ex malitia esse; & sic propter ipsum non sunt huiusmodi spiritualia opera dimittenda.

### Confectaria hujus Doctrinæ.

*Confect. 1.* Filius familias vocatus ad statum Religiosum, vel Ecclesiasticum, si prævideat, quod suscipiens illum statum perturbationem familie suæ sit illaturus, debet propositi executionem ad congruum tempus differre; & suis precibus ad Deum, expectare consensum parentum, aut saltem efficere, ut instruantur quomodo hac in parte se gerere debeant.

*Confect. 2.* Mulieres conjugate debent dimittere bona spiritualia, quæ sunt de consilio, & non de præcepto, v. g. audire Missam quotidie, adesse horis canonicis diebus festis, recipere Eucharistiam quolibet die aut qualibet hebdomada, si hinc nascatur perturbatio domestica . . . & melius est, ut omittant hæc exercitia spiritualia, aliaque istorum loco substituant de consilio & consensu Confessarii sui.

## ARTICULUS V.

*Quæ omittenda sunt ad vitandum scandalum, etiam malignorum.*

*Prop. unica.* Videtur quod ex lege charitatis aliquando abstinendum sit ab operibus ex objecto indifferentibus, si parum sint nobis necessaria, quando scilicet proximus ex propria etiam malitia ex illis operibus occasionem ruinae suscepturus est: omissio vero operis indifferentis præsumitur proximo profutura. Sed ab his operibus indifferentibus non abstinendum est, si tam omissio, quam non omissio prævideatur futura proximis scandalo ex eorum malitia.

*Prob. I. Ex Scriptura. Sine offensione estote Judeis & Gentibus, & Ecclesie Dei: sicut & ego per omnia omnibus placeo, non quærens quod utile est mihi, sed quod multis, ut salvi fiant: 1. ad Corinth. 10. v. 36.* Ergo exemplo Pauli debemus abstinere ab indifferentibus, non solum cum proximus patitur scandalum ex infirmitate, sed etiam aliquando, cum patitur scandalum ex propria malitia; quia inter eos omnes, quibus placere conabatur Apostolus, erant non solum qui ex infirmitate, sed etiam qui ex malitia scandalum sumebant ex actionibus Pauli.

2. Ex D. Raymundo lib. 3. de scandalo §. 2. ubi sic habet: *In tertio casu, scilicet, cum objectum est indifferens, videtur secundum prædicta omnino cessandum esse propter scandalum.*

3. *Rat.* Ordo charitatis exigit, ut nemo quod suum est quærat, sed quod est alterius, præcipue cum æterna salus proximi agitur; salus enim æterna proximi debet commodis nostris temporalibus præponderare: Ergo ex lege charitatis, quæ non quærit quæ sua sunt, sed quæ Jeshu Christi, debemus opera ex objecto indifferentia nobis non admodum necessaria interdum omittere, ut vitetur scandalum, etiam ex malitia proximi nasciturum.

Dixi: *res indifferentes*; quia res necessariae non sunt omittendæ; nobis enim præcipitur ea agere, quæ nobis sunt necessaria.

Dixi, quod res indifferentes sunt omittenda aliquando ob scandalum, etiam malitiose acceptum; quia durius esset semper se rebus indifferentibus privare ob scandalum malitiose acceptum.

### Confectaria hujus doctrinæ.

*Confect. 1.* Non omittenda sunt ea, quæ sunt necessaria vel ad victum, vel ad vestitum, licet maligni hinc sumant occasionem scandalum.

Sic Christus non a cibo & potu abstinuit, licet Pharisæi malitiose dicerent: *ecce homo vorax, potator vini.*

Sic Discipuli Christi non abstinuerunt a cibo & potu necessario, quamvis Pharisæi malitiose inquirerent a Christo: *quare discipuli tui non jejnant?*

*Confect. 2.* Non omittenda sunt ea, quæ sunt necessaria ad honestam recreationem, licet maligni hinc sumant occasionem scandalum: sic Joannes Evangelista, ut refertur in collationibus Patrum, honeste recreabat animum. *Et cum quidam scandalizarentur, inquit D. Th. quod eum cum discipulis suis ludentem invenirent, dicitur mandasse uni eorum, qui arcum gerebat, ut sagittam traheret. Quod cum pluries fecisset, quæsiuit utrum hoc continue facere posset: qui respondit, quod si hoc continue faceret, arcus frangeretur. Unde beatus Joannes subintulit, quod similiter animus hominis frangeretur, si nunquam a sua intentione relaxaretur: 2. 2. q. 168. a. 2. in Cor.*

*Confect. 3.* Ea quæ vel ad victum, vel ad vestitum, vel ad honestam recreationem necessaria non sunt, sed conducunt solum vel ad victum immoderatiorem, vel ad vestitum luxuriosius, vel ad recreationem parum honestam, ea inquam omittenda sunt, tum quia ibi non reperitur Christiana mediocritas, tum quia hi excessus sunt occasio, cur proximus in majores excessus prolabor.

Sic dato, quod convivia lautiora, quod splendidiore vestes, quod recreationes parum decentes, quales sunt choreæ, comædiæ, &c. essent res indifferentes, ut volunt homines mundani, deberent tamen evitari ob scandalum, quod semper adjunctum habent.



## ARTICULUS VI.

*De his, qui videntur esse scandalo, & non sunt: qui videntur cooperari peccato, & non cooperantur.*

*Prop. 1.* Ille non peccat peccato scandali, nec peccato proximi cooperatur, qui iusta de causa, pioque motivo præstat aliquid vel sanctum, vel honestum, quo posito, proximus malefice elicit aliquid cum peccato, quod si vellet, posset omittere, vel elicere sine peccato; modo ille, qui elicit opus vel sanctum, vel honestum, ad quod ex malitia alterius sequitur peccatum, nec ex iustitia, nec ex charitate, v. g. ex officio superioris, vel ex lege correctionis fratrum, teneatur peccatum proximi impedire.

*Prob. 1.* Ex Script. Cum Judæi scandalizari fuissent, quod Christus dixisset, non quod in os intrat, conquinat hominem, monitus de illo scandalo a Judæis malefice suscepto, ait: *Sinite illos, cæci sunt & duces cæcorum:* Matth. c. 15. v. 14. Ergo possumus opus sanctum, vel honestum elicere, licet proximus ex propria malitia sumat præter intentionem nostram occasionem peccandi.

2. Ex August. epist. 47. ad Publicolam, ubi sic habet: *Alit ut ea, quæ propter bonum ac licitum facimus, aut habemus, si quid per hæc præter nostram voluntatem cuiquam mali acciderit, nobis imputetur. Alioquin nec ferraamenta domestica & agrestia sunt habenda, ne quis eis se, vel alterum interimat: nec arbor, aut restis, ne quis se inde suspendat: nec fenestra facienda est, ne per hanc se quisque precipitet. Quid plura commemorem, cum ea commemorando finire non possem? quid enim est iniqui hominum bono ac licito, unde non possit etiam pernicietis irrogari? Ergo quæ sunt bona & honesta agere possumus, licet hinc pravi homines peccandi occasionem suscipiant.*

3. Ex D. Thom. 2. 2. q. 43. a. 1. ad 4. ubi sic habet: *Per accidens autem aliquod verbum, aut factum unus est alteri causa peccandi, quando etiam præter intentionem operantis, & præter conditionem operis aliquis male disposuit ex huiusmodi opere inducitur ad peccandum; puta. cum aliquis invidet bonis aliorum, & tunc ille qui facit huiusmodi actum rectum, non dat occasionem, quantum in se est, sed alius sumit occasionem secundum*

*illud* ad Rom. 7. v. 8. Occasione autem accepta, &c. Ergo quod est rectum agere possumus, licet hinc alii malitiose sumant occasionem peccandi.

4. *Rat.* Prima ratio. Quilibet potest absque peccato iusta ex causa pioque motivo uti jure suo, ut patet: Atqui quilibet jus habet eliciendi actum vel sanctum, vel honestum, cum neutrum illorum sit prohibitum: Ergo quilibet potest elicere actum vel sanctum, vel honestum, sine peccato, licet alius sumat inde ex propria malitia occasionem peccandi.

Secunda ratio. Actio scandalosa ea est, quæ vel mala, vel minus recta præbet alteri occasionem ruinæ: opus autem vel sanctum, vel honestum, nec est actio mala, nec minus recta, nec præbet alteri occasionem ruinæ, sed proximus sumit malitiose ex eo quod bonum est, vel honestum occasionem peccandi: ergo opus sanctum, vel honestum potest sine peccato a nobis exerceri, licet alii hinc ex propria malitia sumant occasionem peccandi.

### Confectaria hujus Doctrinæ.

*Confect. 1.* Non peccat persona publica, quæ iusta de causa, & ex necessitate exigit juramentum ab eo, qui falso juraturus præsumitur; quia exigens juramentum utitur jure suo.

Sic iudex carens testimonio, servato ordine juris, potest exigere juramentum ab eo, qui præsumitur pejeraturus. Sic Princeps, dum init pacem cum hostibus, potest exigere juramentum ab illis, licet sint juraturi per falsos deos: ita D. Thom. 2. 2. q. 98. a. 4. in corp. *Si autem aliquis exigit juramentum tamquam persona publica, quod exigit ordo juris ad petitionem alterius, non videtur esse in culpa, si ipse juramentum exigit, sive sciat eum falsum jurare, sive verum; quia non videtur ille exigere, sed ille, ad cuius instantiam exigit.* Iudex tamen debet omnia tentare, ut quantum est in se, non fiat perjurium.

Sic pariter non peccat homo privatus, qui controversiam habens cum alio, exigit juramentum ab illo, modo dubitet de facto, vel ne sciat, an juraturus sit verum, vel falsum, credatve cum pro vero juraturum; tunc enim ut dicit D. Thom. 2. 2. q. 98. a. 4. ad 1. *Ad maiorem certitudinem exigit juramentum, & rem ex se sanctam postulat.*

Sic, licet tam personæ privata, quam publicæ recipere juramentum illius, qui verum per falsos deos juraturus est; minime vero illius, qui falsum per verum Deum juraturus est: quia in primo juramento est veritas, qua uti licet: in secundo est falsitas, qua nunquam uti licet: ita D. Thom. in eadem q. a. 4. ad 4. *Licet ejus, qui per falsos deos jurare paratus est, juramentum recipere: non tamen licet eum adducere ad hoc, quod per falsos deos juret. Alia tamen ratio videtur esse in eo, qui per verum Deum falsum jurat; quia in tali juramento deest bonum fidei, qua utitur aliquis in juramento illius, qui per falsos deos verum jurat.*

*Monit.* Peccat econtra qui sine causa & necessitate exigit juramentum ab eo, qui illicite juraturus præsumitur; quia inducens ad jurandum frustra, est causa illiciti juramenti: tunc enim, ut utar verbis D. Thom. 2. 2. q. 98. a. 4. ad 2. *Propria sponte ad jurandum cogit eum, quem scit falsa juraturum: & juramentum exigit, quod ad nihil interservire valeat nisi ut Deus perjurio offendatur, & pejerans vitio perjurii commaculetur.*

Sic peccat persona tum publica, tum privata intra litis contestationem, quæ, dum aliunde habet sufficientia testimonia ad eruendam veritatem, vexigit juramentum ab eo, qui pejeraturus præsumitur. Id docet D. Thom. his verbis 2. 2. q. 98. a. 4. in corp. *Si autem scit, eum fecisse, scilicet, contrarium ejus, quod jurat, & cogit eum jurare, homicida est; ille enim suo perjurio se interimit; sed iste manum interficientis impræsit.* Et peccatum est multo gravius, quando illud fit eo fine, ut proximus perjurii vincatur per instrumenta manifestantia veritatem, quæ malitiose occultantur. Habes circa hoc egregium factum Domini Duharlay primi præsidis Parisiensis, qui pœna multavit debitorem, qui munitus instrumentis, quibus debitum suum probaret, juramentum debitori detulerat, ut eum post juramentum perjurii argueret. *Procès verbal des conserances de l'Ordonnance criminelle. Titre 13. art. 3.* Et Aug. refert exemplum cujusdam civis Hyponensis, alioquin boni, extraordinarie a Deo puniti, quod ne rem debitam perderet, juramentum a pejeraturo exegisset. Serm. de collatione S. Joan.



*Consect. 2.* Non peccat qui iusta de causa & ex necessitate recipit, imo exigit Sacramenta a ministris qui tenentur ea conferre, licet illi ministri ob indignitatem suam peccent, conferendo Sacramenta; tunc enim fidelis rem sanctam postulat, scilicet Sacramenta, & cum ea exigit a suo Parocho vel Prelato, utitur jure suo. Cum enim Sacramenta sint propter homines, homo jus habet ea exigendi a ministris, quibus illorum dispensatio ex officio incumbit, & penes eosdem ministros est per gratiam Christi conferre Sacramenta cum debitis dispositionibus.

Sic in extrema necessitate, v. g. in mortis articulo, licet recipere, immo exigere Sacramenta necessitatis, nimirum Sacramentum Baptismi, Pœnitentiæ a malis ministris, immo a ministris excommunicatis, suspensis & ab Ecclesia non toleratis, si non sint alii ministri, quia in talibus circumstantiis, quilibet Sacerdos est quasi proprius Parochus, cessatque omnis reservatio in Ecclesia Dei, inquit Trid. sess. 14. c. 7. *In Ecclesia Dei custoditum semper fuit, ut nulla sit reservatio in articulo mortis; atque ideo omnes sacerdotes quoslibet penitentes a quibusvis casibus & censuris absolvere possunt.*

*Monit.* Si tamen ex tali communione cum hæreticis, & schismaticis oriretur multorum fidelium scandalum, diminutio Catholicæ Religionis, incrementum hæreseos, vel schismatis, tunc aditus posset sine actuali Sacramentorum receptione per votum Sacramenti saluti suæ consulere.

Sic, urgente vulgari necessitate, etiam extra mortis articulum, potest quilibet fidelis, non solum recipere, sed etiam exigere Sacramenta a Parocho, quantumvis malo, si sit ab Ecclesia toleratus: quia utitur jure suo.

*Monit.* Si tamen sit alius minister dignior, ad quem commode possit accedere, tenetur non ex iustitia, cum ad id jus habeat, sed ex charitate, a digniori ministro Sacramenta recipere, etenim sic peccatum proprii Parochi impediatur.

Sic, stante vulgari necessitate, fidelis non potest exigere Sacramentum a malo ministro, qui nec Parochus est, nec paratus ea administrare; quia non habet jus exigendi, nec proinde inducendi ad conferendum Sacramenta; si tamen paratus esset conferre Sacramenta quibus-

quibuscumque obviis fidelibus, tunc oblata Sacramenta recipere liceret cuilibet fidei; tunc enim Sacramentum recipiens, ministrum non induceret ad illicitam administrationem Sacramenti, sed ad bonum uteretur prava ejus voluntate Sacramenta obviis quibuscumque fidelibus offerente.

*Consect.* 2. Quando persona publica, vel politica, ut Notarius, vel Ecclesiastica, ut Parochus, tenetur ex officio cooperari quibusdam actionibus sanctis, vel honestis a proximo eliciendis, potest persona publica eis actionibus cooperari absque peccato, licet proximus hanc actionem ex objecto vel sanctam, vel honestam vitiet prava aliqua circumstantia occulta; quia tunc persona publica jure suo utitur, & officio suo satisfacit; & proximus id, quod est ex objecto licitum, efficit prava sua intentione vitiosum.

Sic Sacerdos potest, immo debet Eucharistiam ministrare peccatori, & excommunicato, & hæretico occulto, si petat publice; quia peccatum, utpote occultum, non dat jus denegandi Eucharistiam, si eam publice petierit: ita docet D. Thom. post Aug. 3. P. q. 80. a. 6. *Manifestis, inquit, ergo peccatoribus non debet etiam petentibus sacra Communio dari. Ut Cyprianus docet de hereticis* - - *Si vero non sint manifesti peccatores, sed occulti, non potest eis petentibus sacra Communio denegari: cum enim quilibet Christianus ex hoc ipso quod est baptizatus, sit admissus ad dominicam cenam, non potest ei jus suum tolli, nisi pro aliqua causa manifesta: unde super illud 1. Corinth. 5. Si is, qui frater nominatur inter vos, dicit Glossa Augustini, Nos a communione quemquam prohibere non possumus, nisi aut sponte confissum, aut in aliquo judicio ecclesiastico, vel seculari nominatum, atque convictum.*

Sic Parochus juridice requisitus potest, immo debet matrimonio Parochianorum tanquam rellis interesse, quamvis ex confessione, vel alia via occulta sciat contrahentes esse vel in statu peccati, vel cum aliquo occulto impedimento contrahere; quia vitium occultum non dat jus denegandi Parochianis sui præsentiam, post decretum Tridentini ad valorem matrimonii absolute necessariam.

Sic pars desponsata requisita, ut sponsalibus satisfaciatur, & matrimonium contrahat, potest sine peccato matrimonium inire, licet sciat ejus compartem matrimonii Sacramentum in statu peccati recepturam (\*); quia peccatum occultum non dat jus denegandi sponsalium executionem, quando hæc aut juridice, aut quasi juridice requiruntur.

Sic Notarius requisitus a partibus contrahentibus potest sine peccato licitas ex objecto contrahentium voluntates suscipere, licet illi contractus ex occulta contrahentium intentione sint illiciti; quia occultum peccatum non dat jus Notario denegandi sui præsentiam ad contractum civilem absolute necessariam. Notarius potest, v. g. testamentum transcribere, modo testamentum illud sit per leges permissum, in quo tamen testator perperam bona sua subtrahit consanguineis, ut ea det extraneis. Item potest transcribere contractum usurarium, modo non sit manifeste per leges tamquam usurarium reprobaturum; quia occulta usura non dat Notario jus denegandi sui præsentiam ad contractum absolute necessariam.

Sic privatus quilibet, cui non interdicitur ex conditione sui status armorum exercitium, potest licite, immo jussus debet sub suo Principe bellum exercere, licet bellum occultam contineret injustitiam; est enim subditus Regi, cui in omnibus manifestam injustitiam non continentibus obtemperandum est.

*Monit.* In prædictis casibus Sacerdos Sacramenta conferens, sponsus, vel sponsa contrahens, Notarius contractum recipiens, &c. debent quantum in ipsis est juxta regulas prudentiæ præmonere eos, qui actionem sanctam aut honestam ex objecto prava aliqua circumstantia vitiarent; debent, inquam, præmonere eos, ut a prava illa circumstantia abstineant: ita D. Thom. loquens de Sacerdote Eucharistiam ministrante: *Potest tamen Sacerdos, qui est conscius criminis, occulte monere peccatorem occultum, vel etiam in publico generaliter omnes, ne ad mensam Domini accedant antequam de peccatis peniteant*; ibidem loco supra citato.

Con-

(\*) Nisi alias vitare possit: charitas enim postulat, ut & correctione fraterna utamur erga proximum, & ut peccatum ejus, quantum possumus, impediamus.



*Consect. 3.* Non peccat qui ad subveniendum vel necessitati propriæ, vel alienæ, accipit mutuum sub usuris; etenim utitur jure, quod habet subveniendi sibi per alienam pecuniam, nec inducit hominem ad peccatum, sed peccato usurarii utitur ad bonum: ita hanc regulam confirmat D. Thom. 2. 2. q. 78. art. 4. in corp. *Dicendum*, quod nullo modo licet aliquem ad mutuandum sub usuris inducere; licet tamen ab eo, qui hoc paratus est facere, & usuras exercet, mutuum accipere sub usuris propter aliquod bonum, quod est subventio necessitatis sue, vel alterius; sicut etiam licet ei, qui incidit in latrones, manifestare bona, quæ habet (quæ latrones peccant diripiendo) ad hoc, quod non occidatur, exemplo decem virorum, qui dixerunt ad Iymael: soli occidere nos, quia thesauros habemus in agro: Jer. 41. v. 8.

*Consect. 4.* Non peccat benefici Ecclesiastici legitimus possessor, qui dat aliquid temporale, ut injusta impedimenta removeat; quia utitur jure suo: ita decet D. Thom. *Dicendum* quod antequam alicui acquiratur jus in Episcopatu, vel quacunque dignitate, vel præbenda per electionem, vel provisionem seu collationem, simoniacum esset adversantium obstacula pecunia redimere; sic enim per pecuniam pararet sibi viam ad rem spirituales obtinendam: sed postquam jus alicui acquisitum est, licet per pecuniam injusta impedimenta revocare; D. Thom. 2. 2. q. 100. a. 2. ad 5,

## TRACTATUS DECIMUS TERTIUS.

### DE SEXTO ET NONO DECALOGI PRÆCEPTO.

**D**uo hæc præcepta: *Non machaberis -- Non desiderabis uxorem proximi tui*: Exod. 20. juvat hæc simul explicare; quia ad eundem finem tendunt. Deus quippe his duobus præceptis idem fere a nobis exigit; præcipit enim utroque præcepto castitatem; vetat vero om-

nem extra legitimum coniugium luxurie libidinem, ut docet Canon *Meretricis*. Ille ergo est explicanda luxurie natura; sed quia periculosa est tam obsecrari vitii tractatio, antequam subiectam distinctam huius criminis ideam, & varias ejus perentram species, prius exhibebo, quam grave sit illud vitium, ut sic & legentium, & audientium animus sit quodam quasi clypeo premunitus.

## CAPUT I.

*De quibusdam præambulis necessario pertractandis  
antequam agatur de vitio luxurie.*

## ARTICULUS I.

*Quam grave peccatum sit luxuria.*

**Prop. I.** Crimen gravissimum est omne peccatum luxurie, id est, usus inordinatus venereorum extra legitimum matrimonium.

**Prob. I.** Luxuria est peccatum contra Deum, quatenus polluit templum Dei, quod est corpus nostrum: de quo ita Paulus: *Nescitis, quia templum Dei estis, & spiritus Dei habitat in vobis. Si quis autem templum Dei violaverit, disperdet eum Deus. Templum enim sanctum est, quod estis vos: I. ad Corinth. 3. v. 16.*

2. Est peccatum contra Christum, quatenus membra Christi, nos scilicet, facit membra meretricis. *Nescitis, inquit idem Apostolus, quoniam corpora vestra membra sunt Christi? Tollens ergo membra Christi, faciam membra meretricis! absit: an nescitis, quoniam qui adheret meretrici unum corpus efficitur? Erunt enim, inquit, duo in carne una; qui autem adheret Domino, unus spiritus est: I. ad Cor. 6. v. 15.*

3. Est peccatum contra nosmetipsos, quatenus corpus nostrum polluit. *Fugite fornicationem, inquit Paulus, omne enim peccatum, quodcumque fecerit homo, extra corpus est; qui autem fornicatur, in corpus suum peccat: I. ad Corinth. 6. v. 18.*

4. Est peccatum contra proximum, quatenus est contra bonum prolis generandæ, & educandæ, & quatenus complici est occasio ruinæ. *Omnes corruptiones luxurie, inquit D. Thomas, quæ sunt præter legiti-*  
mum

num matrimonii usum, sunt peccata in proximum, in quantum sunt contra bonum prolis generandæ & educandæ; q. 15. de malo 2. II, ad 4.

5. Est peccatum contra statum Christianorum, quibus specialiter jubetur sanctitas. Fornicatione autem & omnis immunditia, aut avasitia nec nominetur in vobis, sicut docet Sanctos, inquit Paulus Ephel. 5. v. 3.

6. Est peccatum aliis longe gravius: est furto fordus, juxta Scripturam: Non grandis est culpa, cum quis furatus fuerit; furatur enim, ut experientiam implicat animam -- Qui autem adulter est, propter cordis inopiam perdet animam suam: Prov. 6. v. 30. Est juxta Tertul. lib. de pudicitia c. 22. Luxuria gravior est idololatria, non ex objecto, sed ex eo, quod magis libere committatur. Nemo volens, inquit negare compellitur; nemo nolens fornicatur. Nulla ad disciplinam vis est, nisi ipsa; negationem vero quanta compellant ingenia carnificis & genera pauperum. Reliquis quis sceleratior, an idololatra, qui Deum amisisse docuit, an fornicator, qui cum amitteret, lesit. Ille bovem mactat idolo; iste hostiam viventem, sanctam, Deo placentem, & debitam mactat diabolo.

## ARTICULUS II.

*Quæ pænæ contra luxuriam a Deo destinantur.*

Deus multis modis punit luxuriam. 1. Temporaliter, immittendo pœnas corporales. 2. Spiritualiter; denegando gratiam. 3. Pœna æterna, addicendo inferno luxuriosos. Percurram breviter illas pœnas.

### §. I.

*Pœnæ temporales contra luxuriam.*

1. In pœnam tanti criminis Deus immisit diluvium, dissipans omnem terram. Corrupta est autem terra coram Deo, & repleta est iniquitate, inquit Textus Sacer, Gen. 6. v. 11. Cumque vidisset Deus terram esse corruptam, omnis quippe caro corrumpat viam suam super terram, dixit ad Noe: Finis universæ carnis venit coram me, & ego disperdam eos cum terra. Quali autem crimine corrupta erat terra, quod tantam demeretur



reretur punitionem, non aliud innuitur nisi luxuries. *Videntes*, inquit Scriptura Gen. 6. v. 2. *Filii Dei*, id est posteri Seth. *Filias hominum*, id est, ortas ex Caini prosapia, quod essent pulchre, acceperunt sibi uxores ex omnibus, quas elegerant, Solam spectantes libidinem in conjugio, quanto graviori poena puniendi, qui extra matrimonium fœdis polluantur scortationibus?

2. *Dominus pluit super Sodomam & Gomorram sulphur & ignem - - Et subvertit civitates has, & omnem circa regionem, universos habitatores urbium, & cuncta terræ viventia*: Gen. 19. v. 24. ut infandam illorum libidinem puniret.

3. Onan inordinate agens in matrimonio, occisus est a Domino. *Percussit eum Dominus*, inquit Scriptura, eo quod rem detestabilem faceret: Gen. 38. v. 10.

4. Filii Jacob, Simon & Levi fratres Dinæ omnes masculos Sichimitas interfecerunt, ut stuprum illatum Dinæ ulciscerentur: Gen. 34. Laudatque Judith factum illud c. 9. v. 2. non quidem mendacium perfidiamque fratrum Dinæ approbans, sed iustitiam Dei exaltans, inquit Menochius, qua Sichimitarum impuritas & violentia vindicata est.

5. *Fornicatus est populus cum filiabus Moab - - Et occisi sunt viginti quatuor millia hominum*: Num. 25. 9.

6. Tribus Benjamin fere omnino deleta est in poenam, eo quod vis illata fuerat uxori cujusdam Levitæ transeuntis Gabaa; Judic. 2.

## §. II.

### *Pœnæ spirituales contra luxuriam.*

1. Deus recedit ab homine impuro. *Non permanebit*, inquit Deus, *spiritus meus in homine, quia caro est*: Gen. 6. 3.

2. Permittit Deus imparum hominem labi in reprobum sensum: de quo ita Paulus: *Tradidit illos Deus in reprobum sensum, ut faciant ea, quæ non conveniunt, repletos omni iniquitate, malitia, fornicatione*: ad Rom. I. vers. 28.

3. Reji-

3. Rejicit oblationes impuri hominis, *Non offeres*, inquit Moyſes, *mercedem proſtrouuli, nec pretium carnis in domo Domini, quidquid illud eſt, quod uereris; quia abominatio eſt utrumque apud Dominum Deum tuum: Deut. 23. v. 18.*

### §. III.

#### *Pœnæ æternæ contra luxuriam.*

1. Deus declarat ſe futurum judicem, & teſtem contra impuros homines. Pro eo, quod fecerint ſiulctiam in Iſrael, & mechati ſunt in uxores amicorum ſuorum -- Ego ſum Judex & teſtis, dicit Dominus: Jer. 29. v. 23.

2. Excluduntur a cœlis. Neque fornicarii, neque idolis ſervientes, neque adulteri, neque molles, neque maſculorum concubitores, regnum Dei poſſidebant: I. ad Cor. 6. v. 9.

3. Addicuntur igni perpetuo. De hoc ita Joannes: Fornicatoribus, ueneficis, & idololatriſ, & omnibus mendacibus, pars illorum erit in ſtagno ardenti igne & ſulphure, quod eſt mors ſecunda: Apoc. 21. v. 8. Et ut ſciamus ſpecialem pœnam luxuriſ reſervatam, ita nos admonet Petrus epiſt. 2. c. 2. Novit Dominus pios de temptatione eripere: iniquos vero in diem judicii reſervare cruciandos; magis autem eos, qui poſt carnem in concupiſcentia immunditiæ ambulant.

Hæc proloqui neceſſarium viſum eſt mihi, ne quis tam obſcœna, quæ dicturus ſum, cum moroſa, ut dicunt, delectatione retineret, ſed cum ſancto horrore rejiceret. Si quis vero, inquit Aug. impudice aut legat, aut audiat, facta denotet ſue turpitudinis, non verba noſtra neceſſitatis, in quibus mihi facillime pudicus & religioſus lector vel auditor ignoſcit: lib. 14. de Civit. c. 23.

## CAPUT II.

*Explicatur, quid ſit luxuria, & quotuplex ejus ſpecies.*

### ARTICULUS I.

#### *De natura luxuriæ.*

Luxuria eſt inordinatus vel uſus, vel appetitus delectationis venereæ. Dixi, inordinatus; quia uſus

venereorum perceptus debito modo in legitimo matrimonio non est illicitus, sed sancte exerceri potest.

Actus luxuriæ alii sunt externi, alii interni.

Actus interni sunt actus animæ, qui ordinantur ad actus externos: tales sunt illi actus, desiderium ablutum, vel conditionatum rei veneræ, delectatio morosa in cogitatione veneræ.

Actus externi sunt actus corporis ordinati ad decisionem seminis: hujusmodi sunt, verba lasciva, tactus lascivi, oscula &c.

Actus externi veneri alii sunt completi in hac linea, alii incompleti.

Actus externi completi sunt illi, in quibus intervenit ultimus terminus venerorum, scilicet decisio seminis.

Actus externi incompleti sunt illi, in quibus non intervenit decisio seminis.

Actus externi tam completi, quam incompleti, alii sunt naturales, alii innaturales.

Actus luxuriosi naturales sunt illi, ex quibus sequi potest generatio, v. g. concubitus viri cum femina solito more.

Actus luxuriosi innaturales sunt illi, ex quibus sequi nequit humana generatio: tales sunt mollicies, sodomia, bestialitas.

## ARTICULUS II.

*De variis speciebus luxuriæ secundum naturam.*

Species luxuriæ secundum naturam sunt actus illi veneri inordinati, ex quibus sequi potest generatio.

Species luxuriæ secundum naturam sunt istæ: fornicatio, stuprum, raptus, adulterium, incestus, sacri egium.

Fornicatio est concubitus naturalis *soluti* cum *juncta*: per illud *soluti* cum *juncta* intelligitur solutio seu libertas a vinculo *matrimonii*, *voti*, *ordinis sacri*, *cognitionis*, vel *affinitatis*; alias si concumbentium uterque, vel alteruter foret innexus vinculo *matrimonii*, esset *adulterium*, si *voti*, *ordinisve sacri*, esset *sacrilegium*, si *cognitionis* aut *affinitatis*, esset *incestus*.



Stuprum est concubitus cum persona virgine invita, & non consentiente; vel si ipsa consentiat, dissentientibus parentibus, dum est sub cura patrum.

Stuprum datur etiam, dum virgo, & virginis parentes in illicitam consentiunt deflorationem; nec verum est adulterium quamvis uterque conjux consentiat.

Adulterium est concubitus cum persona per matrimonium ligata.

Raptus est concubitus cum persona vi abducta, causa libidinis explendæ.

Incestus est concubitus cum persona, vel consanguinea, vel affine usque ad quartum gradum: qui concubitus tanto gravior est, quanto persona est proximior.

Sacrilegium est peccatum luxuriæ, quo fœdatur vel persona Dei sacrata per votum castitatis, vel locus sacer profanatur per actum venereum.

Sacrilegium potest fieri quatuor modis. 1. Si persona Deo sacra sola consentiat, vel delectetur deliberate de re venerea. 2. Si persona non sacra in actum venereum cum persona sacra consentiat. 3. Si utraque persona luxurians sit Deo sacrata. 4. Si veneris actus fiat in loco sacro, verb. gr. in Ecclesia, in Cimiterio, illicite inter non conjugatos, vel licite inter conjugatos, absque necessitate.

Quando dixi, quod luxuria, fornicatio, &c. sint concubitus, locutus sum de actibus completis, & non de actibus incompletis, qui ad eandem speciem pertinent.

### ARTICULUS III.

*De variis speciebus luxuriæ contra naturam.*

Species luxuriæ contra naturam sunt actus illi venerei inordinati, ex quibus sequi non potest generatio.

Species luxuriæ contra naturam sunt iste, Mollities, Sodomia imperfecta, Sodomia perfecta, Bestialitas.

Mollities est voluntaria effusio seminis absque congressu, seu copula viri cum muliere.

Sodomia imperfecta est congressus duorum diversæ sexus, v. g. maris cum femina, sed indebito modo, v. g. extra vas debitum: & cum Sodomia reservetur, aut ei imponatur censura canonica, hoc debet intelligi de sodomia non imperfecta, sed perfecta.

Sodomia perfecta est congressus ejusdem sexus, v. g. mari- cum mare, femina cum femina.

Bestialitas est congressus duorum diversæ speciei, v. g. viri cum bestia, vel bestia cum muliere, hominis cum dæmone succubo, vel incubo, id est, dæmone gerente vices viri, vel mulieris.

## ARTICULUS IV.

*De permixtione diversarum specierum luxuria.*

Species illæ luxuriæ tam secundum naturam, quam contra naturam, possunt ad invicem permisceri, & secundum actum externum, & secundum affectum: v. g. si Titius conjugatus habeat rem cum Berta consanguinea, virgine, Religiosa & indebito modo, actus ille erit simul Adulterium, Stuprum, Incestus, Sacrilegium, & Sodomia imperfecta, ut patet - - 1. Adulterium; quia Titius est conjugatus - - 2. Stuprum; quia Berta est virgo. 3. Incestus; quia est consanguinea. 4. Sacrilegium; quia est Religiosa. 5. Sodomia imperfecta, quia indebito modo congregitur; immo posset esse Raptus, si violenter abducta fuisset e Claustro.

Ut permixtio secundum actum exteriorem cognoscatur, debet attendi circumstantia personarum, vel suppositorum, cum quibus fit congressus; an personæ sint solutæ; an sint conjugatæ; an sint religiosæ; an sint affines; an sint ejusdem sexus; an sint ejusdem speciei.

Ut permixtio secundum affectum interiorem cognoscatur, attendi debet intentio & affectus peccantis, v. g. intentio polluentis se: an polluens concupiverit virginem Religiosam; quia tunc pollutio in actu habet malitiam molitiei, in affectu habet malitiam stupri, & sacrilegii; an congregiendi in actuali copula cum una persona, habuerit in affectu aliam; quia tunc congressus in actu habet malitiam illius concubitus, qui exereatur, & in affectu habet malitiam congressus, qui desideratur: v. g. qui congregitur cum meretrice concupiscens matrem suam conjugatam, elicit actum, qui habet ma-

malitiam fornicationis in re, & in affectu malitiam adulterii & incestus.

## ARTICULUS V.

*De diversis actibus imperfectis luxuriæ.*

Actus imperfecti luxuriæ sunt colloquia obscœna, tactus lascivi, oscula lasciva, amplexus lascivi, aspectus obscœnorum; quia illa omnia ordinantur ad luxuriam.

Illi actus imperfecti exterius considerati sunt in eadem specie, in qua sunt personæ, a quibus & circa quas exercentur: v. g. si fiant a personis solutis, pertinent ad fornicationem; si fiant ab una persona conjugata, & altera soluta, pertinent ad simplex adulterium; si fiant a duobus personis, non ad invicem conjugatis, pertinent ad duplex adulterium: & sic inductive.

Illi actus imperfecti considerati secundum affectum, habent malitiam luxuriæ, quæ intenditur -- Sic tactus, oscula, &c. facta a duabus personis solutis, intendentibus & desiderantibus personam Religiosam, habent in se malitiam reductam ad fornicationem, & malitiam reductam ad sacrilegium.

## CAPUT III.

*Quod & quale peccatum sit luxuries in genere, & quælibet species luxuriæ.*

## ARTICULUS I.

*An actus venereus sit licitus in legitimo matrimonio: & quale peccatum sit extra legitimum matrimonium.*

*Prop. I.* Usus matrimonii, si fiat ordinate, non est illicitus; quin immo potest esse sanctus & meritorius.

*Prob. I.* Ex Script. His autem, inquit Paulus, qui matrimonio juncti sunt, præcipio non ego, sed Dominus, uxorem a viro non discedere -- Si acceperis uxorem, non peccasti, & si nupserit virgo, non peccavit: I. ad Cor. 7. Rursus. Honorabile connubium in omnibus, & thorus immaculatus: ad Hebr. 13. Ergo usus matrimonii, si fiat ordinate, non est peccatum.

*P. Bejombes Mor. Chr. Tom. II.*

K

2. Ex



2. Ex Synodo Gangrensi can. 1. *Si quis vituperat nuptias, & dormientem cum viro suo fidelem ac religiosam detestatur, aut culpabilem aestimat, velut quæ in regnum Dei introire non possit, anathema sit.*

3. Ex Aug. *Conjugalis concubitus generandi gratia non habet culpam: concupiscentiæ vero satiandæ, sed tamen cum conjuge propter thori fidem, venialem habet culpam: adulterium vero sive fornicatio, lethalem habet culpam:* lib. de bono conjugali c. 6. Ergo usus matrimonii non est ex se illicitus.

4. Ex D. Thom. *Si ad actum matrimonialem virtus inducat vel iustitiæ, ut debitum reddat, vel religionis, ut proles ad cultum Dei procreetur, est meritorius:* in 4. Sentent. dist. 26. q. 1. a. 4.

5. Rat. Prima ratio. Matrimonium, ut est officium naturæ, a Deo institutum est, juxta illud: *Masculum & feminam creavit eos, benedixitque illis Deus, dicens: Crescite & multiplicamini:* Genes. 2. In lege vero Evangelica Christus matrimonium erexit ad perfectionem sacramenti, ut fides docet: Ergo usus sacramenti factus juxta regulas rationis, non potest esse illicitus. Ideo tum in lege Evangelica, tum Mosaica multi fuerunt sanctissimi conjugati.

Secunda ratio. Sicut ad conservationem vitæ unius hominis ordinatur usus ciborum; ita ad conservationem totius humani generis ordinatur usus venereorum: Ergo sicuti uti cibus juxta regulas rationis non est peccatum; ita nec uti matrimonio -- De hoc agemus infra, ubi de usu matrimonii.

Prop. 2. Omnis actus completus luxuriæ extra legitimum matrimonium est peccatum mortale, tanto gravius, quanto species luxuriæ est deformior.

In hoc enim genere peccati non datur parvitas materiæ, ut diximus; ob effranem quippe concupiscentiæ impetum actus libidinosi imperfecti ad perfectos trahunt, & certo periculo exponunt; exponere autem se periculo peccandi mortaliter, est peccatum mortale.

Prob. 1. Ex Script. *Neque fornicarii, neque adulteri, neque molles, neque masculorum concubitores, Regnum Dei possidebunt:* 1. ad Cor. cap. 6. Ergo cum luxuries excludat a regno Cælorum, est peccatum mortale.

2. Ex

2. Ex Aug. *Nomine mœchia omnis illicitus concubitus, atque illorum membrorum non legitimus usus, prohibitus debet intelligi: lib. 2. quæst. in Exodum, quæst.*

71. Ergo si mœchia sit peccatum mortale, mortale erit pariter peccatum omnis actus luxuriæ completus, cum juxta phrasim Scripturæ, mœchia nuncupetur.

3. Ex D. Thom. *Inordinatio circa emissionem seminis est circa vitam hominis in potentia propinqua; unde manifestum est, quod omnis actus luxuriæ inordinatus est peccatum mortale ex suo genere: q. 15. de malo art. II.*

4. Rat. Omnis inordinata seminis humani effusio, etiam si fiat modo naturali, qualis est fornicatio, adulterium, bono naturæ officit: officit enim proli nascituræ, quatenus sanctæ ejus educationi non sufficienter providetur. Si repugnet bono naturæ; ergo repugnat bono universali. Si repugnat bono universali, est peccatum mortale: quia quod est contra bonum universale, non potest esse leve peccatum.

Prop. 3. Luxuria est tanto gravior, quanto persona exerceans actum luxuriæ, debet esse a peccato remotior.

Prob. 1. Ex Script. Daniel 13. ostendit gravitatem luxuriæ duorum senum concupiscentium Susannam, modo ex ætate, modo ex conditione judicium. Dixit enim primo: *Inveterate dierum malorum -- Judicans judicia injusta & innocentes opprimens*: Secundo vero: *semen Chanaan & non Juda*. Ergo gravior est luxuria, quo persona debet esse a peccato remotior.

2. Ex Conc. Ancyrano can. 16. In quo pœnitentiæ publicæ addicuntur omnes peccantes luxuriose: sed gravioribus pœnitentiis subjiciuntur senes, quam juvenes; conjugati, quam non conjugati: Ergo censet Concilium peccatum eo esse gravius, quo persona debet esse ab eo peccato remotior.

3. Rat. Circumstantia personæ multum facit ad cognoscendam naturam peccati; quippe luxuries in senes enormior est, quam in juvene: in illo enim ratio est vegetior, concupiscentia debilior: in isto ratio infirmior, concupiscentia ardentior. Luxuries in conjugato est enormior, quam in soluto; quippe conjugatus remedium habet, quo extinguat libidinem, non

vero solutus. Luxuries gravior est in persona sacra, quam in laico; quia in illa est sacrilegium, minime vero in alio. Ergo eo est gravior luxuria, quo persona peccans debet esse ab illo peccato remotior.

### Confectoria hujus doctrinæ.

*Confect. 1.* Usus matrimonii inter conjugatos potest fieri nedum licite, sed etiam sancte, modo sistant intra limites matrimonii. Quinam sint illi limites dicetur infra.

*Confect. 2.* Omnis actus completus luxuriæ est peccatum mortale, tanto gravius, quanto persona debet esse a peccato remotior; & ita attente considerandæ sunt personæ & a quibus, & circa quas peccata carnalia committuntur.

*Confect. 3.* Omnis actus completus luxuriæ est peccatum mortale, etiam si fiat modo naturali, gravius tamen quanto species luxuriæ est deformior: & ita examinandæ sunt omnes illæ species.

*Confect. 4.* Fornicatio, stuprum, raptus, adulterium, incestus, sacrilegium sunt peccata mortalia, quia sunt species luxuriæ - De quibus sigillatim.

## ARTICULUS II.

### De Fornicatione.

*Prop. unica.* Fornicatio, seu concubitus naturalis soluti cum soluta, est peccatum mortale. Propositio pertinet ad fidem: definita est in Clement. *ad nostras* de hæreticis.

*Prob. 1.* Ex Script. Hoc vitium in novo Testamento prohibetur simul cum idololatria. Act. 15. v. 29. *Abstinete vos ab immolatis simulacrorum, & sanguine, & suffocato, & fornicatione:* Ergo cum idololatria sit peccatum mortale; ergo & fornicatio. Et eadem Scriptura ait: *Fornicatio & immundities nomen in vobis:* ad Ephes. 5. v. 3. *Omnis fornicator aut immundus non habebit hereditatem in regno Christi & Dei:* ad Ephes. 5. v. 4. Immo in veteri lege fornicatio prohibita est. *Non erit meretrix de filiabus Israel:* Deut. c. 23. v. 17. *Attende tibi ab omni fornicatione:* Tob. 4. v. 13. Ergo.



2. Ex Concilio Viennensi, ubi damnata est hæc propositio: *Mulieris osculum, cum ad hoc non inclinet natura, est mortale peccatum; actus autem carnalis, cum ad hoc natura inclinet, peccatum non est, maxime cum tentatur exercens.*

3. Ex Aug. *Adulterium vero sive fornicatio lethalem habet culpam:* Lib. de bono conjug. cap. 6.

4. Ex D. Th. *Cum fornicatio sit concubitus vagus, ut pote præter matrimonium existens, est contra bonum prolis educandæ, & ideo est peccatum mortale:* 2. 2. q. 154. a. 2. Nec obstat, quod per accidens contingat aliquando prolem ex fornicaria copula propagatam bene educari, quin & dari; quia de rebus judicandum est secundum ea, quæ eis conveniunt *per se*, & non secundum ea, quæ eis contingunt *per accidens*.

5. Rat. Fornicatio est contra vitam hominis nascituri, cum sanctæ ejus educationi non sufficienter provideatur: ergo est peccatum mortale; quia peccatum contra vitam tum nostram, tum alterius est peccatum mortale: ideo Ecclesiastici 15. v. 3. dicitur: *Qui se jungit fornicariis, erit nequam.*

### Confectaria hujus Doctrinæ.

*Confect. 1.* Gravior est fornicatio promiscua, quam furtiva . . . quia promiscue se offerens cuilibet venienti, magis impedit generationem, quam si uni soli se subiceret; quia, dum plures coeunt, unus destruit, quod alius fecerat; & proinde hæc species fornicationis, utpote magis opposita generationi, est gravior.

*Confect. 2.* Gravior est concubinatus, quam simplex fornicatio; quia addit supra simplicem fornicationem consuetudinem fornicationis, & retentionem concubinæ, quasi uxor esset. Concubinarij, si sint Laici, excommunicandi sunt; si sint Clerici, nisi resipiscant, suis sunt beneficiis privandi: Trident. sess. 24. de reformatione. cap. 8.

*Confect. 3.* Concubinarij non sunt absolvendi, nisi prius concubinas rejecerint; quia sunt in proxima occasione peccandi; ita jubet Trid. statuens eos, *Si concubinas non ejecerint, seque ab earum consuetudine*

*non sejunxerint, excommunicatione feriendos esse, a qua non absolvantur, donec reipsa admonitioni factæ paruerint: Conc. Trid. sess. 24. cap. 8.*

## ARTICULUS III.

### *De Stupro.*

**Prop.** unica. Stuprum, seu illicita defloratio virginis, est peccatum mortale gravius simplici fornicatione.

**Prob.** 1. Ex Script. Deut. 22. v. 28. dicitur: *Si inveni-  
nerit vir puellam virginem, quæ non habet sponsum, &  
apprehendens concuberit cum illa, & res ad iudicium  
venerit, dabit qui dormivit cum ea patri puellæ quin-  
quaginta siclos argenti, & habebit eam uxorem, quia  
humiliavit illam, & non poterit dimittere cunctis die-  
bus vitæ suæ. Si vero virgo stuprum patiens invita fue-  
rit desponsata, ipse stuprator morietur solus: ibidem  
v. 25. Ergo signum est stuprum gravius esse fornicatione  
simplici.*

2. Comparatione stupri cum fornicatione. Stuprum est peccatum mortale. 1. Quia involvit malitiam fornicationis. 2. Est peccatum gravius fornicatione, quia supra fornicationem addit injuriam factam virgini; corrumpit enim ejus integritatem virginalem. 3. Impedit virginem a legitimo matrimonio consequendo, eamque exponit periculo meretricii. 4. Injuria fit insuper parentibus, qui ejus curam gerunt; patri enim dicitur: *Super luxuriosam filiam confirma custodiam, ne quando faciat te in opprobrium venire inimicis: Eccli. 42. v. 11.* Ergo stuprum est peccatum mortale longe gravius fornicatione.

### Confectaria hujus Doctrinæ.

**Consect.** 1. Stuprator gravius peccat quam simplex fornicator. *Stuprum enim, inquit D. Th. 2. 2. q. 154. art. 6. superaddit simplici fornicationi specialem deformitatem in specie luxuriæ.*

An vero hæc circumstantia sit necessario confitenda, non ita certum est. Multi graves authores putant, non esse necessario confitendam, si nulla in stupro intervenerit violentia, nec ex stupro nascatur obligatio restitutionis, quia, inquiunt, hæc deformitas  
stupri

stupri non addit semper supra fornicationem circumstantiam mortaliter culpabilem; tum etiam quia difficillime sciri potest, an adolescentulæ, quæ corporis sui copiam faciunt, sint virgines nec ne: maxime autem, inquirunt, molestum esset Confessariis interrogare adolescentes, an ea, quæ fuit objectum morosæ delectationis, sit virgo.

*Consect.* 2. Qui violenter stuprum infert, gravius peccat eo, qui consentientem commaculat; quia stupro addit violentiam.

*Consect.* 3. Qui fictis promissis, importunis precibus, longo temporis intervallo virginem pellicit ad peccatum, gravissime peccat: & hæc circumstantia pertinacis tentationis aperienda est in confessione, quia denotat perseverantem, in peccando voluntatem.

## ARTICULUS IV.

### De Adulterio.

*Prop. unica.* Adulterium, seu accessus ad alienum thorum, seu concubitus cum persona non comparte, est peccatum mortale.

*Prob.* 1. Ex Scriptura: Job. 31. v. 11. ait: Adulterium nefas est, & iniquitas maxima. Paulus vero declarat quod, Fornicatores & adulteros judicabit Dominus: ad Hebræos 13. v. 4. Ergo adulterium est peccatum mortale.

2. Ex multiplici pœna contra adulterium destinata. Adulterium omnis lex tamquam scelus gravissimum prohibet. Adulterium vetat lex naturalis, ut patet exemplo Abimelech, sic Isaac alloquentis: *Perspicuum est, quod uxor tua sit: cur mentitus es eam sororem tuam esse? quare imposuisti nobis? potuit coire quispiam de populo cum uxore tua, & induxeras super nos grande peccatum.* Præcepitque omni populo, dicens: qui tetigerit hominis hujus uxorem, morte morietur: Gen. 26. v. 9. Lex Mosæica sic habet: Lev. 20. v. 10. Si mæchatus quis fuerit cum uxore alterius, & adulterium perpetraverit cum conjugē proximi sui, morte moriantur & mæchus & adultera. Lex Evangelica non mortem temporalem, sed æternam minuitur: *Fornicatores & adul-*



teri Regnum Dei non possidebunt. Lex canonica adulteris in totum pœnitentiæ locum clausit, juxta Cypr. epist. 52. vel tantum in fine vitæ dandam communionem decrevit. Lex civilis pari similique ratione sacrilegos nuptiarum, tamquam manifestos parricidas, insuere culco vivos, vel exurere judicavit, ut dicit Codex Theod. Ergo adulterium vetatur gravibus pœnis: ergo est peccatum mortale.

3. *Rat.* Gravitas adulterii sumi potest ex variis circumstantiis, quas percurrit Eccles. 23. v. 33. Adulter vel adultera, *Primo in lege Altissimi incredibilis fuit: Secundo in verum suum deliquit: Tercio in adulterio fornicata est: Et ex alio viro filios statuit sibi.* Addamus nos, quod in lege christiana Sacramentum matrimonii, quod est figura unionis Christi cum Ecclesia, suo peccato violavit.

### Confestaria hujus Doctrinæ.

*Confest. 1.* Adulterium committitur, cum conjugati habent copulam cum alio, quam cum comparte, etiam ante matrimonium consummatum; quia matrimonium ratum non potest solvi, nisi per ingressum in Religionem.

*Confest. 2.* Adulterium est peccatum gravius specifice, quam simplex fornicatio: & ita hæc circumstantia, utpote varians speciem, debet necessario declarari in confessione.

*Confest. 3.* Adulterium est gravius, quando utraque persona peccans est ligata matrimonio, quam si altera est soluta; quia tunc adulterium est duplex ex parte utriusque personæ.

*Confest. 4.* Adulterium committit, qui tradit corpus in copula, licet compars consentiat: quia adulterium necesse est ad alienum thorum: vinculum enim Sacramenti non solvitur, nisi per mortem, juxta illud Pauli: *Qui sub viro est mulier, vivente viro, a ligata est legi: si autem mortuus fuerit vir ejus, soluta est a lege viri.* Igitur, vivente viro, vocabitur adultera, si fuerit cum alio viro: ad Rom. 7. v. 2. Quapropter damnata est hæc propositio: *Copula cum conjugata, consentiente marito, non est adulterium; ideoque sufficit in confessione dicere,*

se esse fornicatum. Idem docet Aug. lib. 22. cont. Faust. cap. 3.

*Consect.* 5. Quando desponsati copulam habent, non cum parte, cui desponsati sunt, sed cum altera, non proprie adulterium committunt, sed peccatum committunt, quod videtur ad adulterium pertinere; quia violant fidem in sponfalibus promissam.

*Monit.* Si attendatur prolis incertitudo, quia adulterium uxoris reddit prolem incertam, gravius est adulterium in muliere quam in viro; sed absolute loquendo adulterium est gravius in viro, quam in muliere; quia vir caput est mulieris, debetque vir uxori exemplo præluere; & uti est mente fortior, ita debet esse a libidine remotior: ideo ait Aug. Tanto gravius eos, id est viros, puniri oportet, quanto magis ad eos pertinet virtute vincere, & exemplo regere feminas: Lib. de adult. conjug. c. 3. 88.

## ARTICULUS V.

### De Sacrilegio.

*Prop.* unica. Sacrilegium carnale, seu luxuria, quæ vel persona Deo sacra, vel locus sacer per actum venereum fœdatur, est peccatum mortale, tanto gravius, quanto persona est Deo solemnitus consecrata, & locus est Sanctuario propinquior.

*Prob.* 1. Ex comparatione sacrilegii cum fornicatione. Sacrilegium habet deformitatem fornicationis, & insuper violationem rei sacræ: ergo est peccatum mortale.

2. Ex pœnis contra illud vitium destinatis. Sacrilegium carnale gravibus pœnis Deus in veteri lege punivit, ut patet exemplo Ophni & Phinees, Heli filiorum: de quibus dicitur: *Dormiebant cum mulieribus, quæ observabant ad ostium tabernaculi*: 1. Reg. 2. v. 22. Quod scelus ita arguit Heli: *Si peccavit vir in virum, placari ei potest Deus: si autem in Dominum peccaverit vir, quis orabit pro eo? Et non audierunt vocem patris; quia voluit Dominus occidere eos*: Ibid. v. 25.

Gentiles ipsi sacrilegium carnale sæva morte punitum voluerunt; ut patet exemplo filix Vestalis corruptæ, quæ viva sepulta est.

Jus vero Canonicum Clericos lapsos in peccatum carnale a suo gradu dejicit; Monachos & Moniales e monasterio eliminat, & carceri addicit. Clericus, qui post acceptum sacrum Ordinem in peccatum carnis lapsus fuerit, sacro Ordine ita careat, ut ad Altaris ministerium ulterius non accedat: Greg. lib. 3. epist. 26. ad Januarium. Et Canon Impudicas, ita habet: *Impudicas, detestabilesque personas Monachorum, & Monacharum, quæ abjecto proposito sanctitatis, illicita & sacrilega contagione se miscuerunt, a Monasteriorum catu, Ecclesiarumque conventibus eliminandas esse mandamus.* Quæ omnia denotant, sacrilegium peccatum esse gravissimum.

Quod idem peccatum crescat vel ratione personæ, vel ratione loci, patet; quia quo persona est Deo magis sacra, & locus est Sanctuario propinquior, eo major irrogatur injuria Deo totius sanctitatis fonti.

### Confectaria hujus Doctrinæ.

*Consect. 1.* In uno sacrilegio possunt esse diversæ species luxuriæ ob diversas deformitates, quæ in uno & eodem actu concurrunt: ita docet D. Thom. 2. 2. q. 154. a. 10. ad 2. *Sacrilegium est species luxuriæ secundum quod ordinatur ad alterius vitii finem, & potest concurrere cum diversis luxuriæ speciebus. Si enim aliquis abutatur persona conjuncta sibi secundum spiritualem cognationem in Baptismo & Confirmatione, committit sacrilegium ad modum incestus: si autem abutatur virgine Deo sacrata, in quantum est sponsa Christi, est sacrilegium per modum adulterii: in quantum vero est sub spiritualis Patris cura constituta, erit quoddam spirituale stuprum: & si violentia inferatur, erit spiritualis raptus: qui etiam secundum Leges civiles gravius punitur, quam alius raptus, scilicet, pœna capitali.*

*Consect. 2.* Sacrilegium gravius est, cum utraque personæ est Deo sacra, quam si altera esset tantum Deo consecrata; quia in priori casu duplex consecratio violatur, in secundo unica.

*Consect. 3.* Gravius est sacrilegium commissum per personam ligatam voto solemnî, quam ligatam voto simplici: quia votum solemnne habet fortio rem obligationem apud Deum, quam votum simplex; & gravius peccat, qui illud



*illud transgreditur: D. Th. 2. 2. q. 88. a. 7. ad 2. Quamvis tamen utriusque voti transgressor peccet mortaliter, ut docet ibid. D. Thom.*

*Confess. 4.* Gravius est sacrilegium Sacerdotis, Diaconi, Subdiaconi, & Monachi, quam Sacerdotis, Diaconi, vel Subdiaconi præcise sæcularis; quia votum solemne Monachi est essentialiter annexum statui Monachatus, minime vero statui Ecclesiastico. Et ideo dicunt, quod per Ecclesiam potest dispensari in voto continentiae solemnizato per susceptionem sacri Ordinis, & non potest dispensari in voto solemnizato per professionem Religionis: ita D. Thom. 2. 2. q. 88. ad 11. in corp.

*Confess. 5.* Gravissimum est sacrilegium Sacerdotis cum filia spiritali, seu cum sua pœnitente commissum, cum utitur sacramento pœnitentiæ ad illam provocandam ad libidinem; quia, ut ait Gregorius XV. *Cum Sacerdos tunc sacrosancto Pœnitentiæ sacramento abutatur, ac pro Medicina venenum, pro pane aspidem porrigat, & ex celesti medico infernalis veneficus, ex Patre spiritali proditor execrabilis animarum reddatur.*

Hujusmodi Confessarii sollicitantes pœnitentes, vi Decretorum & Bullarum Clementis VIII. & Pauli V. & Pii IV. & Gregor. XV. ubi hujusmodi Decreta recepta sunt & vigent, *denuntiandi sunt a pœnitentibus* Inquisitoribus, ubi viget inquisitio, vel Episcopis, ubi non viget Inquisitio; adeo ut fœmina sollicitata ad luxuriam, masculus sollicitatus ad Sodomiam per suum Confessarium, vi illarum Constitutionum absolvi non possint sacramentaliter, nisi prius Confessarium sollicitantem denuntiaverint; nec tollitur illa obligatio per hoc quod tradatur charta sollicitans extra confessionem, vel per hoc quod mulier ad peccatum pellecta ipsi Confessario pellicienti confiteatur, ut determinavit Alexander VII. Ast ubi hæ Constitutiones aut non vigent, aut non receptæ sunt, manet semper obligatio naturalis, qua quilibet tenetur damna Reipublicæ impedire, & malefactores, si non destiterint, denuntiare per media, quæ viris prudentibus judicabuntur aptiora. Ita evincunt sequentes propositiones damnatæ ab Alexandro septimo. *Confessarius, qui in sacramentali Confessione tribuit pœnitenti chartam postea legendam, in*  
qua

qua ad venerem incitat, non censetur sollicitasse in Confessione, ac proinde non denuntiandus est.

Modus evadendi obligationem denuntiandæ sollicitationis est, si sollicitatus confiteatur cum sollicitante, hic potest ipsum absolvere absque onere denuntiationis.

Hinc patet, merito per sanctum Carolum prohibitum esse Confessariis, ne confessiones audiant illarum personarum, cum quibus peccaverunt; nam jus commune id non prohibet, ut dicetur fusius ubi de Sacramento Confessionis.

## ARTICULUS VI.

### De incestu.

**Prop.** unica. Incestus, seu luxuriæ peccatum cum consanguinea, vel affini intra gradus prohibitos, est peccatum mortale gravius fornicatione.

**Prob.** I. Comparatione incestus cum fornicatione. Incestus præter deformitatem fornicationis importat violationem honoris, qui parentele debetur: unde Aug. lib. 15. de Civit. c. 16. *Nescio quomodo inest humanæ verecundiæ quiddam naturale, atque laudabile, ut cui debet causa propinquitatis verecundum honorem ab ea contineat: Et Levit. 18. v. 6. dicitur: Omnis homo ad proximam sanguinis sui non accedat, ut revelet turpitudinem ejus, Ego Dominus . . . . Ergo est peccatum mortale.*

2. Ex pœnis incestui destinatis. Deus maledictionem incestuosus minitatur: *Maledictus qui dormit cum uxore patris sui, & revelat operimentum lectuli ejus: & dicet omnis populus, Amen: Deut. 27. v. 20. & D. Paulus Corinthium incestuosum excommunicavit: I. ad Corinth. & jam incestus ut plurimum est casus reservatus. Quæ omnia denotant quam grave sit crimen incestus.*

### Confessaria hujus Doctrinæ.

**Confess.** I. In confessione aperiendus est gradus consanguinitatis, vel affinitatis; quo enim propinquior est persona consanguinea, vel affinis, eo gravius luxuriæ peccatum, quod cum ea committitur.

Sic

Sic gravius est peccatum luxuriæ cum matre, quam cum sorore; major enim debetur honorificentia matri, quam sorori: item majus est peccatum cum sorore, quam cum consobrina, &c. Quamvis enim omnes incestus sint ejusdem speciei, ut videtur docere D. Th. tamen notabiliter gravior incestus cum consanguinea quam cum affini, & cum consanguinea vel affini in primo gradu quam in secundo: Ergo id explicandum est in confessione; etenim circumstantiæ notabiliter aggravantes confitendæ sunt.

*Consect.* 2. In confessione aperiendus est gradus consanguinitatis, vel affinitatis, quo inducitur impedimentum matrimonio, ne, qui incestuose peccaverunt, ob illud silentium invalide contrahant. Consanguinitas autem prohibens matrimonium inter consanguineos, & affinitas orta ex copula licita prohibens matrimonium inter affines, olim usque ad septimum, jam vero usque ad quartum gradum solum extenditur. Ita cap. *Non debet*, de consanguinitate, & affinitate, ubi sic habetur: *Prohibitio quoque copulae conjugalæ quartum consanguinitatis & affinitatis gradum de cetero non excedat: quoniam in ulterioribus gradibus jam non potest absque gravi dispendio hujusmodi prohibitio generaliter observari.* Affinitas vero orta ex copula illicita ex Trid. sess. 24. de reform. c. 4. usque ad secundum gradum solum extenditur, ubi sic habetur: *Synodus impedimentum, quod propter affinitatem ex fornicatione contractam inducitur, & matrimonium postea factum dirimit, ad eos tantum, qui in primo & secundo gradu conjunguntur, restringit.*

## ARTICULUS VII.

### De Raptu.

*Prop.* unica. Raptus, seu peccatum luxuriæ, quo persona aliqua abducitur cum violentia ad turpem actum cum ea exercendum, est peccatum luxuriæ longe gravius fornicatione.

*Prob.* I. Comparando raptum cum simplici fornicatione. Raptus præter deformitatem fornicationis, habet deformitatem violentiæ, quæ procedit ex magni-

tudini-



tudine concupiscentiæ, ex qua aliquis non refugit periculo se injicere violentiæ inferendæ: D. Thom. 2. q. 154. a. 7. ad 2. Ergo raptus est peccatum mortale longe gravius fornicatione.

2. Ex pœnis contra raptum destinatis. Raptores puellarum in lege etiam naturæ non impuniti relictæ sunt, ut patet exemplo Sichimitarum, qui ob vim illatam Dinæ a filiis Jacob omnino deleti sunt. In lege Mosæ: *Vir, qui desponsatam puellam apprehendens concubuerit cum ea, morti addicebatur*: Deut. c. 22. v. 23. a fortiori, si rapiens abduxisset. Jure Canonico, raptores mulierum, si sint Clerici, deponuntur, si Laici, excommunicantur: *Qui rapiunt mulieres prætextu conjugii, Et adjutores, ac consentientes, si Clerici sunt, decidant a gradu suo: si Laici, anathematizentur*. Chalcedonenſe Concil. Can. 27. idem Trid. ſeſſ. 24. de reformatione c. 6. Jus civile raptozem infuſione liquentiſ plumbi plecti edicit, ſive invitam rapuerit, ſive volentem abduxerit: ita Codex Theodoſianus. Et Juſtinianus raptores capite plectendos decernit, eorumque adjutores, & fautores. Quæ omnia denotant, quam grave ſit crimen raptus.

### Conſectaria hujus doctrinæ.

*Conſect. 1.* Qui feminam, aut virum invitos explendæ libidinis deſiderio abducunt, rei ſunt raptus.

*Conſect. 2.* Pœnas latas contra raptores incurrunt etiam, qui puellam ſeducatam, quamvis conſentientem, interis aut diſſentientibus parentibus, vel iis, qui loco parentum ſunt, abducunt; leges enim contra raptum non ſolum ſunt in favorem puellarum, ſed etiam parentum: ita tenent Conc. Aurelianenſe I. Can. 2. & Cod. Theod. lib. 9. tit. 24. de Raptu.

*Conſect. 3.* Ejusdem criminis reus pariter habendus eſt deſponſatus, qui poſt celebrata ſpontialia vellet ſponſam etiam volentem e paterna domo abducere vel ut libidinem compleret, vel ut ad perficiendum matrimonium nolentem cogeret; ſed non eſſet raptor, ſi nullo ex his motivis ſponſam etiam nolentem abduceret, quamvis graviter peccaret: ita D. Thom. 2. 2. q. 154. a. 7. ad 4. *Sponſus ex ipſa deſponſatione habet aliquod jus in ſua ſponſa; idco quamvis peccet, violentiam inferendo.*

ex-

*De sexto & nono Decalogi Præcepto.* 159  
*excusatur tamen a crimine raptus. Idem tenet Gela-*  
*sius Papa caus. 36. q. 1. Can. Lex illa. . .*

## CAPUT IV.

*De speciebus luxuriæ contra naturam.*

### ARTICULUS I.

*An & quale peccatum sit actus luxuriosus contra naturam.*

*Prop. unica.* Omnis actus completus luxuriæ, quæ est contra naturam, est peccatum mortale gravius & turpius quocumque peccato luxuriæ, quæ non est contra naturam.

*Prob. 1.* Ex Script. Luxuria contra naturam peccatum est, quod nominari non licet: *Quæ enim in occulto fiunt ab ipsis, turpe est & dicere:* ad Ephes. 5. v. 12. Ergo est peccatum mortale.

2. Ex Patribus. Tertullianus lib. de pudicitia vocat peccata illa: *Libidinum furias impias:* quia non sunt delicta, sed monstra. Et Aug. lib. 3. Confess. cap. 8. ait: *Flagitia, quæ sunt contra naturam, ubique ac semper detestanda, atque punienda sunt.*

3. Ex D. Thom. 2. 2. q. 154. art. 12. ad 2. *Vitia contra naturam tanto sunt graviora jacrilegii corruptela, quanto ordo nature humane inditus est prior & stabilior, quam quilibet alius ordo superadditus.*

4. Ex rat. D. Thom. In quolibet genere pessima est principii corruptio, ex quo alia descendunt. . . . Et ideo sicut in speculativis error circa prima principia est gravissimus, & turpissimus, ita & in practicis; & ideo vitium contra naturam est gravissimum & turpissimum: ibid. in corp.

5. Rat. D. Augustini, quæ his verbis exprimitur: *Violatur quippe ipsa societas, quæ cum Deo nobis est: cum eadem natura, cujus ille auctor est, libidinis per-versitate polluitur:* Confess. lib. 3. cap. 8.

### Consectaria hujus Doctrinæ.

*Consect. unicum.* Ex dictis sequitur, quod mollities, sodomitia imperfecta, & sodomia perfecta, bestialitas,  
lunt

sint peccata graviora aliis peccatis luxuriæ, quæ sunt secundum naturam: de quibus sigillatim agendum.

## ARTICULUS II.

### De Mollitie.

*Prop.* unica. Mollities plane voluntaria vel in se, vel in causa, est peccatum mortale; imperfecte vero volita vel in se, vel in causa, est peccatum veniale.

*Prob.* 1. Ex Script. *Neque fornicarii, neque adulteri, neque molles, neque masculorum concubitores Regnum Dei possidebunt:* 1. Cor. 6. v. 9. Deinde Onan polluebat se, sciens non sibi nasci filios. *Et ideo percussit eum Dominus, eo quod rem detestabilem faceret:* Gen. 38. v. 9. Ergo mollities est peccatum mortale, cum excludat a regno celorum.

2. *Rat.* D. Thom. Actus genitalium membrorum, ex quo nunquam potest sequi generatio, est vitium contra naturam: actus autem prædictorum membrorum factus extra commixtionem maris & feminae est talis, ut ex eo sequi nequeat generatio proles: ergo est peccatum mortale gravissimum: ita q. 15. de malo art. 3.

3. *Rat.* Aug. Per mollitiem fit, ut *momento ipso temporis, quo ad ejus pervenitur extremum, pene omnis acies, & quasi vigilia cogitationis obruatur:* Lib. 14. de civit. Dei c. 16. Ergo cum rationem obruat, qua homo debet se dirigere, est peccatum mortale.

4. Damnata est hæc propositio a Papa & Clero Gallicano: *Mollities jure naturæ prohibita non est: unde si Deus eam non interdixisset, sæpe esset bona, & aliquando obligatoria sub mortali:* Ergo, cum pollutio jure naturæ prohibeatur, & sit in eo genere peccati, in quo non est parvitas materiæ, pollutio debet esse peccatum mortale.

### Confectaria hujus Doctrinæ.

*Consect.* 1. Peccatum mortale est mollities Quietistarum, apud quos nihil refert, quid sentius agat, quid patiatur, modo animus Deo conjungatur; quia ficta illa cum Deo adhesio mollitiem ab intrinseco malam, licitam reddere non potest; & qui adharet Deo, tales spurcitas non fovet, sed perhorrescit, juxta illud Pauli:

*Spiri-*



*Spiritu ambulate, & desideria carnis non perficietis . . . . Manifesta sunt opera carnis, quæ sunt immunditia, impudicitia, luxuria . . . . Qui talia agunt, Regnum Dei non consequentur : Gal. 5. v. 16.*

*Consect. 2.* Peccatum mortale est mollities, quam sibi quis procurat, putans erronee eam esse licitam; quia lex naturæ non potest ab adalto quoad hanc prohibitionem invincibiliter ignorari. Exemplum habemus hujus veritatis in Petro Damiano, lib. Gomorrhiano cap. 20. ubi dicitur, quod Eremitæ cuidam suggestum est per diabolum, ut quandocumque libidine utillaretur, sic semen detritu genitalis membri egerere deberet, & tanquam phlegma de naribus projiceret, quia ob id dæmonibus moriens, vidente socio, traditus est.

*Consect. 3.* Peccatum mortale est mollities eveniens vigilanti cum deliberato consensu illius, etiamsi intendere-  
retur sola sanitatis causa; quia tunc, utpote libera, est peccatum. Cum autem sit ista consensio, tunc exit ex ore cordis quod coinquinat hominem: Aug. lib. de continentia c. 2. Et Antoninus 2. Parte tit. 6. cap. 5. Si in vigilia quis voluntarie se pollueret ob sanitatem solum, non excusaretur a mortali, quia facit directe contra finem intentum a natura, qui non est alius in emissionem seminis voluntaria, nisi generatio, quæ per illum motum sequi non potest.

*Consect. 4.* Peccatum mortale est mollities eveniens dormienti plane voluntaria vel antecedenter in causa, vel concomitanter in actu, vel consequenter in effectu: ita D. Th. Quandoque vero præcedentes cogitationes sunt cum concupiscentia & delectatione; & si adsit consensus, erit peccatum mortale in pollutione nocturna; si autem desit, erit veniale: 3. Part. q. 80. art. 7. in corp.

Potest tamen contingere, quod in ipsa vigilatione peccatum oriatur: si quidem pollutio propter delectationem placeat: quod quidem erit veniale peccatum, si sit ex jureptione talis placentia; mortale autem, si sit cum deliberante consensu, & præcipue cum appetitu futuri. Ista autem placentia non facit præteritam pollutionem peccatum; quia ipsius causa non est, sed ipsa in se peccatum: In 4. Dist. 9. q. 1. art. 4. Quæstion-  
cula 1. ad 1.

Et ita pollutio veniens ex causa mortaliter culpabili, v. g. veniens ex ebrietate, ex colloquio valde inhonesto, ex aspectu turpium, ex lectione lascivorum, ex valde inhonestâ corporis compositione, est peccatum mortale.

Pollutio vero veniens ex causa venialiter culpabili, v. g. ex levi excessu, vel in cibo, vel in potu, ex colloquio venialiter inhonesto, ex negligentia veniali præparationis ad devotionem, est peccatum veniale, ut docet D. Thom. 3. Par. ib.

*Consect.* 5. Pollutio omnino involuta vel in se, vel in causa, nullatenus est peccatum: ita D. Th. *Corporales motus non pertinent ad meritum, vel demeritum, nisi secundum quod a voluntate quasi a principio causantur; Et ideo si illi motus sint omnino involuntarii, non est peccatum.* Iterum idem D. Th. 2. 2. q. 154. art. 5. *In dormiendo ratio non habet liberum iudicium; unde id, quod agit homo dormiens, non imputatur ei ad culpam, sicut nec illud quod agit furiosus, aut amens: & ita in sequentibus casibus pollutio nullatenus est peccatum.*

1. Quando causatur ex malitia dæmonis tum per vigiliam, tum per somnum, commoventis imaginationem, & excitantis spiritus venereos.

2. Quando causatur ex debilitate naturæ non valentis efformatum semen retinere.

3. Quando causatur ex robore naturæ corruptum & superfluum semen expellentis.

4. Quando causatur ex cogitatione speculativa & necessaria; puta cum aliquis causa lectionis vel disputationis cogitur de talibus cogitare, qualis est Doctor & Confessarius, idque facit adhibitis prius precibus.

In illis casibus, si nulla sit in nobis complacentia, sed displicentia, nullum est peccatum, ut docet D. Thom. *ib. loc. cit.* 3. parte & in 4.

*Monit.* An licitum sit appetere pollutionem involuntariam, & gaudere de illa, prout est alleviatio naturæ, res est maxime dubia; nam hoc licet orare, quod licet desiderare: tamen Ecclesia non permittit, quod Deum oremus, ut pollutio in somnis eveniat, sed econtra dicimus; *Hostemque nostrum comprimere, ne polluantur corpora.* Itaque juxta Gerfo-

nium salubrius est Cogitationes circa rem divertere, quam habere.

## ARTICULUS III.

*De sodomia imperfecta.*

**Prop.** unica. Sodomia imperfecta, seu inordinatus concubitus, seu extra matrimonium, sive in matrimonio, quoties generatio prolis impeditur, est peccatum mortale gravius pollutione.

**Prob.** 1. Ex comparatione Sodomiae cum simplici pollutione. Sodomia præter pollutionis deformitatem habet & compartis scandalum, & inordinati concubitus defectum: ergo est peccatum mortale.

2. Ex Aug. lib. 2. de adulterinis conjugiiis cap. 12. *Illicite & turpius etiam cum legitima concumbitur, ubi prolis conceptio devitatur; quod faciebat Onan filius Jude, & occidit illum propter hoc Deus. Ergo sodomia etiam imperfecta est peccatum mortale.*

**Confectaria hujus Doctrinæ.**

**Confect.** 1. Inordinatus concubitus inter conjugatos est turpius, quam inter non conjugatos ob injuriam factam Sacramento. *Cum vir membro mulieris non ad hoc concessio uti voluerit, turpius est uxor, si in se, quam si in alia fieri permiserit.* Aug. de bono conjug. c. 11.

**Confect.** 2. Sodomia imperfecta, etsi gravissimum crimen sit, non tamen videtur esse casus reservatus ubi sodomia reservatur.

## ARTICULUS IV.

*De Sodomia perfecta.*

**Prop.** unica. Sodomia perfecta, seu concubitus cum persona ejusdem sexus, est peccatum mortale gravius pollutione, & inordinato concubitu.

**Prob.** 1. Ex comparatione Sodomiae cum simplici pollutione. Sodomia præter deformitatem pollutionis, habet inordinatum amorem ad personam ejusdem sexus.

2. Ex poënis contra sodomiam destinatis. Lex naturalis damnat illud vitium, ut patet ex Paulo sic loquente: *Feminae eorum immutaverunt naturalem usum, in eum usum, qui est contra naturam. Similiter autem*



*Et masculi, relicto naturali usu femine, exarserunt in desideriis suis in invicem, masculi in masculos turpitudinem operantes, Et mercedem, quam oportuit, erroris sui in semetipsis recipientes: ad Rom. cap. I. v. 26. ubi Apostolus vitium, quasi naturali lege damnatum, exhibet: & Deus in lege naturæ crimen illud igne & sulphure punivit: Dominus pluit super Sodomam & Gomorram sulphur & ignem: Geneseos 19. v. 34.*

*Lex Mosaica morti addixit Sodomitas. Qui dormierit cum masulo coitu femineo, uterque operatus est nefas, morte moriatur: sit sanguis eorum super eos: Levit. 20. v. 13.*

*Lex Evangelica impuros illos homines Cælorum Regno privat: Masculorum concubitores Regnum Dei non possidebunt: I. Corinth. 6. v. 10.*

*Lex civilis eos flammis addicit. Hujusmodi scelus spectante populo flammis vindicibus expiabunt: Lib. 9. Codicis Theodosiani.*

*Lex Canonica Clericos dejicit e Clero, & in Monasterium detrudit; laicos vero excommunicatione preclit: ita Lateran. III. cap. Clerici, de excessibus Prælatorum. Ergo signum est, Sodomiam perfectam gravissimum esse peccatum.*

### Confectaria hujus Doctrinæ.

*Confect. 1. Gravius peccat qui turpiter agit, quam qui turpiter patitur, ut vulgo docetur ab omnibus; sed quidquid sit de hoc*

*Confect. 2. Sodomia est peccatum gravius adulterio, incestu, &c. ut docet Aug. lib. I. de adulterinis conjugis, ubi sic habet: Omnium horum vitiorum est pessimum quod contra naturam fit.*

## CAPUT V.

*De actibus imperfectis luxuriæ.*

### ARTICULUS I.

*An peccatum sit, Et quale actus imperfectus luxuriæ.*

*Prop. unica. Actus imperfecti luxuriæ, v. g. morosa delectatio de rebus obscænis, aspectus libidinosi, ver-*

verba & colloquia lasciva, oscula lasciva, amplexus, tactus lascivi extra matrimonium, si hæc omnia fiant cum plena deliberatione, sunt peccatum mortale ejusdem speciei, in qua est actus exterior completus.

*Prob. 1. Ex Script.* Omnis, qui viderit mulierem ad concupiscendam eam, jam machatus est eam in corde suo: Matth. 5. v. 28. Ergo cum actus illi libidinosi comparentur cum mœchia, & mœchia sit peccatum mortale, illi actus sunt peccata mortalia.

2. *Rat.* Hujusmodi actus ex natura sua ordinantur ad delectationem veneream, quæ de se est peccatum mortale: Ergo sunt peccata mortalia.

### Confectaria hujus Doctrinæ.

*Confess. 1.* Illi actus involvunt malitiam unius duntaxat speciei, si ad unam tantum speciem ordinentur; multiplicis vero, si ad speciem multiplicem ordinentur.

Sic habent malitiam fornicationis, si tendant ad peccatum fornicationis; malitiam stupri, si tendant ad stuprum; malitiam mollicitiei, si tendant ad mollicitiem; malitiam sodomie, si tendant ad sodomiam; bestialitatis, si tendant ad bestialitatem.

## ARTICULUS II.

### De visu libidinoso.

*Prop. unica.* Aspectus libidinosi sunt peccata mortalia.

*Prob. 1. Ex Script.* Jerem. Thren. 3. v. 51. ait: Oculus meus depre-datus est animam meam; quia, ut explicat Greg. lib. 21. Mor. cap. 2. concupiscendo visibilia invisibiles virtutes amisit. D. vero Petrus sic arguit visus impudicos. Oculos, inquit, habentes plenos adulterii, & incessabilis delicti: 2. Petri v. 14. Ergo cum visus impudici perdant animam, & delictum incessabile attrahant, visus impudici sunt peccata mortalia.

2. *Ex Patribus.* Chrysost. sic habet: Qui studet eleganter facie inspicere, ipse præcipue fornacem sibi istius passionis accendit, & captivam faciens animam, ad opus quoque celeriter adducit: Homil. 17. in Matth. Tertull. Apolog. c. 46. describens, qualis esset Christianus sui temporis, sic loquitur: Christianus salvis oculis semina-

nam videt, animo adversus libidinem cæcus est. Ergo censet Christianum non esse, qui in aspectu libidinoso delectatur. Augustin. veritatem hanc firmat exemplo Davidis: *De longe vidit illam*, inquit, *in qua captus est, mulier longe, libido prope*: in Psal. 40. Ideo audiendus est Job. cap. 31. *Pepigi fœdus cum oculis meis, ut ne cogitarem quidem de virgine*. Audiendus est David Psal. 118. v. 37. *Averte oculos meos, ne videant vanitatem*. Audiendus Sapiens: *Virginem ne conspicias, ne forte scandalizeris in decore illius*: Ecclesiast. 9. v. 5.

3. Rat. Aspectus libidinosi ad libidinem illicitam provocant, juxta illud Eccli. 9. v. 9. *Propter speciem mulieris multi perierunt: Et ex hoc concupiscentia quasi ignis exardescit*. Ergo aspectus libidinosi plene deliberati, sunt peccata ex suo genere mortalia.

### Confessaria hujus doctrinæ.

Confess. 1. Peccant mortaliter qui absque necessitate & rationabili causa, v.g. medendi, &c. libidinosè intuentur eas alterius sexus partes, quæ ad libidinem excitant: tales sunt partes secretæ, quas pudor jubet operiri: de quo Chryl. in sermone de Joseph: *Job diabolum quidem videns non fugit, sed mansit sicut leo viribus fidens: virgine autem visa non stetit, neque moratus est in contuendo, sed statim secessit*. Si virginis faciem intueri non liceat, a fortiori eas partes, quæ ardentius ad libidinem excitant.

Confess. 2. Peccant qui citra necessitatem se ipsos in partibus secretioribus aspiciunt; hoc enim indecorum & turpe esse natura ipsa suggerit: idque constat ex primis parentibus, qui cum cognovissent se esse nudos consuerunt folia ficus, & fecerunt sibi perizomata: Gen. 3.

Confess. 3. Peccant qui affectu libidinoso curiosè inspiciunt vel animalia coeuntia, vel personas diversæ sexus, aut indecore nudantes se, aut aliquid turpe operantes; hæc enim solent ad libidinem provocare: & juxta Hieron. *Intueri non debet homo quod concupisci non licet; Et ut munda mens servetur, deprimendi sunt oculi, quasi quidam raptores ad culpam*.

Confess.



*Consect.* 4. Peccant qui imagines turpia representantes aspicunt, retinent, vendunt, &c. hæc enim urgens est tentatio, & præfens periculum peccati: ut patet exemplo illius adolescentis, de quo Terentius ait, quod concitavit se ad libidinem videns imaginem, in qua Jovis adulterium delineabatur.

*Monit.* Dixi aspectus libidinosos esse peccata mortalia: nam juxta D. Anton. 2. P. tit. 5. c. 1. §. 7. Aspectus faciei & partium honestarum pulchræ fæminæ in viro potest multipliciter contingere absque peccato: scilicet vel ex causa sine præmeditatione, vel ex causa rationabili, puta, ut eam noscat, & ab aliis discernat, aut ut de utilibus cum ipsa loquens attentionem reddat, aut ut fucos & vanitates illius melius arguere valeat, &c. Idem cum quadam proportionem potest contingere in fæmina virum aspiciente. In illis casibus observanda est ista D. Aug. regula. *Oculi vestri etsi jaccantur in aliquam fæminarum, in nullam figantur; quia scriptum est: abominatio est Domino defigens oculum.*

### ARTICULUS III.

#### *De verbis obscænis.*

*Prop.* unica. Verba impudica cum affectu libidinoso proferre, vel audire, cantica lasciva edere, aut canere, aut audire, vel legere, est peccatum mortale.

*Prob.* 1. Ex Script. *Fornicatio, aut omnis avaritia nec nominetur in vobis, sicut decet sanctos:* ad Ephes. 5. v. 3. Ergo, cum colloquia lasciva sint contra sanctitatem Christianam, sunt peccata mortalia.

2. Ex Pœnitentiali Romano. *Qui per turpiloquium, vel aspectum coinquinatus est, tamen non voluit peccare corporaliter, viginti dies pœniteat:* c. 13. Ergo cum verba obscæna mereantur pœnitentiam canonicam, debent esse peccata mortalia.

3. Ex Antonino parte 2. tit. 5. cap. 10. §. 8. *Nulli dubium est, quod qui dicit verba turpia, & lasciva hæc intentione, ut se, vel alium provocet ad luxuriam, vel mente se delectandi in locutione, & cogitatione turpium, mortaliter peccet.*

4. *Rat.* Corruptunt bonos mores colloquia prava, ut  
L 4 dicit

dicit Paulus 1. ad Corinth. cap. 15. Lasciva colloquia ad luxuriam trahunt, & ita sunt peccata mortalia.

### Confectaria hujus Doctrinæ.

*Confect. 1.* Peccant graviter omnes, qui verba lasciva proferunt, audiunt, tum ut se, tum ut alios sollicitent ad peccandum: quod prohibet Apostolus his verbis: *Omnis sermo malus ex ore vestro non procedat*: ad Ephes. 4. v. 29.

*Confect. 2.* Peccant vulgo mortaliter qui lasciva cantica edunt, canunt, audiunt, &c. Circa quod ita monet Clemens Alexandrinus: *Amatoria quidem absint cantica; sint autem cantica, Deilaudes*: Lib. 2. pædagog. c. 3.

*Confect. 3.* Peccant vulgo mortaliter qui lascivos libros edunt, audiunt, retinent. 1. Quia libros de rebus obscænis, turpibus, impudicis tractantes, inflammandos jubent Concilia Mediolanense, Turonense, Burdigalense: Ergo peccant mortaliter qui eos edunt, retinent, legunt contra vetitum Conciliorum. 2. Quia hi omnes exponunt se, & exponunt alios peccandi periculo.

*Confect. 4.* Peccant mortaliter qui loquuntur de peccatis lasciviæ vela se, vel ab aliis commissis, aut committendis; loquuntur, inquam non vituperando, sed laudando, vel excusando: in quo faciunt illud, quod execrandum dicit Scriptura: *Laudatur peccator in desideriis animæ suæ, & iniquus benedicitur*: Psal. 10. v. 3.

*Confect. 5.* Peccant mortaliter & peccato lasciviæ, & peccato scandali, qui coram infirmis & ad illud peccatum propensis, de rebus lascivis sermonem habent; tunc enim licet non sit prava intentio in proferente, tamen juxta Antoninum per accidens potest esse peccatum mortale ratione scandali, seu ruinæ inde sequentis alicujus.

*Confect. 6.* Si contingat præter intentionem talia audiri, audientes eos sermones obscænos vitare debent, vel saltem displicentiam mentis habere: quo spectat illud Ecclesiastici 28. v. 28. *Sepi aures tuas spinis, linguam nequam noli audire, & ori tuo facito ostia & feras*. Ut enim optime monet Ambrosius lib. de pœnit. cap. 14. *Libido pascitur conviviis, chrietate inflammatur, & postea subjungit: graviora sunt fomenta verborum.*

## ARTICULUS IV.

*De tactibus, & osculis libidinosi.*

**Prop.** unica. Tactus impudici, oscula libidinosæ inter non conjugatos sunt peccata mortalia.

**Prob.** 1. Ex Script. Fornicatio, & omnis immunditia nec nominetur in vobis, sicut decet Sanctos: ad Ephes. 5. v. 3. Ergo cum oscula & tactus impudici ad immunditiam pertineant, debent censeri peccata mortalia.

2. Ex Cyp. Ipse concubitus, ipse complexus, ipsa confabulatio, & osculatio, & conjugentium duorum turpis, & fœda dormitio, quantum dedecoris & criminis conficitur! ep. 62. ad Pomponium: Ergo si ibi crimen sit, ibi est peccatum mortale.

3. Ex Hieronym. in vita Hierionis, ubi ait: quod Tactus, joci, nutus, & cetera hujusmodi sunt morituræ virginitatis principia: Ergo

4. Ex D. Thom. Oscula & tactus, quamvis secundum se non impediant bonum prolis humanæ, procedunt tamen ex libidine, quæ est radix hujusmodi impedimenti, & ex hoc habent rationem peccati mortalis: 2. 2. quæst. 154. art. 4. ad 2.

5. Rat. D. Thom. ibid. Minus est aspectus libidinosus, quam tactus, amplexus, vel osculum: sed aspectus libidinosus est peccatum mortale secundum illud Matthæi 5. qui viderit mulierem ad concupiscendum eam, jam moechatus est eam in corde suo: Ergo multo magis osculum libidinosum, & alia hujusmodi sunt peccata mortalia.

6. Requens propositio damnata est a summo Pontifice: Est probabilis opinio, quæ dicit esse tantum veniale osculum habitum ob delectationem carnalem & sensibilem, quæ ex osculo oritur, secluso periculo consensu ulterioris, & pollutionis.

### Confectaria hujus Doctrinæ.

**Consect.** 1. Tactus, oscula extra matrimonium sunt peccata mortalia, licet non fiant cum ea delectatione, quæ contingit in seminis effusione; quia ordinantur ad delectationem illam veneream.

**Consect.** 2. Tales actus sunt ejusdem naturæ cum perfectis & consummatis; ideoque exprimendæ sunt in



confessione circumstantiæ vel aggravantes, vel mutantes speciem, v. g. an tales tactus facti fuerint cum persona ejusdem sexus, vel diversi sexus, cum virgine vel cum corrupta, cum soluta vel cum conjugata.

*Confess. 3.* Oscula, tactus, amplexus; compressiones manuum, & similia, quæ solent fieri ex levitate & petulantia, & amoris fovendi causa, eandem videntur habere malitiam propter periculum proximum incidendi in peccatum consummatum.

*Confess. 4.* Tactus, oscula, amplexus pertinent reductive ad eam speciem, in qua est actus completus.

Sic actus illi, quibus personæ ejusdem sexus supercubantes, osculantes se, tangentes se, polluantur, sunt actus sodomitici; & ubi sodomia est casus reservatus, juxta Sayrum ille casus est reservatus, juxta alios non est reservatus. In illo dubio interrogandi sunt Episcopi, & sciendum, quæ fuerit eorum mens; juxta enim regulam generalem, actus quantunivis obscœnus non censetur reservatus, nisi sit completus.

Sic tactus, oscula, amplexus erga virginem, reducuntur ad stuprum, erga personam solutam ad fornicationem pertinent, erga personam conjugatam ad adulterium spectant &c.

*Monit. 1.* Dixi, oscula libidinosa hoc præcepto prohiberi: multiplex enim est osculum.

1. Est osculum adulatorium. Tale fuit osculum, quo Absalon deosculabatur populum, ut eum contra patrem Davidem concitaret: 2. Reg. c. 15. & hoc osculum ad illud peccatum reducitur, quod sibi proponit ille qui operatur.

2. Est osculum simulatorium. Tale fuit osculum, quo Judas deosculatus est Christum, ut eum Judæis traderet: Matth. 26. v. 49. & tale osculum pertinet ad prodicionem.

3. Est osculum urbanitatis. Tale fuit osculum, quo Jacob Rachelem salutavit: Genes. 29. v. 11. *Adaquato grege, osculatus est eam, & elevata voce flevit, & indicavit ei, quod frater esset patris sui:* & tale osculum est signum amicitia, nullumque peccatum includit.

4. Est osculum sanctum. Tale erat osculum, quo antiqui Christiani osculabantur se, ut pares se profiteren-

ren-

rentur: de quo Paulus ad Rom. 16. v. 16. *Salutate*, inquit, *invicem in osculo sancto*. Ostendebant enim eo modo Christiani, inquit Grotius post Iustinum & Origenem, omnes inter se pares esse: nam apud Persas & apud Orientales populos, pares os inter se jungebant; superiores vero dabant manum osculandam inferioribus.

5. Est osculum impudicum: de quo Prov. 7. v. 6. *Apprehensumve deosculabatur juvenem*. Istud autem osculum isto præcepto prohibetur, eo quod afferat secum non delectationem mere sensualem sitam in proportionem, & conformitate rei tactæ cum organo tactus; sed habeat insuper adjunctam commotionem spirituum generationi inservientium, si non in utroque deosculantium se, saltem in altero; adeo ut vix sine consensu in ulteriorem libidinem exerceatur.

## CAPUT VI.

*De variis fomentis lasciviae.*

### ARTICULUS UNICUS.

*De Comædiis & Choreis.*

**Prop.** unica. Comædiæ publicæ, in quibus sunt Actores, Cantores & Cantatrices, Saltantes & Saltatrices, sunt prohibitæ, eisque interesse prohibitum est -- Choreæ pariter, in quibus viri cum mulieribus choros ducunt, sunt prohibitæ.

**Prob.** 1. Ex Script. *Cum Saltatrice ne assiduus sis: nec audias illam, ne forte pereas in efficacia illius: Eccli. c. 9. v. 4.* Utrumque autem contingit in Comædia & Choreæ, ubi auditur, & videtur mulier pelliciens ad peccandum. Et rursus. *Egrediuntur quasi greges parvuli eorum, & infantes eorum exultant lusuibus, tenent tympanum & cytharam, gaudent ad sonitum organi: ducunt in bonis dies suos.* Quæ omnia fiunt in Comædiis & Choreis. Sed audi pœnam: *Et in puncto ad inferna descendunt: Job. 21. v. 7.* Ergo cum in Comædiis & Choreis idem & pejora fiant, Choreæ, & Comædiæ sunt illicitæ. Adde quod vaticinatus est Isaias: *Et dixit Dominus: pro eo quod elevate sunt filiae Sion,*  
ε

*Et ambulaverunt extento collo, Et nutibus oculorum ibant, Et plaudebant, ambulabant pedibus suis, Et composito gradu incedebant: quod utique exacte in Comœdiis observatur: propter hoc decalvabit Dominus verticem filiarum Sion, Et Dominus earum crimen nudabit: Isaias c. 3. v. 16. Ergo ex Scriptura Choreæ & Comœdiæ sunt illicitæ.*

2. Ex Conciliis. Concilium Laodicenum an. 320. damnat Choreas. *Non oportet, ait, Christianos ad nuptias euntes, vel ballare, vel saltare, sed caste canere, vel prandere, sicut competit Christianis.* Conc. Afric. c. 27. *vocat saltationes sceleratissimas.* Idem dicunt Concilium Toletanum III. cap. 22. Carthaginense c. 61. Cabelion. c. 19. Comœdias etiam damnat Concilium Illiberitanum can. 62. ubi ita habet: *Si pantomimi credere voluerint, placuit prius artibus suis renuntient, Et tunc demum suscipiantur, ita ut ulterius ad ea non reveriantur; quod si facere contra interdictum tentarint, rejiciantur ab Ecclesia.* Et Conc. in relat. can. 5. ait: *De theatricis Et ipsos placuit, quamdiu agunt, a communione separari.* Et Conc. Carthagin. III. can. 2. ait: *Ab spectaculis Et omnes laici prohibeantur; semper enim Christianis omnibus hoc interdictum est, ut ubi blasphemii sunt, non accedant.* Jus etiam civile idem vetat: Cod. Theodos. lib. 15. tit. 7.

3. Ex Patribus. Tertullianus libro de spectaculis, multis probat argumentis, Choreas & Comœdias illicitas esse.

1. Quia Comœdi sunt infames tam jure civili, quam canonico: *Cujus rei authores, cum acceptissimi sint, sine nota non sunt.*

2. Quia Deus vetuit; ait enim: *Non amat falsum amor veritatis: adulterium est a vultu illum omne, quod fingitur.* Et proinde vocem, jocus, etates mentientem; amores, iras, gemitus, lacrymas asseverantem; quod utique fit in theatris, non probabit.

3. Quia in Baptismate renuntiavimus diabolo & Pompiis ejus: quæ utique in Comœdiis & Choreis splendide patent.

5. Quia Comœdiæ & Choreæ spiritum Christi extinguunt.



guunt. *An ille recogitabit eo tempore de Deo, positus illic, ubi nihil est de Deo?*

5. Quia Comœdiæ & Choreæ injustos motus cient in anima, v. g. amorem impudicum, injustum odium &c. Prædictas rationes & plures alias disertis verbis prosequitur Tertullianus lib. de Spectaculis: & c. 33. sic concludit: *Nihil est nobis dñu, visu, auditu cum infania circi, cum impudicitia theatri, cum atrocitate arenæ, cum Xysti vanitate.*

Cyprianus epist. 61. histriones excommunicat. *Pro dilectione tua, inquit, & verecundia mutua consulendum me existimastis quid mihi videtur de histrione -- An talis debent communicare nobiscum. Puto nec majestati divine, nec Evangelicæ disciplinæ congruere, ut honor Ecclesiæ tam turpi, & infami contagione fœdetur.*

Lactantius vero lib. 6. de Div. instit. c. 20. *Histrionum quoque impudicissimi motus, quid aliud, nisi libidines docent, & instigant -- Quid de mimis loquar corruptelarum proferentibus disciplinam, qui docent adulteria, dum fingunt, & simulatis erudiunt ad verâ?*

Chrysostomus hom. 48. in Marth. *Multe Choreæ & saltationes homicide peraguntur, in quibus non jam sanctissimus Præcursor interficitur, sed ipsa Christi Jesu membra jugulantur. Sed quia forte dices, hæc hyperbolice dicta ab antiquis Patribus, audi recentiores etiam Scholasticos, immo ipsos Paganos Philosophos.*

Alex. Alentis p. 4. q. 48. sic habet: *Ad illud quod dicitur, quod cantus chorearum non est malus in se; est tamen malus ratione concurrentium, quæ sunt excitatio ad lasciviam, provocatio ad libidinem, impedimentum cultus Dei, & alia hujusmodi. Hæc ille.*

Gerson parte 4. operum, sermone Dominicæ 3. Adventus ait: *Choreas ob fragilitatem difficile sine diversis peccatis agitari, & omnia peccata cadere, & concurrere in Choreas.*

Franciscus Petrarcha loquens proprio experimento, Dialogo 24. ait: *Choreas veneris præludium esse: Libera, inquit, ibi manus, liberi oculi, libere voces volant, pedum strepitus, multarum cantus dissoni, & tubarum clangor, concursatio & pulvis, & quæ sæpe ludis additur, hostis pudicitie, & amica scelerum, nox ipsa: hæc sunt, quæ*  
timo-

*timorem ac pudorem pellunt, hi sunt libidinum stimuli, hæc laxamenta licentiae.*

Ipsi pagani choreas & theatra reprobarunt: unde Cicero pro Muræna: *Nemo sobrius saltat, nisi forte insanit.* Et Seneca Epist. 7. *Nihil est tam damnosum honestis moribus, quam in aliquo spectaculo residere; hæc enim per voluptatem facilius vitia subrepunt.*

Ex Aug. præstat arare, vel fodere die Dominico, quam choreas ducere. Ergo ex Patribus, ex Theologis, ex ipsis Paganis Philosophis choreæ & comœdiæ sunt illicitæ.

3. *Rat.* Prima ratio. Mundana illa oblectamenta chorearum & comœdiarum a diabolo processerunt; nam choreæ, in quibus viri cum mulieribus saltant, nunquam in usu fuerunt apud populum Dei, sed solum apud idololatrias, apud quos is erat mos, ut in sacrificiis viri cum mulieribus choros ducerent, & sic se ad libidinem provocarent. Judei vero ita choros agebant, ut viri cum viris, mulieres cum mulieribus, & hoc solum in solemnioribus Festis, religionis officio potius, quam delectationis studio, choros agerent: quod constat ex eo, quod Maria prophetissa Aaronis soror, una cum mulieribus cum tympanis & choris laudes Dei cecinerit ob Pharaonem projectum in mare: Exodi 15. Item tempore David: *Præcinebant mulieres, saltantes, atque dicentes: Percussit Saul mille, & David decem millia:* 1. Regum 18. Idem patet ex filia Jephthe, quæ venit obviam patri, choros puellarum ducens, & non virorum: lib. Jud. cap. 11. Item filiaë Silo saltantes & choros ducentes, non erant viris promiscuæ, quando raptæ sunt a Benjamitis, sed solum procedebant, ut patet ex lib. Judicum c. 21.

Comœdiæ pariter a diabolo processerunt, qui primus hominibus inspiravit, ut in theatris deorum vitia coram populo exhiberent, ut sic homines non erubescerent ea vitia committere, quæ a diis ipsis commissæ palam exhibebantur.

Secunda ratio. Non legitur, sanctos viros, tum Judeos, tum Christianos, mundanis hujusmodi delectationibus indulgisse; non enim vidimus choreas in Cana Galilææ, quinimmo Judæi impudica illa tripudia quasi idololatriam execrati sunt: quod innuit locus Exodi 33.

*Sedit*

*Sedit populus manducare & bibere, & surrexerunt ludere.* Christiani vero mundanis illis pompis in Baptismate renuntiant.

Tertia ratio. Comœdiæ & choreæ sunt proximæ occasionēs ad libidinem accendendam; quippe vix fieri potest, quin ibi non sint aspectus inter viros & mulieres, quos tamen ita Scriptura prohibet: *Virginem ne conspicias, ne forte scandalizeris in decore illius. Propter speciem mulieris multi perierunt:* Eccli. 9. v. 5. Vix fieri potest quin ibi sint mutua hominum & virorum colloquia: de quibus ita Scriptura; *Speciem mulieris anime multi admirati, reprobi facti sunt; colloquium enim illius quasi ignis exardescit:* Eccli. ibid. Sunt ibi pariter cantilenæ, & instrumenta musica ad libidinem provocantia, juxta illud: *Cum saltatrice ne assiduus sis, nec audias illam, ne forte pereas in efficacia illius.* Sunt insuper ibi propinquiore inter viros & mulieres accessus, qui magis contagiosi sunt, quam mortuus rabidissimi canis, ut ait Hier. quem accessum ita reprobata Scriptura: *Cum aliena muliere ne sedeas omnino, nec accumbas cum ea super cubitum:* Eccli. 1. 12.

Quarta ratio. Choreæ & comœdiæ omnem spiritum Christianæ Religionis extinguunt - - Christiana Religio luctum, fletum inspirat. *Beati, qui lugent, &c. Mandus gaudebit, vos vero contristabimini* - - Choreæ vero & comœdiæ nihil nisi risus & cachinnos inspirant. Christiana Religio modestiam & gravitatem præcipit: *Modestia vestra nota sit omnibus hominibus.* In comœdiis vero, & choreis nihil est, quod gravem illam modestiam sapiat.

Quinta ratio. Nemo negat comœdias & choreas mundanos homines habere fautores; & ideo Christianis sunt fugiendæ, juxta Scripturæ effata: *Nolite diligere mundum, neque omnia, quæ in eo sunt. Tradidit semetipsum pro nobis, ut nos liberaret ab hoc sæculo nequam. Totus mundus in maligno positus est.* Et rursus: *Omne, quod in mundo est, concupiscentia est carnis, concupiscentia oculorum, & superbia vitæ.*

Nec obstat, quod vulgo dicitur, comœdias non ab omnibus reprobari, immo contrarium a sancto Thoma doceri; quia officium histronum, quod licitum esset, fatetur



fatetur D. Th. 2. 2. q. 168. a. 3. ad 3. tale debet esse, ut repræsentet Spectacula, quæ sint de rebus utilibus, & ad vitam necessariis, sicut sunt venationes, & cætera hujusmodi, quæ animum honeste distrahunt, & quibus sine peccato potest intendi, servata distinctione debita, quantum ad conditiones personæ, & aliarum circumstantiarum, ut ipsemet dicit D. Th. in 4. dist. 16. q. 4. a. 2. q. 2. Demum illustrissimus Dominus de Bosluet elegantissimum hac de re scripsit librum, in quo æque eleganter ac solide refutat Anonimum Doctorem, qui comædiam, choreas, theatra spectacula, qualia exercentur nunc, licita contendebat. Tanti viri autoritas litem omnem dirimit, & dammando hanc artem, dammandam esse sufficienter convincit.

Nec est pariter quod dicas, in Collegiis Comædias a junioribus Scholasticis exhiberi, videntibus, immo dirigentibus Sacerdotibus.

Si quæ lascivæ & obscenæ Comædiæ in Collegiis exhibeantur, eas damnamus, easque scandalo esse audacter pronuntiamus; futurumque asserimus severum judicium contra illos Professores, qui christianam gravitatem non sunt æmulati in illis Gymnasticis exercitationibus. Sed multum est discriminis inter Comico- rum, & Collegiorum theatra. Hic juvenes videntur, qui ætate juvenili & modestia nativa nihil nisi pudicum ingerunt; illic vero viri & mulieres simul permixti, qui & gestu, & vestitu, cantu, saltu libidinem inspirant. Hic juvenes theatrum conscendunt, ut sese ad declamationem efforment, & ad loquendum publice se disponant; illic vero nihil aliud intenditur, quam ut vitiosi affectus foveantur, & ardentiores fiant.

#### Consectaria hujus Doctrinæ.

*Consect. 1.* Licita sunt exercitationes scenicæ, quibus adolescentes in Collegiis exerceantur ad declamationem, modo nihil permisceatur obscenum; quia experientia docet, isthæc exercitia non parum inservire, ut idonei fiant juvenes ad palam & publice aliquando perorandum.

*Consect. 2.* Licita pariter sunt Choreæ illæ, in quibus concurrentibus causis publici gaudii, viri cum viris, mulie-

mulieres cum mulieribus choros modestè ducerent, quia non est illicitum signa dare gaudii, cum subest causa publica lætandi.

*Consect.* 3. Illicite sunt omnino Comœdiæ illæ publicæ, in quibus actores & actrices in theatris exhibent res obscenas; & licet res repræsentatæ non sint obscenæ, tamen illicite essent; quia permixtio illa viro-  
& mulierum declamantium, aut canentium, libidinem excitat, & fovet, ut monet Conc. Colon. 1549. *Quæ spectacula, etiamsi de rebus piis exhiberentur, parum tamen boni, mali vero plurimum reimpere in sanctimonialium mentibus possunt, gestus externos spectantibus, & mirantibus.*

## CAPUT VII.

*De usu Matrimonii.*

### ARTICULUS I.

*De his, quæ in usu Matrimonii nullatenus sunt peccata.*

*Prop.* unica. Actus conjugalis est licitus, immo & meritorius, quoties fit vel causa procreandi filios, vel motivo reddendi debitum conjugale comparti ex genti.

*Prob.* 1. Ex Script. *Uxori vir debitum reddat, juxta-  
liter & uxor viro: nolite fraudare ad invicem, nisi forte ex consensu, ut vacetis orationi - iterum rever-*  
*timini in idipsum, ne tentet vos Satanas: Ergo cum reddere debitum conjugale sit actus iustitiæ, est licitus, immo meritorius, si fiat in statu gratiæ.*

2. Ex D. Thom. Quando conjuges conveniunt causa proli procreandæ, vel ut sibi debitum reddant, quod ad finem matrimonii pertinet, totaliter excusantur a peccato: D. Thom. in 4. dist. 31. q. 2. a. 2.

3. *Rat.* Quia tunc actus conjugalis fit propter illum finem, ad quem ordinatus est: ergo non est peccatum, sed actus bonus. Ideo erroneum est dicere, ut ait D. Thom. esse peccatum mortale, quærere delectationem in tali actu, veniale acceptare, & perfectionis obisse; quapropter damnati sunt hæretici, qui actum conjugalem veritum voluerunt.

## Confectaria hujus doctrinæ.

*Confect. 1.* Non est peccatum actum conjugalem exercere, quando speratur generatio prolis, licet per accidens non sequatur; quia tunc non itur contra finem matrimonii.

*Confect. 2.* Non est peccatum, actum conjugalem exercere causa vitandæ fornicationis in comparte; quia ut inquit D. Thom. hoc est quadam redditio debiti, quæ ad bonum fidei pertinet.

*Confect. 3.* Tactus veneri ad generationem vel necessarij, vel conducentes, non sunt peccata inter conjuges; quia sunt media ad generationem.

## ARTICULUS II.

*De his, quæ inter conjugatos sunt peccata tantum venialia.*

*Prop. unica.* Actus conjugalis, qui fit ob alium finem, quam causa generandi prolem vel reddendi debitum, etiamsi fiat ordinario concubitu, est peccatum veniale: potest fieri mortale per accidens, ut si in eo fistatur tamquam ultimo fine.

*Prob. 1.* Ex Script. Paulus Apostolus ibidem ait: *Secundum indulgentiam dico, Et non secundum imperium*: quæ verba ita Aug. exponit; *Quis autem jam esse peccatum neget, cum dari veniam facientibus apostolica autoritate fateatur?* Enchirid. c. 68. Ergo usus matrimonii est aliquando peccatum veniale: non utique cum fit cum debitis omnibus circumstantiis; quia tunc est actus virtutis: non etiam cum fit contra finem matrimonii; quia tunc est peccatum mortale: ergo est peccatum veniale, cum fit præter finem matrimonii, intra tamen limites matrimonii.

2. Ex Aug. Qui ponit illud peccatum inter peccata quotidiana & venialia. Peccat, inquit, conjugatus venialiter, *Quoties excepto desiderio filiorum, uxorem suam cognoverit*: Serm. 3. de animabus fidelium defunctorum.

3. Ex D. Thom. *Duobus solis modis conjuges absque omni peccato conveniunt, scilicet, causa prolis procreandæ, Et debiti reddendi*; alias autem semper est ibi peccatum ad minus veniale: in 4. dist. 31. art. 2.

4. Rat.



4. Rat. Sicuti manducare ob solam delectationem non est peccatum mortale, sed veniale, nisi adsit alia prava circumstantia; ita actus conjugalis factus propter alium finem, quam prolis generationem, vel reddendi debitum, est peccatum veniale; quia, ut arguit Aug. *Sicut homines sibi provident manducando & bibendo; ita successioni provident uxores ducendo:* Serm. 63. de diversis c. 14.

### Confectoria hujus Doctrinæ.

*Confect. 1.* Tactus, & oscula extra actum conjugalem, etiam citra periculum pollutionis, sunt peccata, si fiant propter delectationem veneream extra usum matrimonii percipiendam; sunt, inquam, peccata, quia nec ad generationem, nec ad remedium concupiscentiæ ordinantur: peccata tamen illa sunt tantum venialia; quia non pervertunt usum matrimonii.

*Confect. 2.* Actus conjugalis exercitus a vetulis est peccatum: quia fit propter delectationem: sed peccatum illud est solum veniale; quia non pervertit usum matrimonii: *Licet enim non habeant vetuli caliditatem sufficientem ad generandum, habent tamen sufficientem caliditatem ad carnalem copulam; & ideo conceditur eis matrimonium, secundum quod est remedium concupiscentiæ, quamvis non competat eis, secundum quod est officium naturæ:* D. Th. in 4. dist. 37. q. unica a. 2. ad 3.

*Confect. 3.* Opus conjugale exercitum partim ob delectationem, partim ob generationem est peccatum veniale. Si queratur delectatio intra limites matrimonii, ut scilicet talis delectatio alia non quæreretur, quam in conjugate, sic est veniale peccatum: D. Thom. in 4. disp. 31. q. 2. a. 3.

*Confect. 4.* Opus conjugale exercitum ob solam sanitatem, est peccatum veniale. Quia quamvis intendere sanitatis conservationem non sit per se malum, tamen hæc intentio efficitur mala, si ex aliquo sanitas intendatur, quod non est ad hoc de se ordinatum: sicut qui ex Sacramento Baptismi tantum salutem corporalem quæreret, & similiter est in proposito de actu matrimoniali: D. Thom. ibid. in 4. dist. 31. q. 2. a. 2. ad 2.

*Confess. 5.* Opus conjugale non tollens omnino, sed pervertens tempora orationis, est peccatum veniale; quia, ut optime ait D. Thom. *Petere debitum in die festivo non est circumstantia trahens ad aliam speciem peccati; unde non potest in infinitum aggravare: Et ideo non peccat mortaliter uxor, vel vir, si in die festo debitum petat; sed tamen gravius est peccatum, si sola delectationis causa petatur, quam si propter timorem, quo quis sibi timeat de lubrico carnis, debitum petat: D. Thom. in 4. dist. 32. quest. 1. art. 5.* Quando autem actus conjugalis totaliter avertit ab oratione, tunc videtur peccatum.

*Confess. 6.* In audiendis confessionibus Confessarius non debet curiosius scrutari casus illos, in quibus solum committitur peccatum veniale; sed sufficit, quod poenitentes se acontentent de tali materia in communi, cum peccatum veniale non sit materia necessaria poenitentiae.

### ARTICULUS III.

*De his, quae inter conjugatos sunt peccata mortalia.*

*Prop. unica.* Toties usus matrimonialis est peccatum mortale, quoties fit cum insigni nocumento tum corporali, tum spiritali vel prolis, vel partium actum conjugalem exercentium.

*Prob.* Toties peccatum est mortale in usu matrimonii, quoties itur contra finem matrimonii; peccata enim contra finem virtutis sunt mortalia: Atqui tunc itur contra finem matrimonii; quia finis matrimonii est bonum prolis, & bonum contrahentium: Ergo tunc peccatur mortaliter, cum exercetur actus matrimonialis cum insigni nocumento tum corporali, tum spiritali vel prolis, vel conjugatorum.

#### Confectoria hujus Doctrinae.

*Confess. 1.* Toties actus matrimonialis est peccatum mortale ob nocumentum corporale proli inferendum, quoties fit cum ea inordinatione, qua vel impediatur generatio antequam fiat, v. g. si semen emittatur extra vas, vel disturbetur generatio postquam facta est, v. g. si procuretur abortus, vel proles nata insigniter debilitetur: v. g. si cum lactatur infans, frequentibus coitus

bus corrumpatur lac, quo nutriuntur; quia in illis casibus inferitur insigne nocumentum corporale proli.

*Consect. 2.* Toties actus matrimonialis est peccatum mortale ob nocumentum spirituale proli inferendum, quoties fit cum ea inordinatione, qua impeditur, ne proles nascitur Baptismum recipiat, ut eam per coitum procuratur abortus foetus animati; vel proles jam nata ex usu matrimoniali scandalum suscipit, ut cum conjugati debitum sibi reddunt coram filiis, qui ex hoc ad libidinem inflammantur.

*Consect. 3.* Toties actus conjugalis est peccatum mortale ob nocumentum corporale inferendum conjugatis, quoties fit cum ea intemperantia, qua vel alterius, vel amborum conjugum sanitati notabiliter noceatur; quia, ut optime ait Cajet. v. matrimonium, *Opus generacionis ordinatum a natura ad bonum speciei, sine malo individui exerceri debet. Et debitum conjugale intelligitur juxta consistentiam & sanitatem subiecti.*

*Consect. 4.* Toties actus conjugalis est peccatum mortale, quoties fit cum eo ardore & affectu, ut a quo fieret cum alio ac cum comparte; quia tunc contingit quod dicit Tobias 6. v. 17. *Sunt qui conjugium ita suscipiunt, ut Deum a se & a sua mente excludant, & juxta libidinis ita vacent, sicut equus & mulus, in quibus non est intellectus: habet potestatem demonium super eos.* Tunc pariter evenit id, de quo queritur Christus: *Qui amat uxorem suam plus quam me, non est me dignus.* Denum in eos conjugatos competit id, quod dicit Hier. lib. 1. contra Jovin. cap. ultimo: *Omnis ardentior amator propriae uxoris, adulter est.* Et rursus: *Nihil sedius quam uxorem amare quasi adulteram.*

*Consect. 5.* Toties actus conjugalis est peccatum mortale, quoties fit cum ea inordinatione, ut nec ad generationem prolis, nec ad remedium concupiscentiae, nec ad debitum reddendum referatur; quia tunc conjugatus sistit in delectatione venerea tamquam in ultimo fine, seu ut loquitur D. Thom. in 4. dist. 31. a. 3. nullum introdit bonum matrimonii, sed solam delectationem querit. Tunc enim, ut loquitur idem sanctus Doctor, *voluptates meretricias vir in uxore querit, quando nihil aliud in ea attendit, quam quod in meretrice attenderet: ibid. ad 1.*



*Confess. 6.* In audiendis confessionibus Confessarius poenitentibus suis nihil permittat eorum, quæ constat esse peccata mortalia: uti enim decet Confessarios non curiosius scrutari ea, quæ sunt tantum peccata venialia; ita oportet non oscitanter, sed exacte examinare ea, quæ in usu matrimoniali pertingunt usque ad malitiam peccati mortalis; luxuries enim enormior est in matrimonio, quam extra matrimonium: quippe per incontinentiam conjugatorum non sola offenditur castitas, sed sanctitas Sacramenti violatur: & Deus severius punit incontinentes conjugatos, quam non conjugatos, ut docet passim August.

#### ARTICULUS IV.

*De his, quæ inter conjugatos habentur a quibusdam ut peccata mortalia, ab aliis ut venialia.*

**Nota 1.** Quidquid est contra generationem vel impediendo ne foetus concipiatur, vel suffocando foetum postquam conceptus est, juxta omnes, est peccatum mortale; quia tunc itur contra finem matrimonii.

**Nota 2.** Quidquid est per se conducing ad generationem est licitum & in exigente, & in reddente; quia nihil habet inordinatum. Ita pariter omnes sentiunt.

**Nota 3.** Quidquid est præter generationem, nec conducing ad generationem, nec impediens generationem, sed conducing solum ad majorem voluptatem in matrimonio percipiendam, est peccatum in exigente mortale, juxta aliquos; veniale vero, juxta alios: in reddente aliquando est peccatum, aliquando non: quod ut pateat, fit

*Prop. 1.* Concumbere in vase ordinario, sed *innaturaliter*, id est, non servato situ a natura instituto, est peccatum mortale, si hoc fiat sine causa, & ex solo motivo majoris voluptatis percipiendæ: v. g. si vir subit in feminam, & femina supergreditur virum; quia talis modus non convenit seminis infusioni quoad virum, nec seminis receptioni quoad mulierem; & sic videtur impediri prolis generatio intenta a natura. Ita Petrus Paludanus, Henricus & alii, ut refert D. Antoninus 3. p. tit. 1. cap. 20. §. 3. quia hoc denotat plenam

plenam adhesionem, plenumque affectum erga voluptatem carnalem.

Dixi: quando innaturalis concubitus fit sine causa est peccatum mortale; nam si fiat cum causa, v. g. ob agnitionem alterius partis, ob vitandum periculum abortus, & tunc nullum erit peccatum, modo absit periculum pollutionis in utroque conjugē.

*Prop. 2.* Concumbere innaturaliter in vase ordinario, sed non servato sita a natura instituto etiam sine causa, sed solo motivo majoris voluptatis percipiendæ, modo non eatur contra finem matrimonii, qui est posse concipere, non est peccatum mortale, sed solum signum mortalis concupiscentiæ. Ita Albertus Magnus relatus a D. Anton. ibid. *Sed Albertus Magnus*, inquit, *in quantum dicit, quod nihil horum, quæ facit vir cum uxore in actu conjugali, servato debito vase, est de se mortale; sed potest esse signum mortalis concupiscentiæ, quando ei non sufficit modus determinatus a natura, sed aliam invenit causa delectandi se, cum non subest causa infirmitatis, vel alia rationalis.*

*Consect.* unicum. In illa sententiarum diversitate non præcipitandum est judicium; sed in tribunali poenitentiae secundum id, quod probabilius videbitur, judicandum est. Non temere pronuntiandum, in usu matrimoniali esse mortale peccatum, ubi forte non est nisi veniale: nec pariter audacter asserendum, ibi solum esse veniale peccatum ubi forte est mortale. Hortandi sunt poenitentes ad id quod est tutius: judicandum vero secundum id quod est probabilius. Quare fit

## ARTICULUS V.

*Explicatur sigillatim, quæ peccata committi soleant in usu matrimonii.*

**N**ota, quod omnia peccata, quæ committi solent in usu matrimonii, his duobus versibus continentur.

*Sit modus, & finis, sine damno solve, cohere.*

*Sit locus, & tempus, desit violatio voti.*

Singulas illas voces sequentibus paragraphis explicabimus.

## §. I.

*De fine actus conjugalis, qui est generatio prolis, qui exprimitur his verbis: sit finis.*

*Prop. unica.* Quidquid impedit conceptionem fœtus est peccatum mortale.

*Prob. 1.* Ex Script. Onan sciens non sibi nasci filios, introiens ad uxorem fratris sui semen fundebat in terram, ne liberi nascerentur fratris nomine; Et idcirco percussit eum Dominus, eo quod rem detestabilem faceret: Genes. 38. v. 10. Ergo quod impedit generationem prolis est detestabile coram Deo: ergo est peccatum mortale.

2. Ex Aug. Illicite Et turpiter etiam cum legitima uxore concumbitur, ubi prolis conceptio devitatur: lib. 2. de adult. conj. cap. 20.

3. Rat. Ire contra finem principalem matrimonii est peccatum mortale. 1. Quia res sacra violatur, cum matrimonium sit Sacramentum. 2. Quia nocetur proli nascitura; impeditur enim, ne ejus conceptio fiat, vel disturbatur, postquam facta est. 3. Impeditur bonum universale, scilicet, propagatio generis humani, Ergo est peccatum mortale.

### Confectaria hujus Doctrinæ.

*Confess. 1.* Peccatur mortaliter, si fiat effusio seminis ante vel post coitum extra vas ad generationem destitutum; quia pervertitur generatio.

*Confess. 2.* Peccatur mortaliter, si ita fiat coitus, ut membrum virile non intret vas femineum, nec vas femineum recipiat membrum virile vel ob disproportionem partium, vel ob aliam causam; quia pervertitur generatio.

*Confess. 3.* Conatus mulieris, quo receptum semen virile deperditur, vel statim mingendo, vel saltando, vel aliud quid faciendo, est peccatum mortale: quia impeditur generatio, aut saltem sit conatus ut impediatur.

## §. II.

*De modo concumbendi ordinario, qui exprimitur his verbis: Sit modus.*

*Prop. unica.* Modus concumbendi non ordinarius, si-



ne causa, est semper peccatum vel mortale vel veniale: mortale si sit contra finem matrimonii: veniale si sit præter finem matrimonii.

*Prob. 1.* Ex D. Th. in 4. dist. 32. in expositione textus. *Usus contra naturam conjugis est,* inquit, *quando debilitas vas prætermittit, vel debitum modum institutum a natura quantum ad situm: & in primo semper est peccatum mortale; quia proles sequi non potest; unde totaliter intentio nature frustratur: sed in secundo non semper est peccatum mortale, ut quidam dicunt, sed potest esse signum mortalis concupiscentiæ: quandoque etiam sine peccato potest esse, quando dispositio corporis alium modum non patitur; alias tanto est gravius, quanto magis a naturali modo receditur.*

2. *Rat.* Usus matrimonii est licitus quoties fit debito modo: toties mortaliter illicitus, quoties fit contra finem matrimonii: illicitus vero tantum venialiter quoties fit præter finem matrimonii. Ergo

Si modus concumbendi sit extra vas ordinarium, peccatum erit mortale; quia concubitus est contra finem matrimonii.

Si modus concumbendi in vase ordinario, in tantum sit exorbitans, ut impediat, ne fieri possit conceptio, est peccatum pariter mortale; quia est contra finem principale matrimonii.

Si modus concumbendi innaturalis non impediat, ne possit fieri conceptio, ita ut posset esse generatio, si aliud non obstat, si modus ille concumbendi fiat sine causa, est peccatum veniale; quia est delectatio venerea intra fines matrimonii.

Si non impediat, ne possit fieri conceptio, & fiat cum iusta causa, v. g. ad vitandum abortum, vel ob aliam causam, v. g. ob indispositionem corporalem conjugatorum, nulla est peccatum, si nihil interveniat vitiosum; quia est usus matrimonii, qualis potest esse. Ergo, &c.

### Confessaria hujus Doctrinæ.

*Confess. 1.* Modus concumbendi, in quo mulier viro superponitur, si adsit probabile impedimentum non concipiendi, *Videtur,* inquit Cajet. *peccatum mortale esse,*

aut prope: si tamen mulier possit sic concipere, *noli damnare.* ait idem Cajetan. v. *mairimonium.*

*Consect.* 2. Modus, in quo conjugati nudos se aspicerent, solo aspectu libidinoso fruentes, sine ullo ordine ad coitum, videtur esse mortale peccatum; quia hoc nec ad generationem inservit, nec ad sedandam concupiscentiam prodest.

*Consect.* 3. Modus, in quo conjugati tactibus veneris ita insisterent, ut sine ordine ad coitum illa superflua voluptate potirentur, videtur esse peccatum mortale; quia hoc nec ad generationem, nec ad temperandam concupiscentiam inservit, sed periculum pollutionis inducit.

*Consect.* 4. Modus, in quo conjugati, *fellationem*, ut vocant, exercent, dum alter in alterius os linguam immittit, aut alter alterius artus lingua lambit, ut vehementiorem percipiat libidinem.

Si hoc fiat extra actum conjugalem, vel sine ordine ad actum conjugalem, peccatum est haud dubie mortale; quia tunc ultimato sititur in illa inordinata voluptate.

Si vero hoc fiat vel in actu conjugali, vel in ordine ad ipsum, quale peccatum sit non ausum determinare: unum scio sedam illam libidinem ab ipsis paganis vituperari; tales enim vocat Martialis: lib. II. Epig. 61.

*Lingua maritos, & ore mæchos.*

Et Minutius Felix in Octavio vocat *Homines male lingue*: etiamsi tacerent, quos prius tædescit impudicitie suæ quam pudescit, *proh nefas...* Qui medios viros lambunt, libidinoso ore inguinibus inhaerescunt... Hæc & hujusmodi propudia non licet nec audire. Ergo si infanda sint scelera in non conjugatis, sunt magis infanda in maritatis propter injuriam illatam Sacramento.

### §. III.

*De damno inferendo vel proli jam conceptæ seu nondum natæ, vel proli jam natæ, vel conjugatis, quod exprimitur his verbis: Sine damno.*

*Prop.* unica. Quoties usus matrimonii damnum infert notabile vel proli natæ, aut nascituræ, aut ipsis conjugatis, est peccatum mortale.

*Prob.*

Prob. Ex Script. Violatur illud præceptum: *Non occides.*

2. Violatur amor ille, quem conjugati debent sibi invicem, & proli: *Diliges proximum tuum sicut te ipsum.*

3. Rat. Sicut usus ciborum non debet esse cum nocu-mento nostri, aut aliorum; ita nec usus matrimonii: & sicut usus ciborum est peccatum mortale, quando notabiliter nocet vel menti, vel corpori; ita & usus matrimonii.

### Confectaria hujus Doctrinæ.

*Confect. 1.* Peccatum mortale est coitus cum gravida, si fiat cum periculo abortus; quia nocetur proli concep-tæ: *Ut enim terra jam sata aratro non scinditur, ne se-men pereat; ita ad gravida mulieres non debet fieri ac-cessus, ne fetus jam conceptus pereat.* Clemens Alexand. lib. 2. Pedag. c. 10. Si tamen exerceatur coitus sine pe-riculo abortus, & in remedium concupiscentiæ, non est peccatum mortale.

*Confect. 2.* Peccatum mortale est coitus cum lactan-te, si fiat cum ingenti præjudicio prolis natæ, si ei ali-ter non provideatur: est peccatum in petente, & non in reddente; quia debet petens potius continere, quam alteri nocere: si tamen non possit aliter sedare concu-piscentiam, debet potius uti congressu, quam uri: *Me-lius est enim nubere, quam uri; & interim oportet infanti lactato providere.*

*Confect. 3.* Peccatum mortale est coitus cum fatua, aut furiosa; quia tunc imminet periculum proli con-cipiendæ.

*Confect. 4.* Peccatum mortale est coitus, in quo con-jugati ardentiores, aut frequentiores, quam par est, sibi vitam minuunt, aut ægrotudines contrahunt: quia sicut peccat graviter, qui insigniter sanitati nocet per cibum; ita & mortaliter peccat, qui eidem sanitati maxime nocet per coitum.

*Confect. 5.* Juxta Scotum, Lyranum, Sotum, Estium, &c. coitus tempore menstrui fluxus videtur esse in exigen-te peccatum mortale; quia juxta Scripturam Lev. c. 20. 18. *Qui coierit cum muliere in fluxu menstruo, inter-ficientur ambo de medio populi sui.* Poena autem mor-



mortis denotat peccatum mortale: quia juxta Hieron. infantes ex illo actu concepti, nascuntur leprosi & elephantici. Nullum vero est peccatum in reddente, si nullum nocumentum inferendum sit proli, & vitetur corruptio exigentis debitum conjugale.

Juxta Cajetanum, Navarrum, Alfonsum a Castro &c. coitus tempore fluxus menstrui est solum peccatum veniale propter indecentiam actus; quia præceptum Scripturæ est ceremoniale, si spectetur immunditia; est vere naturale, si spectetur nocumentum prolis. Ego autem consului penitissimos medicos, a quibus didici, coitum tempore menstrui nullatenus nocere proli; & proinde si vera sit hæc Medicorum sententia, coitus tempore menstrui poterit esse absque peccato.

#### §. IV.

*De debito conjugali reddendo, quod exprimitur hac voce: Solve.*

*Prop. 1.* Toties conjugati peccant mortaliter, quoties sibi injuste denegant debitum, præcipue cum periculum adest corruptionis in comparte.

*Prob. 1.* Ex Scriptura. *Vir uxori debitum reddat, similiter & uxor viro: 1. ad Cor. 7.* Ergo conjugati peccant contra justitiam, quoties sibi denegant debitum conjugale: ergo mortaliter.

*2.* Ex Aug. *Debent sibi conjugati commiscendi fidem, non solum liberorum procreandorum causa, verum etiam infirmitatis excipiendæ, ad illicitos concubitus evitandos, mutuam quodammodo servitutem: Lib. de bono conjug. cap. 6.* Ergo peccant mortaliter quoties absque causa sibi denegant debitum conjugale.

*3. Rat.* Conjugati denegantes sibi debitum sine causa, peccant, 1. contra secundarium finem Sacramenti, quo fit, ut matrimonium sit remedium concupiscentiæ. 2. Contra charitatem, quam sibi mutuo debent conjugati alter alterius onera ferentes. 3. Peccant contra justitiam: Ergo peccant.

*Confectaria hujus Doctrinæ.*

*Consect. 1.* Peccatum mortale est reddere se im-

ten-

tentem ad debitum conjugale, vel frequentibus pollutionibus in se ipso, vel frequentibus coitibus cum alio quam cum comparte, vel ebrietate, aut indiffereta intemperantia.

*Consect. 2.* Peccatum mortale est, denegare debitum conjugale, cum petitur iuste vel ad prolem generandam, vel ad vitandam incontinentiam, vel etiam ad delectationem veneream intra fines matrimonii percipiendam.

*Prop. 2.* Toties deneganda est in usu matrimoniali comparti copia sui corporis, quoties id quod exigitur, fieri nequit sine peccato mortali.

*Prob.* Promissum de re ex se bona, quæ per accidens fit illicita, non ligat quamdiu manet illicita; quia promissio non potest esse vinculum iniquitatis: ergo promissio inter conjugatos, tradendi sibi mutuo corpus suum, non ligat, quando illa traditio fieri nequit sine peccato: ergo deneganda est comparti copia corporis sui quoties exigitur id, quod fieri nequit sine peccato mortali.

Dixi: sine peccato mortali; quia in usu matrimoniali vitanda sunt omnino quæ sunt peccata mortalia; quæ vero sunt tantum peccata venialia, secundam indulgentiam non curiosius examinantur, sed permittuntur, ut evitentur majores corruptiones.

### Consectaria hujus Doctrinæ.

*Consect. 1.* Toties in usu matrimoniali deneganda est comparti copia sui corporis, quoties alter conjugum uti voluerit aliquo ex illis modis, in quibus peccatur mortaliter: quia pars conjugata, quæ in his circumstantiis daret copiam sui corporis, fieret conscia peccati mortalis, quod ab alio committeretur; quia juxta Paulum: *Digni sunt morte, non solum qui faciunt, sed etiam qui consentiunt facientibus:* ad Rom. 1.

*Consect. 2.* Toties in usu matrimoniali deneganda est comparti copia sui corporis, quoties copula carnalis est illicita ratione impedimenti vel supervenientis, vel post matrimonium cogniti, vel ratione dubii de validitate Sacramenti; quia alia pars, quæ in illis circumstantiis faceret copiam sui corporis, fieret particeps peccati  
mer-

mortalis, quod per illicitam copulam committeretur.

Et ita ex affinitate, & cognatione spirituali superveniente negandum est debitum conjugale, nec exercendus est actus conjugalis ab eo, qui dubitat de validitate matrimonii.

Sic, si alter conjugum commisit incestum in primo & secundo gradu, quo incestu inducitur affinitas, pars rea non poterit petere debitum conjugale; quia ut ait Glossa, in Can. *Nosse* 30. q. 1. *Statim ipso facto perditum est jus exigendi*: pars vero innocens, cognito incestu, non potest reddere debitum; quia, ut ait Glossa ibidem: *Alius non habet jus petendi*. Poterit tamen pars innocens petere debitum: quia, ut ait Innocentius III. cap. *Discretionem*, de eo qui cognovit consanguineam uxoris sue, vel sponse: *Affinitas . . . ei non debet officere, que huiusmodi iniquitatis particeps non existit, cum suo jure non debeat sine sua culpa privari*.

Sic, si inter conjugatos superveniat cognatio spiritualis, que oritur inter conjuges, quando unus ex eis est minister, vel patrinus in ministerio Baptismi, vel confirmationis filii communis, vel filii alterutrius ex conjugibus; tunc enim, juxta jura, conjuges nequeunt sibi debitum conjugale reddere.

Si tamen pater baptizat puerum in articulo mortis, tunc non impedit actum matrimonii ex neutra parte, neque pariter si fiat ignoranter, ignorantia inculpabili; si vero id fiat malitiose, qui est in culpa, perdit jus exigendi debitum, non vero pars innocens: ita D. Thom. in 4. dist. 42. quæst. 1. a. 1. in c.

*Prop. 3.* Toties conjugatus potest non reddere debitum conjugale, quoties aut qui petit cecidit a jure exigendi, aut is, a quo petitur, causam habet non reddendi.

*Prob.* Quilibet potest absque peccato uti jure suo: ergo toties debitum conjugale potest negari, quoties is qui petit, cecidit a jure petendi, & quoties is a quo petitur, causam habet non reddendi.

### Confectaria hujus doctrinæ.

*Confect. 1.* Debitum conjugale potest denegari ei, qui



qui lapsus est in adulterium ; quia adulter perdit jus exigendi debitum.

*Consect.* 2. Debitum conjugale potest denegare ea pars, cui insigniter nocet reddere debitum conjugale ; quia redditio debiti conjugalis intelligi debet, salva individui consistentia, ut loquitur D. Thom.

*Prop.* 4. Etsi non sit peccatum denegare debitum conjugale, cum petitur injuste vel ob adulterium commissum a parte quæ exigit debitum, vel ob nocumentum corporale inferendum parti, quæ potest reddere debitum ; tamen in praxi debet illud reddi, modo pars rogata illud possit reddere sine peccato, & sine gravi periculo mortis subeunde, aut ægritudinis contrahenda, præcipue cum adest periculum corruptionis in parte exigente, & per redditionem debiti speratur conversio partis exigentis.

*Prob.* 1. Ex Script. *Unusquisque uxorem suam sicut se ipsum diligit : uxor autem timeat virum suum : ad Ephes. 5. v. 33.* Ergo amor conjugalis exigit, ut unaquæque pars conjugata juri suo libenter cedat, ut compartem suam ad meliorem frangem sensim adducat : mulier id faciat ex reverentia, quam debet viro ; vir vero ex amore, quem debet uxori.

2. Ex Aug. *Uxor non habet potestatem corporis sui, sed vir : similiter & vir non habet potestatem corporis sui, sed mulier . . . Non sibi alterutrum negent, ne per hoc incidant in damnabiles corruptelas, tentante Satana, propter incontinentiam vel amborum, vel cujusquam eorum, De bono conjugali cap. 6.* Ergo licet alter possit denegare debitum ex justitia, debet concedere ex charitate, ut compartem suam Deo lucrifaciat.

3. *Rat.* Conjugati, ex D. Paulo, ita debent salutem æternæ invigilare, ut unusquisque suæ comparti salutem æternam, quantum potest, procuret : Ergo si potest eam procurare reddendo debitum conjugale, debet id facere ex charitate, quamvis non teneatur id facere ex justitia ; nam si debeat salutem extraneorum insistere, a fortiori compartis.

## Confectaria hujus Doctrinæ.

*Confect. 1.* Si mulier lapsa in adulterium det signa pœnitentiæ, debet pars innocens eam recipere, eique culpam condonare, & perenti debitum reddere: sic Christus pepercit mulieri adultera, & Ecclesiam sanctam numquam deferet. Si vero mulier nolit pœnitere; quia vir caput est mulieris, tenetur mediis quibus poterit, eam avertere a peccato.

*Confect. 2.* Si vir labatur in adulterium, & det signa pœnitentiæ, debet mulier ei debitum non denegare.

*Confect. 3.* Si vir, aut mulier, etiam jus l. p. s. denegandi usum conjugalem, possit, concedere debitum, compartem vel ab incontinentia, vel ab ebrietate, aut alio quocunque vitio abstrahere, deest ut debitum conjugale reddat; sic enim Domino lucratur compartem.

*Confect. 4.* Si mulier ex usu conjugali non nisi leuem aliquam infirmitatem corporalem subitura sit, deest ut viro reddat debitum conjugale; sic enim compartem sibi magis devincit, & Domino lucratur. *17. Tandem sunt, inquit Greg. conjuges, ut in quibuslibet aliquando displicent, & patientes invicem tolerant, & exhortantes invicem salvent: Pastoralis parte 3. admonitione 28.*

## §. V.

*De mutua conjugatorum obligatione cohabitandi simul, quæ exprimitur hac voce: Cohære.*

*Prop. unica.* Conjugati, exceptis causis legitimi divortii, debent simul, quantum possunt, coherere, & habitatione, & thoro.

*Prob. 1.* Ex Script. Nolite fraudare invicem, nisi forte ex consensu ad tempus, ut vacetis orationi: & iterum revertimini in id. p. m., ne teneat vos Satanas propter incontinentiam vestram: ad Corinth. 7. Ergo conjugati tenentur simul coherere.

2. Conjugium exigit mutuam illam coherentiam, ut alter conjux alteri sit adjutorio: Ergo debent simul quoad thorum & habitationem coherere.

Confectaria hujus Doctrinæ.

*Confect. 1.* Si vir alio se transferat ex causa non turpi & ad longum tempus, & velit uxorem secum habere, uxor tenetur cum sequi, nisi gravissimum periculum animæ vel corporis inde manifeste sequeretur: quia *Vir caput est mulieris*, ad eum pertinet statuere de loco & modo habitationis: sic Sara sequebatur Abrahamum peregrinantem.

*Confect. 2.* Si uxor non possit honeste virum sequi, potest ad tempus ab illo abesse: sic uxores non sequuntur maritos in bello, ut patet exemplo uxoris Uriæ:

2. Reg. c. 1. v. 9.

§. VI.

*De loco, in quo debitum conjugale reddendum est, quod exprimitur his verbis: Sit locus.*

*Prop. unica.* Conjugati debent sibi mutuo debitum conjugale reddere juxta regulas honestatis, & proinde in locis abditis.

*Prob. 1.* Ex Script. *Honorabile concubium in omnibus, & thorus immaculatus:* ad Hebr. 13. v. 4. Ergo oportet, ut in actu conjugali nihil fiat contra honestatem.

2. Ex Clemente Alexand. lib. 2. Stromatum, cap. 10. *Non immodeste sese ac intemperanter gerere oportet: sed recundia tanquam lux rationis in animo includenda.*

3. *Rat.* Oportet reddere debitum, inquit D. Thom. salva debita honestate, quæ in talibus exigitur: ergo non oportet, quod palam & in publico debitum reddatur.

Confectaria hujus Doctrinæ.

*Confect. 1.* Non licet exigere, immo neque reddere debitum conjugale neque in publico neque coram his, qui possent provocari ad libidinem; quia abstinendum est ab operibus etiam licitis, quæ sunt aliis scandalo, quando uti possumus jure nostro tempore magis convenienti. Talis usus matrimonialis est peccatum mortale, non ratione sui, sed ratione scandalii.

*Confect. 2.* Non licet exigere, immo neque reddere debitum conjugale in loco sacro; quia id repugnat sanctitati loci: de quo ita D. Antoninus 3. P. tit. 1. c. 21. *Sive ergo habeatur alius locus, sive non possit haberi alius*



locus ad hoc, certum est quod non licet petere, sed nec reddere tenetur alter illud quod reddi non potest sine irreverentia loci sacri: nam propter hoc indiget reconciliatione, secundum Joannem Andream, quantum est ex natura facti, licet per accidens, si est occultum, non indigeat reconciliatione: quod etiam ponit Hostiensis. Tunc usus matrimonialis est peccatum mortale, juxta Antoninum, non ratione sui, sed ob irreligionem & irreverentiam erga locum sacrum.

### §. VII.

*De tempore, in quo debet reddi debitum conjugale, quod exprimitur his verbis: Sit tempus.*

*Prop. unica.* Nullum est tempus, quo in rigore conjugati non debeant sibi reddere debitum conjugale, sicuti nullum est tempus, quo non teneat solvere quod alteri debeo; tamen ex decencia hortandi sunt conjugati, ut ex mutuo consensu contineant se interdum, certisque temporibus.

### Confectaria hujus Doctrinæ.

*Consect. 1.* Bonum est continere tempore jejunii. *Sanctificate jejunium*, inquit Scriptura, *egredietur sponsus de cubili suo, & sponsa de thalamo suo*: Joel. 1. 15. Ita censet Origenes homilia 10. In Levitic. Chrysost. lib. de Virg. c. 30. 31. Amb. serm. 26. de tempore.

*Consect. 2.* Bonum est, ut conjugati contineant se temporibus orationi destinatis, quales sunt dies festivi solemniores. *Nolite fraudare invicem*, inquit Scriptura, *nisi forte ex consensu ut vacetis orationi*: 1. ad Cor. 7. Deinde diebus festivis non licet vacare servilibus; quia servilia avertunt mentem a Deo: Opus autem conjugale magis avertit ab oratione, quam opus servile: Ergo decet, ut conjugati diebus festivis ab opere conjugali abstineant.

Demum Hebræi legem recepturi abstinerunt tribus diebus a mulieribus, & panes propositionis non licebat comedere nisi iis, qui se continuerant: Christianos ergo decet esse continentes & cum legem Dei audituri sunt, & cum Christi corpus debent recipere.

Dixi,

Dixi, decet ut conjugati diebus festivis sese continent, nam, ut optime ait Cajet. de matrim. *Peccat mortaliter conjugatus negans debitum, etiamsi dies Paschæ fuerit, in quo debeat communicare: quia communio non dispensat communicantem, ne id efficiat, ad quod tenetur ex justitia.*

§. VIII.

*De obligatione servandi votum, quæ exprimitur his verbis: Desitve obligatio voti.*

Nota, quod ibi non est quæstio de voto solemni castitatis, sed de voto simplici; quia votum solemne castitatis elicitum ante matrimonium reddit matrimonium nullum, elicitum vero post matrimonium nullam obligationem inducit; sed quæstio est de voto simplici, quod ante matrimonium, vel post matrimonium elicitum est.

*Prop.* unica. Conjugatus tenetur, quantum in eo est, observare votum simplex castitatis, quod elicit, sive illud ante matrimonium, sive post matrimonium elicuerit.

*Prob.* Votum etiam simplex obligat, ut diximus, ubi de voto: ergo conjugatus tenetur, quantum in eo est, observare votum simplex, quod elicit, sive ante, sive post matrimonium illud elicuerit.

Confectaria hujus Doctrinæ.

*Confect.* I. Qui ligatus voto simplici castitatis perpetuæ, sine dispensatione, valde quidem, sed illicite contrahit matrimonium, tenetur in eo, in quo potest observare votum: & ita nunquam potest petere debitum, sed solum potest reddere: unde si velit petere, debet a superiore dispensari: sic docet D. Th. in 4. dist. 38. q. 1. a. 3. quæst. 2. ad 4. ubi sic habet: *Quia conjugatus ex matrimonii vinculo non obligatur ad petendum debitum; ideo ligatus voto, non potest petere debitum sine peccato: quia quoad hoc, est ligatus voto, quamvis possit sine peccato reddere debitum exigenti, postquam obligatus est ad hoc per copulam præcedentem.* Et si ejus compars moriatur, tenetur, inquit D. Bonaventura, omnino, id est per totam vitam, continere: in 4. dist. 38. art. 2. q. 1.

*Consect. 2.* Qui post matrimonium consummatum elicit votum simplex perpetuæ castitatis, non potest debitum conjugale petere; quia quoad hoc potuit se ligare, cum in ejus potestate sit abstinere a petendo debito; sed tenetur reddere, quia non est in ejus potestate non reddere. Ita Concil. Lateran. III. cap. *Promisit quis*, inquit Concil. *se non exigere debitum, quod in ejus potestate erat; & ideo quoad hoc totum tenuit; non reddere autem non erat in ejus, sed in mulieris potestate.* Idem habetur cap. *P acuit*, eodem titulo, ubi iustud affertur principium: *Quod votum eatenus est obligatorium, quatenus votens potest se obligare.*

*Consect. 3.* Qui ligatus aut voto non nubendi, aut voto intrandi Religionem, aut voto suscipiendi Ordinem sacrum, contrahit matrimonium valide quidem, sed illicite contrahit; peccat consummando matrimonium; quia violat votum: sed consummato semel matrimonio, potest & petere, & reddere debitum conjugale; quia inquit Abulensis in c. 27. Lev. q. 6. Si ligatus tali voto. *Contraxerit, & consummaverit per copulam, dissolutum est votum: tamen est imponenda penitentia transgressori secundum arbitrium Confessoris.*

Idem docet Cajetanus verbo *matrimonium*, & communiter omnes Theologi. Ille, inquit, qui vovit ingredi & perseverare in Religione, vel suscipere Ordinem sacrum, vel non nubere, & postea absque dispensatione uxorem duxit, potest post consummatum matrimonium petere debitum ab uxore; quia votum ejus est de affirmatione, scilicet, de assumendo statu Religionis, aut Subdiaconatus, aut celibatus, & non est de castitate nisi per viam sequelæ. Id est, qui vovit castitatem ad semper & pro semper tenetur continere se quantum in ipso est: qui vero vovet Religionem, celibatum & Subdiaconatum, non vovet castitatem, sed vovet statum in quo servatur castitas, tenetur quidem ex vi voti illum statum, quem vovit, ingredi; sed ex vi voti non tenetur servare castitatem: ideo, si fornicetur, peccat quidem peccato luxuriæ, sed non peccato sacrilegii, & si semel votum suum violaverit, potest absque novo peccato & reddere, & petere debitum conjugale.

*Consect. 4.* Qui post consummatum matrimonium elicit votum simplex intrandi Religionem, vel suscipiendi Ordini-



Ordinem sacrum, vel servandi calibatum post mortem suæ compartis, potest & reddere & exigere debitum conjugale; quia non tenetur ad castitatem donec statum illum amplexus fuerit; & tenebitur statum illum amplecti cum poterit, scilicet post mortem compartis.

*Consect. 5.* Qui post matrimonium ratum, & consummatum vovit castitatem cum consensu compartis, non potest nec petere, nec reddere debitum conjugale. Primo non potest petere; quia voto cecidit a jure petendi debitum: non potest reddere; quia compars per consensum cecidit a jure exigendi: ita habetur Can. *Manifestum* 33. qu. 5. ubi sic habetur: *Si quilibet eorum alteram a jure suo absolverit, ad præteritam servitutem ipsam revocare non poterit.*

*Consect. 6.* Si ambo conjugati post matrimonium ratum, & consummatum ex mutuo consensu perpetuam castitatem voveant, numquam poterunt aut petere, aut reddere debitum conjugale; quia ex vi voti & consensus mutui privantur utroque jure, scilicet, vi voti privantur jure petendi, vi consensus privantur jure reddendi debitum conjugale: id expresse docet Aug. relatus Can. *Quod Deo* 33. q. 5. ubi sic habet: *Quod Deo pari consensu ambo voveratis, perseveranter usque in finem reddere ambo debuistis; a quo proposito si lapsus est ille, tu saltem, Ecclitiam alloquitur, instantissime persevera, ad quod te non exhortarer, nisi quia tibi ad hoc ipse consenserat.*

*Consect. 7.* Si ambo conjugati post matrimonium ratum non consummatum voveant Religionem, non possunt consummare matrimonium, sed debent, quam citius poterunt, intrare Religionem, ut adimpleant votum. Si vero consumment, peccant graviter consummando matrimonium; quia ponunt obicem voto exequendo; sed consummato semel matrimonio possunt & petere, & reddere debitum conjugale; quia votum intrandi Religionem non privat jure reddendi, & exigendi debitum conjugale.

*Consect. 8.* Si ambo conjugati communi consensu pactum ineant de non petendo nec reddendo debito, durante pacto neuter potest petere, vel reddere debitum; quia vi pacti uterque cessit juri suo: sed

si communi consensu rescindant pactum, redeunt ad primæva jura; quia, ut ait Chrysost. *Omnis res per quascumque causas nascitur, per easdem dissolvitur*: Cap. Omnis, de regulis juris.

## ARTICULUS VI.

*Quibus remediis possint conjugati vitare peccata, quæ committi solent in usu matrimonii.*

*Prop. unica.* Ad vitandam incontinentiam, quæ vulgo reperitur in usu matrimonii, conjugati hujusmodi remedia adhibere possunt.

1. Debent primum aliquem finem sibi proponere, v.g. intendere possunt alterum ex istis tribus, scilicet, *vel procreare prolem in honorem Dei, vel reddere debitum comparti exigenti, vel reperire remedium concupiscentiæ.*

- Ex Scriptura. Finis primarius matrimonii est generatio liberorum, juxta illud: *Crescite, & multiplicamini*: Genesios I. v. 28. Finis secundarius est remedium concupiscentiæ: *Propter fornicationem unusquisque suam uxorem habeat, & unaqueque suum virum habeat.* Et alter finis justitiæ est, ut conjugati sibi invicem debitum reddant: *Nolite fraudare invicem.* Ergo conjugati debent unum ex istis finibus sibi proponere in actu conjugali, si velint vitare peccata, quæ in usu matrimoniali committuntur. Idem docent Patres. *Propagatio liberorum ipsa est prima & naturalis, & legitima causa nuptiarum*: Aug. lib. 2. de adult. conjug. c. 12. *Matrimonium fuit in populo Dei aliquando legis obsequium, nunc est infirmitatis remedium*: Aug. lib. de bono viduit. c. 8.

2. Debent sibi proponere exemplum eorum, qui sancte vixerunt in matrimonio: v. g. possunt sibi proponere exemplum Tobiae dicentis: *Domine tu scis, quia non luxuriæ causa accipio sororem meam conjugem, sed sola posteritatis dilectione, in qua benedicatur nomen tuum in sæcula sæculorum*: Tob. 8. v. 9.

3. Conjugati debent a Deo precibus petere prolem sanctam, exemplo Annæ, quæ a Deo impetravit Samuelem, exemplo Elisabeth & Zachariæ, qui

qui a Deo impetrarunt Joannem Baptistam; nam sanctorum filiorum procreatio a Deo est, juxta illud Evæ: *Possedi virum per Deum*: Gen. 4. & juxta Davidis: *Ecce hæreditas Domini, filii, merces, fructus ventris*: Psal. 126. v. 4.

4. Namum decet, ut conjugati diebus festis, & diebus jejunii contineant sese, ut vacent orationi. *Abstineite vos*, inquit Paulus ad Corinth. *ut vacetis orationi*. Idem passim docent sancti Patres. Aug. sic habet can. *Quibuscumque 53. q. 4. Cum dies natalis Domini, aut reliquæ festivitates adveniunt . . . ante privas dies . . . a propriis uxoribus abstineite*. Quod ita debet intelligi, juxta D. Bonavent. in 4. dist. 32. a. 3. q. 2. in corp. *Debitum conjugale reddi potest illis diebus sine omni culpa, dum tamen reddatur cum displicentia, & dolore; peti autem non potest sine culpa*.

## CAPUT VIII.

*De excessu tum in cibo, tum in potu.*

**E**xcessus tum in cibo, tum in potu ita affinis est luxuriei, ut unum vitium vix sine altero reperias. Ideo Paulus ebrietates, comestiones cum impudicitia semper consociat. Et Christus ipse commemorans ingluviem eorum hominum, qui Noemi temporibus vixerunt & vaticinans vitia eorum hominum, qui in fine mundi victuri sunt, ait: *Sicut enim erant in diebus ante diluvium comedentes & bibentes, nubentes & nuptui tradentes usque ad eum diem, quo intravit Noe in Arcam*: Matth. 24. v. 38. indicans intemperantiam inter & luxuriam fatalem quamdam intercedere necessitudinem. Cum ergo tanta sit inter luxuriam & intemperantiam connexio, congruus ordo postulat, ut qui egimus de luxuria, jam de cibi potusque intemperantia agamus, & statuamus qualis debeat esse apud Christianos & cibi, & potus usus.

## ARTICULUS I.

*An licitus, vel illicitus sit cibi & potus usus.*

**Prop. 1.** Non illicitus, quin immo imperatus est is ciborum, & potus usus, qui ad vitam sustentandam est necessarius; solusque excessus est culpabilis.



*Prob. 1. Ex Script. In statu innocentiae Adamo interdictus est usus arboris scientiae boni, ac mali: & imperatus usus arboris vitae, juxta illud: Ex omni ligno Paradisi comedere; de ligno autem scientiae boni, & mali ne comedas: Gen. c. 2. v. 16. Statim post peccatum usus fructuum terrae propriis manibus excultae permittitur, juxta illud: In sudore vultus tui vesceris pane tuo: Gen. c. 3. v. 19. Statim post diluvium permittitur usus, nedum fructuum, sed etiam animalium viventium, juxta illud: Omne quod movetur & vivit, erit vobis in cibum: quasi olera viventia tradidi vobis omnia: Gen. c. 9. v. 3. Ergo non illicitus, quinimmo imperatus est moderatus ciborum & potus usus, solusque excessus est vituperabilis.*

*2. Ex Greg. lib. 30. Moral. c. 13. ubi sic habetur: Neque enim cibus, sed appetitus, id est excessus, in vitio est; unde & lautiores cibos plerumque sine culpa sumimus, & abjectiores non sine reatu conscientiae degustamus. Ejau primatum per lenticulam perdidit: & Elias in eremo per virtutem spiritus carnes edendo servavit.*

*3. Ex D. Thom. 2. 2. q. 148. art. 1. Gula est immoderata in cibo & potu delectatio: Ergo usus moderatus tum cibi, tum potus non potest esse peccatum.*

*4. Rat. Quod necessarium est ad vitam sustentandam non potest esse peccatum: Atqui usus tum cibi, tum potus est necessarius ad vitam sustentandam, ut quilibet experitur: Ergo usus tum cibi, tum potus non est peccatum, nisi ratione excessus.*

### Confectaria hujus doctrinae.

*Confect. 1. Non illicitus, quinimmo religiosus potest esse tum cibi, tum potus usus, quem soli sumimus, modo refectio illa fiat juxta regulas virtutis: de quo ita Aug. in Psal. 16. Bene agis, si quod manducas, & bibis, & ad refectiorem corporis sumis, reparationemque membrorum, gratias agens ei, qui tibi praeiit mortali & fragili ista supplementorum solatia, & cibus tuus & potus tuus laudat Deum: si vero modum naturae debitum immoderatione voracitatis excedas, & vinolentia te ingurgitas; quantalibet laudes Dei lingua tua sonet, vita blasphemat.*

Con-

*Confess. 2.* Non illicitus, sed religiosus potest esse cibi & potus usus, quem cum aliis in honestis conviviis sumimus: videmus enim piissimos viros varia convivia celebrasse. Abraham enim sub forma humana Angelis apparentibus fecit convivium: Gen. c. 28. Isaac convivium fecit Abimelech & Ochozach & Phicol, & post cibum, & potum surgentes mane juraverunt sibi mutuo: Gen. 26. v. 30. Et de filiis Job dicitur: Ibant filii ejus, & faciebant convivia per domos, unusquisque in die suo: Job. I. vers. 4. Demum ipsemet Christus pluribus conviviis interesse non dedignatus est.

## ARTICULUS II.

*Quandonam illicitus sit cibi & potus usus, quem sive privatim, sive cum aliis sumimus.*

*Prop. 1.* Toties illicitus est cibi potusve usus, sive in privatis refectionibus, sive in conviviis sumptus, quoties non servatur ordo rationis vel quoad substantiam ciborum, ut cum fercula appetuntur lautiora quam conveniant statui; vel quoad quantitatem, ut cum plus cibi sumitur, quam ratio requirit; vel quoad qualitatem, ut cum nimia curiositas adhibetur in preparandis cibis ad satisfaciendum cupiditati; vel ratione modi, ut quando non habetur ratio decori, quod in sumendo cibo observari debet; vel ratione temporis, cum vel sæpius quam per est, vel cum tempore, quo non oportet, cibis sumendis indulgetur.

*Prob. 1.* Ex D. Greg. lib. 30. Moral. novæ editionis c. 18. ubi sic habetur: Quinque modis nos gula vitium tentat: aliquando namque indigentia temporis prævenit: aliquando vero tempus non prævenit, sed lautiores cibos querit: aliquando qualibet, quæ sumenda sint, preparari accuratius appetit: aliquando autem & qualitati ciborum & tempori congruit, sed in ipsa quantitate sumendi mensuram moderate refectionis excedit: nonnumquam vero & abjectius est quod desiderat, & tamen ipso estu immensi desiderii deterius peccat. Et hæc continentur in hoc versu.

*Præpropere, laute, nimis, ardentius, si diutius.*

2. *Rat.* Toties peccatur, quoties in usu temporarium non servatur ordo rationis: Atqui in usu ciborum prædictis in cibibus non servatur ordo rationis: Ergo tunc peccatur.

### Consektaria hujus Doctrinæ.

*Consekt. 1.* Peccant, qui in refectioe utuntur cibis, vel potibus prohibitis; quia tunc non servatur ordo rationis quoad *substantiam* ciborum.

Sic peccant, qui utuntur cibo, vel potu, quibus nocetur sanitati; quia jus naturale vetat ea, quibus nocetur sanitati.

Sic peccant, qui utuntur cibo, vel potu interdicto lege positiva; v. g. Catholici qui utuntur cibis ab Ecclesia prohibitis.

Sic peccavit Adamus cibum vetitum manducans: de quo Tertull. lib. de Jeuniis c. 3. *Facilius ventri quam Deo cessit, pabulo potius quam præcepto annuit, salutem gula vendidit, manducavit denique, & periit. Teneo igitur a primordio homicidam gulam.*

*Consekt. 2.* Peccant qui cibo, vel potui plus æquo indulgent; quia tunc non servatur ordo rationis quoad *quantitatem*. Tales fuerunt Sodomitæ excedentes in panis quantitate. *Hæc fuit, inquit Scriptura, iniquitas Sodomæ sororis tuæ, saturitas panis, & abundantia.*

*Consekt. 3.* Peccant qui lautiores quam par est quarunt cibos, variaque excogitant ciborum condimenta. Talis fuit intemperantia Hebræorum, qui despecto manna carnes petierunt: Exod. 16. Hæc fuit pariter filiorum Heli ingluvies, quibus cum non placerent carnes coctæ in altari Domini, crudas extorquebant a populo, ut eas juxta concupiscentiam suam condirent: 1. Reg. c. 2.

*Consekt. 4.* Peccant qui ardentius quam par est cibis & potibus inhiant; quia non servant ordinem rationis quoad *modum*. Talis fuit intemperantia Esau, quæ pulmentum lenticulare adeo ardentem expetiit, ut primogenita sua cibi edulio vendiderit.

*Consekt. 5.* Peccant qui vel crebrius quam par est cibos sumunt, vel refectioes protendunt, vel tempus earum præveniunt. Talis fuit culpa eorum, de quibus dicit Iſaias: *Væ qui surgitis mane ad ebrietatem seſtandam,*



*Etandam, & potandum usque ad vesperam, ut vino astuetis.*

*Prop. 2.* Toties excessus in potu, vel cibo est peccatum mortale, quoties per illum excessum violatur vel charitas erga Deum ( ut cum statuitur ultimus finis in tali delectatione ) vel cum violatur charitas erga nosmetipsos, ut cum per talem excessum nocetur notabiliter sanitati, vel ratio obruitur, vel cum violatur charitas erga proximum, ut cum per talem excessum scandalum sumus proximo, vel denum cum per illum excessum præceptum aliquod Ecclesiæ violatur.

*Prob.* Toties peccatum est mortale, quoties læditur virtus ad salutem omnino necessaria, ut diximus ubi de peccato mortali & veniali. Ergo excessus in cibo & potu toties erit peccatum mortale, quoties insigniter lædetur aliqua ex prædictis virtutibus.

### Confectaria hujus Doctrinæ.

*Confess. 1.* Peccant mortaliter qui ita sunt addicti ciborum delectationi, ut in ea ultimato sistant; quia sunt hi, de quibus dicit Paulus: *Quorum Deus venter est.* Hoc autem cognoscitur, inquit Cajetan. *Quod homo ob delectationem in comedendo non curat transgredi præceptum Dei, aut Ecclesiæ . . . ut si propter hoc fuerit, aut contemnat jejunare, &c. verb. Gula.*

*Confess. 2.* Peccant mortaliter qui ita sunt addicti delectationi in cibo & potu, ut malint potius insigniter nocere sanitati corporis, quam ab ea temperare: de hoc ita Cajetanus V. Gula: *Quandoque gula grande peccatum est: ut cum delectatio cibi allicit ad comedendum usque ad vomitum, aut alia inconvenientia; & similiter cum inducit ad alia peccata, puta, ad nimium sumptum, vel ad nocendum propriæ sanitati, & ad quæcumque alia peccata, quæ secundum se sunt judicanda, quanta sunt.* Ideo merito a pluribus Academiis damnata est sequens propositio: *Non nisi veniale est etiam absque utilitate cibo & potu usque ad vomitum se ingurgitare, nisi ex hujusmodi vomitibus gravia valetudini incommoda oriantur.*

*Confess. 3.* Peccant mortaliter peccato intemperantiæ simul & inobedientiæ, qui excedentes vel in potu, vel

in cibo præcepta infringunt Ecclesiastica v. g. manducant carnes diebus abstinentiæ, pluribus utuntur refectionibus diebus jejunii; quia modum temperantiæ excedunt, & præcepta Ecclesiastica contemnunt: de hoc ita D. Th. 2. 2. q. 148. art. 2. Si ergo, inquit, *inordinatio concupiscentiæ accipitur in gula secundum aversionem a fine ultimo, sic gula erit peccatum mortale. Quod quidem contingit quando delectationi gulæ inheret homo tanquam fini, propter quem Deum contemnit, paratus scilicet contra præcepta Dei agere, ut delectationes hujusmodi assequatur.*

*Consect. 4. Peccant mortaliter qui excedentes in potu, vel cibo, aliis sunt scandalo, provocando eos ad potum vel cibum excedentem; quia in causa sunt cur alii excedant: de hoc ita Aug. ser. de tempore, alias 232. jam in appendice 295. Qui amico suo nimium proximando in anima efficitur inimicus, & corpus ejus debilitare, & animam probatur occidere. Melius erat, ut ex illo quod una die plus eum accipere coegit quam expedit, per duos aut tres dies in sum amicum ad suum convivium revocaret. . . . Aut certe, quod est melius, quidquid nimio potu perditura erat gula, pauperibus daretur in elemosynam: ut & caro rationabiliter bibendo reficeretur, & per misericordiam pauperum animæ redemptio præparetur.*

*Consect. 5. De ebrietate in particulari. Ebrietas voluntaria, quoties rationem absorbet est peccatum mortale; secus si sit involuntaria. Scriptura enim dicit: Cui rex? cuius patri vx? cui rixx? cui foveæ? cui sine causa vulnera? cui suffossio oculorum? Nonne his qui commorantur in vino, & student calicibus epotandis? Prov. cap. 23. vers. 29. Et Isaias cap. 5. v. 22. Ve qui potentes estis ad bibendum. Et Paulus 1. ad Corinth. cap. 6. vers. 10. Neque fornicarii . . . neque ebriosi Regnum Dei possidebunt. Et Thom. 2. 2. q. 150. a. 2. Ebrietas est peccatum mortale; quia homo volens & sciens privat se usu rationis, quo secundum virtutem operatur & peccata decimat.*

Sed ebrietas involuntaria non est peccatum: quia nullum peccatum potest esse involuntarium.

Sic qui semel inebriatur voluntarie, peccat, mortaliter; quia, ut loquitur D. Thom. vult potius ebrietatem incurrere, quam potum abstinere. Sed

Sed gravius peccat, qui ex consuetudine inebriatur; quia peccatum aggravatur ex consuetudine, ut diximus ubi de habitu vitio voluntario. *Affiduitas*, inquit D. Th. 2.2.q. 150. art. 2. ad 1. *facit ebrietatem esse peccatum mortale, non propter solam iterationem actus, sed quia non potest esse quod homo assidue inebrietur, quin sciens ac volens ebrietatem incurrat; dum multoties experitur fortitudinem vini, & suam habilitatem ad ebrietatem.*

Sic peccat mortaliter cujushbet sortis vir qui inebriatur; sed gravius si sit Clericus, quam si sit Laicus, si sit persona publica quam si sit persona privata; peccatum enim creiscit ex circumstantia personæ.

Ebrietas Clericis specialiter prohibetur; dicit enim Paulus 1. ad Tim. c. 3. v. 2. *Oportet Episcopum irreprehensibilem esse --- non vinolentum --- Diaconos non multo vino deditos.* Et Concilium Agatenſe can. 41. *Ante omnia a Clericis vitetur ebrietas, quæ omnium vitiorum jones, ac nutritrix est. Quem ebrium fuisse constituerit, ut ordo patitur, aut triginta dierum spatio communionem statuimus submovendum, aut corporali subdendum supplicio.* Sienim Levitis Aaronicis dictum est, Levit. c. 10. v. 9. *Vinum & omne quod inebriare potest non bibetis tu & filii tui, quando intrabitis tabernaculum testimonii, ne moriamini;* quanto potiori jure sobrios decet esse Clericos, qui Evangelicum ingrediuntur tabernaculum. Et he Nazaræi a vino, & omni quod inebriare potest abstinebant, Num. c. 6. & Rechabitz, teste Jerem. c. 3. ut obedirent Patri Jonadab a vino temperabant; quanto potiori ratione decet Clericos in usu vini non excedere.

Mulieribus, juvenibus, & Magnatibus pariter strictius prohibetur ebrietas; quia ipsis maxime convenit sobrietas, ut docet D. Thom. *Sobrietas*, inquit, *maxime requiritur in juvenibus, & mulieribus; quia in juvenibus viget concupiscentia delectabilis propter fervorem ætatis; in mulieribus autem non est sufficiens robur mentis ad hoc quod concupiscentiis resistant.* Unde Apostolus 1. ad Tim. c. 3. --- *Mulieres similiter pudicas, sobrias; & ad Titum c. 2. ait: Anus similiter --- non multo vino fervientes --- Juvenes similiter hortare, ut sobrii sint.*

Et



Et D. Thom. ibidem ait: *Alio vero modo magis sobrietas requiritur in aliquibus, utpote magis necessaria ad propriam operationem ipsorum. Vinum autem immoderate sumptum præcipue impedit usum rationis; Et ideo senibus, in quibus ratio debet vigere ad aliorum eruditionem; Et Episcopis, seu quibuslibet Ecclesiæ ministris, qui mente devota debent spiritualibus officiis insistere; Et Regibus, qui per sapientiam debent populum subditum gubernare, specialiter sobrietas indicitur. Ideo Apostolus ad Titum c. 2. ait: hortare senes, ut sobrii sint: & de Regibus & iudicibus dicitur Prov. c. 31. v. 4. Noli regibus dare vinum; quia nullum secretum est ubi regnat ebrietas: Et ne forte bibant Et obliviscantur iudiciorum, Et mutant causam filiorum pauperis.*

### ARTICULUS III.

*Quandonam licitus, vel illicitus sit conviviorum usus.*

**Prop.** unica. Toties licitus est conviviorum usus, quoties aut ad augendam erga Deum Religionem, aut fovendam inter homines societatem conducit.

**Prob. I.** Ex Script. Sacrificia Judeorum non tam erant sacrificia quam convivia, ut patet ex Agno Paschali aliisque victimis Deo oblatis. Sacrificium Christianorum non solum est sacrificium, sed etiam convivium, in quo unum corpus omnes efficimur, qui de uno pane participamus: Ergo convivia duplicem habent finem, scilicet augere Religionem erga Deum & fovere societatem inter homines: Ergo toties licita convivia, quoties ad unum ex illis finibus conducunt; illicita vero si ad neutrum ex illis finibus ordinentur.

**2. Rat.** Homines ad duplicem communitatem societatemque nati sunt: alteram, quæ sit hominibus cum Deo; alteram, quæ sit inter ipsos homines: atqui nihil aptius accommodatiusque esse potest ad utramque societatem fovendam quam convivia, si qua decet sanctitate fiant, Deo ob cibos acceptos simul communes gratias rependendo, & societatem cum his, quibus convescimur, nutriendo. Unde convivia

vivia Christianorum aut Agapes, aut Eucharistia vocantur: Agapes, quia in his mutua fidelium fovetur concordia: Eucharistia vero; quia in his gratiæ Deo redduntur. Ergo toties licitus est conviviorum usus, quoties sunt vel ad augendam erga Deum Religionem, vel nutriendam cum hominibus societatem.

*Consect.* unicui. Toties vitiosa sunt hominum convivia, quoties in conviviis aliud intenditur, quam incrementum aut Religionis, aut societatis humanæ; quia hic duplex tantum est conviviorum usus.

Sic vituperanda sunt eorum convivia, qui in conviviis hoc unum querunt, ut laute comedant, ut liberaliter potent: qui, modo ventrem impleant, palato indulgeant sensibusque placeant, cæterorum omnium obliviscuntur: de quibus *Isaas* 5. v. 12. *Cithara & Lyra, & Tympanum, & vinum in conviviis vestris, & opus Domini non respicitis nec opera manuum ejus consideratis*: de quibus pariter *Petrus* 2. epist. c. 1. v. 13. *Deliciis affluentes, in conviviis suis luxuriantes.*

Sic demum vituperanda sunt convivia eorum hominum, qui in epulis suis vel fastum querunt, ut *Assuerus*: *Esther* c. 1. vel vindictam contra inimicos suos: ut *Absalon*, qui *Ammon* fratrem in convivio occidendum jussit; vel irreligionem, ut *Balthassar*, qui vasis sacris in convivio abusus est &c.

Qui plura & quidem egregia de conviviis scire voluerit, consulat *Guillelmum Stachium* in opere, quod edidit de antiquitatibus convivialibus.

## DE SEPTIMO DECALOGI PRÆCEPTO.

### P R O O E M I U M.

Septimum Præceptum sic habet: *Non furtum facies.*

Finis hujus Præcepti est conservare justitiam inter homines, jus suum cuicumque reddere, & rerum dominia unicuique illata custodire; ideo totam hujus Præcepti explicationem quatuor Tractatibus absequeverimus. In primo agetur de his, quibus competit rerum

rerum dominium : & quomodo etiam vi solius authoritatis Reipublicæ per usucapiones , & præscriptiones acquiratur , & deperdatur rerum dominium , etiam absque deperdentium consensu. In secundo agatur de Contractibus , Donationibus , & Testamentis , quibus per voluntariam privatorum conventionem acquiritur vel deperditur rerum dominium. In tercio agatur de variis speciebus Furti , & Rapinæ , & Damni , quibus rerum dominium injuste aut læditur , aut auferitur. In quarto agatur de Restitutione , per quam rerum dominia injuste vel abiata , vel læsa reparantur.

# TRACTATUS DECIMUS QUARTUS. DE RERUM DOMINIO.

## CAPUT I.

*Quid & quotuplex sit Justitia, Jus, & dominium,  
& possessio.*

## ARTICULUS I.

*Quid & quotuplex sit justitia.*

**J**ustitia , prout hic sumitur , est virtus inclinans voluntatem ad reddendum unicuique quod suum est : facit quippe justitia , ut cuique nondum habenti tradamus libenter quod suum est : & vetat , ne jam habenti vel affectu auferamus quod ejus est. Ideo definitur a Justiniano : *Perpetua & constans voluntas jus suum cuique tribuendi*. Species justitiæ sunt tres. 1. Justitia universalis legalis. 2. Justitia particularis distributiva. 3. Justitia particularis commutativa.

Justitia universalis legalis est virtus , qua membra Reipublicæ comparantur ad Rempublicam , ejusque legibus subiciuntur ; & ita reddunt Reipublicæ quod illi debetur , nimirum subjectionem ; sicuti membra



corporis comparata ad animam subjiuntur animæ. Dicitur iustitia legalis; quia legem statuit singulis hominibus, eosque legibus subesse præcipit.

Iustitia particularis distributiva est virtus, qua Respublica, vel Princeps vices gerens Reipublicæ, comparatur ad membra Reipublicæ, *Et reddit unicuique, quod suum est*, remunerando bonos juxta cujuslibet meritum, puniendo malos juxta cujuslibet demeritum; sicuti anima comparata ad membra corporis, singulis membris præbet quod eis debetur, unicuique juxta sui exigentiam & meritum. Dicitur iustitia distributiva; quia tota est in distribuendo vel præmium, vel pœnas.

Iustitia commutativa est virtus, qua membra Reipublicæ, ad invicem comparata, *reddunt sibi quodlibet quod suum est*, & membrum unum non aufert ab altero membro quod ei debetur; sicuti in corpore una pars, v. g. brachium non aufert ab alia parte, v. g. pede, quod ei debetur, sed ei rependit quod suum est. Dicitur commutativa; quia maxime versatur in commutationibus, quæ in contractibus vulgo solent intervenire.

## ARTICULUS II.

*Quid Et quotuplex Jus.*

Jus, prout hic sumitur, est *titulus, quo res dicitur nostra, Et non alterius.*

Jus aliud est jurisdictionis, aliud proprietatis.

### §. I.

*De Jure jurisdictionis.*

Jus jurisdictionis est *potestas legitima gubernandi* suos subditos liberos, non in commodum proprium, sed in commodum subditorum Et communitatis. Tale est jus, quod habet Respublica supra suos subditos, & Ecclesia supra Christianos.

1. Est *potestas legitima*; quia si imperium illud sit legibus contrarium, non est jurisdictio, sed tyrannis.

2. Dicitur *gubernandi*: quia jurisdictio exercetur per præcepta, prohibitiones, permissiones, judicia,

præmia, punitiones, &c. non enim aliis mediis ducitur natura rationalis.

3. Dicitur *suos subditos*: quia auctoritas gubernandi non debet extendi, nisi ad eos, qui sunt nobis subditi.

4. Dicitur *liberos*; quia in servos & mancipia habetur jus proprietatis, & non jurisdictionis solum.

5. Dicitur *non in bonum proprium, sed in bonum Communitatis*; quia superior non alium debet sibi proponere finem, quam bonum subditorum & Communitatis.

Jus jurisdictionis aliud est Ecclesiasticum, aliud civile.

Jus Ecclesiasticum est potestas legitima gubernandi subditos in rebus spiritualibus, cultum divinum & salutem animarum spectantibus.

Jus civile est potestas legitima gubernandi subditos in rebus temporalibus, spectantibus externam vivendi rationem, & tranquillitatem publicam.

## §. II.

### *De Jure Proprietatis.*

Jus proprietatis est potestas legitima disponendi de re tamquam sua in omnem usum lege non prohibitum.

1. Dicitur *potestas legitima*; quia si vis illa legibus sit contraria, non est jus, sed injusta usurpatio.

2. Dicitur *disponendi de re tamquam sua*; quia ille, qui habet jus proprietatis, potest pro libito de rebus suis disponere vel retinendo, vel vendendo, vel donando, vel locando, &c.

3. Dicitur *in omnem usum lege non prohibitum*; quia disponere de rebus suis contra legem, non est usus, sed abusus; ideo possessor non potest v. g. segetes suas comburere, pecunias suas in præjudicium Reipublicæ in mare projicere.

Jus proprietatis aliud est altum, aliud infimum.

Jus altum, universale, & eminens, est illud, quod habet Communitas in bona privatorum, vel ipsemet Princeps, ut est persona publica; de quibus bonis potest disponere in communem Reipublicæ utilitatem in casu necessitatis, & solum ea necessitate durante.

Jus infimum est illud, quod habent privati homines in bona, quæ ipsis peculiariter addicta sunt.

Jus aliud est ad rem, aliud in re.

Jus ad rem est potestas legitima ad rem obtinendam, sibi que obligandam. Hoc jus tribuit non actionem realem, qua res, quæ dicitur nostra, vindicari possit, sed actionem personalem, qua persona lædens jus nostrum cogatur damnum reparare. Tale est jus, quod quis habet in rem sibi venditam, sed non traditam.

Jus in re est potestas legitima, quam quis habet in re sibi tradita & obligata. Hoc jus tribuit actionem realem, qua res vindicari possit, ubi fuerit. Tale est jus, quod quis habet in re sibi vendita & tradita. Ut aliquis habeat jus in re, tria requiruntur.

1. Justus titulus: defectu cujus conditionis fures non habent jus in re circa pecunias furto subreptas.

2. Existentia rei: defectu cujus conditionis possessor fundi non habet jus in re circa fructus anno proximo percipiendos.

3. Traditio rei: defectu cujus conditionis emptor non habet jus in re circa merces sibi venditas, sed nondum traditas.

Ut aliquis acquirat jus ad rem, sufficit justus titulus, nec requiritur existentia rei, vel traditio.

Sic possessor fundi habet jus ad rem circa fructus in fundo suo proximo anno enascituros.

Sic Clericus graduatus habet jus ad rem circa beneficia mensibus graduatorum vacatura.

Jus aliud importat oppignorationem rei, aliud dominium rei.

Jus importans oppignorationem, est potestas legitima, qua res aliqua dicitur alicui oppignorata.

Tale est jus, quod competit creditori, in res sibi a debitoribus oppignoratas ad securitatem debiti.

Jus importans dominium, est potestas legitima, qua res aliqua actualiter possidetur.

Tale est jus illius, qui equum, agrum, domum justo titulo possidet.

### ARTICULUS III.

Quid & quotuplex sit dominium.

Dominium est jus perfecte disponendi de re, nisi lege prohibeatur.



Dominium aliud est altum, aliud infimum.

Dominium altum est illud, quod habet Respublica in privatorum bona, quibus uti potest in bonum Reipublicæ.

Dominium infimum est illud, quod privati homines habent in sua bona.

Dominium infimum aliud est perfectum, aliud imperfectum.

Dominium perfectum seu plenum est illud, quod extenditur ad substantiam rei simul & ad ejus emolumenta: quod complectitur & proprietatem rei, & emolumenta ipsius.

Tale est dominium, quod quis habet in vineam suam, de cujus proprietate & usu potest, prout libuerit, disponere.

Dominium imperfectum aliud est directum, aliud utile.

Dominium directum est jus, quo licet solum de substantia rei disponere, minime vero de ejus emolumentis.

Tale est dominium illius, qui habet solum proprietatem rei.

Dominium utile est jus utendi, aut etiam fruendi re aliena, salva ejus substantia.

Tale est dominium illius, qui percipit fructus fundi, sed non habet ejus proprietatem.

Dominium utile est multiplex: usus, ususfructus, habitatio, superficies, emphyteusis, feudum, libellus, servitus. De quibus omnibus sigillatim agemus in IV. Tomo in compendio juris civilis.

## ARTICULUS IV.

*Quid & quotuplex sit possessio.*

Possessio est apprehensio, & detentio rei, adminiculo corporis, & animi, & juris.

I. Dicitur apprehensio, & detentio rei; quia ut res vel corporea vel incorporea dicatur possideri, oportet ut aliquo modo apprehendatur & detineatur per possidentem: ideo res, quas nec apprehendimus, nec detinemus. v. g. res omnino nobis extraneas, possidere non dicimur.

2. Dicitur adminiculo corporis; quia ut rem possidere dicamur, debemus eam vel manibus tangere, aut oculis vide-

videre; vel in se, ut cum tangimus aut cernimus agrum, quo contactu vel intuitu declaramur rei, quam tangimus, aut cernimus, possessores; vel in aliquo, quod gerat vices rei, ut cum dentur instrumenta, quibus res nostra declaratur, v. g. traditur clavis domus.

3. Dicitur *adminiculo animi*; quia ut rem possidere dicamur, debemus eam apprehendere aut tenere animo possidendi: ideo depositarius non dicitur possidere depositum; quia non tangit aut conservat depositum animo retinendi, sed animo reddendi illud deponenti.

4. Dicitur *juris adminiculo*; quia ut dicamur rem possidere, non sufficit, quod apprehendamus rem manu, & cum animo retinendi, ut facit fur, cum rem furtivam accipit; sed debet juris autoritas intervenire, ut possessor queat pacifice rem retinere, & se defendere ab his, qui eum velint a possessione rei, quam possidet, deturbare.

Possessio alia est rei propriæ, alia rei alienæ.

Possessio rei propriæ ea est, *qua aliquid, quod nostrum est, jure detinemus.*

Possessio rei alienæ ea est, *qua aliquid, quod nostrum non est, possidemus.*

Possessio rei alienæ, alia est bonæ fidei, alia malæ fidei, alia dubiæ fidei.

Possessio rei alienæ bonæ fidei ea est, *qua possidemus aliquid, quod nostrum non est, sed quod per ignorantiam invincibilem nostrum putamus.*

Possessio rei alienæ malæ fidei ea est, *qua scienter aliquid possidemus, quod nostrum non est.*

Possessio rei alienæ dubiæ fidei ea est, *qua revera alienum possidemus, sed cum dubio, an nostrum sit, vel alterius.*

Privilegia possessionis etiam rei alienæ, cum adest bona fides, sunt ista.

1. Parit præscriptionem; inde natum illud axioma: *possessor bonæ fidei debito tempore præscribit; malæ vero fidei ullo tempore non præscribit.*

2. In dubio facit conditionem possessoris meliorem; unde natum illud axioma: *in dubio melior est conditio possidentis.*

3. Dat presumptionem dominii; unde natum illud axioma: *possessor non tenetur probare rem esse suam.*

4. Dat jus possessori, ne deturbetur a re quam possidet, & ut deturbatus in eam restituatur: unde nata hæc regula: *possessor potest rem, quam possidet, defendere; & expulsus prius restituendus est in possessione, quam de iustitia possessionis agatur.*

## CAPUT II.

*De his, quibus competat rerum dominium.*

## ARTICULUS I.

*Quid & quale dominium competat Deo, Angelis tum bonis, tum malis.*

**Prop. 1.** Deus habet omnium rerum creatarum sive corporearum sive incorporearum absolutissimum & perfectissimum dominium, v. g. circa cælos, circa elementa, circa mixta, circa Angelos, circa homines.

**Prob. 1.** Ex Script. Domini est terra & plenitudo ejus: Psal. 23. v. 1. Et Salomon ait: Dominus omnium es: Sap. 12. v. 16. Et a Judith vocatur Dominus totius creaturæ: Judith 9. Et Esther dicit Deo 13. Dominus omnium es. Ergo Deus habet omnium rerum creatarum absolutissimum dominium.

2. Ex D. Thom. 2. 2. q. 66. a. 1. ad 1. ubi sic habetur: Deus habet principale dominium omnium rerum.

3. **Rat.** Dominium est potestas utendi re pro libito: atqui Deus potest quacumque creatura prout libuerit uti, cum eam possit vel destruere, vel conservare, vel in quam partem voluerit inclinare: Ergo Deus habet supremum & absolutum super res creatas dominium.

## Confectaria hujus Doctrinæ.

**Confect. 1.** Deus posset, si vellet, omnes & singulas creaturas absque injuria destruere. Et ita Deus potuit, ut docet D. Thom. absque ulla injuria præcipere Abrahamo, ut immolaret unicum filium ejus: potuit & præcipere Judæis, ut spoliarent Ægyptios, & ut Chanaanæos, & Philistæos bello adorirentur, eosque vel interficerent, vel e terris, quas occupabant, ejicerent; quia Deus habet supremum dominium & supra vitam hominum, & supra omnia eorum bona temporalia.

**Confect. 2.** Dominium in singulas creaturas, præcipue in vitam hominum, ita est Deo proprium, ut nulli al-



teri conveniat: & ita solus Deus potest de vita hominum disponere, juxta illud Deut. 32. v. 39. *Videte, quod ego sim solus Deus, & non alius præter me: ego occidam, & ego vivere faciam.* Et juxta illud Sap. 16. v. 16. *Tu es Domine, qui vitæ & mortis habes potestatem.*

Sic nullus homo potest se ipsum occidere; quia non est dominus vitæ suæ. Nullus privatus, immo neque Princeps potest alium hominum occidere, nisi id faciat, ut minister Dei; quia nullus homo habet dominium supra vitam alterius. Nullus pariter homo privatus aut Princeps potest se, aut alium mutilare sine causa; quia non est dominus sui vel alieni corporis. Potest tamen cum causa ut minister Dei: v. g. mutilatio alicujus membri potest fieri vel ad conservandam vitam, vel ad puniendum delictum.

Solus Deus habet dominium supra vitam hominis: sed supra libertatis statum quilibet verum habet dominium: atque adeo homo potest fieri servus vel propria voluntate, vel necessitate justa. Propria voluntate, ut si se ipsum vendat, uti permittebatur Judæis egestate compulsi se ad tempus vendere: Exod. 22. & Lev. 25. Necessitate justa, ut si id lex jubeat vel permittat, lex enim jubet reos criminis sententia judicis posse servitute damnari; permittit vero manucaptos in bello, qui occidi poterant, posse fieri servos: item permittit, ut filius, qui ex matre serva nascitur, servus sit, sive pater sit servus, sive non, quia partus sequitur ventrem; immo permittit patri, ut in urgenti necessitate possit filium suum vendere.

*Consect. 3.* Dominium, quod habet Deus, quantumvis absolutum, non tollit nec dominium altum Reipublicæ, nec dominium infimum privati hominis, sed solum utrumque sibi subjeit: sicut enim vis efficiendi, quam habet Deus, non tollit vim effectricem a creaturis, sed solum conservat, prævenit, applicat, adjuvat; ita dominium absolutum Dei præcedit omne dominium creatum, illudque conservat, eique robur adjieit.

*Prop. 2.* Angeli tum boni, tum mali, nullum dominium habent proprie circa creaturas corporeas, vel circa homines.

*Prob. rat.* Angeli tum boni, tum mali non possunt de rebus istius mundi disponere tanquam suis: Ergo non habent verum circa res creatas dominium.

Angeli boni vocantur domini; quia mundum istum in nostram utilitatem administrant: sicut Joseph vocabatur dominus universæ terræ Ægypti. Angelus vero malus vocatur princeps hujus sæculi, rector tenebrarum harum; non quod sit vere dominus alicujus creaturæ, sed quia peccatores alligatos detinet, non tanquam iudex, sed tanquam tortor, donec per Christum liberentur.

### Consecratoria hujus Doctrinæ.

*Consecr. 1.* De bonis Angelis. Bonos Angelos & venerari, & ad eos confugere oportet, uti diximus ubi de cultu Angelorum; quia Angeli boni sunt in ministerium missi propter eos, qui hereditatem capiunt salutis.

*Consecr. 2.* De dæmonibus. Mali Angeli seu demones fugiendi sunt, sed non pertimescendi; quia nullum habent supra nos dominium: orandus solum est Deus, ut non patiat nos tentari supra id, quod possumus.

## ARTICULUS II.

*Quod & quotuplex dominium competat privato.*

*Prop. 1.* Homo etiam privatus, hoc ipso, quod est rationalis & sui compos, habet jus acquirendi dominium rerum exteriorum corporearum, quæ in mundo sunt, & de iis pro libito disponendi -- nisi aliunde a legibus prohibeatur.

*Prob. 1.* Ex Scriptura. *Faciamus hominem ad imaginem & similitudinem nostram, & præsit piscibus maris, & volatilibus celi, & bestiis terræ:* Gen. 1. v. 26. Ergo factus est homo, ut rerum exteriorum haberet dominium; quod quidem, licet per peccatum diminutum fuerit, non tamen fuit omnino sublatum, cum & post peccatum Noe, & filiis ejus dictum fuerit: *Crescite, & multiplicamini, & replete terram, & terror vester, & pavor sit super cuncta animalia terræ:* Gen. 9. v. 1.

2. Ex Aug. *Uti aliquo non potest animali nisi rationis particeps* lib. 83. q. -- ergo homo particeps rationis potest uti rebus exterioribus, & circa illas exercere dominium.

3. *Rat.* Prima ratio. Ille habet jus utendi bonis istius Universi, propter quem Univerſus iſte factus eſt, ut patet: Atqui propter hominem orbis iſte factus eſt: de homine quippe dictum eſt: *Omnia ſubjeciſti ſub pedibus ejus, oves, & boves univerſas inſuper & pecora campi: Pſal. 8. v. 8.* Ergo homo, hoc ipſo quod eſt rationis compos, habet dominium rerum omnium, quæ ſunt in mundo.

Secunda ratio. Homo multiplex juſ habet in omnia, quæ in mundo ſunt. Habet quippe 1. juſ naturale; nam quatenus homo eſt corporeus dirigens ſe per rationem, debentur illi omnia bona, quæ ad vitam tum corporalem, tum ſpiritualem ſuſtentandam ſunt neceſſaria, adeo ut injuria ei fiat, ſi ei denegentur. 2. Habet juſ poſitivum divinum; dixit enim Deus Noe, & filiis ejus: *Omne quod movetur, & vivit, erit vobis in cibum. Quæ ſcilicet olcra virentia tradidi vobis omnia: Gen. 9. v. 3.* Habet juſ poſitivum humanum; juſ quippe gentium, juſ civile, juſ eccleſiaſticum nulli ſubtrahunt rerum dominium, niſi rebus iſtius mundi vel in ſui, vel in Reipublicæ perniciem abutatur.

### Conſectaria hujus Doctrinæ.

*Conſect. 1.* Siſtendo intra juſ naturæ, omnis homo in quocumque ſtatu ſit, vel conditione, eſt capax dominii, modo capax ſit rationis & libertatis; quia ratio & libertas ſunt radix dominii circa corporalia: unde contra juſticiam peccatur, ſi ei hæc bona auferantur.

Sic amens etſi vere dominus eorum bonorum temporalium, quæ ei jure hæreditario competunt; quia quamvis rationem præpeditam habeat, ea tamen uti poteſt, modo iis, quibus præpeditur obicibus, liberetur.

Sic infans eſt verus dominus earum rerum, quæ ad ipſum ſpectant; qui licet rationis uſum nondum habeat, tamen brevi habiturus eſt, ut loquitur Paulus: *Nihil differt a ſervo, cum ſit Dominus omnium bonorum paternorum; quia ſi filius & hæres.*

Sic ſervus eſt verus dominus omnium, quæ ei jure naturali competunt: quia etſi jure gentium & ipſi met, & ſua ſint domini, cujus eſt mancipium; tamen jure naturali, utpote rationis compos, eſt pariter dominus bonorum, quæ ei competunt.



Sic jure naturæ quilibet homo sive Laicus, sive Clericus, sive etiam Religiosus, potest esse capax dominii rerum temporalium; quia hoc ipso quod est rationalis, habet jus ad bona temporalia.

Sic quilibet homo, etsi paganus, etsi hæreticus, etsi peccator, jure est dominus eorum bonorum, quæ ei competunt; quia nec paganismus, nec infidelitas, nec peccatum, tollunt omnino rationem, nec proinde capacitationem dominii rerum exteriorum. Sic Pharao a Deo constitutus fuit Rex, juxta illud Exod. 9. v. 16. *Posui te Regem, ut ostendam in te fortitudinem meam.* Item & Nabuchodonosor, juxta illud Danielis 2. v. 37. *Deus celi, regnum, & fortitudinem, & imperium, & gloriam dedit tibi.* Et Conc. Constantiense sess. 8. & 15. damnavit hanc propositionem: *Nullus est Dominus civilis, nullus Prælati, nullus Episcopus, dum est in peccato mortali.*

Consect. 2. Sistendo intra jus naturale, quicumque est rationis incapax, est pariter incapax dominii; quia ratio est radix dominii.

Sic bruta sunt incapacia dominii, unde his homo uti potest pro libito.

Prop. 2. Etsi homo, hoc ipso quod est rationalis, & sui compos, jus habeat acquirendi dominium rerum, quæ in mundo sunt, & de eis pro libito disponendi: tamen nec res licite acquirere, nec de rebus licite disponere potest, nisi juxta legitimam legem, quibus subest, determinationem - - Ita Sotus de justitia & jure lib. 4. q. 5. a. 3.

Prob. 1. Ex Script. Idem Deus, qui dedit homini jus circa bona exteriora hujus mundi, juxta illud: *Domini sunt piscibus maris*, idem dedit Reipublicæ jus determinandi in particulari, quibus mediis eadem bona & acquiri, & perdi possent, juxta illud: *Omnis anima potestatibus sublimioribus subdita sit*: Ergo homo non est bonorum temporalium dominus, nisi juxta præscriptum Reipublicæ, cui subest.

2. Ex Aug. tract. 6. ad cap. 1. Joannis, ubi sic habet: *Unde quisque possidet quod possidet, nonne jure humano? nam jure divino Domini est terra & plenitudo ejus: pauperes & divites Deus de uno limo fecit: &*  
*pau-*

*pauperes & divites una terra supportat; jure tamen humano dicitur, hæc villa mea est, hæc domus mea est, hic servus meus est. Tolle jura Imperatorum, quis audet dicere: hæc villa mea est, meus est iste servus, mea est hæc domus? Ergo homo nequit licite res acquirere, nec de rebus licite disponere, nisi juxta legitimam legum determinationem.*

3. *Rat. Prima ratio. Homo eo fine natus est, ut civilem cum aliis hominibus societatem ineat, foveatque: quam societatem nec inire nec fovere poterit, nisi in exteriorum bonorum tum acquisitione, tum dispositione legibus Reipublicæ pareat; leges enim Reipublicæ debent esse civilis societatis ineundæ & fovendæ regula. Ergo homo non potest licite res aut acquirere, aut de eis disponere, nisi juxta leges Reipublicæ.*

*Ratio secunda. Esto, homo quilibet naturaliter sit rerum temporalium dominus, tamen hanc modo ubique terrarum vigere consuetudinem cernimus, ut quælibet Respublica rerum temporalium acquisitioni, vel dispositioni modum præscribat; qui religiose observatur, nisi fuerit juri primævo naturali contrarius. Unde profluxerit mos ille, incertum est: profluxit forte ab instigante natura, quæ uti jubet partes subesse toti, ita & cives Reipublicæ: forte processit ex speciali jussu Dei, qui uti vult omnia esse ordinata in corpore, ita & in mundo: forte effluxit consuetudo illa ex unanimi privatorum hominum primis temporibus viventium conventionem, qua jus illud in Rempublicam translatum est: unde quaque processerit, nimis late diffusa est tam sancta consuetudo, nimis antiqua illa præscriptio, quam ut citra peccatum a privatis hominibus violari possit. Ergo tenentur homines in rerum dispositione & acquisitione legibus Reipublicæ subesse: ergo cum leges illæ non fuerint abrogatæ, in conscientia ligant.*

### Confectaria hujus Doctrinæ.

*Confect. I. Servi tum bello capti, tum vendentes semetipsos, habent quidem jure naturæ dominium, cum sint rationales, sed jure gentium quidquid acquirunt, domino acquirunt; quia jus naturæ determinatur per jus gentium.*

*Con-*

*Consect. 2.* Liberi, qui sunt sub potestate patris, habent jure naturæ dominium eorum, quæ eis subveniunt independentem a patre, sed dominium illud sic per legem civilem restringitur. Plenum habent dominium in bona Castrensia, aut quasi Castrensia; directum vero & non usufructum in bona adventitia; nullum vero dominium vel usufructum in bona profectitia; quia jus naturæ ita determinatur per legem civilem.

Bona autem Castrensia sunt ea, quæ in militia, aut occasione militiae acquiruntur, ut stipendia militum, dona Ducum, præde ex hostibus rapta, & id omne, quod datum est a patre, vel ab aliis parentibus ad exercendam militiam, ut equi, arma, &c.

Bona quasi Castrensia ea sunt, quæ acquiruntur munere publico, v. g. iudicis, causidici, medici, &c. quia litteræ non minus profunt Reipublicæ, quam arma; immo dona facta ab Imperatore, Rege, Regina, quasi Castrensia censentur: *L. cum multa C. de bon. quæ liber &c.* Bona pariter, quæ acquiruntur ministrando saceris, quasi Castrensia censenda sunt, ut habetur Authentica *Presbyteros*, Cod. de Episcopis & Clericis. *Presbyteros, & Diaconos, & Subdiaconos, Cantores & Lectores*, quos omnes Clericos appellamus, res quolibet modo ad dominium eorum venientes, habere in sua potestate precipimus ad similitudinem Castrensiū peculiorum, & donare, cui volunt, secundum leges, & in his testari, licet sub parentum potestate sint: sicut tamen, ut horum filii, aut his non extantibus, parentes eorum legitimam ferant partem: Authen. ex novell. 123. c. 19.

Bona adventitia ea sunt, quæ adveniunt filiofamilias, non intuitu patris, sed aliunde, v. g. ex successione materna, & qualia sunt ea, quæ accedunt filiis ex industria eorum, & labore mechanico.

Profectitia sunt ea, quæ veniunt a patre, vel ejus intuitu principaliter dantur.

*Consect. 3.* Religiosi Professi in Religione approbata non habent dominium rerum temporalium in particulari, bene tamen in communi, exceptis Capucinis & Fratribus de observantia; quia ita determinat jus Canonicum expressum in Trid. Sess. 25. c. 2. & 3. de Regularibus, quamvis jure naturæ statui Monachali non repugnet dominium rerum



rerum temporalium cum subordinatione ad Superiorem, immo neque jure civili, ut habetur l. 56. C. de Episc. & Cler. Monachus nullo impedimento ex sanctimoniali conversatione generando, sive soli, sive cum aliis, ad successionem vocatur.

### ARTICULUS III.

*Quod & quale dominium competat Reipublicæ.*

**Prop.** 1. Respublica, & is qui gerit vices Reipublicæ, v. g. Rex, Princeps, altum habet dominium supra bona temporalia subditorum, quo potest de his disponere, prout exigit vel utilitas publica, vel pœna criminibus debita, vel tranquillitas civium, vel fidei publicæ conservatio.

**Prob.** 1. Ex Script. Rex, qui sedet in solio judicii, dissipat omne malum intuitu suo: Prov. 20. v. 8. Atqui non potest illud præstare, nisi altum habeat dominium, quo de bonis subditorum possit disponere, prout utilitas publica exigit: Ergo Respublica, vel Rex, qui gerit vices Reipublicæ, altum habet dominium, quo potest de bonis subditorum etiam contra eorum voluntatem disponere. Eo forte spectat Scriptura dicens: Eccles. 17. v. 14. *In unamquamque gentem præposuit Rectorem.*

2. Ex Aug. tract. 6. ad cap. 1. in Joan. ubi agens contra Donatistas, qui querebantur, legibus Imperatorum villas esse sibi ademptas, & Ecclesiæ Catholicæ attributas, agnoscit in Imperatoribus altum supra bona temporalia dominium. *Ut teneantur*, inquit, *ista*, id est temporalia, *Regum jura fuerunt* - & inferius sic urget Donatistas: *Nolite dicere, quid mihi & Regi? Quid tibi ergo, & possessioni? Per jura Regum possidentur possessiones. Dixisti quid mihi & Regi? Noli dicere possessiones tuas; quia ad ipsa jura humana renuntiasti, quibus possidentur possessiones.* Ergo Respublica altum habet dominium, quo potest de bonis subditorum disponere. Quod adeo certum est, ut & ipsis paganis non fuerit incognitum; dicit enim Seneca lib. de Beneficiis: *Omnia Regem possidere imperio, singulos dominio.*

3. Rat. Respublica instituta ab hominibus habet, vel a populo instituente, vel a Deo confirmante institutionem, eam authoritatem, quæ necessaria est ad decentem

populorum gubernationem: quia alias imprudenter institueretur: Atqui altum dominium, quo Respublica possit de bonis subditorum in certis casibus pro libito disponere, est necessarium ad gubernationem populi; quia sine illo dominio civium utilitati non posset subveniri: Ergo Respublica habet illud altum dominium, quo possit de bonis subditorum, etiam contra eorum voluntatem, in certis casibus pro libito disponere in utilitatem communem.

### Conseſtaria hujus doctrinæ.

*Conseſt. I.* Toties Respublica, vel Rex gerens Reipublicæ vices, potest etiam contra voluntatem subditorum de eorum bonis disponere, quoties id necessarium est ad sustinendum decentem Reipublicæ statum. Sic quovis tempore possunt etiam subditis invitis vectigalia imponi, ut decenter sustineatur dignitas eorum, qui præfunt. Ideo tempore Saul imposita fuerunt Hebræis tributa, ut patet ex eo, quod Saul promiserit immunitatem a tributis ei, qui cum Goliath auderet decertare: & tributa illa Scriptura non improbat, sed approbat; quippe Christus etſi liber, solvit censum Cæsari: Matth. 17. v. 24. & interrogatus, an liceret dare censum Cæsari, dicit: *Reddite quæ sunt Cæsaris Cæsari.* Et Paulus ad Rom. 13. v. 7. *reddite omnibus debita, cui tributum, tributum.*

Sic tempore belli imponi possunt tributa extraordinaria, ut repellantur hostes Reipublicæ. Ideo habemus ex Scriptura, quod quoties bellum ingruerat, toties Tribus qualibet certum militum numerum mittebat ad præliandum, eisque annonam, cæteraque ad bellandum necessaria suppeditabat, ut patet ex 1. Reg. c. 17.

Sic tempore pestis & famis imponi possunt, invitis etiam subditis, extraordinaria subsidia, ut succurratur pauperibus; Respublica enim corpus est, in quo oportet, ut alii aliis subveniant: sicuti cernimus, quod in humano corpore unum membrum succurrit alteri.

Sic demum imponi possunt tributa, etiam contra voluntatem subditorum, vel ad reparandas vias publicas, vel ad pontes erigendos, vel ad ædificia publica construenda, quibus vel Respublica muniatur contra hostes, vel quibus ornatur ad commodam subditorum habitationem;

uti

uti factum vidimus sub Salomone, qui plura populo Judaico tributa imposuit tum ut templum construeret, tum ut domos regias, & arces munitissimas adificaret.

*Consect. 2.* Toties Respublica, vel Rex gerens vices Reipublica, potest etiam contra voluntatem subditorum de eorum bonis disponere, quoties id necessarium est ad punienda crimina eorum, qui male se gerunt in Republica: hoc enim exigit bonum publicum, ut in bonis suis privetur qui eis male utitur.

Sic quoties privatus aliquis peccat contra alium privatum subditum, toties Respublica potest delinquenti, non solum satisfactionem ad æqualitatem præscribere, sed etiam eum aliqua multa punire: ideo in lege Mosaica præscribebatur furibus restitutio aliquando in quadruplum, aliquando in quintuplum.

Sic quoties privatus aliquis insurgit in Regem, vel Reipublica perniciem molitur, toties bonis suis privari potest, eaque merito sibi addicuntur. Simile quid factum vidimus contra Acham, cujus omnia combusta sunt, & ipse una cum familia lapidatus est; quia in perniciem exercitus sibi retinuerat aliquid de spoliis Jericho, quæ iussu Dei anathemati addicta fuerant.

*Consect. 3.* Toties Respublica potest de bonis subditorum etiam contra privatam eorum voluntatem disponere, quoties id necessarium est ad subditorum tranquillitatem.

Sic facta est rerum divisio vel ad contentiones vitandas, ut innuitur Gen. 13. v. 2. vel ut diligentius res istius mundi divisa, a quolibet possessore in partibus, quæ ei contingerent, colerentur; ut innuitur ex divisione Palestina facta inter Tribus & Familias populi Judaici.

Sic usucapiones & præscriptiones inductæ sunt, quibus post certum tempus transfertur dominium ab uno possessore ad alium. 1. Ne dominia rerum sint incerta. 2. Ne lites sint infinitæ. 3. Ut puniatur aliquando discordia hominum in bonis suis conservandis.

*Consect. 4.* Toties Respublica potest de bonis subditorum etiam contra privatam eorum voluntatem disponere, quoties id necessarium est ad tollendas fraudes, dolosque omnes præcavendos.

Sic Respublica declarat, nulla esse testamenta, & in va-



lidos eos contractus, quibus non apponuntur eæ solemnitates a jure requisitæ. De his omnibus fusius agemus infra.

## ARTICULUS IV.

*An leges, quibus Respublica disponit de bonis subditorum, etiam contra eorum voluntatem, sint absolute, an sint solum conditionatæ, & fundatæ in præsumptione.*

**N**ota. Lex absoluta ea est, quæ facta est ob bonum publicum: talis est, v. g. lex jubens depositum illæsum custodiri, & verans compensationem etiâ justam ad rem deposito acceptam posse extendi; ea enim lex obligat in omni casu. Lex vero conditionata ea est, quæ fundatur in aliqua suppositione, & obligat solum si vera sit suppositio: talis est lex, quæ addicit fisco bona rebellantium contra Regem, & hæc non obligat nisi eos, qui re ipsa sunt rebelles; minime vero eos, qui falso accusati rebellionis, revera innocentes sunt.

*Prop. I.* Leges, quibus Respublica imponit tributa ad sustinendum Reipublicæ statum, vel infligit pœnas ad punienda delicta, sunt conditionatæ seu fundatæ in præsumptione.

*Prob. rat.* Leges vectigalium feruntur ad sustinendum decentem Reipublicæ statum: ergo supponunt, Rempublicam vere opus habere hujusmodi vectigalibus. Leges vero infligentes multas, vel addicentes tunc bona reorum, supponunt crimen vere esse commissum ab eo, cui hæc pœna infligitur: ergo illæ leges non sunt absolute & obligantes in singulis casibus, sed conditionatæ, obligantes supposita veritate præsumptionis, in qua fundatur, juxta vulgare illud dictum: *cedat præsumptio veritati.*

*Consect.* unicuique. Leges de solvendis vectigalibus & multis sunt observandæ in conscientia, quoties vera est præsumptio, in qua fundantur; quia tunc sunt ex omni parte justæ: immo etiam sunt observandæ, quando falsa est præsumptio, si ex eorum inobservantia secuturum esset scandalum; quia injuria, juxta Paulum, toleranda est, ut vitetur scandalum; sed hæc leges prudenter & secreto omni scandalo eludi possunt, si constat, eas fundari in falsa præsumptione.

Sic tenemur solvere vectigalia statuta a Principe; quia etsi nobis incognita sit Reipublicæ necessitas, debemus supponere imposita per Principes tributa ad sustinendum Reipublicæ statum esse necessaria: ut enim optime monet Dominus de Marca, non subditorum, sed Regum est de his, quæ ad bonum publicum spectant, judicare.

Sic qui vere reus est, debet solvere multam inflictam ei a iudice; & si bona illius addicantur fisco, non potest in conscientia aliquid de illis retinere.

*Prop. 2.* Leges, quibus Respublica statuit rerum divisionem, usucapiones, & præscriptiones, sunt absolute, & non conditionatæ, ligantque in conscientia in singulis casibus, in quibus observantur conditiones ad usucapionem & præscriptionem requisitæ per Rempublicam.

*Prob. rat.* Leges statutz in bonum publicum sunt absolutæ, obligantes in singulis casibus; quia nihil aliud requiritur ad legem absolutam: atqui leges de rerum divisione, de usucapionibus & præscriptionibus sunt propter bonum commune; utilitas enim publica exigit res non esse communes, alias aut a nullo privato custodirentur, aut colerentur; exigit pariter possessionem per legitimam præscriptionem esse ratam & firmam, alias incerta semper essent rerum dominia, ut dicitur lib. 1. ff. de usucapionibus, alias nullus esset litium finis, ut dicitur l. ultima ff. pro suo: Ergo leges, quibus Respublica statuit rerum divisionem, usucapiones, & præscriptiones, sunt absolutæ, & obligantes in singulis casibus.

Nec obstat, reperiri aliquos casus, in quibus per rerum divisionem, præscriptionem, usucapionem, privati aliqui videantur injuriam pati; quia privatum illud incommodum per utilitatem publicam aliunde compensatur; unde natum illud axioma: *Omnis lex habet aliquid de iurique seu duro, quod publica utilitate compensatur.*

### Consectaria hujus doctrinæ.

*Consect. 1.* Statuta rerum divisione, & certa portione cuilibet concessa, nullus privatus alterius portionem occupare potest, & si id faciat, reus furti est; quia aufert quod alterius est. Etsi enim bona ante divisionem

sint communia, facta tamen divisione non sunt communia, sed quælibet portio ad eum, cui contigit, pertinet. Sicuti enim in convivio bene ordinato fercula omnia in communi proponuntur; portiones tamen ab aliis occupatas nemo debet ad se transferre sine consensu eorum, a quibus fuerunt occupatæ.

*Consuet.* 2. Qui per legitimam præscriptionem aliquid possidet, potest illud tuta conscientia retinere: quia Respublica in illum transtulit dominium per præscriptionem, ut fufius infra dicitur.

*Consuet.* 3. Transacta legitima præscriptione, prior dominus non potest in conscientia rem præscriptam a posteriore possessore auferre; quia transacta præscriptione nullum jus habet ad eam rem, quæ ante præscriptionem ad illum pertinebat.

Nec obstat, quod ille, qui falsa præsumptione damnatus est ad aliquam mulctam, possit occulte & sine scandalo sententiam judicis eludere; quia lex præscriptionis non fundatur in præsumptione, sicuti lex infligens mulctam.

*Prop.* 3. Leges, quibus Respublica ad vitandas fraudes dolosve præcavendos reddit personas inhabiles ad contrahendum, sunt absolute, obligantes in conscientia, redduntque irritos omnes solemnes contractus, qui sunt a personis declaratis inhabilibus ad contrahendum.

*Prob. ratione.* Leges, quæ fiunt propter bonum publicum, sunt absolute, & tandiu obligant, quamdiu id exigit bonum publicum; quia nihil aliud requiritur ad legem absolutam: Atqui leges, quæ ad vitandas fraudes dolosque præcavendos reddunt aliquas personas inhabiles ad contrahendum, fiunt propter bonum publicum; utilitas enim publica exigit, ut privati, quos Respublica judicat inhabiles ad contrahendum, re ipsa nec in foro interno, nec in foro externo contrahere valeant: Ergo leges illæ sunt absolute, & obligant in utroque foro.

Et sicut, inquit Silvius in 2. 2. q. 67. a. 2. lex Ecclesiastica vim habet in matrimonio, ita lex civilis in contractibus civilibus; sed lege Ecclesiastica declarante personas esse inhabiles ad contrahendum, v. g. quando contrahunt sine Parocho & testibus, si tamen Matrimonium attentatum fuerit, nullum est in utroque foro matri-



rimonium illud: ergo similiter legibus civilibus irritantibus contractus, declarando personas esse inhabiles ad contrahendum, si ipsi contractus sic attentati fuerint, nullum in utroque foro vigorem habent.

### Confectaria hujus Doctrinæ.

*Confect. 1.* Vi juris civilis nulli sunt in utroque foro illi contractus, qui fiunt a personis declaratis inhabilibus ad contrahendum; quia nullus est major defectus in contractibus, quam inhabilitas ad contrahendum.

Sic nullus est contractus, quo pupillus vel aliquid donat, vel vendit; quia pupillus declaratur inhabilis ad transferendum in alios dominium bonorum suorum.

Sic testamentum religiosi est nullum; quia persona religiosa declaratur inhabilis ad testamentum condendum.

*Confect. 2.* Vi juris canonici nulla est in utroque foro ea obligatio, quæ initur ab ea persona, quæ declarata est inhabilis ad se obligandum tali modo; quia nullus est major defectus obligationis, quam inhabilitas ad se obligandum. Sic vota Religionis facta ante decimum quintum annum completum sunt in utroque foro nulla; quia impubes declaratur inhabilis ad professionem religiosam emittendam.

*Prop. 4.* Leges, quibus Respublica ad vitandas fraudes dolosque præcavendos apponit certas solemnitates obligationibus & contractibus, qui fiunt a personis etiam habilibus ad contrahendum, videntur esse absoluta & obligantes in conscientia, ubicumque leges illæ vigorem habent. Ita tenent insignes Doctores, Covarruvias, Soto, Solonius, Vasquez, Silvius, &c.

*Prob. ratione.* Leges, quæ fiunt ob bonum publicum, sunt absolutæ, & obligantes in utroque foro; quia nihil aliud requiritur ad legem absolutam: Atqui leges statuentes certas solemnitates ad vitandas fraudes, sunt ob bonum publicum; publica enim utilitas exigit, ut non solum puniantur fraudes, sed etiam ut præcaveantur: Ergo prædictæ leges videntur esse absolutæ, & obligare in utroque foro; lex enim justa ex omni parte obligat in utroque foro.

Dixi, quamdiu leges illæ vigorem habent; nam si sint

aliæ leges vel Ecclesiasticæ, vel locales, quibus derogetur juri communi, tunc standum est legi particulari.

Sic licet per jus commune requirantur septem testes in testamento, tamen in favorem causæ piæ sufficiunt tres testes ad legatum pro causâ piâ.

Sic in territorio patrimonii Divi Petri ex constitutione Alexandri III. sufficiunt ad testamentum tres testes; quia Papa quatenus Princeps civilis voluit illam legem pro civibus sibi subiectis condere nimirum pro Ostiensibus, inquit Cano. Ita eandem Decretalem explicat Silvius.

Sic in civitate Tolosana sufficiunt tres testes ad verum testamentum; quia talis est consuetudo illius urbis.

### Confectaria hujus Doctrinæ.

*Confect. 1.* Vigore juris civilis nulli sunt illi contractus, qui sunt a personis etiam habilibus ad contrahendum, si non observentur solemnitates a jure constitutæ; decet enim privatum hominem de rebus suis non disponere, nisi juxta leges Reipublicæ.

Sic solemnis donatio ingentis alicujus summæ, facta etiam a majore sine insinuatione, ut dicunt, est nulla in utroque foro; lex enim jubet donationem ingentis summæ vigorem nullum habere sine insinuatione.

Sic testamentum factum etiam a majore sine septem testibus nullum est; quia lex ita jubet. *Ex imperfecto testamento*, inquit Justinianus, *voluntatem teneri defuncti nisi inter solos liberos non volumus.*

*Confect. 2.* Vigore juris canonici nullæ sunt eæ obligationes, quæ fiunt a personis etiam habilibus ad se obligandum, si non observentur solemnitates per jus canonicum requisitæ.

Sic professio Religiosa emissâ etiam ab eo, qui decimum quintum annum excessit, est nulla, si fiat ante completum integrum annum Novitiatus; quia Tridentinum exigit integrum annum Novitiatus.

### Monitum circa prædictas propositiones.

Leges, quibus Respublica irritat contractus vel declarando personas inhabiles ad contrahendum, vel apponendo certas solemnitates contractibus, non eximunt con-

contrahentes ab obligatione naturali, si quam inierint vel in ipso contractu civiliter invalido, vel ante aut post contractum civiliter invalidum.

*Prob. rat.* Lex positiva five civilis, five ecclesiastica legem naturalem non solvit, sed determinat, non irritat, sed explicat, ut patet ex dictis, ubi de lege: Ergo si contrahentes, etiam invalide, aliquam obligationem naturalem ineant, tenentur eam adimplere.

Sic licet filiusfamilias vi Senatus-Consulti Macedoniani non possit cogi a iudice ad solvendum debita; tamen, inquit Justinianus, *manet obligatio naturalis solvendi creditori quod debetur.*

Sic licet femina conjugata vi Senatus-Consulti Vellejani non possit cogi coram iudice ad solvendum quod mutuata est, tamen *manet obligatio naturalis solvendi debita creditori.*

### C A P U T III.

*De acquirendo & de transferendo rerum dominio.*

**N**ota 1. Rerum dominium transferri & acquiri potest vel jure naturali, vel jure gentium, vel jure civili; quia singuli homines triplici illo jure ducuntur: jus enim divinum & ecclesiasticum cum jure naturali gentium, & civili ut plurimum concordant, ubi agitur de acquirendo & transferendo rerum dominio. Quod si discordent, & unum jus per aliud determinetur, vel corrigatur, sistendum est juri, quod fortius ligat, ut dictum est ubi de lege.

Nota 2. Quod rerum dominium transfertur vel voluntate privatorum, vel autoritate Reipublicæ; ideo ostendemus 1. Quomodo privatus homo juxta jus naturale, gentium, & civile, se gerere debeat in transferendo & acquirendo rerum dominio. 2. Explicabimus, quomodo jure gentium & jure civili Respublica transferat rerum dominium contra, vel præter privatorum hominum consensum & conventionem.

### A R T I C U L U S I.

*Quomodo juxta jus naturale, explicatum per jus civile & divinum, se gerere debeat privatus homo in transferendo & acquirendo rerum dominio.*



*Prop. unica.* Attendendo ad jus naturale confirmatum per jus civile & divinum, illicita & nulla est ea, quæ per dolum & fraudem fit bonorum temporalium vel traditio, vel acquisitio.

*Prob. 1.* Ex veteri Testamento apud Jer. 5. v. 16. Deus rejicit Judæos; quia, inquit, *inveni sunt in populo meo impii, INSIDIANTES quasi aucupes, laqueos ponentes & pedicas ad capiendos viros.* Et ex Paulo ad Rom. 1. v. 29. Gentiles tradidit Deus in reprobum sensum, *plenos contentione & DOLO:* Ergo nulla & illicita est, quæ per dolum habetur bonorum acquisitio & traditio.

2. Ex novo Testamento. *Præcepta nosti, ne adulteres, ne occidas, ne fureris, ne falsum testimonium dixeris, ne FRAUDEM FECERIS:* Marc. 10. v. 19. Et Paulus 1. ad Thessal. 1. v. 6. *Ne quis supergrediatur neque CIRCUMVENIAT in negotio fratrem suum, quoniam vindex est Dominus de iis omnibus.* Et quamvis aliqui textum istum Pauli de adulterio intelligant, tamen multi de fraude & dolo in negotiis intelligi volunt. Ergo illicita, & nulla est, quæ per fraudem habetur, bonorum acquisitio & traditio.

3. Ex jure civili. *Pacta, quæ contra leges, constitutionesque, vel contra bonos mores sunt, nullam vim habere indubitati juris est:* L. 6. C. De Pactis. Ergo, &c.

4. *Rat.* Prima ratio. Modus acquirendi & transferendi dominium, introduci tantum potuit vel jure naturali, vel jure gentium, vel jure civili, ut patet: Atqui triplex illud jus fraudes & dolos prohibet, & nullos declarat contractus per fraudem inuitos, apud omnes quippe receptum est illud axioma: *nemini sua fraus patrocinatur.* Ergo & illicita & nulla est acquisitio & traditio bonorum, quæ fit fraudulenter.

Secunda ratio. Illicitum, immo nullum haberi debet quod destruit bonos mores, juriq; adversatur, C. *fin. extra de pactis.* Ergo cum dolus & fraus mores corrumpant, & juri adversentur, illicita & nulla erit, quæ per fraudem fit bonorum acquisitio & traditio.

### Consectaria hujus Doctrinæ.

*Consect. 1.* Omnis occupatio, omnis accessio, quibus  
jure

jure gentium acquiritur bonorum temporalium possessio; item omnis ulucapio, omnis præscriptio, quibus jure civili acquiritur bonorum possessio, est illicita & nulla, si interveniat mala fides; quia ubi fraus & dolus interveniunt, non potest validus esse titulus possidendi. Ideo dicitur, *quod possessor malæ fidei ullo tempore non præscribit*, & *quod titulus falsus est titulus nullus*.

*Consect. 2.* Illud pactum nullum est, in quo convenit inter contrahentes sese mutuo pro cujuslibet versutia fallere; quia ibi fraus intervenit: *L. Si unus ff. de Pactis*.

*Consect. 3.* Pactum illud nullum est, in quo pars decipiens non poterit conveniri actione doli, nec similiter furti, vel injuriarum; quia ibi fraus relinquitur impunita.

*Consect. 4.* Pactum illud nullum est, in quo statuitur, ut filia dote sit contenta, & patris hæreditati renuntiet; quia ibi fraudatur filia: *L. Pactum dotale. C. de pactis conventis*.

*Consect. 5.* Pactum illud nullum est, in quo liceat marito cum uxore alienare rem dotalem vel donationem propter nuptias; quia præsumitur uxor decipi: *L. unica de rei uxorie actione*.

*Consect. 6.* Irritum est pactum, quo filii accipientes a parentibus infra portionem legitimæ debite, renuntiant juri exigendi legitimam sibi debitam; quia in tali renuntiatione semper præsumitur dolus.

*Consect. 7.* Nullus est contractus inter duos voluntarie consentientes, si sit in præjudicium tertii non consentientis; quia nemo potest de re aliena invito domino disponere.

Sic contractus depositi, quo latro deponit apud alium rem furto ablatam, est nullus; non enim latroni, sed vero domino reddenda est res furto ablata, licet depositum generaliter sit reddendum deponenti: *L. 31. ff. de Posit.*

Sic conventio inita inter duos hæredes præsumptos circa expectatam hæreditatem sine consensu testatoris, est nulla: *L. 30. C. de Pact. alias daretur occasio optandi mortem testatoris*.

TRACT. XIV. CAP. III.  
ARTICULUS II.

*Quomodo juxta jus civile explicatum per jus Canonicum  
se gerere debeat privatus homo in transfereudo &  
acquirendo rerum dominio.*

**Prop. unica.** Attendendo ad jus civile confirmatum per jus canonicum, nulla est ea bonorum temporalium solemnitas traditio & acquisitio, quæ sit etiam absque dolo & fraude, si fiat per contractum, qui careat solemnitatibus a jure civili requisitis.

**Prob. I.** Ex jure Canonico. Cap. *Quia plerique*, de immunitate Eccles. dicitur, quod qui per contractum, cui deficit solemnitas juris, aliquid possidet, tenetur ad restitutionem: Ergo per contractum, qui nullus est juxta leges, nec acquiri, nec transferri potest rerum dominium, juxta jus civile confirmatum per Canones.

**2. Rat.** Prima ratio, Respublica utpote sapiens omnium civium tutrix potuit naturalem civium voluntatem cohibere in suis dispensandis rebus; atque adeo modum illis præscribere & providere, ut illi contractus deciderentur invalidi, qui his conditionibus præmuniti non fuerint, quas ipsa exigit: ergo per contractum, qui nullus est juxta leges, nec acquiri, nec transferri potest rerum dominium.

Secunda ratio. Respublica, cui naturaliter competit in singulos homines autoritas, potuit instituere certas formulas & conditiones, sine quibus vel partes declarerentur inhabiles ad contrahendum, vel contractus nullo modo validi habeantur, ut patet ex dictis: Ergo per contractum, qui nullus est, nec acquiri, nec transferri potest rerum dominium. Etenim si privati homines possunt certas conditiones statuere, quibus seclusis, contractus ipsorum sint invalidi; a fortiori Respublica idem poterit.

Confectoria hujus Doctrinæ.

**Confess. I.** Qui contrahunt cum pupillo sine consensu tutoris, cum femina maritata sine consensu mariti circa bona dotalia, invalide contrahunt; quia ita leges determinant: & ita nulla est illa bonorum temporalium traditio vel acquisitio, etiam in foro interiori,



Sic qui facit testamentum sine debitis solemnitatibus, idem est ac si nullum fecisset testamentum; & si decedat, quasi ab intestato decedit: L. 21. *Hac consultissima, C. de testam. Non subscriptum a testibus, ac non signatum testamentum, pro infecto haberi convenit.*

*Consecl. 2.* Qui contrahunt invalide cum pupillo, cum femina conjugata, qui ineunt matrimonium nullum, qui condunt testamentum irritum, nihil possunt acquirere in utroque foro ex vi illius obligationis invalida; contractus enim & obligationes in utroque foro invalida nec obesse possunt, nec prodesse.

Sic, si quid tibi offeratur a pupillo, a femina conjugata per contractum invalidum teneris non acceptare, nisi aliunde id tibi debitum esset ex obligatione naturali.

Sic, si invalide matrimonium incas, nec obligeris comparti, nec comparis tibi. Si invalidam professionem emittas, nec obligeris Communitati religioſa, nec Communitas tibi.

Sic, si hæres sis ab intestato, non teneris solvere legata scripta in testamento invalido; quin legatum invalido testamento adjunctum, nullum est, nisi sit ob causam piam, accessorium enim sequitur naturam principalis.

Sic, si tutor sis pupilli, ad quem ab intestato pertineat aliqua hæreditas, etsi conscius sis testatorem voluisse transferre hæreditatem ad alium quam ad pupillum, debes tamen eniti, ut hæreditas succedat in favorem pupilli: tutor enim tenetur sequi non voluntatem privatam testatoris, sed voluntatem publicam legis.

### ARTICULUS III.

*De non solemnī translatione & acquisitione dominiī, quæ fit viva voce, sive brevi manu, vel aliis hujusmodi rationibus absque instrumento publico.*

*Prop. unica.* Quando fit alicujus rei traditio non solemnīs, si fiat sine dolo, sine fraude, ille qui accipit, potest rem traditam retinere, quamdiu a iudice non exturbabitur.

*Prob. 1.* Jure canon. nam caus. 13. q. 2. can. *Ultima* sic habetur: *Ultima voluntas defuncti modis omnibus ser-*

vari debet. Et cap. Indicante, de testam. sic habetur: Congnovimus, quod mortuus uxor redempti concham argenteam nudis verbis iussit venditari, & suis dari libertis, & scutellam argenteam cuidam Monasterio reliquisse; in quibus voluntatem ejus per omnia volumus adimpleri: Ergo translatio non solemnis, quæ sit brevi manu, suum vigorem habere debet.

2. Ex jure civili lib. 2. Institut. tit. 23. §. ult. *Quid si is*, inquit Justin. a quo relictum dicitur, postquam negaverit, confiteatur quidem aliquid a se relictum esse, sed ad legis subtilitatem recurrat, omnino solvere cogendus est: Ergo donum, quod sit sine civilis juris solemnitate, vigorem juris naturalis habere debet.

3. Ex D. Anton. 3. p. tit. 10. §. ult. c. 3. ubi sic habetur: *Nota*, inquit, quod cum quis sanus, vel infirmus, qui est sanæ mentis, ultimo disponit de bonis suis, de quibus potest disponere per simplicem scripturam, vel per verba solum, non violentatus, vel circumventus, sed libere sine notario & testibus debitis, standum est ejus tali dispositioni in foro conscientie: & hæredes, quibus hoc constat certitudinaliter, tenentur ad observandum illud, etiam si prius per solemne testamentum aliter disposuerat: Ergo translatio non solemnis vigorem suum habere debet in foro conscientie.

4. *Rat.* Jure naturæ quilibet ita est rerum suarum dominus, ut pro libito possit eas in alium transferre, adeo ut juris solemnitates tantum observare teneatur, cum de rebus suis disponit per aliquod publicum instrumentum: Atqui in translatione, quæ sit viva voce, non intervenit publicum instrumentum: Ergo tunc quilibet potest pro libito res suas dare absque solemnitatibus juris, sed solum brevi manu & viva voce: ergo hæc translatio suum debet habere vigorem jure naturæ.

### Confectaria hujus Doctrinæ.

*Confect. I.* Traditio rerum mobilium, qualia sunt jo-  
calia, suppellectilia, argentum &c. quæ sine solemnita-  
tibus juris, absque notario, & testibus fieri solet,  
valida est, sistendo intra jus naturæ; quia jus civile  
non

non potest nisi eos contractus irritos declarare, qui fieri solent cum solemnitatibus juris.

Sic sistendo intra jus naturæ, valida est donatio, venditio, permutatio, quæ sit sine solemnitatibus juris: & ita vere mea est res mobilis, quæ mihi vel viva voce, vel brevi manu data est: jussu pariter quasi meas possum habere res quascunque mobiles, quas vel per emptionem, vel permutationem acquisivi; singuli enim illi modi acquirendi res mobiles solent fieri absque solemnitatibus juris.

*Consect.* 2. Traditio rei immobilis, qualis est fundus, traditio rei incorporalis, quale est jus vel in re, vel ad rem, quæ non fieri solet nisi cum certis solemnitatibus juris, non videtur valida nisi observata fuerint eæ solemnitates, quæ per leges præscribuntur; jus enim civile irritos declarat eos contractus, qui juris legibus adversantur.

Sic testamentum, carens debitis solemnitatibus, solet per judicem nullum declarari.

#### ARTICULUS IV.

*Quid præstandum est ei, qui bona fide possidet, quæ ei obvenerunt per contractum solo jure civili invalidum.*

*Prop.* unica. Qui bona fide possidet aliquid, quod ei obvenerit per contractum solo jure civili invalidum, si compellatur coram judice, 1. Tenetur fateri veritatem. 2. Tenetur subire sententiam judicis. 3. Si a nullo compellatur coram judice, potest licite retinere id, quod ab eo non exigitur, & quod ei bona fide obvenit.

1. Tenetur fateri veritatem; quia numquam mentiri licet, semperque illicitum est vel falsò, vel æquivoce jurare, ut diximus ubi de juramento.

2. Tenetur subire sententiam judicis; sententia enim judicis non fundata in falsa præsumptione, ligat in conscientia.

3. Si non compellatur coram judice, potest retinere quod ei bona fide obvenit; quia in dubio melior est conditio possidentis.

*Con-*



## Confectaria hujus Doctrinæ.

*Confect. 1.* Qui apud se habet bona, quæ a pupillo, a femina conjugata accepit vi contractus, solo civili jure invalidi, si sistat coram judice, tenetur sincere veritatem dicere: & si contractus declaratur nullus, tenetur sententiam subire, & quod acquisivit reddere; quia titulus, quo possidet, declaratur nullus, & proinde tam in foro interno, quam externo tenetur sententiæ judicis obedire.

Item. Qui institutus est hæres per testamentum, quod nullum sit ob solum defectum illarum solemnitarum, quæ a jure requiruntur, si bona testatoris apud se habeat, cum ab hæredibus ab intestato juridice requiritur, non potest mentiri, nec falso vel equivoce jurare: & postquam testamentum nullum declaratum est, tenetur ea bona hæredibus ab intestato restituere, & nihil eorum honorum potest occultare; quia, ut supponitur, non possidet illa bona nisi vigore testamenti, quod declaratur nullum a judice: & ita tenetur tam in foro interno, quam externo se subicere sententiæ judicis.

*Confect. 2.* Qui habet apud se bona, quæ a pupillo vel a femina conjugata accepit per contractum, qui jure civili invalidus est, & nemo sit, qui ea bona juridice requirat.

Item. Qui institutus est hæres per testamentum, quod nullum sit ob solum defectum illarum solemnitarum, quæ a jure requiruntur, si bona testatoris habeat apud se, & nullus sit hæres ab intestato, qui eam juridice requirat, & nullitatem testamenti coram judice persequatur, puto, quod possit illa bona tuta conscientia retinere, & quod non teneatur sponte offerre ea bona accepta vel a pupillo, vel a femina conjugata, vel a testatore.

1. Quia sistendo intra jus naturæ, jure possideo quod voluntarie datum est, & sine fraude accepi: & donatio valida jure naturæ, non videtur vigorem suum amittere, donec per sententiam juridicam annulletur.

2. Lex irritans contractus & testamenta, quæ carent solemnitatibus juris, non ligat nisi intimata; non censetur autem intimata, nisi post declarationem juridicam.

ARTI-

## ARTICULUS V.

*De modo, secundum quem Respublica jure gentium transfert rerum dominium per occupationem & accessionem contra vel præter privatorum hominum conventionem & consensum.*

**Nota.** Occupatio est titulus, quo rem, quæ nullius est, sed alicujus esse potest, occupando, nostram facimus: *Quod enim nullius est, id ratione naturali occupanti conceditur.*

Accessio est titulus; quo res ideo nostra fit, quia rei, quam jam possidebamus, accedit: *Accessorium enim sequitur naturam principalis.*

*Prop. unica.* Tanta est Respublicæ autoritas in bona exteriora, ut res, quæ nostra non erat, ordinante Republica, nostra fiat vel per occupationem, vel accessionem; seu quod idem est, occupatio & accessio cum debitis conditionibus sunt sufficiens titulus acquirendi res, nedum coram hominibus, sed etiam coram Deo.

*Prob. 1.* Ex jure civili, ex lib. 41. ff. ubi toto titulo primo statuitur: Res, quæ nullius sunt, & quæ alicujus esse possunt, acquiri posse pluribus modis, præcipue occupatione & accessione.

2. *Rat.* Ad Rempublicam spectat determinare modum, quo acquiri possunt ea, quæ nullius sunt, sed alicujus esse possunt; quia in hoc situm est altum, quod habet Respublica supra res corporales, dominium: Atqui Respublica determinat, *occupationem & accessionem*, quos titulos esse legitimos acquirendi, ut patet ex lib. 41. ff. toto titulo primo: Ergo *occupatio & accessio* sunt legitimi tituli acquirendi dominium rerum temporalium.

## Confectaria hujus Doctrinæ.

*Confect. 1.* Occupatio est iustus titulus acquirendi, modo præscriptæ observentur conditiones: & ita sequentes modi acquirendi sunt liciti, quia sunt species occupationis.

1. *Captivitas jure belli iusti.* Per captivitatem nostros facimus ipsos hostes injuste resistentes, res hostium tum

mobiles, tum immobiles, tum se moventes; quia si hostes occidere possumus, a fortiori eos mancipare, & bona eorum occupare jure belli: res mobiles & moventes se sunt primi occupantis; res immobiles sunt Principis.

2. *Venatio & piscatio non prohibita.* Per venationem licitam nostra facimus ea animalia, quæ occupamus, modo ea animalia feræ sint: qualia sunt, non præcise quæ habent ferocem naturam, ut leones, ursi, &c. sed etiam ea, quæ talem habent naturam, qualibere vagantur, si sint bestię, vel libere volant, si sint aves, nec certa sede se continent: hujusmodi sunt lepores, cervi, &c. aquilæ, perdices, coturnices; & hujusmodi sunt pariter pisces liberis paludibus vagantes. Hac omnia animalia sunt primi occupantis, vel illius, qui ita ea aut vulnerat, aut coarctat, ut brevi ea occupaturus sit. Ita habes lib. 41. ff. toto titulo 1.

Animalia vero domestica, qualia sunt oves, boves, gallinæ, anseres, anates, cuniculi in garena, columbæ in columbario, apes in alveis, pisces in privato stagno: item animalia ferocia cicurata, ut sunt ursi & leones, immo aliquando cervi mansueti, quamdiu sunt sub tutela possessoris, quamdiu solent abire, & ad idem domicilium reverti, tamdiu verum habent dominum; & ita furtum committit, qui ea occupat animo detinendi, & sine animo ea reddendi vero domino. Ita just. lib. 2. inst. tit. 1. §. *Gallinæ*.

Dixi, *piscatio & venatio licita*; quia venatio & piscatio possunt esse variis titulis prohibita. 1. Titulo alti dominii: sic aliquando Principes & Dynastæ reservant sibi jus venandi & piscandi vel ad delectationem, vel ad utilitatem ex venatione & piscatione provenientem. 2. Titulo publicæ utilitatis: sic venatio & piscatio est interdicta eo tempore quo fecunda sunt animalia, ut non impediatur eorum multiplicatio; vel prohibetur exerceri venatio & piscatio cum his instrumentis, quibus nimis multa caperentur, ut tandem deficerent. 3. Titulo damni illati vel Reipublicæ vel privatis possessoribus: sic venatio prohibetur in garenis privatorum, piscatio in stagnis privatorum, item & venatio columbarum; etenim hujusmodi venatio-



ne & piscatione & Republica & privati damnum accipiunt non mediocre.

3. *Inventio non prohibita.* Per inventionem nostra facimus, non homines, hominumque possessiones, ut in bello; non animalia, quæ nullius sunt, ut in venatione; sed res inanimæ, quæ nullius sunt, ut lapilli, thesauri, & res, quæ pro derelictis habentur a suis possessoribus. Quia vero gravis agitur questio apud Casuistas circa istam materiam, ideo speciali paragrafo eam explicabimus: sed prius agendum de accessione, per quam acquirimus quod accedit rebus, quas jam possidemus.

*Consect. 2.* Accessio est justus titulus acquirendi, modo observentur leges a Republica præscriptæ. Et ita sequentes modi acquirendi sunt liciti, quia sunt species accessionis vel naturalis vel industrialis.

*Accessiones naturaliter factæ sunt hujusmodi:*

1. *Alluvio.* Per alluvionem acquiritur id, quod flumen ex uno prædio detrahit, & alteri adjicit, sive id fiat sensim, sive id fiat repente.

2. *Circumluvio.* Per circumluvionem acquiritur ea insula, quæ nascitur in flumine non navigabili; acquiritur, inquam, ab his, qui prope prædia possident, & hæc juxta latitudinem cujuscunque fundi. Insula vero, quæ in mari enata est, sit primi occupantis; quæ vero enascitur in flumine navigabili, est Principis.

3. *Alvei mutatio.* Alveus relictus per mutationem alvei, acquiritur a possidentibus prædia prope ripam pro modo latitudinis suorum prædiorum.

4. *Fætus.* Per fætum acquirimus ea, quæ ex nostris animalibus, etiam ab aliis imprægnatis, nascuntur; quia fructus sequitur ventrem. Item acquirimus lapideas, arenarias, fodinas ferri; quia sunt quasi fætus accessorii fundi. Fodina vero auri vel argenti sunt Principis; quia æquum non est, inquit Justin. §. *De rerum divisione*, ut res pretiosæ cedant fundo; & utilitas publica postulat, ut Rex Dominus sit illarum fodinarum.

*Accessiones industriales sunt hujusmodi.*

1. *Inedificatio.* Per inædificationem, quod in nostro fundo ædificatum est, nostrum efficitur; quia ædificium cedit solo. Sed attendendum est, an in fundo nostro quis vel bona fide, vel mala fide ædificaverit: si ædificaverit bona fide, solvenda ei sunt impensæ; minime vero si mala fide ædificaverit.

2. *Intextura.* Per quam materia aliena, etsi pretiosa, intexta meo vestimento cedit vestimento.

3. *Implantatio.* Per quam planta etiam aliena in meo fundo consistit, & radices agens, cedit fundo.

4. *Satio.* Per quam sata etiam aliena, sata in meo fundo, cedunt fundo.

5. *Scriptio.* Per quam litteræ qualescunque ab alio scriptæ cedant cartæ meæ: in favorem tamen picturæ, & propter excellentiam artis, pictura non cedit tabulæ, sed tabulæ picturæ. In prædictis casibus, si quis bona fide intexturam, implantationem, sationem, scriptionem in alieno fecerit, debent ei solvi impensæ; minime vero si mala fide fecerit.

6. *Specificatio*, id est, novæ speciei seu corporis extractio, vel ex materia solum aliena, vel ex materia mea simul & aliena: ut dum ex alieno metallo facio vas, ex alienis uvis facio vinum: ex mea & aliena materia facio vas, ex meis & alienis uvis facio vinum.

*Specificatio* est duplex: confusio & commixtio.

*Confusio* est, cum liquida ejusdem vel diversæ speciei confunduntur, v. g. vinum & vinum, vinum & mel.

*Commixtio* est, cum solida ejusdem vel diversæ speciei, ut frumentum & frumentum, vel frumentum & alia miscuntur.

Si res facta possit reduci ad materiam pristinam, v. g. vas ex metallo ad metallum; materiæ dominus sit dominus speciei factæ; & artifex, qui bona fide id fecit, potest operarum suarum mercedem exigere: si vero sciret materiam esse alienam, perdit & speciem & operas.

Si res facta non possit reduci ad pristinam materiam, v. g. vinum reduci non potest ad uvas, tunc artifex bonæ fidei, qui formam induxit, est dominus rei factæ;

ctæ; quia forma, inquit lex, quæ dat esse rei, est materia præstantior, & dominus materiæ habet actionem qua pretium materiæ repetat: malæ fidei artifex & speciem & operas debet perdere.

Accessio mixta ex naturali & industriali est hujusmodi: accessio naturalis & industrialis, sive ea, quæ fit efficientia divina operante, industria vero humana cooperante, est unica, scilicet, fructuum perceptio.

De fructuum autem perceptione ita jure cantum est:

Si possessor bonæ fidei, sive titulo oneroso ut emptio- nis, sive lucrativo ut donationis, fundum possideat, omnes fructus ob culturam & curam percipit; & re non- dum evicta a domino superveniente perceptos retinet; ea evicta consumptos retinet tantum, extantes resti- tuit: ff. L. 48. de acquir. rer. dom.

Si possessor malæ fidei aliquid possideat, nullos fructus facit suos: sed omnes cujuscumque generis perceptos, percipiendos, extantes, consumptos, naturales, in- dustriales, sive locupletior factus, sive non, restituere cogitur, juxta æstimationem, sive titulum habeat, sive non: Leg. 45. ff. de usuris. De his fufus ubi de restitu- tione. Jam ad paragraphum de rebus inventis.

### §.

*De peccatis, quæ committi solent circa res inventas.*

**Prop. 1.** Res inventas debemus intueri non quasi no- stras, sed quasi alienas.

**Prob. 1.** Ex Script. Deut. 22. v. 2. & 3. ubi sic habetur: *Et erunt inventa, scilicet, apud te, quamdiu quærat ea frater tuus, & recipiat --- & de omni re fratris tui, quæ perierit, si inveneris eam, ne negligas quasi alienam --- sed custodias, scilicet, ut eam reddas.* Cujus fide- litatis exemplum egregium dedit nobis Jacob, istud præ- cipiens filiis suis: *Pecuniam, inquit, quoque duplicem ferte vobiscum; & illam, quam invenistis, in sacculis re- portate, ne forte errore factum sit:* Gen. 43. v. 12. aper- te indicans, res inventas, quasi alienas habendas esse.

2. Ex Aug. sermone olim 19. jam 178. *Estote, inquit, fi- deles inventores, & tunc, iniquos vituperate raptores; nam quod invenistis, & non reddidistis, rapuistis.* Ergo



rem inventam debemus, non ut nostram, sed ut alterius intueri.

3. Jure Civili ff. leg. *Numquam*, de acquirendo rerum dominio, ubi sic habetur: Donec, id est, quamdiu probari potest dominus rei inventæ, hæc in alterius potestatem transire nequit.

4. *Rat.* Res inventa, antequam in manus veniat, nullo jure, nullo titulo nostra dici potest, cum nullum circa eam habeamus dominium: ergo antequam eam invenerimus, debemus ut alienam intueri: ergo etsi per inventionem in manus venerit, non possumus eam retinere, nisi vel per Reipublicæ legem, si ea res nullius sit, vel per consensum privati domini, si ea res alicujus sit, ejus dominium acquiramus; quia sine furti crimine de re vel publici vel privati possessoris invito domino disponere non possumus: de quo ita Cajet. verbo *Furtum*. *Inter aliena computantur inventa: tunc enim inventor non sibi, sed domino reddendam, accipere rem inventam, si bona conscientia accipere vult illam; alioquin furtum committit.*

*Consect.* unicum. Homo Christianus debet rem inventam accipere, non ut retineat, sed ut de ea juxta intentionem veri domini vel publici vel privati disponat: cum enim res inventa non ejus sit, sed alterius, de ea, juxta veri domini intentionem, debet disponere, & proinde attente considerare & examinare, an res inventa vel ad publicum dominium, id est Reipublicam, vel ad privatum aliquem dominum pertineat, & de ea juxta rationalem veri domini intentionem disponere.

*Prop. 2.* Quoties res inventa talis est, ut ad nullum privatum hominem pertineat, & proinde Reipublicæ sit, toties inventor debet de ea juxta leges Reipublicæ, cujus est membrum, disponere.

*Prob. rat.* De re, quæ alterius est, non possumus, nisi juxta rationalem ejus intentionem disponere; si secus faciamus, furtum committimus: quia furtum est contrectatio rei alienæ invito domino. Ergo de rebus, quarum Respublica censetur habere dominium, qualia sunt ea, quæ nullius sunt, non possumus disponere, nisi juxta leges Reipublicæ.

## Confectaria hujus Doctrinæ.

*Confect. 1. De rebus inventis, quæ jure Romano sunt solius inventoris* - - Res inventæ, quæ nullius umquam fuerunt, aut quæ si olim fuerint alicujus, jam in nullius bonis sunt, aut quæ, si sint in bonis alicujus, pro derelictis habentur: hæ singulæ res sunt solius inventoris; quia jure Romano eorum dominium transfertur ad inventorem. Sic gemmæ, lapilli pretiosi in littore maris inventi, sunt occupantis. Quod enim ante nullius est, inquit Justinianus, id naturali ratione occupanti conceditur: lib. 1. inst. tit. 1. §. *Item lapilli*.

Sic thesauri, quorum non extat memoria, sunt occupantis; quia etsi dominum habuerint, jam dominum non habent: & ita cum reperiuntur vel in fundo proprio, vel in loco sacro, vel publico, sunt inventoris: lib. 2. inst. tit. 1. §. *Thesaurus*. Sic res, quæ a vero domino est relicta, id est, quam Dominus ita abiecit, ut in numero rerum suarum esse nolit, ut loquitur Just. lib. 2. inst. tit. de rerum divisione, hæc, inquam, res tota est inventoris.

*Confect. 2. De rebus inventis, quæ jure Romano partim sunt inventoris, partim alterius.* Res, quæ casu inveniuntur in alieno fundo, ita se habent, ut dimidium pertineat ad inventorem, alterum vero dimidium ad dominum fundi.

Sic, si extraneus fodiens in tuo fundo inveniat thesaurum, medietas ad ipsum pertinet, altera vero tui juris est.

Sic, si creditor in domo pignorata, conductor in domo locata, thesaurum inveniat, potest medietatem sibi retinere, & alteram medietatem domino fundi debet reddere. Ita Adrianus naturalem æquitatem secutus determinavit: lib. 2. inst. tit. 1. §. *Thesaurus*.

Si quis vero dolo sciens thesaurum esse in alieno fundo, non præmonito domino fundi thesaurum inveniat, totus thesaurus est domini fundi; quia nemini sua fraus patrocinator.

Si quis per magiam thesaurum in suo fundo inveniat, totus thesaurus addicitur fisco in poenam criminis. Si vero inveniat in fundo alieno, medietas addicitur fisco, altera medietas domino fundi.

Sed aliter disponendum est de thesauris inventis juxta Jus Gallorum; cum enim thesauri proprie nullius sint, possunt per leges cujusque Regni his, quibus lex jusserit, appropriari.

In Gallia juxta Dominum de Bignon, thesaurus in alio fundo inventus, in tres partes æquales est dividendus; ita ut altera pars pertineat ad inventorem, altera ad dominum fundi, tertia ad Dynastam, gallice, *Seigneur, haut justicier*, vel ad Regem. Si vero thesaurus in proprio fundo fuerit inventus, media pars est inventoris, alia Dynastæ, seu Regis. Vide L. cui titulus. *Journal des audiences*, ad an. 1633. Demum oportet circa hanc rem consuetudinem cujuslibet Provinciæ observare.

*Consect. 3. De rebus inventis, quæ dominum habent, sive cognitum, sive incognitum.* Res inventæ, quæ dominum habent sive cognitum, sive incognitum, non sunt inventoris, sed reddi debent vero domino, si inveniri potest; vel in pias causas expendi, si inveniri non possit verus dominus.

1. Res illæ inventæ non sunt inventoris; neque per legem, neque per domini voluntatem earum dominium transfertur in inventorem: non per legem; quia nulla est lex, quæ inventori appropriet tales res inventas: non per voluntatem domini; cum domini res perditas sedulo quarant, & gratias agant, si reddantur. Demum quia juxta Aug. sermone olim 19. de verbis Apost. c. 6. *Deus, inquit, in lege sua dicit, inventionem tamquam alienum esse reddendam.*

2. Quando post sufficientem diligentiam non apparet verus rerum inventarum dominus, res inventæ sunt erogandæ vel pauperibus, vel in pias causas expendendæ; quia, inquit Silvius in 22. q. 67. res illæ revera dominum habent, quamvis ille nequeat inveniri: ergo sunt expendendæ secundum verisimilem domini voluntatem: atqui merito præsumitur eam esse domini voluntatem, ut eæ res convertantur in misericordiæ opera, ut profint animæ, quæ corpori prodesse nequeunt: ergo in ea opera sunt convertenda. Ita jubet S. Carolus Borromæus, P. 4. actorum Ecclesiæ Mediolanens. *Si Dominus, inquit, diu requisitus non appareat, res inventa pauperibus, aut piii loci erogentur.*

Exem



Exemplum habes egregium apud Aug. cujusdam Grammatici, qui licet pauper, cum invenisset summam argenti in crumena, dominum illius argenti summa diligentia quæsit; & cum factis proclamationibus & affixis schedulis invenisset, noluit oblatam sibi exiguam summam recipere, sed nihil voluit sibi dari, ut totum cederet domino: Serm. 21. de verbis Apost. & lib. 83. q. Sed victus tandem ille Grammaticus, quod offerebatur accepit, & continuo totum pauperibus erogavit, nec unum quidem solidum sibi retinuit.

Consect. 4. *De rebus vel in naufragio vel in incendio projectis.* Bona, quæ in naufragio projiciuntur in aquam, vel in incendio extra incendium asportantur, non possunt ab his, qui eas res inveniunt, sine furti crimine retineri: etenim verus Dominus non habet eas pro derelictis, sed sub spe recuperationis exponit; & istiusmodi bona non de jure, sed de facto sunt extra potestatem domini, atque ideo occupatione aut inventione acquiri non possunt: ideo Constantinus hanc legem statuit; Cod. L. 11. tit. 5. de naufragiis: *Si quando naufragio navis expulsa fuerit ad littus, vel si quando aliquam terram attigerit, ad dominos pertineat: fiscus meus se se non interponat; quod enim jus habet fiscus in aliena calamitate, ut de re tam luctuosa compendium scietur?* Idem dici potest de bonis projectis ob incendium.

Si autem fiscus publicus naufragorum bona sua non facit, multo minus id fieri debet a privatis hominibus.

## CAPUT IV.

*De modo, secundum quem Respublica contra vel præter privatorum hominum consensum transfert dominium per usucapionem & præscriptionem.*

**Nota 1.** Usucapio est acquisitio domini per continuationem possessionis temporis lege definiti. Usucapio est de mobilibus.

Præscriptio est exceptio, qua eliditur actio per silentium continuum temporis lege definiti. Præscriptio est de immobilibus.

Ufus jam invaluit, ut usucapio & præscriptio eodem modo fere accipiantur.

*Prop. 1.* Tanta est Reipublicæ autoritas in bona singulorum hominum, ut, invitis veris possessoribus, usucapio & præscriptio cum debitis circumstantiis sint verus titulus & sufficiens acquirendi res, nedum coram hominibus sed etiam coram Deo.

*Prob. 1.* Ex jure Civili lib. 2. instit. tit. 6. §. 1. statuitur, quod non solum in Italia, sed etiam in omni terra, res mobiles per triennium, immobiles per decennium inter præsentis, & inter absentes viginti annis usucapiantur. Et hoc 1. ne rerum dominia in incerto sint. 2. ut aliquis litium sit finis.

2. Ex jure Canonico, cap. placuit, cap. Sanctorum, cap. de quarta, & demum toto titulo de præscriptione in Decretalibus, ubi statuitur, quod præscriptio legitimæ sit verus titulus possidendi.

3. Ex D. Thom. quodlibet 12. a. 24. Si quis præscribat bona fide, non tenetur ad restitutionem, etiamsi sciat alienum fuisse post præscriptionem; quia lex potest aliquem pro peccato & negligentia punire in re sua, & illam alteri dare & concedere.

4. Ex Scoto dist. 15. q. 2. Præscriptio in immobilibus, usucapio in mobilibus est justa translatio.

5. Ex Gersonio. Fundatur & jus præscriptionis punientis, ne sint incerta dominia, neglectores rerum propriarum, ac juste transferentis, etiam apud Deum & conscientiam, tale dominium in bonæ fidei possessorem, & præscriptorem legitimum: lib. de potest. Eccles. consider. in fine. Et in uno ferm. sic pariter habet: Et hic fundatur rationalitas præscriptionis & justa detentio rei, quæ prius fuit aliena, justa, inquit, ne dum in foro contentioso, sed conscientia.

6. Rat. Respublica, utpote habens altum rerum dominium, potest usucapionem & præscriptionem tamquam legitimum medium acquirendi res exteriores statuere: Ergo cum statuerit, ut constat leg. 3. de usucapionibus, & leg. ult. de præscriptionibus, debet haberi tamquam verus, & legitimus titulus acquirendi.

*Prop. 2.* Ad validam præscriptionem, & usucapionem requiruntur sequentes conditiones istis versibus contentæ:

Pura fides, justus titulus, res non vitiosa,  
Legitimum tempus, possessio continuata.

## §. I.

*De bona fide requisita ad præscriptionem.*

*Prop. unica.* Ad legitimam præscriptionem requiritur pura fides, id est, credulitas, qua quis sibi prudenter persuadeat, rem eam, quam accipit aut possidet, esse suam.

*Prob. 1.* Ex Concilio Lateran. IV. ubi sic habetur: *Synodali judicio definimus, ut nulla valeat absque bona fide præscriptio, tam Canonica, quam Civilis* -- Ergo ad præscriptionem requiritur bona fides.

2. Juxta regulas juris in 6. quæ a Doctoribus juris Civilis non rejiciuntur: *Possessor malæ fidei ullo tempore non præscribit*: Ergo ad præscriptionem requiritur bona fides.

3. *Rat.* Quicumque mala fide ducitur, per legem juvari non debet; ideo generalis hæc regula ab omnibus admittitur; *Nemini sua fraus patrocinator*: Ergo ad incipiendam & consummandam præscriptionem requiritur bona fides.

### Confectaria hujus doctrinæ.

*Non præscribunt, qui hic subjiciuntur.*

1. Qui rem assequuntur mala fide, scientes positive res ad ipsos devenisse contra regulas juris, v. g. per furtum, per rapinam, per contractus manifeste injustos.

Immo si quis id, quod possidet, putet sibi non licere per leges præscribere, etsi erret, non legitime præscribit. 1. Quia non bona fide possidet. 2. Quia in jure erranti non procedit præscriptio. Ita habetur leg. si fur ff. de usucap.

2. Qui rem assequuntur dubia fide, si dubia fides præcedat omnem possessionem; v. g. si incipiant possidere, dubitantes, an res, quæ ad ipsos devenerunt, legitime vel illegitime devenerint; puta, si acceperint ab homine, quem latronem suspicabantur, si acceperint per contractus, quos injustos augurabantur; quia in dubio favendum est reo potius quam actori: qui autem possidere incipit, est veluti actor, & qui ante possidebat est veluti reus: Ergo favendum est illi, qui possidebat antea, non illi, qui de novo possidere incipit. Si vero dubitatio superveniat possessioni, non tollit bonam fidem, nec



impedit præscriptionem; quia *in pari causa, melior est conditio possidentis*: regul. 65. de regulis juris in 6. *tamdiu enim bonæ fidei possessor dicitur, quamdiu se possidere ignorat alienum*: can. *Si virgo* cap. 34. q. 1.

3. Qui rem assequuntur cum ignorantia etiam inculpabili juris clari, de quo omnes conveniunt: v. g. qui rem assequitur per contractum communiter reprobatum, per contractum initum cum pupillo sine consensu tutoris, per contractum aperte usurarium. Ita habet lex Juris ff. de ignorantia juris & facti. *Juris ignorantia in usucapionibus negatur prodesse, facti vero ignorantiam prodesse constat*. Et leg. 31. ff. de usucapionibus; *Numquam in usucapionibus juris error possessoribus prodest, ignorantia vero juris dubii non impedit præscriptionem*.

4. Qui rem assequitur medio injusto, sed apparenter justo, v. g. per sententiam iniquam judicis, quam ipse vel argento extorsit, vel falsis instrumentis procuravit, vel aperte injustam cognovit: qui rem emit dolose ab homine, cui juridice prohibetur alienatio, qualis est amens.

## §. II.

*De justo titulo requisito ad præscriptionem.*

*Prop. unica.* Ad legitimam præscriptionem infra quadraginta annos decurrentem, præter bonam fidem requiritur *justus titulus*, id est, justa possidendi quod nostrum non est causa, & non sufficit titulus falsus.

*Prob. 1.* Ex Bonifacio VIII. cap. 1. de præscript. in 6. ubi sic habetur: *Licet ei, qui rem præscribit Ecclesiasticam, si sibi non est contrarium jus commune, vel contra eum præsumptio non habeatur, sufficiat bona fides; ubi tamen est ei jus commune contrarium, vel habetur præsumptio contra ipsum, bona fides non sufficit, sed est necessarius titulus, qui possessori causam tribuat præscribendi, nisi tanti temporis alligetur præscriptio, cujus contrarii memoria non existat*.

2. Ex jure civili leg. *obligationum* 44. ff. de *obligat. & action.* ubi diserte ostenditur, quod sola bona fides non sufficit ad præscriptionem, sed requiritur justus titulus

tulus; quia sicuti ex temporis tractu non tollitur ali-  
quod jus, ita & non constituitur.

3. *Rat.* Rem sine titulo possidere licite non possu-  
mus: ergo neque præscribere.

### Confectaria hujus Doctrinæ.

*Consect. 1.* Legitime præscribunt qui cum bona fide,  
& iusto titulo rem determinato tempore possident, v. g.  
qui rem habent titulo solutionis, emptionis, transactio-  
nis, hæreditatis, occupationis legati, dotis &c. quia hi  
tituli veri censentur, immo qui cum bona fide sine ti-  
tulo rem possident a tempore, cujus memoria non ex-  
tat, v. g. a quadraginta annis & ultra, ut docet Co-  
varr. resol.

*Consect. 2.* Legitime non præscribunt qui rem habent  
per falsum titulum, quantocumque tempore retinuerint;  
quia titulus falsus magis nocet, quam prodest.

Sic qui rem assequitur titulo falso: v. g. latro non  
præscribit rem furto ablatam, usinarius rem usuris par-  
tam, mutuarius rem mutuo datam, depositarius rem  
deposito commissam: *His enim usucapio non competit,*  
*qui mala fide possident: 2. instit. de usucap.*

Sic qui sunt incapaces acquirendi: v. g. Laici possunt  
ex concessione decimas ad tempus accipere, sed non  
præscribere jus exigendi decimas; quia non sunt capa-  
ces talis tituli. Religiosi non possunt præscribere do-  
minium temporalium; quia ex Trident. non habent ca-  
pacitatem talis domini. Servi non possunt sibi præscri-  
bere; ex jure enim civili quidquid acquirunt servi, do-  
mino acquirunt.

### §. III.

*In quo explicatur hæc vox: Res non vitiosa.*

*Prop. unica.* Ad legitimam præscriptionem requiri-  
tur, quod res, quæ præscribitur, capax sit præscriptionis.

*Prob. rat.* Præscriptio non viget nisi vigore legis:  
Ergo res, quæ per legem eximitur a præscriptione, non  
potest præscribi.

### Confectaria hujus doctrinæ.

*Res, quæ hic subjiciuntur, non præscribuntur.*

1. Res furto vel rapina ablata, etiam bona fide ac-

cepta aut acquisita; furtum enim nequit esse titulus acquirendi.

2. Publicæ functiones Ecclesiæ, res publicæ, primitiæ, decimationes. cap. *Causam*, de præscriptionibus.

3. Provinciæ, Parochiæ, Diœceses certis limitibus distinctæ: Can. *Licet*. & cap. *Cum causam*, de probat.

4. Immunitas a visitatione, a subiectione, aut procuratione solvenda Prælato, dum ab eo visitantur: cap. *Cum ex officiis*, de præscript.

5. Matrimonium illegitimum, cap. *Non debet*, de consanguin. & affin.

6. Votorum violatio quantumvis diuturna, cap. *Sicut nobis*, de regularibus.

7. Homo liber ut fiat servus, res Religiosa, sacra, præscribi non possunt: leg. *usucapionum* ff. de *usucapionibus*.

#### §. IV.

*De legitimo tempore præscriptionis.*

*Prop. unica.* Ad legitimam præscriptionem requiritur tempus a lege definitum.

*Prob. rat.* Præscriptio solo jure positivo introducta est: Ergo ad legem pertinet statuere tempus præscriptioni percurrere necessarium: quod quidem juxta varietatem rerum, vel brevius, vel diuturnius legibus constitutum est.

#### Consecutaria hujus Doctrinæ.

*Diverse sunt præscriptionum species, quas hic figillatim induco.*

Prima est triennalis pro rebus mobilibus: l. 2. in flit. de usucap.

Secunda est quadriennalis, ut cum res emuntur a fisco: l. 1. & toto titulo *C. de quadr.*

Tertia est decennalis pro rebus immobilibus & corporalibus, uti sunt servitutes, & ea, quæ in jure solo consistunt, & hoc inter præsentia: toto titulo, *C. de longo tempore præscript.*

Quarta est vicennalis pro rebus immobilibus, & incorporalibus inter absentes: ibid.

Quinta est triginta annorum, & hoc pro rebus immo.



*mobilibus sine titulo: l. 8. C. de præscript. triginta ann.*

Sexta est quadraginta annorum pro rebus Ecclesiasticis: Authent. quas actiones, *C. de SS. Ecclef. c. 4.*

Septima est centum annorum pro rebus Ecclesiæ Romanæ, & pro rebus regalibus: cap. *Ad audientiam.*

### §. V.

#### *De possessione continuata.*

*Prop. unica.* Ad præscriptionem requiritur possessio continuata, id est, sine interruptione perseverans.

*Prob.* Juxta leges civiles sine possessione certa non præscribitur: Ergo possessio debet esse perseverans & non interrupta. Ideo dicunt Doctores, si possessio interruptatur, ad nihil reducitur, & priore nihil comandante de novo est inchoanda.

Interrumpitur autem possessio vel naturaliter, quando scilicet possessor realiter possidere desinit, vel civiliter, quando scilicet possessor per citationem solemnem & litis denuntiationem inhibetur possidere; & quia interruptio res est facti, ut ait D. Thom. debet probari vel per instrumenta vel per testes singulares.

#### Confectaria hujus Doctrinæ.

*Qui hic subjiciuntur non censentur præscribere.*

1. Qui durante possessione non percurrit tempus utile, sed interruptitur possessio, vel quia verus Dominus interpellat possidentem, ut reddat rem suam, vel quia verus Dominus in iis est angustiiis, ut nullatenus possit rem suam exigere.

2. Qui durante possessione certo cognoscit rem non esse suam, sed alienam; quia juxta jus Canonicum, cap. fin. de præscript. oportet, *ut qui præscribit, in nulla temporis parte rei habeat conscientiam alienæ.*

3. Si inhæreamus juri Canonico, qui bona fide incœpit præscriptionem, sed nondum elapso tempore præscriptionis ei dubium vel suspicio oboritur, num possideat alienum, is inquam legitime non præscribit, ut colligitur cap. *Vigilanti* de præscriptionibus, ubi dicitur: *Cavendum est, ne male fidei possessores simus in prædiis alienis; quoniam nulla antiqua dierum possessio juvat aliquem*

*quem male fidei possessorem, nisi respuerit postquam se aliena noverit possidere, cum verè fidei possessor dici possit.*

Si adhareamus soli juri civili prædictus possessor legitime præscribit; quia, ut inquit, in poenam segnitiei Respublica plena autoritate transfert dominium rerum in eos, qui bona fide incipiunt usucapionem & præscriptionem. Dominus de Sainte Beuve censet, quod ubi viget jus Romanum, possumus illud hac in re in foro conscientia sequi.

*Monit.* Restitutio in integrum est unicum remedium pro his, qui bona sua perdiderunt per præscriptionem, concediturque a judice. 1. Minoribus iis, qui nondum vigesimum quintum annum expleverunt. 2. Ecclesiis & piis locis. 3. Majoribus, si probent præscriptionem cum probabili sua ignorantia & sine sua culpa peractam esse.

## TRACTATUS XV.

### DE VARIIS PACTIS & CONTRACTIBUS, QUIBUS VOLUNTARIE TRANSFERTUR RERUM DOMINIUM.

#### P R O O E M I U M.

**S**i consideremus negotiationem, ut vulgo exerceri solet, speciem quamdam mali habere videtur. *Difficile enim est*, inquit Leo, *inter ementis vendentisque commercium non intervenire peccatum*: epist. 92. ad Rustic. c. 9. Ideo dicit Scriptura Eccl. 25. v. 28. *Difficile exiit negotians a negligentia*, sive, ut Græcus textus habet, *a deceptione*; & *non justificabitur caupo a peccatis labiorum*. Verumtamen, si mercatoriam consideremus in prima sui institutione, non iniqua, sed licita est quæ pactis & contractibus fovetur negotiatio; immo ars illa fuit naturali necessitate inducta, ut homines arctioribus inter se nexibus vincerentur. Cum enim non omnia quælibet tellus producat, commercio utili efficitur, ut ad extraneos deferamus quæ illi non habent, & ipsi vicissim ad nos referant alia, quibus indigemus; & ita, ut optime ait  
Justi-

Justinianus, *inutilia utilibus commutamus*. Nobis & aliis profumus mutuis pactis & conventionibus, sed cavendum maxime, ne dum fovetur civilis societas, dissocietur forte Christiana charitas, semperque menti Christianorum negotiantium obvium esse debet illud Isaia: *Et erunt negotiationes ejus & mercedes ejus sanctificate Domino: Iai. 23. v. 18.* & illud Pauli ad Thesal. 4. v. 6. *Ne quis supergrediatur, neque circumveniat in negotio fratrem suum*: quod quidem, quo pacto fieri valeat, toto isto tractatu explicabimus.

## CAPUT PRÆLIMINARE.

*De pactis, obligationibus, contractibus, & actionibus.*

Vulgare est apud Doctores juris istud dictum, scilicet: *pacta pariunt obligationes, obligationes contractus, contractus vero actiones*. Ideo congruus ordo postulat, ut singula hæc in hoc præliminari capite breviter perstringamus, ut his semel explicatis, mens fiat, ad ea, quæ dicenda sunt, paratior. Quocirca sit

## ARTICULUS I.

*De Pactis.*

Pactum generatim est duorum vel plurium in idem placitum conventio de re aliqua danda vel facienda: *L. 1. ff. de Pactis.*

*Pacta alia sunt publica, alia privata.*

Pacta publica ea sunt, quæ Reipublicæ causa fiunt, & fœdera nuncupantur. Hujusmodi sunt conventiones, quas inter se ineunt Principes vel de pace vel de bello.

Pacta privata ea sunt, quæ de rebus privatorum fiunt: & hujusmodi sunt omnes conventiones, quæ fiunt a privatis hominibus.

*Pacta alia sunt naturalia, alia civilia.*

Pacta naturalia ea sunt, quæ ex æquitate naturali & usu communi gentium ortum, vires, & effectum habent. Hujusmodi sunt conventiones omnes, quibus jus civi-



le nullas conditiones apponit, sed eas libero hominum consensui determinandas relinquit: quales sunt v. g. pactiones circa res exigui valoris & pretii; de minimis enim, ut vulgo dicitur, non curat Prætor.

Pacta civilia ea sunt, quæ specialiter aliqua lege vel edicto Prætoris, vel constitutione Principis confirmantur. Talia sunt pacta circa dotes constituendas, circa censum pecuniarum stabiliendum, & figendum, & alia hujusmodi quæ non relinquuntur arbitrio hominum, sed certis legibus determinantur.

*Pacta alia sunt expressa, alia tacita.*

Pacta expressa ea sunt, quæ constant consensu expresso vel per verba, vel per scripta: L. 7. C. de Pactis. Hujusmodi sunt pacta, quibus vel verbis, vel scriptis nos obligamus.

Pacta tacita ea sunt, quæ constant consensu, qui nec verbo nec scripto exprimitur, sed ex aliquo facto & conjectura colligitur: L. 2. & 18. C. de Pact. Hujusmodi est pactum illius, qui adeundo hæreditatem censetur pacisci cum creditoribus se velle solvere debita hæreditatis.

## ARTICULUS II.

*De obligationibus.*

Obligatio generatim est juris vinculum, quo quis facere, vel solvere, vel præstare aliquid tenetur: L. 5. ff. de obligationibus.

*Obligatio est triplex: naturalis, civilis, & mixta ex civili & naturali.*

Obligatio naturalis ea est, quæ ex naturali ratione causam habet, & quæ solo æquitatis vinculo unitur. Talis est omnis obligatio, quam recta ratio inspirat; v. g. ut stemus pactis promissis, contractibus voluntarie initis, etiam jure civili non infirmatis. Ita habetur L. 95. §. naturalis ff. de solutionibus & liberationibus.

Obligatio naturalis obligat in foro conscientiæ, sed non dat strictam actionem in foro contentioso: v. g. reus sum coram Deo, si nudum pactum non observem: si promissis non stem; sed si pactum meum nec scriptis mu-

munitum sit, nec testibus confirmatum, stricta actione coram iudice compelli non possum.

Obligatio civilis ea est, quæ oritur ex jure civili, vel ab eo confirmatur. Hujusmodi est omnis obligatio, quæ vel a lege introducitur, vel autoritate iudicis declaratur.

Obligatio civilis ligat in conscientia, sicuti legem civilem ligare diximus, & insuper dat actionem in foro contentioso; v. g. si lex aut iudex me ad solvendam certam pecuniæ quantitatem addixerit, teneor in conscientia solvere; & si non solvam, possum compelli coram iudice, ut exequar id ad quod teneor ex obligatione civili.

Obligatio mixta ex naturali & civili ea est, quæ oritur ex jure naturali simul & civili. Talis ea est obligatio, quam æquitas naturalis inspirat, & quam jus civile debitum confirmat, v. g. obligatio solvendi creditori. Obligatio mixta ex naturali & civili ligat in foro conscientiæ quatenus naturalis; dat vero actionem in foro externo quatenus civilis: obligatio autem mixta, ut plurimum, cum contractu conjungitur. Ideo fit

### ARTICULUS III.

#### *De Contractibus.*

##### §. I.

#### *Explicatur natura contractus in communi & in particulari.*

Contractus juxta Ulpianum est ultro citroque obligatio seu conventio reciproca duorum vel plurium, verbis, nutu, aut scripto declarata, in utroque pariens obligationem naturalem & civilem.

*Contractus alius est innominatus, alius nominatus.*

Contractus nominatus est ille, qui habet proprium nomen, v. g. emptio, venditio, locatio, conductio, mutuum, &c.

Contractus innominatus est ille, qui caret proprio nomine, & hic ad quatuor species omnino reducitur, quæ his verbis communiter exprimuntur: *do, ut des: do, ut facias: facio, ut des: facio, ut facias.*

Ut

Ut cognoscatur natura contractuum, debet attendi quot requirantur in contractibus. Triæ autem in contractibus solent reperiri. Primo personæ contrahentes. Secundo res circa quas fiunt contractus. Tertio consensus contrahentium: v. g. ego vendo equum Petro decem nummis: ego & Petrus sumus personæ contrahentes: equus & nummi sunt materia contractus. Consensus reciprocus est id, quod proprie facit contractum, puta, in exemplo allato consensus ex parte mei vendentis, & consensus ex parte Petri ementis.

Pro rerum, personarum, & consensuum varietate, varii sunt contractus, quos hic breviter subijcio.

## §. II.

*De Contractibus, quibus transfertur dominium rei.*

Contractus, quo gratis transfertur in alium dominium rei, vocatur *simplex donatio*: v. g. ego dono gratis Petro meum agrum, meum librum.

Contractus, quo transfertur in alterum dominium rei, non gratis, sed res pro re commutatur, vocatur *commutatio* seu cambium: v. g. ego trado Petro meum agrum, & ille mihi tradit suam vineam; ille contractus vocatur *commutatio vineæ cum agro*.

Contractus, quo transfertur in alterum dominium vel possessio rei, non gratis, non res pro re, sed res sub certa pecuniæ summa, vocatur *venditio* ex parte dantis rem, & *emptio* ex parte dantis pecuniam: v. g. ego trado meum agrum Petro ex causa venditionis, & ille pretii nomine dat mihi centum nummos.

## §. III.

*De Contractibus, in quibus transfertur non dominium rei, sed ususfructus rei.*

Contractus, quo ususfructus rei transfertur gratis, vocatur *simplex donatio fructus*: v. g. ego dono Petro gratis fructus agri mei, quos ipse percipere poterit si velit.

Contractus, quo transfertur ususfructus rei non gratis, sed res pro re, vocatur *commutatio*: v. g. ego trado Petro fructus mei agri, & ille tradit mihi fructus suæ vineæ.

Con-



Contractus, quo traditur usufructus rei non gratis, nec res pro re, sed pro pretio traditur certa pecuniæ summa, vocatur *venditio fructus*.

Contractus, quo traditur usu-fructus rei sub aliqua conditione, v. g. sub hac conditione, quod exhibebitur mihi obsequium personale, vocatur *feudum*; si vero tradatur sub hac conditione, quod exhibebitur certa pensio, vocatur *emphyteusis*, seu censualis pensio.

Si emphyteuta, vel feudatarius rem illam, quam in feudum vel emphyteusim accipit, simili contractu tradat alteri, vocatur *subfeudum*, *subemphyteusis*.

#### §. IV.

*De contractibus in quibus transferitur solus usus rei.*

Contractus, quo solus usus rei traditur gratis, vocatur *commodatum*, vel *precarium*: v. g. ego commodo gratis librum Petro.

Si commodum pro determinato usu, & pro determinato tempore, dicitur commodatum; si vero commodum pro indeterminato usu, & tempore, dicitur *precarium*.

Contractus, quo usus solus conceditur, non gratis, sed usus alterius rei exigitur, vocatur *reciprocum commodatum*: v. g. ego commodo Petro meum librum, & ille commodat mihi suum equum.

Contractus, quo solus usus conceditur, non gratis, sed pro certa pecuniæ summa, vocatur *locatio* ex parte dantis rem, & *conductio* ex parte dantis pecuniam: v. g. ego trado Petro meum equum utendum, & ille dat mihi pro usu illius quindecim asses quolibet die: ille contractus dicitur *locatio* ex parte mei, & *conductio* ex parte Petri.

#### §. V.

*De aliis contractibus.*

*Depositum* est contractus, quo traditur aliquid alteri ad custodiam, ea conditione, ut integrum, & illæsum reddatur, nihilque pretii ex illa cura custodiens exigit.

*Mandatum* est contractus, quo aliquod negotium alicui gerendum committitur, & gratis suscipitur.

*Mutuum* est contractus, quo traditur res, quæ pondere, numero, & mensura constat, v. g. vinum, oleum, frumentum, pecunia numerata, cum onere, ut restituatur res ejusdem generis, qualitatis, & quantitatis.

*Oppignoratio* est contractus, quo debitor tradit creditori rem aliquam vel mobilem, vel immobilem, quæ sit pro debito obligata: v. g. ego debitor Petri trado Petro pro assècuratione debiti agrum, suppellectilia pretiosa &c.

*Antichresis* est contractus, quo res immobilis frugifera traditur creditori, ea conventionione, ut ejus fructus percipiat, donec solvatur debitum.

*Fidei-jussio* est contractus, quo quis alienam obligationem vel gratis, vel pro pretio suscipit implendam, si debitor principalis non solverit.

### §. VI.

*De contractibus, in quibus intervenit aliqua fors, seu periculum.*

*Societas* est contractus, quo duo vel plures apponunt res ad lucrandum idoneas: v. g. iste pecuniam, ille indutriam, unus animal, alter laborem, eo onere, ut pro rata parte rei appositæ dividant lucrum & damnum.

*Sponsio* est contractus, quo duo vel plures de re aliqua dubia certantes, sibi invicem aliquid spondent cessurum ei, qui verum dixerit: v. g. certo tecum duodecim nummis, urbem talem obsessam captum iri. Si urbs illa veniat in manus obsidentium, summa exposita ad me pertinet; si vero non veniat, ad alium pertinebit.

*Ludus* est contractus, quo ludentes paciscuntur, ut victori cedat quod uterque deposuit.

*Assècuration* est contractus, quo quis alienæ rei in se periculum suscipit, obligando se vel gratis, vel pro pretio.

### §. VII.

*De quasi contractibus, de maleficio & quasi maleficio.*

*Quasi contractus* est conventio, per quam obligatio ex juris præsumptione inter ignorantes contrahitur.

Sic negotiorum gestor obligatur erga eum, cujus negotia gessit. Tutor obligatur erga pupillos. Adiens hæredi-

reditatem obligatur erga legatarios. Qui rem ad plures pertinentem suscipit, obligatur erga eos, qui jus ali- quod in illa re habent.

*Maleficium* est offensio contra jus scienter illata alteri: qualia sunt, v. g. furtum, rapina, damnum, injuria.

*Quasi maleficium* est offensio contra jus, non scienter, sed imprudenter illata alteri: quale est omne no- cumentum, quod per me vel meos, non ex malitia, sed ex imprudentia infertur alteri.

Ex contractibus aut quasi contractibus omissis, & ex maleficiis aut quasi maleficiis commissis oriuntur actiones. Ideo jam de actionibus agendum.

## ARTICULUS IV.

### *De actionibus.*

**A**ctio est jus persequendi in judicio quod sibi debe- tur.

Actio est multiplex: alia est in rem, alia est in per- sonam: alia in rem, & in personam: alia est juris ci- vilis, alia est juris naturalis.

Actio in rem ea est, qua actor rem ab alio possessam suam esse intendit. Hujusmodi est actio, qua rem cor- poralem, v. g. agrum ab alio mihi usurpatum peto mi- hi restitui: vel rem incorporalem, v. g. servitutem persequor vel exigendo servitutem mihi deberi, vel negando servitutem mihi deberi, vel negando me ser- vitutem debere alteri.

Actio in personam ea est, qua auctor intendit, ut ad- versarius sibi det aut faciat aliquid. Talis est actio, qua quis petit, ut ei detur quod contracta, aut quasi con- tractu, ex maleficio, aut quasi maleficio, debitum esse contendit.

Actio mixta partim in rem, partim in personam ea est, qua nedum res, sed aliquid a persona prestari exi- gitur, ut cum quis petit, ut is, qui bona familiae, aut societatis possidet, permittat res familiae, aut socie- tatis dividi, ut quilibet pro parte sibi debita quod ejus est accipiat.

Actio juris civilis ea est, quæ nititur vel contractu, vel quasi contractu, vel delicto, vel quasi delicto, & varia est juxta varias juris civilis subtilitates.



Actio juris naturalis solius est ea, quæ nudo pacto nititur, qua petimus, ut nuda etiam pacta observentur. Hæc jure Pontificio introducta est, vigetque & accipitur in omni foro, ubi ex bono & æquo, & ex suprema potestate judicatur, ut docet Bartolus & Baldus in legem 7. ff. *de pactis*.

Patet ergo ex dictis, quod pacta inducant obligationes; obligationes vero contractus; contractus autem actiones. Ideoque videndum quo modo iniri debeant & pacta, & contractus tam jure naturali, quam civili. Ideoque sit

## CAPUT II.

*De his, quæ requiruntur & sufficiunt, ut pacta sint valida, & contractus sint pariter validi tam jure naturali, quam civili.*

Ad hoc ut contractus & pacta valeant in utroque jure, quædam requiruntur ex parte personarum, quædam ex parte rerum, quædam ex parte modi contrahendi. Ex parte personarum requiritur, quod personæ sint habiles ad paciscendum & contrahendum. Ex parte rerum exigitur, quod res, quæ sunt materia conventionis & contractus, certis conditionibus muniantur. Modus vero contrahendi debet esse conformis legi: quæ singula, cum diversa sint juxta diversum jus naturale & positivum, ideo caput istud in tres Sectiones dividemus. In prima agemus de his, quæ requiruntur & sufficiunt ad valorem pacti, & contractus juxta jus solum naturale. In aliis vero expendemus, quæ requiruntur & sufficiant, ut pacta & contractus valorem suum habeant in jure civili, & positivo. Cum autem contractus includat semper pactum, & pactum raro a contractu sejungatur; ideo nomine CONTRACTUS & pactum, & promissum, & contractum, & demum cujuscumque generis conventionem exprimemus.

## SECTIO I.

*De his, quæ requiruntur & sufficiunt, ut contractus sint validi solo jure natura.*

AR.

## ARTICULUS I.

*De contractibus solo jure naturæ validis, vel invalidis præcise ex parte personarum contrahentium.*

**Prop. unica.** Ut contractus jure naturæ sit validus ex parte contrahentium, inducatque obligationem in foro conscientie, requiritur & sufficit, quod contrahentes libere agant, & consensu reciproco obligentur.

**Prob. 1.** Ex Script. Matth. cap. 20. 1. Ubi Christus loquens de patrefamilias, conducente operarios in vineam suam, aperte ostendit liberum consensum & requiri, & sufficere ad pacationem, promissionem, & contractum: sic enim habet: *Conventione autem facta cum operariis ex denario diurno, misit eos in vineam suam.* Et ut ostendat partes contrahentes rigore juris ad nihil ultra obligari, nisi ad id quod inter eos reciproco consensu obfirmatum est, obmurmuranti operario, quod ultimis idem daretur denarius cum primis, ita respondet: *Amice, non facio tibi injuriam: nonne ex denario convenisti mecum? Tolle quod tuum est, & vade:* ibid. v. 13. Ergo ad validam conventionem requiritur & sufficit liber consensus.

2. Ex D. Thom. *Obligat autem, inquit, homo se homini ad aliquid per modum promissionis, QUÆ EST RATIONIS ACTUS, ad quam pertinet ordinare: sicut enim homo imperando, vel deprecando ordinare quodammodo quid sibi ab alio fiat; ita promittendo ordinat, quid ipse pro alio facere DEBEAT:* 2. 2. q. 88. a. 1. in corp. ubi S. Doctor duo ostendit. Primum quidem, quod promissio & proinde quæcumque alia pactio obliget in conscientia. Secundum vero, quod ut promissio & conventio sit obligatoria, requiritur & sufficit, quod sit actus rationis, id est, quod fiat deliberate: & ibid. a. 3. ad 1. sic habet: *Dicendum, inquit, quod secundum honestatem ex qualibet promissione homo homini obligatur: & hæc est obligatio juris naturalis; sed ad hoc, quod aliquis obligetur ex aliqua promissione, obligatione civili, quædam alia requiruntur, v. g. confirmatio juris civilis:* Ergo ut quis per conventionem, promissionem, & contractum obligetur in foro conscientie, requiritur & sufficit, quod libere consentiat.

3. Ex jure Canonico. Ubi ex multis Canonibus colligitur, quod nuda etiam pacta, modo nullum vitium contineant, obligent in conscientia, & quod in utroque foro non modo ad excipiendum, sed etiam ad agendum sint efficacia: sic enim habetur can. 8. *Puelle* 20. q. 1. *Humana pacta non possunt impune calcari*. Et can. 30. *Eleutherius* 18. q. 2. *Si apud te evidenti ratione constiterit. Quia* - - conditiones superius posite convenerint, servari eas ex nostra auctoritate precipimus. Et can. 66. *Quicumque* 1. 2. q. 2. *Quodcunque commodum in remunerationem promiserint Episcopi, promissi solutionem in eos exsolvere oportebit*. Et cap. *Antigonius*, de *pactis* - - dicitur: *Pax servetur, pacta custodiantur*: Ergo si nuda pacta obligent in conscientia, ad validam conventionem requiritur & sufficit libertas.

4. Ex jure civili l. 52. ff. *de obligationibus*, ubi sic habetur *Obligantur*, inquit lex, *aut re, aut verbis, aut simul utroque, aut CONSENSU, aut lege, aut jure honorario, aut necessitate, aut ex peccato*. Et §. 4. sic persequitur: *Consentientes in aliquam rem, ex consensu obligari necessario ex voluntate nostra videmur*. Et in lege 2. eiusdem tituli sic habetur: *consensu fiunt obligationes in emptionibus, venditionibus &c.* - - sufficit enim eos, qui negotia gerunt, consentire: Ergo ex jure civili ad inducendam obligationem naturalem requiritur, & sufficit liber consensus.

5. *Rat.* Ita se habent homines in suis pactis, promissis, & contractibus, quibus ligantur erga alios homines, sicuti se habent in votis, quibus ligantur erga Deum; cum utrobique intervenit obligatio, in voto quidem obligatio Religionis, in pactis vero & contractibus obligatio fidelitatis: Atqui in votis & requiritur, & sufficit deliberatus consensus, votum enim est *promissio deliberata* &c. Ergo & in pactis, promissionibus, & contractibus requiritur, & sufficit consensus deliberatus.

### Confectaria hujus Doctrinæ.

#### §. I.

*De contractibus invalidis jure naturæ ex parte personarum contrahentium.*

*Con-*



*Consect. 1.* Omnis contractus sine libero consensu initus, jure naturæ est nullus & invalidus, & proinde in foro conscientiæ non est observandus. Atque ideo nec illo uti possumus, si nobis sit utilis, nec eo alii uti possunt, si sit nobis onerosus; præcipua enim pactionis ejuscumque conditio est, quod sit libera: sic enim habet jus civile l. 1. ff. de pactis §. 2. *Pactio est duorum pluriumve in idem placitum consensus; inde natum illud apud Juristas: Eleganter dicit Pedius, nullum esse contractum, nullam obligationem, quæ non habeat in se consensionem, sive re, sive verbis fiat.*

Sic jure naturæ contrahere non possunt amentes, furiosi, phrenetici, & alii hujusmodi, qui libero consensu se se obligare non possunt; sic enim habet jus civile l. 1. ff. de obligationibus §. 12. *Furiosus, inquit, sive stipuletur, sive promittat, nihil agere natura manifestum est.*

Sic pariter contrahere non possunt infantes, qui nondum exceßerunt primum septennium; quia nondum intelligunt quid agant, ut ibidem dicitur; & quia infans non multum a furioso distat, ut dicitur lib. 3. Instit. tit. 20. & quia hujusmodi ætates nullum habent intellectum: ibid.

Sic contrahere vulgo nequeunt muti, & furdi a natura, nisi nutu & subscriptione exterius manifestent se intelligere quid agant, ut dicitur l. 4. de pactis.

*Consect. 2.* Omnis contractus violenter extortus, jure naturæ nullus est & invalidus; est enim involuntarius; de quo ita D. Th. 1. 2. q. 6. a. 5. *Quod est, inquit, contra voluntatem, dicitur esse involuntarium. Unde violentia involuntarium causat.* Ideo constans est apud omnes Jurisperitos, nullius vigoris esse eas omnes obligationes & conventiones, quas non sponte, sed ex violentia contrahimus aut spondemus: ut habetur l. 22. ff. quod metus causa. *Qui in carcerem quem detruxit, ut aliquid ei extorqueret; quidquid ob hanc causam factum est, nullius momenti est.*

Item Tutor si invitus retentus sit per vim, non valet quod agitur; neque enim præsentia corporis auctoritatem confert, ut si somno aut morbo comitiali occupatus tacuisset: l. 1. ff. de auctoritat. & consensu tutorum.

*Consect. 3.* Omnis contractus, qui fit ex metu, ex concupiscentia, & demum ex quocumque affectu absorbente omnino usum rationis, est jure naturæ invalidus; quia ubi non est usus rationis, ibi non potest esse liber consensus - - - de hoc ita D. Th. I. 2. q. 6. a. 7. ad 3. *Dicendum*, inquit, quod si concupiscentia totaliter auferret rationem, sicut contingit in illis, qui propter concupiscentiam sunt amentes, sequeretur, quod concupiscentia, metus, & quilibet alius affectus voluntarium tollerent, & proinde contractus, in illis casibus elicitus, jure naturæ esset nullus.

Sic in foro conscientia non oscitanter, sed attente examinandum est, an pactiones, promissiones & conventiones, quæ fiunt ex affectibus carnalibus, uti plurimum contingit inter amafios, & amafias, examinandum, inquam, an carnales illi affectus rationem penitus absorberint, quo casu nullatenus ligant, nisi ad damnum illatum, quia non adfuit liber consensus; an vero illi affectus rationis usum reliquerint, potestatemque agendi, quo casu, ut docet D. Th. ibid. *vere adest voluntarium, & proinde obligatio exequendi quod promissum est.*

*Consect. 4.* Omnis contractus, qui fit errore, dolo, & ignorantia terminatis ad ipsam rei substantiam, est nullus jure naturæ; quia error circa substantiam facit simpliciter involuntarium: nihil enim potest esse volitum quin præcognitum; etenim ut ait jus civile, *non videntur, qui errant consentire*: ff. de regulis juris l. 116.

Sic nullus est contractus, quo quis emit a rustico gemmam, suadendo illi, quod vendat non gemmam, sed vitrum; error enim est circa substantiam.

Sic nullus est contractus, quo quis ducit Bertam, putans ducere Cajam; quia error est pariter circa substantiam.

Sic nullus est pariter contractus, si error versetur circa circumstantias, & accidentia, ita objectum immutantia, ut omnino impediant consensum: v. g. si vendas vinum, ita aqua dilutum, quod numquam emisset emptor, si id rescivisset; si loco pecoris sani vendas pecus scabiosum, quod numquam emerem, si id cognovissem; tunc enim error ille, licet circa accidentia, impedit consensum & proinde contractum.

*Monit.* Notandum maxime, quod qualitas, quæ est accidentaliter rei, potest esse substantialis contractui; & proinde quod error circa illam qualitatem reddit contractum invalidum: quod contingit quoties illa qualitas ignorata est hujusmodi, quod si fuisset cognita, non initus fuisset contractus; quia, ut ait D. Th. error illius qualitatis redundat in errorem substantiæ, & personæ.

Sic qui contrahit cum plebejo, putans contrahere cum filio Regis, invalide contrahit; quia error ille, etsi error qualitatis, redundat in personam, ut ait D. Th. *supplem.* q. 51. a. 2. ad 5.

Item qui contrahit cum serva, quæ nequit reddere debitum conjugale, putans contrahere cum libera, quæ potest reddere, cum libet, debitum conjugale, invalide contrahit; error enim ille redundat in personam. D. Th. *ibid.*

## §. II.

*De contractibus jure naturæ validis ex parte personarum contrahentium.*

*Consect. 1.* Omnis contractus libero plene consensu elicitus, est validus jure naturæ, & proinde in foro conscientiæ observandus, sive nobis onerosus sit sive utilis; quia deliberatus consensus sufficit ad inducendam obligationem coram Deo. Hoc pacto uti possumus si sit utile, & ei pariter stare debemus si sit onerosum, juxta regulam 55. juris Canonici: *commodum qui sentit, onus sentire debet, Et e contra.*

Sic in foro conscientiæ, non secus ac rebus nostris, uti possumus ea conventionione, qua sine dolo & fraude alii se nobis obligarunt; verum enim jus habemus circa ea, quæ nobis voluntario consensu obligata sunt.

Itaque, si quid debeam Titio, & Titius mihi obligatus sit conventionione libera, eo pacto uti possum, non quidem ut instituam actionem in foro civili, sed ut exceptionem in eodem foro opponam, qua dum Titius aliquid exigit a me, ego vicissim exigam id præstari a Titio quod inter nos convenit. Ut enim ait jus civile L. 7. ff. de pactis §. 4. *Nuda pactio obligationem non parit, sed parit exceptionem.* Item, si Titius mihi debeat aliquid ex vi solius pacti solo jure naturæ validi, & debitum jam acceperim,



possum in foro conscientiae rem acceptam retinere; nam ut dicit jus civile L. 10. ff. de obligationibus & actionibus, Naturales obligationes dant jus, *ut soluta pecunia repeti non possit*. Item si mihi Titius aliquid ex pacto naturaliter valido debeat, pro assecuratione debiti vel fideiussorem possum exigere, vel pignus retinere tamquam fideiussorem, ut patet ff. L. 16. §. 3. de fideiussoribus. *Fideiussor*, inquit jus, *accipi potest, quoties est aliqua obligatio civilis vel naturalis, cui applicetur*. Pignus pariter possum accipere, si non habeam fideiussorem. *Ex quibus casibus, inquit jus, naturalis obligatio consistit, pignus per se servare constituit*. L. 14. ff. de pign. & hypot. Item, si mihi Titius aliquid debeat, non ex gratitudine, sed ex iustitia rigorosa, & sim in his circumstantiis, ut rem debitam nequeam coram iudice persequi, possum juxta eos, qui habent compensationem ut licitam, possum, inquam, uti aequali compensatione: ut enim habet jus civile ff. L. 6. de compens. *Etiam quod natura debetur, venit in compensationem*. Demum illud pactum solo jure naturae validum ita renovari & in constitutum deduci poterit, ut in foro externo exigi valeat: ita enim habet jus Civile L. 1. ff. de constituta pecunia: *Debitum ex quacunque causa potest constitui*. L. 1. ff. de novationibus: Quaecumque praecessit obligatio *verbis novari potest* - - *ut puta, si pupillus sine tutoris auctoritate promiserit*.

Sic pariter in foro conscientiae servari debent omnia pacta, omnes promissiones, omnes contractus, quibus solo jure naturali obligamur aliis, quamvis nobis aliunde onerosae sint illae conventiones; dicit enim scriptura: *Vir fidelis laudabitur*; & ut indicet nullam spem lucri posse nos a servanda conventionem dispensare, addit: *Qui autem festinat ditari, scilicet omittendo pacta & contractus, non erit innocens*: Prov. 28. v. 20. Et Luce 16. v. 10. iniquus habetur, qui etiam in minimo fidelis non est. *Qui fidelis est, inquit, in minimo, & in majori fidelis erit: Et qui in modico iniquus est, & in majori iniquus erit*.

Itaque standum fideliter his pactis, his conventionibus, his contractibus, qui sunt sine scripto, sine testibus, & demum absque ulla juris solemnitate, quibus, v. g. vel privatim, vel publice, vel in mer-

catibus, vel in nundinis, vel alibi venduntur, emuntur, commutantur res exigui valoris; puta, comestibilia, v. g. fructus, carnes, vinum, oleum &c. comparantur res usuales, v. g. libri, calami, &c. nefas enim est, homines conventionibus suis non stare etiam circa hæc minima, de quibus nihil lex in particulari determinat; sufficit enim, quod homines inter se libere consenserint. *Quid enim est, inquit jus civile, tam congruum fidei humanæ, quam ea, quæ inter ipsos placuerunt, servare?* L. 1. ff. de pactis.

*Consect. 2.* Sistendo intra jus naturæ, omnis contractus, etiam si involuntarius, *secundum quid*, est validus, modo sit *absolute voluntarius*; quia ad contractum validum jure naturæ requiritur, & sufficit consensus absolute voluntarius. Etenim qui *involuntarie secundum quid*, sed *voluntarie absolute* recipit Baptismum, vel Ordines, valide suscipit utrumque Sacramentum: Ergo a pari qui *involuntarie secundum quid*, sed *absolute voluntarie* contractum init, vaude contrahit jure naturæ.

Sic qui ex metu vel juste, vel injuste incusso, contrahit, modo metus usum rationis non absorbeat, valide jure naturæ contrahit; quia, quod ex metu volumus, absolute volumus: de hoc ita D. Th. 1. 2. q. 6. a. 6. *Sed contra est*, inquit, quod Gregorius Nicensus dicit, & etiam Philosophus, quod hujusmodi, quæ per metum aguntur, sunt magis voluntaria quam involuntaria --- sunt enim voluntaria simpliciter, & involuntaria secundum quid --- sicut projectio mercium in mare fit voluntaria tempore tempestatis propter timorem periculi.

Sic etiam qui ex fraude, dolo, ignorantia, & errore terminatis non ad substantiam rei, sed ad accidentia, & relinquentibus usum libertatis, contrahit, jure naturæ valide contrahit; ad valorem enim contractus sufficit, quod fiat cum deliberato consensu; sit autem contractus cum deliberato consensu; quoties dolus, error, & ignorantia, non ad substantiam rei, sed accidentia rem parum immutantia, terminantur; aque enim interveniret consensus, ut supponimus, siue adesset error, siue abesset. Itaque validus

dus est contractus, qui fit errore, & dolo, & ignorantia terminatis ad accidentia; quia ille error non facit involuntarium simpliciter, sed involuntarium secundum quid. Et ita valide contrahit qui ducit Bertam, quam putat nobilem & divitem, licet nec ea nobilis sit, nec dives: error enim ille est circa accidentia. Valide etiam contrahit, qui emit vinum gallicum putans emere hispanicum; quia error pariter est circa accidentia; de hoc late scribit Gratianus 19. q. 1. Can. quod, ubi sic habetur: *Verum est, quod non omnis error consensum excludit; sed error alius est personæ, alius fortunæ, alius conditionis, alius qualitatis. Error personæ est, quando hic putatur esse Virgilius, & ipse est Plato. Error fortunæ, quando hic putatur esse dives, qui est pauper, vel e converso. Error conditionis, quando putatur esse liber, qui est servus. Error qualitatis quando putatur esse bonus, qui malus est. Error fortunæ & qualitatis conjugii consensum non excludit. Error vero personæ, & conditionis, conjugii consensum non admittit.*

*Consect. 3.* Infantes, adulti, pupilli, puberes, minores, &c. qui iure civili vulgo habentur inhabiles ad contrahendum ob defectum libertatis in eis vulgo præsumptum, sistendo intra jus naturæ, valide contrahunt, modo actu vere libero consentiant, tum quia ad contractum iure naturæ validum requiritur, & sufficit consensus plene liber, tum quia leges, quæ prædictas personas inhabiles ad contrahendum determinant, utpote fundatæ in præsumptione, nullam vigorem habent, nisi cum revera adest præsumptio, in qua fundantur, scilicet, cum abest libertas ad contrahendum sufficiens.

Quando autem & quomodo pactis & conventionibus in foro conscientie erga homines sese obligare valeant infantes, adulti, explicat D. Th. dum determinat, quando & quomodo sese votis erga Deum obligare possunt: eadem enim est utroque obligatio eo solo discrimine, quod votum nexum Religionis inducat, conventio vero nexum fidelitatis. Sic autem loquitur sanctus Doctor 2. 2. q. 88. a. 9. in corp. *Est ergo, inquit, dicendum, quod si puer vel puella*



la ante pubertatis annos nondum habeat usum rationis, nullo modo potest se voto obligare. Si vero ante pubertatis annos attingit usum rationis, potest quidem, quantum in ipso est, se obligare, sed votum ejus potest irritari per parentes, quorum curæ manet adhuc subiectus. Ita & potest se pactis, & conventionibus obligare, quæ a parentibus irritari quidem possunt: sed sicuti vota non irritata a parentibus ligant puerum erga Deum; ita & pacta non irritata ligant puerum erga eos, quibus sese obligavit, modo aliæ conditiones ad validum contractum necessariæ observentur.

Quando autem & quomodo, pactis & conventionibus in foro conscientiæ, pupilli, & minores obligari valeant, possumus colligere ex variis juris civilis textibus, quibus constat contractus a pupillis & minoribus initos, quamvis invalidos jure civili, obligationem tamen quamdam naturalem pupillis & minoribus imponere, in duobus præcipue casibus, scilicet 1. Quando pupilli, & minores illos contractus pleno consensu inierunt, vel re obligati sunt. 2. Quando pupilli & minores ex illis contractibus ditiores facti sunt. In primo enim casu oportet, ut conventionem libere initam, quantum in ipsis est, observent: in secundo vero casu oportet, ut si velint contractum rescindi, id, in quo facti sunt per illum contractum ditiores, restituant.

De primo autem casu sic habes. L. 52. de obligationibus & act. *Nudus consensus sufficit obligationi* §. 9. Et rursus: *Pacti convent. onisque fides servanda*: L. 7. C. de pactis. Quod adeo verum, quod si pupillus dolo aliquid egerit, apud judicem conveniri potest, ut expresse dicitur, ff. *depositi vel contra*: L. 1. §. 15. Sic enim habet lex: *An in pupillum, a quo quem sine tutoris auctoritate depositum est, depositi actio detur, queritur, sed probari oportet, si apud doli mali jam capacem deposueris, agi posse, si dolum commisit*. Si vero obligatus fuerit, non erit necessaria tutoris auctoritas, ut habetur L. 46. ff. de obligationibus & actionibus. *Furiosus, & pupillus*, inquit *jus, ubi ex re actio venit, obligantur etiam sine curatore, vel tutoris auctoritate, veluti si communem fundum habeo cum his, & aliquid in eum inpendero, vel damnum*

*in eo pupillus dederit; nam iudicio communi dividendo obligabuntur.*

De secundo vero sic habes in reg. juris 206. *Jure naturæ æquum est, neminem cum alterius detrimento, & injuria fieri locupletiores.* Et quamvis ea, quæ pupillus agit sine auctoritate tutoris, & minor sine auctoritate curatoris, jure civili invalida habeantur; tamen id, in quo locupletiores facti, restituendum est, & ob id coram iudice conveniri possunt. *Pupillus, inquit, conveniri potest in id, in quo factus est ditior: L. 3. ff. de negotiis gestis. Et rursus L. 5. ff. de auctoritate a consensu tutorum: Pupillus vendendo sine tutoris auctoritate non obligatur, sed nec in emendo, nisi in quantum locupletior factus est.*

## ARTICULUS II.

*De contractibus solo jure naturæ validis, vel invalidis præcise ex parte rerum, quæ sunt materia contractus.*

**Prop. unica.** Ut contractus sit solo jure naturæ validus ex parte rerum, quæ futuræ sunt materia contractus, eæ res debent esse primo in commercio hominum: secundo in potestate contrahentium: tertio debent ad rigidam æqualitatem reduci.

**Prob. I.** Res, quas contractibus subijcimus, debent esse in commercio hominum, ut earum dominium possimus ipsi acquirere, vel eas ad alios ipsi valeamus transferre; non enim ob alium finem fiunt contractus. Ideo res communes, quarum usus communis est omnibus hominibus, proprietates nullius, ut aer, aqua produens, mare, &c. res publicæ, quarum usus communis est omnibus, proprietates vero Reipublicæ, ut viæ, flumina, &c. res universitatis, quæ ad civitatem aliquam pertinent, & usibus populi destinantur, ut forum, stadia, &c. res quæ nullius sunt, nec esse possunt, ut sunt *res Deo sacræ*, materia esse non possunt eorum contractuum, qui per privatos homines ineuntur.

2. Res, quas contractibus subijcimus, debent esse in nostra potestate; nemo enim potest in alium transferre plus juris, quam habeat: ideo ait Just. lib. 3. instit. tit. 20. *Res, quæ dominio nostro subijcitur, in*  
*sti-*

*stipulationem deduci potest sive mobilis, sive soli; minime vero ea, quæ nostri juris non est.*

3. Res, quæ sunt materia contractus, ad rigidam, quantum fieri potest, debent æqualitatem reduci, ut a contrahentibus servetur iustitia, quæ unicuique reddit quod suum est.

## Confectaria hujus Doctrinæ.

### §. 1.

*De contractibus, qui jure naturæ non sunt validi prae-  
cise ex parte rerum.*

*Confect. 1.* Nullus est contractus, in quo res, quæ non sunt in commercio hominum, contractui subjiciuntur; res enim contractui eatenus subjicitur, quatenus est in commercio hominum; ut habes de verb. oblig. l. 83. ff. §. 4. Si subjiciam contractui *sacram, vel religiosam rem, vel usibus publicis in perpetuum relictam, ut forum, & basilicam, aut hominem liberum, inutiliter stipulor.* Ideo jure naturæ nulli sunt contractus simoniaci, quibus venduntur, aut emuntur res spirituales, aut spiritualibus annexæ; quia non sunt in commercio hominum. Nulla pariter est conventio, qua emitur a cliente, & venditur a judice sententia iusta, vel injusta; quia actus judicialis non est in commercio hominum, ut emi possit aut vendi.

*Confect. 2.* Invalidæ sunt jure naturæ illæ conventiones, quibus subjicimus contractui res, quæ sunt quidem in commercio hominum, sed quæ non sunt in nostra potestate, nisi interveniat consensus & approbatio illius, sub cujus potestate eæ res sint; obligare quippe non potes quod tuum non est.

Sic servi, id est *mancipia*, quoquo modo servi facti sint, sive jure belli, quia capti sunt in bello, sive jure emptionis, quia se ipsos vendiderunt, sive jure natiuitatis, quia ex matre serva nati sunt; hi, inquam, jure naturæ contrahere non possunt contractum, quo de se ipsis, vel rebus ad ipsos spectantes disponunt; quia & ipsi, & ea quæ habent, sui juris non sunt, sed dominorum - - ut docet Justin. lib. 1. instit. titul. 7. *In potestate, inquit, dominorum sunt servi.*



Sic Monachi & Moniales non possunt contrahere valide jure naturæ, neque contractu, quo suam personam obligent, v. g. vendendo se, vel locando suas operas, &c. quia per votum obedientiæ non sunt sui juris, sed Communitatis; neque contractu, quo res temporales vel acquirant, vel ad alios transferant, nisi id faciant nomine Communitatis, quia per votum paupertatis incapaces sunt & dominii sibi acquirendi, & dominii in alios transferendi, cum nihil possint habere proprium, ut habetur in Trid. sess. 25. cap. 2. de re-form.

Sic filii familias, nondum emancipati, id est, quamdiu sunt sub potestate patris, jure naturæ non possunt contrahere circa ea, quæ sunt sub potestate patris: v. g. Filius non potest aliquid in detrimentum patris stipulari, puta, vendere bona patris, debita nomine patris mutuo accipiendo contrahere.

Sic uxor non potest bona mariti, nec vice versa maritus bona uxoris contractu jure naturæ valido alienare; quia neuter habet bonorum alterius dominium.

Sic demum generaliter nullus potest de bonis, quorum non est dominus, contractu jure naturæ valido disponere.

*Consect. 2.* Illiciti sunt semper jure naturæ, & aliquando invalidi omnes contractus, in quibus res non reducuntur, quantum fieri potest, ad rigidam æqualitatem: de quo ita D. Th. *Lex divina*, inquit, *nihil impunitum relinquit, quod sit virtuti contrarium; unde secundum divinam legem illicitum reputatur, si in emptione, venditione, & in aliis contractionibus non sit æqualitas justitiæ observata; & tenetur ille qui plus habet recompensare, si sit notabile damnum: quod ideo dico, quia justum pretium rerum non est punctualiter determinatum, sed magis in quadam estimatione consistit, ita quod modica additio vel minutio non videtur tollere æqualitatem justitiæ.*

Sic emptio, venditio, mutuum, societas, &c. & demum omnis contractus, in quo non servatur æqualitas, est jure naturæ illicitus, ut dicetur agendo de quolibet contractu in particulari.

*Monit.* Si tanta esset inæqualitas, ut pars læsa præsumeretur non consensisse contractui, tunc inæ-

inæqualitas ob defectum consensus redderet contractum non solum illicitum, sed etiam invalidum.

## §. II.

*De contractibus, qui ex parte rerum præcise validi sunt jure naturæ.*

*Consect. 1.* Validi sunt jure naturæ illi omnes contractus, in quibus nostris conventionibus subjicimus ea, quæ sunt in commercio hominum posita. Hujusmodi sunt

Primo. Res corporales, quæ tangi possunt, ut sunt  
1. Res mobiles, puta, aurum, vestis. 2. Res immobiles, puta, fundus, vel pensio annua fundi. 3. Res se moventes, ut animalia.

Secundo. Res incorporales, quæ tangi non possunt, quæque in jure consistunt, ut hæreditas, obligatio, servitutes.

Hæc enim omnia & conventionibus acquiri, & in alios transferri possunt.

*Consect. 2.* Validi sunt jure naturæ illi contractus, quibus res in commercio hominum positas, quæque sunt in nostra potestate, legitimæ conventioni subjicimus, licet etiam simus sub potestate alterius, modo illi cui subjicimus, non noceamus.

Sic servi stipulari possunt circa factum, quod præcise suam personam respiciat, si factum illud nihil domino noceat: v. g. mancipium alicujus artis peritum potest promittere se illius artis præcepta traditurum; licet enim obligationem civilem sibi imponere nequeat, potest tamen naturalem obligationem contrahere: ut habetur L. 31. ff. *De regulis juris*. Quod attinet, inquit regula, ad jus civile, servi pro nullis habentur: non tamen & jure naturali; quia quod ad jus naturale attinet, omnes homines æquales sunt.

Sic Monachi, Monialesve, licet nequeant neque personam suam aliis tradere, neque operas suas locare, possunt tamen de actibus suis interioribus stipulari: v. g. preces divinas alicui promittere, possunt de fama sibi injuste ablata restitutionem exigere, vel eam, si per hoc non noceant Communitati, condonare; neutri enim juri per vota sua renunciaverunt.

Sic pupillus, & minor, sine consensu eorum, quibus subjiuntur, possunt de rebus contrahere, modo conditionem suam meliorem faciant: *quia*, inquit jus, *melio-rem suam conditionem facere ei*, id est pupillo, *etiam sine Tutoris autoritate, concessum est*: L. 28. ff. de Pactis.

Sic filiusfamilias potest sine consensu patris de rebus suis castrensibus, aut quali castrensibus absolute dispo- nere; quia eorum habet dominium.

Potest & se alteri obligare, modo id non sit in præjudicium patris, vel alterius, ut habetur L. 39. ff. de obligationibus & actionibus: potest ergo alteri locare suas operas, quando pater his non indiget; *quia pietatem liberi parentibus, non operas debent*: L. 10. ff. de obsequiis, parentibus & patronis.

Potest alio proficisci, ut aliquam artem addiscat: potest de sua vocatione vel ad statum religiosum, vel ad statum clericalem deliberare, & voto solemni se asstringere, ut docet D. Th. 2. 2. q. 88. art. 9. in corp. *Post annos autem pubertatis*, inquit, *possunt jam se voto Religionis obligare vel simplici vel solemni, absque voluntate parentum*.

Sic uxor sine consensu mariti potest de bonis paraphernalibus pro libito disponere; quia eorum habet dominium.

Sic denum quilibet homo potest valide pacta inire circa ea, quæ sub ejus sunt dominio & potestate.

*Consect. 3.* Liciti sunt omnes illi contractus, quibus res in commercio hominum positas, & nostræ potestati sub- jectas, legitimæ conventioni subijcimus, modo æquali- tatem vel absolutam, vel proportionatam observemus.

Sic licite in commutationibus res unius generis cum aliis alterius generis commutamus, v. g. vinum cum oleo, frumentum cum vestibus, &c.

Sic licite in emptionibus res cujuscunque generis pre- tio æstimabiles cum certa pecuniæ summa comparamus.

### ARTICULUS III.

*De Contractibus solo jure naturæ validis, vel invalidis ex parte modi contrahendi.*

*Prop. unica.* Ut contractus ex parte modi contrahendi sit jure naturali validus, requiritur & sufficit quod uter-



uterque contrahentium in sua conventionem nullas conditiones apponat legi naturali repugnantes.

*Prob. I.* Ex jure Canonico, cap. *Antigonus* de pactis, ubi sic habetur: *Universi dixerunt, pax servetur, pacta custodiantur.* Ubi glossa hæc addit: pacta enim, quæ neque dolo, neque adversus leges, neque quibus fraus alieni fiat, ut legitima observanda sunt. Ergo ut contractus legitimi habeantur, requiritur, & sufficit quod nullas conditiones legi contrarias contineant.

2. Ex jure Civili. L. 7. ff. de Pact. §. 7. ubi sic habetur: *Ait Prætor: pacta conventa, quæ neque dolo malo, neque adversus leges, plebiscita, Senatus-Consulta, edicta Principum, neque quo fraus cui eorum fiat, facta erunt, servabo.* Ergo ad validum contractum requiritur & sufficit, ut non sit contra legem naturalem, si consideretur prout est obligatio naturalis, civilem prout est obligatio civilis.

3. Rat. Contractus vim habet legis, quam sibi contrahentes reciproco consensu imponunt, juxta istam regulam civilis juris: *Legem enim contractus dedit: L. 23. ff.* Et juxta istam regulam juris Canonici, *Contractus ex conventionem legem accipere dignoscuntur: Reg. 85. in 6.* Atqui ut lex positiva sit justa & valida requiritur & sufficit, quod nihil jubeat contra legem naturalem, alias, ut dicit Aug. lib. 1. de lib. arbit. *Lex esse non videtur, quæ justa non fuerit:* Ergo, ut contractus sit validus, requiritur & sufficit, quod nihil contineat legi naturali contrarium, seu oportet, ut contrahentes nullas apponant conditiones juri naturali repugnantes.

### Consectaria huius Doctrinæ.

#### §. I.

*De Contractibus jure naturali invalidis ex parte modi contrahendi.*

*Consect. I.* Nulla sunt conventiones, quibus violatur jus naturale in Decalogo contentum, v. g. conventiones, quibus homines se se obligant ad pejerandum, blasphemandum, occidendum, furandum, fornicandum, &c. nullum enim potest esse vinculum iniquitatis: nulla autem potest esse major iniquitas, quam ea, quæ contra legem

legem æternam committitur: injusta est ergo, & omnino invalida infelix illa societas, qua initum cum Deo pactum infringimus: quod flebiliter his verbis lugebat Isaïas: c. 34. v. 5. *Et terra, inquit, infestata est ab habitatoribus suis: quia transgressi sunt leges, mutaverunt jus, & dissipaverunt fœdus sempiternum.*

*Consect. 2.* Nulle sunt pariter hæ conventiones, quibus nocetur Reipublicæ; v. g. qualia sunt pacta, quibus tempore belli ministrantur arma hostibus, victualia eis venduntur, aut alia in eorum gratiam fiunt, quæ Reipublicæ nocere possunt; contractus enim in bonum publicum instituti sunt. Ergo toties sunt nulli, quoties contra publicam utilitatem vergere possant: quod expresse docet jus civile, C. *De Pactis*, L. 6. *Pacta, inquit, quæ contra leges, constitutionesque, vel contra honores mores fiunt, nullam vim habere indubitati juris est.*

*Consect. 3.* Nulle habendæ sunt pactiones illæ, quibus contra leges aliquid turpiter vel datur vel accipitur: ut sunt pactiones simoniacæ contra Religionem de emenda, vel vendenda re spirituali, vel spirituali annexa: pactiones iniquæ contra iustitiam, quibus de emenda vel vendenda iustitia convenit inter judicem & alterum ex litigantibus. Nullæ etiam habendæ sunt sceleratorum illorum hominum pactiones, quibus jus sibi ipsis dicentes ficarios adigunt ad occidendos eos, a quibus injuriam vel acceperunt, vel accepisse imaginantur; quibus conducunt homines, qui inimicorum domos comburant, aut eorum bona labefactent: contractus enim invalidi omnino sunt, cum non ad fovendam utilem hominum societatem ineuntur. *Omnia, enim, quæ contra bonos mores vel in pactum, vel in stipulationem deducuntur, nullius momenti sunt: C. de inutilibus stipulationibus, L. 4. Immo generaliter traditur, rerum inhonestarum nullam esse societatem: L. 57. ff. Pro socio.*

*Consect. 4.* Nullius vigoris sunt hæ conventiones, quibus nocetur Ecclesiæ: v. g. pacta, quibus suppetiæ feruntur infidelibus, hæreticis, schismaticis, &c. in detrimentum Religionis; etenim, ut contractus validi sint, primo in bonum privatorum, deinde in bonum Reipublicæ, tandem in bonum Religionis ordinari debent. Eo forte spectat Scriptura, dum intendens non solum pri-

privatam Judæorum utilitatem, sed insuper publicum totius Synagogæ bonum, istud frequenter Judaico populo inculcat. *Non inibis*, inquit, *cum eis*, id est gentibus, *sædus*, nec miseraberis earum. Saltem jus Canonicum eas conventiones expresse & damnat, & invalidas declarat. *Juxta legitimas*, inquit, *sanctiones pactum turpe, vel rei turpis, aut impossibile, de jure, vel de facto, nullam obligationem inducit*:  
 Cap. *Pactionis*, de Pactis.

*Consect. 5.* Rejiciendæ sunt, ut nullæ, omnes illæ conventiones, quibus apponitur conditio, quæ est vel contra honestatem, vel contra substantiam contractus qui initur. Sic qui apponeret hanc conditionem inhonestam sponsalibus: *Volo te in uxorem, modo filios nasci numquam permittas*, invalide contraheret. Item, qui apponeret hanc conditionem contra naturam matrimonii: *Volo te in uxorem ad certum tempus, & non ad totam vitam: sicut & qui donaret ea conditione, ut non fieret ejus, cui donatur. Donari enim non potest nisi quod ejus sit, cui detur*: L. 9. ff. §. 3. de donationibus. Hujusmodi enim conditiones pugnant contra naturam contractus qui initur.

*Consect. 6.* Nenum juxta jus Canonicum, toto titulo de Pactis, pacisci valide non possumus, quoties *periculum animæ* initur; *turpitudine vitii* incurritur, *Ecclesiæ damnum* inferitur: tunc enim pactum legi naturali adversatur.

Sic nullæ sunt pactiones, quibus Beneficium pro pecunia resignatur; quia committitur simonia: Cap. *Cum pridem, de pactis*. Nullæ pariter sunt ex pactiones, quibus providetur de succedendo post mortem Prælati in ipsius Ecclesiæ: Cap. *Accepimus*, de Pactis. Invalidæ etiam sunt ex conventiones, quibus de rebus quibuscumque spiritualibus obtinendis cavetur; vitanda enim est omnis de rebus spiritualibus conventio: Cap. *Pactionis*, de Pactis. Invalidæ autem sunt prædictæ pactiones, quippe per eas *periculum animæ* inferitur.

Sic nullæ pariter sunt pactiones, quibus quis promittit se crimen aliquod commissurum, aut de crimine commissio non acturum: Can. 8. *Unusquisque* 2. 2. q. 4. quia tunc *turpitudine vitii* incurritur.



Sic nullæ sunt conventiones, cum quid Ecclesiæ red-  
ditibus detrahatur, vel ei gravamen adjicitur: Cap. Ple-  
rique De Pactis. Et Can. 42. *Si quis Laicus*, 16. q. 1.  
Tunc enim *damnum Ecclesiæ* inferitur.

## §. II.

*De Contractibus jure naturæ validis ex parte modi  
contrahendi.*

*Consent.* unicum. Toties valide jure naturæ contra-  
himus, quoties absque dolo, fraude, de re ex suo genere  
bona vel indifferenti, quæ sit in commercio hominum,  
& in nostra potestate, pactum inimus; quia tunc in  
nullo legem naturalem infringimus, quin e contra ci-  
vilem societatem utiliter fovemus.

Sic valide res bonas, vel indifferentes promittimus,  
vel nobis promitti curamus.

## SECUNDA SECTIO EJUSDEM CAPITIS.

*In qua determinatur an contractus, qui ex vi juris na-  
turalis sunt invalidi, possint per jus positivum civile  
feri validi; Et an illi contractus, qui sunt jure na-  
turæ validi, fiant aliquando per jus civile positi-  
vum invalidi.*

## ARTICULUS I.

*An Contractus jure naturæ invalidi possint per jus  
civile positivum fieri validi.*

*Prop.* unica. Contractus jure naturæ invalidi & nulli,  
numquam possunt fieri validi per jus positivum  
civile.

*Prob.* 1. *Authoritate juris civilis*; sic enim habetur  
L. 29. ff. de regulis juris: *Quod initio vitiosum est, tra-  
ctu temporis convalescere non potest*, quod locum maxime  
habere debet in his, quæ ex vi legis naturalis sunt vitiosa:  
ergo contractus jure naturæ invalidi, non possunt per  
jus positivum civile fieri validi.

2. *Ex D. Thom.* 2. 2. q. 10. a. 10. *Jus*, inquit, *divinum*,  
*quod est ex gratia*, non tollit *jus humanum*, quod est ex  
*naturali ratione*: Atqui ut patet ex dictis, ratio huma-  
na suggerit, aliquos contractus esse jure naturali in-  
vali-

validos : Ergo invaliditatem ab illis contractibus jus divinum non potest tollere ; a fortiori id non poterit jus positivum civile.

3. Ratione desumpta ex D. Thom. 1. 2. q. 94. a. 5. Jus naturale potest concipi, ut mutabile dupliciter : primo per additionem : secundo per subtractionem : per additionem quidem, eo sensu, quod legi naturali superaddatur alia lex, v. g. Mosaica, Evangelica, vel civilis ; per subtractionem vero, quod legi naturali detrahatur aliquid ; puta, ut id, quod lege naturali prohibitum est, non amplius sit prohibitum, aut ut id, quod eadem lege est imperatum, non sit amplius imperatum : Atqui lex naturalis potest quidem mutari per additionem : quia revera legi naturali superadduntur leges positivæ : sed mutari nequaquam potest per subtractionem ; quia quod per legem naturalem declaratur intrinsece malum, non potest per aliam legem declarari bonum ; nec pariter quod per legem naturalem declaratur virtuosum, per aliam legem vitiosum declarari potest : Ergo lex naturalis non potest per legem positivam mutari : ergo contractus, qui ex vi juris naturalis sunt invalidi, non possunt fieri validi per jus positivum civile.

4. Ratione desumpta ex jure civili. Contractus sunt jura naturalia, quæ sibi contrahentes reciproco consensu declarant, seu, ut dicunt, *intimant* : Sed ex Justiniano, *naturalia jura, quæ apud omnes gentes per eque observantur, divina quadam providentia constituta, semper firma, atque immutabilia permanent.* L. 1. Inst. t. 2. Ergo contractus, qui jure naturali sunt invalidi ; non possunt fieri validi per jus positivum civile.

### Confectaria hujus Doctrinæ.

*Confect. I.* Omnes illi contractus, qui jure naturæ sunt invalidi ex parte personarum, v. g. ob defectum consensus, nequaquam possunt per jus civile fieri validi : licet enim jus civile possit restringere consensum contrahentium apponendo certas conditiones ob publicam utilitatem necessarias ; non tamen potest supplere internum consensum : est enim actio libera, cujus soli contrahentes sunt domini.

Sic, si nobis constet defuisse consensum in parte no-

biscum contrahente, non possumus uti contractu ab illa inito, quantumvis jus civile contractum illum approbet: v. g. non possumus rem involuntarie donatam retinere, quamvis illa donatio fuisset publica, ut vocant, insinuatione munita.

*Consect. 2.* Omnes illi contractus, qui sunt invalidi jure naturæ ex parte rerum, vel quia ea res, quas facimus materiam nostrorum contractuum, non sunt in commercio hominum, vel quia non sunt in potestate nostra, vel quia sunt in longe dispari æqualitate; hi inquam, contractus numquam possunt per jus civile fieri validi: jus enim civile potest quidem determinare res, ut sint vel non sint materia contractuum; sed ubi accessit hæc determinatio, non potest efficere, ut id quod non erat materia contractus, dum inita est conventio, fiat materia contractus post initam conventionem.

Sic, si constet nobis, simoniacam fuisse resignationem ejus Beneficii, quod nobis judices adscripserunt, Beneficium illud retinere non possumus; quia Beneficium Ecclesiasticum non potest simoniace obtineri.

Sic pariter, si nobis constet rem nobis venditam non fuisse in potestate illius, qui eam nobis vendidit, non potest a nobis retineri, quamvis jus civile eam venditionem validam declaret.

Sic pariter non possumus in emptione vel venditione non reducere rem ad justum pretium, quamvis jus civile non rescindat emptionem & venditionem, nisi quando est infra vel supra dimidium justı pretii; jus enim civile non potest efficere, id justum esse, quod ab intrinseco injustum est, ut rursus dicemus ubi de venditione.

*Consect. 3.* Omnes illi contractus, qui sunt invalidi jure naturæ ex parte modi contrahendi, quia scilicet modus ille contrahendi est difformis legi naturali, non possunt fieri validi per jus civile positivum; jus enim civile non potest rectum efficere quod jus naturale iniquum declarat.

Sic quamvis jus civile usuras ex vi mutui declararet licitas, non tamen liceret usuras injuste acceptas retinere.



## ARTICULUS II.

*An Contractus, qui sunt jure naturali validi, possint per jus civile declarari in certis circumstantiis invalidi.*

*Prop. unica.* Contractus jure naturali validi, delati ad forum contentiosum, declarantur aliquando per jus civile positivum invalidi.

*Prob. rat.* Ut contractus humani sint jure civili validi, requiritur primo, quod habeant eas conditiones, quas requirit jus naturale, & insuper quod habeant aliquas solemnitates, quas exigit jus civile; quia plura requiruntur ad validitatem contractus civilis, quam ad validitatem obligationis pure naturalis: Ergo quoties contractus, jure solum naturali validi, carebunt hujusmodi solemnitatibus, declarabuntur invalidi per jus civile.

## Confectaria hujus Doctrinæ.

*Consect. 1.* Contractus improprie dictus, qualis est donatio, testamentum, quamvis validus jure naturæ, poterit tamen declarari invalidus, si careat solemnitatibus jure civili requisitis.

Sic, ut donatio sit valida jure naturæ, sufficit, quod fiat libere, & sit de re, quæ sit in nostra potestate, & in commercio hominum posita; attamen eadem donatio declarabitur nulla & invalida per jus civile, si res donata quingentos aureos excedat, & non fuerit insinuata, ut dicemus infra de donatione.

Sic, ut testamentum sit validum jure naturæ, sufficit, quod fiat libere, & de re, quæ sit in nostra potestate; attamen idem testamentum, quantumvis liberum, declarabitur nullum per jus civile, si fiat absque certo numero testium, & absque aliis solemnitatibus per jura requisitis, ut dicemus infra de testamentis.

*Consect. 2.* Contractus proprie dictus, qualiscumque sit, validus est jure naturæ, modo interveniat verus consensus & versetur circa res, quæ conventionibus nostris subjici possint; jure vero civili non censetur validus, nisi adsint certæ conditiones jure civili requisitæ.

Sic contractus, qui *re* perficiuntur, v. g. mutuum, com-

commodatum, depositum, pignus, quamvis ex solo consensu sunt validi jure naturæ, non censentur tamen perfecti juxta jus civile, nisi, præter consensum, interveniat actualis rei traditio.

Sic contractus *innominati*, qui *verbis* perficiuntur, quales sunt *do ut des*, &c. licet jure naturæ solo consensu sint validi, tamen per jus civile declarabuntur invalidi, nisi intervenerit certa verborum solemnitas.

Sic contractus, qui solo *consensu* perficiuntur, etiam juxta jus civile, ut emptio & venditio, locatio & conductio, societas & mandatum, non censentur completi, nisi, præter consensum, interveniat publica aliqua solemnitas.

### SECTIO TERTIA.

*Quæ & quanta sit authoritas Legis civilis circa contractus jure naturæ validos.*

### ARTICULUS UNICUS.

**A**n lex civilis, qua contractus jure naturæ validi declarantur invalidi, obliget in conscientia.

*Prop.* unica. Lex civilis, qua vel ob bonum publicum, vel ob privatorum utilitatem, contractus jure naturæ validi, declarantur invalidi, obligat in conscientia.

*Prob.* 1. Ex Scriptura. *Per me Reges regnant, & legum conditores justa decernunt*: Prov. 8. v. 15. Ergo, si parendum sit legi civili justum decernenti, parendum est eidem legi, quando ob publicum bonum, & privatorum utilitatem declarat invalidos eos contractus, qui, si vigorem suum haberent in singulis casibus, vel bono publico, vel privatorum utilitati nocerent: tales autem sunt contractus, quos, etsi jure naturæ validos, lex civilis declarat aliquando invalidos: puta v. g. contractus, qui fiunt ex gravi metu injuste incusso &c.

2. Ex D. Thom. 1. 2. q. 100. a. 2. in corp. *Lex humana*, inquit, *ordinatur ad Communitatem civilem, quæ est hominum ad invicem*: atqui, ut dicit D. Thom. ibidem, *homines ordinantur ad invicem per exteriores actus, quales sunt contractus, quibus homines sibi invicem communicant*; hujusmodi autem communicatio pertinet ad *rationem justitiæ*, quæ maxime viget in contractibus, & ideo

lex

lex humana non proponit præcepta, nisi de actibus justitiæ. Atqui juxta eundem D. Thom. parendum est præceptis a lege humana impositis: Ergo parendum est his præceptis, quæ lex civilis circa contractus dirigendos statuit.

3. *Rat.* Prima ratio. Ex dictis ubi de lege. Lex naturalis, utpote vaga, est observanda juxta modum, secundum quem determinatur per legem positivam, modo illa determinatio nihil mali contineat; lex enim naturalis, quasi determinatur & applicatur per legem positivam. Sic lex naturalis observabatur olim a Judæis juxta determinationem legis Mosaicæ; modo observatur a Christianis juxta determinationem legis Evangelicæ; viget denique apud singulos populos, juxta rectam determinationem illius Reipublicæ, cujus sunt membra: Atqui determinatio, qua jus civile restringit stipulantes ad certos terminos & modos contrahendi, est recta, cum sit propter bonum publicum, & propter privatorum utilitatem, puta, quando irritat contractus ex vi, metue injusto initos, & alii hujusmodi: Ergo ea determinatio est in foro conscientie observanda: ergo ut nulli habendi sunt illi contractus, quos jus civile declarat invalidos, quamvis *semper non omnium*, quæ *lex jubet* circa contractus, *ratio reddi possit*.

Secunda ratio. Quando præcepta exterius opposita concurrunt, & simul observari non possunt, illi præcepto insistendum est, quod majus bonum inducit; quia lex censetur semper inclinare ad majus bonum: Atqui majus bonum est, ut ea facultas vaga, quam habent homines contrahendi pro libito, restringatur per legem juxta utilitatem publicam, quam ut liberæ nostræ determinationi relinquatur: v. g. melius est, ut homo matrimonium contrahat secundum leges sapienter institutas, quam secundum privatam suam libidinem: melius est, ut de bonis suis disponat juxta præscriptum Reipublicæ, quam juxta privatum affectum: Ergo observanda est potius ea lex, quæ contractus restringuntur ad certos limites, quam ea licentia, quæ vago nostro arbitrio relinquerentur.

Tertia ratio. Lex quælibet inferior ligat juxta modum, secundum quem determinatur a superiori; v. g.  
lex



lex œconomica ligat juxta modum civitatis, in qua est familia: lex civitatis ligat juxta præscriptum regni, in quo est civitas: Ergo lex arbitraria, quam sibi contrahentes reciproco consensu imponunt, non ligat nisi juxta determinationem legis civilis, cui ambo contrahentes subjiciuntur: Ergo contractus, licet naturali jure validi, poterunt esse invalidi, si per jus civile declarantur invalidi.

### Confectaria hujus Doctrinæ.

Dum examinantur contractus jure naturæ validi, attendendum est in foro conscientiæ, non solum quid lex naturalis jubeat, sed insuper inspiciendum quid lex civilis præscribat, ut utriusque legis statuta observentur: sicuti enim in observantia Sabbati inquirimus, non solum quid lex naturalis inspiret, sed etiam quid lex positiva jubeat; ita in celebratione contractuum videndum non solum, quod lex naturalis præcipit, sed etiam id quod lex civilis circa contractus aut vetat, aut præscribit.

Sic videndum, quinam sint contractus jure naturæ validi, quos lex civilis approbat; quinam vero sint, quos improbat; quinam sint illi contractus, quos jus civile irritat; quinam vero sint, quos irritandos declarat; rursus quinam sint illi contractus, quos lex civilis nullos absolute efficit; quinam vero sint illi, quos ex sola præsumptione ut nullos habendos judicat: quæ singula sequentibus paragraphis expendentur.

#### §. I.

*De Contractibus jure natura validis, quos jus civile approbat, Et in suo vigore naturali relinquit.*

*Prop. unica.* Jus civile non irritat, sed in suo robore naturali relinquit omnes contractus minus solemnes, absque metu, dolo & fraude initos.

*Prob.* Jus civile nihil circa prædictos contractus decernit: ergo relinquit illos in suo robore naturali.

### Confectaria hujus Doctrinæ.

*Consect. I.* Modo observata fuerit lex naturalis, ut validi habendi sunt omnes illi contractus minus solemnes,

nes, quibus jus civile nullos apposuit limites, & pro quibus nullas condiciones præscripsit; tunc enim jus civile censetur approbare omnes hujusmodi conventiones juri naturali conformes.

Sic valida est, v. g. donatio rei mobilis, puta, pecuniæ, supellectilis, & facta, ut dicunt, de manu ad manum; quia jus civile non restringit nisi solemniore donationes, quæ fiunt coram notario, tabellione &c.

Sic valida est promissio, etiam absque scripto, quæ sit infra centum libras; quia lex deciarat invalidas eas solum promissiones, quæ sunt sine scripto supra centum libras.

Sic demum validi sunt omnes contractus minus solemnes, qui fieri solent sine scripto, sine notario, sine testibus, modo nihil habeant contrarium legi naturæ; quia hujusmodi contractibus lex civilis nullas condiciones apponit, eosque ita relinquit in contrahentium arbitrio, ut si in summa minima interveniret læsio, non exciperet querelam illius, qui peteret in integrum restitui: L. 3. ff. *De in integrum restitutionibus*.

*Consect. 2.* In resolvendis casibus, qui eos contractus respiciunt, quos ineunt homines absque ulla juris solemnitate in mercatibus, in nundinis, quos pariter vulgo ineunt rustici locando suas operas, quos ineunt etiam mercatores in emendis, vendendisque mercibus, & demum quos singuli inimus sine notariorum, tabellionumve adjutorio; non debemus ad juris civilis præscripta recurrere, sed solum observare, an intervenierint condiciones jure naturali requisitæ, & debemus de illis contractibus præcisè secundum jus naturale judicare.

## §. II.

*De Contractibus ob vim & metum, secundum quid involuntariis, qui jure civili reprobantur.*

*Prop. unica.* Contractus initi ex metu, non levi vel reverentiali, sed gravi & injuste incusso, quamvis jure naturali sint validi, sunt tamen jure civili vel irriti, vel irritandi.

*Prob. 1.* Ex jure civili. *Ait Prætor, quod metus causa gestum est, ratum non habeo:* L. 1. ff. *quod metus cau-*  
sa:

sa; & rursus: si liberum esset, noluissem; tamen coactus volui; sed per Praetorem restituendus sum: L. 21. ff. quod metus causa §. 5. Ergo quod fit ex metu gravi & injuste incusso, reddit contractum vel irritum, vel irritandum.

2. Rat. Leges debent malorum malitiam punire, & pusillorum timiditatem juvare, ut dicit jus civile: & hoc quidem iuste, ne vel illis malitia sua sit lucrosa, vel istis simplicitas sit damnosa: ff. l. 1. de dolo malo. Ergo optime legibus cautum est, ut contractus ex metu gravi & injuste incusso initi vel de facto irritentur, vel irritandi declarentur.

### Confectaria hujus doctrinae.

Confect. 1. Contractus ex metu levi, etiam injuste incusso, non redditur vel irritus, vel irritandus; quia jus civile judicat hujusmodi metum nihil nocere libertati: de quo ita habetur L. 5. & 6. ff. quod metus causa. Metum decipiendum Labeo dicit, non quemlibet timorem, sed majoris malignitatis. Metum autem non vani hominis, sed qui merito & in hominem constantissimum cadat, ad hoc edictum pertinere dicimus.

Confect. 2. Contractus ex metu reverentiali, etiam injuste incusso, non redditur vel irritus, vel irritandus; quia metus ille, nisi adsit violentia, non praesumitur nocere libertati: de quo ita jus civile ad metum arguendum - Senatoria dignitas ad verjarium tui sola non est idonea: L. 6. C. de his, quae vi metusve causa. Quod enim publice fit, non videtur timore extortum; cum, inquit lex, potuerit jus publicum invocare, & adire aliquem potestate praeditum, qui utique vim eum pati prohibuisset. L. 23. ff. quod metus causa.

Confect. 3. Contractus, qui ex metu vel levi, vel reverentiali, vel etiam gravi, sed injuste incusso initur, non redditur vel irritus, vel irritandus; quia tunc nulla injuria fit parti, cui metus incutitur, ut habetur L. 3. ff. quod metus causa §. 1. - Vim, inquit, accipimus atrocem, & eam, quae adversus bonos mores fiat; non eam, quam magistratus recte intulit, scilicet, jure licito, & jure honoris, quem sustinet.



Sic validus est contractus, etiam jure civili, qui inquit ex metu incusso a iudice militante mortem defloratori, nisi virginem defloratam a se in uxorem ducat.

*Consect.* 4. Solus metus gravis, & iniuste incussus efficit contractum aliquando irritum, aliquando irritandum, ut habetur ff. toto titulo, *quod metus causa*.

*Monit.* Quinam contractus, ex metu iniuste incusso iniri, sunt irriti ipso facto, quinam vero irritandi, colligere poteris ex versibus sequentibus.

*Tutor, iudicium, dos, sacrum, copula, votum:*

*Hæc ex vi facta, de jure scias fore nulla.*

*Cætera jura patitur, sed postea restituentur.*

### *Explicantur prædicta Carmina.*

Hæc vox, *tutor*, significat, quod autoritas tutoris per metum extorta reddat contractum ipso jure nullum, ut habetur L. 1. ff. de autoritate tutorum. *Tutor*, inquit, *si invitatus retentus sit per vim, non valet quod agitur.*

Hæc vox, *iudicium*, significat, quod jurisdictio ex metu prorogata reddit nullum id, quod ex tali jurisdictione fit, ut habetur de iudiciis, ff. L. 2. *Si cum restitisset*, inquit, *quivis ex litigatoribus, viribus Prætorie compulsus est, nulla jurisdictio est.*

Hæc vox, *dos*, significat, quod contractus dotis vi promissæ vel solutæ est nullus: ita habetur L. 21. *quod metus causa*. *Si dos*, inquit, *metu promissa sit, non puto nasci obligationem; quia est verissimum, nec talem promissionem dotis ullam esse.*

Hæc vox, *sacrum*, significat, quod traditio rei Ecclesiastica, vi metuve extorta, nulla sit; & juramentum de rebus Ecclesiæ non repetendis nullum est: Cap. *pervernit*, de jurejurando, ubi asseritur, *ipsum Episcopum nullius juramenti vinculo super hoc posse constringi.*

Hæc vox, *copula*, significat, quod contractus matrimonii, imo & sponsaliorum, juxta multos, si vi & metu fiant, ipso jure sunt nulli, ut patet ex cap. *requirit*, de sponsalib. ubi sic habetur: *Cum libera debeant esse matrimonia, monenda est potius mulier, quam cogenda, cum coactiones difficiles soleant exitus frequenter habere.*

*Hæc*

Hæc vox, *votum*, significat, quod professio in Religione approbata, si vi metuve injuste incusso fiat, est ipso jure nulla, ut habetur cap. *prælatum*, de iis quæ vi metusve causa fiunt, ubi decernitur: *Quod si quis timore mortis, postea ratum non habens, Religionem profiteatur, exire, & matrimonium contrahere potest.* Ita in argumento capitis.

Hæ voces, cætera *jus patitur*, &c. denotant, quod alii contractus ex vi metuve initi non sint de facto irriti, sed solum irritandi. Quod ut pateat, sit

### §. III.

*De Contractibus ex præsumptione doli vel metus initis, qui per jus civile declarantur nulli.*

*Prop. unica.* Quoties contrahentes vel dolo, metuve decepti sunt, aut præsumuntur decepti; toties per jus civile rescinduntur contractus; & pars contrahens, quæ aut decepta est, aut decepta præsumitur, per sententiam judicis restituitur in integrum, id est, in priorem statum.

*Prob. 1.* Ex jure civil. L. 1. ff. *de in integrum restitutionibus*, ubi sic habetur: *Utilitas hujus tituli non eget commendatione, ipse enim se ostendit.* Nam sub hoc titulo, plurifariam Prætor hominibus vel lapsis, vel circumscriptis subvenit, sive metu, sive calliditate, sive ætate, sive absentia inciderunt in captivem. Ergo jus civile in integrum restituit eos, qui decepti sunt, vel qui præsumuntur decepti, relinquendo conscientiæ cujuslibet examinandum, an revera deceptus sit, nec ne.

2. *Rat.* Æquitas naturalis postulat, ut, quantum fieri potest, deceptiones a quocumque contractu amoveantur, quod si aut casu, aut malitia acciderint, reparentur: Atqui illud sit per restitutionem in integrum: Ergo optimo jure lex civilis statuit restitutiones in integrum.

### Consecraria hujus Doctrinæ.

*Consect. 1.* Quando revera in contractibus intervenit aut vis, aut metus, aut deceptio, pars decipiens debet in conscientia prævenire sententiam judicis, partemque deceptam in integrum restituere, & damnum illatum reparare; quia, ut dicit D. Thom. dare occasionem damni

damni, semper est peccatum: deinde nemini sua fraus debet patrocinari: demum ratio & aequitas naturalis postulat, ut ipsimet his, quos decipimus, succurramus. Sic lator, qui metu mortis extorsit pecuniam, non potest eam retinere, sed ante sententiam judicis debet eam reddere. Sic qui dolo, aut fraude, aut metu alium impulit ad contractum, quo vel resignatum est Beneficium Ecclesiasticum, vel venditus est fundus, vel donatum est aliquid, &c. debet ipse sibi jus dicere, & præveniendi sententiam judicis partem contrahentem, quæ aut decepta est aut coacta, in integrum restituere.

*Consect. 2.* Quando revera in contractibus non intercessit vis, metus, aut deceptio, sed solum præsumptio deceptionis, aut coactionis, tunc pars, quæ decepta aut coacta præsumitur, uti non potest in foro conscientiæ Beneficio restitutionis in integrum; quia lex civilis non dat hujusmodi Beneficium, nisi supposita deceptione: ut habetur L. 3. ff. *de in integrum restitutionibus*. Omnes, inquit, *in integrum restitutiones, causa cognita a Prætoribus, promittuntur, scilicet, ut justitiam earum causarum examinet, an verae sint, quarum nomine singulis subvenit.* Deinde contractus ille est validus jure natura, & haberetur ut validus jure civili, si cognosceretur talis, qualis est: ergo in foro conscientiæ est observandus. Demum numquam licet mentiri, præcipue in instrumentis publicis: ergo non licet coram judice persequi deceptionem, aut coactionem, cum revera nulla intercessit deceptio aut coactio.

Sic pupilli, qui sunt sub potestate tutoris, minores, qui sunt sub potestate curatoris, uxores, quæ sunt sub potestate mariti, si sine dolo, fraude, aut coactione contraxerint, non possunt, in foro conscientiæ, partes, cum quibus contraxerunt, coram judice compellere; si vero id contra aequitatem naturalem faciant, ad compensationem damni illati tenebuntur.

Quomodo vero partes inique compulsæ se gerere debeant, sequentibus Consecrariis videbitur.

*Consect. 3.* Quando conventiones sunt jure naturali valide, & ex sola præsumptione doli vel fraudis, vel coactionis, declarari solent invalidæ, eadem pacta in foro conscientiæ vigent, donec accesserit sententia ju-



dicis irritantis ea pacta, & ea nulla declarantis, & partem, quæ præsumitur decepta, in integrum restituentis. 1. Quia jus naturale suum semper retinet vigorem, donec aliter per jus positivum explicetur. 2. Quia lex positiva infligens poenam non ligat, nisi post juridicam sententiam, secundum formam juris prolatam & intimatam.

Sic possum retinere in conscientia quod sponte, & consensu plene libero, datum est mihi a pupillo proximo pubertati, a minore, a muliere conjugata, donec iudex eam donationem irritam declaraverit.

Sic possum retinere in conscientia quod a pupillo, minore, muliere conjugata plene consentientibus, contractus sum contractu utrimque oneroso, v. g. emptione, commutatione, ludo non prohibito, &c.

*Consect.* 4. Quando pacta, v. g. promissiones, contractus, valida sunt jure naturæ, sed ex falsa præsumptione doli, fraudis, aut coactionis per sententiam juridice prolatam & intimatam, declarata sunt nulla, tunc, ad vitandum scandalum, rescindenda sunt illa pacta, dissolvendæ conventiones, & rescindendi contractus; quia tunc maxime observare oportet illud D. Pauli: *ut quid non magis injuriam patimini*. Pars, quæ mentita est dolum, vel fraudem, vel coactionem, tenebitur in foro conscientie damnum omne reparare, quod suo mendacio causavit: & pars, quæ inique compulsa est coram iudice, poterit in foro interno exigere damnum omne, quod patitur, & in foro externo postulare id, in quo pars altera contrahens ditior facta est, ut supra diximus.

#### §. IV.

*De contractibus omnino voluntariis, qui declarantur nulli per jus civile.*

*Prop.* unica. Contractus, qui apud homines solent fieri cum solemniori apparatu, quamvis sint jure naturæ validi; tamen jure civili declarantur invalidi, si careant solemnitatibus per legem civilem requisitis.

*Prob.* 1. Ex jure civili: L. 29. ff. *De pactis*, ubi sic habetur: *Contra juris civilis regulas pacta conventa rata non habentur.*

2. *Rat.* Ad legem civilem pertinet corrigere non solum contractus secundum quid involuntarios, qui dolo, vel metu extorquentur; sed etiam contractus plene voluntarios, qui consensu quidem plene libero, sed non satis prudenti, ineuntur: debet enim lex omnibus, quantum fieri potest, providere: Atqui omnibus providetur, declarando invalidos aliquos solemniore contractus, qui Reipublicæ nocerent, si in singulis casibus observarentur pro libito contrahentium, ut patet ex matrimoniis clandestine initis, ex testamentis sine testibus factis: Ergo optimo jure lex civilis declarat contractus solemniore, etiamsi plene voluntarios, omnino invalidos.

Hoc autem facit jus civile duplici via. Primo quidem, declarando personas aliquas inhabiles ad contrahendum. Secundo, exigendo aliquas solemnitates; quibus cessantibus, contractus, quantumvis liberi sint, nulli & invalidi habeantur.

### Consectaria hujus doctrinæ.

*Consect.* 1. Nulli sunt contractus illi, qui ineuntur a personis, quæ per jus civile declarata sunt inhabiles ad contrahendum; nullus enim est major defectus quam inhabilitas: de hoc ita loquitur Jus Civile L. 5. C. *De legibus*. Nullum enim, inquit, pactum, nullam conventionem, nullum contractum inter eos videri volumus subsecutum, qui contrahunt, lege contrahere prohibente.

Sic validi sunt contractus nuptiarum initi ab his, qui secundum jura sunt habiles ad contrahendum, v. g. ab his, qui sunt sui juris; invalidi vero, si ineantur ab his, qui sunt incapaces contrahendi, v. g. ab his, qui sunt juris alieni, quique sine consensu eorum, quibus subsunt, attemptant nuptias contrahere; de quo ita Justinianus Lib. 1. Instit. tit. 10. *de Nuptiis*. *Iustus* autem, inquit, nuptias inter se cives Romani contrahunt, qui secundum præcepta legum coeunt: masculi quidem puberes, feminae autem viri potentes, sive patres familiarum sint, sive filii familiarum, dum tamen, si filii familiarum sint; consensum habeant parentum, quorum in potestate sunt; nam hoc fieri debere & civilis, & naturalis ratio juadet, in tantum ut iussus parentis præcedere debeat.

Sic nullæ sunt donationes, nulla testamenta eorum, qui declarati sunt inhabiles tum ad donandum, tum ad testandum. *Non enim*, inquit Justinianus lib. 2. inst. tit. 12. *omnibus licet facere testamentum -- Ii enim, qui alieno juri subiecti sunt, testamenti faciendi jus non habent -- De hoc fusius infra, ubi de donatione & testamentis.*

Sic jure Canonico nulla sunt vota solemnia ante decimum sextum annum, & expletum integre annum novitatus elicitæ; quia ante illud tempus homo declaratur inhabilis ad professionem Religiosam: Trid. sess. 25. c. 15. *de regularibus.*

*Constit. 2.* Contractus solemniores initi a personis, etiam habilibus ad contrahendum, sunt nulli, si careant solemnitatibus jure civili requisitis; quia jus civile potest illas conditiones contractibus apponere: quilibet enim, utpote pars Reipublicæ, debet subjici legibus Reipublicæ: de quo ita jus civile, l. 5. C. *De legibus & constitutionibus.* *Quæ lege fieri prohibentur, si fuerint facta, non solum inutilia, sed & pro infectis etiam habeantur -- Sed & si quod fuerit subjecutum ex eo, vel ob id, quod interdicante lege factum est, illud quoque cassum, atque inutile esse præcipimus.*

Sic testamentum non subscriptum pro infecto habetur: l. 21. C. *de testamentis*; de quo plura ubi de testamentis.

Sic contractus coram Notario ineundi nulli sunt, si non sint subscripti a Notario, a testibus, & a contrahentibus, si sciant scribere: de quo ita jus civile, l. 17. C. *de fide instrumentorum &c.* *Contractus*, inquit, *venditionum & permutationum, vel donationum &c. -- quas tamen inscriptis fieri placuit -- Non aliter vires habere sancimus, nisi instrumenta in mundum recepta, subscriptionibusque partium confirmata, cû per Tabellionem conscribantur, etiam ab ipso completa, & postremo a partibus absoluta sint.*

Sic promissio, ultra centum libras, scripto non obfirmata, nullius est vigoris, ut patet ex edicto Molinensi art. 54.

*Monit.* Sunt insignes Theologi, qui docent, quod leges civiles, quæ irritant eos contractus, qui sunt plene voluntarii, non obligent in foro interno, sed solum in foro externo: & proinde, quod per illos contractus na-

tura-



*naturaliter* validos, & *civiliter* solum invalidos, vere coram Deo transferatur & acquiratur rerum dominium: atque ideo, quod hæreditas obrenta per testamentum *naturaliter* validum, & *civiliter* nullum, possit tuto in conscientia retineri, & quod res data per donationem naturali jure validam, sed jure civili irritam, possit pariter absque scrupulo retineri; quia, inquit, quilibet ita est dominus rerum suarum, ut de eis valeat pro libito disponere. Hæc sententia ex dictis modo, & ex dictis ubi de rerum dominio, videtur parum probabilis: ut tamen sequamur, non solum id quod est magis probabile, sed etiam quod est magis tutum, hac cautione possemus uti.

Quoties lex civilis irritans contractum, jure naturali validum, nobis lucrum affert & damnum alteri infert, aut nobis infert damnum & alteri lucrum, toties possemus cum eo, cum quo potest esse contentio, ex æquo & bono judicio prudentis, & eruditi Theologi componere, ut sic uterque tutus esset in conscientia: v. g. defertur mihi hæreditas ab intestato, quam testator vere & sincere volebat dare Titio, & defuncto dedit; sed per testamentum nullum jure civili, Titio defertur hæreditas jure naturali, mihi defertur jure civili; ut uterque nostrum tutus sit in conscientia, eligatur Theologus, qui rem serio examinet, & utrique partem hæreditatis, juxta jus cuilibet conveniens, dividat. Quod dixi de testamento, de aliis contractibus dictum puta.

### C A P U T III.

*Quam obligationem in foro conscientia contractus inducant.*

Vidimus hætenus quæ requirantur & sufficiant, ut contractus sint in utroque jure, scilicet naturali & civili, validi: videndum modo quam obligationem inducant.

### A R T I C U L U S I.

*De obligatione inducenda per contractus.*

*Prop. unica.* Contractus ultro citroque acceptatus; & ex integro completus, vim habet legis, quam sibi metipsis imponunt contrahentes, cosque obligat in conscientia.

*Prob. 1.* Ex Script. Divus Paulus scribens ad Colofenses, & loquens de mutua conventionē, quæ intervenit inter servos & dominos, & proinde de quocunque alio contractu, sic habet: *Qui enim injuriam facit, non stando scilicet iustis conventionibus, recipiet id, quod inique gessit: & non est personarum acceptio apud Deum:* ad Coloss. 3. v. 25. Ergo cum illi, qui non stant conventionibus, inique agant, & puniendi sint; consequens est, quod contractus obligent in conscientia.

2. Ex jure Canonico, Can. *Juramenti*, ubi sic habetur: *Dominus inter juramentum & loquelam nostram, quia scilicet contrahendo nos obligamus, nullam vult esse distantiam; quia sicut in juramento nullam convenit esse perfidiam; ita quoque in verbis nostris promissionibus nullum debet esse mendacium: quia utrumque & perjurium, & mendacium divini judicii poena damnatur.* Quem locum Glossa in caput *Antigonus* citans, sic concludit: *Igitur nuda pactio obligationem non parit, sed parit exceptionem; quia mortaliter peccat recedendo a pacto.* Ergo contractus obligant in conscientia,

3. Ex jure civili, L. 23. ff. *de regulis juris*. Hoc servabitur, inquit, quod initio convenit: legem enim contractus dedit. Ergo contractus obligat in conscientia.

4. *Rat.* Contractus est utroque citroque obligatio, tam secundum jus naturale, quam secundum jus positivum civile, & canonicum. Ergo obligat in conscientia; quia triplex illud jus obligat in conscientia.

### Confectaria hujus doctrinæ.

*Confect. 1.* Contractus ita ligant contrahentes in conscientia, ut nullatenus possint, nisi ex reciproco consensu, a conventionibus suis resilire. Sanximus, inquit jus, nemini licere adversus sua pacta venire: L. 29. C. *de Pactis*.

*Confect. 2.* Qui pacta non servat, primo obligatur ad culpam, secundo ad poenam, scilicet ad reparationem damni; sicuti qui violat legem & culpam committit, & poenam incurrit: de quo ita jus civile: *Quoniam contractus fidem fregit, quanti tua interest prestare cogetur:* L. 6. C. *de hæreditate, vel actione vendita.*

Sic qui contra pactum rem non reddidit vel eo loco, vel eo tempore, quibus daturus erat, debet solvere juxta pretium, quo valuisset, res tali loco, vel tali tempore. Sic merx aliqua, quæ certo die dari debuit, tanti æstimanda est, quanti fuisset æstimata eo die quo dari debuit, & eo in loco quo dari debuit. Sic si venditor completo contractu nolit rem venditam tradere, si pereat apud ipsum, peribit non emptori, sed debitori, & in poenam fidei violatæ venditoris periculum erit. Cum venditor, inquit jus civile, moram adhibuerit - - - æquum est moram venditori nocere: L. 17. de periculo & commodo rei vendite.

*Consect. 3.* Contrahentes possunt sibi quaslibet conditiones, modo non sint legibus contrariæ, apponere; quia sicuti lex arbitraria ligat juxta arbitrium legislatoris, modo non repugnet bono communi; ita & conventiones ligant juxta arbitrium contrahentium, Contractus legem ex conventionione accipiunt, ut dicitur: L. 1. ff. §. 6. *Depositi, vel contra.*

Sic contrahentes possunt vel absolute, vel conditionate, vel poenaliter se obligare; quia ad quod libuerit, sunt liberi. Contrahunt absolute, cum nullam apponunt conditionem: v. g. vendo tibi fundum meum. Contrahunt conditionate, cum aliquam apponunt conditionem: v. g. vendo tibi fundum meum, si avunculus consentiat. Contrahunt poenaliter, cum sibi mutuo infligunt mulctam aliquam, si pactis non steterint: v. g. vendo tibi fundum meum, & si pactis non stetero, solvam centum libras. Contractus absoluti obligant absolute, conditionati juxta modum conditionis, poenales juxta poenam præscriptam, sicuti diximus de legibus.

*Consect. 4.* Contractus ligant contrahentes juxta rationalem intentionem contrahentium, sicuti lex ligat juxta intentionem rationalem legislatoris; juxta illud juris. In conventionibus contrahentium voluntatem potius, quam verba spectari placuit: L. 219. ff. de verborum significatione.

Sic pacta injusta, vel quia personæ contrahentes sunt inhabiles, vel quia non sunt libera, vel quia ad aliquid iniquum & impossibile se obligarunt, non sunt



observanda; intentio enim obligandi in illis circumstantiis non est rationalis.

Sic contrahentes, quantumvis liberi, non possunt apponere contractibus conditiones inhonestas, impossibiles, vel contractui ineundo substantialiter contrarias; quia talis intentio esset irrationalis; juxta illud juris: *Non solum stipulationes impossibili conditione applicatae nullius momenti sunt; sed etiam ceteri quoque contractus*: L. 31. ff. de obligationibus & actionibus.

Sic contrahentes possunt mutare contractuum conditiones, quæ per leges appositæ sunt, modo lex contrarium non prohibeat, & modo illæ conditiones sint in favorem contrahentium: ad hoc enim sunt liberi. *Omnes enim licentiam habent his, quæ pro se introducta sunt, renuntiare*: L. 29. C. de Pactis.

Sic lex emptionis & venditionis est, quod venditor teneatur ad evictionem rei venditæ: id est, tenetur emptorem liberare ab omni lite, quæ circa rei venditæ possessionem moveri posset: tamen emptor potest illum eximere a tali onere vendendo viliori pretio.

Sic lex mutui est, ut mutuatarius monitus teneatur ad reparandum lucrum cessans, & damnum emergens: mutuator poterit mutuatarium a tali conditione eximere, & damnum, quod patitur ex mutuo, mutuatorio condonare.

Dixi modo conditiones sint in favorem contrahentium, & legi non contrariæ; si enim legi adversentur, tunc injusta est conventio.

*Consect. 5.* Cum in contractibus intentio contrahentium non est aperta, interrogandi sunt contrahentes: si fieri non possit, inspiciendus est mos regionis in similibus contractibus, & juxta confessionem contrahentium & morem regionis, de obligatione contractus est judicandum: sicuti, dum latet intentio legis, eam vel responso Legislatoris, vel ex legitima consuetudine educimus: etenim, ut dicit lex, *quod factum est, cum in obscuro sit, ex affectione cujusque capit interpretationem*: L. 168. ff. De regulis juris. Si non appareat quod actum est, erit consequens,  
ut

ut id sequamur, quod in regione, in qua actum est, frequentatur: L. 34. ff. *de regulis juris*.

*Consect.* 6. Si verba contractus sint manifeste contraria intentioni contrahentium, eorum intentio, sprete verbis, servanda est, sicut non verba legis, sed intentionem Legislatoris servamus; quia, ut dictum est: *In conventionibus contrahentium voluntatem potius quam verba spectari placuit*: L. 219. ff. *De verborum significatione*.

*Consect.* 7. Si verba contractus exprimant aliquam rem mobilem, vel immobilem tradendam esse, & non expresse determinent gradum perfectionis rei quæ tradenda est, non rem supremam, non infimam, sed mediam illius generis dari oportet; quia sicuti intentio legislatoris id quod communiter geritur inspicit; ita & intentio contrahentium, juxta illud: *In obscuris inspicere solet quod vero similis est, aut quod plerumque fieri solet*: L. 114. ff. *de regulis juris*.

Sic sentem jugera agri promissisti Titio in tali loco; non sufficit dare fundum deteriorem, nec teneris dare optimiorem; satisfacis dando fundum medii pretii.

Sic vinum, oleum, frumentum promissisti; nec melius dari oportet, nec deterius dari sufficit, sed medium & vulgare dare convenit.

Sic artificem promissisti; non hominem consummatæ scientiæ teneris dare, nec indoctum, sed sufficit a te offerri vulgaris eruditionis.

Sic emis pannum communi pretio; nec a te supremum pretium exigi potest, nec a te dari infimum, sed medium conventionibus & datur, & recipitur.

Sic mutuo das frumentum, vinum, &c. non licebit debitori tuo deteriorem rem, quæ ex eodem genere sit, reddere tibi, veluti vinum novum pro vetere, nec tibi licet rem, longe meliorem exigere, sed simili re contentus sis oportet.

*Consect.* 8. Si verba contrahentium, secluso omni dolo, sint ambigua, juxta circumstantias loci, temporis & personarum, decet ea interpretari; quia sicuti intentionem legis ex variis circumstantiis interpretamur; ita & intentionem contrahentium. *In ambiguis orationibus,*

*maxime sententia expectanda est ejus, qui eas protulisset: L. 96. ff. de regulis juris.*

Sic conventio certi negotii non se extendit ad negotia alterius generis: v. g. societas inter duos mercatores circa vinum, non extendenda est ad lucrum, quod alter mercatorum faciet circa frumentum.

Sic ultima variarum expensarum computatio ad negotia ejus generis, de quibus agitur, & non ad alia negotia alterius generis extenditur.

*Consect. 9.* Si verba contractus ex mala fide alterius contrahentium sint ambigua, rigide contra dolose agentem sunt interpretanda; quia nemini sua fraus debet patrocinari.

Sic in contractu venditionis & locationis, si ambigua oratione rei venalis vitia abcondantur, v. g. servitutes fundi, morbi pecoris, fraus debet nocere venditori; juxta illud juris: *Veteribus placuit passionem obscuram, vel ambiguam venditori & ei, qui locavit nocere, in quorum fuit potestate legem apertius conscribere: L. 39. ff. de Pactis.*

*Consect. 10.* Si in contractibus solutionis, debiti, & traditionis rei exprimitur locus & tempus, standum erit pactis; si non exprimitur, standum erit consuetudini: quia sicuti legem expressam sequimur, dubiam per consuetudinem interpretamur; ita pacta sequimur, dubia per consuetudinem Regionis interpretamur.

Sic debita solvenda sunt die & loco condicto: depositum, legatum die & loco condicto restituenda sunt; ita tamen ut dilatio currat usque ad ultimum tempus, v. g. usque ad ultimam diem mensis designati.

Si nec locus, nec tempus exprimantur, debitum statim reddendum est eo in loco ubi initus est contractus: juxta illud: In omnibus obligationibus, in quibus dies non ponitur, presentis debetur: L. 14. ff. de regulis juris.

## ARTICULUS II.

*De extensione obligationis inducæ per contractum.*

*Prop. unica.* Contrahentes nedum obligant se ad id, quod expresse est conventum, sed etiam ad id, quod necessario connexum est cum conventionem.

*Prob.*



*Prob.* Sicut in lege, quando duo necessario connectuntur, si lex præcipiat unum, præcipit & aliud; alias minus recta esset intentio legislatoris: ita in conventionibus, quando duo necessario connectuntur, qui se obligat ad unum, se obligat pariter ad aliud, nisi expresse contrarium exprimatur; quia alias intentio contrahentium esset irrationalis. Sic qui init contractus emptionis, venditionis, mutui, &c. tenetur subire ea omnia quæ necessario tales contractus comitantur. *Si nihil convenit, tunc ea præstabuntur*, inquit lex, *quæ naturaliter insunt hujus judicii potestate*: L. 12. ff. §. 1. *de actionibus empti & venditi.*

### Consektaria hujus Doctrinæ.

*Consekt. 1.* Quando leges præscribunt aliquas conditiones in certis contractibus apponi, qui contrahunt, debent illis conditionibus acquiescere, nisi tales conditiones essent in favorem contrahentium, & lex permetteret ut contrahentes iisdem conditionibus derogare possent; quia hæ conditiones sunt accessoria contractibus vigore legis connexæ; juxta illud: *Ea quæ sunt moris & consuetudinis, in bonæ fidei judiciis debent venire*: L. 31. ff. *de edictio edicto*: §. 20. Et sicut accessoria legum observamus, ita & contractuum.

Sic qui init matrimonium, debet inire juxta leges, v. g. non ad tempus, sed ad mortem usque alterius partis: item tenetur impedimenta & dirimentia, & impediencia devitare; nam si contrahat cum aliquo impedimento dirimente, invalide contrahit; si vero contrahat cum aliquo impedimento mere impediencie, illi- cite contrahit, ut dicemus ubi de matrimonio.

*Consekt. 2.* Quando contractus est mutuus, si una pars obligetur, altera pariter obligabitur; quia sicut leges æqualiter obligant sibi subditos, ita contractus mutuus vim habens legis, est ultro citroque obligatorius.

Sic in venditione, si venditor tradit rem venditam, emptor debet dare pretium rei vendite.

Sic in permutatione, si unus det rem mutandam, alter pariter debet rem æqualis pretii dare.

Sic

Sic in locatione & conductione, locator debet dare rem locandam, conducens vero debet dare pretium juxta usum rei, quam conducit.

## ARTICULUS III.

### *De rescissione contractuum.*

*Prop. unica.* Toties rescindi potest contractus, etiam si validus, quoties, si diutius perseveraret, non servaretur rationalis intentio contrahentium.

*Prob. rat.* Contractus eo fine initur, immo cum aliqua solemnitate publicus redditur, ut firmiter observetur rationalis intentio contrahentium. Ergo tunc potest rescindi, cum contractus magis officeret quam proficeret intentioni contrahentium: & sicut tunc cessat lex, quando officit intentioni legislatoris; ita tunc cessare debet contractus, cum officit intentioni contrahentium.

### Confectaria hujus Doctrinæ.

*Confect. 1.* Contractus rescindi potest contraria conventionione: sicut enim lex contraria lege irritatur, ita & contractus. *Nudi consensus obligatio dissolvitur contrario consensu:* L. 35. de regulis juris; quippe, pacta novissima servari oportere, iam juris, quam ipsius rei aequitas postulat: L. 12. C. de pactis.

*Confect. 2.* Contractus rescinditur interventu circumstantiæ solventis contractum ex conventionione partium; quia talem sibi legem contrahentes statuerunt. Sic si aliquid statuerint contrahentes sub certa conditione, posita conditione observandum erit, minime vero non posita conditione; juxta illud: *Si quid ita venerit, ut nisi placuerit, intra prefinitum tempus redhibeatur, ea conventio rata habetur:* L. 31. §. 22. ff. de adilitio edicto.

Sic, si vendideris fundum, sub pacto, quod poteris redimere illum, penes te est illum fundum, dato pacto, exigere ab emptore; juxta illud: *Si fundum parentes tui ea lege vendiderunt, ut sive ipsi, sive heredes eorum emptori pretium quancumque, vel intra certa tempora obtulissent, restitueretur, teque parato satisfacere conditioni dicte, hæres emptoris non paret, ut contractus fides servetur, actio præscriptis verbis, vel ex vendito tibi dabi-*

dabitur: L. 4. C. de pactis inter emptorem & venditorem compositis.

*Consect. 3.* Contractus rescinditur interpositione circumstantiæ impediens contractum: v. g. si alter contrahentium probet vel ignorantiam, vel dolum, vel vim, vel metum intervenisse dum contrahebatur; quia hæ circumstantiæ impediunt contractum, ut dictum est.

*Consect. 4.* Contractus rescinditur ex interpositione nocimenti, etiam citra dolum contrahentium; quia tunc intentio rationalis contrahentium non servaretur. Si nullus dolus intercessit stipulantis, sed ipsa res in se dolum habet, tunc rescindi contractum convenit: L. 36. ff. de verborum obligationibus.

Sic cum hereditas inter æquales hæredes inæqualiter bona fide dividitur, dum patet nocimentum, potest rescindi. Sine iudicio factis divisionibus solet subveniri: L. 3. C. communia utriusque iudicii.

Cum res venalis vitiosa bona fide venditur ut non vitiosa; dum patet vitium, debet venditio rescindi.

Sic qui emit bona fide rem furtivam, & durante bona fide eandem rem vendit alteri: ut advertit rem a se venditam esse furtivam, debet rescindere venditionem, pretium acceptum reddere emptori, & rem ipsam furto ablatam reddere vero Domino, & a fure, si compareat, exigere pretium; si vero non compareat, pretium peribit primo emptori. Ita Sylvius. Debet rescindere venditionem; quia vendit rem alienam non suam: docet autem jus Canonicum, quod id, quod nostrum est, sine pacto nostro ad alium transferri non potest: L. 11. de regulis juris in 6. Debet pretium acceptum reddere emptori; quia non habet titulum quo illud retineat. Debet rem Domino reddere; quia res Domino clamat. Potest tamen a fure datum pretium exigere; quia fur non habet titulum, quod retineat.

*Consect. 5.* Rescinditur contractus eventu casus improvisi impediens intentionem contrahentium; quia tunc observatur eorum intentio.

Sic contractus locationis domus rescindi debet, si vicino edificante obscurentur lumina canaliculi; si ostia fenestrasse nimium corruptas locator non restituat: L. 25. ff. locati & conducti. §. 2.



Sic contractus venditionis rescinditur, si aliquis ex stirpe venditoris fundum eodem pretio emere voluerit ac emptor extraneus: ita edicta Regis Gallie, ubi hæc consuetudo viget. De jure retractus dicitur ubi de venditione & emptione.

*Consuet.* 6. Rescinditur contractus ex conventionum violatione facta per alterum contrahentium; quia alias intentio rationalis contrahentium non observaretur.

Sic venditio rescinditur: si res vendita non tradatur in id, quod interest, agitur: L. I. ff. de actionibus emptionis & venditionis, id est, damnum illatum compensatur.

*Monit.* Circa formam in rescindendis contractibus servandam. Contractus possunt rescindi autoritate privata, si omnes contrahentes consentiant; quia si utri sibi propria sponte hanc legem statuerunt, ita & possunt ab hac lege se eximere, & sibi hanc obligationem condonare.

Si alter contrahentium non acquiescat rescissioni, pars læsa iudicem debet interpellare, & rescissionem contractus postulare, sed non autoritate propria contractum rescindere: ita habet jus. *Illud omne*, inquit, *ad iudicis cognitionem remittendum est*: L. 135. ff. §. 2. de verborum obligationibus.

## CAPUT IV.

*De obligatione per promissionem inducta.*

Promissio permiscetur in omnibus contractibus; ideo quæ sit ejus vis, quæ natura, hic explicabimus, antequam agamus de contractibus in particulari.

## ARTICULUS I.

*Quam obligationem inducat promissio.*

**N**ota. Promissio generatim est spontanea & deliberata fidei obligatio facta alteri de re quapiam bona, licita & possibili. Qui promittit, vocatur promissor; hic, cui promittitur, vocatur promissarius.

Promissio alia est interna solum, alia externa solum; alia interna & externa simul.

Pro-

Promissio interna solum est actus interior voluntatis, soli Deo & promittenti cognitus, quo quis vult se alteri obligare: talis est promissio facta Deo ingrediendi Religionem: talis est promissio interna, qua aliquid destinatur Ecclesiae vel pauperibus; nam promissio interna Deo soli potest fieri, qui scrutatur corda; minime vero homini, qui cogitatus alterius non cognoscit, nisi per signa exteriora: unde dicit D. Th. 2. 2. q. 88. a. 1. *Promissio, quæ fit ab homine, homini non potest fieri, nisi per verba, vel signa quæcumque exteriora.*

Promissio externa solum est actus exterior, quo quis simulat se obligare alteri absque animo interiori obligandi se: talis est promissio exterior illius, qui volens decipere Virginem, promittit ei matrimonium; interius tamen secum determinat non inire cum illa matrimonium.

Promissio interna simul & externa est actus interior, quo quis se obligat alteri, manifestans promissum signo aliquo exteriori, v. g. nutu, verbis, instrumentis: tales sunt promissiones, quibus vulgo se obligant homines.

*Prop. I.* Promissio data, & acceptata, vera & non simulata, facta spontanee & deliberate cum animo obligandi se, ligat promittentem in conscientia.

*Prob. I.* Ex Script. *Nubes & ventus & pluvie non sequentes, vir gloriosus & promissa non complens.* Prov. 25. v. 14. id est, vir non stans promissis & sterilis, sicut ventus & nubes sine pluvia. Qua reprehensione indicatur, peccare eum, qui promissis non stat.

2. Ex Aug. *Fides, quæ etiam hostibus promittitur, servanda est.*

3. Ex D. Th. *Si quis non facit quod promittit, tunc videtur infideliter agere per hoc, quod animum mutat.* 2. 2. q. 110. a. 3. ad. 5.

4. Ex iure Canonico. *Studiose agendum est, ut ea quæ promittuntur, opere compleantur:* de pact. cap. *Qualiter.*

5. *Rat.* Stare promissis pertinet vel ad iustitiam, vel ad veracitatem: Ergo ad aliquam virtutem: ergo peccat qui illam virtutem violat: ergo promissio obligat in conscientia. Dixi, promissio data a promittente, & accepta a promissario, vel ab alio, qui ejus vires subeat: etenim L. 1. ff. de Pact.

Dici-

Dicitur, nullum esse contractum, nullam obligationem, quæ non habeat in se conventionem, id est, mutuum consensum: deinde ad valorem promissionis requiritur, non solum, ut res promissa sit grava promissario, sed etiam quod gratum sit rem talem ei promitti a tali, quod certe penitus ignoratur quamdiu promissarius non accepit promissum.

*Prop. 2.* Promissio simplex, data & acceptata, etsi non juramento firmata, modo serio facta sit, & acceptata, obligare videtur sub reatu peccati mortalis. Peccatum autem illud potest fieri veniale vel ob indeliberationem ex parte agentis, vel ob parvitatem materiæ ex parte objecti, juxta principia jam statuta.

*Prob. 1.* Ex jure Can. cap. *Antigonus*, de pact. ubi sic habetur: *Antigonus Episcopus dixit, aut inita pacta suam obtineant firmitatem, aut conventus (si se non cohibuerit) Ecclesiasticam sentiat disciplinam. Dixerunt universi: pax servetur, pacta custodiamur.* Ergo cum violatio nudi pacti subiciatur ecclesiasticæ disciplinæ, debet esse grave peccatum: & glossa ibidem addit, quod nuda pacta obligent sub mortali peccato.

*2. Rat.* Prima ratio. Peccatum, quod aliqua ratione in materia gravi opponitur vel justitiæ, vel fidei, ex suo genere est peccatum mortale; quia iniquusmodi virtutibus tota nititur societas humana: Atqui non itare promissis opponitur vel justitiæ, vel fidei; quia fides in promissis non solum ad æquitatem pertinet, sed est totius æquitatis fundamentum: Ergo promissio simplex, etiamsi non sit juramento firmata, obligat sub mortali.

Secunda ratio. Promissio facta Deo obligat sub mortali; non quia est actus religionis, sed quia est officium justitiæ: Ergo & promissio, quæ fit homini; quia quantum ad hoc munus justitiæ, sunt ejusdem generis promissio facta Deo, & promissio facta homini. Ita Seto.

Tertia ratio. Apud omnes gentes violator fidei tamquam scelestus habetur: Ergo consensus ille publicus omnium gentium denotat delictum grave incurri in violatione fidei, & proinde infringendo promissa.



## Confectaria hujus Doctrinæ.

*Confect. 1.* Peccat peccato infidelitatis, juxta omnes, quicumque, exterius promittens, non habet interiorem animum promittendi; quia fallit promissarium, dum aliud verbis exprimit, & aliud mente gerit: non tamen ligatur promissio; quia nullum est promissum, sine animo interiori promittendi: ratione tamen scandali, si quod sit, vel damni promissario illati ex hac promissione, tenetur fictis etiam stare promissis, cum jus naturale præcipiat, ne proximo detur occasio scandali, damnumve aliquod inferatur. Hujus fidelitatis servandæ exemplum habemus in Josue, inquit Ambr. licet enim deceptus esset a Gabaonitis: *Tamen pacem, quam dederat, revocandam non censuit; quia firmata erat Sacramenti religione; ne, dum alienam perfidiam redargueret, suam fidem soleeret.* Can. Innocens. 2. 2. q. 4. & quamvis juramentum fuerit præcipuum motivum standi promissis, tamen coram Deo ex vi solius promissionis obligatus fuisset; quia coram Deo & nudum promissum, & promissum firmatum juramento non multum distant.

*Confect. 2.* Peccat peccato infidelitatis simul & perjurii quicumque non habens interiorem animum exequendi quod promittit, firmat juramento fictam promissionem. Peccat 1. peccato infidelitatis; quia fallit promissarium. 2. Peccato perjurii; quia jurat contra veritatem, & tenetur servare promissa, non vi promissi, quia nullum est, sed vi juramenti, quod emisit; si non stet promissis juramento firmatis, peccatum erit mortale; quia perjurium est semper peccatum mortale, etiam in materia levi, ut diximus, ubi de perjurio.

*Confect. 3.* Peccat peccato infidelitatis, immo & injustitiæ, juxta aliquos, quicumque habens animum promittendi, non exequitur promissionem datam & acceptam; quia fallit promissarium in re debita, ratione promissi: quod peccatum erit mortale, si nocumentum illatum proximo sit insigne; veniale vero, si damnum sit exiguum: injustitia enim & infidelitas in materia levi sunt peccatum veniale, in materia vero gravi sunt peccatum mortale.

*Confess. 4.* Peccant singuli contrahentes, ut dictum est, qui non exequuntur quæ contrahendo promiserunt, nisi forte promississent ea, quæ leges vetant; alioquin nulla esset fides, nulla securitas. Dixi, nisi promississent ea, quæ leges vetant: etenim contrahentes sunt membra Reipublicæ, & proinde in contractibus ad nihil possunt se obligare, quod sit legibus contrarium, nullumque possunt sibi onus imponere, nisi juxta beneplacitum Reipublicæ.

Sic sistendo intra jus naturæ, & in foro conscientiæ, contrahentes debent a Confessariis adduci ad exequendum ea, quæ promissa sunt, modo non sint contra leges: nec excusari possunt coram Deo ex eo quod contractus illi non habeant in foro exteriori omnes juris solemnitates; quia etsi non obligantur vi contractus civilis, obligantur vi promissionis naturalis, modo in promissione nec dolus, nec fraus intervenerit. Sic deflorator, qui corrupt virginem, promittendo ei matrimonium, tenetur eam ducere in uxorem, si valide id fieri possit; quia promissio ligat promittentem: sed si dolus intervenerit, v. g. si ipsa se virginem dixerit, cum revera non esset virgo, non tenetur eam ducere in uxorem; quia ipsa potius decepit, quam decepta sit. Si pariter virgo sit longe inferioris conditionis, non tenetur eam ducere, tunc enim decipi voluit; si tamen, stante illa conditionis disparitate, deflorator sincere promiserit, vel virgo bona fide matrimonium speraverit, tenetur deflorator eam ducere in uxorem, nisi ipsa virgo prudenter credere potuerit fraudulentam esse hujusmodi promissionem.

## ARTICULUS II.

*Quibus in casibus promissio non liget.*

*Prop. unica.* Promissio non ligat coram Deo, quoties facta est contra legem naturalem, immo contra legem positivam, quæ directe respicit bonum commune; ligat vero; si sit contra legem positivam, quæ respiciat bonum privatum ipsius promittentis, nisi esset periculum; vel damnum alicujus tertii.

*Prob. 1.* Ex jure Can. *In malis promissis rescinde fidem:* Can. *In malis* 2. 2. q. 4. Mala autem promissa sunt, quæ sunt contra leges: Ergo.

2. Ex jure Civ. *Societas flagitiosæ rei nullas habet vires*: ff. leg. 35. de contrahenda emptione: Ergo promissa contra leges non ligant.

3. Rat. Homo est quidem dominus rerum suarum, sed cum subjectione ad Rempublicam: proinde nihil potest promittere, nisi juxta leges in Republica vigentes.

Dixi, si quid promittat contra leges respicientes directe bonum commune, promissio erit nulla; quia promittens non potest privata autoritate evertere bonum commune.

Sic Clericus promittens se renunciaturum privilegiis Clericorum, non tenetur stare huic promisso; quia nequit renunciare huic privilegio communi. Sic promittens se venditurum frumentum hostibus Reipublicæ, non tenetur vendere.

Bene tamen si lex positiva respiciat bonum privatum promittentis; potest enim renunciare quilibet suo juri privato.

Sic uxor, quæ promittit se fore dote sua contentam, nec paterna bona petituram, tenetur stare promissis, modo non faciat præjudicium filiis suis, licet leges civiles ejus promissum rescindant. Idem dicendum de alienatione fundi dotalis, de donatione inter virum & uxorem, inter filium & patrem, de contractu minoris absque curatore: idem de promissione solvendi pecuniam creditam ludo.

### Confectaria hujus Doctrinæ.

*Confect. 1.* Promissio de re vetita vel jure naturali, vel jure positivo, est nulla, & observari non debet. *In malis promissis fides observari non expedit.* De reg. jur. in 6. reg. 69. Et D. Thom. 2.2. q. 110. a. 3. ad 5. *Si promisit id quod manifeste est illicitum, promittendo peccavit, mutando autem propositum bene facit.* Ideo si promiseris falsum testimonium, injustam vexationem, ad nihil teneris. *Quod turpi ex causa promissum est, veluti si quis homicidium vel sacrilegium se facturum promittat, non valet:* Instit. lib. 3. de inut. stip. §. 23.

*Confect. 2.* Promissio facta de re impossibili est nulla; quia ad impossibile nemo tenetur. *Impossibile nullum est obligatio:* ff. de reg. jur. 185.



Sic, si promiseris aliquid absolute impossibile, v. g. te volaturum, te numquam manducaturum, vel aliquid hypotetice impossibile, v. g. te daturum eleemosynas, quas dare poteras, dum esses dives, quas modo largiri non potes, factus pauper, non ligaris promisso.

*Consect.* 3. Promissio, quæ per rerum naturam impleri non potest, veluti si promissa sit res, quæ non existit, nec existere potest, ut hippocentaurus, aut res quæ desit existere, ut jumentum mortuum, aut id quod non est in hominum commercio, est nulla, ut habetur lib. 1. Inst. de inut. stip. in prin.

*Consect.* 4. Promissio facta non sponte, sed coacte, non ligat; etenim qui per vim vel fraudem extorsit promissionem, faciendo alteri injuriam, excidit a jure exigendi, immo & recipiendi quod ei promissum est a promissore, cui vim intulit: & proinde promissarius tenetur promittentem restituere in statum pristinum, & iste habet jus requirendi absolutionem a promisso: deinde promissio, juxta leges, debet esse libera. *Quæ vi metusve causa sunt, carere debent robore firmitatis:* Cap. ad audientiam, de his quæ vi metusve causa, &c. Et D. Thom. 2. 2. q. 89. a. 7. ad 3. *Obligatio, qua quis obligatur homini, cui aliquid promittit, tollitur per coactionem; quia ille, qui vim intulit, hoc meretur, ut ei promissum non servetur.* Sed si promissionem coactam juramento firmaverit, ne sit perjurus debet petere dispensationem juramenti, eique debet concedi juramenti dispensatio: etenim qui ad juramentum injuste coegit, non debet ex juramento emolumentum percipere, ut docet idem Doctor ibidem.

*Consect.* 5. Promissio facta sine prævisione circumstantiarum, quæ si fuissent prævisæ, facta non fuisset, non ligat in illis circumstantiis non prævisis; quia tunc non censetur libera: de quo ita D. Thom. 2. 2. q. 110. a. 3. ad 5. *Ad hoc quod homo teneatur facere quod promisit, requiritur quod omnia immutata permaneant: alioquin nec fuit mendax in promittendo; quia promisit quod habebat in mente, subintellectis debitis conditionibus: nec etiam est infidelis, non implendo quod promisit; quia eadem conditiones non extant: ut si quis, inquit Sylvius, promiserit alicui ensẽ, & ille postea fiat infanus: se ducere*

ducere talem, & hæc postea fornicetur: se mittere triticum, & regis prohibitio superveniat, non tenetur solvere promissum.

*Consect. 6.* Promissio facta a persona inhabili ad faciendum id, quod promittitur, est nulla; quia in promissis non est major defectus, quam defectus capacitatis in promittente.

Sic promissio facta a persona jure naturali incapaci, v. g. ab amente, a furioso, ab infante, est nulla; quia ex jure naturali sunt incapaces obligandi se: Lib. 3. tit. 20. *Inst. de inut. stip. §. 8. & 9.*

Sic promissio dandi pecunias, facta ab eo, qui vovit paupertatem; promissio famulandi facta ab eo, qui vovit obedientiam; promissio facta sponsalium ab eo, qui vovit castitatem, est nulla: promittens tamen dolose si damnum pariat promissario, tenetur reparare: unde Sapiens ait: *Non spondeas super virtutem tuam: quod si sponderis, quasi restituens cogita: Eccli. 8. v. 16.*

Sic, juxta Sylvium, qui post emissum simplex votum castitatis aut Religionis, corrumpit virginem sub spe matrimonii, non obligatur ad matrimonium, sed debet votum suum implere; quia obligatio voti simplicis major est quam promissio homini facta, etiam juramento firmata: unde votum simplex dirimit sponsalia; potest enim damnum reparare dotando illam virginem, aut in decenti alio statu collocando.

## CAPUT V.

*De Contractibus in particulari, Et primo de Contractibus, quibus transfertur rerum dominium.*

### ARTICULUS I.

*De emptione Et venditione.*

**Nota 1.** Permutatio præcessit emptionem & venditionem; quippe ante monetarum inventionem omnes contractus fiebant permutationibus; juxta illud juris: *Origo emendi vendendique a permutationibus capit: l. 1. ff. de contrahenda emptione. Unusquisque secundum necessitatem temporum, ac rerum, utilibus inuti-*

*lia permutabat* : ibid. Sed inventa moneta frequentior esse coepit emptio & venditio ; & hanc ante permutationem agemus de emptione & venditione.

**Nota 2.** Venditio est contractus , quo traditur res venalis pro justo pretio , sed ut alii dicunt , alienatio rei pro justo pretio.

Emptio est contractus , quo acquiritur res venalis per justum pretium , vel ut alii dicunt , compensatio rei pro justo pretio : *Si pecuniam dero ut rem accipiam, emptio & venditio est* : L. 5. §. 1. ff. de prescriptionibus verbis.

Res venalis est res qualibet pretio alienabilis in commercio hominum posita , sive sit immobilis , ut fundus ; sive mobilis , ut suppellex ; sive corporalis , ut fundus , & suppellex ; sive incorporalis , ut jus in re , & ad rem.

Pretium est certa pecuniae quantitas , secundum ejus valorem considerata ; quippe pretium in numerata pecunia consistere debet : inst. lib. 3. tit. 24. §. 2. de emptione & venditione.

Pretium aliud est legitimum , aliud naturale.

Pretium legitimum est illud , quod a Republica praescribitur. Pretium hoc consistit in indivisibili , nec augeri potest , nec minui.

Pretium naturale est illud , quod pendet ex vulgari hominum aestimatione. Hoc pretium consistit in aliquo divisibili , & augeri & minui potest.

Illud pretium habet tres gradus , infimum , medium , & supremum : emptor non potest descendere infra infimum : venditor non debet ascendere ultra supremum : pie uterque aget , si sistat in medio.

Sic , si modius frumenti valeat viginti ad summum assibus , & ad minus quindecim assibus , vigesimus erit supremum pretium , & decimus quintus erit infimum pretium , as decimus septimus erit medium pretium.

### §. I.

*De his , qui possunt vendere & emere.*

*Præp.* unica. Videntes proprio nomine debent actu habere dominium , vel possessionem rei quæ venditur , & debent posse acquirere dominium , vel possessionem pre-



pretii quod rependitur; venditio enim non semper transfert dominium rei, sed aliquando solum possessionem: ut patet in fure rem furtivam vendente.

Ementes proprio nomine debent actu habere dominium pretii quod rependitur, & debent posse acquirere dominium vel possessionem rei quæ venditur: nec illis venditio, nec illis emptio debet esse per leges prohibita.

Ementes & vendentes alieno nomine, id est iussu alterius, uti procuratores, debent solum habere mandatum sibi a vero domino commissum.

*Prob. rat.* Cum nemo transferre in alium valeat nisi ius quod habet, cum nemo pariter acquirere possit dominium, vel possessionem cuius est incapax: si emptio & venditio fierent aliter quam exposuimus, emptor non posset acquirere dominium, vel possessionem rei quam emit, nec venditor dominium vel possessionem pretii quod accipit: & ita emptio & venditio suo fine frustrarentur & proinde emptio & venditio debent fieri ab his solum, qui juxta leges sunt capaces emendi & vendendi, si proprio contrahant nomine.

### *Confectaria hujus Doctrinæ.*

#### *De his qui non possunt vendere.*

*Consect. 1.* Vendere non possunt proprio nomine nec valide, nec licite, qui hic subjiciuntur.

1. Servi seu mancipia, sine consensu domini; quia quæcumque habent, domini sunt: & si quid vendant de suo peculio, id faciunt cum clara vel præsumpta voluntate domini.

2. Monachi, sine consensu Communitatis; quia nihil habent proprium in particulari: sic quidquid possident, nomine Communitatis possident.

3. Prodigii, tales a iudice declarati, sine consensu iudicis; quia lex eis vetat venditionem.

4. Pupilli, sine consensu tutoris; quia lex contractus omnes pupilli, initos sine consensu tutoris, irritos declarat, nisi contraherent in sui incommodum.

5. Minores, sine consensu curatoris bona immobilia & mobilia pretiosa; quia lex pariter illos contractus, initos sine consensu curatoris, irritos declarat; minores tamen possunt sine consensu tutoris cætera vende-

re, puta, fructus qui ex prædiis nascuntur, & jure ea bona vendunt, quæ per moram fierent deteriora.

6. Filiifamilias non possunt vendere ea, quorum habent restrictum dominium, etiam cum consensu Patris; quia si in tali venditione intervenisset fraus, filius deceptus non haberet actionem in patrem, sicut pupillus læsus habet actionem in tutorem: filii tamen familiæ possunt vendere ea, quorum habent absolutum dominium, v. g. bona castrensia; bona vero adventitia & profectitia possunt vendere venditione solum post emancipationem valitura.

*Consect. 2.* Licite vendere non possunt qui ex metu injusto, ex violentia injusta, ex dolo, ex ignorantia terminata ad substantiam rei, adiguntur & coguntur ad vendendum; quia nequeunt ex dictis contrahere: ergo neque vendere; ideoque qui emunt ab hujusmodi personis, tenentur contractum rescindere, & rem tali emptione acquisitam reddere.

*Consect. 3.* Possessores malæ fidei non possunt licite vendere rem, quam mala fide possident; quia cum non sint illius rei domini, nullam transferunt possessionem his, qui bona fide credunt acquirere proprietatem.

Sic fures, raptores, non possunt licite vendere rem furto vel rapina acquisitam.

Sic usurarius non potest vendere rem mobilem vel immobilem immediate per usuram acquisitam; quia cum fur non sit dominus rei furtivæ, nec usurarius rei usurariæ, non transfert dominium in emptorem, qui tamen bona fide credit illud acquirere.

Res vero, quas fur & usurarius acquirunt per suam industriam, occasione tamen furti & usuræ vendi possunt; quia fur & usurarius sunt illarum rerum domini, obligati tamen ad restitutionem. Sic, si fur aliquid lucretur pecuniis furto ablatiis; & fundum emat, poterit fundum illum vendere, & fructus quos ex illo percipiet, modo reparet damnum furto suo illatum. Iterum usurarius poterit vendere possessiones, quas usuris comparavit, modo reparet damnum; quia cum res illæ non emanent immediato a furto vel usura, sunt illius a quo acquiruntur, & ita ab eo vendi possunt, modo reparetur integrum damnum - - *Possessiones*

nes, inquit D. Thom. quæ de usuris sunt comparatæ, non sunt eorum, quorum sunt usuræ, sed illorum qui eas emunt: 2.2.q.78. a. 3. ad 2. Illud quod acquiritur de pecunia usuraria debetur acquirenti. Notat tamen idem doctor, quod res emptæ mediate ex furto & usura, debent vendi, ut fiat restitutio, si aliter fieri nequeat. Et hoc secundum quantitatem usuræ acceptæ.

Consect. 4. Possessor dubiæ fidei non potest licite vendere absolute, sed solum manifestando suum dubium; quia cum non sit verus dominus, deciperet emptorem.

Consect. 5. Possessor cum onere restituendi, v. g. hæres fiduciarius, non potest rem sibi fiduciario commissam vendere; quia non est illius dominus: L. 7. cap. de rebus alienis non alienandis.

### De his qui non possunt emere.

Consect. 1. Tutores non possunt emere a pupillis, nec Curatores a minoribus; quia præsumitur deceptio. Tutor rem pupilli emere non potest - idem porrigendum ad Curatores: L. 24. ff. de contrahenda emptione.

Consect. 2. Procuratores non possunt emere res, quarum curam gerunt, si eas emanant a veris dominis, qui eis talem curam commiserunt; quia alias præsumitur deceptio. Ibid.

Consect. 3. Iudices & omnes, qui juri reddendo incumbunt, non possunt eas lites, quas judicaturi erant, emere; quia præsumitur eos uti autoritate juridica ad deceptionem: ita Regum Galliæ edicta.

## §. II.

### De his quæ emi & vendi possunt.

Prop. unica. Ea solum emi, & vendi possunt, quæ juxta leges acquiri possunt; alia vero nec emi, nec vendi possunt.

Prob. 1. Ex jure civili. Omnium, inquit, rerum, quas quis habere, vel possidere, vel persequi potest, venditio recte fit; quas vero natura, vel gentium jus, vel mores civitatis commercio exuerunt, earum nulla venditio est: L. 35. §. 1. ff. de contrahenda emptione.



2. *Rat.* Venditio & emptio non alio fine sunt, quam ut rerum venalium acquiratur dominium, vel saltem possessio. Ergo ea solum & emi & vendi possunt, quorum dominium, vel saltem possessio acquiri potest.

### Confectaria hujus doctrinæ.

#### *De his quæ emi & vendi possunt.*

*Confect.* 1. Vendi & emi possunt quæ hic subjiciuntur. Res mobiles, ut supellectilia, fructus, &c. Res immobiles, ut v. g. vinea, ager, &c. Res incorporales, ut jus in re & jus ad rem. Debita, hereditates, res nondum existentes, sed futuræ, v. g. *fructus futuri, & partus futuri recte emuntur.* L. 8. ff. de contrahendo *emptione.* Res in spe, ut cum emitur certus piscium captus, vel avium; *quia tum spei emptio est:* ibid. Principale & accessorium, res simul congestæ, & res disjunctim sumptæ; quia horum omnium dominium acquiri potest, vel possessio.

#### *De his quæ emi & vendi nequeunt.*

*Confect.* 2. Vendi & emi nec licite, nec valide possunt quæ hic subjiciuntur. Res quæ non sunt in commercio hominum, v. g. res communes, aer, scilicet, & mare: res Universitatis, ut viæ publicæ: res spirituales, ut Sacramenta: res spiritualibus annexæ, ut Beneficia: bona dotalia, etiam consentiente uxore: bona substituta, durante substitutione.

*Confect.* 3. Licite vendi non possunt res perniciosæ, & optimis moribus contrariæ, vel ex se, vel ex pravo e mentium usu, quando prævidetur pravus ille abusus; non quod res venales non sint, cum suum habeant pretium, sed quia sunt perniciosæ e mentibus. Contractus autem debet esse in bonum & non in perniciem contrahentium.

Sic idola non possunt vendi paganis, Synagoga Judæis, libri obscœni proclivibus ad impudicitiam, venena his, qui prævidentur eis abusuri vel ad homicidia causanda, vel ad abortus procurandos: nec cibi vendendi sunt eis, qui sunt fracturi jejunium, vinum his qui eo sunt inebriandi, arma his qui præliantur in bello injusto, pigmenta utentibus ad lasciviam -- fuci ve-

ro, aleæ, & taxilli, chartæ luforiæ, quia his uti possunt homines ob honestum finem, vendi possunt sine peccato iis, qui probabiliter judicantur talibus rebus non abufuri: ita Sylvius in D. Thom.

### §. III.

*De modo, secundum quem res emi & vendi possunt.*

*Prop. unica.* Res emi vel vendi possunt absolute, vel conditionate, vel in perpetuum, vel ad certum tempus, vel conjunctim, vel disjunctim, modo inter contrahentes conveniat.

*Prob. rat.* Contractus possunt fieri juxta rationalem voluntatem contrahentium: ergo possunt fieri modo supra explicato; quia prædictæ intentiones rationales sunt & nullis legibus contrariæ.

*Consect. 1.* Venditio absoluta & in perpetuum non est illicita, modo fiat justo pretio.

Sic necessario & semper apud omnes res consistentes in solo usu, qualia sunt vinum, frumentum, oleum, venduntur absolute; quia hæc, utpote ipso usu consumanda, non possunt vendi ad certum tempus.

Sic aliquando & pro libito contrahentium res non consistentes in solo usu, quales sunt, fundus, suppellex, jus in re, & ad rem, venduntur absolute; quia ita placet contrahentibus.

*Consect. 2.* Venditio conditionata, & ad certum tempus, non est illicita, modo fiat justo pretio.

Sic apud judæos venditio fundi ruralis erat conditionata ex præscripto legis Mosaicæ, ut perennis esset in Tribu & familia quælibet possessio fundi, quem Deus dederat. *Cuncta*, inquit Deus per Moysen, *regio possessionis vestre redemptionis conditione vendetur*; Lev. c. 25. v. 24.

Ut autem venditio ad certum tempus sit licita, res vendita easdem debet subire vices toto illo tempore, quo vendita manet, quas subit proportionaliter res absolute vendita; quia hoc facit venditio conditionalis pro certo tempore, quod in perpetuum facit venditio absoluta: & ita sicut res vendita absolute fructificat, & perit perpetuo emptori; ita res vendita conditionate, debet pro illo tempore perire, & fructificare emptori.

*Con-*

*Consect. 3.* Res acervatim congestæ possunt vendi vel in universum, vel in singula.

Sic cum totum vinum, totum frumentum, grex integer venditur, venditio in universum vocatur.

Sic cum certe mensuræ vini, frumenti venduntur, certa capita gregis, venditio in singula dicitur -- Emptio facta in universum completur post conventum pretium -- Emptio facta in singula non completur, nisi cum vendita annumerata, appensa & admensa sunt: ut dicitur L. 34. ff. §. 5. de contrahenda emptione.

*Consect. 4.* Principale & accessorium possunt vendi, sed diversimode: vendito principali accessorium censetur vendi; sed vendito accessorio non censetur vendi principale; quia accessorium sequitur naturam principalis, minime vero principale naturam accessorii.

Sic cum immobilia venduntur, simul etiam cum eis venduntur, quæ eis sunt annexa, nisi expresse ex venditione distraherentur: v. g. vendito fundo, fructus pendentes censentur venditi; juxta illud: *Fructus pendentes pars fundi videntur*: L. 44. ff. de rei venditione.

Vendito edificio, res inservientes edificio venditæ censentur, nisi expresse distraherentur, v. g. claves, porta, fenestra, ut docet jus civile. *Labco generaliter scribit ea, quæ perpetui usus causa in edificiis sunt, edificiis esse*: ut dicitur L. 17. §. 7. ff. de actionibus emptionis & venditionis.

Sic cum mobilia venduntur, venduntur omnia, quæ eis erant annexa, dum exponerentur venditioni: v. g. si equus exponatur venditioni, cum suis ornamentis, dum venditur equus, venduntur & ornamenta: ut dicitur L. 38. de edilitio edicto.

*Consect. 5.* Venditio coacta, & renitente irrationabiliter domino, non est illicita, modo fiat autoritate juridica; quia possunt contingere casus, in quibus æquitas exigit rem vendi invito domino; & ejus resistentia est irrationabilis, cum sit contra legem.

Sic fundus necessarius publico edificio, potest vendi autoritate judicis, renitente possessore: L. 31. ff. de commun. prædio. Idem jubet Philippi edictum an. 1303.

Sic penuriæ tempore qui habent annonam, inviti coguntur eam vendere: ut statuitur L. 2. ff. de lege Julia de



*annonæ.* Ibi enim *pæna* statuitur adversus eum, qui contra *annonam* fecerit, societatemve coierit, quo *annonæ* fiat *carior*.

Sic cum *vita publica* vel *fluminis impetu*, vel *ruina amissa* est, *vicinus proximus viam præstare* debet: L. 4. ff. *quemadmodum servitutes amittuntur*.

Sic bona debitorum *authoritate judicis* venduntur sub *hasta* ad *satisfaciendum creditoribus*.

Sic bona, quæ *dividi non possunt*, v. g. *domus exigua*, *munus venale*, *magistratura*, si ad *plures pertineant*, venduntur, ut *cuiuslibet jus habenti pro rata sui juris pretium dividatur*.

## §. IV.

### De Pretio.

*Prop. 1.* Major vel minor rei dignitas non est *mensura pretii rerum*, sed *communis hominum æstimatio*; seu quod idem est, *pretia rerum*, non *secundum ipsarum naturam æstimanda sunt*, sed *quatenus veniunt in usum humanos*, & *quatenus æstimantur in foro publico*: itaque *pretium justum erit*, quod vel a *potestate publica* est *præscriptum*, vel *communi hominum æstimatione determinatum*.

*Prob. 1.* *Authoritate Aug.* Res *viventes sunt præstantiores*, quam res *inanimatæ*; tamen, ut ait Aug. L. 11. c. 16. de civit. Dei. *Mallet homo frumentum domi habere, quam mures*: Ergo *pretium rerum non debet ex earum natura*, sed ex *ipsarum usu & æstimatione hominum pensari*.

2. *Rat.* Cum omnia, quæ in mundo sunt, propter hominem facta sint, juxta *prudens judicium* tanti æstimari debent, quantum *hominibus inserviunt vel ad eorum vitam fovendam*, uti sunt *victus & vestitus*, vel ad *honestam voluptatem procurandam*, uti *viridaria*, *conventus*, &c. vel ad *ejus dignitatem ostendendam*, uti *magistratus*, *munera publica*, &c. Ergo *pretium rerum desumi debet vel a potestate publica determinante*, vel a *prudentialium hominum æstimatione*.

### Consectaria hujus Doctrinæ.

*Consect. 1.* Res *viventes*, licet *præstantiores rebus*  
non

non viventibus, non tamen pluris vendi debent, sed res tum animata, tum inanimata vendi debent juxta utilitatem, quam homini conferunt juxta prudentium æstimationem; quia hæc sola est mensura pretii.

Sic domus, licet inanimis, pluris vendi solet, quam equus, licet animatus; quia domus est equo utilior.

Sic nonnumquam equus venire pluris potest quam mancipium; quia licet homo sit omnibus rebus corporalibus præstantior, tamen equus potest esse mancipio utilior.

*Consect. 2.* Ad explorandum justum pretium multa attendenda sunt. Sed omnia, habita ratione usus hominum, æstimatione prudentium pensanda sunt: v. g. attendenda sunt hæc omnia: major vel minor rei venalis utilitas, major vel minor rei venalis copia, major vel minor emptorum & venditorum frequentia; quia hæc omnia efficiunt, ut res vel pluris vel minoris æstimetur. Sic major rei venalis utilitas auget pretium, minor vero utilitas minuit pretium; quia reddit eam usui humano magis accommodatam: v. g. vinum est carius aqua, quia est rarius & utilius. Sic penuria rei venalis auget pretium; quia reddit rem magis utilem: abundantia vero minuit; quia reddit rem minus utilem: & ita triticum pluris venditur, quando est raritas frumenti; minoris, quando est abundantia: & ita tempore belli pluris venduntur equi & arma, quam tempore pacis, & hoc provenit, vel ex pluralitate emptorum, vel ex eo quod equi tunc sunt magis necessarii. Sic venditorum atque emptorum frequentia minuit pretium, vel auget; quia facit res vel magis, vel minus utiles: v. g. ubi sunt multi emptores, & pauci venditores, emuntur carius; si sint multi venditores & pauci emptores, res venduntur vilius.

*Prop. 2.* Peccat, & ad restitutionem tenetur qui sine causa pretio æstimabili rem pluris justo pretio vendit, aut minoris justo pretio emit: non peccat tamen, nec ad restitutionem tenetur, si id faciat cum causa pretio æstimabili, v. g. ob lucrum cessans, vel ob damnum emergens.

*Prob. 1.* Ex Script. Quando vendes quidpiam civi tuo, vel emes ab eo, ne contristas fratrem tuum, sed juxta numerum

merum annorum jubilei emes ab eo, Et juxta supplicationem frugum vendet tibi: Lev. 25. v. 14. Quo denotatur res esse vendendas, & emendas iusto pretio.

2. Rat. D. Thom. Quod pro communi utilitate indutum est, non debet esse magis in gravamen unius, quam alterius: Et ideo debet secundum aequalitatem rei inter eos contractus institui. Quantitas autem rei, quæ in usum hominis venit, mensuratur secundum pretium datum. Et ideo, si vel pretium excedat quantitatem valoris rei, vel res excedat pretium, tollitur justitia aequalitatis: Et ideo carius emere, vel vendere rem vilius, quam valeat, est secundum se injustum Et illicitum, & proinde obligans ad restitutionem: 2. 2. q. 77. a. 1. & ideo D. Thom. addit: Et tenetur ille, qui plus habet, recompensare ei, quod damnificatus est, si sit notabile damnum: Ibidem.

### Consektaria hujus Doctrinæ.

*Consekt. 1.* Non licet rem pluris vendere ob commodum, quod emptori accedit, si nullum inde detrimentum venditor accipiat; quia hæc causa non est pretio æstimanda a venditore: ita D. Thom. *Utilitas, quæ alteri accrescit, non est ex venditione, sed ex conditione ementis; nullus autem debet vendere alteri quod non est suum, licet possit ei vendere damnum, quod patitur: ille tamen qui ex re alterius multum juvatur, potest propria sponte aliquid vendenti supererogare, quod pertinet ad ejus honestatem:* 2. 2. q. 77. a. 1.

Sic equus non potest vendi pluris iusto pretio ex eo, quod sit maxime necessarius emptori, qui longum iter inire cogitur.

Sic pharmacum non potest pluris iusto pretio vendi ex eo, quod sit maxime necessarium emptori graviter ægrotanti.

*Consekt. 2.* Licet rem pluris solito vendere ob damnum, quod venditor patitur ex eo, quod privet se re, quam vendit; adeo ut non solum res æstimari possit quanta in se sit, sed etiam quanti venditori valebat; quia hæc causa pretio est æstimabilis a venditore: unusquisque enim potest vendere quod suum est: adde, quod nemo tenetur propriam rerum jacturam pati, ut alteri rem gratam faciat: ita D. Thom. *ibid.* *Alio modo loqui*



loqui possumus de emptione & venditione, secundum quod per accidens cedit in utilitatem unius, & detrimentum alterius; puta, cum aliquis multum indiget habere rem aliquam, & alius leditur, si ea careat. Et in tali casu iustum pretium erit: ut non solum respiciatur ad rem, quæ venditur, sed ad damnum, quod venditor ex venditione incurrit. Et sic licite poterit aliquid vendi pluris quam valeat secundum se, quamvis non pluris valeat habenti, præcipue si rogetur ad vendendum, & gratum faciat emptori.

Sic, si fundus absolute in se valeat centum nummos, sed mihi, quia volo hic aut domum construere, aut aliquid aliud moliri, valeat nedum centum, sed etiam viginti supra, possum eo pretio, scilicet viginti supra centum vendere.

Sic qui habet frumentum mense Octobri quod non vult vendere nisi mense Majo, potest dare frumentum mense Octobri, & tamen illud vendere eo pretio, quo æstimabitur mense Majo; quia damnum illud, quod patitur, est pretio æstimabile: debet tamen aliquid minuire de pretio ob varios casus, quibus frumentum diu servatum minuitur.

*Consect. 3.* Non licet infra iustum pretium rem mobilem, vel immobilem, v. g. agrum, vineam, suppellectilia, ob inopiam & necessitatem vendentis emere; quia inopia non debet esse motivum nocendi proximo, sed ei potius opitulandi. Si quis alicui in necessitate constituto, inquit D. Thom. venderet rem aliquam multo amplioris quam valeret, idem dic, si emeret vilioris, esset injusta venditio; sicut usurarii mutuatio est injusta: D. Thom. 2<sup>o</sup> de malo q. 13. a. 4. ad 7.

*Consect. 4.* In foro interiori & conscientie quodlibet damnum illatum reparandum est, adducendo res ad accuratam & rigidam æqualitatem. In foro exteriori venditiones & emptiones tunc tantum rescinduntur, quando sunt infra dimidium iusti pretii; alioquin quod deest iusto pretio rependendum est: ita D. Thom. Lex humana populo datur, in quo sunt multi a veritate deficientes; & ideo lex humana non potuit prohibere quidquid est contra virtutem, sed ei sufficit, ut prohibeat ea, quæ destruant hominum convictum; alia vero habeat quasi licita, non quia ea approbet, sed quia ea non punit.

Sic ergo ea lex habet quasi licitum, pœnam non inducens, si absque fraude venditor rem suam supervendat, aut emptor vilius emat, nisi sit nimius excessus; quia tunc etiam lex humana cogit ad restituendum, puta, si aliquis sit deceptus ultra dimidiam justî pretii quantitatem. Sed lex divina nihil impunitum relinquit, quod sit virtuti contrarium; unde secundum legem divinam illicitum putatur, si in emptione & venditione non sit æqualitas justitiæ observata. Hanc decisionem ita explicat Sylvius, in 2. 2. q. 77. a. 1. ad 1.

Licet leges civiles rescindant tantum emptionem & venditionem, quando pretium excedit dimidium justî pretii; tamen in foro interiori non licet emere, vel vendere injusto pretio, etiam infra dimidium justî pretii: v. g. si ager valeat centum libras, non licet centum & triginta, vel centum & quadraginta vendere, licet non excedatur dimidium justî pretii. 1. Quia in tali conventionione non servatur æqualitas. 2. Quia conservare justitiam est de necessitate salutis, ideoque per leges civiles talis obligatio solvi non potest. 3. Leges civiles non approbant hujuscemodi conventioniones, sed non improbando tolerant: si vero non permittant rescissionem, vel actionem contra fraudatores, ideo quia non possunt omnibus casibus providere. Hoc item tolerant in odium litium; quia alioquin valde implicarentur, eisque satisfacere judici esset impossibile.

### §. V.

Quomodo emptores & venditores debeant se gerere in actuali emptione & venditione.

Prop. unica. Dum fit emptio & venditio, contrahentes non debent se mutuis dolis decipere, sed mutuo commercio juvare, venditor tradendo rem venalem emptori utilem & non noxiam, emptor tradendo monetam probatam & non fucatam.

Prob. 1. Ex Script. Nemo circumveniat in negotio fratrem suum; quoniam vindex est Dominus: 1. ad Thess. c. 4. v. 16.

2. Ex Ambrosio. Regula justitiæ manifesta est, quod a vero declinare virum non deceat bonum, nec damno injusto allicere quemquam, nec doli aliquid annexere: lib. 3. de offic. c. 21.

3. *Rat.* Venditio & emptio excogitata sunt ut homines mutuo se juvent commercio : ergo iniquum est, quod se decipiant.

### Confectaria hujus Doctrinæ.

*De obligatione manifestandi vitium rei venalis.*

*Confect. I.* Venditor sciens rei venditæ vitium occultum & damnosum emptori, tenetur illud manifestare, etiam si non interrogetur ab emptore; quia tenetur ex iustitia non ponere causam damni: ita docet D. Thom. *Si hujusmodi vitia sint occulta, & ipse non detegat, erit illicita & dolosa venditio, & tenetur venditor ad damni recompensationem:* 2. 2. q. 77. a. 3. Idem habet jus civile: vendens enim animal, & non patefaciens vitium latens, tenetur redhibitoria: L. 1. §. 8. ff. de *adilitio edicto*. Et ibid. §. 1. dicitur: *Certiores faciant emptores, quid morbi sive vitii unicuique sit.*

Sic, si mala fide vendatur equus furiosus, domus ruinosa, pharmacum noxium, morbidum pecus, lignum putridum, debita incerta; venditor damna, suo silentio secuta, tenetur reddere, vel rescindere contractum, si emptor voluerit; vel si id emptor non exigat, venditor tenetur restituere quanti minoris res valebat cum tali vitio.

Sic, si bona fide vendatur res vitiosa, tenetur venditor, cognito vitio, partem pretii restituere pro rata vitii gravitate, vel levitate, sed non tenetur reparare damna secuta; quia fuit causa non rea, sed innocens damni secuti: de quo ita jus civile: *Siquidem ignorabat venditor illius rei, minime teneri: si sciebat, etiam damni quod ex eo contigit:* L. 45. ff. de *contrahenda emptione*.

Sic, si architectus vendat, aut adhibeat vitiosa ligna, tenetur ad ædium cornuentium restitutionem; quia ex officio tenetur scire vitium rei, quam vendit.

Sic, si pastor pecora contagiosa vendat, tenetur ad gregis mortui ex contagione pretium persolvendum; quia tenetur scire id, quod vendit.

Sic, si bona fide vendatur res furtiva ab eo, qui eam bona fide emit a fure, hoc ipso quod patet rem esse furtivam, venditor, ut dictum est, tenetur pretium emptori restituere, & rem a se venditam vero domino reddere -



- - tenetur reddere pretium; quia non acquisivit ejus dominium: tenetur rem reddere domino; quia res domino clamat, nec potest pretium datum furi a domino rei ereptæ exigere: ut habetur *L. Incivilem, C. de furtis*. *Incivilem rem desideratis*, inquit, *ut agnitas res furtivas non prius reddatis, quam pretium fuerit solutum a dominis*. *Curate igitur cautius negotiari, ne non tantum in damna hujusmodi, sed etiam in criminis suspicionem incidatis*.

*Consect. 2.* Venditor de rei vendendæ vitiis, etiam non damnosis, interrogatus vel in genere, vel in specie, expresse, aut tacite, tenetur ea manifestare; quia, si tunc ea occultaret, dolus daret causam contractui; juxta illud juris: *Veteribus placet pactionem obscuram vel ambiguan venditori & qui locavit nocere, in quorum fuit potestate, legem apertius conscribere: L. 39. ff. de Pactis*. Exemplum habemus ejus bonæ fidei, quæ in contractibus vigere debet, inquit Ambros. in Raguele, a quo cum Tobias peteret filiam Saram in conjugem, Raguel nihil eorum tacuit, quæ filiæ contigerant.

*Consect. 3.* Venditor sciens vitium occultum rei venalis, sed non damnosum, nec periculosum emptori, quodque vitium non reddat notabiliter rem venalem minus utilem ad eum usum, ad quem emitur, non tenetur etiam interrogatus manifestare vitium, sed sufficit si diminuat pretium rei, quæ venditur; quia potest quilibet suis commodis consulere, quando nulli sit præjudicium, ut contingit in proposito.

Si tamen interrogetur, vel prævideat rem alteri venum iri dolose, tenetur aperire: quia nullo in casu licet vel mentiri, vel dare occasionem damni.

*Consect. 4.* Venditor non tenetur rei venalis vitium manifestum emptori semper aperire, nisi emptor esset rudis & ignarus: ne peccat, modo propter illud vitium subtrahat de pretio quantum oportet; quia nullo modo videtur emptorem decipere, non occultando vitium, cum penes emptorem sit illud cognoscere, non excedendo in pretio, cum pro modo vitii pretium minuat: ita D. Th. *Si vitium sit manifestum, puta, cum equus est monocus, vel cum usus rei, etsi non competat venditori, potest tamen esse conveniens aliis, & si ipse propter hujusmodi vitium subtrahat quantum oportet de*

*pretio, non tenetur ad manifestandum vitium rei:*  
ibid. a. 3.

*Consect. 5.* Mercator prænoscens vel casu, vel industria sua futuram magnam copiam mercium, eaque ratione pretium minuendum, reticendo id quod casu vel sua industria cognovit, potest suas merces pretio præsententi vendere, modo fraude aut dolo non impediatur, ne innotescat copia mercium superventura, & modo uni soli non venderet omnes suas merces, qui eas merces servaret cum ingenti suo damno, & cogeretur eas revendere longe inferiori pretio; nemo enim tenetur fortuitos casus alteri aperire: deinde præfens pretium est iustum. Sic Joseph Gen. 41. cum prævidisset famem futuram in tota Ægypto, frumenta emit vili pretio tunc communi, ut postea idem frumentum carius venderet. Dixi, modo non intervenit fraus; quia nemini fraus sua patrociniatur.

### §. VI.

#### *De obligatione vitandi dolum.*

*Prop. unica.* Emptor & venditor debent omnem omnino fraudem & dolum abjicere, & bona fide contrahere.

*Prob. 1.* Ex Scrip. Nihil est, a quo Scriptura frequentius homines dehorretur, quam a dolo & fraudibus in contrahendo: sic enim habet Levit. 19. v. 35. *Nolite facere iniquum aliquid in iudicio: in regula, in pondere & mensura: statera iusta, & æqua pondera sint, iustus modius, & æquus sextarius. Ego Dominus.* Et Isaias I. v. 22. *Argentum tuum versum est in scoriam, & vinum tuum mixtum est aqua.* Et demum Paulus ad Thess. 4. v. 6. sic habet: *Ne quis supergrediatur neque circumveniat in negotio fratrem suum: Ergo emptor & venditor omnem fraudem vitare, & bona fide contrahere debent.*

2. *Rat.* In omni contractu debet bona fides abundare: Ergo a fortiori in emptione, & venditione, quibus contractibus nihil usitatus & magis necessarium.

#### *Consectaria hujus Doctrinæ.*

*Consect. 1.* Peccat venditor, & tenetur ad restitutionem, si in venditione decipiat emptorem, vel in *substantia*

*stantia* rei venalis, v.g. dans aquam pro vino, auricalcum pro auro, vitrum pro gemina; vel in *qualitate*, dans animal infirmum pro sano, carnes corruptas pro incorruptis & integris, aromata antiquata pro recentibus; vel in *pondere* & in *mensura*, dans, v.g. minus modio pro modio, minus libra pro libra; quia in his singulis casibus decipit emptorem, eique damnum affert, quod tenetur reparare.

*Consect. 2.* Peccat emptor, & tenetur ad restitutionem, si decipiat venditorem vel in *substantia*, vel in *pondere*, vel in *quantitate* monetæ, quam tradit pro pretio rei, quam accepit a venditore: in *qualitate*, si tradat monetam veri metalli, & æqui ponderis, sed falsam quoad formam non cusam, scilicet, regia nota. Contrarium exemplum habemus in Abrahamo emente agrum in sepulturam Saræ uxoris suæ. *Appendit enim pecuniam, quam Ephrem postulaverat, audientibus filiis Heth, quadringentos siclos argenti probatæ monetæ publicæ:* Gen. 23. v. 16.

*Consect. 3.* Peccant emptor & venditor, cum subornant & interponunt personas, quæ sub dolosis & fictis conditionibus efficiunt, ut res veneant vel infra, vel ultra debitum pretium; quia fraus omnis a contractibus exulare debet: ita D. Th. 2. 2. q. 77. a 1. *Fraudem adhibere ad hoc, quod aliquid plus justo pretio vendatur, omnino peccatum est, in quantum aliquis decipit proximum in damnum ipsius.* Unde Tullius dicit. lib. 3. de officiis: *Tollendum est de rebus contrahendis omne mendacium. Non licitatore venditor, nec qui contra se licitetur emptor opponat.*

*Consect. 4.* Peccant monopolium privata autoritate exercentes; & toties ad restitutionem tenentur, quoties damnum inferunt: ita jus civile: *Si quis autem monopolium ausus fuerit exercere, bonis propriis spoliatus perpetuitate damnetur exilii:* lib. 4. C. tit. 39. de monopolio: L. 4. c. unica.

1. Peccant contra iustitiam legalem; quia lex prohibet monopolium.

2. Peccant contra charitatem; quia non faciunt proximo quod sibi vellent fieri.

3. Peccant contra iustitiam commutativam, si excedant justum & vulgare pretium.



Monopolium autem privatum fit pluribus modis.

1. Quando mercatores conspirant, ut nullus eorum emat supra certum pretium, quod ipsimet statuunt: neque ullus vendat infra pretium, de quo inter ipsos convenit.

2. Quando unus vel plures emunt omnes merces unius generis, ut postea soli vendant certo pretio.

3. Quando unus vel plures impediunt, ne alia merces advehantur, atque ita suas vendant.

4. Quando artifices conspirant, ne opus inceptum ab uno, & ab alio derelictum, ab aliquo alio perficiatur.

5. Qui artem Reipublicæ necessariam, etiam si serventur indemnes, nolunt alios docere, nisi ea conditione, ut non communicetur aliis. Ita Sylvius.

Monopolium autoritate publica est illud, quod exercetur autoritate legitimi superioris: & illud monopolium est iustum, si fiat ob causas Reipublicæ utiles; quia expedit Reipublicæ, ut passim ab omnibus non vendantur certæ quadam merces.

## §. VII.

*Prop.* unica. Contractus emptionis & venditionis censetur perfectus & completus, statim atque de pretio, ejusque quantitate, reque tradenda, inter partes convenerit, nisi aliter ex mutuo consensu contrahentes disposuerint, aut usus aliter statuatur.

*Prob.* 1. Ex jure civili: *Emptio & venditio*, inquit Justinianus, *contrahitur, simul atque de pretio convenerit, quamvis nondum pretium numeratum sit, ac ne arrha quidem data fuerit*: l. 3. Inst. t. 24.

2. *Rat.* Emptio & venditio sunt de numero illorum contractuum, qui solo consensu perficiuntur: ergo perficiuntur ex solo consensu, nisi aut conventionione aliter cautum sit, aut aliter statuatur.

## Confectaria hujus Doctrinæ.

*Consect.* 1. Emptiones & venditiones, quæ scriptura conficiuntur, non censentur completæ, nisi instrumenta emptionis fuerint conscripta vel manu propria contrahentium, vel ab alio quidem scripta; & si per tabellionem fiunt, nisi & completiones acceperint. & tue-

fuerint partibus absoluta: donec enim aliquid deest ex his, pœnitentiæ locus est, & potest emptor & venditor recedere ab emptione & venditione sine pœna - - - Emptor tamen perdit quod dedit; venditor vero duplum restituere compellitur: ita Just. ibid. Consensus enim non censetur plenus, nisi hæc omnia accesserint.

*Consect. 2.* Licet res vendita non fuerit tradita, nec pretium acceptum, tamen in utroque contrahente certæ quædam oriuntur obligationes, a quibus non possunt citra peccatum se eximere. 1. Neutra pars potest, sine invita altera, contractum illum rescindere, ut habetur l. 5. C. de obligationibus & actionibus. 2. Periculum & commodum rei venditæ transit ad emptorem, ut habetur ff. l. 8. *De periculo & commodo rei venditæ.* 3. Demum emptor & venditor debent initis conventionibus stare, quod magis constabit ex paragrafo sequenti.

### §. VIII.

*De his, ad quæ tenetur emptor & venditor completo contractu.*

*Prop. unica.* Completo contractu emptionis & venditionis, contrahentes debent mutuo sibi promissa exequi, venditor rem venditam tradendo, emptor vero justum pretium aut dando, aut assecurando; qui pacto non steterit peccat, & tenetur ad restitutionem damni.

*Prob. 1.* Ex jure civili: *Et in primis ipsam rem præstare venditorem oportet, hoc est, tradere: L. 11. §. 2. ff. De actionibus emptionis & venditionis. Quod vendidi non aliter fit accipientis, quam si aut pretium nobis solutum sit aut satis eo nomine factum: L. 19. ff. De contrahenda emptione.*

2. *Rat.* Emptio & venditio non fit nisi eo fine, ut emptor rem emptam possideat, & venditor promissum pretium assequatur: ergo ille debet rem tradere; iste vero pecuniam vel tradere, vel securam præstare.

**Consectaria hujus Doctrinæ.**

*Præstanda a venditore.*

*Consect. 1.* Venditor debet omnia, quæ sequuntur, fideliter exequi.

1. Rem venditam tradere, ut supra dictum est. 2. Debet tradere talem, qualem vendendam proposuit; & si non tradiderit talem, tenetur ad evictionem, id est teneretur rem a se venditam coram iudice tueri, si quis occasione illius litem emptori intentaverit. 3. Debet tradere loco & tempore condicto; juxta illud: *Is, qui certo loco dare promittit, nullo alio loco, quam in quo promisit, solvere invito stipulatore potest*: L. 9. ff. de eo qui certo loco. Si de loco, de tempore non conventum fuerit, tenetur statim tradere eo in loco, ubi facta fuit conventio; juxta illud juris: *Quoties in obligationibus dies non ponitur, presenti die pecunia debetur*: L. 4. ff. de verborum obligationibus. Et rursus: *Ibi dari debet, ubi est quod legatur*: L. 33. de judiciis. Idem dic de re, quae venditur. 4. Si venditor non tradat rem debitam loco & tempore condicto, tenetur restituere damnum juxta probabile nocumentum, quod contrahenti contulit: juxta illud: *Si res vendita non tradatur, in id, quod interest emptoris, agitur*: L. 1. ff. de actionibus emptionis & venditionis. Damnum autem illatum emptori debet pensari, non ex eo solum, quod ipse venditor acquisivit, sed ex eo quod emptor acquisiturus fuisset: L. 21. ff. de actionibus emptionis & venditionis: v. g. tenetur restituere fructus, quos percepisset ex fundo. Si emptor, v. g. coactus est emere frumentum ingenti pretio, venditor reparare illud damnum tenebitur. Si autem venditor non tradat rem venditam ex iusta causa, puta, quia periculum est, ne pretium statutum non solvatur, potest rem venditam in pignus retinere, & tunc ad nihil tenetur, ut docet Jus civile. *Venditor pignoris loco quod vendidit retinet, quoad emptor satisfaciat*: L. 31. ff. §. 8. de edilicio edicto. 5. Venditor, ut bonus paterfamilias, debet rem venditam quamdiu retinet curare; quia non alio fine in manibus ejus relinquitur; ita jubet jus civile. *Talis custodia desideranda est in venditore, qualem bonus paterfamilias suis rebus adhibet*: L. 35. §. 4. ff. de contrahenda emptione.

Sic, si venditoris incuria res empta perierit, tenebitur venditor restituere, nisi conventum fuerit, venditorem teneri tantum ex dolo, aut nisi emptoris mora, aut culpa causa fuerit, rem venditam traditam fuisse; juxta



juxta illud: *Dolum & culpam recipiunt mandatum pignore acceptum, locatum, commodatum & venditum*: L. 23. ff. *de regulis juris*.

*De modis, quibus fit traditio a venditore.*

*Consest.* 2. Toties res vendita tradita censetur, quoties non censetur amplius sub custodia venditoris; & ita traditur sequentibus modis.

Mobilia traduntur. 1. Traditione, ut si frumentum, quod emisti, in eum, quem indicasti locum, translatum fuerit. 2. Clavis datione, ut si quis merces in horreo depositas vendiderit, simul atque claves horrei tradiderit emptori: L. 2. Inst. *de rerum divisione* §. 45. 3. Solo externo consensu, ut si rem tibi locatam, commodatam, aut apud te depositam vendidero, vel rem translata difficilem, qualis est columna marmorea; tibi venditam declarem: L. 18. §. 2. ff. *de acquisitione vel rerum possessione*.

Immobilia traduntur. 1. Libera possessione; ut si libere permittam te possidere fundum meum tibi a me venditum. 2. Instrumentorum traditione, quibus constat ad me pertinere fundum, quem tibi vendidi. 3. Publico contactu, aut intuitu rei, quam tibi vendidi; ut si duxerim te in fundum tibi a me venditum, & declarem fundum illum jam tuum esse.

Incorporalia traduntur. 1. Cessione, ut si cedam alteri jus quod mihi debetur. 2. Patientia, ut permittam te uti servitute, quam tibi vendidi.

*Præstanda ab emptore.*

*Consest.* 3. Emptor debet omnia quæ sequuntur exequi. 1. Debet pretium condictum, aut æquivalens venditori tradere; quia non ad alium finem res venditur, nisi ut ejus pretium obtineatur; unde ait jus civile: *Quod venditur, non aliter fit accipientis, quam si aut pretium nobis solutum sit, aut satis eo nomine factum*: L. 19. ff. *de contrahenda emptione, & venditione*.

2. Debet pretium statutum loco & tempore condictis tradere; quia res tali conditione vendita est.

3. Si emptor ex culpa pretium statutum non tradiderit, tenebitur damnum reparare: quod damnum

emergens, ubi clare non constiterit, pensatur secundum interesse praescriptum a Principe; juxta illud: *Venditori, si emptor in pretio solvendo moram fecerit, usuras dumtaxat praestabit, non omne omnino, quod venditor mora non facta consequi potuit: L. ult. ff. de periculo & commodo rei venditae.* Ubi vero clare constiterit, tenebitur emptor omne damnum ex mora culpabili reparare.

4. Emptor debet solvere usuras ob dilatam solutionem. 1. Si ita cum causa conventum sit, supposito titulo damni emergentis vel lucri cessantis. 2. Si venditor solutionem coram iudice cum iusto titulo exegerit. 3. Si res empti sit frugifera, v. g. ager, animal, vinea, &c. quia in illis casibus venditor damnum patitur.

5. Si emptor ex mora, vel culpa sua rem emptam apud se non recipiat condicto loco & tempore, si ea perierit, perit emptori; quia res domino perit. Si res fuit empti cum pacto retrovenditionis, si incuria emptoris res empti vel perierit, vel deterior facta fuerit, tenebitur eam reparare; quia res vendita sub pacto retrovenditionis, est quasi sub custodia acquirantis, & proinde tenetur eam reparare, si ex incuria deterior fiat.

## §. IX.

### *De rescissione venditionis.*

*Prop. unica.* Toties rescindi potest venditio, quoties facta fuerit non servatis conditionibus contractus; & si non rescinderetur, non servaretur rationalis intentio emptoris & venditoris.

*Prob. ex dictis.* Toties contractus rescindi possunt, quoties non observatae sunt conditiones contractus; & si persisterent, non servaretur rationalis intentio contrahentium: Ergo toties debet rescindi emptio & venditio, quoties non observatae sunt conditiones contractus.

### *Consektaria hujus Doctrinae.*

*Consekt. I.* Venditio rescindenda est, si non tradatur a venditore res vendita, vel pretium rei venditae

ta ab emptore loco condicto, & tempore condicto; juxta illud: *Non impleta promissi fide, dominii tui jus in suam causam reverti conveniat*: L. 6. C. de *Pactis inter emptorem & venditorem compositis*.

Consect. 2. Venditio rescindi debet, I. Si vitium non patens sed occultum, non tenue sed insigne, & emptori periculosum, usumque rei venditæ impediens occultatum fuerit; juxta illud: *Si quid tale fuerit vitii, sive morbi, quod usum ministeriumque hominis impediat, id dabit redhibitioni locum*: L. 1. §. 8. ff. de *adilitio edicto*.

Sic, si fundi pestilens exhalatio, si servitus incommoda occultata fuerit, rescissio habet locum: sed si res fuerit vendita bona fide, propter minimam causam inempta fieri non debet: ut dicitur L. 54. ff. de *contrahenda emptione*.

2. Quando duo connexa veneunt, v. g. jumenta paria, si alterum sit inutile, potest venditio rescindi quoad singula; quia jumenta non separantur: ut dicitur L. 38. ff. §. ult. de *adilitio edicto*.

3. Si res fuerit vendita cum pacto retrovenditionis, modo intra tempus præscriptum redimatur, venditio rescinditur, si pretium acceptum restituatur; quia ea conditione facta est emptio & venditio.

4. Rescissio venditionis sine ulla causa potest fieri mutuo partium consensu, ut dictum est. *Etenim quod consensu contractum est, contraria voluntatis adminiculo dissolvitur*: L. 1. C. lib. 4. tit. 45.

5. Cum sit redhibitio, aut rescissio venditionis, oportet, ut omnia in integrum restituantur, perinde ac si neque emptio, neque venditio intercessisset, ut dicitur L. 60. ff. de *adilitio edicto*. Et ita emptor reddet fructus rei emptæ: venditor pretium, & lucrum ex pretio perceptum.

Monit. 1. Venditio vel emptio, quæ sit autoritate publica non potest rescindi, si forma juris observetur; quia hæc venditio censetur semper justa, & rationalis; juxta illud juris: *Dictum illud non pertinet ad venditiones fiscales*: L. 1. ff. *ibid*.

Monit. 2. Quando rescissio commode fieri non potest, & emptor aut venditor deceptus est, tunc per jus aliud offertur supplementum, scilicet, *actio quanti mino-*



*minoris*, qua sit, ut pretium & res vendita ad justam æqualitatem reducantur, & damnum quod alter contrahentium patitur, reparetur.

### §. X.

#### *De jure retractus.*

*Nota.* Jus retractus est jus, quod habet aliquis, ut præferatur emptori ratione consanguinitatis, quam habet cum vendente.

*Prop. unica.* Jure retractus potest res vendita retrahi e manu emptoris, invito emptore & venditore.

*Prob. rat.* Toties res vendita potest retrahi e manu emptoris, quoties id legibus permittitur; quia contractus debent juxta leges iniri: Atqui legibus permittitur, ut jure retractus res vendita possit retrahi a manu emptoris per consanguineos venditoris, ut bona familie in ea familia permaneant: Ergo jure retractus res vendita potest retrahi e manu emptoris.

#### *Confectaria hujus Doctrinæ.*

*Consect. 1.* Ex parte rerum: quæ res possint retrahi & quæ non possint retrahi. Res tantum immobiles possunt retrahi: his adjunguntur annui redditus, census, pensiones perpetuæ, ususfructus venditus, modo hæ res sint de genere & familia, & de majorum bonis, & non recenter acquisitæ a venditore: ita Gregorius Tolosanus: lib. 26. cap. 1. Retrahi non possunt res etiam immobiles, quæ hic subjiciuntur, 1. Res limitaneæ Regni non possunt retrahi a parente proximiori cui Princeps minus fidei; quia bonum Principis præfertur bono privato. 2. Res Regi venditæ, aut ad fiscum delatæ, sive ob crimen, sive per contractum; quia bonum Regis bono privato præfertur. 3. Res venditæ Ecclesiæ, vel ab Ecclesiâ; quia hæc proximos non habet. 4. Res hæredibus venditæ; quia jus familiæ non videtur mutatum. 5. Res venditæ pro augendis scholis & Ecclesiis; quia utilitati publicæ privata cedit. 6. Feuda vendita, ne vassalli cogantur habere dominum, quem nolunt. 7. Res donatæ, mutuatæ, commodatæ, locatæ, datæ in solutionem, res permutatæ, nisi in fraudem fieret permutatio,

tatio, non possunt retrahi; quia solus contractus venditionis dat jus retractus: ita Gregorius Tolos. ibid.

*Consect. 2.* Ex parte personarum: quinam possint uti jure retractus, & quinam non possint.

Jure retractus uti potest proximus, non remotior, sed propinquior; & si plures sint eodem gradu, omnes possunt, non modo ipsi proximi, sed etiam eorum hæredes necessarii, immo & extranei, si propinquus defunctus vel cœperit, vel dixerit se veille retrahere: cedere vero jus retractus extraneo proximus non potest.

Jure retractus uti non possunt, qui hic subjiuntur. 1. Hi, qui sunt conjuncti cum venditore sola adoptione, vel affinitate. 2. Spurii non possunt bona patris naturalis retrahere. 3. Qui jure civili pro mortuis habentur, ut deportati. 4. Hi, qui res redhibendas emere non possunt; unde non retrahunt, qui munera & officia, quæ rebus retrahendis hærent; præstare non possunt, v. g. femina feudum non femineum, persona Ecclesiastica feudum temporale: ita Gregorius Tolos. ibid.

*Consect. 3.* De modo utendi jure retractus. Proximus retrahere volens rem venditam debet primo extra judicium emptorem interpellare, ut secundum consuetudinem loci huic juri satisfaciat; & si recuset, instituere actionem in rem scriptam. 2. Pretium æquale cum legitimis impensis restituere, vel saltem offerre realiter in pecunia numerata; idque in domo emptoris, vel eo absente, debet pecuniam deponere apud personam publicam; & hoc nomine & jure retractus; totumque illud fieri debet intra annum & diem a tempore venditionis, nisi brevius vel longius tempus consuetudo admittat: ita idem Gregorius Tolos. ibid.

## §. XI.

### De Jure evictionis.

*Nota.* Jus evictionis est jus, quod habet verus dominus rei, ut rem suam ab alio venditam autoritate judicis recuperet.

*Prop. unica.* Jure evictionis legitimus dominus rei potest rem suam ab alio venditam e manu emptoris judicis autoritate retrahere.

*Prob.* Quilibet potest autoritate iudicis rem suam ubicumque fuerit persequi: Ergo potest eam recuperare, quando, ipso invito, vendita est a non vero domino; quia nemo potest in alium transferre plus juris, quam ipse habet.

### Consectaria hujus doctrinæ.

*Consect. 1.* Ex parte rerum. Res quilibet sive mobilis, sive immobilis, vendita a non vero domino, potest per verum dominum evinci, id est, autoritate iudicis retrahi; quia res quilibet domino suo clamat.

*Consect. 2.* Quoad personas. Quando quis vendidit rem alienam, sive bona fide, sive mala fide vendiderit, solus dominus rei vendita potest eam evincere; quia ille solus jus habet rem illam exigendi.

*Consect. 3.* Ex parte modi evincendi. Quando res a vero domino exigitur per evictionem ab emptore, emptor debet præmonere venditorem, ut iustis defensionibus utatur: si id omittat, venditor non tenebitur ad evictionem; quia emptor in causa est, cur se venditor non defenderit.

*Monit.* Ideo ea, quæ pertinent ad venditionem & emptionem, multis executus sum; quia scilicet hæc singula possunt esse regula eorum omnium, quæ dicenda sunt de aliis contractibus, ut patebit ex dicendis.

## ARTICULUS II.

### De Permutatione.

*Nota.* Permutatio est contractus, qua res cum alia re vel ejusdem speciei, vel alterius permutatur, v.g. vinum cum vino, vinum cum oleo, &c.

*Prop. unica.* Eadem requiruntur conditiones in permutatione, quæ in venditione, his exceptis, quæ distinguunt permutationem ab emptione & venditione.

*Prob. rat.* Permutatio est vicina emptioni, ut habetur L. ultima ff. de rerum permutatione: *Aristo ait: quoniam permutatio vicina est emptioni.* Ergo iisdem conditionibus constare debet, quibus emptio & venditio, sive res, sive personæ, sive modus permutandi examinentur, modo excipias ea, in quibus permutatio differt ab emptione & venditione.



Convenit autem permutatio cum emptione & venditione sequentibus modis.

1. Utroque transfertur dominium, aut possessio rei.
2. Utroque debetur evictio. 3. Utroque debet dari id, de quo conventum est.

Differt autem permutatio ab emptione & venditione sequentibus modis.

1. Emptio & venditio perficiuntur solo consensu; permutatio vero rei traditione. 2. In emptione & venditione datur pretium pro re; in permutatione vero res pro re. 3. Vendi res aliena potest; permutari non potest.

### Confectaria hujus doctrinæ.

*Consect. 1.* Quoad permutantes. Permutantes debent habere dominium rerum, quas exponunt permutationi; quia per permutationem transfertur rerum dominium. Ideoque *Fedius ait, alienam rem dantem, nullam contrahere permutationem: L. 1. ff. de rerum permutatione §. 3.*

*Consect. 2.* Quoad res permutandas. Hæ solum res possunt permutari, quæ sunt in commercio hominum, quæque sunt in nostra potestate, & quæ ad æqualitatem redactæ sunt; alias contractus vel foret nullus, vel illicitus, ut dictum est de contractibus in communi.

*Consect. 3.* Quoad modum permutandi. In actuali permutatione permutantes non debent se mutuis dolis decipere, sed debent vitia rerum permutandarum, si quæ habeant, manifestare, ut dictum est de emptione & venditione.

## ARTICULUS III.

### De Cambio monetarum.

**C**ambium est permutatio pecuniæ pro pecunia. Ille, qui in gratiam alterius cambit, dicitur *campfor*: is vero in cujus gratiam fit cambium, *campfarius* appellatur.

Campfor alius est publicus, alius privatus.

Campfor publicus est ille, qui autoritate Reipublicæ statuitur, & hic tenetur cambire pecunias omnibus, & singulis postulantibus.

Campfor privatus est ille, qui quibus vult, & non aliis cambit pecunias. Si Respublica statuatur campfores publi-

publicos, privati non possunt exercere artem cambien-  
di; quia standum est legibus Reipublica.

*Prop. I.* Toties cambium est licitum, quoties diversæ monetae, cambio expositæ, reducuntur ad æqualitatem, quoties campforis cura iusto pretio compensatur, & lucrum cessans, aut damnum emergens reparatur.

*Prob. Ratione.* Iustitia nihil aliud exigit, quam ut res, quæ sunt materiæ contractuum, reducantur ad æqualitatem, & proinde quod labor contrahentium compensetur, & lucrum cessans, aut damnum emergens reparatur --- Ergo toties cambium monetarum erit licitum, quoties prædictæ conditiones observabuntur: & proinde cambium erit licitum in sequentibus casibus, licet aliquod lucrum moderatum accipiat.

### Confectaria hujus Doctrinæ.

#### *De casibus, in quibus licitum est cambium.*

*Consect. I.* Licitum est cambium minutum, in quo pecunie pretiosiores cum vilioribus commutantur; aut vice versa, cum viliores cum pretiosioribus commutantur; v. g. aurum datur pro argento, argentum pro ære, pecunia unius loci pro pecunia alterius, v. g. moneta Gallie pro moneta Hispaniæ, aut vice versa, diversio utriusque monete pensato pretio; quia in tali cambio campfori iustus est titulus sumendi aliquid. 1. Labor campforis in numeranda pecunia. 2. Diligentia in conquirenda pecunia omnis generis, ut præsto sit dare omni exigenti monetam, quam postulaverit. 3. Officium cambiendi, in quo necessarii sunt famuli, subeunda pericula, & alia hujusmodi: quæ singula sunt pretio æstimabilia.

*Consect. 2.* Licitum est cambium per litteras, in quo campfarius, cui opus est, ut pecunia alio invehatur, eam pecuniæ summam hic, v. g. Tolosæ campfori prius ipse campfarius numerat, quam postea campfor, litteris datis, alibi, v. g. Parisiis refundit per suos, ut loquuntur, correspondentes: etenim hoc in casu campfor iustum habet titulum sumendi aliquid. Titulus ille est, 1. Realis, aut virtualis transvectio pecuniæ. 2. *Assicuratio*, ut dicunt, pecuniæ acceptæ; suscipit enim in se onus *assicurandi* pecuniam per vias vel longas, vel diffi-

difficiles transvehendam. 3. Officium campforis est onus habendi correspondentes : quæ omnia sunt pretio æstimabilia : licet autem non transferat pecunias, sed quas jam habet, alibi exhibeat ; tamen semper potest aliquid accipere ; quia hoc per accidens habet ; & id fructus est ejus industriæ.

*Consect. 3.* Cum eadem monetæ sunt inæqualis valoris in diversis locis propter copiam monetarum in uno loco, & penuriam in alio ; tunc licitum est, inquit Soto, pecuniam ab uno in alterum locum cambire, habito respectu copię, quæ est in uno, & inopiæ quæ est in alio : Ita scilicet, ut hic, v. g. Tolosæ, ubi est inopia argenti, dem minorem summam ; & illic, v. g. Parisiis, ubi est copia argenti, majorem summam recipiam, dummodo non pallietur usura, nihilque recipiatur ratione temporis ; tunc enim dati, & accepti æqua est æstimatio ; nam potest contingere, quod hic Tolosæ, ubi est raritas monetæ, centum nummi pluris æstimentur, quam centum & decem Parisiis : sicuti centum cadi olei, hic Tolosæ ubi est penuria olei, pluris valent, quam centum & decem cadi olei Narbonæ, ubi est copia olei : ergo sicuti absque injustitia, centum & decem cadi olei, quos Narbonæ habes, possunt mutari cum centum cadis olei, quos hic Tolosæ habeo ; ita & de moneta idem dici potest, inquit Soto : & quanvis ego videam disparitatem esse maximam, quia moneta valorem habet statutum a Principe, qui nec crescere, nec decrescere potest per voluntatem contrahentium ; res vero usualis valorem habet, qui crescere & decrescere potest : tamen non videtur omnino sententia Soti reprobanda, eamque ego lectori vel approbandam, vel improbandam relinquo.

### *De Casibus, in quibus illicitum est Cambium.*

*Consect. 1.* Illicitum est cambium, in quo datur præfens moneta, & intra certum tempus restituenda est eadem quantitas monetæ cum aliquo fœnore ratione expectati temporis ; tunc enim non servatur æqualitas inter monetas, quæ commutantur : sicut usura esset, si mutares frumentum cum frumento ejusdem speciei & valoris, & ratione temporis aliquid supra datam



mensuram exigeres; tunc enim in cambio illo palliatur usura; etenim hic contractus verum est mutuum, in quo recipitur aliquid ultra sortem ratione dilate solutionis.

*Consect. 2.* Illicitum est cambium, in quo mutans monetam cum moneta, dat monetam minoris valoris, & exigit monetam valoris majoris, vel ratione figure, v. g. si dares nummum gallicum, & exigeres nummum anglicum, qui, ut dicunt, consistit ex pariore & altiore metallo; tunc enim non servaretur æqualitas in monetis: sicuti si permutans triticum, dares commune, & exigeres longe melius.

*Consect. 3.* Illicitum est cambium, in quo, imminente diminutione pretii monetarum, nolles dare, neque accipere monetam pretio statuto a Principe, sed dares computando altiori pretio & reciperes computando inferiori; quia non servaretur æqualitas: moneta enim legitimam habet a Principe pretium, quod metas est vel excedere, vel non pertingere.

*Prop. 2.* Justum pretium campforis publici est illud, quod statuitur a Principe. Justum pretium campforis privati est illud, quod vulgo sumitur a viris probis ejusdem artis.

*Prob. rat.* Cambium mensurari potest ad instar emptionis & venditionis: Atqui in venditione justum pretium est vel illud quod statuitur tum a lege tum a Principe, vel illud quod statuitur communiter a viris probis: Ergo & in cambio.

*Consect. unicum.* Sicut illicita est venditio vel emptio, quoties non servatur pretium vel statutum a Principe, vel determinatum ab hominum æstimatione; ita cambium erit illicitum, quoties campfor plus accipiet, quam vel consuetudo, vel leges statuerint.

## CAPUT VI.

*De Contractibus, in quibus non transfertur dominium rei, sed transfertur ususfructus.*

### ARTICULUS UNICUS.

*De emphyteusi & feudo.*

**N**ota. Emphyteusis est contractus, quo sub onere pensionis annuæ transfertur usufructus, seu dominium utile

utile rei immobilis, retento dominio directo : L. I. & 2. C. de jure emphyteusis. Dans fundum vocatur dominus ; recipiens vocatur emphyteuta. Feudum est contractus , quo sub onere fidelitatis , & obsequii personalis transfertur dominium utile rei immobilis , retento dominio directo. Ibidem.

Dans fundum vocatur dominus : accipiens fundum vocatur feudatarius , seu vassallus.

*Prop. unica.* Dans fundum in feudum , vel emphyteusum , conservat tantum dominium directum , & solum potest exigere pensionem ab emphyteuta , fidelitatem vero vel obsequium personale a feudatario. Accipiens vero fundum vel in feudum , vel in emphyteusum , acquirit solum dominium utile , & tenetur solvere vel pensionem , si sit emphyteuta , obsequium vero personale , si sit feudatarius.

*Prob. rat.* Hæc est natura contractus feudi , vel emphyteusos : cum enim nec vera venditio sit , nec vera locatio , non traditur dominium directum rei , ut vulgo sit in venditione , nec traditur solus usus rei , ut vulgo sit in locatione ad certum tempus ; sed feudator retinet dominium directum rei , & feudatarius acquirit usufructum , seu dominium utile sub onere obsequii personalis. Item emphyteuta retinet dominium directum rei , emphyteutarius acquirit usufructum , seu dominium utile , sub onere pensionis : ergo dans fundum debet retinere dominium directum , & accipiens debet solvere quod promisit ; quilibet enim debet stare conditionibus contractus a se initi. Totum illud colligitur ex L. I. cap. de jure emphyteutico.

### Confectaria hujus Doctrinæ.

*Confect. 1.* Quoad personas. Hi soli possent dare in feudum , qui sunt veri domini fundi : & hi solum possunt accipere in feudum , qui possunt acquirere dominium utile ; quia ille contractus non fit ob aliam finem , & ita qui sunt incapaces domini , nequeunt dare , vel accipere in feudum.

*Confect. 2.* Quoad res. Res solum immobiles , quæ cultu possunt fieri meliores , possunt dari in feudum vel emphyteusum , v. g. agri , vineæ , imo ædificia ; mini-

me vero res mobiles, v. g. vestimenta, equi &c. -- quæ usu possunt fieri deteriores; quia finis feudi, & emphyteuseos est, ut fundi inculti, & steriles per culturam fiant meliores; ædificia vero conserventur, & domino directo pensio solvatur.

*Consect.* 3. Quoad modum & effectus, qui feudum comitantur tam respectu domini, quam emphyteute. Dominus, 1. Retinet semper dominium directum feudi. 2. Quotannis in recognitionem illius domini pensionem accipit. 3. sine illius consensu fundus non alienatur, & si velit emptori præfertur. 4. Cum alienatur, laudemium ei solvitur, Gallice *Lots & ventes*.

Emphyteuta, 1. Habet dominium non directum, sed utile, & percipit omnes fructus fundi. 2. Tenetur ad meliorationes, & earum pretium potest exigere, dum invitus fundum dimittit. 3. Fundum non potest sine consensu domini permutare, donare, legare, oppignorare. 4. Potest eo fundo non secus ac proprio uti.

Ex parte vero utriusque, scilicet domini, & emphyteute, hæc observandæ sunt leges.

Si fundus datus in feudum, vel emphyteusim, casu aliquo pereat, v. g. inundatione, incendio, perit domino fundi. Si fundus pereant, pereunt feudatarios; quia res qualibet domino suo perit. Feuda seu feudator, vel emphyteutans est dominus fundi: feudatarius, vel emphyteuta est dominus fructus.

Si fundus pereat ex toto, feudatarius eximitur a totali obsequio, & emphyteuta a totali pensione: si pereat ex parte, potest petere diminutionem vel obsequium, vel pensionis, vel fundum superstitem dimittere; quia pensio & obsequium fundantur supra fundum, sicut accessorium supra principale.

*Consect.* 4. De dissolutione, rescissione contractus feudi, & emphyteuseos. Feudatarius & emphyteuta possunt privari fundo, si violent statutas condiciones feudis aperte contrarias; quia omnis contractus dissolvitur, si non stetur conventis: & ita cessat feudum, & emphyteusis, si negetur pensio vel obsequium personale. Si emphyteuta per triennium cessaverit a solutione, cadit suo jure: L. 2. C. de jure emphyteusis. Si emphyteuta Ecclesiasticus cesset per biennium, cadit suo jure: Nov.



Nov. 7. tit. 1. cap. 3. §. 2. Si vendatur res emphyteutica sine consensu domini : si non solvatur laudemium Gallice *Lots & ventes* : si feudatarius , & emphyteuta sit insigniter ingratus erga dominum : si fundum deteriore faciat. Hæc omnia colligo ex Nov. 120. tit. 3. c. 8.

Si feudatarius, vel emphyteuta fundum meliorem fecerint, si ex culpa sua fundum deserant, vel quia sponte volunt deserere fundum, vel quia nolunt solvere pensionem, vel obsequium; tunc non poterunt meliorationis pretium exigere, sicuti de usufructuario dicitur.

## CAPUT VII.

*De Contractibus, quibus transfertur solus usus rei, v. g. de locatione & conductione, commodato & precario.*

Nota. Usus rei transfertur aliquando gratis, aliquando pro pretio : usus rei transfertur gratis per commodatum & precarium : transfertur vero pro pretio per locationem & conductionem.

## ARTICULUS I.

*De Locatione & Conductione.*

Nota. Qui dat usum rei, dicitur locator : qui accipit, dicitur conductor.

Locatio est contractus, quo res, vel persona ad usum justo pretio conceditur.

Conductio est contractus, quo res vel persona ad usum justo pretio comparatur.

### §. I.

*De Conditionibus requisitis ad locationem & conductionem.*

Prop. unica. Eadem requiruntur conditiones in locatione & conductione, quæ in emptione & venditione, his exceptis, quæ possunt emptionem & venditionem a locatione & conductione distinguere.

Prob. Jure civili - - Locatio & conductio est proxima emptioni, & venditioni, iisdemque regulis consistit; nam, ut emptio & venditio ita contrahitur, si de pretio conveniit; sic & locatio & conductio ita contrahi intelligitur, si merces constituta sit; & competit locatori quidem locati

*actio, conductori vero conducti actio; Inst. lib. 3. tit. 25.* Ergo iisdem conditionibus constare debet, quibus constat emptio & venditio.

Conductio & locatio conveniunt cum emptione & venditione in sequentibus modis.

1. Uterque contractus est contractus bonæ fidei, ultro citroque obligatorius. 2. Uterque perficitur consensu. 3. Ut in emptione & venditione consensus est in rem & pretium, sic hic in rem, & mercedem. 4. Quod ut ibi pretium, sic hic merces in arbitrium tertii conferri potest. 5. Sicut in pecunia pretium rei sic in pecunia merces rei consistit.

Conductio, & locatio differunt ab emptione & venditione. 1. Quod in emptione res tantum datur; hic non res tantum, sed facta veniant. 2. In contractu emptionis, & venditionis proprietas alienatur; in locatione usus tantum venit. 3. Pretium tantum consistit in pecunia numerata; merces potest consistere in omni re fungibili. 4. Venditor egens re vendita a traditione non excusatur; bene tamen locator, si ea egeat. 5. Post contractum emptionis, & venditionis casus fortuiti ad emptorem spectant; non rei conductæ ad conductores. Hæc omnia educuntur ex toto titulo Locati, & toto titulo de contrahenda emptione.

### Consektaria hujus Doctrinæ.

*Consekt. 1.* Quoad locantes, & conducentes. Locans & conducentis debet habere dominium rei, quam exponit contractui: ille rei quam locat, iste pretii quod recipit; quia nemo potest contractibus exponere quæ sui juris non sunt.

*Consekt. 2.* Quoad res, quæ sunt materia locationis, & conductionis. Res locata debent esse utiles, & non perniciosæ conducenti; quia res perniciosæ ex commercio hominum excludi debent. Sic locari possunt 1. Res soli usui inservientes, ut domus habitanda, liber legendus, &c. -- 2. Res frugiferæ, ut agri, vineæ, prata, stagna piscifera, fodinæ, &c. -- Opera artificum, instructio magistrorum.

Locari non possunt res, quæ solo usu totaliter consumuntur, ut oleum, vinum, frumentum. moneta ipso usu

usu consumenda; quia in his rebus usus non differt ab ipsa re; juxta illud juris: *Commodari non potest id, quod usu consumitur, nisi forte ad pompan. & ostentationem quis accipiat*: L. 3. ff. §. 6. commodari, vel contra. Eadem ratione locari nequeunt domus usurarius, lenonibus, & aliis hujusmodi, ut vetant leges tum civiles, tum Canonicae.

*Consect. 3.* De æqualitate servanda in locatione & conductione.

Usus, & utilitas rei locatae debent reduci ad æqualitatem cum pretio dato a conductore; quia alias contractus esset injustus, si pretium non æquivaleret usui & utilitati, & utilitas & usus pretio. Sic totum pretium debet restitui, si res locata nulli usui esse potuerit; debet vero reddi ex parte, si ex parte solum utilis fuerit, v. g. si domus pestilens locata fuerit, si equus inutilis locatus fuerit.

Sic pensio debet ex toto remitti, si citra culpam conductentis res frugifera omnino sterilis fuerit, ut dicit jus civile. *Si labes, inquit, facta sit, omnemque fructum tulerit, damnum coloni non esse - sed damnum domini futurum*, ut habetur L. 15. ff. locati §. 3. Debet remitti ex parte, si ex parte sterilis fuerit, nisi aliter conventum fuerit inter contrahentes. juxta hanc regulam: colono unius tantum anni sit quædam remissio, si ingens sterilitas contingat; nulla vero sit remissio, si exigua sterilitas evenit. *Modicum damnum debet ferre colonus, cui immodicum lucrum non auferitur*: L. 26. ff. locati §. 6. Sic colono multorum annorum nulla fit remissio pensionis ob sterilitatem etiam ingentem unius anni; quia sterilitas unius anni per ubertatem multorum annorum compensatur. *Si uno anno remissionem quis colono dederit ob sterilitatem, deinde sequentibus annis contingit ubertas, nihil obesse domino remissionem, sed integram pensionem etiam ejus anni, quo remisit, exigendam*: L. 15. §. 4. locati.

Si locator & conductor contractum ineunt quo, servata æqualitate, & pensatis omnibus, minori pretio fundi conductor suscipiat in se omnem casum, omnem sterilitatem, standum est contractui, nullaue ei fieri debet remissio ob sterilitatem ex causis naturalibus proveniente. *Si quis, inquit Jus civile, fundum locaverit, ut*



*etiam si quid vi majori accidisset, hoc ei præsaretur, passio standum esse: L. 19. ff. §. 2. locati.*

*Consect. 4.* Circa modum locandi, & conducendi. Si locationi, & conductioni admisceantur alii contractus, qui non sint contra naturam locationis & conductionis, pacta, & statuta illorum contractuum observanda sunt; quia nihil tam rationi congruum, quam statuta pacta observari.

Sic, si dominus locator fundi, & colonus conductor quamdam societatem ineant, *Partiarius colonus, quasi societatis jure & lucrum & damnum societatis jure patitur cum domino fundi: L. 24. ff. locati. §. 6.*

## §. II.

### *Quid præstandum a Conductore.*

*Prop. unica.* Conductor non potest uti re conducta, nisi juxta vel pactum, vel consuetudinem; & si ea abutatur, tenetur reparare damnum culpa sua, vel dolo seu proveniens; si vero ea non abutatur, non tenetur reparare damnum, quod solo casu evenit.

*Prob. Ex jure civili.* *In judicio tam locati, quam conducti, delum & custodiam, non etiam casum, cui resisti non potest, venire constat: L. 28. C. De locato: ergo si conductor vel contra pactum, vel contra consuetudinem, vel dolose, vel culpabiliter agat, tenetur damnum reparare.*

### *Consectaria hujus Doctrinæ.*

*Sequitur, conductorem peccare, & teneri ad restitutionem in sequentibus casibus.* 1. Si contra pactum agat: v. g. si ignem habeat, ubi non haberi conventum est, & incendium contingat, tenetur reparare damnum; *quia, inquit jus civile, non debuit ignem habere: L. 11. ff. Locati. §. 1.* Si fœnum paleamve ponat, ubi conventum erat non poni - - Si servus ignem deferens succendat, tenetur reparare; *quia ipse causam præbuit, inferendo contra conductionem, inquit jus civile L. 11. ff. Locati §. 5.* Si mulas, equos &c. rumpat opprimendo infueto onere L. 30. ff. Locati §. 2. Si colonus fundum ante præfixum tempus deserat: L. 24. ff. Locati. §. 2.

2. Si ex culpa sua, vel suorum, res conducta pereat, vel deterior fiat, tenetur reparare; *quia culpam debuit præ-*

præcavere. *Periculum*, inquit lex, *præstat, si qua ipsius, eorumque, quorum opera uteretur, culpa acciderit*: L. 25. ff. Locati. §. 7.

Si conditor inimicum injuste provocavit, & hic ex ira excidat fundi conducti arbores, conductor tenetur reparare: L. 25. ff. Locati §. 51. Si conductor levi metu percussus, latronibus, milibusve diripiendam exponat rem locatam, tenetur reparare; minime vero, si iusto fuerit metu percussus: L. 27. ff. Locati. §. 1.

3. Si res conducta casu pereat, vel deterior fiat, conductor ad nihil tenetur; quia nemo tenetur casibus imprevisis. Sic, si extra culpam & dolum res conducta pereat ignibus, aquis, latronibus, ad nihil tenetur conductor, quia *incendia, aquarum magnitudines, impetus prædonum a nullo præstantur*, ut habetur L. 23. ff. de regulis juris.

### §. III.

#### *Quid præstandum a Locatore.*

*Prop.* unica. Locator tenetur efficere, quantum in se est, ut conductor pacifice, & commode juxta actionem re conducta fruatur; si hanc curam sine causa omittat, tenetur damnum hinc secutum reparare.

*Prob.* Ex jure civili. Hæ sunt leges locationis. *Plane, si forte dominus frui non patiatur, quod interest præstabitur*: L. 15. ff. Locati §. 8.

#### *Confectaria hujus Doctrinæ.*

Ex quo sequitur, locatorem peccare, & teneri ad restitutionem in casibus sequentibus.

1. Si non stet pactis. *Si quid in lege conductionis convenit, si hoc non præstatur, ex conducto agetur*, ut dicitur: L. 15. ff. Locati §. 1.

2. Si res locata talis detur, ut ea uti pacifice & commode conductor non valeat, vel quia res non datur integra, sed solum ex parte, ut si non domus integra, sed solum aliqua ejus pars detur; vel quia non datur commoda: v. g. si fenestræ sint effractæ, ostia corrupta: L. 25. ff. Locati §. 2.

3. Si res conducta, ex dolo, vel culpa locatoris sit noxia conductori: v. g. *Si dolia vitiosa locaverit, dein-*

*de vinum effluxerit, tenebitur ad id, quod interest. nec ignorantia ejus erit excusata: L. 19. ff. Locati §. 1. quia debebat examinare dolia, antequam ea locaret. Si saltum pascuum, inquit lex, locasti, in quo herba mala nascebatur -- Quod interest, prastabitur, si scisti: si ignorasti, pensionem non petes. Ibidem.*

4. Si res locata sine causa ante præfixum tempus a conductore auferatur, tenetur damnum hinc sequens reparare; quia pacta non servat. Potest tamen res locata auferri a conductore, minnendo pretium pensionis pro rato tempore, quo conductor re locata spoliatur. 1. Si res locata sit propriis usibus ipsius locatoris necessaria: v. g. si ipse locator velit domum suam, quam locavit, habitare: L. 3. C. de re locata. 2. Si res locata vendatur, vel legato donetur: ibid. 3. Si conductor pensionem non solvat, vel re conducta male utatur, & non tamquam bonus paterfamilias: L. 3. C. ibid. 4. Si conductor pensionem non solvat -- colonus ejicitur tunc pensionum debitarum nomine: ibid.

#### §. IV.

##### *De locante suas operas.*

*Prop. 1. Qui locat suas operas, tenetur opus susceptum juxta regulas artis perficere: si non faciat, tenetur damnum, ex ignorantia sua, vel negligentia, vel dolo proveniens, reparare.*

*Prob. ex jure civili, ubi sic habetur: Poterit ex locato cum eo agi, qui vitiosum opus fecerit: L. 51. ff. Locati. §. 1. Ergo qui suas locat operas, tenetur opus susceptum juxta regulas artis perficere.*

##### *Confectaria hujus Doctrinæ.*

Sequitur, quod hi omnes, qui hic subjiciuntur, peccant, & ad restitutionem tenentur.

1. Colonus, qui intempestivo tempore culturam adhibet; quia, inquit lex, colonus curare debet, ut opera rustica: suo quoque tempore faciat, ne intempestiva cultura si indum deteriorem faceret: L. 25. ff. Locati. §. 5.

2. Pastor negligenter armenta custodiens: qui mercedem accipit pro custodia alicujus rei, is ejus periculum prastat.



3. Vectores publici, v. g. nautæ, muliones, rhedarii, qui res a loco in locum deferendas suscipiunt, & integras non exhibent, habetur contra eos actio ex locato: L. 13. ff. Locati §. 2. & L. 25. §. ibid.

4. Fullones, sartores, qui non reddunt integra, quæ eis commissa sunt, etiam si vulgari casu perierint. Si fullo vestimenta polienda acceperit, eaque mures rose-rint, ex locato tenebitur; quia debuit ab hac re cavere: Et si pallium fullo permutaverit, & alii quod est alterius dederit, ex locato actione tenebitur, etiam si ignarus fecerit: C. 13. ff. Locati. §. 6.

5. Artifices demum omnes, qui opus vitiosum efficiunt; quia locarunt se ut artifices: L. 9. ff. de Locato. §. 5.

*Prop. 2.* Artifex non tenetur ea damna reparare, quorum nullatenus est causa.

*Prob. rat.* Tunc artifex nullatenus est in culpa: ergo non debet damnum pati.

### Confectaria hujus Doctrinæ.

Sequitur, quod artifices ad nihil tenentur in subjectis casibus.

1. Si dominus voluerit artefactum fieri contra regulas, invito artifice præmonente; tunc enim debet vitium operis sibi imputare: L. 51. ff. Locati. §. 1.

2. Si dominus materiam dederit, circa quam artifex artem suam exercere coactus fuerit: si opus vitiosum fuerit ex conditione materiæ, & non ex incuria artificis. Si gemma, inquit lex, includenda, data sit, eaque fracta sit, siquidem materiæ vitio factum sit, non erit ex locato actio, si imperitia facientis erit - Nisi periculum in se artifex susceperit: L. 13. §. 5. ff. Locati.

3. Si casus omnino imprævisus opus corruperit: v. g. si ædificium pene perfectum motu terre conciderit. Si soli vitio id acciderit, locatoris erit periculum; si operis vitio acciderit, tuum, id est, artificis, erit detrimentum: L. ultima ff. Locati. In priori casu, in quo scilicet non est culpa, compensandæ erunt artificis operæ; minime vero in posteriori, in quo est culpa.

TRACT. XV. CAP. VII.  
ARTICULUS II.*De commodato & precario.*

**C**ommodatum est contractus, quo res aliqua ad solum usum gratuito conceditur pro determinato usu, & pro determinato tempore, ea conditione, ut res eadem in individuo restitatur. Precarium est contractus, quo res aliqua ad solum usum gratuito conceditur, non determinando usum vel tempus. Diciturque precarium, eo quod precibus petentis utendum conceditur, tamdiu is, qui concessit, patitur: L. 1. ff. de precario quamdiu.

*Prop. unica.* Eadem requiruntur conditiones in commodato, & precario, quæ requiruntur in donatione, paucis exceptis, quæ distinguunt donationem a commodato & precario.

*Prob. rat.* Commodatum non est pignus, aut depositum; quia in pignore res datur securitatis gratia, in deposito custodia gratia. Non est mutuum; quia in mutuo accipiens fit dominus rei acceptæ, in commodato accipiens potest tantum uti re accepta. Non est locatio; quippe locatio fit sub certa mercede, commodatum autem fit gratuito. Ergo commodatum est gratuita donatio hujus rei, quæ commodatur: ergo eadem requiruntur conditiones in commodato, quæ in donatione.

## Consectaria hujus Doctrinæ.

*Consect. 1. Quoad personas.* Illi omnes commodare possunt, non solum qui habeant dominium rei, sed etiam ejus possessionem, sive liberi, sive patres, sive filii familias: & quidem possunt commodare unicuique, modo speretur, quod res commodata non futura sit ipso usu deterior; quia nihil ultra requiri potest a domino, nisi ut res ipsa reddatur. *Commodare possumus*, inquit jus civile, *rem etiam alienam, quam possidemus, tamen si scientes alienam possideamus*: L. 15. ff. Commodati vel contra.

*Consect. 2. Quoad res.* Ea solum possunt commodari, quorum usus distinguitur ab ipsis rebus; qualia sunt omnia, quæ usu non consumuntur, sive mobilia sint, ut venæ &c. sive moventia, ut equus, &c. sive immobilia, ut domus &c.

*Consect.*

*Consect. 3. Quoad modum.* Modus commodati præfigitur a commodante; cum enim commodatum sit donatio usus, donatoris est modum beneficio suo præscribere. *Modum*, inquit jus civile, *finemque præscribere ejus est qui beneficium tribuit*: L. 17. ff. Commodati. §. 3.

Si modus commodati & quoad usum, & quoad tempus non præscribatur a commodante, consuetudine mensurabitur; quia consuetudo est contractuum interpretes, sicut & legum. Sic, si equum commodavero, si librum, &c. eis utendum est ad usus solitos & non insolitos, v. g. equo ad iter agendum, libro ad legendum; minime vero ad oppignorandum.

Si modus commodati nec expresse per conditionem a commodante impositam, nec per consuetudinem cognosci possit, per æquitatem judicari debet. Sic commodatum potest repeti ante præfixum tempus, etiam cum damno commodatarii, si simile damnum impendeat commodanti; quia æquitas postulat, ut dominus rei potius re sua utatur, quam alius. Sic commodatum non potest repeti ante tempus præfixum, vel nondum expleto usu, ad quem datum est; quia alias commodatum magis noceret, quam proderet.

*Consect. 4. De obligatione commodatarii.* Commodatarius tenetur servare commodatum præ rebus suis, si sit pretiosius, vel æque pretiosum; æquitas enim postulat, ut commodatarius, in cujus utilitatem cedit commodatum, damnum patiatur potius quam commodans. Sed si res commodatarii sint longe pretiosiores re commodata, poterit commodatarius præferre res suas commodato; æquitas enim postulat, ut nemo patiatur ingentem jacturam in rebus suis, ut vitet minorem in alienis.

## ARTICULUS III.

### De Mandato.

**M**andatum est quasi manudatum; fit enim cum quid alteri gerendum committitur.

Mandatum est contractus, quo negotium aliquod alii cui gratuito gerendum committitur, & suscipitur. Qui committit negotium, dicitur mandans, seu mandator: qui suscipit negotium, dicitur mandatarius.

*Prop.*



*Prop. unica.* Eadem requiruntur conditiones in mandato, quæ requiruntur in locatione operarum, hoc solum discrimine, quod locatio operarum non est gratuita, mandatum vero debet esse gratuitum.

*Prob.* Ratione desumpta ex jure civ. In summa sciendum est. mandatum, nisi gratuitum sit, in aliam formam negotii cadere: nam mercede constituta incipit locatio esse & conductio, ut dicitur Lib. 3. Inst. tit. 27. §. 12. Ergo ob assimilatem, quam mandatum habet cum locatione & conductione operarum, eadem requiruntur conditiones in mandato, quæ in locatione & conductione operarum; hoc excepto, quod locanti operas ex iustitia debetur compensatio, mandatario autem ex gratitudine solum debetur honorarium.

### Consectaria hujus Doctrinæ.

*Consect. 1. Quoad personas.* Mandans habere debet auctoritatem circa rem, quam mandat: mandatarius vero debet habere dominium operarum, quas promittit; quia nemo potest exponere contractui, nisi quæ ipsius sunt.

Sic nemo potest aliena negotia alicui committere; quia ad id non habet auctoritatem. Sic qui non sunt sui juris, v. g. Monachus, servus, &c. non possunt aliena negotia suscipere; quia non sunt domini suarum operarum.

Sic actus legitimi per solemnes legis actiones, coram iudice expediendi, mandari non possunt privato homini; quia debent fieri per personam publicam: v. g. aditio hereditatis: L. 9. ff. De acquirenda hereditate. Adoptio. L. 24. ff. De adoptione. Emancipatio: Lib. 3. Inst. tit. 1. §. 12. Tutoris datio: L. 6. ff. De Tutoribus. Acceptilatio: L. 13. ff. De acceptilatione, non possunt committi nisi personis ad id per jura destinatis.

*Consect. 2. Quoad res.* Illa solum possunt mandari, quæ sunt honesta & licita, non turpia vel injusta; mandatum enim de re turpi non est obligatorium, etiamsi firmaretur juramento, ut habetur de regulis juris in 6. Non est obligatorium, inquit regula, contra bonos mores prestitum juramentum: Reg. 58.

*Consect. 3. Quæ æqualitas servanda in hoc contractu.*

Hono-

Honorarium datum a mandante, & mandatarii operæ non debent ex iustitia, sed solum ex decencia reduci ad æqualitatem; quia mandatum debet esse gratuitum: & si honorarium interveniat, debet esse non merces operarum, sed gratuita compensatio, quæ promissa accipi valeat, negata vero exigere non permittatur; nam ex iure civili, L. 1. ff. §. 4. Mandati vel contra, *Mandatum nisi gratuitum nullum est; nam originem ex officio atque amicitia trahit.* Mandans tamen tenetur ex iustitia restituere mandatario omne diminutum, quod passus est mandatarius in mandati executione, modo mandatarius mandantem de damno, quod passurus erat, præmonuerit. *Sumptus*, inquit lex, *bona fide necessario factos, nisi negotio finem adhibere procurator non potuit, iudicio mandati restitui necesse est*: L. 56. ff. Mandati vel contra. §. 4. Ne, ut eodem titulo dicitur L. 15. *damno aficiatur is, qui suscipit mandatum.*

*Consect. 4. De modis, quibus mandatum potest fieri*  
Mandatum variis modis dividitur. Aliud est voluntarium, quod sponte suscipitur. Aliud necessarium, quod suscipitur imperio Magistratus. Aliud expressum, quod committitur expressa voluntate mandantis. Aliud generale, quod universa negotia mandantis complectitur. Aliud tacitum, quod committitur per patientiam mandantis. Aliud speciale, quod non nisi certum aliquod negotium attingit. Aliud mandantis causâ; ut si mando, quod mihi fundum emas. Aliud mandatarii causâ; ut si mando tibi, quod tibi fundum emas. Aliud extranei causâ; ut si mando Petro, quod fundum emat Paulo. Aliud simplex; ut si mandem, quod unius tantum geras negotium. Aliud mixtum; ut si mandem, quod multorum geras negotia, v. g. tua & aliena, mea & tua: & in omnibus mandatis mandans & mandatarius debent juxta regulas mandati se gerere.

*Consect. 5. De obligatione mandantis & mandatarii.*  
Mandans debet permittere, ut mandatarius negotium susceptum fideliter exequatur, & mandatarius debet illud exequi secundum formam præscriptam; quia hæc sunt utriusque contrahentis munia. Sic mandans potest, re adhuc integra, revocare mandatum; minime vero jam incœpta, modo mandatarius non excedat si-

nes mandati. Sic mandatarius, re integra, potest renunciare mandato; minime vero intempestive, & re jam incœpta.

## CAPUT VIII.

*De Contractibus, quibus sola res traditur vel custodienda, ut in deposito, vel pro securitate debitorum, ut in oppignoratione.*

## ARTICULUS I.

*De Deposito.*

## §. I.

*Quid & quotuplex depositum.*

**D**epositum est contractus, quo res aliqua alicui custodienda traditur, ut integra restituatur: L. 1. ff. *Depositi vel contra.*

Depositum est duplex: judiciale, & privatum. Depositum judiciale est, cum res aliqua litigiosa committitur alteri, ut eam custodiat, donec cognita causa constet, cui debeatur. Depositum privatum est, quando res aliqua committitur apud privatam aliquam personam, cui fidimus.

Persona qualibet, cui prudenter fidere possumus, potest depositum servare; res vero qualibet, quæ custodiri potest, est materia depositi.

## §. II.

*De munere Depositarii.*

*Prop. unica.* Depositarius debet semper rem depositam quasi suam inspicere, ut eam custodiat; debet vero eam quasi non suam inspicere, ne eam contrectet contra expressam, vel tacitam deponentis voluntatem.

*Prob. rat.* Nec proprietas, nec usus rei conceduntur depositario, sed tantum res illa traditur custodienda: ergo depositarius debet eam illam deponenti servare.

**Consectaria hujus doctrinæ.**

*Consect. 1.* Depositarius peccat, & ad restitutionem tenetur, quoties ex ejus dolo, vel negligentia damnum aliquod deponenti enascitur; quia est in culpa, v. g. 1. Si res deposita dolo, aut negligentia pereat, aut deterior fiat:



fiat: C. Bona fide, de deposito. 2. Si non adhibeat tantam curam in custodiendo deposito, quantam adhibet in rebus suis; quia præsumitur dolus. 3. Si hæres inscriptus rem testatori suo depositam dolose distrabat; quia nemini sua fraus patrocinator. 4. Si re deposita, v. g. argento, utatur depositarius contra expressam voluntatem deponentis, si tali usu lucretur aliquid, tenetur damnum illatum reparare; quia est in culpa: L. 24. ff. Depositi vel contra: Et C. L. 4. ejusdem tituli, ubi sic habetur: *Si deposita pecunia, qui eam suscepit, usus est, non dubium est, etiam usuras debere prestare.*

*Consejll.* 2. Depositarius non peccat, nec ad restitutionem tenetur, quoties secunda ejus negligentia & dolo, damnum aliquod nascitur deponenti; tunc enim, ut supponitur, non est in culpa: v. g. si res deposita. 1. Peccat casu, puta, incendio, inundatione. 2. Si depositarius non valens simul & rem suam, & rem sibi depositam servare, præferat conservationem rerum suarum deposito. 3. Si hæres scriptus bona fide depositum distrabat; quia bona fides excusat: si tamen vendiderit depositum, tenebitur dare pretium acceptum; quia non potest locupletari re aliena: si non acceperit pretium, tenebitur dare deponenti actionem exigendi, vel pretium, vel depositum; quia debet impedire, ne deponens nocumentum patiat. Si depositarius utatur re deposita cum expressa vel tacita voluntate domini, si aliquid lucretur, poterit retinere; quia dominus censetur solum exigere rem depositam sibi integrum reddi.

*Monit.* Sequestratio est rei litigiosæ sequestro commissa custodia autoritate judicis; ideo ad eadem tenetur sequester, ad quæ tenetur depositarius. Insuper, si res deposita sit immobilis, puta fundus, tenetur sequester eam rem frugiferam elicere, & fructus deductis expensis vendere, & pretium in manu judicis collocare. Si res vero sit mobilis, v. g. fructus fundi, supellectilia, & alia hujusmodi, quæ servando, ut dicunt, servari nequeant, tenetur ea autoritate judicis vendere, & pretium in manu publica deponere, ut cedat in bonum illius, ad quem res sequestro commissa pertinet. Totum illud colligitur ex L. 2. ff. Depoñti.

## ARTICULUS II.

*De pignore & hypotheca.*

**H**ypotheca est contractus, quo res immobilis obligatur creditori in solutionem debiti, non facta traditione rei obligata. Pignus est contractus, quo res mobilia obligatur creditori in solutionem debiti, facta traditione rei oppignorata, juxta illud juris: *Proprie pignus dicimus quod ad creditorem transit, hypothecam, cum non transit*: L. 9. ff. §. 2. de pignoratitia actione.

*Prop. I.* Traditio & acceptio pignoris & hypothecæ easdem fere requirunt conditiones, quas exigunt venditio & emptio, his exceptis, quæ venditionem & emptionem ab actione pignoratitia distinguunt.

*Prob. rat.* Traditio & receptio pignoris quamdam habent affinitatem cum emptione & venditione: etenim sicuti venditor tradit rem emptori, & ab eo accipit pretium; ita oppignorans tradit rem creditori, & ab eo accipit pretium, cujus est debitor, eo solum discrimine, quod emptor accipiat rem in dominium, creditor vero accipiat rem solum in securitatem debiti: Ergo traditio & acceptio pignoris & hypothecæ easdem fere debent habere conditiones, quas habent emptio & venditio.

## Confectaria hujus Doctrinæ.

*Confess. I. Quoad personas.* Illi solum possunt tradere rem in hypothecam & pignus, qui possunt vendere: & illi solum possunt accipere rem in pignus vel hypothecam, qui possunt mutuo dare; quia oppignorans est quasi venditor; & accipiens pignus & hypothecam est mutuator: & ita qui non possunt vendere, non possunt oppignorare: & qui non possunt mutuo dare, non possunt res sub pignore vel hypotheca accipere. Vide dicta de venditione & mutuo.

*Confess. 2. Quoad res* -- Illæ res solum possunt dari in hypothecam & pignus, quæ sunt in commercio hominum, quæque sunt in nostra potestate, & quæ habent aequalitatem cum debito; si enim non sint in commercio hominum, si non sint in nostra potestate, & si  
non

non adæquent debitum, decipitur creditor; si vero longe excedat debitum, fraudatur debitor.

Sic res omnes, quæ emi & vendi possunt, v. g. res mobiles, & immobiles, res corporales & incorporales, res actu existentes & futuræ, uti emi possunt, ita & in pignus vel hypothecam accipi; juxta illud juris: *Quod emptionem venditionemque accipit, etiam oppignorationem accipere potest*: L. 9. ff. de pignoribus & hypothecis.

Sic res omnes, quæ emi & vendi non possunt, tradi pariter nequeunt in pignus, vel hypothecam: tales sunt, v. g. res sacræ. *Omne enim, inquit Scriptura, quod Domino consecratur, sive homo fuerit, sive animal, sive ager, non vendetur, non redimi poterit: quidquid semel fuerit consecratum, sanctum sanctorum erit Domino*. Lev. 27. v. 28. Sicuti vendi non poterit, ita nec oppignorari: de quo ita etiam Jus civile. *Sancimus, inquit, nemini licere sacratissima, atque arcana vasa vel ad venditionem, vel pignus trahere*. L. 21. C. de Sacro-Sanctis Ecclesiis. Id tamen licitum erit autoritate publica, pro causa publica, vel ad nutriendos pauperes tempore famis, vel ad repellendos hostes tempore belli, ut dicitur ibid.

Sic res alienæ, sicuti non possunt a nobis vendi, dissentiente domino, ita nec oppignorari; bene tamen consentiente domino, ut habetur L. 20. ff. de pignoratitia actione.

Sic res omnes, quas leges vetant vel alienari, vel oppignorari, etsi essent in nostra potestate, nequeunt tradi in pignus vel hypothecam: & ita oppignorari non possunt. 1. Res feudales; eas enim alienari lex vetat, de prohibita feudi alienatione per Fridericum. 2. Res dotales: C. L. unica de rei uxoriæ actione. 3. Res litigiosæ: L. 1. ff. quæ res pignori, vel hypothecæ data. 4. Res minorum: L. 1. C. de prædiis & aliis rebus minorum, &c. Res Fideicommissæ obnoxie: L. final. C. communio de legatis. 6. Res bello partæ, instrumenta artis, v. g. instrumenta aratoria, &c. L. 1. C. quæ res obligari possunt pignori vel non.

Consect. 3. Quoad modum oppignorandi. Modus dandi & accipiendi pignus talis debet esse, ut nec creditor rem sibi debitam perdat, nec debitor bis eandem



summam restituat; is enim est pignorum & hypothecarum finis, ut creditor dormiat securus, & debitor servetur illaesus.

Sic debitor peccat, & ad restitutionem damni illati tenetur in sequentibus casibus. 1. Si rem viliozem loco pretiosioris oppignoret, v. g. vitrum pro gemma, cuprum pro auro, rem sterilem pro re frugifera: quibus fraudibus fit, ut debitum reddatur minus securum: uti enim peccat, & ad damni restitutionem tenetur venditor, qui rem viliozem pretiosiori substituit; ita idem tenetur qui similem fraudem committit oppignorando. 2. Si rem jam obligatam alicui creditori, novo creditori obliget, non pramonendo priorem creditorem, precipue si res non sit utroque debito pretiosior: uti enim peccat qui re jam vendita uni, eandem vendit alteri; ita & qui rem uni oppignoratam alteri oppignorat. 3. Si rem pignori datam distrahat, dilapidet, vendat; etenim per hujusmodi fraudes creditor decipitur, & summa ab eo mutuo data minus secunda redditur: & juxta Jus civile, debitor sic decipiens creditorem, tamquam stellionatus aut furti reus puniendus est: L. 36. ff. de pignoratitia actione. Et si conventum sit, quod debitori non licebit hypothecam vendere, si contra pactionem vendiderit, certum est, inquit Jus, nullam esse venditionem, ut pactioni stetur: L. 1. ff. de distractione pignorum & hypothecarum.

Sic creditor peccat, & ad restitutionem damni illati tenetur in sequentibus casibus. 1. Si rem pignori datam non custodiat tamquam bonus paterfamilias: ait enim Jus civile: Ea igitur, quae diligens paterfamilias in rebus suis praestare solet, a creditore exiguntur. L. 14. ff. de pignoratitia actione. 2. Si rem pignori datam, tamquam suam habeat; non enim illius est dominus, sed custos; ait enim Jus civile: Pignus manente proprietate debitori, solam possessionem transfert ad creditorem: L. 35. eodem tit. 3. Si re pignori data utatur usu quo fiat deterior: tunc enim debet damnum illud compensare: ita enim jubetur L. 2. C. de pignoratitia actione, ubi sic habet: Quod ex operis ancillae, vel ex pensionibus domus, quam pignori detineri dicis, perceptum est, debiti quantitatem revilabit. Et L. 3. ejusdem tit. dicitur: quod si agrum

deto.

deteriorem constituit, eo quoque nomine pignoratitia actione obligatur: quæ singula, ut fufius pateant, fit

### §. III.

*Quotuplex hypotheca & oppignoratio: quæ licita, & quæ illicita?*

*Prop. 1.* Duplex præcipue distingui potest hypotheca, & oppignoratio: legalis scilicet, quæ a lege independenter à nostro consensu statuitur: & conventionalis, quæ libera contrahentium voluntate firmatur.

*Prob. rat.* Hypotheca & oppignoratio venditionem imitantur ex dictis: atqui duplex est species venditionis, altera legalis, quæ fit autoritate legis, etiam contra voluntatem possessoris, altera conventionalis, quæ fit ex conventionem partium: ita & duplex est oppignoratio, altera legalis, altera conventionalis.

### Confectaria hujus Doctrinæ.

*Consect. 1.* Toties intervenit hypotheca & oppignoratio legalis, quoties sunt bona, quæ ex æquitate naturali obligantur aliis; æquitas enim postulat, ut autoritate legis sint certæ res, quæ alias securas efficiant, ut sic bono tum publico, tum privato provideatur, & sceleratorum hominum fraudes, quantum fieri potest, impediuntur. Sic ex vi legis, omnia seclusa conventionem, bona, quæ hic subijciuntur, nexu hypothecæ aliis obligantur.

1. Bona singulorum debentium tributa, obligantur fisco; decet enim tributa esse secuta & firma: L. 1. C. quibus causis pignus & hypotheca contrahantur. 2. Bona Tutoris & Curatoris obligantur pupillis & minoribus, ne scilicet, qui res suas non gerunt, ab aliis fraudentur: L. 20. C. de administratione Tutorum. 3. Bona Consulium, & bonæ eligentium Consules, Reipublicæ obligantur, ne scilicet publicæ res male administrantur: L. 4. C. quo quisque ordine conveniatur. 4. Bona mariti obligantur pro dote uxoris, ut dos uxoris servetur indemnis: L. 1. §. 1. de rei uxoriæ actione. 5. Bona mariti, qui ducit in uxorem viduam, habentem

filios pupillos, si hic susceperit eorum tutelam, obligantur iisdem pupillis, si ante initas nuptias non petatur alius tutor: L. 6. C. in quibus causis pignus & hypotheca tacite contrahitur. 6. Bona patris obligantur pro bonis adventitiis filiorum, ne filii incuria patris fraudentur. 7. Bona defuncti obligantur pro expensis omnibus tum morbi, tum funeris: L. penultima ff. de religiosis & sumptibus funer. ne scilicet agrotantes sine curatione decedant, & cadavera sint sine sepultura. 8. Domus edificata vel reparata manet obligata mutuatori, qui dedit pecuniam ad huiusmodi constructionem vel reparationem: L. 7. C. qui potiores in pignore. 9. Bona testatoris manent obligata legatariis: ut scilicet legata non inutiliter absorbeantur: L. 1. C. communia de legatis. 10. Fundus emptus non soluto pretio manet obligatus venditori; injustum enim esset venditorem privari & re, & pretio rei: L. 13. ff. §. 8. de actionibus empti & venditi. Eadem ratione fundus emptus pecuniis mutuo acceptis manet obligatus mutuatori, modo constet pecunias numeratas esse eo fine, ut emeretur fundus, & de hoc fiat mentio in instrumentis emptionis. 11. Fundus feudalis manet obligatus domino, cum ejus fundi habeat directum dominium. 12. Supellectilia detentionis: illata & investita pignori erunt obligata, inquit Jus civile L. 2. ff. quibus causis pignus vel hypotheca tacite contrahatur. Demum generali ratione, quodlibet opus est obligatum suo artifice, meliorationes fundi colono, merces transvecta vectori, &c.

*Consect.* 2. Toties intervenit hypotheca conventionalis, quoties contrahentes specialiter paciscuntur, se velle bona sua obligare: & hæc hypotheca est talis, qualem contrahentes inire volunt, cum omnino dependeat a rerum arbitrio.

Multiplex assignatur: alia est universalis, alia particularis, alia communis, alia specialis.

Hypotheca universalis ea est, qua omnia bona debitoris obligantur, ea scilicet, quæ alienari possunt, v. g. res præsentis, & futurae; nam res non venales, ut jus patronatus, feudum &c. non subjiciuntur hypothecæ universali.



Hypotheca particularis ea est, qua bonum aliquod in particulari obligatur, & ultra illud bonum obligatio non extenditur: v. g. censualis pensio obligat sibi fundum, in quo fundatur.

Hypotheca communis ea est, quæ non præfertur alteri, nisi ratione temporis, juxta hanc regulam: qui prior est tempore, potior est jure.

Hypotheca specialis ea est, quæ ex speciali privilegio præfertur alteri, qua fit, ut qui est posterior tempore, sit tamen potior jure.

*Monit.* Hypotheca legalis semper juxta præsumitur; lex enim nihil nisi justum præcipit: sed hypotheca & oppignoratio conventionalis possunt esse injustæ; quia homines in suis contractibus solent iniquas condiciones aliquando apponere, nisi per legem corrigantur: quæ iniquitas sequenti propositione apparebit.

*Prop. 2.* Toties illicita est hypotheca, vel oppignoratio, quoties creditor, præter securitatem summæ mutuo traditæ, aliquid aliud exigit a debitore.

*Prob. 1.* Ex jure civili. *Creditor*, inquit *jus, qui pignus accepit, possessor non est, tametsi possessionem habeat aut sibi traditam, aut precario debitori concessam*: Ergo non sibi sed debitori tenet: ergo non potest uti pignore, nisi ad solam securitatem debiti.

2. Ratione desumpta ex jure civili. Illud est privilegium pignoris & hypothecæ, ut det solum securitatem creditori, nullum vero damnum afferat debitori: Ergo toties erit injusta hypotheca & oppignoratio, quoties apponetur aliqua conditio onerosa debitori. *Quod enim ex lege, inquit jus, datum est lucrum, privatus auferre modis omnibus non valet: Novella 22. cap. 33.*

3. Alia ratione. Toties injusta est conventio, quoties legibus est contraria; quia ut dicitur L. 38. ff. de pactis: *Jus publicum privatorum pactis mutari non potest*: Atqui juxta leges creditor nihil potest exigere a debitore, nisi securitatem debiti: Ergo injuste agit, si condiciones onerosas imponat debitori.

### Consecraria hujus Doctrinæ.

*Consect. 1.* Peccat creditor, & ad restitutionem tenetur,

neat, si absque conventione uratur pignore, vel hypotheca, licetumve aliquod percipiat, si lucrum illud non computet in solutionem debiti; quia tunc contra legem fructus percipit ex pignore; de quo ita jus can. C. Quoniam de usuris, ubi sic habetur: *Auctoritate presentium duximus injungendum, ut eos, qui de possessionibus, vel arboribus, quas tenere in pignore noverunt, sortem, deductis expensis, receperunt, ad eadem pignora restituenda, sine usurarum exactione, Ecclesiastica distributione compellantur.* Et C. Cum contra, de pignoribus dicitur: *Nos igitur attendentes, quod in talibus perceptio fructuum in solutione sortis accedat, cum secundum canonicas sanctiones fructus restitui, & in sortem debeant computari - - Ipsas possessiones restituendas esse decrevimus.* Illud idem expresse docet jus civile L. I. de pignoratitia actione. Fructus, inquit, ex pignore percepti imputantur in sortem, & si sufficiant ad totum debitum, solvitur actio, & redditur pignus. Quod si fructus debitum excedant, superflui redduntur, videlicet amota actione pignoratitia.

Consect. 2. Illicita est conventio, in qua per pactum legis commissoriae convenit inter debitorem & creditorem, quod res tradita in pignus, vel hypothecam, ad creditorem pertinebit, si intra certum tempus non persolvatur argentum mutuo traditum: hæc enim conditio onerosa debitori est contra naturam oppignoracionis, cujus est solum securum reddere debitum. Ideo pactiores illas reprobatur jus can. Significante de pignoribus, ubi sic dicitur: *Cum igitur pactum legis commissoriae sit in pignoribus improbatum.* Illud idem expressius improbat jus civile L. 3. C. de pactis pignorum, ubi sic Constantinus populum alloquitur. Quoniam, inquit, inter alias captiones, præcipue commissoriae pignorum, legis crescit asperitas, placet infirmari eam, & in posterum omnem ejus memoriam aboleri. Si quis igitur tali contractu laboret, hac sanctione respiciat.

Consect. 3. Illicitum est pactum, in quo convenit, quod debitor non poterit rem hypotheca, aut pignore traditam vendere, & debitum luere; hæc enim conventio non esset traditio pignoris, sed alienatio:

ideo Constantinus lege supra citata hanc conventionem invalidam declarat, & jubet pignus reddi debitori, & summam mutuo traditam solvi creditori. *Creditores enim*, inquit, *re hypothecaria amissa, jubemus recuperare quod dederunt.* Immo jus civile eam conventionem, qua debitori interdicitur pignus a se datum vendere, ut æquitati naturali contrariam reprobatur; sic enim habet L. 7. de distractione pignorum & hypothecarum. *Queritur*, inquit, *si pactum sit a creditore, ne liceat debitori hypothecam vendere vel pignus: quid juris sit, & an pactio nulla sit talis, quasi contra jus sit posita, idque venire possit, certum est venditionem esse nullam, ut pactioni stetur.* Ubi jus statetur conditionem illam a creditore impositam debitori nullam esse.

*Consect. 4.* Aliquando licitum, aliquando illicitum est pactum *antichreseos*, in quo convenit, ut fructus pignoris cedant pro usuris pecuniæ mutuo data.

Illicitum est, si creditor nullum habeat titulum sumendi interese; tunc enim *antichresis* est usura palliata, cum sumatur aliquid supra sortem, sine ullo titulo lucri cessantis, vel damni emergentis: atque ideo fructus percepti debent computari in sortem, ut dictum est.

Illicitum pariter est idem pactum, si creditor habeat titulum sumendi interese, & fructus excedant usuras legitimas, ut loquitur Jus civile. Si plus acceptum est, quam *usurarum legitimarum ratio colligit, minime oportet*: L. 14. C. de usuris.

Licitum vero est pactem *antichreseos*, si creditor titulum habeat sumendi interese, & fructus ex pignore percipiendi, deductis expensis, non excedant interese: tunc enim fructus inserviunt ad compensandum vel lucrum cessans, vel damnum emergens. Eam conventionem licitam credit Papinianus: L. 10. ff. de pignoribus & hypothecis, eamque comparat cum venditione conditionata. Nam, inquit, cum emptorem *ususfructus tuetur Prætor, cur non creditorem tuetur?* Et L. 17. C. de usuris, eadem conventio his verbis confirmatur. Si ea, inquit, lege possessionem mater tua apud creditorem suum obligavit, ut fructus



*in vicem usurarum consequeretur, obtentu majoris percepti emolumenti, propter incertum fructuum eventum rescindi placita non possunt. Ubi lex duo exigit, & quod fructus sint incerti, & quod legitimas usuras non excedant.*

*Consect. 5. Creditor aliquando licite, aliquando illicite agit, quando exigit, quod ad solutionem summe mutuo data vendatur pignus pro assecuratione debiti traditum.*

*I. Illicite agit, si exigit venditionem pignoris, etiam si egeat pecuniis mutuo traditis: peccatque contra charitatem, durius exigendo quod debitum est, & immisericorditer vendendo pignus, quo forte debitor indiget: de quo ita Scriptura Exod. 22. v. 26. Si pignus, inquit, a proximo tuo acceperis vestimentum, ante solis occasum reddes ei. Ipsum enim est solum, quo operitur, indumentum carnis ejus, nec habet aliud, in quo dormiat. Si clamaverit ad me, exaudiam eum; quia misericors sum. Et Deuteron. 24. v. 12. Si autem debitor pauper est, non pernoctabit apud te pignus, sed statim reddes ei ante solis occasum, ut dormiens in vestimento suo benedicat tibi, & habeas justitiam coram Domino Deo tuo.*

*2. Illicite agit creditor exigens vendi pignus, etiam si egeat pecuniis mutuo datis, si in pignoris venditione non observet modum constitutum a lege: de qua ita Justinianus: L. 2. inst. tit. 8. Ne creditores, inquit, justum persequi impedirentur, neque debitores temere suarum rerum dominium amittere viderentur, nostra constitutione constitutum est, & certus modus impo-  
tus est, per quem pignorum distractio possit procedere. Itaque creditor in vendendo pignore, quae sequuntur debet observare.*

*I. Sive conventum sit, sive non, quod res oppignorata vendi possit; tamen creditor illam licite potest vendere, debitore existente in mora solvendi.*

*Si nihil de ea venditione convenerit, post unam denuntiationem debitori testato factam, ut solvat debitum, & post expectatum biennium, creditor pignus vendere poterit. Si expresse inter partes convenerit de pignore non distrahendo, post factam trinam denun-*

denuntiationem, cum cursu biennii, fiet condemnatio per judicem, petente creditore, ut pignus distrahatur. Si pignus non inveniatur emptorem, nec luat debitor, creditor jure dominii poterit pignus retinere. Totum istud colligitur ex Cod. toto Tit. *De jure dominii impetrando.*

## ARTICULUS III.

### *De Fide - jussione.*

Fide - jussio est contractus, quo quis alienam obligationem suscipit implendam, si principalis contrahens non faciat quod ipopondit. *Qui alieno nomine obligatur*, inquit jus civile, *fide - jussor vocatur*: L. I. ff. §. 8. *De obligationibus & actionibus.*

*Prop. unica.* Eadem requiruntur conditiones in fide - jussore, quæ in principali contrahente.

*Prob. rat.* Fide - jussio est quasi accessorium contractus initi ab eo, qui principaliter obligavit: Ergo easdem subit obligationes; accessorium enim sequitur naturam principalis.

### Consectaria hujus Doctrinæ.

*Consect. I. Quoad personas.* Illi omnes possunt fide-jubere, qui possunt contrahere, nisi a lege prohibeantur; quia fide - jussio est contractus specialis, qui aliquibus interdictur.

Sic generaliter omnes, qui sunt sui juris, si per legem specialem non obest, possunt fide-jubere; quia possunt contrahere.

Sic fæminæ, licet contrahere possint pro seipsis, tamen prohibentur fide-jubere pro aliis per Senatus-Consultum Vellejanum, ob sexus imbecillitatem; quia levitate magis, quam libertate mulier videtur consentire. Non adjuvatur tamen mulier Vellejano, si ei renuntiet, si post biennium iterum se obstringat, & pignora det ad firmandam fide - jussionem; quia tunc plena libertate videtur fide-jubere.

Sic milites non possunt fide-jubere; quia, cum armis incumbant, non est æquum, ut *privatis negotiis* occu-

*occupentur*: L. 31. C. *De locato & conducto*. Sic minores non possunt fide-jubere propter privilegium, quod habent, restitutionis in integrum.

*Consect. 2. Quoad res.* Fide-jussio potest fieri pro re honesta, minime vero pro re inhonesta: sicuti pro re honesta, non vero inhonesta potest fieri contractus.

Sic fide-jussio contrahi potest, I. Pro obligatione naturali & civili; quia id honestum est. *Fide-jussor*, inquit jus, accipi potest, quoties est aliqua obligatio civilis, vel naturalis: L. 16. ff. *De fide-jussoribus* §. 2. Item pro obligatione presenti & futura. *Fide-jussor futura quoque actionis accipi potest*, ut dicitur L. 50. ff. *de periculo*. Immo etiam pro multis pecuniaria, quibuscumque hominum delictis iniuncta, fide-jussio dari potest; quia hac solutio nihil continet inhonesti: sed pro delicto personali fide-jussio non potest dari; quia inhonestum est spondere pro crimine, ut innuitur L. 46. ff. *De fide-jussoribus*. Equum enim est, ut reus personaliter puniatur, injustum vero, si alius pro illo puniatur.

*Consect. 3. Quoad modum.* Fide-jussio talis est quoad modum, qualis est contractus; quia utpote accessorium contractus, naturam sequitur contractus.

Sic regulariter loquendo, fide-jussor ad idem se obligat, ad quod obligatur principalis contrahens; ita ut plus non debeat fide-jussor, sive quantitatis, sive rei, sive loci, sive temporis, quam debet principalis contrahens, ne plus sit in accessorio, quam in principali; juxta illud juris L. 34. ff. *De fide-jussoribus*. *Qui accessionis loco promittant, in leviores causam accipi possunt, in deteriores non possunt.*

Sic liberato principali debitore, liberatur fide-jussor; quia fide-jussor est in supplementum debitoris principalis; juxta illud juris: *Fide-jussor obligari non potest ei, apud quem reus promittendo obligatus non est.*

Sic, si contractus principalis debitoris metu aut dolo iniectus fuerit, aut aliquo casu invalidus sit, si non ligetur principalis contrahens, non ligabitur fide-jussor. Sic demum, si ipse debitor principalis solverit, liberabitur & fide-jussor; juxta illud: *Non est ambigui*



*bigui juris, electo reo & solvente, fide-jussorem liberari: L. 2. de fide-jussoribus tutorum.*

## CAPUT IX.

*De Contractibus, quibus intervenit aliquod periculum, seu aliqua fors circa eas res, quæ sunt materia contractus.*

Quatuor sunt contractus, circa quorum materiam intervenit semper aliqua fors, seu aliquod periculum. Hi contractus sunt ludus, assecratio, sponso, & societas: de quibus singulis in hoc capite agendum.

### ARTICULUS I.

*De Ludo & Loteria.*

#### §. 1.

*De Ludo.*

**Nota.** Ludus est triplex, recreativus, lucrativus, & mixtus ex utroque.

Ludus recreativus est ille, in quo sola intenditur mentis relaxatio, semperque est licitus, modo fiat in debitis circumstantiis. De eo agemus infra, ubi de vario hominum statu.

Ludus pure lucrativus est ille, in quo intenditur solum lucrum; & semper est illicitus, ut docet Sylvius post divum Th. 2. 2. qu. 158. art. 3. Ludus enim, inquit, ad honestam recreationem ordinatur: culpa ergo est hoc ipso, quod per ludum magis intenditur lucrum quam recreatio: si lucrum ita ardentem intendatur, ut totam mentem occupet, est peccatum mortale, inquit Testatus in cap. 6. Matth. Qui, inquit, hac sola lucrandi intentione ludit, peccat mortaliter: si lucrum minus ardentem expectatur, erit peccatum veniale; quia mens tunc non sistit in lucro, ut in fine ultimo.

Ludus mixtus ex lucrativo & recreativo est ille, in quo primario intenditur mentis relaxatio, secundario vero modicum lucrum expectatur: & de eo solum ludo hic agimus, soletque definiri contractus, quo ludentes inter se paciscuntur, ut victori cedat quod uterque deposuit.

Ludos

Ludus mixtus potest esse triplex. Primus est, qui ex sola industria pendet, ut ludus pila, ludus globorum, &c. Secundus est, qui solo casu & fortuna regitur, ut certus quidam ludus taxillorum & chartarum, diciturque alea. Tertius est, qui partim fortuna, partim industria nititur, ut nonnulli chartarum ludi.

*Prop. 1.* Ludus mixtus, in quo ludentes inter se paciscuntur, ut victori cedat quod uterque deposuit, est licitus, modo aliunde nulla prava circumstantia vitietur, & modo ludus ille non omnino pendeat a casu & fortuna, sed magis pendeat ex industria quam ex casu.

*Prob. rat.* Prædictus ludus est certamen duorum vel plurium ad animi oblectationem pertinens, in quo proinde ludentes pacisci solent, ut victori cedat modicum quid, quod depositum est: Atqui ille contractus ex se nihil includit vitii nec ex parte personarum, nec ex parte rerum, nec ex parte modi; etenim, ut supponimus, ludentes verum habent dominium rei, quæ ludo exponitur: res etiam exposita est modica, quam licet ad mentis relaxationem exponere, sicut ad levamen corporis modicum quid interdum exponimus: ludus, ut supponimus, non est per leges prohibitus; demum omnis fraus, omnis violentia ab eo ludo excluditur: Ergo prædictus contractus ludi ex nullo capite vitiosus est: ergo est licitus. Fiet vero illicitus, si prava aliqua circumstantia vitietur; quia, ut toties diximus, bonum ex integra causa, malum ex quocumque defectu consurgit.

### Consectaria hujus Doctrinæ.

*Consect. 1. Quoad personas.* Illi solum possunt ludo mixto ludere, qui verum habent dominium earum rerum, quas ludo exponunt: cum enim per ludum in victorem transferatur dominium rei, quæ ludo exponitur, illi soli possunt ludo lucrativo ludere, qui rerum, quæ ludo exponuntur, verum habent dominium.

Sic Religiosi, qui non habent rerum, quibus utuntur, dominium, ludo lucrativo non possunt ludere. 1. Quia injuriam faciunt Communitati, res Communitatis ludo exponentes. 2. Injustitiam causant colludentibus; quia  
iti

isti exponunt pecuniam propriam, illi vero alienam. 3. Scandalum pariunt Christianis. Nec est quod dicas, quod superior possit suis Religiosis licentiam dare, ut modicas res iacro exponant: hæc enim licentia non esset in ædificationem, sed in destructionem, nisi ita raro concederet, & ob aliquam causam, quam raro puto contingere posse.

Sic uxor, quæ non habet rerum dotalium aut ex dote provenientium dominium, non potest sine licentia mariti eas res ludo exponere: facit enim injuriam marito, res dotales contra ejus voluntatem dilapidando; colludentibus injustitiam causat, pecuniam propriam non exponendo, cum isti exponant propriam, demum scandalum parit familia. Immo uxor non debet res paraphernales ludo exponere contra mariti placitum: tum quia uxor debet marito morem gerere; vir enim caput est mulieris: tum quia maritus ex decentia est bonorum paraphernorum curator: Ergo æquum est, ut ea bona non exponantur ludo contra mariti voluntatem.

Sic filii familias, qui non habent bonorum non castrensium dominium, non possunt ludo bona non castrensia exponere contra parentum voluntatem. 1. Quia injuriam patri faciunt, consumendo ludis res ipsius. 2. Injustitiam faciunt fratribus, alienando res, ad quas isti jus habent titulo hæreditatis. 3. Fraudant colludentes, exponendo ludo pecuniam alienam, cum isti propriam exponant. Possunt tamen filii familias cum consentu parentum bona castrensia ludo exponere; quia sunt bonorum illorum domini; immo & possunt ludo exponere res exiguas, quas parentes dant ad honestam recreationem.

Sic Clerici non possunt eam portionem bonorum Ecclesiasticorum, cujus non sunt domini, ludo exponere; quia id vetat natura bonorum Ecclesiasticorum: de quibus ita Concil. Parisiens. 6. an. 829. ubi sic habetur C. 15. *Non sunt res Ecclesie, ut proprie, sed ut Dominice, & a Domino commendate tractandæ. Quicumque ergo eas ad suos proprios usus, terrenosque honores, & DELECTATIONES detorquet, quanti sit discriminis, quantæque transgressionis, aperte adverti potest.* 2. Injuriam faciunt Clerici colludentibus; quippe isti pecuniam propriam ludo



ludo exponunt, illi vero alienam. 3. Qui bona illa Ecclesiastica ludo lucratur, non potest ea retinere: etenim *Sancta Sanctorum sunt: nullus profanus ex eis comedet: qui comederit, morte morietur.*

*Consect. 2. Quoad res, quæ ludo exponuntur.* Ludo exponi non debet ingens pecuniæ summa, quæ vel rei domesticæ est necessaria, vel est sublevandæ pauperum inopie ex Dei institutione destinata. Peccant enim parentes contra iustitiam æconomicam, quoties consument ludis res familiæ nutriendæ & educandæ necessarias: peccant vero contra charitatem, cum ludo exponunt res pauperibus elargiendas.

Sic modicæ tantum res ludo exponi possunt. Quantitas autem rei, quam ludis licet exponere, certo determinari non potest; hæc enim mensuranda est juxta cuiuslibet dignitatem, conditionem, & facultates. Id unum ex Cod. Lib. 3. tit. 43. de *Aleatoribus* afferam, ut possit esse ad instar regulæ. *Sed nec permittimus, inquit lex, etiam in his ludis ultra unum solidum ludere, si multum dives sit, ut si quem vinci contigerit, gravem casum non sustineat. Non enim solum bella ordinamus, sed res ludicras.*

Nota, quod post examen diligens reperi, solidum argenteum circa tempus legis conditæ non excessivæ valorem triginta assium nostræ monetæ.

*Consect. 3. Quoad naturam ludi.* Licet eo solum ludo mixto mentem recreare, qui legibus non interdicitur; quia leges, utpote in hac materia iustæ, obligant in conscientia.

Sic ludi, in quibus vita corporalis præsentis periculo exponitur, non sunt liciti; quia legibus interdiciuntur: tales sunt ludi, in quibus homines vel contra alios homines, vel contra feras cum magno vitæ corporalis discrimine decertant, ut sunt hastiludia, funambulatorum ludus, & huiusmodi.

*Consect. 4. Quoad æqualitatem.* Illi ludi mixti sunt illiciti, in quibus non servatur æqualitas vel quoad personas ludentes, vel quoad res ludo expostas.

Sic qui in ludendo cit altero colludente longe peritior, non potest licite cum eo ludere ludo lucrativo: & si aliquid lucretur, tenetur reddere; tunc enim non est:

esset aequalitas: & cum error dederit causam contractui, quod in eo ludo exponitur, iniuste acquiritur, & proinde reddendum est.

Sic, qui ludit sine pecunia praesente, vel sine animo solvendi quod ludendo promittit, illicite ludit, nec potest lucrari pecuniam praesentem, quam alter colludens exponit; quia non est aequalitas in illo contractu: & si perdat quod promittit, modo modicum sit, tenetur solvere; quia promissio ligat in conscientia. Sed si debitum ludo contractam esset ingentis valoris, non teneretur solvere; quia leges vetant tales promissiones: ita edictum Ludovici XIII. *Declaramus omnia debita per aleam contracta, omnesque obligationes, ac promissiones propter ludum factas, quocumque fuso illita, aut per personam testem fuerint, nullas esse, omnique effectu carere, & omnibus civilibus, atque naturalibus obligationibus vacuas esse.* Et jus civile, C. lib. 3. tit. 43. de aleatoribus, ubi sic habetur: *Nulla sequatur condemnatio, sed solum reddatur.*

Sic qui exponit ludo lucrativo pecunias, quatum non habet dominium, v. g. Religiosus, Clericus, uxor, filius, famulas, illicite ludit, nec potest alterius colludentis pecunias ludo acquirere: & si quid ipse lucratus fuerit, tenetur reddere; quia pecuniam, cuius non erat dominus, acquisivit, & proinde iniuste: & si quid in ludo perdidit, qui lucrati sunt, tenentur reddere; quia pecunia illa ludo exposita, non erat Clerici, Religiosi, filius, famulas, uxoris, sed ad alterum pertinebat, contra cuius voluntatem nec potest ludo exponi, nec a colludente accipi, vel retineri.

*Consect. 5. Quoad modum ludendi.* Qui in ludo lucrativo mixto vim, fraudem, & dolum intermiscet, peccat, & id, quod ludo acquirunt, tenentur restituere; quia contractus, quibus vis, fraus, & dolus interveniunt, nulli sunt, & dominium rei non transferunt.

Sic, qui vi aperta alium ad ludendum cogit, metu iniusto, dictariis &c. adigit, illicite ludit, & ludo rem acquisitam tenetur reddere; quia contractus tunc non est voluntarius. Si vero precibus ad ludum attrahat, ludus erit voluntarius; proinde retineri poterit, quod ludo citra fraudem acquireretur.

Sic qui fraude & dolo alium ludendo insigniter decipit, rem ludo acquisitam tenetur reddere; quia dolo & fraus circa substantiam contractam nullum efficiunt. Si vero, inquit Sylvius, intervenit solum ea industria, eaque solertia, quæ juxta leges ludi solet prudentum arbitrio permitti, res ludo acquisita servari potest.

*Prop. 2.* Ludus lucrativus, in quo vel sola intervenit fors, vel fors insigniter industria prævalet, est omnibus Christianis illicitus, præcipue quando in eo exponitur ingens pecuniæ summa.

*Prob. 1.* Ex jure canonico; sic enim habet Concilium Quini sextum can. 50. *Nullum omnino, sive Clericum, sive Laicum, ab hoc deinceps tempore alea ludere jubemus: qui secus fecerit, excommunicetur.*

2. Ex jure civili L. 1. ff. de aleatoribus, ubi sic habetur: *Senatus-Consultum vetuit in pecuniam ludere, præterquam si quis ceriet hasta, vel pilo jaciendo, vel currendo, saliendo, luctando, pugnando, quod viriutis causa fiat.*

3. Ex jure Galiorum; sic enim decernit sanctus Ludovicus Gallorum Rex. *Inhibemus, inquit, districte, ut nullus omnino ad taxillos ludat, sive ad aleas, schachos. Idem dicendum de chartis.*

4. *Rat.* Ludus, in quo fors dominatur, aut insigniter industria prævalet, est ex natura sua prohibitus, quando ingens pecunia ludo exponitur: tum quia non decet Christianos fortibus dirigi, sed oportet eos divina providentia gubernari, & in ludis non fortunam spectare, sed industriam suam exhibere: tum quia ingens pecunia non ludo exponenda est, sed vel familiæ nutriendæ & educandæ insumenda, vel in eleemosynas expendenda.

### Conseſtaria hujus doctrinæ.

*Conseſt. 1.* Ludus alearum est omnibus Christianis interdictus, & proinde ab ipsis etiam Laicis non est ſeſtandus; ideo Concilium Eliberitanum can. 79. ſubjicit poenitentia aleatores. *Si quis fidelis, inquit, alea luſerit, poſt annum poterit communione reconciliari.* Et civile, C. de aleatoribus. Lib. 3. tit. 43. L. *Finali.* *Hac generali lege decernimus, ut nulli liceat in publicis vel privati domibus vel locis ludere, neque in genere, neque in ſpecie.*



*Consect. 2.* Ludus alearum districtius prohibetur Clericis, quam Laicis; Laicis enim prohibetur sub pœna excommunicationis comminatoriæ; Clericis vero sub pœna excommunicationis simul & suspensionis comminatoriæ, & in Clericis ebrietati æquiparatur, ut patet ex can. 42. & 43. *Apostolorum*, ubi sic habetur. *Episcopus, aut Presbyter, aut Diaconus alear atque ebrietati deserviens, aut desinat, aut certe communione privetur. Subdiaconus, aut lector similia faciens, aut desinat, aut communione privetur.* Et titulo de vita & honestate Clericorum, sic habetur: *Clerici ad aleas & taxillos non ludant, nec hujusmodi ludis intersint.* Quos canones innovat & confirmat Trid. SS. 22. c. 1. de reform.

*Consect. 3.* Ludus alearum strictius adhuc prohibetur his, qui domos suas ad prohibitos hujusmodi ludos fovendos locant; id enim prohibetur lege civili loco citato Codicis, & jure Gallorum: sic enim habet Sanctus Ludovicus. *Scholas, inquit, deciorum prohibemus, & prohibere volumus omnino: tenentes ea districtius puniantur. Fabricæ etiam deciorum prohibeantur.* Et edictum Ludovici 13. sic habet an. 1629. *Omnibus subditis nostris prohibemus, interdiciamusque, ne domi suæ lusorum conventus admittant, atque habeant aleatorum receptacula, quæ Academiæ vulgo appellantur; eosque omnes, qui secus fecerint, vel qui adeo perniciosæ consuetudini domos suas prostituerint, ex hoc tempore infames, instabiles, omniumque Regionum officiorum obtinendorum incapaces declaramus.* Illud idem prohibetur jure canonico, hoc ipso quod prohibetur ludus; quod adeo verum est, ut Escobar tract. exam. c. 4. ita pronuntiet. *In foro, inquit, exponentem ludo alea, non solum peccare mortaliter, sed etiam, si lusores ad restitutionem teneantur, ipsum teneri satisfacere.* Ejus ratio haud dubie hæc est; quia locans domum suam ad ludendum, injustitiis, quæ in ludo committuntur, cooperatur. Ideo sanctus Carolus Borromæus in suis instructionibus ad Confessarios prohibet, ne absolutio impendatur locantibus domos suas ad ludendum.

*Prop. 3.* Qui alearum ludo deserviunt, seu ut dicunt, ex professio incumbunt, hi etiam a fortiori, qui quibuscumque aleatoribus domos suas ad ludendum

locant, sunt in statu peccati mortalis, & absolvi non debent, nisi prius resipuerint.

*Prob. 1.* Ex jure canonico. In allegatis supra canonicis Ecclesia excommunicationem imminatur Laicis, excommunicationem simul & suspensionem Clericis, qui alea deserviunt: Ergo status illorum est status peccati mortalis: quia excommunicatio & suspensio non nisi peccato mortali infligi debent.

*2.* Ex jure civili. Aleatores vocantur *infames*, *instabiles*, *Regiorum Officiorum obtinendorum incapaces*: cum ergo poena illa sint graves, arguunt legistorem sub poena peccati mortalis frequentem alearum usum voluisse interdicere.

*3.* Ex Patribus. Author operis de aleatoribus vocat aleam *diaboli venabulum*, *detecti vicius intemabile*, *crimen mortale*, *mali oleum*, ubi dementia sine consideratione. Sanctus Ephrem de abrenuntiatione sic habet: *Ve alearum hisoribus; quando quidem se a corpore & sanguine Domini nostri Jesu Christi alienos reddunt, sicut Spiritus sanctus admonuit per Sanctos Apostolos, id est, per canones Apostolis adscriptos. Sanctus Basilius homilia 8. in Hexametron ait, loquens de aleis: Juramenta sunt illic, contentionesque pergraves ac avaritiae partus. Spiritus malignus affuit, furororem punctis & offibus illis ludentium, injuriamque accendens. Et Chrys. hom. 15. ad populum, sic ait: Aleas tractare non videtur multis esse peccatum, sed infinita vita mala solet inferre.*

*4.* Ex Theologis. D. Bonaventura in speculo inferens causas, cur ludus alearum prohibetur sub mortali, sic habet: *Cum autem ludus satis videatur ex radice habere rationem peccati mortalis; quia scilicet ex avaritia videtur procedere; & quia ludo multa communicantur peccata, scilicet fraus, mendacium, perjurium, blasphemia, scandalum, amissio temporis, & ira frequenter. Et Cajetanus in summa loquens de ludo alearum ait: Esti nullo jure positius hujusmodi ludus interdictus foret, adhuc tamen lex naturalis manet prohibens, ne quis absque rationabili causa quidpiam assumat, cui sit annexum probabile peccati periculum, cujusmodi est ludus alearum, praesertim si principaliter ob lucrum in-*  
*situa-*

*Situatur.* Et D. Raym. in summa lib. 2. tit. 2. sic habet: Ex Canone Apostolorum colligitur, quod peccatum eorum, qui aleæ deserviunt, scilicet mortale, & grave, cum tales pæna non sint imponenda cum leuicrimine.

### Confectaria hujus Doctrinæ.

*Confect. 1.* Laici debent ludum alearum, ut peccatum mortale habere, præcipue si frequenter illi insistant: sic enim habet Toletus lib. 3. c. 27. Profecto ludus ratione multarum circumstantiarum frequentius est peccatum mortale; cum tamen magna est summa pecuniarum, vix a mortali excusatur.

Et Angelus a Clavasio in sua summa, loquens de alea a Laicis etiam exercita, ait: Alea est ludus diabolicus, qui operatione diabolica inventus est ad inducendum homines ad peccatum.

*Confect. 2.* Clerici & Monachi debent ludum alearum ut peccatum mortale habere, & hoc potiori jure quam Laici: de hoc ita Soto lib. 4. de Justitia & jure q. 5. a. 2. Sacerdotibus, inquit, vix citra mortale uti licet ludis vetitis, ac præsertim Religiosis & Antistitibus - Accidit, ut ludus sit peccatum propter scandalum personæ, quæ ratione Clericis ob eorum honestatem interdicti sunt ludi alearum: debent namque ludui potius esse dediti, quam effusis gaudiis. Et Navarrus in Manuali c. 20. docet: Quod lege ad mortale obligante prohibetur Monachi, & Clerici Beneficarii, vel in sacris Ordinibus constituti, ludere hujusmodi aleæ ludis, sive fortune illicitis notabilem quantitatem, præsertim de fructibus Ecclesiasticorum Beneficiorum - quia in profanum & malum usum redditibus in pium destinatis utuntur.

## §. II.

### De Loteria.

*Nota.* Loteria est pactum multorum aliquid in commune deponentium, cessurum his, quibus signa aliqua contigerint.

*Prop. unica.* Loteria non est de se illicita, sed potest fieri illicita ex circumstantiis. Ita docent Syl-



vius in D. Th. 2. 2. q. 95. Natalis Alexander lib. 3. de pecc. reg. 18.

*Prob.* Loteria potest considerari multipliciter. 1. Ut ludus, quo ludentes exponunt aliquid cessurum illis, quibus aliqua schedulae sorte obvenerint: ludus non est illicitus ex se: ergo neque loteria. 2. Ut contractus emptionis, quo inferentes certam pecuniam emunt jus fortiendi & acquirendi illud, quod sorte contigerit: emptio rei incertae non est illicita: ergo neque loteria. Ut donatio conditionalis, qua inferentes certam pecuniam donant fortientibus illud, quod fors obtulerit: donatio non est illicita: ergo neque loteria. Potest tamen esse illicita ex circumstantiis, si fiat aliter, quam debeat fieri; ex quo inferes, loteriam esse illicitam in sequentibus casibus.

1. *Quis.* Ratione personae. Sic loteria, etsi secundum se licita, potest tamen esse illicita. Primo Monachis & Monialibus, quibus ratione voti paupertatis nihil licet nomine proprio acquirere, & proinde nihil licet per loteriam comparare. Secundo Clericis, quibus non licet loteriae exponere eam pecuniam, quae ex iustitia debetur pauperibus. Sunt tamen casus, in quibus nec Monachis, nec Clericis illicita erit loteria, v. g. si Monachi non proprio nomine sed nomine communitatis exponant aliquid loteriae. Item si Clerici exponant loteriae id solum, cujus veri sunt domini.

2. *Quid.* Ratione objecti. Ut si res, quae per loteriam acquirenda proponitur, sit contraria religioni, v. g. libri haeretici, fuci, pigmenta &c.

3. *Ubi.* Si fiat in loco sacro.

4. *Quibus auxiliis.* Ratione rerum, quae a ludentibus in loteriam inferuntur: ut si quis non habens rerum dominium exponat res pretio aestimabiles, v. g. Monachus sine licentia Superioris, infantes sine licentia patris, uxores sine licentia mariti; vel si qui habent rerum dominium, exponant id, quod necessarium est sibi vel familiae.

5. *Cur.* Ratione finis. Ut si quis non alio motivo quam cupiditatis & avaritiae ducatur.

6. *Quomodo.* Ratione modi. Ut si privatus instituat loteriam, & velit notabiliter plus lucrari per loteriam, quam per alium contractum. Immo illicita est loteria, quando Respublica eam instituit ob publicam causam, & lucrum non insumit in eam causam, pro qua statuta fuerat loteria. Illicita pariter est loteria, si non absit omnis fraus.

7. *Quando.* Ratione temporis. Si loteria fiat indubito tempore, uti de ludo dictum est.

## ARTICULUS II.

### *De contractu Affecurationis.*

Affecuratio est contractus, quo quis alienae rei periculum in se suscipit, v. g. periculum ratis difficile equor navigantis, periculum mercium, aut aliarum rerum periclitantium.

*Prop.* unica. Contractus affecurationis certo pretio initus, easdem requirit conditiones, quas requirit contractus emptionis & venditionis.

*Prob.* ratione. In affecuratione affecurans vendit certo pretio obligationem illam, qua obstringit se securam reddere rem aliunde maxime periclitantem. Affecuratus emit certo pretio certitudinem illam, qua res aliunde periculis exposita & salva, & secura redditur: Ergo affecuratio habet rationem emptionis & venditionis: ergo easdem requirit conditiones, quas emptio & venditio.

### Confectaria hujus Doctrinae.

*Consect.* 1. *Quoad personas.* Illi solum possunt affecurationis contractum inire, qui possunt emere & vendere; quia affecuratio est quaedam species emptionis & venditionis.

*Consect.* 2. *Quoad res.* Illae solum res possunt exponi affecurationi, quae possunt exponi venditioni; quia affecuratio est venditio.

*Consect.* 3. *Quoad modum contrahendi* in affecuratione. Modus essentialis huic contractui est, quod uterque contrahens sit incertus circa rem, quam exponit; quia affecuratio fundatur in incertitudine.

Sic, si assicurans certus esset rem esse in tuto, non posset pretium exigere; & si reciperet, teneretur restituere; quia falso titulo acciperet.

Sic, si assicuratus certus esset rem jam periisse, non posset pacisci, & si aliquid lucraretur vi illius pacionis, teneretur reddere; quia falso titulo acciperet.

*Consect. 4. Quoad pretium.* Pretium in assumptione debet pensari secundum periculi proportionem; quia cum major vel minor incertitudo sit ratio vel augendi, vel minuendi pretium, debet crescere vel minui iuxta periculi proportionem.

## ARTICULUS III.

### *De Sponsione.*

Sponsio est contractus, in quo duo de veritate aut eventu alienius rei certantes, sibi invicem aliquid sponunt, ut id ejus sit, qui veritatem assecutus fuerit: v. g. certo tecum centum libris urbem talem obsessum fore.

Sponsio est quasi quedam donatio conditionalis, qua contingentes victori donant rem propositam. Victor id dicitur, juxta cujus assertionem res evenit.

*Prop. unica.* Eadem requiruntur conditiones in sponione, quæ in donatione conditionali.

*Prob. ratione.* In sponione spondentes mutuo donant rem propositam victori, id est illi, juxta cujus assertionem res dubia eveniet: Ergo est donatio conditionalis: ergo easdem requirit conditiones, quas donatio conditionalis.

### Consectaria hujus Doctrinæ.

*Consect. 1. Quoad personas.* Illi solum possunt spondere, qui possunt donare, v. g. qui sunt domini rei, quam spondent; quia sponsio est quedam donatio.

*Consect. 2. Quoad res.* Res, circa quas fit sponsio, debent esse tales, ut jure naturali & positivo sponioni exponi possint; alias illicita esset sponsio. Sic sponiones sunt illicitæ, in quibus datur occasio spondentibus faciendi aut optandi aliquid contra legem: v. g. si spondeas cum meditante aliquod crimen, quod non audebit illud exequi; inflammas enim illum ad crimen



re proposita: si spondeas de vita aut morte alicujus; das enim anam aut optandi, aut machinandi mortem illius.

*Consect. 3. Circa modum*, quo fieri debet sponsio. Modus essentialis contractui sponsonis est, quod uterque contrahens sit aque incertus de re. pro qua spondet; quia sponsio fundatur in aequali incertitudine ex parte utriusque contrahentis.

Sic, si alter spondentium esset certus de re, pro qua spondet, alter incertus, contractus esset illicitus; quia non esset aequalitas: unus enim exponeret se periculo, minime vero alius.

Sic, si stante aequali incertitudine unus exponeret longe majorem summam quam alius, illicitus esset contractus; quia esset inaequalitas.

## ARTICULUS IV.

### *De contractu Societatis.*

Societas est conventio plurium ad negotiationem, quæstumque communem aliquid conferentium, v. g. pecuniam, operam, industriam, co onere, ut damnum & lucrum sit commune; præter illud juris: *Societas cum contrahitur, tam lucri quam damni communio initur*: L. 67. ff. pro socio.

Societas est multiplex: alia est in mercibus vendendis & emendis: alia in agris colendis: alia in nutriendis animalibus, vel præcise ad culturam & usum inservientibus, quales sunt equi, muli, boves; vel præcise ad foeturam inservientibus, quales sunt oves, capræ, porci; vel ad culturam & usum simul, & foeturam inservientibus, quales sunt vaccæ, eque, asinae: alia est in redditibus & vectigalibus colligendis: alia est universalis seu omnium bonorum: alia particularis seu aliquorum tantum bonorum & negotiorum.

Contractus societatis alius est simplex, alius mixtus.

Contractus societatis simplex est ille, in quo reperitur solum societas. Contractus societatis mixtus est ille, in quo contractui societatis alius adjungitur.

## §. I.

*De contractu societatis simplici.*

*Prop. 1.* Contractus societatis non est de se illicitus.

*Prob. 1.* Ex jur. can. *per vestras* de donat. inter vir. & mulier. ubi Inn. III. approbat contractum societatis his verbis: *Mandamus dotem restitui, vel saltem alicui mercatori committi, ut de parte honesti lucri dictus vir onera matrimonii possit sustentare.*

2. Ex jure civili. *Societatem coire & re, & verbis, & per nuntium posse nos, dubium non est: l. 4. ff. pro socio.*

3. *Rat.* Negotiatio non est illicita, immo maxime utilis, ut commercium inter homines foveatur: Ergo contractus societatis negotiationem fovens non est illicitus in se spectatus.

*Prop. 2.* Ut contractus societatis sit licitus, debet fieri, 1. Inter personas habiles ad societatem. 2. Debet esse de rebus aptis ad societatem. 3. Debet servari æqualitas vel absoluta, vel proportionalis. 4. Capitale utriusque debet esse periculo obnoxium.

*Prob. ratione.* Ex principiis supra statutis, ut contractus sit licitus, debet, 1. Fieri inter personas habiles. 2. Debet esse de rebus, quæ sint apta materia contractuum. 3. Debet servari æqualitas. 4. Si capitale pereat, debet domino perire, & si fructificet, debet domino fructificare: juxta illud: *Res domino perit: res domino fructificat*: Ergo illud idem debet in societate reperiri; & proinde contractus societatis toties erit licitus, quoties prædicta quatuor includet.

*Confectaria hujus Doctrinæ.*

*Confect. 1. Quoad personas.* Si attendantur contrahentes, contractus societatis potest iniiri a quibuscunque personis sive æqualibus, sive inequalibus, modo quatuor prædicta observentur.

Sic pauperes ineunt aliquando societatem cum divitibus, v. g. colonus cum nobili, rusticus cum mercatore, &c.

*Confect. 2. Quoad modum contrahendi.* Societas potest iniiri vel absolute, vel conditionate, vel aliquorum honorum, vel omnium, prout libuerit contrahentibus, modo

modo quatuor prædicta observentur; quia quilibet contractus, ac proinde contractus societatis potest fieri juxta voluntatem contrahentium.

Sic societas fit aliquando in omnibus bonis, aliquando in certis bonis, ut docet jus civile: *Societates contrahuntur sive universorum bonorum, sive negotiationis alicujus, sive veltigalis, sive etiam rei unius* L. 5. ff. pro socio. *In societate omnium bonorum omnes res quæ coeuntium sunt, continuo communicantur*: L. 1. ff. pro socio. In societate vero speciali sola bona societatis communicantur.

Sic societas potest fieri licite vel absolute vel sub conditione; vel ad tempus, vel in perpetuum; vel apponendo pœnam contra infractores societatis, vel non apponendo pœnam; quia contractus quilibet pendet a voluntate contrahentium. *Societas iniri potest sub conditione*: L. 1. ff. pro socio. *Societas coiri potest vel in perpetuum, vel dum vivunt, vel ad tempus, vel ex certo tempore*: ibid. Immo si quis a socio pœnam stipulatus fuerit, pœna subeunda est.

*Consect. 3. Quæ ad res.* Si attendantur res, quæ sunt materia contractuum, societas fieri potest circa eam materiam, ex qua potest aliquod lucrum percipi, modo observentur quatuor prædicta; quia contractus quilibet, & proinde societas, circa debitam materiam est licitus.

Sic societas circa merces vendendas & emendas est licita, servatis servandis, & fieri potest, 1. Ita ut unus conferat totam pecuniam, & alius conferat totam industriam. 2. Ita ut uterque conferat æqualem pecuniam, & æqualem industriam. 3. Ita ut unus conferat majorem pecuniæ summam & minorem industriam, & alius contra conferat majorem industriam & minorem pecuniæ summam, & uterque juxta proportionem rei, quam exhibet, lucrum recipiat, & periculum subeat.

Sic societas circa agros colendos, est licita servatis servandis, & fieri potest, 1. Ita ut unus conferat totum fundum, alter totam industriam & semina omnia. 2. Ita ut uterque conferat & mediam partem fundi, & mediam partem culturæ & seminum. 3. Ita ut unus & fundum totum exhibeat, & mediam partem seminum, & mediam partem animalium necessariorum ad arandum, &



& quilibet juxta proportionem recipiat lucrum, damnumque subeat.

Sic societas circa animalia ad solam foeturam inservientia, quales sunt oves, caprae, porci &c. est licita, servatis servandis. Fieri potest multipliciter. 1. Ita ut unus conferat totum capitale animalium, & alter totum capitale pascui & curae. 2. Ita ut uterque conferat mediam partem capitalis animalium & mediam partem pascuorum & curarum. 3. Ita ut unus conferat totum capitale animalium & pascuorum; alter vero solam curam adhibeat, & uterque juxta proportionem recipiat lucrum, & damnum subeat.

Sic societas circa animalia ad solum usum inservientia, quales sunt equi, muli, boves, est licita, servatis servandis. Fieri potest multipliciter. 1. Ita ut unus totum capitale animalium conferat, alter vero totum capitale pascuorum & curarum, & quilibet lucrum proveniens vel ex incremento, si adsit, vel ex usu animalis, juxta suam proportionem recipiat. 2. Ita ut uterque mediam partem capitalis, pascuorum, & curarum apponat. 3. Ita ut unus totum capitale animalium & pascuorum ponat, alter vero solam curam, & quilibet lucrum juxta suam proportionem recipiat, & damnum subeat.

Sic societas circa animalia ad foeturam simul & usum inservientia, quales sunt vaccae, equae, asinae, est licita, servatis servandis. Fieri potest multipliciter, uti dictum est de animalibus vel ad solum usum, vel ad solam foeturam inservientibus.

Sic societas circa vectigalia colligenda, & redditus, & census congregandos, est licita, servatis servandis. Fieri solet, cum multi operas suas uniunt, ut vectigalia, vel censuales redditus colligant, & lucrum & damnum commune sentiunt.

*Prop. 3.* Toties contractus societatis est illicitus, quoties non servatur aequalitas inter ea, quae utrinque praestantur.

*Prob. 1.* Jure civili. Societas cum contrahitur, tam lucri, quam damni communitio initur: l. 67. ff. pro socio.

2. *Rat.* Rerum aequalitas requiritur in omni contractu; quia justitia violatur, quoties res, quae sunt materia contractus, non reducuntur ad aequalitatem: Ergo aqua-

æqualitas in societate specialiter requiritur; quia est quædam quasi fraternitas; juxta illud: *Societas juxta quodammodo fraternitatis in se habet*: L. 6. §. 3. ff. pro socio.

### Confectaria hujus Doctrinæ.

*Confect. 1.* Illicita est societas, in qua alter sociorum nihil ponit, nec pecuniam, nec operas, nec instrumenta, v.g. navem, currus; nec animalia, ut equos, boves, oves, &c. & tamen lucrum aliquod percipit; quia non est æqualitas, & vocari solet societas leonina, ut habetur L. 29. ff. §. 2. *Pro socio.*

Sic nobiles, qui volunt aliquid lucri percipere ex societate mercatorum, vel eorum, qui colligunt vectigalia, ex eo solum, quod vel spondeant pro illis, vel eos sua auctoritate tueantur; peccant, & ad restitutionem lucri accepti tenentur.

*Confect. 2.* Illicita est societas, in qua uterque sociorum ponit aliquid, lucrum vero & damnum non est commune: adeo ut uterque lucrum accipiat, alter vero sociorum nullum damnum sentiat; quia non est æqualitas. *Iniquissimum societatis genus est*, inquit jus civile, *ex qua quis damnum, non etiam lucrum, expectat*: L. 67. ff. *Pro socio.*

*Confect. 3.* Illicita est societas, in qua uterque sociorum lucrum & damnum non participantur juxta legitimam proportionem; quia tunc non servatur æqualitas. *Æquum enim est*, inquit lex, *ut cujus æque participabit lucrum, æque participet & damnum*: L. 67. ff. *Pro socio.*

*Confect. 4.* Illicita est societas, in qua capitale utriusque socii æqualiter non periclitatur; quia tunc non servatur æqualitas. *Neque fiat pactio*, inquit Concilium Mediolanense primum, *ut sors salva sit, fructus vero communiter dividantur*.

Sic pecunia debet perire deponenti pecuniam, industria debet perire apponenti industriam, lucrum expectatum tum ex pecunia, tum ex industria, debet perire utrique, si non eveniat, sicut cedit utrique, si contingat. *Sicuti lucrum, ita damnum quoque commune esse oportet*: L. 52. §. 4. ff. *Pro socio.*

*Prop.*

*Prop. 4.* Ut distributio damni, vel lucri ad justam æqualitatem redigatur, debet fieri cumulus cujuscunque fortis, v. g. pecunie, operarum, industriæ; & singulis æstimatis juxta suum valorem, assignari debet cuiuslibet deponenti tantum lucrum, & tantum damnum, quantum exigit fors deposita.

*Prob. 1.* Constitutione Sixti V. quæ incipit *detestabilis*. Contrahentes societatem fructus, expensas, & damna in commune conferant; & prout æquum & justum fuerit: sibi communicent atque dividant.

2. Jure civili. Ita contrahi posse societatem non dubitatur, ut alter pecuniam conferat, alter non conferat; & tamen lucrum inter eos commune sit; quia sæpe opera alicujus pro pecunia valet: L. 3. Inst. tit. 26. §. 2. De societate. Quia sæpe quorundam ita pretiosa est opera in societate, ut eos justum sit conditione meliori in societatem admitti: ibid. 3. quia juxta æqualitas nec aliter cognosci, nec aliter pensari potest, quam facto illo cumulo & illo examine.

### Consectaria hujus Doctrinæ.

*Consect. 1.* Si pecunia deposita sit pretiosior opera, deponens pecuniam majus lucrum percipiet.

Si contra industria sit pretiosior, apponens industriam majus lucrum percipiet: si utrumque sit æquale, uterque æquale percipiet lucrum, & æquale sentiet damnum; quia in hoc sita est æqualitas.

*Consect. 2.* Quidquid alter sociorum apposuerit ad societatem sive pecunie, sive industrie, computabitur in sortem, si datum vel factum fuerit causa societatis; minime si ob aliam causam vel factum vel datum fuerit: de quo ita jus civile: *Eos dumtaxat sumptus imputabit societati, qui in eam pensati sunt*: L. 52. ff. Pro socio. §. 15. in hoc enim servatur æqualitas.

Sic, si alter sociorum causa societatis damnum aliquod patiat, vel quia iter agens pro societate a furibus comprehensus est, vulneratus est, spoliatus est &c. debet damnum illud expensis societatis compensari; quia vacabat negotiis societatis: si vero id contigerit, dum sua, & non societatis negotia gereret, damnum illud non compensabitur.

*Consect. 3.* Lucrum, damnumve per se sequens ex socie-



cietate, commune erit; sed lucrum damnumve sequens per accidens ad societatem, & non ex societate, non erit commune, sed illius cuius occasione contigit vel lucrum, vel damnum: in hoc enim servatur æqualitas.

Sic, si quis vel pecunia, vel industria sua apposita societati, aliquid lucratur, vel damnum aliquod patitur, totum erit societatis; quia pecunia, & industria apposita societati & perit, & fructificat societati.

Si quis vero vel pecunia, vel industria sua, sed non apposita societati, aliquid lucratur vel damnum aliquod patitur, totum illud ejus erit, & non societatis: pecunia & industria non apposita societati perit & fructificat domino, & non societati.

Sic, si quis non ob societatem, sed occasione societatis, quia cognitus est vir probus, vir gratus, &c. ab aliquo institutus est hæres, aut quid ei donatum sit, illud non debet venire in medium societatis, sed in utilitatem propriam: L. 60. ff. *Pro socio*. Hoc ultimum non habet locum in societate omnium bonorum; in qua omnia sunt communia sociis.

## §. II.

### *De contractu societatis mixto.*

*Prop. I.* Contractui societatis non potest adjungi alius contractus, qui leges societatis destruat; & si adjungatur, contractus ille mixtus erit illicitus. Ideo illicitus est contractus, in quo primo initur societas; secundo securum redditur capitale unius socii ab altero socio: tertio venditur lucrum incertum expectatum pro certo etiam si minori.

*Prob. I.* Constitutione Sixti V. quæ incipit *Detestabile*. *Dammamus, inquit, & reprobamus omnes & quoscunque contractus, conventiones, & pactiones post hæc inveniendos vel ineundas, per quos seu quas cavebitur personis pecunias, animalia, aut quaslibet alias res societatis nomine tradentibus, ut etiam si fortuito casu quamlibet jacturam, damnum, aut amissionem sequi contigerit, fors ipsa seu capitale semper salvum sit, & integrum restituatur a socio recipiente, sive ut de certa quantitate vel summa in singulos annos, vel menses durante societate respondeatur; statuimusque hujusmodi contractus, conventiones, pactiones usurarios & illicitos censeri debere.* Nec

Nec dici potest, eam Constitutionem editam fuisse a Papa, non prout est caput Ecclesia, sed prout est Dominus temporalis: quippe ibi summus Pontifex explicat jus divinum omnem prohibens usuram, & mandat Ordinariis, ut eam Constitutionem publicam reddant, & *inviolatè observari curent, & contra inobedientes, tamquam in publicos usurarios procedant.* Nec claudi pariter potest hæc Constitutio, allèrendo, quod non fuerit ab Episcopis recepta; quippe Cierus Gallicanus, an. 1578. & Conc. Burd. an. 1583. idem ex professo docent, quod summus Pontifex: ergo signum est eam Constitutionem receptam esse in Galia. Cujus acceptionis signum est, quod leges municipales Bituricenses tit. 17. a. 4. & Nivernens. c. 21. a. 3. & Berbonientes societatem illam, in qua omne periculum animalium est accipientis, tamquam leoninum declarant.

2. Hæc facultate Parisiensi, quæ an. 1665. damnavit sequentem propositionem tamquam fallam & scandalosam. *Si contractus societatis super additur contractus assicurationis capitalis, & venditionis lucri incerti pro lucro certo, ex vi horum licitum est exigere lucrum certum salva sorte.*

3. Ex D. Th. 2.2.q. 78. a. 2. ad 5. De ratione. *Contractus societatis est, quod fors depositi periclitetur deponenti: ergo non potest secura reddi ab altero socio; quia alius ille contractus assicurationis destrueret contractum societatis.* En verba tamen Doctoris: *Ille, qui committit pecuniam suam vel mercatori, vel artifice per modum societatis cujusdam, non transfert dominium pecunie sue in illum, sed remanet ejus, ita quod cum periculo ipsius mercator de ea negotiatur, vel artifex operatur: & ideo licite potest partem lucri inde proventientis expetere tamquam de re sua.*

4. Ex D. Anton. p. 2. tit. 7. §. 3. ubi sic habet: *Talis contractus est illicitus, ex quo periculum spectat ad recipientem.*

5. *Hæc.* Contractus iste societatis mixtus pluribus titulis est illicitus. 1. Participatur sub illo contractu usura; quoties enim mutuum a me petieris, dicam: nolo mutare, sed dabo tibi mutuo nummos ad societatem; addam postea pactum de assicuratione sortis & lucri moderati, donec fortem restituas: quid est aliud, nisi dare

dare mutuum, & vi mutui lucrum percipere, quod usurarium est? 2. In illo contractu societatis mixto res non perit domino, & tamen illi fructificat: quod injustum est. 3. In eodem contractu societatis mixto conditio utriusque socii est inæqualis, cum fors unius periclitetur, minime vero fors alterius: quod iniquum est, & societati repugnans.

Nec est quod dicas: sortem posse reddi securam a tertia persona, cur idem non poterit fieri a socio? Solutio aperta est. 1. Id non prohibetur fieri a tertia persona, bene tamen a socio. 2. Persona existens extra societatem non potest uti societate ad palliandam usuram, cum ipsa nihil mutui det; sed ille tantum qui societatem init, eo contractu utitur ad tegendam usuram, quam percipit revera ex mutuo sub ficto nomine societatis.

### Confectaria hujus Doctrinæ.

*Confect. 1.* Illicitus est contractus societatis mixtus, in quo datur pecunia mercatori eo pacto, ut securi reddatur per mercatorem, & tamen qui dedit eam pecuniam lucrum aliquod percipiet. 1. Enim lucrum non potest percipi vi mutui; quippe hoc est usurarium. 2. Non potest pariter percipi vi societatis; ibi enim non est societas iusta, ubi fors non perit deponenti: ita videtur determinatum cap. *Naviganti de usuris*, ubi sic habetur: *Naviganti, vel eunti ad mundinas certam mutuans pecunie quantitatem, pro eo quod suscipit in se periculum, recepturus aliquid ultra sortem, usurarius censendus est.*

*Confect. 2.* Illicitus est contractus societatis, in quo datur fundus excolendus ab agricola, eo pacto, ut juxta proportionem dividantur fructus inter agricolam & fundi dominum: & insuper additur ea conditio, quod persolvatur aliquid a colono, etiamsi casu, v. g. grandine, nebula, &c. fructus fundi perierit; quia tunc industria coloni periclitatur, minime vero fundus domini.

*Confect. 3.* Illicitus est contractus ille societatis mixtus, in quo dantur animalia in societatem ea conditione, ut capitale vel in toto, vel in parte securum reddatur per recipientem. etiamsi citra dolum & negligentiam recipientis solo fortuito casu perierit; res enim de-



bet Domino perire: de quo ita Concilium Mediolanense l. p. 2. tit. de ularis. *In societate, inquit, animalium, que inestimata alicui dantur ad custodiam, sive ut operas præstet, omnes casus etiam fortuiti semper sunt periculo ejus, qui dederit, nisi id alterius socii dolo, vel magna negligentia accidisse constiterit; nec fiat pactum, ut fors in semper salva etiam ex primis fructibus, neve quidpiam certum præter sortem ex fructibus animalium quotannis solvatur.*

*Consect. 4.* Illicitus est ille contractus societatis mixtus, in quo ad salvandum capitale post societatem initam, supervenit fictus alius contractus vel mutui, vel venditionis; quia illi contractus sunt oppositi, unusque per alium destruitur.

Sic illicitus est contractus, quo primum dantur animalia in societatem, secundo dantur mutuo eadem animalia cum eo onere, ut talia restituantur, quæ data sunt; adeo ut ex vi mutui debeant reddi: mutuatori eadem, vel similia animalia, ex vi vero societatis dantis animalia possit partem lucri percipere; talis quippe perceptio est injusta: nam si vigeat contractus societatis, æquum est, ut lucrum juxta dantis & accipientis proportionem dividatur; sed oportet, ut capitale pereat domino, si casu perierit.

Si vero vigeat mutuum, justum est, ut res pereat mutuuario recipienti, sed totum lucrum est mutuatarium; quia sicut res domino perit, ita & fructificat.

Sic illicitus est contractus, quo primo dantur animalia in societatem, secundo æstimantur, & venduntur socio cum eo onere ut eorum pretium restituat, & interim lucrum proveniens ex societate dividatur. Talis pactio est injusta: quia si vigeat contractus societatis, lucrum debet dividi secundum proportionem dantis & accipientis stante tali contractu; si capitale pereat casu, debet perire domino.

Si vero vigeat contractus emptionis, post emptionem capitale pertinet ad emptorem: ideo si pereat, debet perire emptori; si vero fructificet, totum lucrum est emptoris; quia sicut res domino perit, ita res domino fructificat.

*Consect. 5.* Illicitus est contractus societatis mixtus, in quo capitale securum redditur ab uno ex sociis, quamvis deponens capitale illud faciat non animo conservandi, & exigendi capitale, si casu pereat, sed animo reddendi socium cautiorem in conservando capitali. 1. Quia non licet mentiri maxime in contractu publico; hic autem deponens mentitur, fingens velle se exigere capitale, cum revera non vult, 2. Quia contractus ille, utpote usurarius, scandalum parit. 3. Quia si contrahens decedat ab intestato, hæredes intesti intentionis testatoris juxta rigorem contractus exigere capitale, quamvis casu perierit.

*Prop. 2.* Contractus societatis potest uniri cum aliis contractibus, modo illi contractus leges veræ societatis non destruant.

*Prob. rat.* Contractus societatis potest fieri juxta beneplacitum contrahentium: Ergo potest fieri vel solus, vel simul cum aliis contractibus, modo illi contractus leges veræ societatis non destruant.

### Consektaria hujus doctrinæ.

*Consect. 1.* Licitus est contractus societatis mixtus, quo quis valens inire societatem cum alio, qui non habet pecunias, quibus societatem ineat, 1. Dat illi mutuo pecuniam, v.g. centum nummos. 2. Ille similiter centum nummos apponit, & ex ducentis illis nummis emuntur vel merces, vel animalia &c. quæ post emptionem nec sunt mutuarii, nec mutantis, sed indivisim utriusque: & si pereant, pereunt utrique, & tamen mutuarius remanet debitor centum nummorum. Ille contractus societatis, etsi mixtus, est licitus, modo fervetur æqualitas, & comunio sit lucri, & damni juxta proportionem dati & accepti; quia mutuum præcedens societatem non destruit societatem.

*Consect. 2.* Licitus est contractus societatis mixtus, in quo quis, v.g. dives, volens inire societatem cum alio, v.g. paupere, qui non habet materiam, qua ineat societatem, dives dat pauperi non pecuniam, sed rem, v.g. dat merces mercatori, dat animalia rustico. Hæc merces, & hæc animalia æstimantur ab æquis æstimatoribus, & per talem æstimationem a divite implicite

venduntur pauperi quoad mediam partem, & retinentur a divite quoad aliam mediam partem; quia æstimatio facta intuitu venditionis facit venditionem. Per contractum illum venditionis pauper remanet in omni casu obligatus ad solvendum pretium illius medietatis, quam emit; postea & pauper, & dives ineunt societatem, & quilibet ponit suam medietatem in societate; tunc totus fundus societatis pertinet indivisum ad utrumque, & si perierit, perit utrique. Ille contractus est licitus, modo servetur æqualitas, & communio lucri & damni, juxta proportionem dati & accepti, venditio enim præcedens societatem, non destruit societatem, fundaturque supra hanc legem: *Æstimatio venditionis*, l. *æstimatio* ff. *solutio matrimonii*, & l. *plerumque* ff. *de jure dotium*.

Initur plerumque societas hoc modo potissimum circa animalia, 1. Dives dat animalia non habenti. 2. Ea animantia æstimantur absque intuitu expressæ venditionis. 3. Dans animantia se habet ut eorum dominum etiam post æstimationem, ita ut neque aperte, neque tacite velit transferre eorum dominium in accipientem, quamvis non explicite dicat: nolo tibi vendere animantia: volo semper esse eorum dominus: & si indigero, vendam, cum libuerit; sed dicit tantum: do tibi animalia in societatem, do, inquam, animalia ea conditione, ut si etiam fortuito casu perierint, mediam eorum pretii partem solvas; lucrum vero, si quod eveniat, æqualiter inter nos dividemus. Hunc contractum Gallice vocant, *Gazaille*, seu *societatem*, ex qua *dimidium damni, dimidiumque lucri percipitur*. Mitto alias circumstantias, quæ respiciunt æqualitatem, vel inæqualitatem, in quibus potest servari, vel violari iustitia, quæque circumstantiæ variæ sunt juxta varias locorum temporumve rationes.

Sisto in discutendo prædicto contractu, qualem exposui, & dico, hunc contractum esse illicitum hoc ipso, quo quis retento sibi totius rei in societatem traditæ dominio, vult ut accipiens animalia mediam eorum partem etiam fortuito casu, & nulla sua culpa pereuntem, indemnem servet; est enim ille contrarius huic principio juris: *res domino perit*; nam quæcumque inter-



veniat æstimatione, res non potest vendi nolente Domino.

Si tamen dominus vellet vel expresse, vel tacite per æstimationem accipienti vendere mediam partem animalium, & accipiens nosceret se per prædictam æstimationem fieri dominium medietatis emptæ, & traditæ in societatem, per quam animalia collective sumptu æque ad accipientem ac ad tradentem pertinerent; tunc contractus ille esset licitus, modo in aliis circumstantiis servaretur æqualitas; tunc etiam posset divisi licite inter utrumque lucrum & damnum, ut supra dictum est. Quod de societate animalium in isto casu diximus, de aliis rebus in societatem traditis intelligi debet, scilicet, quod fors æstimata absque intuitu venditionis domino pereat.

### §. III.

*De mutua obligatione incuntium societatem.*

*Prop. unica.* Statutis pactis & conventionibus, legibus societatis consentaneis, statuta æqualitate rerum, de quibus initur societas, sociorum quilibet debet intpicere fundum societatis quasi rem suam, ut eum conservet & adaugeat; & inspicere eundem fundum societatis quasi rem alienam, ne sibi aliquid fundi appropriet: qui secus egerit, peccat: & si damnum afferat, tenetur ad restitutionem.

*Prob. 1.* Ex jure civili. *In contractibus societatis fides exuberet:* L. 3. C. *pro socio.* In prædictis autem officiis sita est illa fidei exuberantia: Ergo prædicta debent observari ab his, qui societatem inierunt.

*2. Rat.* Sumptis simul diversis fortibus ejusdem societatis, nempe hinc pecunia, animantibus, pascuis, & similibus; inde industria, cura, labore, & hujusmodi pretio æstimabilibus, quæ omnia simul collecta universum fundum societatis constituunt: ille cumulus exurgens ex singulis fortibus est omnium sociorum collectivæ, & disjunctivæ nullius: Ergo tenetur quilibet res illas quasi suas curare, & ab illis quasi alienis abstinere. Quando autem damnum teneatur reparare qui fidem in societate non servat, his verbis compendiose explicat Antoninus: *In societate damnum procedens*

*ex natura rei traditæ pertinet ad tradentem, sequens ex culpa negligentia ad suscipientem, ex fortuito casu spectat ad utrumque: p. 2. tit. 1. c. 7. §. 39. nempe, ut quælibet pars fortis, quæcumque sit, suo domino pereat, scilicet, pecunia apponenti pecuniam, animal apponenti animalia, industria apponenti industriam.*

### Confectaria hujus Doctrinæ.

*Confect. 1. Pro eo, qui tradit rem, quæ est materia societatis. Qui apponit res, v.g. pecuniam, merces, pecora, debet res sanas, & non corruptas apponere, v.g. pecuniam veram, & non adulteratam, merces bonas, & non fucatas, pecora sana, & non morbida: quod si, quod conventum est, non attulerit, tenetur damnum & societati, & Reipublicæ enascens reparare; quia ex D. Thom. Qui dat occasionem damni, & peccat, & tenetur ad restitutionem.*

Sic qui apponit res corruptas, si vitio suo pereant, damnum omne refunditur in eum, qui res adulteratas apposuit: v. g. si moneta adulterata fisco addicatur, si merces fucata putrescant, si animalia morbida pereant, totum illud imputabitur deponenti: juxta illud S. Antonini: *Damnum procedens ex natura rei traditæ pertinet ad tradentem.*

*Confect. 2. Pro apponente industriam in societate. Qui apponit industriam, talem debet apponere, qualem suis rebus adhiberet; quia causa societatis non ipsius solius est, sed omnium simul sociorum: sic si res pereant vel culpa, vel dolo ipsius, tenebitur restituere.*

Sic, si pastor pecora sibi commissa negligentia perire permittat: si mercator merces sibi traditas vel incuria corrumpi, vel indiligentia subripi sinat, ad restitutionem tenebitur: quia *custodiam præstare debuit: L. 22. ff. pro socio §. 23.*

Sic, si pastor ex dolo pecora morbida pro sanis substituat, aut ea infcio domino vendat, & mortua mentiatur: si mercator merces sibi traditas bonis adulteratas substituat, & eas labefactatas fingat, aut eas infcio socio vendat, & casu periisse simulet, ad restitutionem tenebitur; quia *socios inter sedolum & culpam præstare oportet: L. 52. ff. pro socio §. 3.* Si vero socius non minorem adhibeat industriam, quam rebus suis, tunc ad nihil

nihil tenetur, imputentque sibi socii quod negligentem socium elegerint. *Sufficit enim talem diligentiam communibus rebus adhibere socium, qualem suis rebus adhibere solet quilibet homo prudens: §. ult. instit. de societate lib. 3. tit. 26.*

*Consect. 3. Pro utroque socio.* Neuter sociorum potest se gerere, quasi solus esset dominus fundi, cumulum societatis constituentis, sed solum quasi dominus una cum sociis; quia revera res societatis nullius est disjunctive, sed est omnium sociorum collective.

Sic neuter sociorum potest sibi privatim res societatis attribuere; si scens fecerit, reus furti habebitur. *Res communis nomine cum socio furti agi potest, si per fallaciam dolo malo amovit, vel rem communem celando animo contraxit,* inquit Jus civile L. 43. ff. pro socio.

Sic neuter sociorum potest damnum causatum societati debitum officiis erga societatem compensare; quia compensatio non potest fieri ex aliunde debitum. *Non compensatur,* inquit lex, *compendium cum negligentia:* L. 26. ff. pro socio.

Sic neuter sociorum potest totum fundum societatis obligare, nisi deputetur a societate. *Nemo ex sociis potest plus parte sua alienare:* L. 68. ff. pro socio.

Sic neuter sociorum debet pati solus totum damnum societatis obveniens casu, sed omnes collective; quia omnes collective sunt domini. *Fatalia autem damna socii non coguntur prestare.*

Sic neuter sociorum potest quotam suam portionem nisi finita societate distrahere.

*Consect. 4. Circa dissolutionem societatis.* Neuter sociorum potest intempestive sine causa legitima dissolvere societatem, & qui injuste dissolvit, tenetur ad restitutionem damni; quia in omni contractu servanda sunt pactiones: & qui violat justitiam, tenetur restituere. *Si intempestive renuntietur societati esse pro socio actio nem:* L. 14. ff. pro socio. Dissolvitur autem justa de causa sequentibus modis.

1. Mutuo sociorum consensu; quia res iisdem causis dissolvitur, quibus constituitur: *Diximus, dissolvi societatem consensu,* inquit lex, *hoc ita est, si omnes dissentiant:* L. 65. ff. pro socio. §. 3.



2. Si tempus defierit; quia non ultra extenditur obligatio societatis. *Quod si tempus finitum est, liberum est recedere; quia sine dolo malo id fit: L. 65. ff. pro socio §. 6.*

3. Si negotiis societatis impositus sit finis; quia non ultra patet obligatio. *Item si alicujus rei societas fit, & finis negotio impositus, finitur societas: L. 65. ff. pro socio §. 10.*

4. Si alter sociorum fiat insufficiens ad societatem persequendam, puta, quia egestate premitur, bonis suis cessit, morbis laborat, &c. quia tunc non potest pactis stare: *Dissociamur*, inquit lex, egestate: L. 4. ff. pro socio. *Item bonis a creditoribus venditis unus socii distrahi societatem, Labeo ait: L. 65. §. 1. pro socio. Item si quis bonis suis cesserit - - Sed hoc casu, si adhuc consentiant in societatem, nova videtur incipere societas: lib. 3. inst. tit. 26. de societate. §. 8.*

5. Morte alterius sociorum; quia tunc non potest pactis stare. *Morte unus societas dissolvitur, etsi consensu omnium coita sit, plures vero super sint, nisi in eorunda societas aliter convenerint: L. 65. ff. §. 9. pro socio. Haeres autem socii lucro & damno negotiorum ante mortem initorum communicat; minime vero negotiis post mortem testatoris initis seu ineundis, nisi novo consensu admittatur in societatem. Haeres, ait lex, socius non fit, nisi fuerit adscitus, verumtamen omne emolumentum societatis ad eum pertineat, simili modo & damnum agnoscat: L. 65. ff. pro socio §. 8.*

6. Finita vel dissoluta societate fit computatio omnium expensarum, sortium, &c. ut cuilibet detur lucrum juxta debitam proportionem, & damnum pariter juxta eandem proportionem quilibet patiat; quia aequalitas non potest aliter observari: ideo ait lex: *Et si distracta esset societas, nihilominus divisio rerum superest: L. 65. ff. pro socio §. 13.*

#### §. IV.

*De societate in matrimonio & in bonis dotalibus.*

Matrimonium contractus est, qui societas conjugalit dicitur; quatenus contractus eisdem muniri debet conditionibus, quas in contractibus exigimus; quatenus  
vero

vero societas eisdem legibus subjacet, quibus aliæ societates: sed quia speciales possunt esse difficultates circa bona dotalia, ideo de his agemus.

Dum femina init matrimonium, potest habere bona dotalia, & bona paraphernalia. Bona dotalia sunt ea, quæ marito dantur ad sustinenda onera matrimonii, quorum usumfructum habet maritus. Bona paraphernalia sunt ea, quæ extra dotem sunt, quorum dominium & usum habet mulier. De utrisque agendum.

*Prop. 1.* Vir non habet proprietatem bonorum dotalium, sed usumfructum, & eorum tutelam. Itaque mulier habet bonorum illorum dominium proprietale; vir vero dominium utile, & curam bonorum illorum gerere debet.

*Prob. 1.* Ex jure civili. Quamvis in bonis mariti dos sit, mulieris tamen est: L. 75. ff. de jure dot. Dotis fructum ad maritum pertinere debere æquitas suggerit: L. 7. de jure dot. In rebus dotalibus virum præstare oportet tam dotum quam culpam; quia causa sua dotem accipit: L. 17. ff. de jure dotum. Ergo maritus non habet rerum dotalium dominium, sed solum usumfructum, & eorum tutelam.

4. *Rat.* Ista omnia exigit. 1. Natura bonorum dotalium, quæ illæsa conservari debent. 2. Debilitas sexus faminei; famina quippe rebus gerendis impar, curatorem rerum suarum virum habere debet. 3. Illud patet exigit officium viri erga uxorem; cum caput sit mulieris, sicut mulierem, ita & mulieris bona gubernare debet. Demum ista est intentio dotem constituentium; quippe si pater dotem constituat, ad eum dos reversura est, si dotata filia sine liberis decesserit: ergo dos debet præstari indemnis a viro. Si alii constituant, ut plurimum eandem apponunt conditionem: ergo dos debet semper præstari indemnis cura viri.

## §. V.

*Vir non est proprietarius fundi dotalis.*

### Consectaria hujus Doctrinæ.

*Consect. 1.* Vir consentiente uxore, aut uxor consentien-

tiente viro, nequeunt bona dotalia vendere, nec oppignorare, nec eadem nova servitute onerare, vel ea bona servitute, qua gaudent, privare, nisi in ingenti necessitate, & hoc autoritate juridica: ita jubet Jus civile: *Fundum dotalem non solum hypothecæ titulo dare ne consentiente muliere maritus possit, sed nec alienare, ne fragilitate suæ naturæ in repentinam deducatur inopiam*: L. unica C. de rei uxoriæ act. §. 15. Neque jus permittit servitutes fundo debitas posse maritum amittere, neque ei alias imponere: L. 5. ff. de fund. dotal. Quod tamen illud liceat urgente necessitate, Uxori, inquit lex, ob has causas dos reddi potest, ut sese suosque aliat, ut parenti præstet alimoniam, aut egentem virum, fratrem, sororemve sustineat: L. 13. ff. de jure dotium. §. 1.

*Consect. 2.* Soluta matrimonio, citra mortem alterius conjugatorum, maritus non potest dotem retinere; quia non est illius dominus: sed debet eam filiis conservare, si nati sint filii ex matrimonio; vel eam reddere uxori, si sit sui juris; aut ejus heredibus, si defuncta est; aut eis, a quibus profecta est dos, si sit reversibilis, ut docet Jus. *Soluta mairimonio, solvi, inquit, mulieri dos debet*: L. 2. ff. de soluto matrimonio. Si sui juris mulier est, dos ab ejus patre profecta, reverti ad eam debet. Si vero defuncta sit, ejus danda est heredibus: ibid.

*Consect. 3.* Maritus soluto matrimonio, debet restituere non solum dotem, sed etiam accessoria dotis; quia non est eorum dominus, sicuti nec dotis. Quia ipse fundus, inquit jus, est in dote, quodcumque propter eum consecutus fuerit a muliere maritus, quandoque restituet mulieri de dote agenti: L. 52. ff. de jure dotium.

*Consect. 4.* In restituenda dote, marito adjudicabuntur dona, si quæ ei facta sint ab uxore, & omnes expensæ non annuæ, sed extraordinariæ, factæ non ad voluptatem, sed ad utilitatem vel necessitatem; quia in omni restitutione æquum est, ut fiat compensatio eorum, quæ data sunt, cum his, quæ accepta sunt.

Sic, si conventum fuerit, quod dos in toto vel in parte apud maritum remanebit, conventio observanda erit.

Sic, si maritus expensas necessarias, v. g. ædificia  
qui-



ruitura sustinuerit, vel utiles, v. g. si novalia in fundo facta sint, hæ omnes expensæ compensari debent: *Ergo non tantum necessarias, sed etiam utiles impensas prestandas a muliere existimo*, inquit jus civile; L. ult. ff. *de fundo dotali*.

Sic expensas nec necessarias, nec utiles, sed ad solam factas voluptatem, jus jubet non debere compensari. *In voluptuariis vero, si voluntate mulieris factæ sunt, exactionem petere lex permittit*: C. L. I. §. 5. de rei uxoriæ actione.

Sic annuæ expensæ vel ad arandum fundum, vel ad colligendos fructus, vel ad solvenda tributa, compensari non debent; quia, ut ait lex, *onus fructuum hæc impendia sunt*: L. 13. *de impen. ususfruct.*

## §. VI.

*Maritus est usufructuarius bonorum dotalium.*

### Confectaria hujus Doctrinæ.

*Confect. 1.* Maritus rebus dotalibus quasi suis fruitur: sic habet jus: *Dotis fructum ad maritum pertinere debere equitas suggerit: cum enim ipse onera matrimonii subeat, æquum est etiam eum fructus percipere*: L. 7. ff. *de jure dotium*.

*Confect. 2.* Maritus contra detentores bonorum dotalium habet actionem, etiam dissentiente uxore, non secus ac res propriæ essent. *De his, ait lex, quæ in dotem data ac direpta commemoras, mariti tui esse actionem nulla est dubitatio*: L. 2. cap. *de jure dotium*.

*Confect. 3.* Maritus acquirit dominium fructuum e dotalibus bonis provenientium; quia sunt quædam accessoria dotis; sed non fructuum extraordinariorum, qui non sunt accessoria dotis.

Sic annui redditus pertinent ad maritum, v. g. arbores caducæ, modo novæ conferantur: sic lapides in fundo crescentes quasi fructus habentur. Contra vero arbores ingentes, lapides ædificiorum non habentur quasi fructus; & nummi ex ea venditione recepti, sunt dotis: L. 32. ff. *de jure dotium*.

*Confect. 4.* Maritus non acquirit dominium fructuum  
a bo-

a bonis paraphernalibus provenientium; quia uti non est usufructuarius illorum bonorum, ita nec eorum fructus debet suos facere; ut habetur in jure civili: *Hac lege decernimus, ut vir in his rebus, quas extra dotem mulier habet, quas Græci parapherna dicunt, nullam uxore prohibente habeat communionem: L. 8. C. de pactis conventis super dote.*

## §. VII.

*Maritus est curator bonorum dotalium ex officio, & bonorum paraphernalium ex decentia, si hanc curam ei mulier commiserit.*

## Confectaria hujus Doctrinæ.

*Confect. 1. Maritus tenetur dotem præstare indemnem, si dolo, culpa, vel negligentia perierit; tum quia est curator, tum quia est societas in rebus dotalibus. Virum, inquit jus, præstare oportet tam dotum, quam culpam; quia causa sua dotem accepit: L. 17. ff. de jure dotium.*

*Confect. 2. Maritus tenetur dotem rigore juris ab injustis detentoribus exigere, a patre vero, vel liberali donatore precibus postulare: si neglexerit, tenebitur præstare; quia tale est officium curatoris. Si non petierit, inquit lex, maritus, tenebitur culpe nomine, si dos exigi potuerit: L. 20. ff. de pact. dotal. §. 2.*

*Confect. 3. Si mutet dotem in deterius, periculo suo mutabit; quia id periculi sequitur personam curatoris. Dotem, a patre & a quovis alio promissam, si vir novandi causa stipuletur, caput viri esse periculum, cum ante mulieris fuisset: L. 35. ff. de jure dotium.*

*Confect. 4. Si maritus uxori debita linat negligentia sua præferibi, tenebitur solvere; si negligat interesse exigere, tenebitur compensare; quia hæc cura spectat ad curatorem. Si petere neglexerit vir, cum id facere posset, rem periculi sui fecit. L. 16. ff. de fund. dot.*

*Confect. 5. Quoties res æstimata in dotem datur, toties maritus summam statuti pretii præstare tenetur indemnem; quia æstimatio hæc facit venditionem, & societas conjugalis reddit maritum tutorem pretii æ-*  
stima-

stimatarum rerum. Maritus quasi emptor Et commodum sentiat, Et dispendium subeat, Et periculum expellet: Lege unica C. de rei uxoris actione.

Consecr. 6. Si uxor marito bonorum paraphernorum curam dederit, decet maritum eas res quasi suas gerere, & de dolo, & de culpa teneri; quia ad hæc teneretur erga extraneum, a fortiori erga uxorem. Dum autem, aut lex, apud maritum remanent eadem cautiones, Et dolum Et diligentiam maritus circa eas res prestare debet, qualem circa res suas habere invenitur: L. ultima in fine C. de pactis conventis super dote.

## CAPUT X.

De Mutuo Et Usura.

## ARTICULUS I.

*Quid sit mutuum, quid usura? an sit peccatum Et quale?*

## §. I.

*Quid sit mutuum?*

**M**utuum, si nomen spectes, est contractus faciens aliquid de meo tuum. Si rem consideres, mutuum est contractus, per quem mutuans transfert in mutuatarium dominium & usum rei, quæ per ipsum usum integre consumitur, ea lege, ut postea tantumdem ejusdem generis vel valoris restituat.

Res usu consumptibiles sunt illæ, quarum usus est earum consumptio; sicut vinum & panem consumimus eis utendo ad victum. Monetam ipso usu quasi consumimus, dum ea utimur ad commutationes faciendas: unde in talibus non debet seorsim computari usus rei a re ipsa; sed cuicumque conceditur usus, hoc ipso conceditur & ipsa res.

Res usu alterata, sed non consumptæ, sunt illæ, quarum usus non est earum consumptio, ut sunt ædes, vestes, equi &c. & in iis non consistit, nec fieri potest mutuum.

Qui dat mutuo, dicitur mutuator & creditor.

Qui accipit mutuo dicitur mutuatarius & debitor.

## §. II.



## §. II.

*Quid & quotuplex sit usura?*

Usura, late sumpta, est *Quelibet accessio, vel augmentum, vel fructus, qui ex aliqua re percipitur: ita jus civile ff. de usuris.*

Usura, stricte sumpta, est *Lucrum ex vi solius mutui proveniens.*

Usura alia est aperta, alia palliata.

Usura aperta est *Contractus mutui, cum pacto expresso lucri vi mutui.*

Usura palliata est ea, *Cujus turpitudine velatur aliquo pretextu honesto.*

Usura tam aperta, quam palliata, alia est realis, alia mentalis.

Usura realis est *Patrum externum accipiendi aliquod lucrum ex mutuo vel expresso, vel implicito.*

Usura mentalis est *Voluntas interna accipiendi aliquod lucrum vi mutui.*

Usura mentalis, alia est pure mentalis, alia mixta.

Usura pure mentalis est *Interna intentio percipiendi lucrum ex mutuo, absque exteriori datione, vel receptione.*

Usura mentalis mixta est *Intentio interna percipiendi aliquid ex vi mutui, conjuncta cum exteriori datione & receptione rei, quæ datur mutuo. His positis sit*

## §. III.

*Quale peccatum sit usura?*

*Prop. unica.* Usura, seu lucrum proveniens ex vi solius mutui; est peccatum contra iustitiam, ut docet Scriptura, monent Concilia, ratio naturalis dicat, jus civile & jus Gallorum ostendunt.

*Prob. I. Ex Scriptura. Deut. 23. v. 19. Non FOENERABIS fratri tuo ad usuram pecuniam, nec fruges, nec quamlibet aliam rem, sed alieno. Et Psal. 14. ubi dicitur: Domine, quis habitabit in tabernaculo tuo --- qui jurat proximo suo, & non decipit, qui pecuniam suam non dedit ad USURAM. Et ex Psal. 54. ubi, dum describitur urbis Babylonice iniquitas, dicitur: Non defecit de plateis ejus USURA & dolus. Et Ezech. c. 18. v. 13. Ad USURAM dantem, & amplius recipientem*

tem numquid vivet? non vivet --- morte morietur & sanguis ejus in ipso erit. Et c. 22. v. 12. civitati Jernsalem scelera ab ipsa commissa his verbis exprobrat: *USURAM & SUPERABUNDANTIAM* accepisti, & *avare* proximos tuos calumniabaris, meique oblita es, ait Dominus. Et Luc. c. 6. v. 34. Si mutuum, inquit, dederitis his, a quibus speratis accipere; quæ gratia est vobis? nam & peccatores peccatoribus fœnerantur, ut recipiant equalia --- mutuum date nihil inde sperantes. *MUTUUM DATE*, hoc ponitur inter consilia, inquit D. Thom. *NIHIL INDE SPERANTES*, hoc cedit sub ratione præcepti: 2. 2. q. 78. a. 1. ad 4. Ergo ex Scriptura est peccatum contra justitiam.

2. Ex Patribus. Usura a multis Patribus comparatur cum homicidio, cum furto & rapina; sic enim habet Gregorius Nyssenus: Malignam fœnorum excogitationem si quis apellet furtum & homicidium, non peccabit. Nam quid refert suffossio pariete quemquem erepta possidere, ac fœnorum necessitate illicita possidere? Ambrosius vero idem habet lib. de bono mortis cap. 12. relatus 14. q. 5. can. 10. Si quis, inquit, usuram acceperit, rapinam facit, vita non vivit. August. autem ibidem relatus, can. 11. ita scribit ad Macedonium epist. 54. An crudelior est qui subtrahit aliquid, vel eripit diviti, quam qui trucidat pauperem fœnore? Denique D. Thom. 2. 2. q. 78. a. 1. in C. sic concludit. Dicendum, inquit, quod accipere usuram pro pecunia mutuata, est secundum se injustum; quia venditur id, quod non est, per quod manifeste inæqualitas constituitur, quæ justitiæ contrariatur: Atqui homicidium, furtum, rapina, injustitia, cui usura comparatur, est peccatum: Ergo usura est etiam peccatum.

Respondent quidam his autoritatibus, eas usuras esse illicitas, quæ extorquentur a pauperibus; minime vero eas, quæ ex conventionione exiguntur ab his, qui re nostra mutuata utuntur vel ad negotiandum, vel vivendum splendide.

Sed hæc assertio omnino falsa est. Primo Scriptura & Patres, ut patet ex locis allatis, vituperant omne genus usuræ, eamque cum furto & rapina com-

comparant: furtum autem peccatum est, siue diviti, siue pauperi res auferatur: ergo & usura, siue a paupere, siue a divite eam accipias. Conferitur etiam cum homicidio, quo pateat illicitam esse omnino & in singulis casibus usuram, nisi fiat autoritate Dei, quales erant usurae, quas Iudei a gentibus poterant exigere: sicuti in omni casu illicitum est homicidium. Ideo dicit Ambr. lib. de Tobia cap. 15. quod non minus crudeliter impetitur usuris, quam gladiis. *Sine ferro dimicat, inquit, qui usuram flagitat: sine gladio se de hoste uiciscitur, qui fuerit usurarius exactor inimici.* Nec aliter Ambrosius excusat Iudeos ab usuris, quas exigebant ex permisso Dei ab illis gentibus, quas deleturi erant, nisi supponendo, quod usurarum exactio sit certum genus belli. *Ubi, inquit, jus belli, ibi etiam jus usurae:* ibid. Demum & Scriptura, & Patres, & Concilia damnant etiam eas usuras, quae a negotiatoribus exiguntur, ut docet Ambr. ibidem. *Plerique, inquit, refugientes praecepta legis, cum dederint pecuniam negotiatoribus, non in pecunia usuras exigunt, sed de mercibus eorum tamquam emolumenta percipiunt.* Et ut indicet omnibus quasumque usuras esse interdictas, addit illud Scripturae: *Neque usuram accipi, scilicet a quocumque, neque omnium rerum.*

3. Ex Conciliis. Nicæno Can. 18. Clerici *usuram* accipientes deiciuntur e Clero. Ex Illyberitano Can. 2. Et Clerici & Laici *usurarii* ab Ecclesia projiciuntur. In Conc. Lateran. 2. & 3. Omnes *usurarii* a sacramentis arcentur, infames habentur, Christiana sepultura privantur, eorum oblationes rejiciuntur: can. 13. In Conc. Viennensi: Omnes puniendi sunt, ut haeretici, qui affirmaverint, *usuram* non esse peccatum: Ergo usura & omnibus & erga omnia interdicatur.

4. Ex jure civili. Juxta jus Civile triplex est usura. *Lucratoria*, qua aliquid sumitur ex vi mutui: L. 17. ff. de pactis. *Puniioria*, qua aliquid sumitur non propter avaritiam petentium, sed propter moram culpabilem non solventium: L. 17. ff. §. 2. *Compensatoria*, qua praestatur justum interesse: L. Ead. §. 1. de usuris. *Lucratoria usura* improbae illicitaeque sunt:



sunt: L. 20. C. ex quibus causis infamia irrogatur, quia lucrum est querendum, inquit lex, ex ea re, cujus damnum aut periculum ad nos non spectat: L. 67. ff. §. 1. Pro socio. Punitoria usura non sunt licita, nisi cum adest damnum præsumptum ex parte creditoris, culpa ex parte debitoris: Ergo jure civili illicita est usura, seu lucrum ex vi mutui.

Istud adeo verum est, ut ipsimet Pagani usuram longe magis noxiam habuerint, quam furtum, quam homicidium, quam seditionem. *Majores nostri*, inquit Cato de re rustica, sic se habuerunt, & ita legibus posuerunt, furem dupli condemnari, fœneratorem quadrupli. Et idem Cato apud Ciceronem 2. de offic. cum ille, qui quæsierat, dixisset: Quid fœnerari? Tum Cato: quid hominem, inquit, occidere? insinuans usuram esse speciem homicidii. Quocirca Tacitus Lib. 5. annalium vocat usuram: *Vetus urbis malum*, eo quod ex usuris seditiones oriantur, artes quiescant. Et ut ait Plinius: Vigeat solum excogitata fœnore quæstiosa segnitia. Usura ergo vermis est, qui & mutuatoris, & mutuarii hæreditatem corrodit: mutuatoris quidem, ejus segnitiam fovendo: mutuarii vero ejus omnem industriam consumendo; cum id omne, quod suo labore lucratur, vix solvendis usuris sufficiat.

Item Justinianus L. unica C. de sententiis, quæ pro eo quod interest proferuntur, usuras omnes ad circulum lucri cessantis, & damni emergentis restrinxit. Cum, inquit, pro eo quod interest, dubitationes antiquæ in infinitum productæ sint, Sancimus itaque in omnibus casibus, qui certam habent quantitatem vel naturam, veluti in venditionibus, locationibus & omnibus contrahitis, & proinde in mutuo, hoc, quod interest, dupli quantitatem non excedere: Ergo non debentur usuræ, nisi cum intervenit interesse, seu damnum. In aliis autem casibus, qui incerti esse videntur, judices, qui causas dirimendas suscipiunt, per suam subtilitatem requirere teneantur, ut hoc, quod IN RE VERA INDUCITUR DAMNUM, HOC REDDATUR, & non ex quibusdam machinationibus, & immodicis perversionibus in circuitus inextricabiles redigatur --- & hoc non solum in DAMNO, sed etiam in lucro nostra amplectitur Constitutio: Ergo ex jure

civili illicita est usura, quæ non fundatur in LUCRO cessante, vel DAMNO emergenti.

5. Ex jure Gallorum prohibita est etiam usura: sic enim Sanctus Ludovicus edicit an. 1254. *Prohibemus, inquit, districte, quod nullas usuras faciant Barones, Senescalli nostri, vel alie quæcumque personæ. Usuram intelligimus, quidquid est ultra sortem. Eadem sanxit Philippus IV. an. 1312. his verbis: Edictum nostrum confirmantes, quodcumque usurarum genus interdicimus, utpote a Deo, sanctisque Patribus prohibitarum. Similem legem tulit Ludovicus XII. anno 1510. a. 4. Ad evitandum ne quæ usura in Regno nostro patretur, omnibus Juri dicendo preceptis, Judicibusque precipimus --- ut in eos, quicumque usurae labe fuerint infecti, juxta legum præscripta animadvertant. Art. 65. Prohibemus, ne quis Notarius ullum usurarum contractum recipiat, alioquin de officii gradu deturbandus, atque multa arbitraria puniendus. Eadem præcipit Carolus IX. an. 1567. Usuram interdicimus ad publicum bonum, atque Regni nostri utilitatem, nec non ad subditorum nostrorum solatium, ut vivere, & negotiari valeant, quin usuris obruantur; quemadmodum nonnulli in Regno nostro malo demone acti, nulloque Dei metu coerciti quotidie facere consueverunt. Et Henricus III. sic statuit in Comitibus Blesis habitis: Omnibus, & singulis cujuscumque generis, conditionisque fuerint, inhibemus, ne per se vel per interpositas personas saniora exerceant. Hinc patet usuras & jure civili Romanorum & jure Gallorum prohiberi.*

6. Rat. 1. Si aliquid juste exigeretur supra sortem in mutuo, vel hoc esset pro mutuacione, vel pro re mutuata, vel pro usu: non pro mutuacione; quia mutuatio non augeat pretium rei mutuatae, sicut nec venditio augeat pretium rei venditæ: non pro re mutuata; quia modo restituatur eadem in genere, vel alia prorsus æquivalens, ponitur æqualitas; ut cum mutuo dedisti centum, & redduntur tibi centum: non pro usu rei mutuatae; quia usus in rebus mutuatis non distinguitur a re mutuata: adde, quod completa mutuacione, usus rei mutuatae non est mutua-

tua-

tuatoris, sed mutuatarii. Ergo in mutuo nihil accipi potest supra sortem ex vi solius mutui.

2. Vel res mutuo data est frugifera ratione sui, ut animalia; vel frugifera ratione industriæ, ut argentum; vel omnino sterilis, uti panis, vinum, &c. Si res mutuata sit frugifera ratione sui, fructus debet cedere in utilitatem mutuantis, qui est dominus rei mutuatae; res enim domino fructificat. Si res mutuata est frugifera ratione industriæ mutuatarii, fructus debet cedere in utilitatem mutuatarii; quia est causa fructus enascentis ex sua ipsius industria. Si res sit omnino sterilis, injustum est exigere fructus ex re omnino sterili.

3. Qui accipit usuram, bis eandem rem vendit, v. g. rem quatenus rem, & rem quatenus usualem: cum tamen res mutuo data ab usu non differat; & ita contra iustitiam agit, & proinde peccat.

Ergo patet ex Scriptura, ex Patribus, ex Conciliis, ex jure civili tum Romano, tum Gallorum, & ex ratione, quod usura sit peccatum mortale contra iustitiam commutativam.

## ARTICULUS II.

*Quinam sint tituli liciti sumendi, ut dicunt, interesse, id est, aliquid supra sortem.*

**Prop. I.** Toties mutuans potest aliquid supra sortem exigere a mutuatario, quoties ratione mutui perit aliquid mutuanti de bonis, quæ actu habebat, vel quæ probabiliter acquisiturus erat.

**Prob. I.** *Æquitas naturalis postulat, ut qui confert beneficium, præstetur indenimis: Iniquum enim est, ut aliis benefaciendo, nobis noceamus.* Ergo mutuans potest aliquid exigere supra sortem, quando aliquid damni patitur ratione mutui.

2. In omni contractu, res, quæ sunt materia contractuum, debent reduci ad æqualitatem; adeo ut contrahentes ita se habeant, ut unus tantum rependat quantum alter ratione contractus vel dedit, vel amisit; alias enim iustitia læderetur.

Ergo in contractu mutui mutuatarius tantum debet rependere, quantum mutuator ratione mutui vel dedit,



dit, vel amisit: ergo si mutuator ratione mutui vel verum damnum passus sit, vel lucrum revera eventurum (idque ex causa mutui) non recepit, de hoc præmonitus mutuarius tenetur reparare illud damnum; & ita mutuans potest aliquid exigere supra sortem in his casibus, in quibus mutuum fuit causa *damni emergentis, vel lucri cessantis*.

### Confectaria hujus Doctrinæ.

*Confect. 1.* Licitum est ratione *damni emergentis* ex mutuo recipere aliquid supra sortem, servatis certis conditionibus infra recensendis: etenim si damnum emergens mutuanti, & nascens ex vi solius mutui, non reparetur, res, quæ sunt materia contractus mutui, non reducerentur ad æqualitatem; quia mutuarius non tantum rependeret, quantum mutuans ex vi mutui vel dedit, vel amisit.

Dixi, servatis certis conditionibus; quia, seclusis illis conditionibus, *usuram* sapit aliquid recipere ratione *damni emergentis*.

Prima conditio est, ut mutuum sit causa *damni*: nam si damnum veniat, aliunde, v. g. ex negligentia mutuantis, mutuarius non tenetur reparare damnum, sed mutuans debet illud sibi imputare ob suam negligentiam.

Secunda conditio est, ut mutuans præmoneat mutuatarium de damno, quod patitur ex vi mutui; quia forte posset iste meliori conditione alibi res mutuo accipere; & si casu imprævisio damnum eveniat post mutuum jam peractum, præmonendus est mutuatarius, ut indemnem servet mutuatorem.

*Confect. 2.* Licitum est ratione *lucri cessantis* ex mutuo recipere aliquid supra sortem, servatis certis conditionibus infra recensendis: quippe si lucrum proxime venturum mutuanti, & cessans ex vi mutui, non reparetur a mutuatario, res, quæ sunt materia contractus mutui, non reducerentur ad æqualitatem; quia mutuarius non tantum rependeret, quantum mutuans ex vi mutui amisit; quippe lucrum cessans aliquo est pretio æstimabile, sicut damnum emergens: neque enim mercator paratam habens pecuniam ad negotiationem,

ex qua lucrum ut certum sperat, minus aliquando æstimat lucrum illud in spe, quam lucrum in re: & sicuti, si fureris triticum paratum ad statim seminandum, plus aliquando noces, quam si aliud furatus fueris, quia triticum seminale censetur pluris valere quam aliud; ista pecunia parata ad negotiationem plus aliquando æstimanda est, alia pecunia actu possessa.

Dixi, servatis conditionibus; quia, seclulis his conditionibus, usura esset aliquid accipere ratione lucri cessantis.

Prima conditio est, ut mutuum sit unica causa lucri cessantis: v. g. si non habeas nisi certam pecuniam vel negotiationi, vel emendo prædio destinata, eamque des mutuo, tunc cessat tibi lucrum, quod mutuarius debet compensare.

Secunda conditio est, ut non tantum exigatur ex mutuo, quantum potest in rigore sperari; quia debent deduci expensæ: & lucrum in spe non tanti debet æstimari, quanti æstimatur lucrum in re.

*Prob. 2.* Sistendo intra jus naturale, quando certa est quantitas lucri cessantis, & damni emergentis, tantum præcise potest recipi, & debet dari supra sortem, quantum est damnum emergens, vel lucrum cessans; quando vero incerta est hæc quantitas, sistendo intra terminos juris civilis, tantum potest recipi, & debet dari, quantum determinat jus civile.

*Prob. prima pars.* Quando aperta est omnino & mutuuario, & mutuanti quantitas damni emergentis, & lucri cessantis, sistendo intra jus naturale, sufficit, quod mutuarius reddat mutuanti valorem nocimenti, quod mutuator passus est ex vi mutui vel ratione lucri cessantis, vel ratione damni emergentis; quia in mutuo, sicut & in aliis contractibus, satis est, quod res utriusque contrahentis reducantur ad æqualitatem.

Et ita dum statuta & edicta decernunt certam aliquam præstationem, v. g. quinque pro centum, non potest illa accipi a mutuante, si lucrum cessans, vel damnum emergens ex mutuo sit manifeste minus, quam quinque; quia edictum Principis supponit esse in mutuante titulum ad quinque, & semper includit hanc tacitam conditionem: ergo si non cessat mutuanti lucrum,

ut quinque ex centum mutuatis, usurarius est accipiendo quinque, & tenetur restituere id, quod accepit supra damnum emergens, vel lucrum cessans; manet enim semper obligatio naturalis.

Econtra potes accipere plura quam quinque, si manifeste lucrum cessans, vel damnum emergens ad plura quam ad quinque assurgat: etenim Regum edicta non prohibent fieri in foro interno quod fieri naturalis æquitas postulat; naturalis autem æquitas postulat, ut res, quæ sunt materia contractuum, reducantur ad æqualitatem exactam, quando ea certo & distincte potest cognosci.

*Prob. secunda pars.* Quando incerta est quantitas lucri cessantis, & damni emergentis, tunc commodius est contrahentibus, ut paciscantur de certa summa ad viri prudentis arbitrium; & hæc certa summa debet accipi juxta edicta Regum, & juxta terminos præscriptos a jure civili.

In hoc enim casu nihil fit contra æquitatem naturalem, & hic contractus utrique parti contrahenti commodus est: æstimatio autem præfixita ab edictis regis debet censi prudentissima; quippe nullus præsumi potest valorem pecuniarum examinasse exactius, quam examinarunt ii, qui præ sunt constituendis Regum edictis.

Sic quoties incerta est quantitas lucri cessantis, vel damni emergentis, toties mutuans potest exigere a mutuatario interesse juxta præscriptum Principis; quia præscriptum illud censetur prudens, legitimum & iustum.

Præscriptum autem Principis est hujusmodi; ita enim sanxit Carolus IX. in Comitibus Aurelianensibus ar. 60. cujus hæc sunt verba: *Is autem, qui certa quadam pecunie summa damnati fuerint per syngraphas, aut obligationes debitas, adjudicabitur damnum atque interesse requisitum ob solutionis dilationem, recensendum a die, qua vadimonium illis fuerit denuntiatum, idque inter mercatores quidem ratione denarii duodecimi, inter ceteros vero decimiquinti: exceptis tamen agricolis, olitoribus, & conduclitiis, erga quos debitores solvere tenebuntur duplum summae illius, cujus debitores extiterint, quin iudicibus liceat multam hanc moderari* ---

Ubi



Ubi nota, quod debitor tenetur solvere non usuras, sed damnum, & interesse compensare: & hoc solum post petitionem factam coram iudice.

Et circa hanc petitionem non eadem est in Gallia consuetudo. In curia Burdigalensi mutuarius condemnatur ad solvendum interesse ab eo die, quo mutuans iudice petiit debitum, etiamsi in sua petitione nullam fecerit expressam mentionem illius interesse. In curia Tolosana, si mutuarius expresse obligaverit se se ad solvendum interesse & in obligatione aperte appareat iusta causa sumendi interesse, tunc a die conventionis mutuarius damnum emergens vel lucrum cessans solvere compellitur, si vero causa iusta sumendi interesse non constat, solvere cogitur solum a die petitionis iudicis. In Curia vero Parisiensi præter petitionem iudicam requiritur sententia iudicis, & usuræ non nisi a die sententiæ solvuntur.

*Monit.* Stipulatio inter mutuantes & mutuarium, quæ apud Tolosates sufficit ad exigendum interesse cum aperto titulo, petitio illa iudica, quæ apud Burdigalenses sufficit ad exigendum interesse, & illa sententia iudicis, quæ apud Parisienses requiritur ad percipiendum interesse, non sunt titulus iustus accipiendi interesse coram Deo, si aliunde non adsit lucrum cessans, vel damnum emergens: quia & stipulatio, & petitio, & sententia adscribentes coram hominibus interesse mutuanti, supponunt eum vere pati aut *lucrum cessans*, aut *damnum emergens*; alias interesse non adjudicarent: tunc enim non est interesse, sed *usura*, ut infra dicitur.

### ARTICULUS III.

#### *De usura mentali.*

*Prop. I.* Quicumque sine pacto exteriori optat recipere aliquid supra sortem ex vi mutui, est usurarius mentaliter.

*Prob. ratione.* Ex dictis usurarius est, quicumque accipit aliquid ex vi mutui; quia usura est lucrum ex vi solius mutui proveniens: ergo qui mente solum lucrum illius meditatur recipere, est usurarius mentaliter.

#### Confectaria hujus Doctrinæ.

*Confect.* unicum. Usuram pure mentalem committit, qui nihil dat exterius, sed interius optat habere aliquid,

quod daret mutuo, v. g. frumentum, vinum, argentum, &c. ut ex mutuo lucrum faceret, & ditior fieret; quia usuram nutrit in mente.

*Prop. 2.* Usuram committit non pure mentalem, sed in aliquo realem, qui de facto dat aliquid mutuo, v. g. frumentum, vinum, argentum, &c. ea intentione, ut sibi aliquid pretio æstimabile rependatur ex vi mutui, quamvis non exprimat suam mentem exterius.

*Prob. 1.* Est usurarius in mente, ut patet ex Confessario præcedenti: & si quid recipiat ex vi mutui, tenetur restituere.

2. Urbanus Papa ait: *Qui non alias mutuo traditurus, eo proposito mutuam pecuniam credit, ut licet omni conventionione cessante, plus tamen sorte recipiat, pro huiusmodi lucri intentione, quam habet, judicandus est male agere, Et ad ea, quæ taliter sunt accepta, restituenda in animarum iudicio efficaciter inducendus: cap. consuluit extra De usuris.*

*Confess. unicum.* Usuram simul & simoniam non mere mentalem, sed etiam in aliquo realem committit, qui aliquid dat mutuo, v. g. frumentum, vinum, &c. ea intentione, ut sibi, vel filio, vel amico conferatur Beneficium Ecclesiasticum: hic enim mente & usurarius, & simoniacus est; quia & usuram, & simoniam interiorius fovet, & re aliquo modo exequitur.

## ARTICULUS IV.

### *De usura exteriori & aperta.*

*Prop. unica.* Usuram exteriorem & apertam committunt quicumque paciscuntur sibi dari aliquid pretio æstimabile ex vi mutui.

*Prob. ratione.* Primo usuram committunt: quia intendunt aliquid sibi dari ex vi mutui. Secundo usura illa est exterior; quia pacto externo statuta est. Tertio usura illa est aperta & patens; quia nullo involucre tegitur. Ergo illi omnes, qui paciscuntur sibi dari aliquid pretio æstimabile ex vi mutui, veram, realem, & apertam usuram committunt.

### Confessaria hujus Doctrinæ.

*Confess. 1.* Usuram realem & apertam committit, qui de facto dat mutuo aliquid, v. g. argentum, frumentum, &c.

&c. paciscens sibi aliquid dandum supra sortem, sive illud sit munus a manu, sive a lingua, sive ab obsequio; quia ex pacto exigit aliquid ex vi mutui: ita D. Th. 2. 2. q. 68. a. 2. ad 3. *Si aliquis ex pecunia mutuata ex pacto expectet, vel exigit, quasi per obligationem pacti taciti, vel expressi, recompensationem muneris ab obsequio, vel a lingua, perinde est ac si exigeret, ac expectaret munus a manu; quia utrumque pecunia aestimari potest; ut patet in iis, qui locant operas suas, quas manu vel lingua exercent: si vero munus ab obsequio, vel a lingua, non quasi ex obligatione rei exhibeatur, sed ex benevolentia, quæ sub aestimationem pecuniæ non cadit, licet hoc accipere, & exigere, & expectare.*

*Consect. 2. Usuram realem, & apertam committit, qui dat mutuo eo onere & pacto, quod mutuarius emat merces apud se, quod molat in suo molendino, quod agros suos colat, &c. est usurarius juxta Antoninum; quia hæc obligatio non sequitur necessario gratiam mutui, præcipue si ultra justum exigit: & tunc tenetur ad restitutionem totius damni ille, qui onus illud imposuit -- Ita Antonin. parte 2. tit. 1. c. 7. §. 5. & 8. Si quis mutuatur alteri ea intentione, vel pacto, ut eat ad molendinum suum, furnum, vel apothecam suam ad emendum, vel ut intret scholas sub eo, & hujusmodi, alias non mutuaturus, usuram committit, etiam si non majori pretio vendit propter hoc, seu plus ab eo, quam ab aliis petit: ratio est, quia commoditatem seu utilitatem inde recipit, quæ pretio aestimari potest.*

*Consect. 3. Usuram apertam committit, qui Principi vel Magistratui mutuum dat eo pacto, quod accipiat aliquod officium a Rege, vel ut eximatur a tributis solitis; quia accipit aliquid pretio aestimabile ex vi mutui: ita D. Thom. opusculo de regimine Judæorum ad Ducissam Brabantia: Quod si hoc pacto mutuum dant, ut officium accipiant, absque dubio pactum est usurarium; quia pro mutuo accipiunt officii potestatem.*

*Consect. 4. Reus usuræ clamantis, ut dicunt, & apertæ est, qui dat mutuo argentum, frumentum, &c. & cogit mutuarium dare aliquid præter id, quod accepit: v. g. mutuans dat centum, & exigit centum & quinque, vel exigit schedulam obligatoriam, qua teneatur solvere plus,*



plus, quam accepit; quia tunc accipit aliquid ex vi mutui. Ideo damnata est hæc propositio per facultatem Parisiensem tamquam falsa, scandalosa, & usuraria: *Majori cum animositate quam ratione condemnari obligatorias promissiones ad solvendum lucrum supra capitale.*

*Consect. 5.* Usuram pariter realem committit, qui mutuat fruges, argentum, &c. eo onere & pacto, ut sibi idem, aut simile aliquando mutuo detur; quia accipit aliquid ex vi mutui: ita D. Thom. 2. 2. q. 68. a. 2. ad 4. *Licet mutuanti unum, scilicet, simul aliquid aliud mutuum recipere; non autem licet eum obligare ad mutuum in posterum faciendum - - Gratitude tamen exigit, ut similia officia rependamus, & ita ut mutuanti, cum indiguerit, mutuemus, ut notat ibid. D. Thom.*

*Consect. 6.* Reus est usurae aperta, qui mutuo dat eo onere, quod mutuatarius non exigit reparationem honoris & famæ, quam iuste potest exigere: licet enim fama non sit pecunia æstimabilis, tamen obligatio restituendi famam potest pretio æstimari, cum homines sæpe illud onus argento redimant.

Dixi iuste: nam si injuste exigeretur, posset quis mutuum dando absque usura se redimere ab injusta vexatione.

*Consect. 7.* In crimen usurae aperta labitur, qui mutuo dat fruges, argentum, quod alibi habet, eo onere, quod cum maioribus sumptibus ad se deferantur: v. g. habes frumentum ruri, das illud mutuo, & exigis, quod mutuatarius vehat tibi frumentum in urbe reddendum; quia accipis aliquid ratione mutui, nimirum expensas necessarias ad vehendum frumentum.

*Consect. 8.* Non est immunis ab usura aperta, qui mutuum dat ea conditione, ut mutuatarius, vel alius fidejubeat, vel spondeat pro ipso in aliquo negotio; quia sponsonem pecunia æstimabilem ex vi mutui reportat: & si fidejussio damnum afferat mutuatario, mutuans tenebitur damnum reparare.

*Consect. 9.* Non excusari potest ab usura aperta, qui pecunias mutuo dat ea conditione, ut eadem pecuniæ reddantur eo tempore, quo sunt pluris valituræ; quia accipit aliquid ratione mutui, nimirum majus pretium pecuniarum. Vide legem *Rogasti* de præscriptis verbis.

*Consect.*

*Consect. 10.* Veram & apertam usuram exercent, qui dant mutuo vinum, frumentum, &c. ea conditione, ut sibi venundetur ager, vinea, aut alia res, quæ alias non venderetur a mutuuario; accipiunt enim aliquid pro mutuo, nimirum utilitatem, quæ provenit ex fundo vendito: & si fundus involuntarie vendatur, tenentur contractum rescindere: si vendatur infra justum pretium, tenentur damnum reparare.

*Consect. 11.* Usurarii aperti & publici censendi sunt, qui dant mutuo argentum, aurum &c. ea conditione, ut ab ipsis emanent quædam sua jura desperata, aut inutilia, v. g. agri steriles, aut aliud quidpiam id genus: quia ex vi mutui imponunt onus mutuuario. 1. Onus emendi; quod nollet emere. 2. Onus emendi aliquid, quod non est utile emptori. 3. Onus emendi aliquid plus, quam valeat; quo in casu ad reparationem omnis damni tenentur.

*Consect. 12.* Rei usuræ apertæ & absconditæ sunt, qui mutuo dant cum eo pacto, ut mutuarius vel totum mutuum, vel ejus partem a debitoribus ad solvendum tardis & difficilibus accipiat, ipsis vero mutuum solvat presenti pecunia: ita Baldus: ita pariter Conc. Mediol. *N. eti.* inquit, *liceat cum altero ita contrahere, ut is unam pecunie summam ei, qui dederit, solvat, cum ille partim pecunia dederit, partim nominibus debitis, quæ ei, qui mutuum posuit, vel in rebus piuris, quam valeant, estimatis.*

*Consect. 13.* Inter usurarios adnumeri sunt publicani, & regionum tributorum collectores, qui vel a civitatibus, vel a privatis civibus accipiunt aliquod pretio æstimabile, non ratione lucri cessantis, vel damni emergentis, sed ratione dilationis, vel ex eo, quod mitius cum illis agant; quia accipiunt aliquid ex vi mutui. Ad illud redit, quod diximus ex D. Th. *consect. 5. & 6.*

*Consect. 14.* Toties usura committitur, quoties aliquid ex vi mutui accipitur, sive mutuum detur pauperi, sive detur diviti, etiam si dives utatur pecunia mutuata vel ad lucrum, vel ad delicias. 1. Quia usura nihil est aliud, quam lucrum ex vi mutui, unde quaque veniat lucrum illud, sive a paupere, sive divite. 2. Sicuti furtum semper est peccatum, sive diviti, sive pauperi, rem, quæ tua non sit, auferas, quamvis gravior sit furari pauperi, quam diviti; ita exigere lucrum

prop-

propter mutuum, peccatum est, siue illud exigas a paupere, siue a divite, quamvis gravius sit usuram exigere a paupere, quam a divite. 3. Divus Thomas docet, quod in necessitate licitum sit accipere mutuum ab eo, qui usuras exerceat, *propter aliquod bonum, quod est subventio suae necessitatis vel alterius*; peccare vero eum, qui sine necessitate acciperet pecuniam ad usuram, quia cooperaretur peccato usurarii. Ergo supponit S. Doctor quod mutuatarius & mutuator peccant, quando ex mutuo consensu unus dat, alter vero recipit pecunias ad usuram: quod enim est ab intrinseco malum, ex mutuo contrahentium consensu permitti non potest; usura autem est ab intrinseco malum, ut docet D. Thom. q. 13. de malo a. 4. reducitur enim ad furtum. Et Alexander III. cap. *Super eo*, de usuris, docet expresse, *quod crimen usurarum utriusque testamenti pagina detestentur.*

### ARTICULUS V.

*De usura exteriori, sed palliata sub involucrio alterius contractus diversi a mutuo.*

**Prop.** unica. Toties usura palliata committitur, quoties mutuans & mutuatarius varios ineunt contractus, quibus id, quod mutuo datur, quod vocant capitale, saluum servatur, & interesse percipitur.

**Prob.** ratione. Tunc enim aliquid accipitur ex vi mutui sub aliquo alio contractu involuti: ergo usura palliata committitur.

### Confessaria hujus Doctrinae.

**Confess. 1.** Reus est usurae palliatae quicumque ratione anticipatae solutionis praecise minus solvit, quam debeat: de quo ita D. Thom. his verbis: *Ille, qui ad certum terminum debet, si ante terminum solvat, ut ei de debito aliquid remittatur, usuram committere videtur; quia manifeste tempus solutionis vendit, unde ad restitutionem tenetur: Op. 67.*

**Confess. 2.** Ille etiam reus est usurae palliatae, qui ratione anticipatae solutionis conjunctae cum emptione aliquid emit minori pretio ob anticipatam solutionem, ut docet etiam D. Thom. *Si quis emptor, ait, velit rem emere*



*emere vilius, quam sit justum pretium, eo quod pecuniam ante solvit, quam possit ei res tradi, est peccatum usuræ; quia etiam istæ anticipatæ solutiones pecuniæ habent rationem mutui, cujus quoddam pretium est quod diminuitur de justo pretio rei: 2. 2. q. 78. a. 2. ad 7.*

*Consect. 3.* Usurarius est usuræ palliatæ quicumque plus accipit, quam ei debeat, & hoc ob dilatam solutionem; tunc enim accipitur aliquid ob dilatam solutionem, quæ est quasi quoddam mutuum: etenim non exigere mutuum, cum solvi debet, quid est aliud, quam dare mutuum pro certo tempore.

*Consect. 4.* Usuram palliatam exercet quicumque ratione dilatæ solutionis junctæ cum venditione, carius vendit merces suas ob dilatam solutionem, vel qui cogit emptorem ad solvendum plura, quam emerit; quia accipit aliquid ex vi mutui. *Si aliquis carius velit vendere, inquit D. Thom. quam sit justum pretium, ut de pecunia solvenda emptorem expectet, manifesta usura committitur, palliata tamen sub involucri venditionis; quia hujusmodi expectatio pretii solvendi habet rationem mutui: ibid.*

*Consect. 5.* Usuram palliatam committit qui contractum *Mohatra* vocatum init. *Qui vendit aliquid alicui certo pretio, inquit Papa, cum onere, quod idem sibi iterum vendatur minori pretio, qui contractus solet vocari mohatra, usuram committit. Ita Innoc. XI. & Antonin. ait: Talis contractus usurarius est, & omni malignitate, & duplicitate plenus: 2. p. tit. I. c. 8. §. 3. Eundem contractum damnat c. 5. Usura. Quia, inquit, geminata illa venditio non fit, nisi ut pallietur usura.*

*Consect. 6.* Usuræ palliatæ reus est qui nolens pecunias petenti mutuo dare, citra lucrum ex mutuo perceptum, cum petentis consensu simulat ab eo fundum emere, eumque fundum nomine non re emptum, eidem locare, ut per palliatam emptionem & locationem lucrum ex mutuo percipiat, v. g. quinque pro centum. *Ibi enim, inquit Cajet. non est vera venditio, nec vera emptio, sed mutuum palliatum sub dictis contractibus; secus esset, si super domo, vel agro constitueretur perpetuus census.*

*Conseil. 7.* Usura palliatur sub contractu venditionis conditionata in sequentibus casibus. 1. Si venditio non fiat iusto pretio. 2. Si venditor rem venditam redimere cogatur intra certum tempus; & nisi redemerit, res conditionate vendita censetur absolute vendita. 3. Si res vendita debeat redimi maiori pretio, quam fuerit vendita; quia in his omnibus casibus usura latet sub illis simulatis contractibus. Ita Conc. Mediol. sub Carolo Borrom. tit. de usura. Ne, inquit, fiant contractus, ubi non antecedit emptio certae rei immobilis pretio iusto, vel ubi venditor redimere cogatur, vel ubi non possit redimere nisi post certum tempus. Quomodo licita sit retrovenditio, dictum est supra ubi de venditione.

*Conseil. 8.* Non excusatur ab usura palliata quicumque mutuo dat, & accipit pignus pro assecuratione mutui, & ex pignore accipit aliquod emolumentum: usuram enim vere committit, si non computet fructus in solutionem capitalis. Si quis, inquit D. Thom. pro pecunia sibi mutuata, vel alia re usuali, v. g. pro frumento, pro vino mutuo, obliget rem aliquam, cuius usus pretio aestimari potest, debet usum illius rei ille, qui mutuavit, computare in restitutionem ejus, quod mutuavit; alioquin si usum illius rei, quasi gratis sibi superaddi velit, idem est ac si pecuniam reciperet pro mutuo, quod est usurarium. 2. 2. q. 68. a. 2. ad 6. Idem dicitur c. Conquestus de usuris: Et retinens pignus, nedum fructus receptos debet computare in sortem, immo eos, quos percepisset verus possessor.

*Conseil. 9.* Usuram palliatam exercent, quicumque mutuo dant, sed ea conditione, quod si intra certum tempus non reddatur mutuum, nec recuperari, nec repeti poterit pignus traditum pro assecuratione mutui: de his ita Conc. Paris. Qui tempore necessitatis nihil commodare pauperibus volunt, nisi acquirant fundum aliquod in pignus, feneratorios sunt: C. 53. Et Concil. Mediolan. sic habet: Prohibetur, ne res detur pignori conditione, ut si ad dictum tempus res redempta non sit, res libera sit emptoris, vel ejus, qui pignori accepit. Idem vetat jus civile c. de Pact. Pig. & jus Can. cap. Significante de Pignoribus.

*Conseil. 10.* Usuram sub ficto cambio tegit, qui mutuo dando pecuniam, idem recipit lucrum, quod solent campfores recipere, qui pecunias hic datas cum aliis

aliis pecuniis in loco longe remoto dandis permutant; quia cambium illud est fictum ad palliandam usuram excogitatum: ita de hoc cambio Carol. Borrom. *Ne fiant cambia*, ait, *cum litteræ ad locum destinatum non mittuntur, & ibi non fit solutio, sed uno & eodem loco pecunia datur, & accipitur.* Conc. Mediolan. de usuris - - De cambio sicco, minuto, & locali, dictum est supra, ubi de cambio monetarum.

*Consect. 11.* Usuram sub ficta societate tegit, qui dans pecunias suas in societatem, ut dicunt, vult tamen, ut salva sit fors principalis, & ei aliquid quolibet anno pro emolumento pecuniæ in societatem tradite persolvatur; quia ficta est societas, quoties fors principalis non periclitatur. Sic docet Conc. Mediol.

*Ne, inquit, in societate, in qua alter pecuniam confert, alter operas, lucri distributio constituitur, nisi per quotas partes. 2. Ne ultra eas certa pecuniarum summa, vel quid aliud conferenti pecuniam persolvatur. 3. Ne fiat pactio, ut fors salva sit, fructusve communiter dividantur.* Concil. Mediol. ibid. Quomodo ineunda sit societas, dictum est supra.

*Consect. 12.* Ratione injustæ æstimationis. Usurarius est contractus, quo dantur animalia, vel merces æstimatæ ultra debitum pretium; quia æstimatio pro venditione habetur: L. *Pierumque.* ff. de jure dotium. Cum ergo venditio ultra pretium debitum sit usura palliata: ergo & æstimatio ultra debitum pretium.

*Consect. 13.* Ratione æstimationis conjunctæ cum simulata societate. Usurarius est contractus, quo animalia & merces æstimantur debito pretio, sed æstimata debito pretio traduntur societati eo pacto, quod integrum capitale non periclitabitur, sed fructificabit deponenti; quia si æstimatio sit vera venditio, res æstimata est vendita: si vendita, est emptoris: si est emptoris, debet fructificare emptori, & non venditori; quia res Domino fructificat: & ille, qui animalia & merces emit, tenetur solum reddere pretium, de quo conventum est.

*Consect. 14.* Palliatur usura sub involuero cessionis, quoties accipitur aliquid supra sortem ex vi solius cessionis alicujus summæ, cui debebatur interesse ratio-



ne lucri cessantis aut damni emergentis ; cessionarius vero sine titulo damni emergentis vel lucri cessantis vult aliquid ultra sortem accipere : quia generalis regula est, quod non detur titulus sumendi interesse, nisi vel lucrum cessans, vel damnum emergens.

Sic Titius vendidit fundum frugiferum Sempronio : iste non habens pecuniam, qua solvat fundum, quem emit, promisit solutionem interesse Titio ; qui licite illud interesse accipit, titulum enim habet : quia scilicet privatur fructibus fundi a se venditi. Titius cedit Mœvio debitam sibi summam a Sempronio : Mœvius ex vi solius cessionis non potest interesse accipere, nisi aliunde habeat titulum damni emergentis, vel lucri cessantis. Ita Cabassutius Lib. Theoricae praxis cap. 7. num. 17.

Sic focer cedit genero summam sibi debitam, & ex ea summa constituit dotem : gener pro dote non soluta, & quam potest & vult modo aliquo utili collocare ad sustinenda onera matrimonii, potest interesse accipere ; sed si maritus eam summam alteri cesserit, ex vi solius cessionis cessionarius non potest interesse accipere.

*Consect. 15.* Palliatur usura sub specie pecuniæ realiter numeratae, & mutuo tradita, quoties pecuniæ nondum persolutæ convertuntur in capitale, ex quo novum adhuc interesse percipitur ; hoc enim merito prohibet jus utrumque & civile & Ecclesiasticum, ne uturæ usuris supernatantes debitores opprimant : sic enim habet jus civile, L. ut nullo modo Cod. de usuris. Hac apertissima lege definimus, nullo modo licere cuiquam usuras præteriti temporis, vel futuri in sortem redigere, & earum iterum stipulari ; sed & si hoc fuerit usura subsecutum, usuras quidem semper usuras manere, & nullam usurarum aliarum incrementum sentire, sorti autem antiquæ tantummodo incrementum usurarum accedere. Et Pius V. Constitutione de censibus, prohibet, ne census antea constitutus augeatur ex pensionibus debitis quidem, sed non solutis, quamvis ex jam solutis augeri possit.

## ARTICULUS VI.

*De aliquibus titulis sumendi aliquid supra sortem.**Hi tituli vulgo referuntur a Canonistis.*

Præter titulum damni emergentis, & lucri cessantis, solent a quibusdam assignari alii tituli sumendi interesse: de quibus titulis hic agemus, non eos rejiciendo, sed explicando. Illi tituli possunt his carminibus comprehendi.

*Funda, fidei-jussor, pro dote, stipendia Cleri,**Sponte datum, sors indemnitas, conventio pœnæ.*

*Prop. unica.* Quando in mutuo suscipitur ex pacto aliquid supra sortem, toties debet intervenire vel damnum emergens, vel lucrum cessans, vel novus aliquis contractus superadditus mutuo, qui tamen non destruat naturam gratuiti mutui.

*Prob. 1.* Ex jure civili. Usuræ lucratorie sunt illicitæ: solæ usuræ compensatorie permittuntur: Ergo non est alius titulus sumendi interesse, nisi lucrum cessans, vel damnum emergens. Unde aptissime ait Corvinus in suis Aphorismis, ff. lib. 22. tit. - - Itaque, inquit, quotiescumque creditoris nihil interest, id est, nihil patitur damni, sciat toties se contra officium jacere, & indulgentia legum abuti, si ex officio mutuacionis, quod debet esse gratuitum, vel ante, vel etiam post moram, lucrum aucupetur.

2. D. Thom. 2. 2. q. 78. t. 2. ad 1. non alios titulos percipiendi interesse admittit, nisi quando mutuator occasione mutui aut damnum patitur, aut non lucratur quod posset lucrari: qui duo tituli solent denominari, lucrum cessans, aut damnum emergens: Ergo omnes alii tituli suspecti habendi sunt, nisi ad istos reducantur.

3. *Rat.* In omni contractu res, quæ sunt materia contractuum, debent reduci ad æqualitatem, alias violaretur iustitia commutativa: Ergo & in mutuo. v. g. Ergo mutuarius non debeo plura rependere, quam accepi; si acceperim centum, debeo centum rependere: Ergo si quid ultra rependam ex pacto, hoc ideo re-

pendo, ut reparem vel damnum emergens, vel lucrum cessans mutuatoris; alias mutuator non habet jus exigendi quod rependo.

Quod si absit titulus lucri cessantis, vel damni emergentis, debet necessario intervenire novum pactum, quo adstringar rependere aliquid supra sortem: quod pactum iustum erit, si non destruat gratuitum mutuum; injustum vero, si destruat gratuitum mutuum; quia contractus de una & eadem re inter personas easdem exerciti, sunt iniusti, quando unus destruit alium.

*Conseſſaria huius Doctrinæ, in quibus explicantur singule voces prædictorum carminum.*

*Conseſſ. 1.* In quo explicatur hæc vox, *funda*. Cum dominus mutuo dat vassallo argentum, &c. & a vassallo suo remisit ei servitiis feudum in pignus accipit, potest fructus fundi sui licite accipere, nec tenetur eos computare in sortem; quia ex tali mutuacione & oppignoratione dominus damnum patitur, privat enim se servitiis sibi a vassallo exhibendis: deinde dominus habet dominium directum supra fundum sibi oppignoratam: Ergo potest licite fructus ejus accipere; quia res domino fructificat. Ita habetur c. *Insinuatione de feudis*. *Insinuatione præsentium declaramus, quod gageria, quam de fundo Ecclesie tue dignosceris recepiſſe, a te potest libere detineri, fructibus non computatis in sortem; ita videlicet - Ut M. servitio feudi sit immunitis.*

*Conseſſ. 2.* In quo explicatur hæc vox, *fide-jussor*. Qui pro alio spondendo damnum aliquod patitur, vel quia solvit debitum, vel quia labores subiit &c. potest pro mutuo dato aliquid supra sortem accipere; quia fide-jussor (ut supponimus) damnum passus est. Ita docetur cap. *Peruenit de fide-jussoribus*: *Moneatis eosdem, ut memorato Clerico pecuniam, quam pro iis solvit, restituerent, ipsi quoque servant indemnem, & damna etiam, quæ propter hoc pertulit, resarciant.*

Si vero fide-jussor nullum damnum pateretur spondendo, usurarius esset, si acciperet.

*Conseſſ. 3.* In quo explicatur hæc vox, *pro dote*. Quando gener ob opera matrimonii sustinenda damnum



num patitur, potest accipere interesse, vel vice dotis accipere fundum, non computando fructus in sortem; quia nutriendo uxorem sine dote damnum patitur: onerosa quippe res est mulier nutrienda sine dote. Ita docetur cap. *Salubriter* de usuris. Tunc generum ad fructus possessionum, quæ sibi a socero sunt pro numerata dote pignori obligatæ, computandos in sortem, non credimus compellendum, cum frequenter dotis fructus non sufficiant ad onera matrimonii sustinenda.

Quod si nihil damni pateretur vel quia nulla sustineret onera matrimonii, vel quia lubens voluisset accipere uxorem sine dote, vel quia fructus vel ex toto, vel in parte excederent onera matrimonii, tunc usurarius esset; quia non haberet titulum damni emergentis, vel lucri cessantis, nisi expresse conventum esset, quod loco pecuniæ dotalis numerandæ daretur fundus frugifer.

Ideo hæredes non sustinentes onera matrimonii debent computare fructus in sortem: vidua pariter, si non sustineat onera matrimonii, nec habeat, unde vivat, potest accipere interesse: ita Sylvius; dos enim est fundus debitus viduæ, sicut legitima debetur filiis. Ergo sicut legitima non mutuo data, sed remanens in manu hæredis, est fundus ex natura sua dans interesse; ita & fundus dotalis, non quidem datus mutuo, sed remanens in manu ejus, qui dotem constituit.

*Consect. 4.* In quo explicantur hæ voces, *stipendia Cleri*. Cum Clericus fundum Ecclesiasticum aliter redimere nequit, quam mutuando, & prætextu pignoris illum suscipiendo de manu Laici, tunc potest citra usuram vel non computare fructus fundi in sortem, vel dominium ipsius fundi exigere pro mutuo; quia tunc damnum patitur, nimirum iniquam detentionem fundi proprii: deinde mutuo utitur, non ad lucrandum, sed ad injustam vexationem redimendam. Ita habetur cap. *Plures* de usuris in fine.

*Consect. 5.* In quo explicantur hæ voces, *sponte datum*. Citra usuram potest accipi quod sponte offertur; quia usura est, cum aliquid, non ex gratitudine, sed ex necessitate & pacto exigitur: sed ne sub nomine spontaneæ obligationis usura lateat, attendat quisque ad hæc verba Hilarii super illud Psalmi: *Qui munera super in-*

*nocentem non accepit. Ita David eam in muneribus docet servandam esse rationem, ut sumantur a nobis quæ sint grata & utilia offerentibus, non quæ nos faciant venales, nec insidiosa innocentibus sint, nec munerantibus sumptuosa, officio potius, quam cupiditate sumpta, honore magis ingesta quam metu, charitate magis suscepta, quam lucro.*

*Consect. 6.* In quo explicantur hæ voces, *sors indemnis*. Postquam mutuator gratis mutuo dedit pecunias, frumentum, &c. si rogetur mutuans a mutuatario, ut mutuans sponte & nequaquam invitus suscipiat in se per novum contractum periculum sortis, potest absque vitio usuræ aliquid recipere, non ratione mutui, sed ratione periculi in se suscepti; quia suscipere periculum est contractus assecurationis, qui non est illicitus, ut infra dicitur: & hic contractus assecurationis non destruit contractum mutui; quippe mutuatarius potuisset susceptionem periculi tertiæ personæ proponere, & aliquid pro suscepto in se periculo offerre: Ergo & potest eandem conditionem proponere mutuatori; quia non est pejoris conditionis ex eo quod gratis mutuum contulerit. Totum istud debet provenire a mutuatario, & non a mutuante; quia si veniat a mutuante, ibi est usura palliata, ut dicitur cap. *naviganti vel eunti ad mundinas*, de usuris. Ita tenet Ragnanus explicans prædictum caput; tamen melius & tutius est nunquam pacisci de servando capitali indemnæ.

*Consect. 7.* In quo explicantur hæ voces, *conventio pœnæ*. Postquam mutuator gratis mutuo dedit argentum, aurum, &c. si timeat mutuatarium non soluturum ad conditum tempus, potest pœna conventionali cogere morosum debitorem ad solvendum condito tempore, & aliquid exigere ultra sortem, si non solvat, non ratione mutui, sed ratione novi contractus, nimirum conventionalis pœnæ; quia interest publicæ utilitatis, ut pacta servantur; & pœnæ de quibus voluntarie conventum est, subeantur, non ante declarationem judicis, sed post declarationem juridicam, ut diximus ubi de lege pœnali. Punitorias ergo usuras duæ causæ licitas reddunt: ex parte creditoris præsumptum damnum, quod interesse vulgo nominant: ex parte

parte debitoris mora, non innocens, sed culpabilis, quæ cum delictum sit, puniri debet: ita habetur C. L. 22. de usuris.

Nota tamen, quod si creditor mallet debitorem potius incurrere pœnam, quam in termino solvere, esset usura, ut ait Scotus in 4. dist. 15. a. 2.

Si pœna apposita excedit interesse, præsumitur usura: Leg. *prædia* de actionibus empt. & vendit.

Præsumitur pariter usura, quando apponens pœnam consuetus est fœnerari: Leg. *Julianus*.

Quando mutuatarius non solvit in termino præfixo, non ex dolo, sed sine culpa, non potest in conscientia ab eo exigi pœna conventionalis; quia innocens non debet puniri.

Denum in praxi, tituli de periculo fortis, & de pœna conventionali, debent esse suspecti, & non nisi raro permittendi; scilicet quando constat mutuatorem non lucrum quærere, sed solam mutuarii utilitatem peroptare, & solam capitalis assecurationem intendere.

## ARTICULUS VII.

*De variis titulis sumendi interesse, excogitatis a quibusdam authoribus.*

Præter prædictos titulos excogitados a Canonistis, quidam alios titulos excogitarunt, quos omnes recensimus, & refutabimus.

*Prop. unica.* Falsus est omnis titulus sumendi interesse, nisi interveniat vel lucrum cessans, vel damnum emergens, ut patet ex dictis: ergo falsi sunt sequentes tituli, quos sola avaritia excogitavit.

### Confectoria hujus Doctrinæ.

*Confess. 1.* Utilitas, quam capit mutuatarius ex mutuo, non est titulus sumendi interesse: ex eo enim quod mutuatarius accipiat aliquid utilitatis ex re mutuata, nulla est ratio mutuatori recipiendi lucri; quippe illa utilitas debet cedere non in bonum mutantis, sed in bonum mutuarii: sicut iniquum esset aliquid exigere super justum pretium rei venditæ propter utilitatem, emptori ex re emptæ eveniret.



*Consect. 2. Delectatio, quæ provenit mutuatario, ex eo, quod res mutuo data aliquam delectationem sibi pariat, mutuatori eadem delectatio quasi eripiat, est titulus falsus; quia valor rei mutuatae non debet pensari ex privata & inordinata privatorum hominum cupiditate, sed ex rationali hominum aestimatione: & sicut venditor non potest rem vendere supra justum pretium propter delectationem, quam capit in possessione rei; ita nec mutuans potest ob similem delectationem, quæ privat se mutuando, aliquid exigere supra sortem.*

*Consect. 3. Dilatio solutionis ad certum tempus non est justus titulus sumendi aliquid supra sortem; quia de ratione mutui est, ut mutuator non possit repetere mutuum, nisi ad conditum tempus; quia dilatio seu tempus non est aliquid, quod ad mutuantem pertineat, & proinde pro eo nihil potest accipere: etenim Alex. VII. damnavit hanc propositionem: *Licitum est mutuanti aliquid ultra sortem exigere, si se obliget ad non repetendam sortem usque ad certum tempus.**

*Consect. 4. Venditio rei usualis non est titulus sumendi interesse. Quidam exigunt aliquid supra sortem, respicientes mutationem quasi venditionem, & dicentes, quod sicut in venditione potest res vendi supremo, medio & infimo pretio, v. g. vendi supremo pretio, & emi infimo; & res mutuata potest dari infimo pretio, & recipi supremo, & sic mutuatarium teneri aliquid dare supra sortem. Titulus ille est injustus; quia hic contractus non esset mutuatio, sed venditio.*

*Consect. 5. Locatio rei mutuatae est falsus titulus. Quidam exigunt interesse ratione locationis rei mutuatae, dicentes, quod res mutuata locatur, sicut equus locatur: & sicut datur aliquid pro locatione equi, ita & dari debet aliquid pro locatione pecuniæ. Ille titulus est falsus; quia aliud est mutuare, aliud locare: quia qui locat, est dominus rei locatae, & ita potest ratione usus aliquid accipere; sed qui mutuo dat, non remanet dominus rei mutuatae, & ita non potest pro illius usu aliquid recipere.*

*Consect. 6. Major aestimatio pecuniæ numeratae, quam numerandæ, est falsus titulus. Quidam accipiunt aliquid ex mutuo, dicentes, quod pecunia numerata est pretiosior*

tiōsior numeranda. Ille titulus est falsus; quia idem est valor pecuniæ numeratæ & numerandæ: ideo damnata fuit sequens

*Prop.* Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid supra sortem a mutuatario exigere, & eo titulo ab usura excusari.

*Consect. 7.* Periculum sorti intrinsicum est falsus titulus sumendi interesse. Quidam recipiant interesse, dicentes, quod res mutuo data præcipue pauperi homini non satis noto, periculo est obnoxia. & ita ratione illius periculi potest sumi aliquid supra sortem. Sed titulus ille est falsus, 1. ut dicit D. Th. opusculo 42. de usuris c. 6. Ratio periculi etiam circa sortem non tollit rationem usuræ in mutuo, ut probatur in capitulo naviganti de usuris. 2. Si fas esset usuram sumere ob periculum intrinsicum sortis, nunquam a divite, temper vero a paupere liceret usuras accipere; quia fors semper periculatur apud pauperes, raro vero apud divites. 3. Nihil aliud requiritur ex vi justitiæ, nisi ut res, quæ sunt materia contractus mutui, reducantur ad æqualitatem: Ergo injuste se gerit mutuator, qui ob periculum sortis exigit aliquid; aut saltem cum redditur mutuum, debet computare in sortem, quidquid a tempore mutationis datum est.

*Consect. 8.* Constitutio regia est falsus titulus. Quidam exigunt interesse, quia Rex ita permittit; sed Rex non permittit, ut sumatur aliquid supra sortem, nisi quatenus supponit mutuatorem habere justum titulum vel damni emergentis, vel lucri cessantis: & dato quod permetteret, illa licentia non excusaret coram Deo, ut optime docet D. Thom. Leges humanæ dimittunt aliqua peccata impunita propter conditiones aliquorum hominum imperfectorum, in quibus multe utilitates impedirentur, si omnia peccata districte prohiberentur panis adhibitis; & ideo usuras lex humana concessit, non quasi æstimans eas esse secundum justitiam, sed ne impedirentur utilitates multorum. Et instit. l. 2. t. 4. Res, quæ usu consumuntur, neque ratione civili, accipiunt usumfructum.

*Consect. 9.* Status pupillorum est falsus titulus sumendi interesse. Tutores vel Curatores pecuniam pupilli,

vel minoris non possunt mutuo dare, exigendo aliquid supra sortem: ita docet Conc. Meclinienſe poſt Concil. Mediol. tit. de uſuris. Quoniam uſura jure divino & canonico omnibus Chriſtianiſ ſub pœna peccati mortaliſ interdicitur, neque faciendâ ſint mala, ut eveniant bona, Synodus ſtatuit, & ordinat, nequiſ Tutor, aut Curator ſub prætextu augendi patrimonii pauperum pupillorum, aut ſub eorum curatela exiſtentium, pecunias illorum ſub certo lucro ſinguliſ anniſ ultra ſortem recipiendo, mutuo det, retenta facultate repetendæ ſortiſ, decia. atque hujusmodi contractûſ uſurariôſ. Et conſtitutioneſ Aurelianenſeſ an 1002. ſic habent: Tutoreſ, atque Curatoreſ Minorum ſtatim ac perfecereſ inventariûm bonorum ad pupilloſ ſuoſ ſpectantium, curare tenentur, ut publicâ judicium auctoritate vendantur peritura illorum mobilia; atque collectâſ inde pecunias conſanguineorum, & amicorum conſilio in bonorum immobilium, vel cenſuſ emptione impendere. Ubi dicitur, bona mobilia pupillorum, non in mutuum eſſe collocanda, ſed in emptione vel cenſuſ, vel bonorum immobilium. Idem docet Sylvius in Binsfeldium, & probat multiſ Conciliis Provinciâlibuſ. Et talis eſt uſuſ in Gallia juxta Bochelum in ſua Bibliotheca, ubi ſic habetur: *Hæc uſuræ propoſitio Gallica lege lata generalis eſt, neque in pupillorum, aliorumque gratiam ullam exceptionem admittit. Ita poſt cauſam dictam cautum fuit edito, die 13. Junii, Curia ad Auguſtinianorum ædeſ ſedente.*

*Vide Epistolam encyclicam ſub num. XV. ad calcem Tomi IV.*

## ARTICULUS VIII.

*De caſibuſ, in quibuſ videtur uſura committi, nec tamen revera committitur.*

**Prop.** unica. Ut committatur uſura, debet intervenire contractûſ vel explicituſ, vel implicituſ mutui; & ex mutuo debet immediate percipi reſ pretio æſtimabilis.

**Prob.** Uſura eſt lucrum ex vi mutui immediate proveniens: ergo ſi reſ proveniens ex mutuo non ſit pecunia æſtimabilis, qualiſ eſt amicitia, non erit uſura: vel ſi lucrum reperiatuſ, & non ſit mutuum, vel ſ. lu-  
crum



crum veniat aliunde quam ex mutuo, non erit usura; usura enim est lucrum ex vi mutui, & non aliunde proveniens.

### Confectaria hujus doctrinæ.

*Consect. 1.* Non est usurarius qui mutuatur, ut sibi conciliet amicitiam & gratitudinem mutuatarii; quia amicitia & gratitudo non sunt res, quæ soleant apud homines pecunia æstimari. *Recompensationem eorum, quæ pecunia non mensurantur, licet pro mutuo exigere, puta, benevolentiam & amorem ejus, cui mutuatur, vel aliquid hujusmodi.* ait D. Thom. 2. 2. q. 78. a. 2.

*Consect. 2.* Non est usurarius qui mutuatur, ut recuperet rem sibi injuste detentam, aut ut se liberet ab injusta vexatione, v. g. a litibus injustis; quia ut optime ait Cajet. *mutuator non acquirit alienum, sed in primo casu acquirit suum, in secundo conservat.*

*Consect. 3.* Si quis, inquit Sylvius in Binsfeld. *mutuet, intendens sibi comparare amicitiam alterius, ex qua deinde lucrum expectet, non est usura, immo nec alterius generis peccatum; quia lucrum non sequitur immediate ex mutuo.*

*Consect. 4.* Contractus census annui redimibilis ex parte recipientis pecunias, & irredimibilis ex parte dantis, non est usurarius, quamvis tantum lucrum recipiatur ex pecunia data, quantum recipitur ex pecunia mutuata; quia talis contractus non est verum mutuum, sed vera emptio pensionis.

*Consect. 5.* Mons pietatis, in quo quibuscumque egenis mutuo datur, & accipitur tantum aliquid pro expensis; si fiat juxta Constitutiones Pontificum, non est usura. Sed ut magis pateat, quid de censu & de monte pietatis sentiendum sit, fusius de utroque agendum.

## ARTICULUS IX.

### De Pensione censuali.

#### §. I.

#### De Natura Census annui.

Census, ut contractus, est pactum, quo acquiritur jus ad exigendam annuam pensionem. Qui obligatur ad solvendam illam pensionem dicitur *censuarius*. Qui

habet jus percipiendæ pensionis, dicitur *censualista*. Hæc definitio non aliter probatur, quam communi omnium doctorum consensu, qui censum ita definiunt.

## §. II.

*De varia Censuum Divisione.*

Census potest dividi multipliciter. 1. Ex parte rei, supra quam fundatur. Census alius est realis, alius personæ, alius mixtus. Census realis est jus percipiendæ pensionis ex re frugifera, v. g. ex domo, ex agro, ex prato, & perit perenniter re, supra quam fundatur.

Census personæ est jus percipiendæ pensionis ex persona industria sua lætæ afferente, & perit mortua persona, supra quam fundatur.

Census mixtus est jus percipiendæ pensionis ex re simul & persona; etenim res simul & persona obligantur.

2. Ex parte durationis. Census alius est perpetuus, alius temporalis. Census perpetuus est ille, qui nullo tempore definito circumscribitur. Census temporalis est ille, qui ad certum tantum tempus est duraturus, v. g. ad decem annos, ad vitam.

3. Ex parte modi. Census alius est consignativus, alius reservativus. Census consignativus est ille, quo quis retento bonorum suorum dominio directo & utili, assignat alteri aliquam pensionem ex illis eisdem bonis. Census reservativus est ille, quo quis transfert dominium utile bonorum suorum in alterum, reservata sibi annua pensione super illis bonis.

4. Ratione cessionis. Census alius est redimibilis, alius irredimibilis. Census redimibilis est ille, qui redemptione certæ pecuniæ redimi potest. Census irredimibilis est ille, qui redemptione pecuniæ redimi non potest.

5. Ratione rei, quæ percipitur. Census alius est pecuniarius, alius fructuarius. Census pecuniarius est ille, qui pecunia solvitur. Fructuarius est ille, qui fructibus penditur, v. g. vino, frumento, oleo.

*Prop. 1.* Census annuus potest absque vitio usuræ emi & vendi, modo observentur certæ conditiones.

*Prob. 1.* Auctoritate Martini V. & Calixti III. Qui Pontifices interrogati de huiusmodi contractibus, dixerunt, licitos esse, servatis quibusdam conditionibus, ut patet ex eorum Bullis.

2. Rat.

2. *Rat.* Jus exigendi pensionem annuam est pretio æstimabile : ergo potest & emi & vendi absque vitio usura. Quando autem emitur pensio, non emitur pecunia, sed emitur jus exigendi talem pecuniæ quantitatem quolibet anno solvendam ; sicuti qui emit agrum, non emit fructus agri, sed jus percipiendi fructus quolibet anno nascituros : & licet pensiones æffective sumptæ sint longe majoris pretii, quam summa, qua emptæ sunt ; tamen emptio non est injusta, quia non emuntur pensiones exigendæ, sed jus exigendi pensiones. Sicut licet fructus e prædio aliquo colligendi, sumpti simul intra omne tempus, quo fundus potest fructificare, possint esse in majore quantitate & valore, quam pretium, quod pro fundo datum est ; tamen emptio non censetur injusta, quia non emuntur fructus successive colligendi, sed jus percipiendi fructus quolibet anno nascituros.

*Prop. 2.* Quando statuitur pensio annua, eadem requiruntur conditiones, quæ in emptione & venditione.

*Prob. ratione.* Talis contractus est vera venditio. Qui dat argentum, ut acquirat jus pensionis, seu censualia, est verus emptor ; quia emit tale jus. Qui accipit argentum, seu censuarius, subiiciendo se oneri solvendi pensionem, est venditor ; quia vendit talem obligationem : Ergo, cum talis contractus sit emptio & venditio, debet habere conditiones emptionis & venditionis.

### Confectaria hujus Doctrinæ.

*Consect. 1.* Quoad personas. Censualista debet habere dominium argenti, quod numeratur ; quia est emptor. Censuarius debet habere dominium pensionis, quæ solvitur ; quia est venditor.

*Consect. 2.* Quoad res. Si census sit realis, res, super quam constituitur, non debet esse alteri obligata ; quia sicuti res jam vendita non potest vendi, ita neque res jam obligata potest de novo obligari. Debet insuper res esse pensioni assicurandæ sufficiens ; quia alias fraudaretur censuaria, sicut fraudaretur emptor. si res venalis non responderet pretio.



Si census sit personalis, persona, in qua fundatur, debet sua industria esse sufficienti asscurandæ pensioni; alias jus pensionis esset nullum, utpote non fundatum: sicut iniqua esset venditio, si venderetur id, quod non est.

*Consect. 3.* Quoad pretium. Jus pensionem percipiendi debet vendi & eini iusto pretio, quod tale iudicatur vel per legem a Republica statutam, vel per consuetudinem. Solitum pretium est modo dare quinque pro centum.

*Consect. 4.* Quoad modum statuendi pensionem. Census debet esse irreducibilis ex parte censualistæ & redimibilis ex parte censuarii; quia ita determinarunt Pontifices: etenim si censualista posset annuam pensionem recipere, & insuper pro nutu capitale exigere, talis contractus degeneraret in mutuum conjunctum lucro, atque ita contractus esset usurarius.

*Consect. 5.* Quoad necessitatem numerandi pecuniam. Dum census creatur, tunc pecunia debet actu & realiter coram testibus & Notario numerari. Hoc exigit Bulla Pii V. ad præcavendos diversos modos fœneratorum, qui numerant nonaginta, & scribunt centum; qui numerant revera centum, & centum scribunt, sed ex numerata subtrahunt decem aut plura: item centum constituunt ex mercibus venditis & pro arbitrio taxatis, ex usuris non solutis, & aliis variis modis, quibus avaritia tegitur, & palliantur usuræ. Non peccaretur tamen contra iustitiam, si pecunia olim fuisset vel certo numerata, vel aliquo iusto titulo debita: sed cavendum esset, ne quid falsi enuntiaretur in instrumento publico; quia numquam licet mentiri.

*Consect. 6.* De rebus, super quas constituitur census. Falsum est, quod census nequeat constitui, nisi super unam rem determinatam; quia ex usu communiter recepto constituitur generaliter super omnia bona censuarii. Falsum pariter, quod census nequeat constitui super personas; quia usus contrarius prævalet, qui cum nihil habet iniqui, observari potest: ita Soto Lib. 6. q. 5. Bullæ Pp. non exigunt has condiciones, sed Bartholomæus Miranda eas suo iudicio induxit.

## ARTICULUS X.

### De Monte Pietatis.

**Mons Pietatis** est cumulus rei usu consumptibilis, v. g. pecunia, frumenti, &c. ad mutuandum egen-  
tibus, ad certum tempus, sub idoneo pignore, in quo  
vel nihil accipitur, vel aliquid moderatum accipitur  
quolibet mense pro expensis necessariis.

*Prop.* unica. Montes pietatis sunt liciti, modo fiant  
cum conditionibus supra statutis.

*Prob.* 1. Ex Constitut. Pauli II. Sixti IV. Innocen.  
VIII. Alexandri VI. Concil. Lateranensis sub Leone X.  
ubi illi montes habentur ut liciti.

2. *Rat.* Tunc non committitur usura, quando aliquid  
sumitur ultra sortem pro indemnitate mutuantis; quia  
dammum emergens est titulus legitimus percipiendi in-  
teresse: Atqui ita est in proposito: Ergo non commit-  
titur usura in montibus pietatis.

### Confectaria hujus Doctrinæ.

*Consect.* 1. Ut mons pietatis nomini suo plene re-  
sponderet, mutuatarii nihil deberent dare præter pig-  
nus, quod refusa sorte intra annum, aut circiter, inte-  
grum ipsis restitui debet: ita docent Constitutiones su-  
pra citatæ.

*Consect.* 2. Mons pietatis retinet adhuc nomen suum,  
quando aliquid moderatum accipitur pro solis expensis  
necessariis ad conservandum montem: ibid.

*Consect.* 3. Mons pietatis in impietatem & usuram  
degenerat, si sematur aliquid pro mutuo, pro adaugen-  
do monte pietatis, aut pro fictitiis aliis titulis: ibid.

*Consect.* 4. Mons pietatis veram impietatem conti-  
net, si sub prætextu juvenis egenorum fiat illis gra-  
vamen vel in fraudulenta subastatione pignorum, vel  
in enormi pensatione mensura, vel in immoderato  
impendio ædificiorum, vel in excedenti numero mi-  
nistrorum, & excedenti eorum stipendio: ibid. quia tunc  
sub nomine pietatis palliatur usura.

## ARTICULUS XI.

*In quo explicatur, quid requiratur in contractu mutui quoad personas, quoad res, quoad modum contrahendi.*

**Prop. unica.** Ut mutuum sit validum, 1. Mutuator debet habere rei, quam mutuo dat, dominium & administrationem; mutuarius vero debet posse mutuatae rei dominium recipere. 2. Res mutuo data & acceptata debet esse ipso usu consumptibilis. 3. Mutui datio & acceptatio nihil debet habere, quod legibus adversetur.

**Prob. rat.** Ex dictis de contractibus in communi. 1. Personae contrahentes debent esse habiles ad contractum, quem incunt. 2. Res, quae sunt materia contractus, debent esse in eo commercio, quod requiritur ad finem contractus, qui incitur. 3. Modus contrahendi debet esse iuxta leges: Ergo ut contractus mutui sit validus debet habere praedictas condiciones. 1. Enim, cum per mutuum transferatur rei mutuo datae dominium, mutuator debet habere & rei illius dominium, & administrationem; mutuarius vero debet posse illud recipere. 2. Cum finis mutui sit, quod res usu consumptibiles ab uno contrahente in alium transferantur, res mutuo datae debent ipso usu consumi. 3. Denique, cum nullus contractus legi contrarius sit validus, si mutuum contra leges ineatur, nullius erit vigoris.

### Confectaria hujus Doctrinae.

**Consect. 1.** *Quoad personas.* Illi solum possunt mutuo dare, qui possunt transferre dominium; quia contractus mutui non fit, nisi eo fine, ut mutuarius acquirat rei mutuatae dominium. Illi vero non possunt mutuo dare, qui non habent rerum dominium vel administrationem.

Sic paterfamilias potest mutuo dare res suas, filiusfamilias bona castrensia, uxor bona paraphernalia; quia hi omnes habent rerum praedictarum dominium, & administrationem.

Sic econtra paterfamilias non potest mutuo dare bona uxoris, nec uxor bona mariti, nec filius bona familiae.



Sic tutores possunt res pupilli mutuo dare, & curatores res minoris, modo faciant conditionem pupilli & minoris meliorem; quia etsi non habent dominium earum rerum, habent tamen illarum administrationem; & agentes nomine vel pupilli, vel minoris, una cum pupillo & minore vere habent rei mutuo date dominium.

Administratores Reipublicæ possunt mutuo dare, modo ad id mandatum habeant, & modo conditionem Reipublicæ meliorem faciant; quia nemine Reipublicæ agentes, vere habent dominium rei, quam dant mutuo: L. 27. ff. de rebus creditis.

Sic si tutor, & curator & administrator Reipublicæ conditionem pejorem faciant illius, ejus curam gerunt, id damno suo faciunt, ut dicemus ubi de officio tutorum & curatorum. Illi idem, qui possunt mutuo dare, quia habent rei mutuo date dominium, possunt etiam mutuo accipere, quia possunt rei mutuo data dominium accipere: L. 2. ff. de rebus creditis §. penultimo.

*Consect. 2. Quoad res.* Illa solum res possunt mutuo dari, quæ ipso usu consumuntur, *Mutui datio*, inquit jus civile, *consistit in his rebus, quæ pondere, numero & mensura consistunt*, id est, quæ ipso usu consumuntur: L. 2. ff. de rebus creditis.

Sic vinum, oleum, frumentum, &c. possunt mutuo dari; quia ipso usu consumuntur.

Sic etiam moneta, utpote excogitata ad commutationes faciendas, potest mutuo dari; quippe ipso usu quasi consumitur: & licet in se ipsa non pereat, dum ea utimur, perit tamen utenti; eam enim amplius non habet in sua potestate, ubi ea usus est.

*Consect. 3. Quoad modum.* Mutuum, quod est contra leges irritantes, est nullum: illud vero quod est contra leges prohibentes, est illicitum; quia ad leges solum pertinet vel irritare, vel prohibere contractus, qui Reipublicæ nocere possunt.

Sic contractus mutui manifeste usurarii, & ut tales declarati per leges, sunt in utroque foro nulli & invalidi: tales sunt contractus, quos supra recensuimus, tanquam manifestam usuram continentes.

Sic contractus palliatam usuram continentes, sunt illiciti in foro interiori; & in foro exteriori sunt

invalidi, si per sententiam iudicis declarentur usurarii.

Sic contractus, quo mutuo datur argentum filiofamilias utriusque sexus ab eo, qui scit eum esse filiumfamilias, est invalidus & nullus; & filiusfamilias, qui mutuo accepit pecunias, non cogitur coram iudice eas solvere ex vi *Senatus-Consulti Macedoniani*, in his scilicet casibus, in quibus viget *Senatus-Consultum Macedonianum*, cujus hæc sunt verba: *Placere, ne cui, qui filiofamilias pecuniam mutuam dedisset, etiam post mortem parentis ejus, cujus in potestate fuisset, actio petitioque daretur; ut scirent, qui pessimo exemplo sanerarent, nullius posse filiofamilias bonum nomen expectata patris morte fieri.* Quod ut clarius pateat, sit

§.

*De Senatus - Consulto Macedoniano.*

Hujus *Senatus - Consulti Macedoniani* causam præbuit fœnerator Macedo, qui filiisfamilias mutuam pecuniam credere solebat ad luxum; unde tamen flagitiis obruti, ad quodvis flagitium impellebantur: quo *Senatus - Consulto* prohibitum est, ut non liceret pecuniam creditam patere post mortem patris, nec a filiofamilias sui juris facti, nec etiam ab ejus successoribus, aut sociis; ut sic improbi fœneratores eas pecunias perderent, quos prava fœnerandi intentione contra bonos mores filiisfamilias mutuo dedissent: ita L. I. ff. de *Senatus - Consulto Macedoniano*.

Cessat tamen *Senatus - Consultum Macedonianum* in sequentibus casibus:

1. Si filiusfamilias pro patrefamilias publice habeatur, & in eo errore fuerit bona fide ille qui pecuniam mutuo dedit. Si quis, inquit jus, patremfamilias esse credidit, quia publice paterfamilias plerisque videbatur, sic agebat, sic contrahebat, sic muneribusungebatur, cessabit *Senatus - Consultum*.

2. Si volente patre filiusfamilias pecuniam mutuo acceperit, vel mutationem pater ratam habuerit. Hoc amplius cessabit *Senatus-Consultum*, inquit Lex 7. §. 15. si pater solvere cupit; Et quod filiusfamilias mutuum sumpperit quasi ratum habuerit.

3. Si pecunia accepta a filio insumpta fuerit his oneribus, quæ patri incumbabant, v. g. nutriendæ familiæ, solvendis debitis paternis. Proinde, inquit jus civile, si accepit pecuniam, & in rem patris vertit, cessat Senatus-Consultum; patri enim non sibi accepit: L. 6. ib. §. 12.

4. Si filiusfamilias, facius sui juris, debitum agnovit, novaque stipulatione se obligaverit. L. 20. ff. ibid. Si paterfamilias factus, inquit jus, novatione facta, eam pecuniam expromisit.

5. Si debitum contraxerit erga debitorem, non pecunias accipiendo mutuo, sed emendo aliquid sibi necessarium, puta, vestes necessarias, libros necessarios, arma necessaria, &c. Quia tamen, inquit jus civile, pecuniæ numeratio non occurrit, cessat Senatus-Consultum: quod ita est intelligendum, si non fraus Senatus-Consulti sit excogitata: Lib. 2. ibid. §. 3.

6. Si mutuo pecunias acceperit, vel ad liberalem, vel ad mechanicam artem addiscendam. Quod dicitur in eo, inquit eadem lex, qui studiorum causa absens mutuum acceperat, cessare Senatus-Consultum: ita locum habet, si probabilem modum in mutuo non exceffit: §. 13.

Monit. 1. In his tamen casibus, in quibus in foro exteriori viget Senatus-Consultum Macedonianum, Monet, inquit jus, obligatio naturalis: L. 10. ff. ib. Atque ideo, si solute sint pecuniæ mutuo acceptæ, Solutum non repetunt, inquit jus, qui ob penam creditorum actione liberantur: L. 9. ff. §. 4. ib. 2. Id. in quo mutuatarii facti sunt ditiores, restituendum est; quia nemo potest damno alterius fieri locupletior. 3. Si filiusfamilias mutuando sincere promiserit solutionem, tenetur stare promissis, ut diximus, ubi de promissione.

## ARTICULUS XII.

### De pœnis usurariorum.

Usurariis aliæ destinantur pœnæ jure naturali, aliæ jure civili, aliæ jure canonico.

Jure naturali. 1. Usurarii tenentur restituere omne damnum, quod per usuras causatum est; quia juxta regulam juris: Non remittitur peccatum, nisi restituatur ablatum. 2. In eorum defectu eorum heredes



ad eam restitutionem tenentur. Cap. *Tua nos De usuris*. ubi sic habetur: *Filii ad restituendas usuras ea sunt restrictione cogendi, qua parentes sui, si viverent, cog-  
rentur. Id ipsum etiam contra heredes extraneos credi-  
mus exercendum. 3. Possessiones, quæ de usuris compa-  
rate sunt, debent vendi, & ipsarum pretia iis, a qui-  
bus usure sunt extortæ, restitui.* Cap. *cum tu, De usuris.*

Jure Canonico usurarii, si non restituant, ad commun-  
ionem altaris non admittuntur: si in hoc peccato de-  
cesserint, christiana sepultura privantur, eorum obla-  
tiones ab Ecclesia non accipiuntur: ita habetur cap.  
*Quia in omnibus. De usuris. Constituimus*, inquit,  
*ut usurarii manifesti*, id est, ut explicat Glossa, qui  
vel contesti sunt usuram, vel condemnati sunt usurarii,  
vel usuram nulla tergiversatione celare possunt, *usura-  
rii, inquam, manifesti nec ad communionem admi-  
tantur Altaris, nec christianam, si in hoc peccato de-  
cesserint, accipiant sepulturam; sed nec oblationes eo-  
rum quisquam accipiat: & qui eos sepeliverit, ipso fa-  
cto excommunicationem incurrit: & ab hac pœna usu-  
rarius morti proximus non solvitur, nisi satisfactionem  
exhibuerit competentem: ita cap. Eos. de sepulturis,  
Clement. I. ubi sic habetur: Qui usurarios manifestos  
scienter sepelire presumit, ipso facto excommunicationi-  
s sententiæ subjacere decernimus. Et cap. Quia frustra  
De usuris, dicitur: Usurarius - - - nisi prius ipse re-  
stituerit usuras, quas ab aliis noscitur recepisse, nulla-  
tenus audiat.*

Jure civili usurarii infames habentur: ita L. 2. C. ex  
quibus causis infamia irrogatur. *Improbum fœnus*,  
inquit jns, *exercentibus, & usuras usurarum illicitè  
exigentibus, infamie macula irroganda est.*

## CAPUT XI.

### De quasi contractibus.

#### Proœmium.

Ea est hominum conditio, ut necessario alii aliis in-  
digeant, & proinde aliqui interdum cogantur  
permittere res suas geri etiam ab his, cum quibus  
nulli expresse contraxerunt. Sic, qui vel ob tene-  
ram

ram ætatem, ut pupilli, vel ob valetudinem, ut infirmi, vel ob longinquitatem, ut absentes, res suas curare non possunt, coguntur permittere easdem res ab illis administrari, qui præ summa, qua pollent, vi & industria, & sibi & aliis invigilare possunt. Hinc nascitur mutua obligatio inter eos, qui ministrant, & eos, quibus ministratur: quæ obligatio dicitur quasi contractus, eo quod ab obligatione contractuum non longe distat. De obligatione orta ex quasi contractibus hic agemus:

§.

*Quid & quotuplex sit quasi contractus.*

Quasi contractus est negotium, quod inter aliquos tacite, & sine expresso consensu gestum, obligationem parit singillatim obligationi contractuum.

Quasi contractus est multiplex: tutela administratio, negotiorum gestio, rerum communio, hereditatis aditio.

Tutela administratio est quasi contractus, quo tutor & pupillus ad invicem obligantur; tutor, ut gerat vicem parentis; pupillus, ut subeat vices filii.

Negotiorum gestio est quasi contractus, quo ministrator, & is, cui ministratur, obligantur sicut mandans & mandatarius.

Rerum communio est quasi contractus, quo qui habent res communes obligantur ad invicem, sicut hi, qui inierunt simul societatem.

Hereditatis aditio est quasi contractus, quo qui adit hereditatem, & legatarii obligantur ad invicem, sicut donator & donatarius.

## ARTICULUS I.

*De munere Tutorum & Curatorum.*

**T**utor est ille, qui tuetur Personam pupilli, qui se præ ætate defendere non potest; tutor enim personæ, non rei datur.

Curator est ille, qui res minoris administrat. Juxta praxim juris tum Gallicani, tum Romani in paucissimis distant tutores a curatoribus; ideo de tutoribus & curatoribus hic simul agemus.

Pupillus est ille, qui nondum est assecutus annos pubertatis. Annus pubertatis in masculis accedit post annum 14. in foeminis post 12. completum. Minor est ille, qui nondum assecutus est annum 25.

### §. I.

#### *De necessitate Tutorum & Curatorum.*

*Prop. I.* Necessitas publica postulat, ut stabiliantur tutores & curatores, qui erga pupillos & minores vires parentum gerant; & quod pupilli & minores tutores & curatores quasi parentum loco habeant.

*Prob. I.* Ex Script. D. Paulus necessitatem statuendi tutores pro pupillis, & curatores pro minoribus, & mutuum eorum obligationem satis aperte indicat his verbis: *Quanto tempore heres parvulus est, nihil differt a servo, cum sit dominus omnium; sed sub tutoribus & actoribus est usque ad præfinitum tempus a patre.*

2. *Rat.* Experientia constat, quod pupilli præ ætate se defendere non possunt, neque minores præ infirmitate suas administrare: Ergo ad communem matrem, scilicet ad Rem publicam spectat, ut tutores pupillis, & curatores minoribus provideat; cum illo tamen onere, ut tutoribus & curatoribus debitus honor exhibeatur; pupillis & minoribus debita cura impendatur, alias insufficienter his defectibus provideretur: Ergo necessitas publica postulat, ut stabiliantur tutores & curatores.

Ex hoc generali principio sequentes inferuntur propositiones.

### §. II.

#### *De his, qui tutela & curatela indigent.*

*Prop.* Illata ex superiore propositione.

Hi omnes tutela indigent, qui se & sua defendere non possunt.

Hi omnes curatela indigent, quia bona sua administrare non possunt.

*Prob. Rat.* Tutores non ob alium finem a Republica statuuntur, quam ut personam & rem pupilli tueantur; curatores vero statuuntur, ut eorum tueantur bona, qui suis rebus invigilare non possunt. Ex quo sequitur, quod hi, qui hic subijciuntur, egeant tutela vel curatela.

Con-



## Confectaria hujus Doctrinæ.

*Confect. 1.* Infantes tam masculi quam feminæ egent tutela, donec pervenerint masculi ad annum 14. completum, feminæ vero ad annum 12. completum; quia tempus pubertatis ita præfixum est a jure: Lib. 1. inst. tit. 22. Impuberes autem censentur se defendere non posse.

*Confect. 2.* Minores tam masculi quam feminæ, qui 25. annum non excedunt, egent curatela; quia tempus minoritatis ita præfixum est a jure, & minores censentur rebus suis invigilare non posse: Lib. 1. inst. tit. 23.

*Confect. 3.* Amentes & furiosi curatoribus indigent; hi enim ob furiam vel amentiam res suas curare non valent. *Mente captis, quia rebus suis*, inquit Justinianus, *superesse non possunt, curatores dandi sunt*: Lib. 1. inst. tit. 13. *Furiosi, licet majores viginti quinque annis sint, tamen in curatione sunt*: ibidem. Furor autem & dementia debet juridice probari; quia posset quis dementiam fingere, ut onera civilia detrectaret; vel malignose posset alicui amentia affingi, ut bonis suis spoliaretur.

*Confect. 4.* Curatores statuendi sunt prodigis, quibus juridice interdicitur bonorum administratio; quia male res suas administraat. *Lege*, inquit jus civile, *duodecim tabularum prodigo interdicitur bonorum suorum administratio*: L. 1. ff. de curat.

*Confect. 5.* Curatores dandi sunt his, qui surdi sunt & muti, & ob morbum debiles; hi enim ob infirmitatem naturalem rebus suis superesse non possunt. *Surdis & mutis*, inquit Justinianus, *& qui perpetuo morbo laborant, quia rebus suis superesse non possunt, curatores dandi sunt*: Instit. lib. 1. tit. 23. de curat.

*Confect. 6.* Bona testatoris, cujus hæc ditas nondum suscipitur, item bona illius, qui ære alieno gravatus est, vel qui rebus suis cessit; hæc, inquam, bona sub cura curatoris alicujus juridice statuuntur, ne bona illa pereant, neve legitimi heredes hæreditate debita, & creditores bonis suis orbentur.

*Confect. 7.* Communitas sive Ecclesiastica, sive civilis

eget tutoribus & curatoribus; quia utpote coalescens ex pluribus, singuli nequeunt res suas gerere, sed aliquem debent præponere rebus gerendis idoneum: ideo civitates reguntur per consules, collegia per syndicos &c. eadem autem sunt obligationes consulum, & syndicorum, quæ curatorum.

### §. III.

*De his, quibus tutela & curatela potest vel non potest committi.*

*Prop. unica.* Hi tutores & curatores debent institui, qui sufficienter valent & personam, & res pupilli defendere, & negotia minorum administrare.

*Prob. rat.* Tutores & curatores non ob alium finem statuuntur a Republica, & destinantur ab Ecclesia, quam ut provideant his, qui se vel sua custodire non possunt: Ergo debent his dotibus præmuniri, quibus & personam pupilli tueri, & bona minoris valeant administrare.

### Confectaria hujus doctrinæ.

*Consect. 1.* Hi jure naturali & civili tutores esse debent, qui utilius & persone, & rebus pupilli providere possunt; quia hi utilius vices parentum gerunt. Sic pupillo dantur.

1. Tutores *testamentarii*, id est, ii, qui a patre testatore nominati sunt; juxta illud juris: *Permissum enim est parentibus liberis suis testamento tutores dare.*

2. Tutores *legitimi*, id est, consanguinei proximiores, quales sunt mater si velit, avia si velit, propinquior cognatione masculus: ut qui sperant successionem minorum, iidem eadem tueantur bona, ne dilapidentur: L. 1. ff. de leg. tut.

3. Tutores *dativi*, id est hi, qui a magistratu donantur: Magistratus enim civitatis tutores, & curatores quamprimum dare curabunt, si jam non dati fuerint, uti jubet jus civile: ibid.

*Consect. 2.* Hi jure naturali & civili eximuntur a tutela & curatela, qui sufficienter pupillis & minoribus providere non possunt; quia alias non satis per Rempublicam provideretur his, qui nec se, nec sua custodi-

re possunt. Et ita sequentes personæ liberantur a tutela.

1. Fæminæ; quia sunt negotiis gerendis parum idoneæ. *Fæminæ tutores dari non possunt; quia, ut docet jus civile, id munus masculorum est: Leg. ult. ff. de tut.* Mater tamen & avia filiorum tutelam suscipere possunt; quia amor matris erga filios, & aviæ erga nepotes, supplet sexus infirmitatem.

2. A tutela & curatela excluduntur pupilli & minores, ut docet lex: *Qui enim ab aliis reguntur, aliorum tutelam vel curam subire non possunt: lib. 1. inst. de excus. tut.*

3. Tutores esse non possunt amentes, surdi, cæci, muti, perpetuo morbo laborantes; quia, inquit lex, eos, qui suis rebus invigilare non possunt, aliis rebus non decet præfici: quod his verbis jus civile expressit: *Cæcus, surdus, mulus, furiosus, aut valetudinarius deponere tutelam potest: L. 40. ff. de excus. tut.*

4. Septuagenarii propter eandem rationem. *Excusantur a tutela & curatela, inquit jus civile, qui septuaginta annos compleverunt: L. 2. ff. de excus. tut.*

5. A tutela excusantur, qui quinque liberos legitimos viventes habent, qui tribus diversis tutelis onerantur, qui litteras nesciunt: *ibid.* quia hi omnes censentur pupillis vacare non posse. Personæ regio vel ecclesiastico privilegio exemptæ, quales sunt Religiosi, Clerici, Episcopi, & demum, qui gerendis Reipublicæ negotiis occupantur, & multi alii, quos jus eximit a tutela: *lib. 1. inst. tit. 25.*

*Consect. 3.* Tunc finitur tutela, quando vel pupilli non egent defendi, vel tutores non possunt eos tueri; quia tunc lex statuens tutores sine suo frustraretur. Sic tutela finitur sequentibus casibus.

Ex parte tutoris. 1. Morte naturali & morte civili; quia utraque mors impedit, ne rebus pupilli vacare possit. 2. Excusatione vel remotione juridica; quia tunc pariter non potest rebus pupilli invigilare. *Designant, inquit jus, esse tutores, qui vel remonentur a tutela ob id, quod suspecti visi sunt, vel quia ex justa causa se excusant, & onus administrande tutelæ deponunt: L. 40. ff. de excus. tut.*



Ex parte pupilli. 1. Morte naturali & civili ejusdem pupilli; quia utraque mors reddit pupillum incapacem possessionis. *Finitur tutela morte pupilli*: lib. 1. inst. quibus modis finit. tit. 22. 2. Pubertate pupilli, vel ejus majoritate, cum pupilli & minores ad eam ætatem perveniunt, qua nec tutela, nec curatela opus est: ibid.

## §. IV.

*De munere tutoris quoad personam.*

*Prop.* unica. Tutores debent necessaria tam corpori, tum animæ, pupillo ex ejus bonis providere.

*Prob. rat.* Tutores non possunt aliter obire vices parentum erga pupillos.

Non decet tamen, ut tutor id suis expensis faciat, quia non est vere pater; ideo sic habet Justinian. *Si egeni sunt pupilli, tutor de suo eos alere non compellitur*: instit. de educ. pupil.

## Confectaria hujus Doctrinæ.

1. Tutores debent exequi subiecta munia. Providere victum & vestitum pupilli juxta ejus facultatem. *Modum autem patrimonii spectare debet Prætor, cum alimenta decernit*: instit. ibid.

2. Præceptores pupillo educando providere, cum tutor non rebus diutaxat, sed etiam moribus pupilli præponatur. *In primis præceptoribus mercedes non quam minimas poterit, sed pro facultatibus patrimonii, pro dignitate natalium constituit*: L. 12. de admin. tut.

## §. V.

*De munere tutoris & curatoris quoad res temporales.*

*Prop.* unica. Tutor & curator ea tantum gerere possunt, quæ prosunt pupillis & minoribus; minime vero ea, quæ eis officiunt.

*Prob.* Tutor & curator dati sunt loco parentum: ergo ea tantum possunt, quæ sunt utilia pupillis & minoribus; minime vero ea, quæ eis sunt noxia. *Tutor in re pupilli tum domini loco habetur, cum tutelam*

nam administrat, non cum pupillum spoliat: L. 7. §. 3. ff. pro empt.

### Confectaria hujus Doctrinae.

*Consect. 1.* Tutor & curator possunt isthæc omnia, que cedunt in bonum pupilli & minoris.

1. Lites incipere, inceptas persequi, & finire. 2. Debita activa pupilli & minoris exigere, debita vero passiva solvere. 3. Bona mobilia vendere, v. g. suppellectilia, debita incerta &c. & eorum pretium utiliter statuere, his mobilibus exceptis, que sunt necessaria vel ad agorum culturam, vel ad messis collectionem. 4. Bona immobilia vendere tunc tantum, cum mobilium venditio non sufficit ad solvendum creditori, qui non contentus usuris exigit sortem capitalem.

*Consect. 2.* Tutor & curator non possunt isthæc omnia; quia sunt contra bonum pupilli, vel minoris.

1. Fundo pupilli novam servitutem imponere, vel remittere servitutem, quam habet supra fundum alienum. 2. Actiones pupillis, vel minoribus calumniosas instituere. 3. Prædia pupillis vel minoribus inutilia acquirere. 4. Hereditatem pupillis vel minoribus onerosam acceptare vel adire. 5. Bona pupilli vel minoris gratuita largitione donare.

### §. VI.

#### De securitate bonorum Pupilli Et Minoris.

*Prop. unica.* Tutor & curator tantam debent in rebus pupilli & minoris administrandis curam adhibere, ut si quid vel dolo, vel culpa negligant, ad restitutionem teneantur; namque vero, si casu detrimento aliquid eveniat.

*Prob. 1.* Ex jure civili, Quidquid pupilli, dolo, vel lata aut levi culpa tutoris, aut curatoris, minuisse amiserint, vel cum possent, non acquisierint, hoc in tutela per negotiorum gestorum æque judicium venire non est incerti judicii: L. 7. C. cert. tut.

2. *Rat.* Tutor & curator, iste minoris, alter pupilli res ex officio administrare debent. Ergo si quod damnum ex istorum culpa patiantur pupillus & minor, tutor & curator ad restitutionem teneantur; omisso enim debiti officii obligat ad restitutionem.

## Confectaria hujus Doctrinæ.

Tutor & curator tenentur ad restitutionem in sequentibus casibus. 1. Si mobilia dolose vendita fuerint aut ipsi tutori, aut alicui interpositæ personæ. 2. Si mobilia vendi potuerint, & ex negligentia tutoris vel curatoris vendita non fuerint; debuerunt enim confestim officio suo defungi. 3. Si quod ex expensis necessariis anno quolibet residuum fuerit, utiliter non, collocent, ad usuras solvendas tenebuntur. *Si comparare prædia tutores neglexerint, incipiunt in usuras conveniri.* Ib. 4. Si plures tutores simul tutelam gesserint; omnes in solidum tenebuntur; si disparte, quilibet tenetur pro rata parte illius rei; quæ ei commissa est. *Et si quidem omnes simul gesserunt tutelam, & omnes solvendo sunt; æquissimum erit actionem dividere inter eos pro portionibus virilibus, exemplo fidejussorum: L. I. §. 11. ff. de tut. & rat. distrah.* 5. Si quid casu contigerit, tutor & curator ad nihil tenentur. *Sufficit tutori bene & diligenter negotia gessisse, etsi eventum adversum habuit quod gestum est: L. 3. §. 7. de contr. tut.*

*Qua ratione gerendæ sint tutelæ & curatellæ.*

*Prop. unica.* Tutor & curator eam prædantiam adhibere debent in rebus gerendis, ut nec sibi, nec pupillis, vel minoribus noceant, vel nocere præsumantur.

*Prob. rat.* Tutor & curator parentum personam sustinent erga pupillos & minores: ergo quemadmodum parentes debent liberorum, facultatibus consulere; ita & tutores & curatores. Cum autem ex Apostolo providere debeamus bona, non tantum coram Deo, sed etiam coram hominibus; ita se gerere debent tutor & curator, ut etiam hominibus certo constet de recta facultatum pupilli & minoris administratione. Quare quæ hic subjiçuntur, ab illis accurate servanda sunt,

## Confectaria hujus Doctrinæ.

**I.** Initio tutelæ inventarium facere debent. Tutores vel curatores mox quam fuerint ordinati, sub præsentia personarum publicarum inventarium rerum omnium & instrumentorum sollemniter facere curabunt: L. 24. C.



de admin. tut. ut constet, quid receperint, quid non receperint.

2. Durante tutela nihil agent sine consensu parentum & arbitrio judicum, ut constet, quo pacto se gesserint.

3. Finita tutela rationem reddent. *In omnibus, quæ fecit tutor, cum facere non deberet, item in his, quæ non fecit, rationem reddet, Et hoc judicio: L. 1. ff. de tut. & rat. distrah.*

4. Finita tutela & curatela, si tutor & curator rebus pupilli & minoris offenderint vel dolo, vel negligentia, restituere conabuntur; quia rem pupilli salvam & indemnem esse decet.

5. Si tutor & curator solvere nequeant, id per hæredes tutoris & curatoris, vel per eorum fide-jussores præstabitur; quia res pupilli numquam perire prestat.

De hæredibus ita jus loquitur: *Hæredes eorum, qui tutelam vel curam administraverunt, si quid ad eos ex re pupilli vel adulti pervenit, restituere cogentur; in eo etiam, quod tutor, vel curator administrare debuit, nec administraverit, rationem reddere eos debere non est ambigendum: L. ult. C. de hered. tut.*

De fide-jussoribus sic habet: *Manet fide-jussor obligatus ad supplendam indemnitate: L. 2. C. de fide-juss. tut.*

6. His deficientibus nominator tutoris & curatoris tenebitur restituere.

## §. VII.

*De his, quæ pupilli Et minores debent tutoribus Et curatoribus.*

*Prop. unica.* Pupilli & minores debent curatoribus, & tutoribus solvere quidquid juste pro illis impensum est.

*Prob. rat.* Iniquum est tutores & curatores causas aliorum gerere suo ipsorum periculo: ideo ait jus civile, si egeni sint pupilli, de suo eos alere tutor non compellitur: Ergo pupilli & minores debent tutoribus & curatoribus solvere quod eorum causa impensum est.

Con-

## Confectaria hujus Doctrinæ.

*Consect. 1.* Debent ratas habere omnes iustas expensas. Si tutela quis conveniatur, inquit jus, reputare potest id, quod in rem pupilli impendit: L. I. ff. de contract. tut. act. v. g. quod consumptum est decenti educatione, cura tutelæ, victu & vestitu matris & sororis, pupilli & minoris, si hi non habeant aliunde, unde vivant.

*Consect. 2.* Debent damna omnia refarcire, quæ tutor & curator passi sunt ob administrationem tutelæ vel curatelæ; quia iniquum est tutores & curatores pupillorum & minorum causa egenos fieri.

## ARTICULUS II.

## De negotiorum gestione.

**N**egotiorum gestio sit, cum quis negotium absentis & quidem ignorantis gerit sine mandato, & sponte suscipit sine mandato; quia si mandatum interveniat, mandatarius dici debet, & non procurator voluntarius: sponte debet suscipere; quia si iussus faciat, curator dici debet, & non negotiorum gestor.

*Prop. unica.* Negotiorum gestores, & hi quorum negotia geruntur, eadem sibi mutuo debent, quæ curatores, & minores.

*Prob. Rat.* Procurator voluntarius est quasi curator rei, quam administrat: ergo ad eadem tenetur, ad quæ curator: & ille, cuius negotium geritur, est quasi minor: ergo ad eadem tenetur erga procuratorem, ad quæ minor erga curatorem. Cum quis negotia absentis gerit, ultro citroque inter eos nascuntur actiones: Inst. de obl. ex quasi contract.

## Confectaria hujus Doctrinæ.

*Consect. 1.* Hi egent procuratore voluntario, qui ignorari rerum suarum, nemini possunt res suas committere; quia bonum publicum postulat, ut bona absentium & ignorantium administrantur.

*Consect. 2.* Hi possunt esse procuratores voluntarii, qui possunt utiliter rebus aliorum providere; minime vero qui eis providere non possunt, ut dictum est de tutoribus.

*Consect. 3.* Procuratores voluntarii ea solum possunt, quæ

quæ profunt his, quorum gerunt negotia; minime vero quæ eis officiunt, ut dictum est de tutoribus.

*Consect. 4.* Procuratores voluntarii tenentur ad restitutionem, si dolose vel negligenter negotium susceptum administrarent. *Si negotia agentis et ignorantis geras. Et culpam et dolum prestare debes:* L. 21. ff. de neg. gest. Tenetur iniuper lucrum cessans, & damnum emergens solvere, qui aliena negotia gerit. *Usuras præstare cogitur, ejus scilicet pecunie, quæ iuratis necessariis sumptibus superest:* L. 13. ibid. - - Sive sint masculi, sive feminae, si negotia gesserint, possunt coram iudice conveniri, ut rationem reddant gestionis: nam et mulieres negotiorum gestorum agere posse, et conveniri non dubitatur: L. 31. ibid.

*Consect. 5.* Quorum negotia geruntur, eadem debent, quæ minores erga curatores: & ita tenentur, 1. Rata habere, quæ gesta sunt. *Quod utiliter gestum est, necesse est apud iudicem pro rato haberi:* L. 9. ff. ibid. 2. Restituere lucrum omne cessans, & damnum omne emergens ob negotii alieni gestionem. *Sumptuum factorum usuras præstare bone fidei suavit:* L. 18. C. 16. *Expensæ inutiles vel liberaliter concessæ non restituntur. Si quid utiliter - et non materna liberalitate expendisti, inquit ius civile, id negotiorum gestorum actione consequi potes:* L. 11. C. ibid.

### ARTICULUS III.

#### *De rerum communione.*

Rerum communio fit, cum extra societatem expressè initam plures habent aliquid commune vel ex donatione, vel ex testamento, vel ex legato.

*Prop. unica.* Hi, qui secum habent rerum communionem, ad eadem tenentur, ad quæ obligantur hi, qui societatem inierunt.

*Prob. rat.* Rerum communio est implicita & interpretativa quedam societas: ergo ad eadem tenentur, qui secum habent rerum communionem; ad quæ tenentur qui societatem inierunt.

#### *Consectaria hujus Doctrinæ.*

*Consect. 1.* Hi dicuntur habere rerum communionem, quibus aliquid dono, vel testamento, vel legato datum est; & hi, quibus nequit fieri donatio, sunt incapaces communionis rerum.



*Consect. 2.* Rerum communitas potest esse vel in rebus mobilibus, vel in rebus immobilibus; quia potest esse earum rerum donatio.

*Consect. 3.* In rerum communione res debent reduci ad æqualitatem pro rata sui juris parte. In re communi & commodum & incommodum, lucrum & damnum debet æqualiter distribui: bona omnia communia debent in cumulum redigi: nihil debet abscondi: fructus omnes percepti debent computari: quilibet jus habens in re communi debet bonum commune, quasi rem suam inspicere, ut eam conservet; & quasi rem alienam habere, ne eam sibi adscribat.

Neuter potest intempestive rem communem dissolvere, sed tenetur eam dividere juxta præscriptum donantis, si donator diviserit; si non diviserit, juxta consensum possessorum, si inter ipsos ita conventum fuerit; vel juxta sententiam judicis, si inter ipsos non fuerit conventum.

## ARTICULUS IV.

### *De hæreditatis aditione.*

*Hæreditatis aditio est, cum quis hæres suscipit hæreditatem sibi debitam.*

*Prop. unica.* Qui adit hæreditatem, eo ipso omnibus se obligat, quibus aliquid ex illa hæreditate debetur.

*Prob. rat.* Aditio hæreditatis est quasi contractus, quo hæres sumit in se omnes obligationes hæreditatis: Ergo qui adit hæreditatem obligatur erga omnes, quibus hæreditas aliquid debet.

### Consectaria hujus Doctrinæ.

*Consect. 1.* Omnis, qui hæreditatem adit sine prævia inventarii cautione, in solidum obligatur omnibus creditoribus & legatariis: L. 34. ff. de jure deliber. æquum enim est, ut qui unam cum testatore personam sustinet, omnia ejus debita solvat, quantumvis ei damnoisa futura sit hæreditas.

*Consect. 2.* Qui vult damnosam non sibi fore hæreditatem, potest uti indulto Justiniani, qui permisit, ut intra tricesimum ab adita hæreditate diem contici queat inventarium; quo confecto, non ultra vires hæreditatis cre-

creditoribus & legatariis obligatur : C. L. fin. de jur. delib.

## CAPUT XII.

### De Donatione.

## ARTICULUS I.

### *Quid & quoduplex sit donatio.*

Donatio a nonnullis recensetur inter contractus ; ideo post contractus hic agemus de donationibus.

Juxta jus civile donatio est mera liberalitas, quæ nullo jure cogente ex sola animi liberalitate deferitur ad accipientem : L. 29. ff. de donationibus. Unde donatio sic potest definiri : *Donatio est libera alicujus rei datio ;* dicitur enim L. 10. C. de donationibus : *Nec ignorans, nec invitus quisquam donat.*

Donatio alia est absoluta, alia conditionata.

Donatio absoluta ea est, qua aliquid donatur absolute & sine conditione ; qualis est illa his verbis concepta : *do agrum meum Titio.*

Donatio conditionalis ea est, qua aliquid donatur sub conditione ; talis est illa his verbis concepta : *do agrum meum Titio, si lauream in Theologia consequatur.*

Donatio iterum alia est omnino gratuita, alia remuneratoria.

Donatio gratuita ea est, qua res donatur omnino gratuito.

Donatio remuneratoria ea est, qua aliquid donatur in premium accepti officii.

Donatio iterum alia est inter vivos, alia mortis causa.

Donatio inter vivos ea est, qua quis vult se vivo rem donatam alterius esse : v. g. rem dat ea mente, ut statim velit accipientis fieri id, quod datur L. 1. ff. de donationibus.

Donatio mortis causa ea est, qua quis sic donat, ut velit rem datam esse donatarii, non per vitam ipsius dantis, sed post ejus mortem : ibid.

Iterum assignatur a Juristis donatio propter nuptias : & hæc triplex est.

1. Donatio sponsalitia, qua sponsi ante nuptias sibi aliquid donant intuitu matrimonii.

2. Do-

2. Donatio favore matrimonii, qua pater, vel extraneus dat aliquid alteri conjugum, conjugii non conjugis nomine.

3. Donatio in favorem superstitis, qua conjux donat aliquid parti sibi superstiti.

## ARTICULUS II.

*Quæ conditiones requirantur, ut donatio sit valida.*

**Prop. unica.** Ut donatio sit valida, quedam requiruntur conditiones & ex parte donatoris, & ex parte donatarii: quædam & ex parte rei donatæ, & ex parte modi donandi.

1. Donator debet habere & dominium, & administrationem rei, quam donat, debetque eam sponte, & non coacte donare. 2. Donatarius debet esse capax recipiendi dominii rei, quæ donatur, debetque eam, si sit adultus, libere acceptare. 3. Res danda debet esse in commercio hominum. 4. Modus per legem præscriptus in donationibus debet exacte observari.

**Prob. rat.** Donatio est modus acquirendi, & transferendi dominium rerum: ergo requirit certas conditiones autoritate legum constitutas; acquisitio enim & translatio dominii fieri nequit, nisi juxta modum præscriptum a legibus: & ita

1. Donator debet habere & dominium, & administrationem rei dandæ. Debet habere dominium; quia nemo potest in alium transferre plus juris, quam ipse habet: defectu cujus conditionis tutores, & curatores non possunt donare res pupilli aut minoris, quarum habent administrationem, minime vero dominium. Debet insuper donator habere administrationem una cum dominio: defectu cujus conditionis pupilli, & minores res suas donare non possunt, quarum quidem habent dominium, minime vero administrationem.

2. Donatarius debet esse capax dominii recipiendi; quia eo sine fit donatio, ut res data possideatur a donatario: defectu cujus conditionis res pretio æstimabilis data tali Religioso in particulari est nulla; quia ex Trid. Religiosus in particulari nihil potest habere proprium. Donatarius debet insuper habere libertatem;



ut libere acceptet donationem; *liberalitas enim non potest nolenti acquiri*: L. 19. §. 2. ff. de donationibus.

3. Res donata debet esse in commercio hominum; quæ enim extra commercium sunt, possideri non possunt, ut habetur L. 9. §. 3. ff. de donationibus. *Donari non potest, nisi quod ejus sit, cui datur*, inquit jus civile.

4. Modus donationis debet esse conformis legibus; donatio enim, quamvis sit jure gentium, tamen per jus civile dirigitur.

### Confectaria hujus Doctrinæ.

*Confect. 1. Ex parte donatoris.* Ut donator valide donet, debet habere & dominium, & administrationem rei, quam daturus est. Ergo valide donare non possunt, qui hic subjiuntur.

1. Infantes, & deliri senes; intellectu enim carent, inquit Aristoteles, & proinde libertate, & administratione, quæ est necessaria ad donandum: L. 23. ff. de donationibus.

2. Furiosi, & mente capti: quia his, ut dicit Clementina -- *Si furiosus*, deest & animus dandi, & potestas administrandi.

3. Mancipium, sive sit servus vel jure belli, vel jure nativitatis, vel jure emptionis; quia non habet nec rerum dominium, nec rerum administrationem: L. 28. ff. de Pactis.

4. Monachus; quia voto abdicavit dominium rerum temporalium.

5. Pupillus & minor non possunt donare res suas etiam consentiente tutore & curatore; quia utpote exclusi a rerum suarum administratione res suas contractu lucrativo possunt augere, minime vero minuere donationibus. Id colligitur ex L. 7. ff. de donationibus.

6. Filiusfamilias, qui donare quidem potest bona castrensia, & quasi castrensia, minime vero bona profectitia aut adventitia; quia bonorum castrensium habet dominium & usumfructum, bonorum vero profectitorum nec proprietatem habet, nec usum; bonorum vero adventitiorum proprietatem habet, & non usumfructum: L. 7. ff. de donat.

7. Uxor non potest donare res dotales etiam consen-

liente marito; quia non habet rerum dotalem administrationem; & quia oportet rem dotalem manere indemnem, & donationibus non perire: L. 21. C. de donat. & toto titulo de fundo dotali ff. & Cod.

8. Prodigus donare non potest; quia per iudicem ei interdicta est bonorum suorum administratio: L. 28. ff. de Pact.

9. Surdus simul & mutus a nativitate; quia ei per legem interdictum est donare, & insuper bona sua administrare: administratio quippe requirit, ut & verba audiantur, & proferantur: L. 1. ff. de obligationibus & actionibus. Si tamen nutibus & scriptis agant, valide paciscuntur.

10. Illi donare non possunt, quorum bona ob infandum crimen iudice publicata sunt: quales sunt illi, qui damnati sunt morte, vel exilio perpetuo, vel ad metalla, vel ad triremes. Reus etiam criminis capitalis post latam sententiam, nisi ab hac sententia appellaverit; L. 25. hi enim omnes non censentur habere rerum suarum dominium.

11. Donare non possunt fures & raptores eas res quas furto acquisierunt; quia non habent earum rerum dominium.

12. Donatio facta ab eo, qui est ære alieno gravatus, est nulla: quia dat quod suum non est: aut si est valida, bona data manent semper subiecta hypothecæ creditorum. Sic donatio facta a tutore, a consule &c. aut invalida est, aut si valida, bona illius manent subdita hypothecæ creditoris: L. 6. C. de administratione & periculo tutorum.

*Consuet. 2. Ex parte Donatarii.* Donationes fieri non possunt nisi iis, qui sunt capaces acceptandi donationem, & acquirendi dominii; unde non potest fieri donatio his, qui hic subijciuntur.

1. Infantibus, & quidem ob defectum deliberatæ acceptationis; hi enim donationem acceptare non possunt, infanti, an donatio illis nocitura sit, vel profutura: L. 5. de regulis juris.

2. Furiosis; hi enim infantibus comparantur. Infantes tamen & furiosi donationes acceptare valent, non quidem per se ipsos, sed per tutores, modo huiusmodi do-

donatio futura sit ipsis utilis, & non damnosa: L. 26. donat. & toto titulo ff. de administratione & periculo tutorum.

3. Demum donatio facta Monacho, pupillo, minori est nulla, nisi acceptetur ab iis, sub quorum cura isti subiacent; quia Monachi, pupilli & minores, utpote aliis subditi, donationem acceptare nequeunt, inscii, an sit profutura, vel nocitura Communitati, cujus nomine agunt.

His vero, qui hic subjiuntur, defectu dominii non potest fieri donatio.

1. Donatio facta alienigenæ jure Galliæ est nulla; quia alienigena non est capax dominii accipiendi in Galliæ. 2. Donatio facta mortuis civiliter est nulla, v. g. damnatis ad triremes; quia hi non possunt acquirere rerum dominium.

*Consect. 3. Ex parte rei donatæ.* Res donata debet esse in commercio hominum, & in possessione donatoris; unde donari non possunt ea, quæ hic subjiuntur, vel quia non sunt in commercio hominum, vel quia non sunt in possessione donatoris.

1. Donari non potest res sacra, res religiosa, nisi eo fine, ut serviat in finem sacrum; quia non est in commercio hominum: L. 83. ff. de verborum obligationibus.

2. Donari non possunt bona ecclesiastica; quia utpote extra commercium hominum posita, non nisi certis conditionibus alienari possunt, ut patet ex cap. Nulli de rebus Ecclesiasticis non alienandis. 3. Res aliena furto vel rapina detenta, aut deposito accepta, donari non potest; quia non est in possessione donatoris; & hæc actio non esset donatio, sed furtum; non esset liberalitas, sed rapina. 4. Donatio omnium bonorum præsentium & futurorum est nulla; quia homo non ita est dominus rerum suarum, ut possit omnia sua dare, nihil sibi reservando, quod per testamentum suum dare possit. Ita Doctores juris communiter docent.

*Consect. 4. Ex parte modi donandi.* Res donanda dari debet juxta præscripta legum; homo enim est dominus rerum suarum cum subordinatione ad Reipublicam. Ergo invalida est donatio, quæ non est juxta præscripta legum: & ita nullæ sunt seqq. donationes.

1. *Ex parte donatarii.* Nulla est donatio facta alienigenæ:



genæ: quia alienigena jure Gallorum est incapax domini acquirendi in Gallia, ut supra diximus. Item donatio facta concubinæ, nisi sit remuneratoria, & constet de servitio, est nulla: quia concubina censetur indigna omni donatione gratuita: L. 2. C. de donationibus inter virum & uxorem. Donatio facta tutori per pupillum, curatori per minorem, Medico per ægrotum, Procuratori, Advocato, Judici per clientem, Magistro per discipulum, Confessario per pœnitentem, est nulla: quia hæ donationes censentur extortæ. Donatio facta per patrem filio suo ex adulterio nato, item filio spurio, exceptis alimentis, est nulla.

Item ex parte donatarii donatio non valet, nisi tacite vel expresse acceptetur coram donatore per donarium ipsum, vel per ejus procuratorem, vel naturalem, qualis est pater, vel per alium ad hoc specialiter deputatum: sicuti enim non est contractus, nisi ex consensu mutuo partium; ita non est donatio, nisi ex consensu mutuo donatoris & donatarii. Vult enim Justinianus donationem se habere *ad exemplum venditionis*, in qua requiritur utriusque contrahentis consensus.

2. *Ex parte modi donandi.* Donatio est nulla, si non fiat juxta conditiones præscriptas a Principe. Sic donatio mortis causa est nulla, si non fiat mentio expressa vel tacita mortis, vel periculi mortis: L. 31. ff. de donationibus mortis causa. Item est nulla si desit præsentia dantis & donatarii ob acceptionem requisitam: L. 38. ff. ibidem. Item donatio mortis causa est nulla, si fiat ea conditione, quod erit irrevocabilis; quia privat donatorem factione testamenti. Demum in Gallia nulla est donatio sive gratuita, sive remuneratoria, sive reciproca, sive non reciproca, sive intuitu matrimonii, sive non, si caret insinuatione: idque jubetur: C. L. 30. de donationibus. Est autem insinuatio coram competente judice legitima donationis factæ publicatio.

Valet tamen donatio in sequentibus casibus sine insinuatione. 1. In magistro militum, cum res mobiles suas quam ex spoliis hostium habitas donat militibus: L. 34. C. de donationibus. 2. Cum quis donat pro reparatione domus: L. 36. ibid. 3. Cum donat pro redemptione captivorum, vel pro causa pia. ibid.

## ARTICULUS III.

## De Revocatione Donationis.

*Prop. unica.* Toties revocari potest donatio, quoties donator vel coacte, vel irrationabiliter censetur donasse.

*Prob. rat.* Lex utrumque requirit in donatore, scilicet, quod sponte donet, & quod rationabiliter, & iusta de causa bona sua largiatur: Ergo toties potest revocari, quoties vel coacte, vel irrationabiliter censetur facta donatio.

## Confectaria hujus Doctrinæ.

*Consect. 1.* Donatio potest revocari in sequentibus casibus. 1. Quando donator excessit in donando, & adeo prodigus fuit, ut nihil sibi retinuerit, ut testetur, quia hæc donatio censetur irrationalis: Leg. Finali. C. de revocanda donatione; quia donator debet posse testari, & filii debent posse succedere portioni legitimæ. 2. Si donatarius enormiter esset ingratus erga donatorem, v. g. si donatori atroces inferat injurias, si inopia pressum non alat, si incarcerato non succurrat: quæ ingratitude debet prius probari coram iudice, nam ante sententiam iudicis donatarius non tenetur restituere. Ibid. *Generaliter sancimus omnes donationes, inquit ius, lege confectas, firmas, illibatasque manere, si non donationis acceptor ingratus erga donatorem inveniatur:* L. ultima. C. de revocandis donationibus. Hæc regula locum non habet in donationibus factis Ecclesiæ; quia ingratitude Prælati non potest officere Ecclesiæ, neque animæ donatoris, in cuius bonum censetur facta donatio. Non valet pariter eadem regula, cum donatio est remuneratoria; quia censetur facta ad compensandum acceptum officium. Nec valet pariter, cum donator de ingratitude non conquestus est, & per vitam non retractavit donationem: ibid. 3. Cum non servantur a donatario iustæ & honestæ conditiones appositæ a donatore; quia donator non censetur donasse nisi hac conditione: ibid. 4. Si donator prole carens non exigam, sed magnam partem bonorum gratuito, & non remuneratorie donavit, postea nascatur ei proles, aut filii absentes redeant, aut filius naturalis illegitimus fiat legitimus per sequens

matrimonium; quia ex iusta juris dispositione inest huic donationi hæc tacita conditio: res donata tua erit nisi nascantur mihi liberi, aut redeant quos credebam periisse, aut illegitimi efficiantur legitimi: ita vulgo Doctores juris civilis. 5. Si donatio facta est extraneo, tota revocari potest: si facta sit alicui ex parentibus, vel Ecclesia, revocari potest, non ex toto, sed ex parte, quantum necessarium est, ut proles nata congruam habeat hæreditatem. *Si donator postea susceperit liberos, inquit jus, totum quidquid largitus fuerat, revertatur in ejusdem donatoris arbitrio, ac ditione mansurum: L. 8. C. de revocandis donationibus.* In Gallia filii adeptati supervenientes non revocant donationem. 6. Si donatio fuerit inofficiosa, id est contra officium paternæ pietatis: ut si pater tantum donet, ut filii priventur sua portione legitima; tunc enim pater donator potest revocare donationem: & si pater id non faciat, filii possunt exigere a iudice revocationem donationis; quia jus habet, vivente patre, ut conservetur hæreditas, & ut mortuo patre eis adjudicetur.

*Consect.* 2. Donatio potest revocari, si fuerit facta errore terminato ad principale motivum donandi, minime vero errore terminato ad secundarium motivum donandi; quia error circa substantiam rei facit involuntarium: error vero circa accidentia non tollit voluntarium. Sic donatio facta ob causam præteritam vel præsentem, quæ vere non est, est nulla: v. g. si dem tibi aliquid, quia egisti causam meam apud Principem: si dem tibi aliquid, quia es pauper; si res ita non est, donatio est nulla, quia error est circa principale motivum. Item donatio facta per novitium monasterio, si ei voveat, revocatur hoc ipso quod non facta est professio.

Donatio vero valet, si cesset secundarium motivum: v. g. si dem, quia es pauper; licet simules pietatem, ut excites meam misericordiam, donatio valet, modo sis vere pauper, licet non sis vere pius; quia error est circa motivum secundarium.

Donatio isto modo præfixa: lego tibi talem fundum triginta jugerum, talibus finibus conterminum, valet donatio totius fundi, licet sint sive plura, sive pauciora jugera; quia error est circa accidentia. Donatarius

non



non potest jugera plura exigere, si sint pauciora, nec tenetur reddere, si sint plura; quia, ut optime ait Baldus, mensura in tali casu non est limitans, vel præfigens extensionem fundi, sed solum designans locum & situm fundi. Idem dic de ista donatione: Lego talia jocalia Petro, quæ æstimantur centum nummis; si pluris valeant, non tenetur donatarius excessum reddere hæredi; si minoris valeant, non potest exigere defectum ab hærede: quia error est circa accidentia, nimirum circa valorem. Si vero donatio isto modo præfigatur: Lego tot tibi jugera in tali fundo, lego tibi tot nummos ex argento, quod est in tali arca; donatarius non potest ultra exigere, quia mensura tunc est limitans, & præfigens rem legatam, & non solum manifestans.

*Consect. 3.* Donatio extorta per metum ad id incussum injuste, non valet, nisi juramento firmetur: quia est involuntaria: tunc donator tenetur donare, quia juravit; sed donatarius tenetur restituere, quia per metum coegit.

*Consect. 4.* Donatio mortis causa revocatur, si donatorem poeniteat, si donatarius moriatur ante donationem; quia censetur facta hac conditione, quod donatarius non potiatur donatione nisi supervivat donatori.

## ARTICULUS IV.

*De variis conditionibus, quæ donationi apponi possunt.*

*Prop. unica.* In donatione possunt variæ apponi conditiones, modo non sint substantiæ donationum contrariæ.

*Prob. rat.* desumpta ex jure. Donatio est contractus: l. 7. C. de donat. Ergo cum in omni contractu possint apponi conditiones, modo non sint contra substantiam contractus, illud poterit pariter fieri in donatione.

### Consectaria hujus Doctrinæ.

*Consect. I.* Quæ conditiones non sint contrariæ donationi. 1. Donator potest rem suam donare vel absolute, vel conditionate, vel quoad proprietatem, vel quoad usum: usum vero potest donare, vel ad semper, vel pro certo

tempore; quia quilibet liber est in suis donis. 2. Potest donator rem suam donare vel expresse obligando se oneri evictionis & solutionis interesse, vel nihil expresse dicendo de utroque onere; quia est liber in suis donis. 3. Si expresse se ad illud onus obligaverit, tenetur: si expresse se ab illo onere exemerit, non tenetur; quia nemo potest invitatus per contractum obligari. Si expresse de illo onere nihil dixerit, juxta æquitatem eximitur; quia non æquum est liberalitatem nocere donatori. Propter eandem rationem, si quis mihi rem alienam donavit, & hæc evincatur, nulla mihi actio competit contra donatorem. Item, si quis mihi summam aliquam, aut rem frugiferam promisit, is non tenetur usurasolvere. *Cum quis*, inquit jus civile, *donationis causa pecuniam, vel aliquid aliud promisit, de mora solutionis pecunie usuras non debere summæ æquitatis est*: L. 18. ff. de donat. Si tamen dolus intercesserit, & damnum donatario accesserit, tenetur donator damnum reparare, ut dicit Labeo. Ibid. *Si quis mihi rem alienam donavit, inque eam sumptus magnos fecero, Et sic evincatur, plane de dolo me posse adversus eum, id est, donatorem, habere actionem constat.*

*Consect. 2. Quæ conditiones donationi sint contrariæ.* 1. Donatio non potest fieri ea conditione, quod pro libitu donatoris sine consensu donatarii eadem donatio revocari possit; quia hoc est contra naturam donationis. Si donationes *perfectæ fuerint, temere revocari non possunt*: L. 2. Inst. tit. 7. de donat. 2. Donatio non potest fieri ea conditione, quod res donata non poterit exigi a donatario; quia donatio completa vim habet venditionis, & transfert rem ad donatarium, ita ut traditionis necessitas incumbat donatori: L. 35. C. de donationibus. 3. Donatio non potest fieri ea conditione, ut post completam donationem possint a donatore sine consensu donatarii novæ apponi conditiones: *Quia perfectæ donatio conditiones postea non capit*: L. 4. C. de donationibus, quæ sub modo, &c.

## CAPUT XIII.

*De Testamentis, Codicillis & Legatis.*

## ARTICULUS I.

*Quid Testamentum, Codicillus & Legatum: & quæ requirantur in Testamenti factiōe.*

**D**onatio mortis causa ea est, ut diximus, qua quis sic donat, ut velit rem donatam esse donatarii post mortem donatoris; quia donatio mortis causa habet affinitatem cum Testamento, Codicillo, Legato, Fideicommissio. Ideo de his omnibus hic agemus.

Testamentum, si nomen attendas, est testatio mentis: si rem inspicias, testamentum est ultimæ voluntatis dispositio, directæque hæredis institutio; itaque testamentum duo importat. 1. Ultimam voluntatis dispositionem. 2. Hæredis institutionem. Institutio hæredis est nominatio successoris in universum jus testatoris.

Codicillus est ultima voluntatis dispositio sine institutione hæredis.

Legatum est testatoris particulare donum ab hæreditate selectum.

Fideicommissum est ultima voluntatis dispositio, qua testator hæredis sui fidei committit aliquid alteri tradendum, v. g. vel integram hæreditatem, vel aliquid de hæreditate.

Testamentum est duplex, aliud in scriptis, aliud nuncupativum. Testamentum in scriptis, seu clausum, est testamentum, quod testator, vel a se, vel ab alio scriptum, sed sua semper manu subscriptum, tradit Notario coram septem testibus idoneis, declarando ibi contineri ultimam voluntatis suæ dispositionem.

Testamentum nuncupativum est illud, quo testator coram testibus idoneis articulata voce declarat ultimam voluntatis suæ dispositionem, & hæredem suum nominat.

## ARTICULUS II.

*De Requisitis ad valorem Testamenti.*

**Prop.** unica. Eædem requiruntur conditiones in testamento, quæ requiruntur in donatione.



*Prob. rat.* Testamentum est species donationis : Ergo eadem requiruntur conditiones in testamento, quæ in donatione : & ita aliæ sunt conditiones ex parte testatoris, aliæ ex parte heredis, aliæ ex parte rei donatæ, aliæ ex parte modi faciendi testamentum. Quæ omnia figillatim percurramus.

### ARTICULUS III.

*De his, qui Testamentum valide facere possunt.*

*Prop. unica.* Hi omnes testamentum possunt valide facere, qui domini sunt rerum suarum, & qui liberam habent rerum suarum dispositionem.

*Prob. rat.* Testator per testamentum transfert in heredem bonorum suorum dominium : Ergo debet habere & dominium, & liberam bonorum suorum dispositionem.

#### Consecutaria hujus Doctrinæ.

Hinc sequitur, quod valide testari queant qui hic subiciuntur. 1. Reges & subditi ; quia illi altum, isti vero subordinatum habent rerum suarum dominium. 2. Domini, & vassalli ; quia illi directum, isti vero utile habent rerum suarum dominium. 3. Quicumque sunt extra potestatem alterius ; quia habent & dominium & liberam rerum suarum dispositionem. Sic minores possunt facere testamentum sine consensu curatorum, licet contrahere nequeant sine eorum consensu ; quia contractu conditionem suam pejorem facere possunt, minime vero testamento. Sic spurii possunt facere testamentum sine consensu patris naturalis. Sic bello capti possunt facere testamentum : quia captivitas bellica apud Christianos non inducit veram servitutem. 4. In Gallia excommunicati, hæretici tolerati possunt facere testamentum ; quia habent & dispositionem, & dominium rerum suarum. 5. In Gallia Clerici possunt facere testamentum de bonis ex Præbenda provenientibus ; quia consentur coram hominibus habere bonorum illorum & dominium & dispositionem : relinquitur enim eorum conscientie horum bonorum dispositio. 6. Cæcus a nativitate cum octo testibus valide testamentum facit. 7. Mutus simul & surdus, si sciat scri-

scribere, valide testamentum conficit. 8. Spuriū, modo alium a patre & avo, alium a matre & avia hæredem instituunt; & si intestati decedant, bona eorum addicuntur Regi, aut domino, cujus sunt vasalli. Prædicti omnes, si-ve sani, si-ve ægri, possunt valide testamentum condere.

## ARTICULUS IV.

*De his, qui testamentum non possunt valide facere.*

**Prop. I.** *Ex defectu dominii.* Testamentum valide facere nequeunt hi omnes, qui rerum suarum non habent dominium.

**Prob. rat.** Testator per testamentum transfert in hæredem rerum suarum dominium: Ergo testamentum facere nequit qui illud dominium non habet.

### Confectaria hujus doctrinæ.

Hinc sequitur, quod testamentum facere nequeunt, qui hic subjiciuntur. 1. Servi, id est mancipia, si-ve sint servi a natiuitate, si-ve sint bello capti, si-ve se venire passi sint; quia hujusmodi servi nullum habent rerum suarum dominium. Vigebat olim triplex illa servitus; sed jam apud Christianos abolita est. 2. Religiosus professus; quia per votum solemne renuntiat dominio rerum temporalium; bene tamen ante professionem: ita jus Gallorum: *Ordonances d' Orleans* art. 19. *de Blois*. art. 28. Religiosus extra Galliam, v. g. in Italia, potest cum licentia Papæ facere valide testamentum. 3. Filiusfamilias si-ve sit conjugatus, si-ve non, si non sit extractus e potestate paterna vel per emancipationem, vel per mortem naturalem, aut civilem patris, non potest, etiam consentiente patre, valide testamentum facere de bonis non castrensibus, aut quasi castrensibus; quia non habet bonorum illorum absolutum dominium: de quo ita jus civile: *Qui in potestate parentis est, testamenti faciendi jus non habet: L. 6. ff. qui testamentum facere possunt.* Ratio Ulpiani hæc est: quia nihil suum habet: bene de bonis castrensibus, id est, bello acquisitis, aut quasi castrensibus, id est Clericatu, aut Magistratu, aut arte liberali comparatis; quia modi illi comparandi militiæ assimilantur: de quo ita jus civile: *Omnes omnino, quibus quasi castrensia peculia habere ex legibus concessum est, habeant licentiam in ea tan-*  
tum

tummodo ultimas voluntates concedere. L. ult. C. qui testamenta facere possunt. 4. Per supremam curiam damnatus vel ad mortem naturalem, vel ad mortem civilem, v. g. ad perpetuas triremes, ad perpetuum exilium; quia hi non habent rerum suarum dominium. Miles tamen damnatus ad mortem ob delictum præcise contra regulas militiæ, valide testari potest. De utroque casu jus civile sic habet: *Edicto Prætoris bonorum possessio his denegatur, qui rei capitalis damnati sunt, neque in integrum restituti sunt*: L. 13. ff. de bonorum possessionibus. Si tamen non damnatus sit, sed solum accusatus, vel a sententia appellaverit, testamentum facere potest. *Si quis post accusationem, in custodia fuerit defunctus in-damnatus, testamentum ejus valebit*: L. 9. ff. qui testamenta facere possunt, & L. 13. ibid. 5. Alienigena non potest facere testamentum in eo regno, in quo est alienigena, sed bona ejus addicuntur fisco. Sicuti enim peregrini capere non possunt hæreditatem: L. 1. C. de hæredibus instituendis; ita nec testamentum facere: bene tamen, si litteris Principis factus fuerit regnicola. In Occitania omnes extranei habentur pro regnicolis. Item mercatores extranei Lugduni commorantes. Hi licet extranei valide testamentum faciunt; *Quia cives allecchio facit*: L. 7. C. de incolis. 6. Fugitivus a Regno, si extra Regnum domicilium elegerit, non potest testari de bonis, quæ possidet in Regno, quod deseruit; quia aufugiens amittit bonorum suorum dominium; bene tamen, si discesserit e Regno animo redeundi; quia discessio ad tempus non aufert rerum dominium.

*Prop. 2. Defectu libertatis & plenæ deliberationis.* Testamentum facere nequeunt quicumque non habent plenum usum libertatis, neque liberam bonorum suorum dispositionem.

*Prob. 1. Ex jure civili. In eo qui testatur, inquit, ejus temporis, quo testamentum facit, integritas mentis, non corporis sanitas exigenda est*: L. 2. ff. qui testamentum facere possunt.

2. *Rat.* Testator per testamentum transfert in hæredem bonorum suorum dominium: ergo libere debet illud efficere: ergo si plena libertate non fruatur, non potest facere testamentum.

*Consect.*



## Confectaria hujus Doctrinæ.

Hinc sequitur, quod testari non possunt, qui hic sub-  
jiciuntur.

1. Amens, nisi per lucida intervalla, furiosus, phre-  
neticus, ebrius; quia hi omnes carent usu rationis: te-  
stamentum tamen factum ante furorem, amentiam, e-  
brietatem &c. firmum & ratum est: L. 9. C. eodem ti-  
tulo. 2. Pupillus, etiam si doli capax; quia non cen-  
setur habere usum rationis: de quo ita Justinianus: *Testa-  
mentum non possunt facere impuberes; quia nullum eo-  
rum animi judicium est*: L. 2. Institutionum tit 12. qui-  
bus non est permissum facere testamentum. §. 1. -- 3. Qui in  
testamento condendo deceptus est errore terminato ad  
substantiam; quia testator tunc non censetur libere vo-  
luisse; v. g. si loco Titii hæredis scribatur Sempronius:  
minime vero, si deceptus fuerit errore terminato ad ac-  
cidentia; v. g. si scribatur: Titius nobilis hæres esto,  
licet Titius non sit nobilis. 4. Qui in testamento conden-  
do coactus est timore injuste incusso; quia tunc non cen-  
setur libere voluisse: attamen preces & blanditiæ non  
reddunt testamentum invalidum. 5. Testamentum non  
facit qui proponens testamenti factionem, eam non com-  
plevit, sed testamentum sine subscriptione, sine temporis  
designatione, Gallice *sans date*, deseruit; quia non cen-  
setur complete voluisse. 6. Mutus simul & surdus non ca-  
su, sed a nativitate, non potest valide testari; quia non  
censetur plenam habere libertatem: bene tamen, si sit  
surdus solum, vel mutus solum, modo ipse suum scri-  
bat testamentum. De utroque casu ita jus civile: *Surdus  
& mutus testamentum facere non possunt; sed si quis post  
testamentum factum valetudine, aut quolibet alio casu  
mutus, aut surdus esse coeperit, ratum nihilominus  
permanet testamentum*. L. 6. §. 1. ff. qui test. facere  
poss. Si ponamus hujusmodi litteras scientem, omnia  
que priori interdiximus, hæc ei manu sua scribenti  
permittas: L. 10. C. eodem titulo. 7. Prodigus, cui  
per Magistratum interdicta est bonorum suorum dispo-  
sitio; quia non censetur plenam habere libertatem; &  
quia Reipublicæ interest, ne quis re sua male utatur: de  
quo ita jus: *Is; cui lege bonis interdictum est, testa-*  
*men-*

mentum facere non potest; sed & si fecerit, ipso jure non valet. Quod tamen interdictione vetustius habuerit testamentum, hoc valebit: L. 18. ff. qui test. facere poss.

Tamen in favorem causæ piæ testari potest prodigus; quia non censetur rebus suis male uti, si in causas piæ impendat. Id possunt etiam mutus & surdus; quia si signis exprimant se velle res suas Deo consecrare, lex nedum vetat, sed permittit testamenti factionem.

Item in favorem filiorum testari possunt. 1. Filiusfamilias; quia dando filiis, dat iis, quibus pater, cui subicitur, dare tenetur. 2. Pupillus, quia dando filiis, quos aliquando suscipiet, dat iis, quibus ut demus, natura suggerit. 3. Prodigus; quia dando filiis, non censetur rebus suis male uti.

## ARTICULUS V.

*De his, qui institui possunt hæredes.*

**Prop.** unica. Ut testamentum sit validum ex parte hæredis, is qui hæres instituitur, debet posse recipere rerum dominium & tempore, quo sit testamentum, & quo moritur testator, & quo aditur hereditas.

**Prob. rat.** Testamentum fit eo fine, ut hæres accipiat hereditatem: ergo is, qui instituitur hæres, debet posse accipere rerum dominium; & ita hæredes institui possunt omnes, qui possunt accipere rerum temporarium dominium.

## Confectaria hujus Doctrinæ.

Hinc sequitur, quod hæredes institui possunt, qui hic subjiuntur.

1. Liberi & nati, & nascituri, modo in lucem edantur. Sancimus, inquit jus civile, si virus perfecte natus est, licet illico postquam e terra cecidit, vel in manibus obstetricis decessit, nihilominus testamentum rumpit, scilicet, si præteritus fuerit: L. 3. C. de posthumis hæredibus instituendis. Cogniti & incogniti; nam ut dicit idem jus: extraneum penitus ignotum hæredem quis instituere potest: L. 11. C. de hæredibus instituendis. Si extraneum ignotum possit quis hæredem instituere, a fortiori propinquum: de quo ita habetur lib. 2. Instit. tit.

14. §. 12. *Si, quos numquam testator vidit, heredes institui possunt, veluti si fratris filios peregrinantes, ignorans qui essent, heredes instituerit: ignorantia enim testantis inutilem institutionem non facit.* 3. Non modo privati institui possunt heredes, sed etiam communitas, cum onere amortizationis, ut dicunt; quia Communitas dominium rerum valide acquirit, modo privilegium ad hoc a Principe obtinuerit; de quo ita Justinianus, C. de heredibus instituendis L. 8. Collegium, inquit, *si nullo speciali privilegio subnixum sit, hereditatem capere non posse dubium non est*: Ergo si habeat privilegium, id poterit. 4. Exules ad certum tempus e Regno, immo & exules in perpetuum non quidem a Regno, sed e Provincia heredes institui possunt; quia dominium possunt acquirere. 5. Homo accusatus, sed nondum damnatus, sive sit innocens, sive reus; quia si absolvatur, sibi acquirit hereditatem, si condemnatur acquirit fisco. 6. Spurius potest esse hæres alterius testatoris a patre, vel avo, matre, vel avia; quia soli patri & avo, matri & avia prohibetur constituere heredem spurium suum, & spurius potest instituere heredem alium quemcumque a patre & avo. 7. Homo, qui vovit paupertatem extra Religionem approbatam, v. g. devoti aut devotæ viventes extra claustra: ita Chopinus. Item Eremitæ, Hospitalarii, non viventes intra claustra: ita Fevretus. 8. Communitas politica, Communitas Ecclesiastica, Communitas Monastica, nisi lex aliqua obstat, potest hæres institui. Collegium, *si nullo speciali privilegio subnixum sit, hereditatem capere non posse dubium non est*: L. 8. C. de heredibus instituendis. 9. Institui heredes possunt hi etiam, qui testamentum facere non possunt, modo dominium vel sibi, vel aliis possint acquirere, v. g. furiosi, muti, infantes, servi: de quo Justinianus: *Furiosus, & mutus, & posthumus, & infans, & filiusfamilias, & servus alicuius testamenti factionem habere dicuntur; licet enim testamentum facere non possint, attamen ex testamento res sibi vel aliis acquirere possunt*: L. 2. Inst. tit. 19. §. 4.



## ARTICULUS VI.

*De his, qui hæredes institui non possunt.*

**Prop.** unica. Illi hæredes institui non possunt, qui vel ex jure naturali, vel ex jure positivo non possunt acquirere bonorum temporalium dominium.

**Prob.** Testamentum fit eo fine, ut hæres acquirat dominium bonorum pertinentium ad testatorem: Ergo illi hæredes institui non possunt, qui sunt incapaces acquirendi domini vel ex se, vel ex statuto legum.

**Confectaria hujus Doctrinæ.**

Hinc sequitur, quod omnes, qui hic subjiuntur, nequeant hæredes institui. Ex vi juris naturalis, aut gentium hæredes institui non possunt 1. Amentes; quia ob defectum perennem rationis sunt incapaces domini, & ad Rempublicam spectat eis tutores eligere. 2. Religiosi; quia jam ob votum paupertatis, inquit Rebæus, pro mortuis habentur, & nullus Religiosus potest bona temporalia possidere, nisi ad summum in communi. In Regno Franciæ Monasteria numquam successerunt, neque succedunt, ut docet Fabri. Sic Monachi facti Episcopi non possunt succedere; quia sunt Religiosi. Sic mendicantes Religiosi, sic Clerici regulares, sic Jesuitæ, sic milites Jerosolymitani non possunt succedere. Religiosi tamen jure antiquo Justiniani poterant succedere, nullo impedimento ex sanctimoniali conversatione generando, sive soli, sive cum aliis ad successionem vocantur: L. 56. C. de Episcopis & Clericis, 3. Testatoris mancipia non a se manumissa; quia servi non habent dominium.

Ex vi juris positivi hæredes institui non possunt, 1. Filius spurius, id est, natus ex ea, cum qua testator non poterat habere conjugium, non potest institui hæres sui patris, nec sui avi: & vice versa pater, & avus non possunt esse hæredes filii spurii; quia jus illicitam illam copulam punire voluit: Novell. 89. cap. ult. Attamen parentes collaterales possunt habere eos & hæredes, & testatores: Novel. 89. cap. 15. Ita jus civile incestuosos filios perhorrescit, ut veret illos a suis

a suis parentibus nutriri; in quo tamen corrigitur a jure canonico. 2. Apostata, hæretici & eorum fautores post latam sententiam; quia jus voluit incapaces esse dominii, qui recedunt ab Ecclesia. Ita Auth. *Credentes*, ubi sic habetur: *Hæreticus aut fautor hæreticorum &c. sit int. pobilis, ut nec testandi liberam habeat facultatem, nec ad hereditates succedat*: C. de Hæret. 3. Civitas hostium, quia cives non debent bonis suis hostes Reipublicæ ad uvare. 4. Communitas Judæorum; quia hostis est Ecclesiæ. 5. Damnatus pæ. supremam curiam morte naturali vel civili; quia est incapax dominii: L. 17. ff. de pœnis. 6. Hæres aut legatarius, qui convincitur testatorem occidisse, ad ejus uxorem accessisse, ei insigniter nocuisse, vel decumbenti in lecto, aut in carcere detento non succurrisse; quia meretur ob ingratitudinem deslinata hereditate privari. 7. Servus adulterii convictus cum domina sua, ejusdem domine hæres institui non potest: ita Inst. lib. 12. tit. 14.

Ex vi præsumptæ suggestionis testamenti hæredes institui non possunt.

1. Qui scripserunt testamentum, non possunt ejus testamenti, quod scripserunt, emolumentum aliquod percipere. 2. Tutores non possunt institui hæredes pupillorum, nec curatores suorum minorum. 3. Medicus non potest institui hæres sui ægroti, nec judex sui clientis, nec magister sui discipuli, nec concubina sui amasi, nec Communitas religiosa Novitii, qui in ea suscipitur: ita Bordeau in notis ad Lovetum.

## ARTICULUS VII.

*De requisitis in testamento ex parte testium.*

*Prop. unica.* Ut testamentum sit validum ex parte testium, requiritur certus numerus testium, & certæ dotes in testibus.

*Prob.* Leges determinarunt certum numerum testium in quolibet testamento, & certas dotes in testibus, ut omnis fraus & delus tolleretur: Ergo hæc omnia sunt necessario observanda, ut testamentum sit validum. Ex quo sequentia inferuntur.

## Confectaria hujus Doctrinæ.

Numerus testium jure Romano civili, ubi viget, est ille.

1. In testamento cœci requiruntur octo testes. In alio testamento, sive scripto, sive nuncupativo requiruntur septem testes. 3. In testamento rustici rure facto sufficiunt quinque testes. 4. In testamento, sive rure, sive in urbe, sive fiat tempore pellis, sufficiunt quinque, immo aliquando duo testes. 5. In testamento patris & matris erga filios legitimos sufficiunt duo testes: vel testamentum a solo patre scriptum, aut a cunctis subscriptum filiis --- si sit scriptum ab extraneo, ad minus requiruntur duo testes. 6. In testamento descendens erga ascendentes, si descendens liberis careat, sufficiunt duo testes, vel testamentum propria manu subscriptum, aut a cunctis ascendentibus subscriptum; minime vero, si sint descendentes. 7. In testamento facto coram Principe, vel coram iudice, sufficit unus testis cum Notario. 8. In testamento militari sufficiunt duo testes: miles autem censetur is, qui vel in castris est, vel vadit ad castra, vel exit e castris cum licentia ad tempus: & miles censetur per annum ab obrenta licentia; minime vero ille, *qui habet absolutam licentiam*. 9. In testamento ob causas pias sufficiunt duo testes: ita lib. 2. Inst. tit. 10. 10. In certis locis, v. g. Tolose, Montis-Pessulani sufficiunt duo testes. 11. In testamento, ubi viget Jus canonicum, sufficiunt duo testes & Parochus, aut quatuor testes sine Parocho: *Cap. cum esset extra de testamentis*. 12. In testamento, in quo instituuntur hæredes ii, quibus competit hæreditas ab intestato, sufficiunt quinque testes.

*Notes testium.* Testes in testamento debent esse non cœci, non surdi, non muti, non furiosi, non pupilli testatoris, vel hæredis, nec fratres, nec cognati: qui non sint nec sub hæredis, nec sub testatoris potestate positi: non infames, quales sunt histriones, adulteri, lenones; sed masculi, puberes, ad hoc rogati & vocati, singuli eodem tempore subscribentes, videntes testatorem, omnes proprio sigillo vel communi consignent: lib. 2. Inst. tit. 10. Istud ultimum usû contrario abrogatum est, & loco sigilli quisque suum nomen scri-



scribit. Quas dotes hic strictim recensuimus, eas habes fuisse descriptas apud Justinianum loco citato.

Itaque qui hic subjiuntur, testes in testamento esse non possunt. 1. Mulier. 2. Impuberes. 3. Servi, id est, mancipia. 4. Monachi Professi. 5. Furiosi, nisi in dilucidiis intervalis. 6. Prodigii. 7. Muri. 8. Surdi, qui omnino non exaudiunt. 9. Legibus improbi, id est notati infamia. 10. Peregrini; testes enim debent esse cives Romani. 11. Pater in testamento filii, & vice versa filius in testamento patris. 12. Frater in testamento fratris. Demum hæres non potest esse testis in testamento, in quo constituitur, bene tamen legatarius, ut habetur L. 20. qui testamenta facere possint.

## ARTICULUS VIII.

*De nullitate testamenti ob varias causas.*

*Prop. unica.* Ut testamentum sit validum ex parte formæ, plures requiruntur conditiones, quibus omisiss, testamentum est nullum.

*Prob.* Testamentum est juris publici: Ergo nullum erit, si careat conditionibus a jure requisitis.

### Consectaria hujus Doctrinæ.

*Consect. 1. Ex parte hæredis.* 1. Hæres debet nominatum exprimi, & non solis signis designari: L. 29. jubemus, C. de testam. 2. Hæres sive unus, sive multiplex, debet esse universorum bonorum cum onere solvendi legata; quia alias testator partim testatus, partim intestatus decederet: testamentum tamen militis potest esse tantum aliquorum bonorum.

*Consect. 2. Ex parte testatoris.* Requiritur, quod testator non suspendat suum testamentum conditionibus aut impossibilibus, aut inhonestis; sed si quas apponat conditiones, oportet, ut sint honestæ & possibiles: impossibiles enim & inhonestæ conditiones pro nullis habentur: L. 2. ff. de hæredibus instituendis. Condicio est impossibilis, cum ponitur pro conditione aliquid, quod fieri non potest v. g. Titius hæres esto, si volaverit. Condicio est inhonesta, cum ponitur aliquid pro conditione, quod lege

prohibetur, v. g. Titius hæres esto, si patrem non aluerit.

*Confess. 3. Ex parte testamenti scripti & nuncupativi.* 1. Ut validum sit testamentum scriptum, debet vulgari idiomate scribi. Gallice in Gallia, Italice in Italia, & caractere vulgari. 2. Sufficit, quod sit scriptum vel propria manu testatoris, vel manu alterius, modo non scribatur manu ipsius hæredis, aut manu ipsius Parochi, si Ecclesia instituatur hæres, aut manu alienjus, qui sit membrum ejus Communitatis, quæ hæres instituatur.

Ut testamentum nuncupativum sit validum, testator debet vel per se, vel per alium, quem testator approbet, voluntatem suam declarare coram testibus, non disjunctive, sed collective presentibus: debetque testamentum nuncupativum intra decem annos a morte testatoris scribi, alias pro nullo haberetur; quia testes censentur non posse firmiter ultra illud tempus revocare quæ facta sunt ---- Si scribatur, vivente testatore, non est necesse, quod obsignetur a testatore.

Testamentum scriptum deficiens suis solemnitatibus non valet pro nuncupativo, nec nuncupativum deficiens suis valet pro scripto, nec testamentum pro codicillo, nisi testator ita expresse: immo testamentum imperfectum non valebit pro substitutione, etiam si testator expresse; quia substitutio est accessorium testamento, quo deficiente, debet deficere.

Si testamentum sit multiplex, & non constet, quale sit prius, quale posterius, vel utrumque careat solemnitatibus requisitis, neutrum testamentum est validum.

## ARTICULUS IX.

*De nullitate testamenti ob præteritionem hæredis, quæ juxta leges præteriri non poterat.*

*Prop. unica.* in institutione testamentaria filiorum descendendum, & avorum ascendendum, testamentum est nullum, si non instituantur descendentes, aut his deficientibus ascendentes, nisi reddatur causa, quare non instituantur.

*Prob.* Jus naturale dicat, quod pater filiis provideat hæreditatem, & quod filius carens posteris patri suo

refundat hæreditatem: Ergo testamentum est nullum, si reticeantur omnino ascendentes, & descendentes.

### Confectaria hujus Doctrinæ.

*Confect.* 1. Sequitur, quod testamentum est nullum in sequentibus casibus. 1. Si pater prætereat filium legitimum, sive marem, sive foeminam, sive emancipatum, sive non emancipatum, sive natum, sive posthumum; quia jus habent ad hæreditatem. 2. Si mortuis liberis prætereat nepotes per virilem sexum genitos, sive neptes, sive nepotes, sive emancipatos, sive non emancipatos, sive natos, sive posthumos; quia habent jus ad hæreditatem. 3. Si mater prætereat filium; quia etsi mater non habeat filium sub potestate, tamen filius habet jus ad hæreditatem matris. 4. Si testator careat descendantibus, si prætereat patrem, vel matrem; quia etsi solatium sit exiguum succedere filio, hoc tamen debitum est patri. 5. Si testator careat omnino descendantibus, nec habeat patrem & matrem. Si habeat avum, vel aviam, atavum, vel ataviam, vel proavum, vel proaviam, &c. debet deficiente proximiore ascendente remotiorem hæredem instituire; quia ascendentes usque ad tritavum & tritaviam habent jus ad hæreditatem. Si autem hæredes necessarios nominare omiserit, hæres necessarius, sive descendens, sive ascendens, potest accusare testamentum, in quo injuste præteritus est; & testamentum declarabitur nullum a judice, & hæreditas dividetur juxta regulas successioneis ab intestato. De quibus regulis infra.

*Confect.* 2. Hæres necessarius præteritus non potest accusare testamentum, quoties fuit causa exheredandi, aut quoties renuntiavit juri suo; quia si dedit occasionem præteritioni, debet sibi imputare; si renuntiavit juri suo, debet pariter sibi imputare: itaque hæres necessarius juste exhereditatus non potest accusare testamentum. Causæ exheredandi sic exprimuntur in Novella 125. c. 3. 1. Si filius parentibus manus violentas injecerit. 2. Si graves eis iniurias intulerit. 3. Si criminalibus causis, quæ non sunt adversus principem, eos accusaverit. 4. Si vita parentum infidari tentaverit. 5. Si novercæ aut concubinæ patris sese



inmifcuerit. 6. Si calumniator contra patrem extiterit. 7. Si pro patre in carcere existente fide - juffor exiftere noluerit, aut captum redimere negaverit. 8. Si patrem testamentum condere prohibuerit. 9. Si statum vivendi inhonestum elegerit, v. g. filius hiftrionicum, filia meretricium exercuerit. 10. Si filius minor triginta annis, & filia minor viginti quinque annis sine confensu patris matrimonium inire tentaverit.

Eadem caufe, quæ valent ad exhæredandum filium, valent ad exhæredandum patrem.

Hæres neceffarius, qui renuntiavit hæreditati, non potest accusare testamentum in fequentibus cafibus. 1. Si tacuit per triginta annos. 2. Si testamentum, in quo præteritus est, approbaverit, v. g. fi fuerit Advocatus pro hærede. 3. Si bona hæreditatis recufaverit. 4. Si ut legatarius fufceperit legatum a teftatore datum per idem testamentum, in quo ut hæres nominandus erat. 5. Si præteritio facta in teftamento profit potius, quam noceat. 6. Si præteritio facta fit non ex industria, fed cafu.

Hæres neceffarius ascendens, v. g. pater, avus; aut descendens, v. g. filius, nepos, non poffunt accusare testamentum, fi præteriti non fuerint, licet æquam portionem non acceperint; fed poffunt folum poftulare a iudice supplementum legitimæ.

Frater, & foror poffunt accusare testamentum, in quo præteriti funt, fi heres institutus fit perfona inhonesta, quales funt personæ, quæ hic fubjiciuntur, v. g. homo damnatus morte naturali, vel civili, hiftrio, magus, leno, meretrix, ipurius; quia in tali cafu frater, & foror funt hæredes neceffarii.

## ARTICULUS X.

### *De revocatione teftamenti.*

*Prop.* unica. Testamentum quibuscumque folemnitatibus munitum potest ad libitum teftatoris revocari.

*Prob.* Testamentum pendet ex libera teftatoris voluntate: ergo femper revocari potest, donec mors accefferit.

## Confectaria hujus doctrinæ.

*Consect. 1.* Testamentum potest revocari, etiamsi factum sit coram Principe, etiamsi Princeps declaraverit testamentum illud irrevocabile, etiamsi testator promiserit, immo juraverit, se non revocaturum, immo etiamsi dixerit bona omnia, quæ habet, ad hæredem a se institutum pertinere; quia nemo potest eam sibi legem statuere, ut non possit a priori voluntate recedere; L. 2. ff. de legatis & fidei - commissariis: L. 16. 3. Attamen testamentum in contractu matrimoniali conditum non poterit revocari; quia gerit vices donationis.

*Consect. 2.* Testamentum prius factum in favorem sive hæredum necessariorum, sive extraneorum, revocatur. 1. Donatione inter vivos: 2. posteriori testamento; quia posteriora derogant prioribus.

*Consect. 3.* Testamentum prius perfectum revocatur per posterius perfectum; sed prius imperfectum non revocatur per posterius imperfectum, sed utrumque nullum est; quia caret solemnitatibus requisitis: a fortiori testamentum perfectum conditum cum septem testibus non revocatur per testamentum imperfectum conditum cum quinque testibus. Tamen testamentum militare imperfectum revocat prius testamentum non militare licet perfectum; quia ex privilegio testamentum militare imperfectum censetur validum. Quod si miles declaraverit, se velle utrumque testamentum valere, prius & posterius testamentum valebunt in eo, in quo opponuntur; quia miles potest decedere cum duplici testamento.

*Consect. 4.* Testamentum prius factum revocatur per secundum: attamen requiritur specialis derogatio. 1. Si prius testamentum contineat clausulam derogatoriam, quæ debet expresse enuntiari. 2. Si sit in favorem filiorum.

*Consect. 5.* Ut testamentum prius factum revocetur, sufficit. 1. Ut testator coram septem testibus, aut coram totidem testibus, qui sufficerent ad testamentum, declaret, se nolle factum prius testamentum valere; quia res eisdem causis dissolvitur, quibus constituitur.

2. Si decem anni fluxerint, sufficit, ut id dicat coram tribus testibus. 3. Ut testator factum testamentum laceret. 4. Ut universali datione bona sua largiatur.

## CAPUT XIV.

*De Hereditatibus, quæ ab intestato deferuntur.*

Hactenus de hereditatibus, quæ ex testamento deferuntur, egimus: jam de his, quæ ab intestato deferri possunt, agendum.

## ARTICULUS I.

*In quo traduntur quædam notiones necessarie ad explicandas hereditates ab intestato.*

## §. I.

*Quis intestatus: Et quot, Et qui possint ejus bonis succedere?*

Intestatus est ille, qui hereditatem relinquens, aut omnino non fecit testamentum, aut non jure fecit, aut quod fecerat, ruptum irritumque factum est, aut si ex eo nemo hæres existit: Ita Justinian. lib. 3. Inst. tit. 1.

Sic Titius habens bona temporalia, non cogitat de condendo testamento, & moritur nullo facto testamento: vel facit testamentum sine debitis solemnitatibus juris; aut faciens testamentum cum solemnitatibus juris, reticet posthumum, qui ei annascitur; demum hæres designatus recusat hereditatem. In his singulis casibus Titius dicitur mori intestatus.

Homini intestato succedere possunt 1. Descendentes. 2. Ascendentes. 3. Collaterales. 4. Maritus, vel uxor. 5. Fiscus. Descendentes sunt hi, qui a nobis ortum ducunt. Ascendentes vero hi, a quibus nos ortum ducimus. Collaterales sunt hi, qui sicut & nos ex eodem sanguine orti sunt. Uxor & maritus sunt hi, qui matrimonio conjunguntur. Fiscus est aut Respublica, aut Regnum, in quo decedit intestatus.

## §. II.

*Qui Et quot descendentes?*

Descendentes sunt hi, qui a nobis vel immediate, vel mediate ortum ducunt. Et hi sunt 1. Liberi. 2. Nepotes



potes & neptes. 3. Pronepotes & proneptes. 4. Abnepotes & abneptes. 5. Adnepotes & adneptes. 6. Trinepotes & frineptes.

Liberi, alii sunt naturales solum, alii legitimi solum, alii naturales simul & legitimi, alii legitimati, ut dicunt.

Liberi naturales solum sunt hi, qui ex illegitimo concubitu nati sunt, qui nascuntur ex coitu meretricio, vel incestuoso. Qui nascuntur ex coitu meretricio, id est, ex ea femina, cum qua iniri poterat conjugium, possunt fieri legitimi. Qui nascuntur ex coitu incestuoso, id est, ex ea femina, cum qua iniri nequit conjugium, nequeunt fieri legitimi.

Liberi legitimi solum sunt hi, qui nobis sunt filii via legis, scilicet per adoptionem.

Liberi naturales simul & legitimi sunt hi, qui oriuntur a nobis ex legitimis nuptiis.

Liberi naturales legitimati sunt hi, qui orti ex illegitimo, sed non incestuoso concubitu, sunt legitimi vel per rescriptum Principis, vel per sequens matrimonium initum cum ea, cum qua habitus fuit illicitus concubitus.

### §. III.

#### *Qui & quot ascendentes?*

Ascendentes sunt hi, a quibus vel immediate, vel mediate ortum ducimus. Et sunt 1. Pater & mater. 2. Avus, & avia. 3. Proavus & proavia. 4. Abavus & abavia. 5. Atavus & atavia. 6. Tritavus & tritavia.

Parentes alii sunt naturales solum, alii legitimi solum, alii naturales simul & legitimi, alii legitimati, ut diximus de liberis; eodem enim modo de parentibus ratiocinandum, quo de filiis.

### §. IV.

#### *Qui & quot collaterales?*

Collaterales sunt hi, qui ex eodem sanguine, ex quo & nos, orti sunt; vel qui ex eodem sanguine oriuntur, ex quo ascendentes nostri nati sunt.

Sic considerando rem descendendo, collaterales sunt, 1. Fratres & sorores. 2. Fratrum & sororum filii. 3. Fratrum & sororum nepotes & neptes. 4. Fratrum &

fororum pronepotes & proneptes. 5. Fratrum & fororum abnepotes & abneptes.

Sic considerando rem ascendendo, collaterales sunt. 1. Fratres & sorores tum patris & matris meæ, eorumque filii & filię, nepotes & neptes, pronepotes & proneptes, abnepotes & abneptes. 2. Fratres & sorores tum avi, tum aviæ, eorumque filii & filię, nepotes & neptes, pronepotes & proneptes. 3. Fratres & sorores tum proavi, tum proaviæ, eorumque filii & filię. 4. Fratres & sorores atavi & ataviæ.

### §. V.

*Quid sit in stirpes & in capita succedere?*

Successio fit in capita, quando tot partes fiunt hereditatis, quot sunt capita succedentium: v. g. tot fiunt partes, quot sunt capita filiorum.

Successio fit in stirpes, quando tot fiunt partes hereditatis, quot sunt capita; & cujuslibet capitis portio dividitur his, qui caput illud representant: v. g. Titius habens duos filios moritur intestatus: alter ex illis filiis moritur relinquens quatuor filios, qui sunt nepotes Titii. Tota hereditas Titii dividetur in duas partes æquales: una dabitur filio Titii superstiti, & altera pars dividetur æqualiter quatuor nepotibus: filius succedet in capita, nepotes vero in stirpes.

### §. VI.

*In quot partes soleat dividi hereditas?*

Hereditas solet dividi in duodecim partes, sicuti *as* dividitur in duodecim denarios. Jurista solent diversas hereditatis portiones hoc modo exprimere. *As*, seu qui est heres ex *assè*, succedit duodecim partibus, seu toti hereditati. *Deunx*, undecim. *Dextans*, decem. *Dodrans*, novem. *Bes*, octo. *Septunx*, septem. *Quincunx*, quinque. *Triens*, quatuor. *Quadrans*, tribus. *Sextans*, duabus. *Uncia*, uni tantum parti ex duodecim.

## ARTICULUS II.

*Quis sit ordo successionis ab intestato ex Novella Imperatoris?*

### §. I.

## §. I.

*Quo ordine succedant descendentes?*

*Regula prima.* Si, qui decedit intestatus, relinquat solum liberos ex justis nuptiis procreatos, hi omnes liberi sive mares, sive feminae ex aequo succedunt, sive in singulos aequaliter dividitur hereditas: liberi in capita, istorum vero filii in stirpes succedunt: ita Novell. 118. c. 1.

*Regula secunda.* Si, qui decedit intestatus, relinquat solum filios legitimos, sed diversimode legitimatos, isthaec observanda sunt.

Filii legitimati per sequens matrimonium, sive nati ex eadem, sive ex alia matre, una cum filiis naturalibus & legitimis aequaliter succedunt & in allodis, & in feudalibus: Novell. 89. c. 8.

Filii naturales legitimati per rescriptum Principis tantum, succedunt patri, nullis extantibus liberis naturalibus & legitimis simul; non tamen in feudo, nisi id in rescripto contineatur.

De filiis legitimis per adoptionem, aut legitimatis per oblationem curae nihil dico; eorum enim notitia parum intervrit in praxi pro casibus conscientiae.

*Regula tertia.* Si, qui decedit intestatus, relinquat filios naturales non legitimatos, haec observanda sunt.

Filii incestuosi, id est, nati ex ea, cum qua iniri nequit matrimonium, nec succedunt, nec eis jure civili alimenta debentur: *Authentica ex complexu, C. de incestuosis nuptiis*; sed jure canonico ab hereditate repelluntur, & eis providetur nutrimentum. Et merito quoad hoc jus civile per canonicum corrigitur. *Naturalia enim jura*, inquit Justinianus, *civilis ratio perimere non potest*; Lib. 3. tit. 1. §. 11.

Filii naturales tantum, non extantibus filiis legitimis, vel legitima uxore; succedunt in duabus uncis una cum matre dividendis: in reliquis partibus succedunt proxime cognati: Novell. 89.

Filii naturales tantum, extantibus filiis legitimis, vel uxore legitima, non succedunt; alendi tamen sunt boni viri arbitrio: ita Novell. 29. c. 12. matri tamen una cum filiis legitimis succedunt.



## §. II.

*Quo ordine succedant ascendentes?*

*Regula prima.* Si, qui decedit intestatus, non relinquat neque descendentes, neque collaterales, id est, neque liberos, neque fratres vel sorores, ascendentes proximiores succedunt: v. g. pater & mater succedunt aequaliter, & quidem in capita; sicuti liberi tam masculi, quam feminae succedunt aequaliter in capita: deficiente patre, succedunt avus & avia ex parte patris, & deficiente matre, succedunt avus & avia ex parte matris, sed in stirpes.

*Regula secunda.* Si, qui decedit intestatus, non relinquat liberos, sed superstites relinquat ascendentes, v. g. patrem & matrem, & collaterales, v. g. fratres & sorores, aut eorum filios; fratres & sorores una cum ascendentibus proximioribus succedant, nepotibus ulterioribus exclusis.

*Regula tertia.* Si, qui decedit intestatus, non habeat patentes legitimos, sed solum naturales, non extantibus ei liberis & collateralibus, eo modo ei succedunt ascendentes naturales, quo ipse eis succederet.

## §. III.

*Quo ordine succedant collaterales?*

*Regula prima.* Si, qui moritur intestatus, non relinquat ascendentes, vel descendentes, sed solum fratres aut sorores naturales, vel legitimos, vel legitimatos, vel mortuorum fratrum & sororum filios; & fratres & sorores viventes, & demortuorum fratrum & sororum filii succedant aequaliter; sed fratres & sorores viventes succedunt in capita; filii vero demortuorum fratrum vel sororum in stirpes succedunt.

*Regula secunda.* Si, qui moritur intestatus, non relinquat neque ascendentes, neque descendentes, neque fratres & sorores, neque fratrum aut sororum liberos; cognati ulterioris gradus ex sola gradus prerogativa succedunt in capita.

## §. IV.

*Quo ordine succedat maritus, & uxor, & fiscus?*

Re-

*Regula unica.* Si, qui decedit intestatus, non relinquat neque ascendentes, neque descendentes, neque collaterales usque ad decimum gradum, marito succedit uxor, & maritus uxori. Et si, qui decedit intestatus, non relinquat nec vir uxorem, nec uxor virum, succedit fiscus.

## §. V.

*De formula testamenti publici a Parocho aut ejus Vicario conscribendi.*

Quoniam sapissime contingit, ut Parochi præcipue rurales, eorumque Vicarii cogantur conficere testamenta propter defectum Notariorum; hoc enim eis licet in tali casu per edictum Regium Henrici III. Blesis datum anno 1579. a. 63. ne arrent in hujusmodi confectione testamentorum, ideo placuit hic inferere subiectam formulam.

*Formula testamenti, quod a Curato, vel ejus Vicario excipi potest.*

In Dei Nomine hodie &c. in loco &c. ante vel post meridiem coram me NN. Presbytero & Curato, vel Vicario Parochie &c. constitutus fuit NN. incolahujus &c. qui in lectulo in tali domus suæ cubiculo agrotans quidem corpore, sed mente sanus, judicio, & memoria valens, videns, audiens, cognoscens, & loquens, considerans nihil quidem morte certius esse, hujus autem hora nihil incertius, ad prævertendas lites, quæ post decessum suum possent suboriri, facit, vimque habere jubet præfens hoc suum testamentum, ut sequitur. Primum dictus NN. Testator se ipsum signo Crucis signans veniam a Deo deprecatus est, & Sanctos Sanctasque Aule Castellis obtestatus, ut pro se velint intercedere, dixit se in Parochie N. Cameterio velle tumulari &c. Quod spectat ad honores funeris hujus, arbitrio hæredis sui, inferius appellandi, relinquit; quoad vero preces pro se effundendas jubet tot &c. Sacrificia celebrari. Donat, & legat NN. summam NN. solvendam &c. qua in re hunc facit, instituitque hæredem suum particularem, ita tamen ut velit, eum nihil præterea ex bonis suis petere, & exquirere &c. In omnibus autem, singulisque mobilibus, immobilibusque bo-

nis suis, nominibus, juribus, vocibus, actionibus præsentibus, atque futuris idem NN. Testator fecit, & instituit, ac ore proprio nominavit generalem, universalemque heredem NN. ut utatur, fruatur, atque disponat tum in vita, tum in morte de universis dicti Testatoris bonis, & hereditate, prout ipsi visum fuerit, atque placuerit, post obitum ipsius Testatoris, qui dixit, declaravitque superius dicta solam esse, extremamque voluntatem suam, quam vult, ac jubet valere in formam Testamenti, Codicilli, Donationis, & alterius cujuscumque dispositionis mortis causa, eo meliori modo, quo secundum jura valere poterit, delens, revocans, & antiquans alia quæcumque Testamenta, Codicilla, & Donationes mortis causa, quæ antea fecisse potuit, atque explicite omnia legata pia, foundationes, & clausulas derogatorias, quæ in dictis dispositionibus possent contineri, & quas in præsentem exprimeret, si meminisset: volens, atque intelligens præsens hoc esse solum, extremum, validumque suum Testamentum. de quo dictus Testator rogavit tum Testes inferius nominandos ab illo satis cognitos, & quos ipse jussit accersiri, ut hujus actus meminisse velint: tum ipsum me Curatum, aut Vicarium, ut illud excipere vellem propter absentiam NN. loci hujus Notarii, vel quod hoc in loco nullus adest Notarius: quod egi, recitavi, atque transegi in ejusdem Testatoris domo coram NN., & NN. &c. die, & anno quibus supra.

Qui talia conficiunt testamenta, monendi sunt, I. Quod debeant adhibere testes septem, qui sciant & possint, quantum fieri poterit, consignare instrumentum, aut saltem debet fieri mentio de causa, propter quam non consignarint, de hoc requisiti. Idem dici debet de Testatore, qui etiam, si fieri potest, debet consignare, aut saltem debet fieri mentio de causa, propter quam non consignavit, de hoc requisitus. 2. Debent observare, quod ipsi non possunt institui hæredes, aut legatarii in eo testamento, quod conficiunt. 3. Debent facere in testamento mentionem de omnibus filiis & filiabus, etiam posthumis, aut posthumabus testatoris, alioquin testamentum nullum esset; aut si desint, debent nominare patrem & matrem, & alios ascendentes, in linea recta. Quod si testator exheredaret quemquam in-

orum,



rum, deberet fieri mentio de causa, ob quam hoc facit.

4. Debent quamprimum hujusmodi testamentum sic confectum tradere alicui ex Notariis publicis, qui illud transcribet in suo chartulario, ut qui indigebunt tali testamento, possint ad illud recurrere.

## §. VI.

### *De formula testamenti clausi.*

Cum possit etiam plerumque fieri, quod iidem Parochi, aut eorum Vicarii regentur aliquando ab iis, qui suam in ipsis collocant fiduciam, ut velint sibi testamentum, quod vocant clausum, conficere, suasque ultimas voluntates in scriptis redigere, opera pretium vitum est etiam hujusmodi testamenti formulam hic subijcere, ne quis in re tanti momenti propter suam imprudentiam aut decipiat alios, aut ipse decipiatur.

### *Formula testamenti clausi.*

Ego infra scriptus NN. talis conditionis habitans in &c. perfecta corporis valetudine, ac mentis sanitate, *vel ager corpore, prout res tulerit*, sensibus omnibus, iudicio atque memoria valens, videns, audiens, cognoscens, & loquens, ad prævertendas lites, quæ bonorum meorum causa post obitum meum suboriri possent, testamentum meum feci, ut sequitur. Primum me ipsum signo Crucis signavi, a Deo veniam deprecatus sum, Sanctos Sanctasque oravi, ut pro me velint intercedere. Volo humari corpus meum &c. arbitrio hæredis mei infra nominandi permittens quidquid ad funeris honorem pertinet; atque præcipiens ut pro requie animæ meæ tot celebrentur Sacrificia &c. Domino, lego NN. &c. atque in omnibus, singulisque bonis meis mobilibus & immabilibus, nominibus, juribus, vocibus, actionibusque cum præsentibus tum futuris facio, instituo, & nomino generalem, atque universalem hæredem meum NN. ut illis utatur, de illis faciat, atque disponat post obitum meum quæcumque ipsi visum fuerit, atque placuerit tam in vita, quam in morte. Et hæc est extrema voluntas mea, quam valere volo in formam Testamenti, Codicilli, Donationis, aliorumque dispositionum mortis causa eo meliori modo, quo

quo secundum jura valere poterit, antiquans, revocans, & abrogans alia omnia Testamenta, Codicilla, Donationes, aliasque dispositiones causa mortis, quas antehac fecisse potui; atque explicite omnia legata pia. fundationes, & clausulas derogatorias, quæ illic possent contineri, & quas modo, si meminissem, exprimerem; volens, atque jubens præsens hoc esse solum, extremum, validumque testamentum meum, quod propria manu scripti, *vel* quod manu amica, fidelique scribendum curavi. Quod postquam legi relegique de verbo ad verbum, cum illud voluntati meæ conforme deprehenderim, in extrema qualibet pagina, nec non in fine totius dicti testamenti signavi. Factum in loco tali &c. tali die &c.

Supra formulam superius scriptam isthæc observanda veniunt. 1. Necessarium est, ut testamentum clausum valeat, quod Testator sciat legere & scribere, quod ipsum scribat, & consignet suo chirographo omnes ejus paginas; aut si fecerit scribi per manum sibi fidelem, ipse saltem consignet omnes paginas, & sua propria manu conclusionem testamenti scribat, in qua mentionem faciat, quod ipse fecerit scribi testamentum per manum sibi fidelem. 2. Hujusmodi testamentum, sic scriptum, & exacte observatum, debet superscribi per Notarium publicum, aut saltem defectu Notarii per Parochum, aut ejus Vicarium, si hæc superscriptio fiat in extremo vite periculo; & in ea superscriptione debent observari eadem solemnitates, quæ servantur in testamentis publicis consiciendis, & adhibendi testes septem sicut in illis. 3. In isto testamento, sicut & in publico, omnes filii & filie Testatoris nominandi sunt; & iis deficientibus, nominandi sunt omnes ascendentes, & descendentes in linea recta. 4. Ille, cujus manu utitur Testator ad scribendum testamentum, non potest esse hæres, nec legatarius, sicuti nec ipsius frater aut soror, nec pater aut mater. Quod si ille, qui scripsit testamentum, sit Religiosus, tunc nec ipsa Religio, nec ullus privatus ejusdem Religionis potest esse hæres, aut legatarius in illo testamento.

# TRACTATUS XVI.

## DE VARIIS SPECIEBUS INJUSTÆ ACCEPTIONIS VEL DETENTIONIS BONI ALIENI.

**S**i attendamus modum accipiendi vel detinendi injuste rem proximi, duæ sunt generales species injustæ acceptionis & detentionis, scilicet, furtum & rapina. Per furtum res proximi occulte accipitur vel detinetur. Per rapinam res proximi palam & renitente domino violenter eripitur.

Si attendamus rem alienam, quæ accipitur vel detinetur injuste, quatuor sunt species injustæ acceptionis, scilicet, peculatus, abigeatus, plagiatu, & sacrilegium.

### CAPUT I.

#### *De Furto.*

**N**ota. Furtum est occulta & injusta ablatio vel detentio rei alienæ invito rationabiliter domino. Variæ sunt species furti.

1. Furtum simplex est actus, quo quidpiam alicui privato clanculum subripitur.

2. Peculatus est actus, quo quis ex publicis pecuniis intervertit aliquid aut usurpat.

3. Abigeatus est actus, quo, non res inanimæ, sed pecora e locis, in quibus pascunt, abiguntur & rapiuntur.

4. Plagium est actus, quo non res vel pecora, sed homo, sive servus, sive liber, abducitur.

5. Sacrilegium est actus, quo vel sacrum de sacro, vel sacrum de non sacro, aufertur. Sacra res dicitur ea, quæ cultui divino mancipatur, ut Ecclesia, vel res Ecclesiæ.

### ARTICULUS I.

*Quod & quale peccatum sit furtum?*

**Prop. unica.** Furtum est peccatum ex suo genere mortale.

Et ita peccat mortaliter quicumque privata auctoritate aufert bonum alienum invito rationabiliter domino, si rem auferat deliberate, & res ablata sit notabilis.

*P. Besombes Mor. Chr. Tom. II. H h Prob.*



*Prob. 1. Ex Script. Et dixit ad me, hæc est maledictio, quæ egreditur super faciem omnis terræ, quia omnis fur, sicut ibi scriptum est, judicabitur, & omnis jurans similiter judicabitur: Zachariæ 5. Paulus vero ait: Neque fures, neque adulteri regnum Dei possidebunt: 1. ad Corinth. 6. Ergo cum furtum mereatur Dei maledictionem, & excludat a Regno Cælorum, est peccatum mortale.*

*2. Furtum in omni lege tamquam grave peccatum prohibetur, ut patet inductive: nam in lege naturali sola instigante conscientia Jacob vult furtum morte puniri; ita enim Laban alloquitur: Quod autem furti me arguis, apud quemcumque inveneris Deos tuos, necetur coram fratribus nostris: Gen. 31. Fratres Joseph eidem poenite se addicunt. Apud Quemcumque, inquit, fuerit inventum peritorum tuorum quod quæris, moriatur: Gen. 44. In Lege Mosaica dicitur: Non furtum facies. Jus civile fures poenis corporalibus addicit. Jus canonicum Epist. ad Amphilochem canone 61. fures a communione per longum tempus excludebat. Ergo cum furtum tam gravibus poenis subjiçatur, debet esse ex suo genere mortale peccatum.*

*3. Furtum est contrarium justitiæ, quæ suum unicuique tribuit: ergo, cum justitia sit virtus ad salutem necessaria, furtum contrarium justitiæ debet esse peccatum mortale.*

*Hinc patet, enumeratas omnes species furti in materia gravi, & cum plena deliberatione, esse peccata mortalia.*

### Confessaria hujus Doctrinæ.

#### De Speciebus Furti.

*Confess. 1. Furtum simplex est peccatum mortale: de quo ita Abacuc. cap. 2. Væ qui multiplicat non sua, usquequo & aggravat contra se densum lutum: innuens quod sicut homo infixus luto emergere non potest; ita fur ex peccato suo vix potest emergere.*

*Confess. 2. Peculatus est peccatum mortale: de quo ita Joannes apud Lucam 3. Nihil amplius, quam quod constitutum est vobis, faciatis.*

*Confess. 3. Abigeatus, de quo tit. 47. digest. est etiam peccatum mortale.*

*Confess.*

*Confess. 4.* Plagium est peccatum mortale : de quo Exod. 21. *Qui furatus fuerit hominem, & vendiderit eum, convictus noxæ morte moriatur.*

*Confess. 5.* Sacrilegium est etiam peccatum mortale, de quo ita Josue loquens de sacrilegio Achan : *AnatHEMA in medio tui Israel, non poteris stare coram hostibus tuis, donec deleatur ex te qui hoc contaminatus est scelere: Josue 7.*

## ARTICULUS II.

*In quo percurruntur varii casus, in quibus furtum committitur.*

### §. I.

*De furtis commissis ab extraneis omnino.*

*Confess. 1.* Peccant peccato furti hi, quos hic sub-  
jicio.

1. Pauperes, qui aliquid subripiunt divitibus, quamvis divites ob rem subtractam grave non ferant incommodum. Catechismus Trid.

2. Pauperes, qui furantur vel in gravi, vel in levi necessitate ; quia debent potius pati illam necessitatem quam furari : non peccant tamen, si in extrema necessitate sumant quod est ad vitam necessarium. Sic enim discipulos suos colligentes spicas, quibus nutrentur, excusat Christus. Utrumque docuit Innocentius X. damnando sequentem propositionem : *Permissum est furari, non solum in extrema necessitate, sed etiam in gravi.*

3. Pauperes, qui extra necessitatem extremam ligna cadunt, vel caesa auferunt, vel pecora in alieno fundo contra voluntatem domini nutriunt.

4. Qui exiguis furtis deveniunt ad quantitatem notabilem : v. g. sartores particulas panni a diversis subripiunt : textores particulas filii a diversis furantes : molitores a diversis exiguam quantitatem grani auferunt : mercatores utentes falsis ponderibus, mensuris & vinis : venditores, qui rem venalem tantisper labefactant ; quia hi omnes nocumentum ingens afferunt

Reipublicæ, & ingens emolumentum acquirunt, quod retinere nequeunt absque peccato mortali. Ita Innoc. XI. damnando istam propositionem: *Non tenetur quis sub pœna peccati mortalis restituere quod ablatum est per pauca furtiva, quantacumque sit & magna summa totalis.*

5. Demum qui furantur aliquid quantumvis exiguum cum ea intentione, ut ad summam aliquam ingentem perveniant, licet talem summam non acquirant; quia intentio illa prava facit, quod furtum, quod erat veniale, sit mortale.

## §. II.

*De furtis uxorum erga maritos, & maritorum erga uxores.*

*Consect. I.* Peccant uxores peccato furti, quando auferunt bona mariti; quia auferunt ea, circa quæ non habent dominium. Ita docet Aug. Epist. ad Ediciam: *Mulierem conjugatam non licet dicere, facio, quod volo de me, cum & ipsa non sit sua, sed capitis sui, hoc est viri.* Et non legitur Saram domesticis rebus tamquam dominam usam fuisse, sed econtra solitam fuisse Abraham dominum suum nuncupare.

Et ita peccat uxor subripiens aliquid de sua dote, vel de pretio, quod acquirit vulgari sua industria: subripiens pariter aliquid de re domestica, si subripiat, ut ludat, ut superbius, quam par est, vestiatur, ut referret sibi post mortem mariti, ut vel parentibus vel pauperibus copiosius, quam par est, distribuatur: & tenetur ea restituere & damnum illud reparare per bona dotis suæ post mortem mariti, vel per bona paraphernalia, si habeat: quod si non habeat bona paraphernalia, & marito non supervivat, tenetur petere a marito condonationem, si præsumat quod sit eam impetratura, vel defectum restitutionis per pœnitentiam compensare; cum enim uxor non sit domina predictorum bonorum, verum furtum committit, cum ea usurpat.

*Consect. 3.* Peccant peccato furti mariti, qui bona, quæ sunt extra dotem, ab uxoribus auferunt, & ipsa dilapidant.

## §. III.



## §. III.

*De Furtis filiorum-familias erga patres, & patrum erga filios.*

*Consect. 4.* Peccant peccato furti filii-familias, quando auferunt bona parentibus; quia auferunt ea, circa quæ non habent dominium. *Qui subtrahit aliquid a patre suo & a matre, & dicit hoc non esse peccatum, particeps homicide est:* Prov. 28. quia scilicet, gerens se quasi esset verus paternorum bonorum possessor, indicat satis manifeste se optare mortem patris. Reos veri furti censet Justinianus eos omnes filios, qui aliquid a patre invito subripiunt: ita enim habet lib. 4. Instit. tit. I. §. 13. *Hi, inquit, qui in parentum, vel dominorum potestate sunt, si rem eis subripiunt, furtum quidem faciunt, & res in furtivam causam cadit.* Et S. Antoninus parte 2. tit. I. c. II. §. I. *Si filius-familias abstulit aliquid de bonis parentum contra voluntatem eorum, furtum commisit; & si est quid notabile, mortale est - & ad restitutionem tenetur coheredibus, nisi pater dederit, vel coheredes ipsos tantumdem subripuisse certo sciat.* Et ita furti reus est filius-familias, qui subripit patri aurum, argentum, frumentum, &c. ut ludat, ut epuletur, &c. Parentes peccant peccato furti, si filiis subripiant, aut labefactent quæ eis a jure conceduntur.

## §. IV.

*De Furtis dominorum erga servos, & servorum erga dominos.*

*Consect. 5.* Peccant peccato furti domini, qui servis alimenta convenientia non præbent; dignus est enim operarius cibo suo: item si mercedem justam, dummodo fideliter famulati fuerint, non solvant; id enim stricte prohibet Deus: *Non morabitur, inquit, apud te opus mercenarii usque mane:* item etiam si ante elapsum terminum temere & sine causa e domo expellant; quo casu tenentur ad integram solutionem.

*Consect. 6.* Peccant peccato furti servi rapientes bona dominorum, aut non ea custodientes; quia non habent jus circa bona dominorum, & quia ex officio tenentur ea bona custodire, exemplo Jacob, qui die ac nocte vigilabat, ut oves Laban custodiret. *Diū noctuque,*

inquit, *æstu urebar, & gelu, fugiebatque somnus ab oculis meis, sicque per viginti annos in domo tua servivi tibi*: Gen. 31. v. 4. Et ita peccant famuli, qui subripiunt panem, vinum, carnes, &c. ut epulentur lautius, ut dent parentibus suis, ut dent operariis, qui eos adjuvant, dum illi interim a labore debito quiescunt; ut dent factoribus, tutoribus &c. quos talibus munusculis remunerant ob officia, quæ ab eis accipiunt.

Item peccant peccato furti famuli, & ancillæ, & opifices, qui facta conventionione cum dominis suis, persuadentes sibi laborem suum ultra id, de quo conventum est, esse æstimandum, aliquid accipiunt compensationis nomine; stare enim debent in ita conventioni: eis quippe reponi potest illud Evangelii; *Amice non facio tibi injuriam, nonne ex denario convenisti mecum? tolle quod tuum est, & vade*. Rem ita determinat Innocent. XI. damnando hanc propositionem: *Famuli & famule possunt occulte heris suis subripere ad compensandam operam suam, quam majorem judicant salario, quod recipiunt*. Ob eandem rationem filius nondum emancipatus, administrans bona parentis, non potest clam accipere idem salarium, quod pater dare cogeretur extraneo.

Peccant pariter peccato furti famuli, ancillæ, & opifices, qui locantes operas suas non laborant juxta conditum; quia sicuti justitiam violat qui opus mercenariorum non remuneratur, juxta illud: *non remanebit apud te opus mercenarii usque mane*; ita justitiam violant mercenarii, qui juxta conditum opus injunctum vel susceptum non perficiunt: jubet enim Paul. ad Ephes. 6. v. 6. ut sint *non ad oculum servientes, quasi hominibus placentes; sed ut servi Christi facientes voluntatem Dei ex animo*.

Si famuli, si ancillæ, si opifices sine magna difficultate restituere non possunt, jubeantur compensare officiis, & obsequiis extraordinariis, quantum possunt.

### ARTICULUS III.

*Quandonam ablatio rei alienæ furtum dici non debeat?*

*Prop. unica.* Furti reus haberi non potest, qui rem exteriorem accipit iis in casibus, in quibus jus naturale vel positivum illud permittunt.

*Prob.*

**Prob. I.** Ut supra dictum est, homo est dominus rerum suarum dependenter a Republica: Ergo hoc ipso quod quis accipit secundum jura, juste accipit: ergo non peccat: ergo furti reus haberi non potest. 2. Irrationalis est voluntas domini detinentis in his casibus, in quibus jus vel naturale vel positivum permittunt, ut auferatur: Ergo furti reus non est, qui tunc bonum alterius aufert.

### Consectaria hujus Doctrinæ.

**Consect. I.** Furti rei non sunt qui alienum accipiunt ex iusta causa. Sic qui hic subjiuntur, sunt a crimine furti immunes. 1. Qui expresso Dei jussu aliquid auferunt; quia Deus est Dominus omnium; v. g. a furto excusantur Judæi jussu Dei fumentes spolia Ægyptiorum; tum quia Deus eis ea adjudicaverat, quod utique poterat vel ratione suprema Domini, quod habet supra omnia, vel ex iusto iudicio, quo voluit impios punire, auferendo eis bona, & ea Judæis adjudicando, juxta illud: *Iusti tulerunt spolia impiorum*: Sapient. 10. vel voluit laborem Judæorum compensare, juxta illud: *Reddidit iustis mercedem laborum suorum*: Sap. 10. v. 17. Si tamen Moyses sua sponte iussisset, aut Hebræi sua sponte fecissent, profecto peccassent, juxta Aug. lib. 2. contra Faustum 72.

2. Qui accipiunt aliquid autoritate Judicis. Ita D. Thom. *Accipere rem alienam vel occulte, vel manifeste, autoritate Judicis hoc decernentis, non est furtum; quia jam fit sibi debitum, per hoc, quod sententialiter sibi est adjudicatum*: 2. 2. q. 66. a. 5. ad 1.

3. Qui accipit alienum, non contradicente domino, vel quia dominus sponte consentit, vel quia accipiens jocosè accipit; furtum enim est ablatio rei alienæ contradicente domino.

4. Qui accipit alienum, etiam contradicente domino, si hoc fiat in bonum ipsius domini: v. g. qui aufert alicui pecunias, ne eas ludo dilapidet, abscondit librum hereticum, ne eum legat, aufert pugionem, ne se confodiat; tunc enim ablatio rei nocituræ non est furtum, sed officium.

5. Qui accipit aliquid invito irrationabiliter domino;



quia si dominus sine causa contradicat, non est furtum, sed debitum iuste acceptum.

Sic non peccat uxor, si de bonis familiæ aliquid retineat, ut modeste se vestiat, ut moderatas det elemosynas, ut rei domesticæ provideat, ut prodigo marito ansam ludendi subripiat; ita enim fecisse prudens Abigail legitur, cum Davidi occurrit cum muneribus.

Sic non peccant filii familias, qui retinent aliquid ex familia, ut sibi suppeditent quæ sunt necessaria ad victum & vestitum.

Non peccant pariter famuli, si male nutriti accipiant quæ sunt absolute necessaria, ut nutriantur. Prædicta autem ita intelligenda sunt, ut hæc necessaria & petita fuerint, & injuste negata.

*Conjess. 2.* Non peccant qui accipiunt aliquid ex iusta compensatione, id est, certis conditionibus infra referendis circumscripita; tunc enim non fit injuria debitori, cum teneatur ex iustitia dare quod ei auferitur; non fit injuria Judici, cum supponatur vel nolle, vel non posse rem vero domino adjudicare. Iustam illam compensationem ita exprimit Cajetanus. *In casu, quo quis non potest juris via rem suam recuperare aut propter paupertatem egentis, aut propter dignitatem detinentis, aut propter defectum judicis, vel probationum, aut propter scandalum, & absque scandalo potest quis secreto rem suam recuperare, non creditur reus furti; quia tunc non proprie jus sibi ipsi dicit, sed jus naturale circa rem suam exequitur, ex quo per jus civile illam recuperare prohibetur: tenetur tamen efficere, ut qui detinebat, sciat se non teneri ad illius restitutionem, ne si ad penitentiam conversus fuerit, damnum incurrat ipse, aut ejus hæres, restituendo.*

Idem videtur docere cap. *bona fides*, de deposito, ubi vetatur compensationem fieri in deposito. *Licet*, inquit, *compensatio admittatur in aliis contractibus, si causa, ex qua postuletur, sit liquida.*

Ut autem compensatio illa sit licita, sequentes requiruntur conditiones. 1. Ut debita sint paria; ideo debita incerta non possunt compensari cum certis. 2. Ut compensatio non fiat cum deposito; quia, ut ait Gregorius IX. *contra depositum non admittitur compensatio.*

3. Ut

3. Ut fiat in re ex iustitia & non tantum ex gratitudine debita. 4. Ut in compensatione nihil supra debitum accipiat. 5. Ut ad recuperandam rem suam non possit alia via adhiberi. 6. Ut absit scandalum, & scandali periculum. Ita compensationem iustam explicat Soto de iustitia & jure lib. 5. q. 3. a. 3. ad 1. & D. Antoninus 2. P. tit. 15. §. 2.

Sunt tamen qui contrarium tueantur. 1. Quia, ut ajunt, prætermittitur ordo juris, & peccatur contra iustitiam legalem - - 2. Quia licet Jacob potuisset retinere idola Laban ad compensationem iustam, tamen Laban exienti idola respondit - - *Quod autem furti me arguis, apud quem inveneris Deos tuos, necetur coram fratribus nostris*: Gen. 31. Ubi videtur insinuare, iustam etiam compensationem furti speciem habere.

*Monit.* Quid in illa sententiarum varietate Confessarius in praxi observabit.

Si interrogetur, antequam facta sit compensatio, 1. Numquam suadebit compensationem occultam propter periculum scandali. 2. Si interrogetur, an sit licita compensatio, respondebit, licitam esse juxta plures Theologos, modo observentur conditiones supra statuta; juxta alios non esse licitam. 3. Si interrogatur postquam pœnitens propria autoritate compensatione usus est, examinabit, an occurrerint supradictæ conditiones, & an bona fide id pœnitens fecerit. Si id bona fide fecerit, in hac hypothese pœnitentem peccati non arguet, nec obligabit ad restitutionem, sed eum monebit periculi, cui se exposuit. Si vero reperiat requisitas conditiones non fuisse observatas, si pœnitens peccaverit contra iustitiam commutativam, v. g. si pœnitens usus esset compensatione circa rem non debitam titulo iustitiæ, eum peccati arguet, obligabitque ad restitutionem, cum non suum, sed alienum acceperit. Si vero pœnitens peccaverit solum contra iustitiam legalem, eum peccati arguet, sed ad restitutionem non obligabit, cum non alienum, sed suum acceperit.

## ARTICULUS III.

### De Rapina.

Rapina est aperta & injusta ablatio rei alienæ, invito rationaliter domino, & est peccatum mortale.

*Prop. unica.* Peccant mortaliter, quicumque palam auferunt bonum alienum, invito rationaliter domino, & longe gravius quam qui furatur; ideo est circumstantia mutans speciem, aperienda in confessione.

*Prob. 1.* Ex Script. Michæ c. 2. *Væ qui cogitatis inimi e - - Concupierunt agros, & violenter tulerunt, & rapuerunt domos, & calumniabantur virum, & domum ejus, virum & hereditatem ejus.* Idcirco hæc dicit Dominus: Ecce ego cogito super familiam istam malum. Quæ omnia denotant rapinam esse peccatum mortale: Ergo est peccatum mortale. 2. Exemplo Achab rapientis violenter vineam Naboth. 3. Reg. c. 21. cui crimen istud rapinæ ita exprobravit Elias: *Hæc dicit Dominus: occidisti, insuper & possedisti.* 3. Ratione. Per rapinam palam & violenter mihi bonum attribuo: quatenus mihi alienum attribuo, pecco contra justitiam: quatenus utor violentia, addo circumstantiam transferentem furtum ad speciem rapinæ: Ergo rapina est peccatum mortale: ergo rei sunt peccati mortalis qui hic subjiuntur.

### Confessaria hujus Doctrinæ.

*Confess. 1.* Rapaces sunt qui injusta imponunt tributa: contra quos ita loquitur Michas c. 3. *Audite principes Jacob & duces domus Israel - - Qui violenter tollitis pelles eorum desuper eis, & carnem eorum desuper eis, & carnem eorum desuper ossibus eorum. Qui comederunt carnem populi mei & pellem eorum desuper excoriaverunt, & ossa eorum confregerunt, & conciderunt sicut in lebet, & quasi carnem in medio ollæ.* Et ita rapaces sunt Principes, qui contra jus aliquid auferunt a subditis: ita D. Thom. 2. 2. q. 66. a. 8. ad 3. *Si vero aliquid Principes indebite extorqueant per violentiam, rapina est, sicut & latrocinium; ideo ait Aug. lib. 4. de civit. Dei c. 4. Remota justitia, quid sunt regna, nisi magna latrocinia? quia latrocinia quid sunt, nisi parva regna? Et Ezechielis 22. Principes ejus in medio illius, quasi lupi rapientes prædam: unde ad restitutionem tenentur, sicut & latrones: & tanto gravius peccant, quam latrones, quando periculosius & communius contra publicam justitiam agunt, cujus custodes sunt positi.*

Con-



*Confess. 2.* Rapaces sunt qui Regibus & thesauri a-  
rarii custodibus injusta tributa, & injustas leges suadent :  
de quibus ita Salvianus lib. 5. de gubernatione Dei. De-  
cernunt potentes, quod solvant pauperes: decernit gratia  
divitum, quod pendat turba miserorum: ipsi in nullo  
sentiunt quod decernunt: de quibus ita Raymundus  
lib. 2. titulo de raptoribus. Si aliqui damnificati sunt  
occasione talis legis vel statuti, tenentur conditores &  
eorum heredes ad restitutionem: tenentur etiam in so-  
lidum qui induxerunt Principes ad condendum tales  
leges. Item omnes observatores peccaverunt mortaliter,  
& tenentur ad restitutionem eorum, quæ talium li-  
gum occasione lucrati sunt.

*Confess. 3.* Item rapaces sunt qui in comitiis vel præ-  
sidentes, vel suffragium ferentes, imponunt vectigalia  
ultra Regis petitem & Regni necessitatem, ut ditiores  
fiant: de quibus ita Salvianus ibid. Exactionis publicæ  
nomen in questus proprii emolumenta verterunt, &  
indictiones tributarias prædas suas esse fecerunt.

*Confess. 4.* Rapaces pariter sunt qui in conventibus  
urbium imponunt onera ultra quam constitutum sit:  
de quibus idem dici potest, quod dictum est de aliis.

*Confess. 5.* Rei rapinæ sunt Publicani, qui aliquid ex-  
torquent ultra id, quod constitutum est, contra illud Jo-  
annis Bapt. prædicantis in deserto: Nil amplius, quam  
constitutum est vobis, faciatis. Quod peccatum adeo gra-  
ve est, ut in jure civili in pœnam triplum debeat resti-  
tui: Lege locatio digestorum 39. tit. 4. Per vim vero  
extortum cum pœna tripli restituitur.

*Confess. 6.* Rapaces sunt qui artem militarem exer-  
centes, ultra præscriptum stipendium recipiunt, aut vi  
extorquent, contra illud Joannis Bapt. Neminem con-  
cutiatis, neque calumniam faciatis, & contenti estote  
stipendiis vestris. Et ita rapinæ rei sunt.

Præfecti exercitus, qui stipendia subalternorum  
ducum retinent. Item duces subalterni, qui stipendia  
militum, aut equitum a Rege statuta vel minuunt, vel  
ex toto usurpant: qui completas legiones vel cohortes  
non habent, & tamen pro absentibus militibus contra  
vetitum Principis stipendia exigunt: quique milites  
absentes per servos supplent.

Duces,

Duces, qui a civibus exigunt aliquid, ut milites contineant, ut non transeant per loca a Rege præscripta. Item milites, qui ab hospitibus exigunt aliquid, ut tranquille vivant.

Omnes denum, sive præfecti, sive duces, sive milites, qui ultra Regis iussum, vel permissum, bona vel Regni, vel hostium, v. g. fruges, domos, vineas dilapidant, comburant; secus si illud faciant iussu Regis, cujus est examinare, an bellum sit iustum vel iniustum.

*Consect. 7.* Rapaces sunt qui sua abutentes dignitate, rem alienam auferunt, v. g. agros, vineas pauperum iniustis titulis sibi appropriant: de quibus ita Script. Proverb. 23. *Ne attingas parvulorum terminos, Et agros pupillorum ne introeas; propinquus enim illorum fortis est, Et ipse iudicabit contra te causam illorum.*

*Consect. 8.* Rapina rei sunt qui cogunt pauperes etiam invitos, ut res suas vendant: de quibus ita Concilium Arelatense 5. canone 22. *Necomites, vel Vicarii, seu iudices, vel centenarii sub mala occasione vel ingenio res pauperum emant, nec per vim tollant, aut quolibet argumento subripiant.*

*Consect. 9.* Rapinae crimen committunt potentes, qui a mercatoribus pretiosas emunt merces, postea pretium solvere negligunt, & interim mercatores ad inopiam aut cessionem bonorum adigunt: de quibus ita Psalmista: *Mutuabitur peccator, Et non solvet.*

*Consect. 10.* Rapinae crimen incurrunt iniqui Iudices, qui pauperes, pupillos, & viduas oppressas a Magnatum tyrannide non eripiunt, cum possunt: de quibus ita Isaias 1. *Pupillo non iudicant: causa vidue non ingreditur ad illos.* Et Ieremias 5. *Numquid super his non visitabo, dicit Dominus.* Item iudices, qui iustum modum litigandi non admittunt, aut iniustum non rejiciunt. Quis sit iustus, quis iniustus litigandi modus paucis expressit Bernardus loquens de appellatione lib. 3. de consideratione cap. 2. *Iniqua autem omnis appellatio, ad iustitiae inopiam non cogit. Appellare, non ut graves, sed si graveris, licet.*

*Consect. 11.* In crimen rapinae labuntur inique litigantes, quales sunt 1. Divites, qui pauperes ad tribunal vocant, ut impedian, ne res suas valeant obtine-

tinere : quam violentiam ita infectatur Ecclesiastes 5. *Si videris calumnias egenorum , & violenta iudicia , & subverti iustitiam in Provincia , non mireris super hoc negotio ; quia excelsa excelsior est alius , & super hos quoque eminentiores sunt alii , & insuper universa terra Rex imperat servienti.*

2. Pauperes , qui tempore famis , & sterilitatis mutuo accipiunt , & tempore messis & fecunditatis persolvere renuunt , & creditores litibus institutendis & expensis faciendis exponunt.

3. Litigantes sive pauperes , sive divites , qui falsas expensas computant , fictas , ut vocant , presentationes mentiuntur , aut unam presentationem pluribus litibus accomodant , & multiplicem ejusdem presentationis solutionem exigunt. De quo multo plura alibi , ubi de litibus.

4. Procuratores & Notarii , qui easdem falsas expensas scribunt , & solvendas curant.

*Conseil. 12.* Rapaces sunt adulterantes monetas ; quia est quædam necessitas utendi monetis. Falsitas in monetis potest contingere tripliciter.

1. In metallo , quando falsum metallum pro vero apponitur , v. g. auricalcum pro auro , stannum pro argento.

2. In pondere , quando non ponitur in moneta pondus metalli sufficiens ad valorem , quem debet habere moneta.

3. In figura & caractere , quando character Regius fingitur. Vitium illud ita execratur Ecclesia , ut illius criminis conscios excommunicatione percutiat - - - *quicumque monetam falsam scienter fecerit , aut studiose expenderit , tamquam maledictus , & pauperum virorum oppressor , & civitatis turbator a fidelium communione separetur : Concil. Later. I. sub Calixt. II. can. 15.*

Immo si quis adulterinam monetam habeat , quamvis eam ignoranter receperit , non potest ea uti , nec aliis eam tradere , etsi deceptus non potest alios decipere. Ita Synodus Turon. cap. 8. tit. 79. *Pecuniam si quis adulterinam aut minus probatam receperit , quamvis ignoranter , auctorque sibi sit incognitus , alteri tradere*



*dere non presumat, cum id fieri nequeat sine specie mali.*

### ARTICULUS III.

#### *De Furto sacrilego.*

**N**ota. Furtum sacrilegum est illud, quo aliquid sacrum iniuste accipitur, vel retinetur; vel quo aliquid profanum in loco sacro iniuste accipitur.

*Prop. unica.* Furtum sacrilegum est peccatum mortale longe gravius quam furtum vel rapina.

*Prob. rat.* Per furtum sacrilegum violatur iustitia, & insuper Religio offenditur: Ergo furtum sacrilegum est peccatum mortale longe gravius quam simplex furtum & rapina, cum duplicem virtutem lædat; minime vero furtum & rapina.

2. Ex Concilio Troslejano can. 14. contra sacrilegos: *Sit eis clausa porta cæli, aperta janua inferni, cum nullo Christiano partem habeant omnino vel societatem: sed & de reliquiis ciborum illorum nihil detur pauperibus, quin potius projiciatur canibus, donec per dignam & humilem pœnitentiam, & congruam emendationem lætificent Ecclesiam, quam per sacrilegia & nefanda scelera exacerbaverunt: Ergo cum tam ingentes nec furo nec rapinæ destinantur pœnæ, furtum sacrilegum est peccatum mortale gravius furto & rapina.*

#### Confectaria hujus Doctrinæ.

*Confect. 1.* Qui vasa Deo sacra, v. g. calices, patenas, sindones sabripiunt, sunt rei furti & sacrilegii. Quam grave sit illud peccatum, patet exemplo Achan, qui iussu Josue lapidatus fuit, eo quod ex anathemate Jerico aliquid subripisset: Josue 2.

*Confect. 2.* Rei pariter sunt furti & sacrilegii, qui res ad Ecclesiam pertinentes, v. g. agros, vineas, domos, jurisdictiones, census, decimas, oblationes, legata pia sibi appropriant, aut quocumque modo lædunt, eut minuant: de quibus ita Troslejanum Concil. can. 4. *Res & facultates Ecclesiæ sunt vota fidelium, pretia pecca-*

peccatorum, patrimonium pauperum: si quis illas rapuerit, damnationis Ananiam & Saphiram participabit; & oportet tradere huiusmodi satanae in interitum carnis, ut spiritus saluus sit in die Domini.

*Confess. 3.* Rei sunt furti & sacrilegii, qui paupertatem profelli, aliquid ex bonis totius societati communibus subripiunt; quia agunt contra iustitiam subripiendo, & contra votum vitium proprietatis committendo: ita docet Aug. in regula ad servos Dei & in regula Monachorum.

*Confess. 4.* Rei sunt furti & sacrilegii juxta Magistrum, juxta Antoninum, & juxta Suarezem, qui aliquid non sacrum in loco sacro furantur. Sunt rei furti, quatenus accipiunt alienum: sunt rei sacrilegii, quatenus violant immunitatem loci sacri, in quo res omnis sive sacra, sive profana debet esse in tuto posita.

## TRACTATUS XVII.

### DE RESTITUTIONE.

#### PRO O E M I U M.

Quæ in hoc tractatu dicturi sumus, ad septem capita reduci possunt. 1. Agetur de his, quæ requiruntur, ut quis obligetur ad restitutionem, vel ut ab ea eximatur. 2. Explicabitur, quoniam sint illi, qui licet damnum proximo inferant, tamen ab omni restitutione dispensantur; & hoc vel quia sine culpa nocent proximo, vel quia si nocent culpabiliter proximo, non violant iustitiam commutativam. 3. Agetur de his, qui ob violatam iustitiam commutativam per culpam vel theologicam, vel civilem obligantur ad restitutionem. 4. Inquiretur quoniam sint illi, qui obligari ad restitutionem, possunt tamen absque peccato vel restitutionem omittere omnino, vel eam saltem ad aliquod tempus differre. 5. Explicabitur

bitur quæ sit materia restitutionis, seu quibus in rebus debeat fieri. 6. Dereterminabitur quantitas restitutionis. 7. Demum concludetur, quomodo fieri debeat restitutio.

## CAPUT I.

*Quæ requirantur, ut quis teneatur ad restitutionem, vel ut ab ea dispensetur?*

## ARTICULUS I.

*Quid, & quotuplex sit restitutio: & quotuplex sit proximi bonum, cui nocere possumus: & quotuplex sit culpa, qua nocemus proximo?*

## §. I.

*Quid, & quotuplex sit restitutio?*

Restitutio *generatim* est redditio rei, quocumque modo res illa reddatur. Sic Medicus dicitur ægrotum restituere in pristinam sanitatem, quam amisserat. Sic amicus dicitur restituere suum amicum in dignitatem, ex qua deciderat. Restitutio *stricte* est actus iustitiæ commutativæ, quo res aliena vero domino red-ditur, vel damnum illatum reparatur.

## §. II.

*De Bonis variis, quæ homo possidet.*

Homo possidet bona corporis, bona animæ, bona fortunæ, bona spiritualia. Bona corporis sunt ea, quibus anima unitur corpori. Hujusmodi sunt ea omnia, quæ spectant ad vitam corporalem, v. g. corpus cum suis membris, anima cum suis facultatibus naturalibus.

Proximo nocemus quoad bona corporis, verberando, mutilando, occidendo, incarcerando, animum male afficiendo: puta, si quis daret alteri potionem, qua aut in insaniam, aut in aliam mentis alienationem incideret.

Bona



Bona animæ sunt ea, quibus honor debitus, & bona fama apud homines conservatur. Hujusmodi sunt omnia, quæ ad bonum nomen conducunt.

Proximo nocemus quoad bona animæ, si contumeliis inhonoremus proximum, si detractioe, aut calumniis famam illius minuamus.

Bona fortune sunt res omnes exteriores, quæ in commercio hominum habentur. Hujusmodi sunt res immobiles, ut fundus; res mobiles, ut suppellectilia &c.

Proximo nocemus quoad bona fortune, si res illius mobiles, vel immobiles aut accipiamus, aut detineamus, aut damno minuamus.

Bona spiritualia sunt omnia dona supernaturalia, quæ ad salutem conducunt. Hujusmodi sunt gratia, virtutes, sacramenta &c.

Proximo nocemus quoad bona spiritualia, si eum talibus bonis aut spoliemus, aut ne assequatur impediamus.

### §. III.

*De variis modis, quibus nocemus proximo.*

Proximo nocere possumus quoad bona corporis, fortune, animæ, & salutis, vel *inculpabiliter*, vel *culpabiliter*.

Nocemus *inculpabiliter*, cum absque culpa ex parte nostri damnum aliquod contingit proximo, v. g. si amens incendat domum vel sylvam proximi. *Culpabiliter* vero, cum ex culpa aliqua nocemus bonis proximi, v. g. si quis ex malitia mutilet proximum, auferatve illius bona &c.

Proximo nocemus *culpabiliter* duplici modo: vel *culpabiliter civiliter*, vel *culpabiliter theologicè*.

Proximo nocemus *culpabiliter civiliter*, cum ei nocemus per culpam jure civili reprobata, etiam si aliquando sumus innoxii coram Deo: tales sunt actiones noxales, quæ ex delicto aut quasi ex delicto per jus tantum civile reprobato nascuntur.

Proximo nocemus *culpabiliter theologicè*, cum ei nocemus per culpam jure divino vel Ecclesiastico reprobata: tales sunt omnes actiones proximo damnosæ, & divinæ legi contrariæ.

Proximo nocemus *culpabiliter theologicæ*, vel peccando contra *justitiam commutativam*, vel peccando contra *alias virtutes*.

Proximo nocemus peccando contra *justitiam commutativam*, quoties *volentes*, inquit D. Thom, *inæquale*, id est iniquum, *inferimus contra jus alterius nolentis*: 2. 2. q. 59. a. 1. uti, quando nocemus honori per contumeliam, famæ per detractionem, libertati per vim & metum, & fraudem, vitæ per occisionem, & mutilationem, bonis spiritualibus per scandalum, dando occasionem peccandi, bonis vero temporalibus per injuriam aut acceptionem, aut detentionem &c.

Proximo nocemus peccando contra *alias virtutes*, quoties violantes aliquam virtutem diversam a justitia commutativa, damnum aliquod inferimus proximo quoad bona vel corporis, vel animæ, vel fortune, vel salutis, v. g. quoties ex odio, ex invidia non succurrimus proximo: quoties ex ingratitudine accepta beneficia non compensamus, & malum econtra pro bono reddimus.

#### §. IV.

*De multiplici culpa tam civili quam theologica, quam possumus nocere proximo.*

Culpa generatim est defectus concomitans actionem humanam.

Culpa alia est theologica, alia juridica, seu civilis.

Culpa *theologica* est actus difformis legi: & peccatum, quo Deus offenditur.

Culpa *juridica* est omisio debitæ diligentiae circa rem proximi: ex qua omissione sequitur damnum proximo, aliquando cum offensa Dei, aliquando sine offensa Dei:

Culpa juridica est triplex: *lata*, *levis*, & *levissima*.

Culpa *lata* est ea; quam regulariter omnes communiter vitant: qualis est culpa illius, qui extra domum librum sibi commodatum quasi pro derelicto expositum relinquit.

Culpa *levis* est ea, quam regulariter homines ejusdem professionis vitant: qualis est negligentia illius, qui librum sibi commodatum relinquit in suo cubiculo, ostio tamen aperto.

Cul-

Culpa *levissima* est ea, quam homines diligentissimi vitare solent: talis est culpa illius, qui librum sibi commodatum relinquit in cubiculo, quod clavi obleravit, non tamen exacte observavit, an fores essent clausæ, illud iterum atque iterum inanè tentans.

## ARTICULUS II.

De bonis, quorum injusta ablatio inducit obligationem restitutionis:

sive

Quibus in rebus locum habeat restitutio.

*Prop. unica.* Restitutio locum habet primo in bonis fortunæ: secundo in bonis corporis: tertio in bonis externis, quæ in honore & fama consistunt: quarto denum in bonis spiritualibus, quæ ad pietatem pertinent. Sed, ut sit locus restitutioni faciendæ, præcessisse debuit læsio vel corporis, vel fortunæ, vel honoris & famæ, vel pietatis & gratiæ contra proximum nostrum.

*Prob. 1. Ex Scriptura.* Quoties Scriptura loquitur de peccatis, quæ obligant ad restitutionem, toties agit de his peccatis, quibus nocetur proximo vel quoad corpus, vel quoad fortunam, vel quoad honorem & famam, vel quoad pietatem, ut patet hac inductione. Ut enim muniat vitam nostram corporalem ab omni nocumeto, sic habet: *non occides*. Ut conservet corporalem integritatem, sic subjungit: *non machaberis*. Ut servet nobis famam intactam, hæc præcipit: *non loqueris contra proximum falsum testimonium*: Exod. 20. Ut vero bona spiritualia ad pietatem pertinentia tuteur, istud sapissime inculcat: *non pones fratri tuo offendiculum*. Ergo ex Scriptura, ut sit locus restitutioni faciendæ, præcessisse debuit læsio vel corporis, vel fortunæ, vel honoris & famæ, vel pietatis & gratiæ contra proximum nostrum.

2. *Rat.* Restitutio potest dumtaxat locum habere post læsionem eorum bonorum, quæ nostra dici possunt; restitutio enim est redditio boni nostri, quodque nobis injuste ablatum est: Atqui bona corporis, ut vita, & integritas corporalis; bona fortunæ, ut res mobiles, & immobiles; bona externa, ut honor & fama; bona



spiritualia, ut pietas & gratia, nostra dici possunt, cum ad ea omnia jus aliquod habeamus. Ergo ut sit locus restitutioni faciende, præcessisse debuit læsio vel corporis, vel fortunæ, vel honoris & famæ, vel pietatis & gratiæ contra proximum.

### Confectaria hujus Doctrinæ.

*Confect. 1. De bonis corporis.* Injustus homicida, mutilator, percussor, tenentur damnum illatum congrua ratione compensare; bonum enim corporis auferunt injuste: nam licet homo ipse non sit dominus vitæ suæ, aut membrorum suorum, sed dominium illud ad Deum pertineat, jus tamen habet, ut ei nemo injuste in his noceat. Quapropter si quis ei quoad vitam noceat, tenetur ad aliquam compensationem & pro damno corporali, quod intulit, & pro damnis realibus ex damno personali sequentibus. Ita D. Th. Quando, inquit, id quod est ablatum, non est restituibile per aliquid æquale, debet fieri recompensatio, qualis possibilis est: puta, cum aliquis alicui abstulit membrum, debet ei recompensare vel in pecunia, vel in honore aliquo, considerata conditione utriusque personæ, secundum arbitrium boni viri: 2. 2. qu. 62. a. 2. ad 1.

*Confect. 2. De bonis animæ.* Qui positive inhonorat aliquem, eum contumeliis afficiendo, vel aliquem privative inhonorat, denegando reverentiam debitam, tenetur restituere honorem debitum vel ab eo petendo veniam, si contumelia præcesserit, vel exhibendo reverentiam debitam, quam omisit; quia abstulit bonum animæ, nimirum honorem.

Item injustus detractor, vel calumniator, tenentur restituere; auferunt enim injuste proximo bonum animæ, nimirum famam, quæ longe præstat divitiis: *Melius est enim*, inquit Scriptura, *nonnen bonum, quam divitiæ multe*: Prov. 22. v. 1. Ergo si divitiæ injuste ablata sint restituende, multo magis honor & fama. Ut autem sit stricta obligatio restituendi famam, hæc quatuor juxta Silvium requiruntur: quod quis famam vere abstulerit: quod abstulerit injuste: quod ea non sit recuperata: quod infamatus non cesserit juri suo, neque remiserit obligationem restituendi: in 2. 2. q. 62. art. 2.

Con-

*Consect. 3. De bonis fortunæ.* Qui injuste accipit, vel injuste detinet bona fortunæ, tenetur ad restitutionem; injuste enim aufert proximo bona temporalia, quæ ad ipsum pertinent.

*Consect. 4. De bonis spiritualibus.* Qui vi, metu, fraude, dolo induxit alium ad peccandum, ad aliquam restitutionem obligatur; abstulit enim proximo bonum spirituale, scilicet gratiam; quia, ut optime ait D. Th. *Licet bona spiritualia ablata non sint proprie objectum restitutionis, quia nullus spiritualiter moritur, nisi propria voluntate peccando; tamen, ut ait Silviu, quando adhibita sunt fraudes, vis, aut metus, quæ sunt contra justitiam, tunc facienda est aliqua restitutio: damnum enim illatum proximo cum violatione justitiæ, inducit obligationem restituendi. Restitutio autem fiet, si quibus potuerimus modis proximum a peccando retrahamus, eique bona spiritualia, quibus culpa nostra caruit, procuremus.*

## CAPUT II.

*De iis, qui absolute excusantur ab omni restitutione coram Deo, licet inferant damnum proximo.*

### ARTICULUS I.

*An absolute excusentur a restitutione hi, qui nocent proximo absque omni culpa etiam veniali.*

*Prop. unica.* Illi omnes, qui nocent proximo absque culpa theologica, seu peccato proprie dicto, excusantur ab omni restitutione coram Deo: a fortiori illi, qui nocent proximo iuste, exequendo munus suum.

*Prob. I. Ex Script. Num. 35. v. 22.* ubi Deus loquens de homicidio casuali & innoxie commisso, homicidam ad nullam restitutionem obligat; sic enim habet: *Quod si fortuito, & absque odio & inimicitia quidquam hominum fecerit, id est, percusserit, vel occiderit proximum, liberabitur innocens de ultoris manu: Ergo si requiratur culpa, ut obligetur quis ad restitutionem pro homicidio, requiritur etiam, ut quis obligetur ad restitutionem pro alio damno illato.*

*2. Ex Greg. IX. Si culpa tua, inquit, datum est damnum, vel injuria irrogata, seu aliis irrogantibus forte*

opem tulisti, aut hæc imperitia tua, sive negligentia evenire u, jure super his satisfacere te oportet; nec ignorantia te excusat, si scire debuisti ex facto tuo verum, mihi injuriam posse contingere, et jacturam. Secus est tamen in illo dicendum, qui ut non accideret, de contingentibus nihil omisit: Cap. Si culpa. De injuriis: Ergo ubi nulla est culpa, ibi non est obligatio restitutionis, licet per accidens proximus damnum patiat.

3. Ex D. Th. qui loquens de eo, qui habet rem alienam apud se depositam, ait: Si ei subtrahatur res absque sua culpa, non tenetur ad restitutionem: 2. 2. q. 62. a. 6. in corp.

4. Rat. Obligatio restitutionis oritur vel ex re ipsa, quam quis habet aut in specie, aut in ejus lucro ex ea proveniente immediate, quo lucro factus est ditior: vel ex injuriosa actione, ut docet D. Th. 2. 2. qu. 62. a. 5. Ergo, qui damnum dedit absque omni culpa, nullatenus restituere tenetur; non quidem ratione rei, cum rem non habeat, nec lucrum a re immediate perceptum; non ratione actionis injuriose, quia, ut supponimus, nullam actionem injuriosam commisit: ergo nulla ex causa tenetur ad restitutionem, qui absque omni culpa nocuit proximo. Restitutio, juxta multos, est quasi poena peccati: ergo ubi nullum est peccatum, ibi non debet esse restitutionis obligatio; quia ubi non est culpa, ibi non debet esse poena.

Ex quo sequitur, quod excusantur a restitutione omnes, qui hic subjiuntur.

### Confectaria hujus Doctrinæ.

*Consect. 1.* In quo explicatur, quod eximatur a restitutione ille, qui innoxie nocet proximo quoad bona corporis. Qui occidit, percutit, mutilat omnino involuntarie, v. g. qui occidit ductus amentia, abstractus phrenesi, sopitus somno: qui occidit hominem, putans inculpabiliter se occidere feram, eximitur ab omni restitutione; in his enim singulis casibus nullatenus peccavit.

Item, qui occidit, mutilat, percutit voluntarie quidem, sed iuste; v. g. qui occidit in bello iusto, qui occidit defendendo se cum moderamine inculpatae tute-



læ: iudex qui ex zelo justitiæ addicit reum morti. immunis est ab obligatione restituendi; quia in his casibus non solum innocenter proximo nocuit, sed etiam justum operatus est.

*Consect. 2.* In quo explicatur quomodo ab obligatione restitutionis eximatur, qui innocenter nocuit proximo quoad bona animæ. Ad restitutionem famæ non tenentur, qui juste famam proximo auferunt: v. g. qui iuridice malefactores accusant, vel puniunt: qui juxta præceptum correctionis fraternæ unum vel duos testes adhibent ad corripiendum fratrem: qui amico consulentes, ei detegunt infidelitatem servi, ne admittat eum in obsequium, vel ne ei nimium fidat: qui aperiunt improbos mores alterius, ne honesta filia ipsum accipiat in matrimonium; ibi enim nullum est peccatum. Ita Silvius in D. Th. 2. 2. q. 62.

Item qui insignia quædam crimina & poenæ illis inflictas propter utilitatem publicam narrant passim, immo scripto ad posterorum notitiam transferunt. Ita idem Silvius.

*Consect. 3.* In quo explicatur, quomodo nulla sit obligatio restituendi in eo, qui sine omni culpa nocet proximo quoad bona fortunæ. Ad restitutionem damni temporalis non tenentur, qui sine culpa accipiunt, aut detinent bonum proximi, aut impediunt lucrum ei obventurum, aut ei damnum inferunt, v. g. amens, phreneticus, dormiens: qui rem proximi accipit, eamque comburit; immo sanus mente, qui comburit silvam proximi, putans inculpabiliter suam comburere: possessor bonæ fidei, qui rem alienam & ejus fructum bona fide consumit, nihilque retinet, in quo sit factus ditiore: qui ex zelo Dei impedit, ne Beneficium indigno conferatur, vel curat, ut digniori conferatur, excluso indigno, vel minus digno. Item qui faciunt aliquidlicitum, ad quod casu sequitur damnum proximo; verb. g. qui fodit foveam in loco remotissimo, in quam casu vel proximus vel animal proximi præceps labitur: qui in extrema necessitate vel palam vel furtim accipit, quod est necessarium ad sustentandam vitam; quia in illis omnibus casibus nullum est peccatum; nulla proinde obligatio restitutionis. Unde Jacob merito conqueritur

contra Laban, quod etsi nullam in custodiendis gregibus culpam committeret, tamen ab eo totius damni reparatio exigeretur. Ego, inquit, *damnum omne reddebam: quicquid furto peribat, a me exigebas*: Gen. 31. vers. 30.

*Consect. 4.* In quo ostenditur, quod a restitutione eximatur is, qui innoxie a Religione proximo quoad bona spiritualia. Qui ex rationabili causa quempiam retrahit ab ingressu, vel professione Religionis, ad nihil tenetur; quia nullatenus peccat. Causæ autem rationabiles retrahendi a Religione sunt istæ: v. g. 1. Si contra ius post consummationem matrimonii vellet Religionem ingredi non consentiente conjuge. 2. Si, qui retrahitur a Religione, non credatur idoneus ad statum Religiosum. 3. Si homo, quem vult ingredi, non servetur regularis discipline. 4. Si per ejus ingressum is, qui retrahit, periretur magno spirituali commodo. 5. Si propter extremam Reipublicæ vel parentum necessitatem alicui professio dissuadeatur, ut tantisper exeat e monasterio. Ita Silvius in D. Thom.

## ARTICULUS II.

*An absolute eximantur ab omni restitutione hi, qui nocent proximo, peccantes quidem mortaliter, sed violando virtutem diversam a justitia commutativa.*

*Prop. unica.* Illi omnes, qui damnum afferunt proximo, peccantes mortaliter contra virtutem diversam a justitia commutativa, sunt quidem rei coram Deo, sed non tenentur ad restitutionem damni, quod proximus passus est.

*Prob. 1.* Ex D. Th. qui loquens de restitutione, sic habet. *Restitutio est actus commutative justitiæ, quando scilicet res unius ab alio habetur vel per voluntatem ejus, sicut in mutuo, vel deposito; vel contra voluntatem ejus sicut in rapina & furto*: 2. 2. qu. 62. a. 1. in C. Ergo ubi non est violatio justitiæ commutativæ, ibi non est obligatio restitutionis.

2. *Rat.* Tres sunt tantum causæ restitutionis: injusta acceptio, injusta detentio, & injusta rei læsio: per injustam enim acceptionem usurpamus alienum: per injustam detentionem alienum invito domino detinemus: per

per injustam vero lesionem rem alterius deteriores facimus; nec alia excogitari potest ratio, quæ inducat obligationem restituendi: Atqui injusta læsio, injusta acceptio, injusta detentio opponitur justitiæ commutativæ: Ergo sola actio contraria justitiæ commutativæ obligat ad restitutionem; & ex peccato in alias virtutes commissio non oritur obligatio ad restitutionem.

Ex quo sequitur, quod hi, qui hic subjiciuntur, non teneantur ad restitutionem, licet noceant proximo per peccatum mortale.

### Consecraria hujus doctrinæ.

*Consect. 1.* In quo ostenditur, quod sola charitas violata non inducit obligationem restitutionis, eo quod sola justitia commutativa violata talem obligationem inducat.

Sic eximuntur a restitutione, qui indigenti pauperi negant elemosynam: v. g. dives, qui negat alimoniam esurienti: Medicus non conductus, qui negat aegroti necessarium remedium: Causidicus non conductus, qui negat litiganti consilium necessarium; et si enim ex tam dura & immiti denegatione sequatur vel mors, vel damnum corporale proximi, hujusmodi tamen homines non tenentur ad restitutionem; quia non peccarunt contra justitiam commutativam, sed solum contra charitatem: quippe hi sunt quasi homicidæ, juxta illud Ambros. *Si non pavisti, occidisti.*

Sic eximitur ab obligatione restituendi famam, qui publice diffamatum in uno loco, diffamat in alio, ad quem ejus infamia brevi & certo esset perventura; quia peccat solum contra charitatem. Item qui ex timore mundano detractorem non audet corripere; quia peccat solum contra charitatem, nisi detractor sit ei subditus.

Sic etiam a restitutione eximitur ille, qui sine vi, fraude, dolo, aliisve modis illicitis, absque violatione justitiæ impedit alium a consecratione boni, non ex justitia, sed ex decentia quadam largiendi, etiamsi illud impedimentum ex odio posuerit; quia peccat solum contra charitatem.



Sic quoque eximitur a restitutione, qui solis precibus impedit, ne pauper eleemosynam consequatur, ne Clericus Beneficium obtineat, ne alicui legatum vel hereditas donetur: ita Silvius. Demum qui potest & debet, non ex officio, sed ex sola charitate impedire damnum proximi, & non impedit vel ex negligentia, vel ex odio, vel ex alio pravo motivo, non obligatur ad restitutionem; quia non peccat, ut supponitur, contra iustitiam, sed solum contra charitatem: v. g. qui non impedit incendium domus proximi: qui tacet, vel non obstat, cum fures domum proximi diripiunt.

Sic similiter eximitur a restitutione, qui exigit & accipit pretium, ut faciat aliquid, ad quod tenetur ex charitate solum, vel ut omittat aliquid, quod non opponitur iustitiæ; quia in utroque casu non peccat contra iustitiam: ita Silvius. v. g. qui sine causa iusta nudis suasionibus, absque ulla vi, fraude, dolo vel metu impedit aliquem ab ingressu Religionis, vel Novitium a professione, nec personæ nec Religioni tenetur restituere; quia peccat solum contra charitatem. Primo non tenetur restituere erga personam; quia volenti non fit injuria. Item nulla restitutione tenetur erga Religionem; quia Religio non habet strictum jus ad personas nondum professas. Ita Silvius.

*Confess. 2.* Sola iustitia legalis, sola castitas violata, non inducant obligationem restitutionis; quia sola iustitia commutativa violata talem inducit obligationem.

Sic qui peccant contra iustitiam legalem, etiamsi lucrum consequantur, non tenentur ad restitutionem: verb. grat. qui rem suam ab alio injuste detentam accipit, cum potest per viam juris eam sibi vindicare, peccat quidem, quia jus sibi ipse facit; sed non tenetur restituere, quia suum accipit.

Sic qui in re sibi debita utitur compensatione aliquin illicita, non servatis conditionibus legitimæ compensationis, peccat quidem, quia contra iustitiam legalem jus sibi dicit, & quod suum est, illicite accipit; sed facta contra solam iustitiam legalem æquali compensatione, non tenetur restituere: tunc enim non alienum, sed suum retinet.

Sic etiam qui peccat contra solam castitatem: v. g. qui corrumpit virginem ultro se se offerentem, aut leviter rogatam sponte consentientem, non tenetur ad restitutionem erga virginem; quia erga illam nullatenus violat iustitiam commutativam; juxta enim regulas juris canonici: *Dammum, quod quis sua culpa sentit, sibi debet, non aliis imputare*: Reg. 86.

*Consect. 3.* In quo ostenditur, quod qui turpiter quidem, sed non injuste acquirunt aliquid, non tenentur ad restitutionem, modo per leges non obstat, quo minus vere acquirant; quia, ut supponitur, non violant iustitiam commutativam.

Sic, qui aliquid ex lenocinio, meretricio, &c. citra omnem fraudem, & injustitiam acquirit, non tenetur ad restitutionem lucri turpiter acquisiti; quia non violat iustitiam commutativam: ita D. Th. *Quando actus, inquit, quo quis lucratus est, lege prohibitus est, non autem ipsum lucrum, sicut est in meretricio, vel similibus, tunc de tali lucro potest fieri elemosyna*; quia qui acquirit, non tenetur ad restitutionem: in 4. Dist. 15. q. 3. a. 2. Et 2. 2. q. 32. a. 7. in C. sic habet idem Doctor: *Quod enim mulier meretricium exerceat, turpiter agit, & contra legem Dei: sed in eo quod accipit, non injuste agit, nec contra legem.*

Circa illud D. Thomæ principium duo sunt maxime attendenda. Primum est, quod *turpe lucrum* ex luxuria acquisitum restringendum est ad solum meretricium legibus toleratum; minime vero extendendum ad adulterium, aliasque nefandas libidines legibus non toleratas, quibusve leges nullam relinquunt mercedem, sed econtra poenam infligunt; quippe meretricium toleratur, ut pejora mala removeantur; ob alias vero libidines, cum nedum tolerentur, sed puniantur, pretium retineri non potest. Id videtur docere Aug. his verbis, lib. 2. de Ord. cap. 4. *Aufer meretrices de rebus humanis, turbaveris omnia libidinibus.*

Secundum est, quod ubi leges meretricium interdunt, & meretricibus pretium impendi prohibent, tunc meretrices turpe illud lucrum retinere non possunt; leges enim, quæ inhabiles reddunt ad acquirendum, observandæ sunt in conscientia.

*Consect. 4.* In quo ostenditur, quod violatio solius justitiæ distributive non obliget ad restitutionem, nisi interveniat simul violatio justitiæ commutativæ; quia, ut supponitur, sola violatio justitiæ commutativæ obligat ad restitutionem.

Sic, inquit Silvius, in provisionibus Beneficiorum & dignitatum Ecclesiasticarum: *Si quis prætermisso notabiliter digniore, conferat Pastoratum minus digno, tenetur ad restitutionem damnorum, quæ inde obveniunt Ecclesie; quia collator inique distribuens beneficia Ecclesiastica peccat erga Ecclesiam contra justitiam commutativam; tenetur enim ex officio providere Ecclesie ministros digniores. Probabile vero est, inquit idem Silvius, quod non tenetur restituere digniori Beneficium collatum minus digno; quia Clericus dignior nondum habet strictum jus ad illum Pastoratum, contra quem proinde peccatur violatione solius justitiæ distributive, cû violatur justitia commutativa respectu Ecclesie.* Ita Silvius in Annotationibus in Binsfeld. ubi de restitutione.

Sic in distributione officiorum pure civilium, si quis, prætermisso notabiliter digniore, conferat magistratum civilem minus digno, tenetur Republicæ restituere damna, quæ ex illa injusta distributione sequuntur; quia peccat erga Rempublicam contra justitiam commutativam: tenetur enim ex officio dignioribus conferre magistraturam civilem. Probabile vero est, quod ad nullam restitutionem teneatur erga eum, quem ad magistraturam non evexit; quia is nondum habet strictum jus ad illam dignitatem.

### ARTICULUS III.

*An obligentur, vel eximantur a restitutione hi, qui violantes justitiam commutativam, nocent proximo per actum, qui est tantum peccatum veniale.*

**Prop. I.** Qui violando justitiam commutativam nocent proximo per peccatum duntaxat veniale, obligantur ad restitutionem.

*Prob. 1.* Ex jure can. cap. *Culpa*, de injuriis: ubi absque distinctione peccati mortalis vel venialis decernitur, quod si quis culpa sua damnum alteri active intulerit, teneatur ad illud refarciendum: ita enim  
habet



habet Decretalis. *Si tua culpa*, inquit, *datum est damnum, aut hæc imperitia tua, sive negligentia evenerunt, jure super his satisfacere te OPORTET.* Cum ergo ubi lex non distinguit, etiam nec nos distinguere debeamus, sequitur, quod obligatio restituendi nascatur ex culpa etiam veniali.

2. Ex jure civili, ubi per legem Aquilianam ff. lib. 9. tit. 2. decernitur, quod qui contra jus proximo nocuit per culpam etiam *levissimam*, immo licet nocere noluerit, tamen teneatur ad refarciendum damnum illatum proximo: Ergo obligatio restituendi oritur ex culpa etiam veniali & levissima.

3. *Rat.* Juxta Augustinum *non remittitur peccatum, nisi restituatur ablatum*: Ergo obligatio restituendi oritur ex peccato etiam veniali, cum neutrum peccatum tam veniale, quam mortale remitti possit, nisi restituatur ablatum; nulla enim post factum est vera poenitentia sine restitutione, aut restitutionis affectu.

### Confectaria hujus Doctrinæ.

*Confect. 1.* Qui leviter nocuerunt proximo vel quoad bona corporis, vel quoad bona fortune, vel quoad famam, vel quoad bona spiritualia, etsi nocuerint per peccatum, quod sit veniale ob parvitatem materie, tenentur tamen ad integram restitutionem damni illati, si velint consequi remissionem peccati illius venialis, per quod nocuerunt proximo; quia non remittitur peccatum etiam veniale, nisi restituatur ablatum.

Sic quantumvis exiguum sit damnum illatum proximo, reparandum est, ut obtineatur remissio peccati.

*Confect. 2.* Qui notabiliter nocuerunt proximo vel quoad bona corporis, vel quoad bona fortune, vel quoad famam, vel quoad bona spiritualia, etsi nocuerint per peccatum, quod sit veniale ob defectum plenæ deliberationis, tenentur tamen ad restitutionem; quia non remittitur peccatum etiam veniale, nisi restituatur ablatum.

Sic infans, qui ante usum rationis sine plena deliberatione ingens damnum intulit proximo, v. g. rempre-

pretiosam vel infregit, vel in flumen projecit, &c. grandior factus, revocans in memoriam damnum a se illatum aliis; tenetur ad restitutionem.

*Prop. 2.* Qui damnum intulit proximo per peccatum dumtaxat veniale, obligatur ad restitutionem sub mortali, si damnum resarciendum sit notabile; sub veniali vero, si damnum sit leve.

*Prob. ratione.* Injusta rei alienæ detentio est peccatum mortale, si materia sit gravis, veniale vero, si materia sit levis, ut patet ex dictis, ubi de distinctione peccati mortalis & venialis: Atqui omisso restitutionis in eo, qui contra jus nocuit proximo, est injusta detentio rei alienæ: Ergo est peccatum mortale, quando materia est gravis; veniale vero, quando materia est levis: Ergo qui damnum intulit proximo per peccatum dumtaxat veniale, ad restitutionem tenetur sub mortali, si damnum resarciendum sit notabile; sub veniali vero, si damnum resarciendum sit leve: non quidem ratione damnificationis, quæ, ut supponitur, est peccatum veniale tantum, & ex quo proinde, spectato quatenus veniali, non potest obligatio oriri sub mortali; sed ratione injuste detentionis, quæ est mortalis in materia gravi, venialis vero in materia levi: detentionis, inquam, quæ non semper requirit, ut res ablata, vel labefactata detineatur a rapiente, vel labefactante, ut patet exemplo illius, qui gemmam alterius projecit in flumen; sed ad quam sufficit, ut verus dominus re vel rei pretio per alienam culpam sit spoliatus.

### Consectaria hujus Doctrinæ.

*Consect. 1.* Obligatio restitutionis poterit urgere sub mortali eum etiam, qui nocendo proximo non peccavit nisi venialiter, scilicet, quoties damnum illatum proximo per peccatum veniale est ingens & insigne; quia obligatio restitutionis petitur ex quantitate rei restituendæ: Ergo si res restituenda sit magni valoris, obligabit ad restitutionem sub mortali.

Sic, qui hic subjiciuntur, licet peccaverint solum venialiter nocendo proximo, peccant mortaliter non restituendo: v. g. Medicus, qui ex negligentia veniali

niali fuit causa, quod agrotus obierit, cujus curam gerebat, non ex charitate sciam, sed ex iustitia: Advocatus, qui ex negligentia veniali occasio fuit litis imprudenter susceptæ, & ingentium expensarum: & alii hujusmodi, qui per culpam venialem insigniter nocent proximo.

*Consect. 2.* Obligatio restitutionis poterit tantum urgere sub veniali cum, qui nocendo proximo peccavit mortaliter, scilicet, quoties damnum illatum proximo per peccatum ex affectu peccantis mortaliter, est exiguum & leve; obligatio enim restitutionis petitur ex quantitate rei restituendæ: Ergo si res restituenda sit exigui valoris, obligabit ad restitutionem solum sub veniali.

Sic qui hic subjiciuntur, licet peccaverint mortaliter nocendo proximo; peccant tamen solum venialiter, non restituendo: v. g. qui ex pravo & mortali odio leviter nocuit proximo vel in corpore, vel in fortuna, vel in honore, tenetur ad restitutionem solum sub veniali.

### CAPUT III.

*De his, qui ob culpam vel theologicam, vel civilem obligantur ad restitutionem.*

#### ARTICULUS I.

*Quæ sit culpa theologica, quæ obligat ad restitutionem, sive cujus speciei debeat esse peccatum obligans ad restitutionem damni illati.*

*Prop. unica.* Quicumque peccat contra iustitiam commutativam, obligatur ad restitutionem, si damnum proximo quoquo modo inferat; sive per *actionem*, efficiendo aliquid noxium; sive per *omissionem*, negligendo aliquid ex iustitia debitum proximo; sive, quod idem est, peccatum quodlibet oppositum iustitiæ commutativæ obligat ad restitutionem.

*Prob. I.* Ex Script. Præcepta obligantia ad restitutionem sunt isthæ: *non occides: non mæchaberis: non furtum facies: non loqueris contra proximum falsum testimonium, &c.* Atqui peccata, quibus hæc præcepta violantur, opponuntur iustitiæ commutativæ: Ergo pec-



peccatum quodlibet oppositum justitiæ commutativæ obligat ad restitutionem.

2. Ex Concilio Lambethensi an. 1330. c. 2. ubi sic habetur: *In furto, in rapina, fraude, simonia, & maxime detentione decimarum, seu abstractione alienius juris Ecclesiastici, diligenter sibi caveant Sacerdotes, ne aliquibus injungant penitentias, nisi cum satisfactione & restitutione facienda injuriam passis: cum non remittatur peccatum, nisi restituatur ablatum*: Atqui prædicta peccata sunt contra justitiam commutativam: ergo peccatum quodlibet oppositum justitiæ commutativæ obligat ad restitutionem.

3. Ex D. Thom. 2. 2. q. 62. a. 1. arg. sed contra. ubi sic habetur: *Restitutio ablationi opponitur: sed ablatio rei alienæ est actus injustitiæ circa commutationes: ergo restitutio ejus est actus justitiæ, quæ est in commutationibus*: & proinde peccatum obligans ad restitutionem, est peccatum oppositum justitiæ commutativæ.

4. Rat. Qui peccat contra justitiam commutativam, alienum vel accipit, vel detinet, sumendo voces illas *accipere & detinere* tam pro actione, quam pro omissione, quibus nocetur proximo: Atqui illud peccatum est contra commutativam justitiam, quæ reducit res ad justam æqualitatem: ergo omne peccatum contra justitiam commutativam obligat ad restitutionem. Ex quo sequitur, quod hi, qui hic subjiciuntur, tenentur ad restitutionem.

### Confectoria hujus Doctrinæ.

#### §. I.

*De his, qui damnum inferunt per actionem injustam.*

Confess. 1. Qui injuste nocent proximo quoad corpus, tenentur ad restitutionem; peccant enim contra justitiam commutativam, quæ vetat, ne proximo noceamus in bonis corporis.

Sic qui privata autoritate voluntarie occidit, mutilat, percutit, incarcerat, &c. obligatur ad restitutionem illius damni corporalis, quod proximo inferitur,  
&

& damni realis, seu impenfarum, quæ ex injusta illa latione sequuntur.

Ita enim habet Scriptura, erudiens Iudices circa restitutionem pro damno corporali faciendam. Et quidem homicidam voluntarium morti addicit: *qui percusserit, & occiderit hominem, inquit, morte moriatur*: Lev. 24. v. 17. Et rursus: *non accipietis pretium ab eo, qui reus est sanguinis, statim & ipse morietur*: Num. 35. v. 31. Percussorem vero ea latione puniendum præcipit, quæ ipse lalit: *qui irrogaverit, inquit, maculam cuilibet civium suorum; sicut fecit, sic fiet ei: fracturam pro fractura, oculum pro oculo, dentem pro dente restituet: qualem inflixerit maculam, talem sustinere cogetur, damnatus scilicet a iudice*. Lev. 24. v. 19. Impensas autem ab innocuo homicida & percussore exigit: *operas ejus, id est, percussus, vel occisi, & impensas in medicos restituet*: Exod. 21. v. 19.

Sic qui defloravit virginem reluctantem, vel tantum sub spe dotis promissæ, aut matrimonii pariter promissi contentientem, tenetur ad restitutionem: peccavit enim contra iustitiam commutativam, quæ vetat, ne vim virgini faciamus, quæque jubet, ut sponte promissa pendamus: de quo ita habet Scriptura, Exod. 22. v. 16. *Si seduxerit quis virginem desponsatam, dormieritque cum ea, dotabit, & habebit eam uxorem*.

Sic adulter & adultera tenentur ad restitutionem, cum certo scitur ex adulterio secutam esse prolem; uterque enim peccavit contra iustitiam commutativam, quæ vetat legitimis hæredibus substitui, aut permisceri extraneos, & illegitimos. Sic autem habet Scriptura instruens iudices in foro contentioso judicantes. *Si dormierit, inquit, vir cum uxore alterius, uterque morietur, id est, adulter & adultera, & auferet malum de Israel*: Deut. 22. v. 21. Instruens vero Confessarios in foro interiori judicantes inculcat, quam grave sit adulterium ob solam, quam inducit, hæredis legitimi confusionem. *Sic & mulier omnis, inquit, relinquens virum suum, & statuens hæreditatem ex alieno matrimonio, -- Ex alio viro filios statuit sibi*: Ecclesi. 23. v. 32. quo nihil scelestius, quodque oportet per restitutionem reparari.

*Consect. 2.* Quicumque nocet proximo quoad ejus famam, tenetur ad restitutionem; peccat enim contra justitiam commutativam, quæ vetat, ne injuste lædatur fama proximi: ideo jubet & futurum prædicit Scriptura, ut quicumque famam proximi læserit, eam etiam cum sua ipsius confusione reparare teneatur: id innuit Psal. 108. v. 29. *Induantur qui detrahunt mihi, pudore; Et operiantur sicut diploide confusione sua.*

Sic calumniator, & iniquus detractor, qui injuste denigrant famam proximi, quocumque modo id faciant, tenentur ad restitutionem; quia peccant contra justitiam commutativam, quæ vetat, ne injuste auferamus proximo bonam famam quibuscumque divitiis longe præstantiorem; juxta illud Prov. 22. v. 1. *Melius est bonum nomen, quam divitiæ multæ.*

Sic ad restitutionem famæ ablata tenentur qui his versibus exprimuntur.

*Imponens, augens, manifestans, in mala vertens:*

*Qui negat, aut minuit, reticet, laudatve remisit.*

*Consect. 3.* Qui injuste nocent proximo quoad bona spiritalia, tenentur ad restitutionem, si ita noceant, ut peccent contra justitiam commutativam; justitia enim vetat, ne simus aliis offendiculo. *Sine offensione*, inquit Paulus, *glote Judeis, Et gentibus, Et Ecclesiæ Dei:* 1. ad Cor. 10. v. 32.

Sic qui vi, dolo, fraude, &c. impellunt alios ad peccatum, vel ab exercitio virtutis avertunt, tenentur ad restitutionem damni illati; tunc enim peccant contra justitiam commutativam, quæ vetat, ne vi, dolo, fraude, metu, &c. contra proximum utamur.

*Consect. 4.* Quicumque nocent proximo quoad bona temporalia, vel per injustam acceptionem, vel per injustam detentionem, tenentur ad restitutionem; peccant enim contra justitiam commutativam, qua cavetur, ne alienum injuste accipias, vel detineas. Et juxta Joan. Apoc. 9. v. 21. damnantur inferno hi, qui per restitutionem, si eis possibilis erat, non egerunt pœnitentiam a furtis suis. *Non egerunt*, inquit, *pœnitentiam ab homicidiis suis, neque a beneficiis suis, neque a fornicatione sua, neque a FURTIS suis.*



Sic ratione injustæ acceptionis ad restitutionem tenentur fures, qui occulte accipiunt rem alienam: raptores, qui eam per vim violentam auferunt: sacrilegi, qui rem Deo sacram accipiunt, quoquo modo id faciunt, si e clam, siue palam; quia hi omnes peccant contra justitiam commutativam per injustam *acceptionem*.

Similiter ad restitutionem tenentur quicumque accipiunt rem proximi per involuntariam dationem; involuntaria autem datio repugnat justitiæ commutativæ: & ita restituendum est id, quod usurarius ex vi mutui accepit; id quod meretrix supra debitam mercedem blanditiis extorsit, id quod compellens ad ludum lucratus est in ludo; hujusmodi enim dationes non sunt voluntariæ, sed involuntariæ; & proinde ob injustam *acceptionem* obligant ad restitutionem.

Sic etiam ad restitutionem tenentur quicumque exigunt accipiuntque pretium aliquod, ut faciant id, ad quod tenentur ex iustitia, vel ut omittant id, quod omitti nequit absque injustitia; ea enim *acceptio* est injusta: & ita restituere tenetur id, quod accepit, v. g. Judex, ut ferret justam sententiam; *non enim licet*, inquit Aug. *judici vendere justum judicium*: II. q. 3. testis, ut ferret verum testimonium; quia ex Aug. I3. q. I. *testimonia vendenda non sunt*: depositarius, ut redderet depositum; commodatarius, ut redderet commodatum; inventor, ut redderet rem inventam; debitor, ut redderet rem debitam. Hi enim omnes prædicta tenentur præstare ex iustitia; & proinde nihil possunt exigere, ut suo satisfaciant officio. Itaque si quid exigant, peccant contra justitiam commutativam; atque ideo obligantur ad restitutionem. Ad restitutionem etiam obligatur qui exigit, & accipit aliquid, ut non furetur, ut non occidat, ut non calumniatur, aut ut quodvis aliud damnum non inferat proximo; prædictas enim actiones, utpote iniquas, quilibet ex iustitia omittere tenetur.

Sic ratione injustæ detentionis ad restitutionem obligatur quicumque rem alienam sine iusto titulo invito vero domino retinet. *In promptu causa est*, inquit Cajet. *quia res illa non est in ius, sed alterius*; atque per hoc non est retinenda, sed data illi, cuius est: si enim non redderetur vero domino, illi minus haberet de

suo, & damnum pateretur, quod constat esse ini-  
 quum: V. restitutio.

*Consect.* 5. Ad restitutionem damni illati tenetur qui-  
 cumque rem proximi deteriore efficit, licet qui dam-  
 num infert, nullum inde emolumentum percipiat; dam-  
 num quippe inferendo peccat contra iustitiam commu-  
 tativam: de quo ita habet Scriptura, Exod. 22. v. 5. *Si*  
*laeserit quispiam agrum, vel vineam -- damni astima-*  
*tionem restituat.* Et D. Thom. 2. 2. q. 62. a. 4. in corp.  
 sic habet: *Damnum dicitur ex eo, quod aliquis minus*  
*habet quam debet habere -- Et ideo homo tenetur ad*  
*restitutionem ejus, in quo aliquem dampnavit.*

Sic ad restitutionem tenentur qui hic subjiuntur.  
 1. Magnates, qui bestias alunt, quæ aliis nocere solent;  
 peccant enim mortaliter, si bestie notabiliter noceant,  
 & novum peccatum addunt, si non restituant. Ita Na-  
 varrus. 2. Venatores, qui vel per se ipsos, vel per ca-  
 nes, equos, &c. rem proximi, v. g. agros, vineas, sege-  
 tes, arbores, &c. lædunt. 3. Pastores, qui permittunt  
 vineas, prata, segetes depasci a pecoribus, quibus custo-  
 diendis præsunt. 4. Denum omnes illi, qui dam-  
 num inferunt proximo; violant enim iustitiam commu-  
 tativam.

*Consect.* 6. Ad restitutionem tenentur quicumque in-  
 iuste impedit per actionem iustitiæ commutativæ con-  
 trariam, v. g. vi, dolo, fraude, calumnia, ne proximus  
 consequatur bonum ei largiendum ex mera etiam libe-  
 ralitate; utens enim vi, fraude, dolo, peccat contra iu-  
 stitiam commutativam, qua vetatur, ne quis alteri vim  
 inferat, neve ullum dolo, fraude decipiat.

Sic Titius Clericus dignus est, cui Beneficium confe-  
 ratur: tu vi, fraude, dolo, calumnia impedis illam colla-  
 tionem, teneris reparare damnum, quod Titio intulisti.

Sic Paulus apud se statuit conferre legatum Petro: tu  
 iniuste impedis, ne Petrus legatum illud consequatur,  
 vel vi retinendo Notarium, vel fraude Notarium alio  
 mittendo, vel calumnia denigrando Petrum apud  
 Paulum; teneris tunc ad restitutionem damni illati:  
 quia in singulis illis casibus agis contra iustitiam com-  
 mutativam. Utrumque casum ita explicat D. Thom. 2.  
 2. q. 62. a. 2. ad 4. *Dicendum, inquit, quod aliquis po-*  
*test*

test impedire aliquem, ne habeat Præbendam, idem dic proportionaliter de legato, multipliciter. Uno modo juste: puta, si intendens honorem Dei, vel Ecclesie, procuraret, quod detur alicui personæ digniori; Et tunc nullo modo tenetur ad restitutionem, vel aliquam recompensationem faciendam. Alio modo injuste: puta, si intendat ejus nocumentum, quem impedit propter odium, vel vindictam, aut aliquid hujusmodi; Et tunc si impedit, ne Præbenda detur digno, consulens, quod non detur, antequam sit firmatum quod ei detur, tenetur quidem ad aliquam recompensationem, pensatis conditionibus personarum Et negotii secundum arbitrium sapientis: non tamen tenetur ad æquale; quia illam nondum fuerat adeptus, Et poterat multipliciter impediri. Si vero jam firmatum sit, quod alicui detur Præbenda, Et aliquis propter indebitam causam procuret, quod revocetur; idem est, ac si jam habitam ei auferret; Et ideo tenetur ad restitutionem æqualis, tamen secundum suam facultatem.

## §. II.

De his, qui damnum inferunt per omissionem injustam.

Consect. 7. Quicumque omittit id, ad quod tenetur ex justitia, v.g. ex officio, ex contractu, ex quasi contractu, obligatur ad restitutionem totius damni, quod ex ejus omissione sequitur; tunc enim officium suum omittens, peccat contra justitiam commutativam, ut docet D. Thom. his verbis: *Manifestum est, inquit, quod quicumque negligit habere, vel facere id, quod tenetur habere, vel facere, peccat peccato omissionis*: 1. 2. q. 76. a. 2. in corp. Et alibi, scilicet 2. 2. q. 62. a. 7. in corp. docet, quod qui per omissionem est causa etiam indirecta injustæ læsionis, obligatur ad restitutionem, scilicet, ut ait S. Doctor, *quando aliquis non impedit damnum, si possit, Et debeat impedire*: Ergo omissio contraria justitiæ commutativæ obligat ad restitutionem damni, quod ex ea sequitur.

Sic qui ex ignorantia culpabili omittit aliquid sui officii, tenetur reparare damnum, quod ex tali omissione sequitur: v.g. Judex, Medicus, Causidicus, Confessarius, Parochus, artifex, &c. tenentur reparare damnum, quod causant ex ignorantia artis, quam exercent,



& ex omissione officii, ad quod tenentur. Imperitia quoque, inquit Iustinianus, culpe adnumeratur: veluti si Medicus ideo servum tuum occidit, quia male eum secuerit, aut perperam ei medicamenta dederit: Lib. 4. Instit. tit. 3. ad leg. Aquiliam §. 7.

Sic etiam qui ex negligentia culpabili omittit aliquid sui officii, tenetur reparare damnum, quod ex tali negligentia sequitur: v. g. Judex, Causidicus, Medicus, Confessarius, Parochus, artifex tenentur restituere damnum, quod causant ex negligentia, quam ex iustitia tenentur vitare: v. g. si Judex negligat examen legum, & contra leges judicet; si Medicus negligat agrotum, & agrotus moriatur; si nauclerus somno vel incuria omitat curam navis, & navis naufragium subeat; si mulio mulas magno impetu ruentes removere negligat, & ex impetu mulorum damnum aliquod proximo enascatur: in singulis illis casibus & similibus urget obligatio restitutionis; quippe juxta legem Aquiliam quisquis damnum infert, ad restitutionem tenetur; & eximitur tantum a restitutione, si modo culpa ejus nulla invenitur: Lib. 4. Instit. tit. 5. ad legem Aquiliam §. 3.

Sic pariter qui per imprudentiam culpabilem omitunt cautionem, quam debent adhibere, tenentur reparare damnum, quod ex tali omissione sequitur; & qui vulgarem negligunt adhibere prudentiam, damnum secutum ex sua ipsorum imprudentia, juxta etiam jus civile, tenentur reparare: v. g. si per lujum, in loco aut in tempore indebitis exercitum, a jaculantibus servis tuus fuerit occisus, jaculatores ad restitutionem tenentur: L. 9. ff. Ad legem Aquiliam. Si putator ex arbore -- machinarius ex machina, non proclamaverit, ut casus ejus, quod projiciebat, vitari posset: L. 31. ibid. si damnum secutum fuerit, qui id imprudenter fecit, tenebitur reparare. Si incendium non catu, sed ex imprudentia habitantium evenerit, tunc ii, qui imprudenter egerunt, damna ex incendio secuta rescire tenebuntur: L. 3. ff. de officio praefecti vigillum.

Sic similiter, qui per moram culpabilem omittunt ea, ad quae tenentur ex iustitia, debent reparare damnum, quod ex tali omissione sequitur; peccant enim contra iustitiam commutativam: v. g. si venditor rem a se ven-

venditam, depositarius rem sibi depositam, conductor rem locatam, ultra legitimum tempus invito domino retineat, etiam si res pereat casu, tenetur ejus pretium vero domino reddere; hi enim omnes sunt in mora culpabili, ut expresse docet jus civile. *Quod te mihi*, inquit, *dare oporteat, si id postea perierit, quia per te factum erit, quominus id mihi dares, tuum fore id detrimentum constat: L. 5. ff. de rebus creditis.*

Sic quoque, qui per *injustam detentionem* impediunt, ne res ad verum & legitimum dominum perveniat, tenentur reparare damnum ex tali injusta detentione proveniens; peccant enim contra justitiam commutativam, quæ vetat alienum invito domino retineri: v. g. si quis animalia, puta, aves, canes, &c. quæ vere animum habent redeundi ad dominum suum, violenter retineat: si quis navem in fluvio remoretur; si quis rem mobilem vel immobilem alterius sibi attribuat, vel in pignus aut hypothecam debitorum invito domino accipiat: si res illæ pereant, tenetur eorum pretiumolvere; est enim causâ damni *ob injustam detentionem*.

### §. III.

*De his, qui damnum inferunt proximo per acquisitionem, quæ secundum jura habetur nulla  
& invalida.*

*Consect. 9.* Quicumque acquirunt, aut lucrantur aliquid pretio æstimabile per actiones, quas jus vel civile solum, vel canonicum jure civili firmatum, lucratorias esse prohibet, tenentur ad restitutionem totius illius lucri ex iniqua illa actione accepti; etenim cum hujusmodi actiones ex præscripto legis non sint lucratoriæ, nullumque dent titulum acquirendi, qui præcise ex vi earum actionum acquirunt, & sic acquisita retinent, peccant contra justitiam commutativam, sibi adscribentes id, quod jus vetat acquiri, immo id quod aliquando lex aliis adjudicat. Et ita ad restitutionem tenentur qui hic subjiuntur.

I. Simoniaci tenentur ad restitutionem illius rei, quam via simoniaca consecuti sunt; nullum enim ha-

bent titulum, quo illius rei dominium acquirant: Can. *Si quis Episcopus* 1. q. 1. & D. Thom. 2. 2. q. 10. a. 6. Et ita quicquid acquiritur pro collatione beneficii, pro collatione Ordinum, pro examine ordinandorum, pro visitatione Parochiarum, pro benedictione Ecclesiarum, &c. retineri non potest, sed vel Ecclesiæ, vel pauperibus dandum est: D. Thom. *ibid.* ad 4.

2. Clerici beneficiati sine legitimo titulo tenentur dimittere beneficium sine institutione canonica susceptum, & fructus ex eodem beneficio perceptos; quia juxta regulas juris canonici in 6. *Beneficium Ecclesiasticum sine institutione canonica obtineri non potest.* Et ita beneficium dimittere, & fructus beneficii dare pauperibus tenetur filius illegitimus Clerici, qui beneficium obtinuit in eadem Ecclesia, in qua pater deservit, immo qui pensionem obtinuit super beneficio, quod pater habuit; ea enim institutio non est canonica, juxta Trid. sess. 25. cap. 15. Item qui plura habent beneficia incompatibilia; ea enim institutio non est canonica, juxta Trid. sess. 7. cap. 1. & 3. Immo qui plura suscipit beneficia, etiam non incompatibilia, quando unum sufficit ad congruam & honestam sustentationem, aut quando quis suscipit beneficium sine animo retinendi; tunc enim coram Deo non censetur esse canonica institutio, quæ verum titulum det retinendi beneficium, & fructus beneficii in hujusmodi Clericos vere transferat.

3. Clerici beneficiati cum institutione canonica & legitima, sed officium beneficio annexum non exequentes, tenentur fructus acceptos restituere; etenim illi negligentes Clerici fructus quidem possunt percipere in foro externo, sed in foro interno fructus illos non possunt licite suos facere; beneficium enim propter officium. Et ita qui non resident in Ecclesia, in qua tenentur residere, pro rato tempore absentia: qui non recitant horas canonicas, quas tenentur recitare, pro rata omissione, tenentur tantundem de fructibus beneficiorum restituere: Trid. sess. 6. c. 1. Vide quæ infra dicemus de Clericis.

4. Beneficiati prodigi, qui redditus beneficiorum post honestam sustentationem superfluites in usus vel inutiles, vel pravos infumunt; quia non habent verum domi-



dominium bonorum Ecclesiasticorum, quæ sunt ipsis superflua, ut dicemus ubi de Clericis. *Aurum quippe habet Ecclesia, inquit Bernardus, non ut servet, sed ut eroget. Clamant nudi, clamant famelici, conqueruntur, & dicunt: Dicite Pontifices, in freno quid fecit aurum? nostrum est quod effunditis, nobis crudeliter extrahitur quod inaniter impenditis:* Epist. 42. ad Episc. Senon.

5. Usurarii manifesti aut palliati tenentur ad restitutionem cujuscunque emolumenti per usuram manifestam aut palliatam acquisiti; usuræ enim lucratorie ex genere suo improbæ, nec dant titulum acquirendi; 1. 20. C. *Ex quibus causis infamia irrogatur.* Vide dicta de usuris.

6. Ludentes tenentur restituere ea, quæ ludo per leges vetito lucrati sunt. Vide dicta de ludo.

7. Judices justam vel injustam sententiam vendentes; ea enim injustitia non est titulus acquirendi.

#### §. IV.

*De his, qui ob cooperationem damni illati tenentur, vel non tenentur ad restitutionem.*

*Prop. unica.* Illi cooperatores obligantur ad restitutionem, qui peccantes contra justitiam commutativam sunt causa efficax damni. Illi vero cooperatores excusantur a restitutione, qui vel non sunt causa efficax damni, vel si sint causa efficax, non peccarunt contra justitiam commutativam.

*Prob. rat.* Ex dictis constat, quod duo requirantur ad inducendam obligationem restituendi: primum est damnum illatum proximo; secundum violatio justitiæ commutativæ: Ergo ut cooperatores obligentur ad restitutionem duo requirantur: quod influant efficaciter in damnum; & quod peccent contra justitiam commutativam, quorum alterum si defuerit, cooperatores eximentur a restitutione.

#### Confectaria hujus Doctrinæ.

*Consect. 1.* In quo explicatur hæc vox, *in facto*. Mandans sive expresse, sive tacite, dicto scilicet vel facto,

ex quo subditi, v. g. vel famuli colligant actionem injustam ei gratiam fore, si ex vi talis mandati sequatur damnum, tenetur restituere; quia tunc iubens est causa efficax damni. Si dubitet, an iussio injusta fuerit causa damni revera illati, tenetur etiam ad restitutionem; quia praesumptio est contra ipsum mandantem, cui incumbit onus probandi contrarium. Immo cum vacet rei illicite, est causa damni fortuiti, quod ex ejus mandato sequitur: v. g. mandat Joannes, ut occidatur Petrus: Paulus loco Petri occiditur; tenetur ad restitutionem damni sequentis ex Pauli morte, licet haec contra intentionem mandantis eveniat. Mandat, ut verberetur Paulus: vulneratur Paulus, aut occiditur contra voluntatem mandantis; tenetur ad restitutionem damni hujusmodi caedis aut mutilationis, quae contra ejus intentionem contingit, sed tamen ex injusto ejus mandato secuta est; & proinde est illius causa moralis. Minime vero, si mandans retractet mandatum, etiamsi mandatarius privata sua malitia injustum mandatum exequatur; quia tunc non est causa damni.

Item, si quis malum non jubeat, sed gaudeat de damno illato proximo, peccat; quia gaudet de malo: sed non tenetur restituere; quia gaudendo non est causa mali.

*Consect. 2.* In quo explicatur haec vox, *consilium*. Consulens damnum inferri, v. g. promissionibus, precibusque ad actionem proximo nocivam inducens, tenetur ad restitutionem; quia est causa damni.

Minime vero, si qui consuluit damnum, totis viribus retractet suum perniciosum consilium, & eum prae-moneat, cui damnum paratur; quia tunc non est causa damni: & si ille, qui accepit consilium, noceat, hoc in privatam ejus malitiam, & non in consulentem debet refundi.

Item si consulens dato consilio non noceat, sed proficiat: v. g. si furi parato furari nummos decem Petro, suadet, ut tantum furetur eidem Petro quinque: quia tunc non est causa efficax damni, sed econtra causa est, cur Petro minus noceatur.

*Consect. 3.* In quo explicatur haec vox, *Consensus*. Consensus, qui est causa efficax damni, obligat ad restitutionem.

situtionem; quia influit in damnum: minime vero consensus, qui non est causa; quia non influit in damnum.

Sic cum bellum injustum proponitur, qui consentiunt causando, v. g. Rex, & hi, qui sunt Regi a Consiliis, obligantur ad restitutionem; minime vero qui consentiunt non influendo, v. g. subditi, letando ob commoda ex bello eventura.

Sic in Consistorio, in Capitulo, in Universitate, ubi secreto feruntur suffragia, quicumque votis suis secretis cooperatur injustæ electioni, tenetur ad restitutionem, uti semper contingit, quoties ad valorem actionis necessarium est omnes simul consentire: & quando requiritur solum, ut major pars consentiat, illi solum tenentur ad restitutionem, qui influunt in electionem injustam; minime vero qui non dant suffragium innotum.

Sic quando suffragia dantur publice, primi qui vident suo suffragio se posse injustitiam impedire, tenentur ad restitutionem; quia influunt in injustam electionem: minime vero postremi, si certo illis constet se non posse votis suis injustam electionem impedire; quia non influunt efficaciter in damnum: debent tamen injustæ actioni adversari, quantum possunt; dicit enim Scriptura: *Noli fieri iudex, nisi virtute valeas irrumperere iniquitates.*

*Consect. 4.* In quo explicatur hæc vox, *palpo*. Qui verbis adulatoriis pellicit ad malum, & laudat malos de eorum peccato perpetrando, vituperat bonos ob virtutem, & huiusmodi sermonibus est causa efficiens damni, obligatur ad restitutionem; quia est causa damni: minime vero si adulatio non sit causa damni, sed solum laudibus suis aliquam lætitiā afferat malo; quia tunc non influit in damnum.

*Consect. 5.* In quo explicatur hæc vox, *recurfus*. Qui refugium dat malefactori ut malefactori, vel prebendo securitatem antequam fiat injusta actio, vel promittendo securitatem postquam facta erit mala actio, tenetur ad restitutionem; quia influit in damnum: minime vero qui recipit malefactorem non ut malefactorem, sed ut hominem, non ut animos addat ad malum, sed ut ad meliorem vitam deducat; quia non influit in damnum.

*Consect.*



*Confess. 6.* In quo explicatur hæc vox, *participans*. Qui participat ad injustam acceptionem per actionem ab intrinseco malam, tenetur restituere : quia est causa damni : qui vero participat per actionem indifferentem, non tenetur restituere ; quia non est causa mali.

Sic qui cooperatur damno, furando, rapiendo, instrumenta præbendo ad furtum & rapinam, tenetur restituere ; quia hæc actiones sunt ex se malæ, & in damnum illatum efficaciter influunt.

Sic qui inviti actioni jam factæ superveniunt, v. g. rustici, qui prædas a militibus congestas inviti transferunt in castra, non tenentur ad restitutionem ; quia non sunt causa damni.

*Confess. 7.* In quo explicantur hæc voces, *mutus, non obstant, non manifestans*. Qui potest, & ex rigore iuris debet loqui, debet obitare dum fit damnum, debet manifestare dum factum est, & tamen non facit, tenetur restituere ; quia est causa damni : qui vero vel non potest, vel ad id non tenetur ex iustitia, non obligatur ad restitutionem ; quia non est causa efficax damni.

Sic qui ex officio, vel ex pacto tenentur impedire damnum, & non impediunt, cum possunt, tenentur restituere. Tales sunt, v. g. Reges, qui a subditis suis non avertunt hostium incurtus, latronum depredationes. Tales sunt custodes publici, qui non manifestant eos, qui lignantur, piscantur contra prohibitionem Principis, vel Republicæ : de quibus ita Isaias : *Principes tui infideles, socii furum*. Tales sunt etiam famuli, qui res sibi ab heris committas permittunt vel ab extraneis subripi, vel ab aliis domesticis male consumi. Hi enim omnes obligantur ex officio ad impediendum, ne huiusmodi damna proximo obveniant. Tales sunt pariter hi, qui cum damnum factum est, *non obstant*, ne damnum illatum a furiibus ad se confugientibus invito domino retineatur : de quibus ita Aug. epist. 54. can. *Si res aliena* 14. q. 6. ubi sic habetur : *Illud vero, inquit, fidentissime dixerim dum, qui pro homine ad hoc intervenit, ne male ablata restituat, Et qui ad se confugientem, quantum honeste potest, ad restituendum non compellit, socium esse fraudis Et criminis.*

Sic qui ex charitate solum tenentur impedire damnum

num proximi, & non impediunt etiam si possint, peccant quidem tacendo, & non obstando; quia agunt contra charitatem: sed non tenentur ad restitutionem; quia non agunt contra iustitiam.

*Consect. 8.* Cooperatores debent restituere juxta modum & ordinem, quem habuerunt influendo in damnum; cooperatores quippe obligantur ad restitutionem ob id solum, quod efficaciter in damnum influunt: Ergo debent restituere juxta modum & ordinem, quem habuerunt influendo in damnum; & ita restituere debent hoc modo.

*Primo.* Si plures damnum intulerint absque consensu mutuo, quisque tenetur reparare illud solum damnum, quod ipse intulit; cum enim sejuncti fuerint in damno inferendo, ita sejungi debent in damno reparando. Si plures simul, & consensu mutuo, & se invicem juvando, damnum intulerint, singuli in solidum tenentur totum damnum reparare; uti enim conjuncti fuerunt in damno inferendo, ita & conjungi debent in damno reparando.

*Secundo.* Isto ordine debet fieri restitutio.

Prior omnibus debet restituere ille, apud quem est res ablata, sive sit in specie, sive sit in valore; etenim, ut vulgo dicitur, res quælibet domino suo clamat.

2. Si res nec in specie, nec in valore sit apud aliquem ex his, qui damnum intulerunt, qui damnum imperavit, debet prius quam alii cooperatores restituere; magis enim influit quam alii: quippe mandans est quasi causa principalis, alii vero cooperatores sunt quasi causa instrumentalis.

3. Qui damnum intulit exequendo mandatum, debet prius restituere quam ille, qui consuluit; in damnum enim magis influit ille, qui mandatum proximo damnosum exequitur, quam ille qui contribuit.

4. Qui consuluit debet prius restituere quam ille, qui furem vel recepit, vel tutatus est.

5. Qui recepit eum, qui damnum causavit, prior debet restituere quam ille, qui tacuit: quippe qui recipit furem, magis influit securitatem dando, quam ille, qui tacuit non impediendo. Recipiens furem influit quasi *positive*: qui tacet induit solum *negative*.

6. Qui

6. Qui tacuit, dum damnum fiebat, tenetur ad restitutionem priusquam ille, qui non manifestat, dum factum est damnum; magis enim est influere negative, dum res sit, quam influere etiam negative, dum res facta est.

*Monit.* Qui damnum passus est, non debet quasi per ambages omnes predictos cooperatores percurrere; sed potest eum primo compellere, apud quem res sibi ablata detinetur vel in specie, vel in valore: & si res ablata nec in specie, nec in valore subsistat, debet mandantem compellere, ut sibi damnum illatum reparet, & iste ad alios cooperatores recurrere poterit. *Uno tamen restituente illi, qui passus est damnum, inquit D. Th. 2. 2. q. 62. a. 7. ad 2. alius eidem restituere non tenetur; sed illi, qui sunt principales in facto, & ad quos res pervenit, tenentur aliis restituere, qui restituerunt.*

## ARTICULUS II.

*Quomodo, & quando ad restitutionem obliget culpa civilis, seu omisso debita diligentia circa rem alterius, ex qua omissione sequitur damnum proximi, aliquando cum offensa Dei, aliquando sine offensa Dei.*

**Prop.** unica tripartita. Culpa civilis, licet noxia proximo,

Si sit omnino involuntaria, & non deducta ad forum contentiosum, ad nullam coram Deo restitutionem obligat:

Si sit voluntaria, obligat coram Deo ad aequalem compensationem damni illati etiam ante sententiam iudicis; immo nec deducta ad iudicem.

Si vero sit deducta ad forum contentiosum, siue voluntaria, siue involuntaria sit, post latam sententiam obligat, primo ad aequalem compensationem damni illati, secundo ad poenam iustitiam a iudice: ante latam vero sententiam ad nullam poenam obligat, sed solum ad aequalem compensationem, si sit voluntaria; ad nullam vero restitutionem, si sit omnino involuntaria.

Probantur ratione singulae partes.

I. Culpa civilis omnino involuntaria, & non deducta



etiam ad forum contentiosum, ad nullam coram Deo restitutionem obligat; ubi enim nullum est peccatum, ibi nulla est in foro interiori obligatio restitutionis, ut diximus in superiori capite art. 1.

2. Culpa civilis voluntaria, & proinde theologica, seu verum peccatum, etiam non deducta ad forum contentiosum, & ante quamcumque iudicis sententiam obligat coram Deo ad aequalem compensationem; quia juxta Aug. *non remittitur peccatum, nisi restituatur ablatum*. Sed quando res non deducitur ad forum contentiosum, ad nihil ultra obligat nisi ad aequalem compensationem ut docet D. Thom. 2. 2. q. 62. a. 3. in C. his verbis: *Cum aliquis, inquit, in ipse accipit rem alienam, duo sunt ibi consideranda; quorum unum est inaequalitas ex parte rei -- aliud autem injustitia culpa -- Quantum ergo ad primum adhibetur remedium per restitutionem, in quantum per eam inaequalitas reparatur, ad quod sufficit, quod restituat tantum, quantum habuerit de alieno.*

3. Culpa mere civilis, & involuntaria deducta ad forum contentiosum post latam a iudice sententiam, obligat juxta praescriptum a iudice, tum quoad compensationem, tum quoad poenam inflictam a iudice: sententia enim iudicis lata secundum formam juris obligat in conscientia; ante vero latam sententiam, si culpa civilis fuerit omnino involuntaria, ad nihil obligat: poenae enim non sunt subeunda nisi post sententiam iudicis. Resolutionem istam explicat D. Thom. ibid. his verbis: *Quantum ad culpam, quae reperitur in lesione proximi, adhibetur remedium per poenam, cujus inflictio pertinet ad iudicem. Et ideo antequam sit condemnatus per iudicem, non tenetur restituere plusquam injuste accepit; sed postquam condemnatus est, tenetur poenam solvere.*

### Conseſſaria huius Doctrinae.

*Conseſſ. 1.* Quando illatum est proximo nocuumt aliquod per culpam civilem, tunc Conſeſſarius po-  
teſt poenitentem diſpenſare ab omni reſtitutione; ſi culpa civilis fuerit omnino involuntaria; ubi enim non eſt voluntarium, ibi non eſt peccatum, nec proinde obligatio reſtitutionis. Si vero culpa civilis fuerit voluntaria,

taria, etſi non deducta ad forum contentioſum, debet obligare poenitentem ad integram reſtitutionem; quia ubi eſt peccatum noxium proximo, ibi eſt obligatio reſtituendi. Damnum ſi culpa civilis ſit deducta ad forum contentioſam, & iudex ſententiam tulerit, Confefſarius debet obligare poenitentem, ut ſententiæ iudicis acquieſcat; quia ſententia lata ſecundum formam juris obligat in conſcientia.

*Conſert. 2.* Quando illatum eſt proximo nocumentum aliquod per culpam civilem, tam Confefſarius, quam iudex debent leges conſulere. Confefſarius quidem, ut juſtam & æqualem compensationem præſcribat, quam ex mente legum poterit expiſcari; iudex vero, ut pœnas imponat legitimas & proportionatas, quas ex legibus poterit addiſcere. Ideo in gratiam tum Confefſarii, tum iudicis, proponemus quæ juſ civile determinavit circa damnum illatum proximo per culpam civilem.

### ARTICULUS III.

*Quinam juxta leges civiles ob damnum illatum proximo obligantur primo ad reſtitutionem, ſecundo ad aliquam pœnam.*

**Prop.** unica. Quicumque contra juſ nocet proximo vel per actionem inferendo damnum, vel per omiſſionem negligendo id, ad quod tenetur, obligatur juxta juſ civile, primo ad æqualem compensationem damni, ſecundo ad pœnam aliquam.

**Prob. 1.** Ex jure civili Inſtit. lib. 3. toto titulo de obligationibus, ubi expreſſe dicitur, nos obligari erga proximum quatuor modis: ex contractu, ex quaſi contractu, ex delicto, ex quaſi delicto: Atqui hæc quadruplex obligatio, quatenus naturalis, exigit compensationem æqualem; quatenus civilis, importat pœnam ſubeundam, ut habetur eodem titulo: Ergo quicumque nocet proximo, non ſatiſfaciendo obligationibus, quibus erga ipſam obligatur, tenetur primo ad æqualem compensationem, ſecundo ad pœnam inſictam a iudice.

**2. Rat.** Quicumque contra juſ nocet culpabiliter proximo, bis peccat: primo lædit bonum privatum proximi, cui nocet: ſecundo lædit Rempubicam, cujus bonum

num publicum offendit: Ergo ad duo juxta leges obligatur: primo ad æqualem compensationem, ut satisfaciat proximo, cui nocuit; secundo ad pœnam, ut satisfaciat Reipublicæ, cujus statuta infregit.

### Confectaria hujus doctrinæ.

*Consect. 1.* De obligationibus ortis ex contractu. Quicumque nocent proximo, non satisfaciendo obligationibus ortis ex contractu, tenentur primo ad æqualem compensationem, secundo ad pœnam; quia sunt in culpa, quæ nocet proximo.

Sic emptores & venditores, mutuatores & mutuatarii, deponentes & depositarii, qui vel iniquas apponunt suis contractibus condiciones, vel æquas condiciones jam appositas exacte non obviunt, obligantur & ad compensationem damni, quod inferunt proximo, & ad pœnam, quam meretur eorum infidelitas.

*Consect. 2.* De obligationibus ortis ex quasi contractu. Quicumque nocent proximo non satisfaciendo obligationibus ortis ex quasi contractu, tenentur primo ad æqualem compensationem, secundo ad pœnam inflictam a iudice; sunt enim in culpa, quæ nocent proximo.

Sic qui nocent proximo per negotiorum gestionem, per tutelæ administrationem, per rerum communione, scilicet deteriore efficiendo rem, quam habent cum aliis communem, per hæreditatis additionem, per indebiti solutionem; tenentur primo ad æqualem compensationem damni, secundo ad pœnam, quam meretur eorum infidelitas.

*Consect. 3.* De obligationibus ortis ex maleficio. Quicumque nocent proximo per delictum, id est, per offensionem contra jus illatam, obligantur primo ad æqualem compensationem, secundo ad pœnam; sunt enim in culpa, quæ nocent proximo.

Sic fures, raptores, &c. obligantur primo ad compensationem æqualem, secundo ad pœnam inflictam a iudice. Olim fures & raptores obligabantur ad quadrupli restitutionem; jam vero damnantur vel suspendio, vel triremibus, vel publica flagellatione.

*Consect. 4.* De damno per legem Aquiliam vetito. Quicumque damnum infert rebus animatis, vel inanimatis



ad proximum pertinentibus, tenetur primo ad æqualem compensationem, secundo ad pœnam inflictam a iudice; ita enim habet lex Aquilia: *Si quis alienum hominem, v. g. mancipium, aliamve quadrupedem, quæ e pecudum numero sit, injuria occiderit, quanti ea res in eo anno plurimi fuerit, tantum domino dare damnetur* --- Item in omnibus rebus, quæ anima carent, damnum per injuriam datum hac parte vindicatur. Si quid enim usum, aut raptum, aut fractum fuerit, alio ex hoc capite constituitur, qua scilicet & damnum reparatur, & iusta pœna infligitur. *Institut. lib. 4. tit. 3. §. 13.*

*Consect. 5.* De damno illato per injuriam. Quicumque damnum inferunt proximo per injuriam, id est, per actionem dolo malo cum alterius contumelia commissam, obligantur primo ad æqualem compensationem, secundo ad pœnam inflictam a iudice; sunt enim in culpa, qua nocent proximo.

Sic qui per injuriam realem inferunt manus contra corpus proximi aut aliorum, qui ad proximum pertinent, puta, contra corpus uxoris, filiorum, aut servorum, tenentur primo exhibere satisfactionem, deinde pœnam inflictam a iudice subire, v. g. carcerem, exilium pati, multam pecuniariam solvere; id enim meretur eorum audacia.

Sic qui per injuriam verbalem, v. g. per verba atrociam, per libellos famosos inhonorant proximum, tenentur primo ad æqualem satisfactionem, deinde ad subeundam pœnam inflictam a iudice, v. g. ad injuriarum retractationem, ad publicam libelli famosi combustionem; id enim meretur eorum tum in loquendo, tum in scribendo procacia.

*Consect. 6.* De damno illato ex quasi delicto. Quicumque nocent proximo ex quasi delicto, id est, per actionem, aut omissionem, quæ sine dolo & intentione agentis contigit, tenentur primo ad æqualem compensationem, secundo ad subeundam pœnam inflictam a iudice: licet enim ex pravo affectu non egerint, tamen sunt in culpa, qua proximo nocuerunt.

Sic qui nocuit proximo aut dejiciendo, aut effundendo id, quod dejici, aut effundi non oportebat; aut male suspendendo ea, quæ alibi aut aliter suspendi oport-

portebat; aut animalia noxia non retinendo, tenetur ad aequalem compensationem, & ad poenam inflictam a Iudice; id enim meretur ejus imprudentia. Et ut hæc materia clarius pateat, sit

*Consect. 7. De damno causato ex projectis, vel effusis.*  
Quicumque damnum causat vel projiciendo, vel effundendo id, quod projici aut effundi non oportebat, tenetur damnum reparare, & sententiam Judicis subire; ita enim habet jus civile: *Prætor ait: de his, qui dejecerint, vel effuderint: unde in eum locum, quo vulgo iter fiet, vel in quo consistetur, dejectum, vel effusum quid erit, quantum ex ea re damnum datum, factumve erit, in eum, qui ibi habitaverit, in duplum, judicium dabo: L. 1. ff. de his qui effuderint, vel dejecerint.*

Sic, si unus sit tantum habitator ea in domo, ex qua dejectum & effusum est id, quod nocuit, ille solus suam suorumque culpam præstare debet: L. 6. ibid. v. g. præstare debet culpam filiorum, scholasticorum, hospitum, tyronum &c.

Sic, si plures in eodem cœnaculo habitent, unde dejectum est aut effusum id, quod nocuit, in quovis in solidum actio dabitur; tunc enim impossibile est scire quis dejecerit: si vero plures divisim cœnaculum habitent, actio in eum solum dabitur, qui habitat eam partem, unde res noxia effusa est, aut dejecta: L. 5. ib.

*Consect. 8. De damno causato ex ruina ædificiorum.*  
Quando damnum provenit ex lapsu ædificiorum ruinas minitantium, si ædium domini præmoniti omiserint eam ruinam præcavere, tenentur primo ad æqualem compensationem damni, secundo ad certam poenam; quia sunt in culpa, quæ nocuit proximo. Si ædificium, inquit lex, non casu fortuito, v. g. vi tempestatis, sed defectu fulcri labatur, dominus ædificii damnum omne reparabit: L. 7. ff. de damno infecto.

*Consect. 9. De damno causato ab animalibus domini habitentibus.* Domini, quorum animalia damnum aliquod intulerunt, tenentur aut damnum illud reparare, aut ipsum animal ei, qui læsus est, cedere: ita enim habet Justin. lib. 4. Inst. tit. 9. *Animalium nomine, quæ ratione carent, si qua lascivia, aut pavore, aut feritate pauperiem fecerint, noxalis actio lege duodecim ta-*

*bularum prodita est; quæ animalia si noxæ dedantur, proficiunt reo ad liberationem.*

Sic, si animal pascendo noceat pratis, vineis, campis, arboribus dominus animalis reparare cogitur damnum illatum: L. I. ff. *Si quadrupes pauperiem fecisse dicatur.*

Sic, si equus vel mulus &c. impetu suo necuerint, damnum solvet, qui debebat retinere: *ibid.*

Sic qui boves cornupetas, equos calcinosos, canes rabidos, ursos feroces habent, tenentur de damno illato, sive fere illæ ultro damnum inferant, sive inferant concitate ab aliis feris; quippe si inferant ultro, domini earum, qui eas retinere debuissent, tenentur de damno illato; si vero inferant damnum concitate ab aliis feris, domini ferarum concitantium tenentur de damno illato: ita habet jus civile: *Et si alia quadrupes aliam concitaverit, ut damnum daret, ejus, quæ concitarit, nomine agendum erit: ibid.*

#### ARTICULUS IV.

*Quando nam judex soleat ad integram restitutionem, immo ad aliquam pœnam damnare eos, qui de damno illato accusantur.*

**Prop.** unica. Toties Judex solet ad integram restitutionem, & insuper ad aliquam pœnam damnare eum, qui accusatur, quoties in eo, qui in judicium vocatur, præsumitur dolus, vel culpa; minime vero, si absit omnis dolus, & omnis culpa.

**Prob.** I. Scriptura Levit. 12. ubi habetur, quod si Judex invenerit remutam alicui cum ipsius fraude periisse, ille, cui res data est, duplo damnabitur. Si vero adhibito juramento constet, illum non extendisse manum in rem proximi, ille reddere non cogetur: Ergo qui vocatur in judicium pro damno illato proximo, ad restitutionem, & insuper ad pœnam damnatur, si in eo præsumatur fraus; minime vero, si nulla sit præsumptio fraudis.



2. *Rat.* Ad judicem pertinet omnem dolum punire, & negligentiam omnem mulctare, ne malitiose vel ignoranter proximo noceatur; Ergo iudex & potest, & debet juxta præscriptum legis, 1. ad integram restitutionem, 2. ad aliquam poenam damnare eum, in quo vel dolus, vel culpa præsumitur; debet vero & a poena, & restitutione eximere eum, qui est innocens.

### Confectaria hujus Doctrinæ.

*Consect. 1. De his, quæ casu contingunt.* Nemo obligari potest vel ad poenam, vel ad restitutionem ob ea, quæ casu eveniunt; quæcumque enim, ut habet jus civile, casu sine culpa accidunt, a nullo præstantur: L. 23. ff. de regulis.

Sic quoties res perit casu citra omnem dolum & culpam detinentis, perit non in damnum detinentis, sed in damnum domini: v. g. si res commodata, deposita, vendita, oppignorata &c. pereat casu, perit domino; ut enim habetur in jure civili, rapina, tumultus, incendia, aquarum magnitudines, impetus prædonum, &c. a nullo præstantur: L. 23. ff. de reg. juris.

Sex sunt tamen casus, in quibus negotiorum gestor tenetur præstare, & restituere ea, quæ sorte casuve pereunt; ut habetur ff. de negotiis gestis. 1. Si gessit negotia pupilli. 2. Si accessit animo depradandi. 3. Si ad nova negotia se ingessit. 4. Si casum in se specialiter recepit. 5. Si culpa præcesserit casum. 6. Si fuit in mora.

*Consect. 2. De his, quæ ex dolo contingunt.* Quicumque dolo malo operatur, obligatur & ad poenam, & ad restitutionem eorum, quæ ex dolo eveniunt: obligatur ad poenam ut satisfaciatur fraudi; obligatur ad restitutionem, ut reparet damnum: ut enim vulgo dicitur: nemini sua fraus patrocinari debet.

Sic, si quis dolo malo rem alienam detineat, v. g. fur, raptor, & hæc pereat casu, perit in damnum retinentis, teneturque poenam aliquam subire, & rem, quæ periit, una cum suis fructibus restituere.

Sic, si quis dolo malo invito domino rem alterius contrectet, v. g. si contra, vel præter voluntatem domini depositarius utatur re deposita, commodatarius abuta-

tur re commodata, venditor retineat rem venditam: si hæ res pereant *casu*, pereunt in damnum detinentis, teneturque pœnam aliquam subire, & rem, quæ periit, una cum fructibus restituere.

*Consect. 3. De his, quæ ex culpa contingunt.* Quicumque ex culpa vel lata, vel levissima damnum infert, obligatur 1. ad restitutionem: 2. ad pœnam; ad restitutionem quidem, ut damnum reparetur; ad pœnam vero, ut culpa puniatur: æquum enim est, ut damnum quodcumque resarciatur, & culpa quælibet puniatur.

## ARTICULUS V.

*Ex qua culpa teneatur quis ad restitutionem ratione contractus, vel quasi contractus, ratione officii vel gratuiti, vel lucrativi.*

*Prop unica.* In præscribenda restitutione, quæ oritur ex culpa, quæ committitur in violatione contractus, aut quasi contractus, in omissione officii vel gratuiti, vel lucrativi, attendenda est natura contractus, aut quasi contractus, qui infringitur, natura officii, quod omittitur, & gravitas culpæ, quæ committitur, ut juxta conditionem contractus & officii, & juxta gravitatem culpæ pensetur restitutio.

*Prob. rat.* Quando restitutio est facienda ob culpam commissam in violatione contractus, aut quasi contractus, in omissione officii vel gratuiti, vel lucrativi, hæc obligatio originem ducit ex duplici capite: primo ex nexu contractus, aut quasi contractus, qui infringitur, ex qualitate officii, quod omittitur: secundo ex gravitate culpæ, quæ committitur. Ergo in præscribenda hujusmodi restitutione pensanda est natura contractus, aut quasi contractus, qui infringitur, qualitas officii, quod omittitur, & gravitas culpæ, quæ in hacce violatione aut omissione perpetratur; ut sic juxta regulas æquitatis præscribatur restitutio, pensatis omnibus, quæ eam obligationem aut leviolem, aut firmiorem possunt efficere.

*Consectaria hujus Doctrinæ.*

*Consect. 1. De restitutione orta ex violatione contractus,*

*Etus, aut quasi contractus.* Quando res alteri tradita perit non casu, sed ex culpa, hæ regulæ sunt observandæ.

Si contractus aut quasi contractus sit in utilitatem solius recipientis, ut sit in commodato, recipiens commodatum tenetur ad restitutionem etiam ex levissima culpa; æquitas enim postulat, ut quoties res datur in utilitatem solius recipientis, iste, utpote commodum ex re data solus capiens, teneatur diligentiam exactissimam adhibere, & proinde ad restitutionem ex culpa etiam levissima obligetur.

Si contractus sit in utilitatem solius dantis, ut sit in deposito, recipiens tenetur ad restitutionem solum ex lata culpa; æquitas enim exigit, quod recipiens, utpote solus onera sustinens, & utilitatem nullam expectans; teneatur tantum communem diligentiam adhibere, & proinde ad restitutionem solum ex lata culpa teneatur.

Si contractus sit in utilitatem utriusque & dantis, & recipientis, ut sit in oppignoratione, recipiens tenetur ad restitutionem ex culpa levi & lata; cum enim uterque & dans, & recipiens commodum ex hujusmodi contractu expectent, sufficit, ut recipiens exactam diligentiam adhibeat.

Sic, si res commodata pereat, cum data sit in utilitatem solius recipientis, perit in damnum solius detinentis, etiam si pereat ex levissima culpa; a fortiori si pereat ex levi, vel lata culpa: ita enim habet Jus canon. *Cum gratia sui quis tantum commodatum accepit, de levissima etiam culpa tenetur:* cap. *Cum gratia.* De commodato.

Sic, si res deposita pereat, cum data sit in utilitatem solius dantis, si pereat solum ex culpa levissima & levi, perit in damnum domini; perit vero in damnum detinentis, quando perit ex lata culpa, quæ dolo malo comparatur: sic enim habet Jus civile: *Is, apud quem res aliqua deponitur, ex eo solum tenetur, si quid dolo commiserit:* lib. 3. Inst. tit. 15. §. 3.

Sic, si res locata, conducta, oppignorata, vendita pereat, cum data sit in commodum utriusque dantis & accipientis, perit in damnum domini, si pereat ex levissima culpa; perit vero in damnum detinentis, si pereat ex levi & lata culpa: ita enim habet Jus civile



lib. 3. Inst. tit. 15. §. 4. loquens enim de oppignoratione sic decernit: *Placuit sufficere si ad eam rem, scilicet oppignoratam, conductam, venditam, custodiendam, exactam diligentiam adhibeat: quam si præstitcrit, Et aliquo casu fortuito rem amiserit, securum esse, nec impediri creditum petere.*

*Consect. 2. De restitutione orta ex omissione officii.* Quando omisso officii est damnosa proximo, sequentes possunt statui regulæ.

Si officium vel publicum, vel privatum non obliget ad exactissimam diligentiam aut ex vi conventionis, aut ex periculo rei, quæ administratur, tunc omittens officium tenetur ad restitutionem solum ex culpa *levi Et lata*, minime vero ex *levissima*; quia sufficit, ut diligentiam communem adhibeat.

Si officium vel publicum, vel privatum obliget ad exactissimam diligentiam aut ex vi conventionis, aut ex periculo rei, quæ administratur, tunc omittens officium tenetur ad restitutionem etiam ex *levissima culpa*; quia tunc oportet, ut exhibeat se diligentissimum.

Sic ob *levem & latam culpam*, minime vero ob *levissimam*, ad restitutionem damnari solent negligentes Medici, Advocati, Judices, Parochi. Artifices, Famuli, Nautæ, Caupones, Stabularii, & alii huiusmodi, quoties in officio, quod exercent, delinquant; ex officio enim & professione communem saltem tenentur diligentiam adhibere: ideo de his dicit Jus canon. *Si culpa tua, inquit, damnum est datum --- jure super his satisfacere te oportet: cap. Si culpa tua. De injuriis Et damno dato.*

Sic Theologi, Jurisconsulti, Sacerdotes ad restitutionem damnari solent, si ex lata culpa & dolo pravam consilium dederint, determinantes aliquem teneri ad restitutionem qui non tenetur, vel non teneri, qui revera tenetur: id enim videtur expressum in 62. Regula Juris in 6. *Nullus ex consilio, dummodo fraudulentum non fuerit, obligatur*, & quia lata culpa dolo æquiparatur: ergo prædicti ex *lata culpa* ad restitutionem obligantur. Addiderim & ego eosdem sæpe ad restitutionem adstringi ex *levi culpa*; quia tanto muneri non debent se immiscere, nisi saltem communi diligentia adhi-

hibendæ pares sint: temeritas enim illa lata culpa est, quæ dolo æquiparari potest.

Sic ad restitutionem damnari solent etiam ex *levissima culpa*, quicumque ultro ad aliquid præstandum se se offerunt, qui se promittunt diligentissimos; impediunt enim, ne id munus diligentiori committatur: id ita discernit Jus civile lib. 3. Inst. tit. 28. §. 1. *Eo in casu, inquit, ad exactissimam diligentiam compellitur reddere rationem.*

Ex *levissima* etiam culpa ad restitutionem damnari solent, qui suas operas locant in re, quæ singularem diligentiam postulat, v. g. in transferenda columna, quæ sine magno periculo transferri nequit, in adamante expoliendo, & in alijs similibus rebus, quæ tales sunt, ut facile frangi possint; in his enim conventionibus expressa aut tacita habetur promissio eorum, qui suas operas locant, fore se diligentissimos: ita habetur: L. *Si merces*, lib. 19. ff. tit. 2. §. 7.

## CAPUT IV.

*Quinam sint illi, qui post violatam justitiam commutativam, & ob id obligati ad restitutionem, possunt tamen absque peccato vel restitutionem omnino omittere, vel eam ad tempus differre.*

## ARTICULUS UNICUS.

*De causis, quæ etiam post violatam justitiam commutativam vel tollunt obligationem restitutionis, vel eam saltem ad tempus suspendunt.*

*Prop. unica.* Illud obligatos ad restitutionem excusat a restitutione vel absolute, vel hic & nunc facienda, quod efficit, ut creditor nequeat exigere rem restituendam, nisi sit irrationalis & iniquus exactor.

*Prob. I.* Script. Exod. 22. v. 25. sic habetur: *Si pecuniam mutuam dederis populo meo pauperi, qui habitat tecum, non urgebis eam quasi exactor: Ergo sicut in aliquibus casibus creditor non potest juste exigere solutionem; ita etiam in aliquibus casibus qui læsus est,*

nōn potest exigere restitutionem: Ergo sicuti solutionem, ita & restitutionem omittere, vel differre possumus, quoties ille, qui exigit, haberetur irrationalis & iniquus exactor.

2. Ex Jure canonico, cap. *Odoardus* de solutionibus. Ubi Gregorius IX. ex professo definit, quod si Odoardus, qui propter debita fuerat excommunicatus, vel in toto, vel in parte non possit solvere, sit ab excommunicatione absolvendus, recepta prius ab eo idonea cautione, ut si ad pinguiorem fortunam devenerit, debita prædicta persolvat; quia scilicet eo in casu creditor esset exactor iniquus & irrationalis.

3. Ex D. Thom. 2. 2. q. 62. a. 8. ad 2. ubi sic habetur: *Quando aliquis, inquit, non potest restituere, ipsa impotentia absolvit eum ab instanti restitutione facienda; sicut etiam totaliter a restitutione absolvitur, si omnino sit impotens:* Ergo toties obligatus ad restitutionem ab ea vel omnino, vel ad tempus eximitur, quoties impotens est ad restituendum, & quoties creditor iniquus exactor haberetur.

4. *Rat.* Restitutio est actus virtutis moralis, scilicet justitiæ commutativæ: ergo debet regulari per rationem; quia virtus est recta ratio: debet etiam dirigi per charitatem; quia finis præcepti est charitas. Atqui & ratio & charitas vetat, ne exigatur restitutio, quoties creditor iniquus exactor haberetur; etenim obligatio dandi non potest urgere, quando est iniquitas exigendi: Ergo restitutio toties vel omitti omnino, vel ad tempus differri debet, quoties creditor exactor iniquus haberetur.

### Confectoria hujus Doctrinæ.

*Confest. I.* Necessitas extrema, vel gravis excusant a restitutione; iniquus enim esset creditor, qui debitum exigeret a debitore extremam vel gravem necessitatem patiente: ratio enim dicitur, quod ad impossibile nemo teneatur; & proinde quod iniquitas summa sit, si exigas a debitore, quod tibi solvere nequaquam potest.

Sic necessitas extrema vel tua, vel uxoris, vel filiorum, vel parentum, immo & aliquando fratrum, libe-



liberat te, quamdiu durat, ab omni restitutione, etiam si creditor eandem necessitatem extremam patiatur; quia in extrema necessitate omnia sunt communia quoad usum, & potior est conditio possidentis: Ita Sylvius in 2. 2. q. 62. a. 8.

Si tamen creditor ex tua injusta ablatione extremam necessitatem patiatur, debes illum ex bonis suis ei injuste ablatis juvare; quia non decet iniquitatem tibi prodesse, dum alter, qui ex tua injustitia damnum passus est, in simili necessitate ex tua etiam culpa versatur: Sylvius ibid.

Sic gravis necessitas permittit tibi dilationem restitutionis, etiam si creditor sit in simili necessitate, modo ea necessitas ex tua culpa debitori non obvenerit; gravis enim necessitas, inquit Sylvius, vicina est extremæ.

*Consect. 2.* Ingens damnum nascens ex restitutione excusat a restitutione, modo creditor simile damnum non patiatur ob omissam aut dilatam restitutionem; creditor enim iniquus exactor haberetur, si cum ille damnum non patitur, restitutionem a debitore exigeret cum maximo damno illius vel in salute, vel in vita, vel in honore, vel in bonis fortunæ: ita enim jubet ipsummet jus civile lib. 50. ff. de regulis juris, reg. 173. ubi sic habetur: *In condemnatione personarum, quæ in id, quod facere possunt, damnantur, non totum, quod habent, extorquendum est, sed & ipsorum ratio habenda est, ne egeant.*

Sic excusaris a restitutione, si non possis restituere sine salutis dispendio, v. g. si videas, quod ob restitutionem, quam meditaris facere, & ob inopiam, quam restituendo incurres, uxor lapsura sit in adulterium, filia tuæ prostituatur se &c. Item excusaris a restitutione, si non possis restituere, nisi exponendo te periculo perdeudi vitam, periculo manifestandi secretum crimen, quo cognito vel ad mortem damnaberis, vel infamiam incurres; salus enim æterna, vita etiam temporalis, immo & bonum nomen, præponderant facultatibus temporalibus: & proinde iniquus esset creditor, qui restitutionem boni temporalis exigeret cum damno tuæ salutis, tuæ vitæ, tui honoris.

Sic

Sic excusaris a restitutione, si eam facere nequeas, nisi perdendo duplo majus quam debeas, quando creditor similem jacturam ex dilatione restitutionis non patitur; iniquum enim videtur, quod creditor exigat debitum cum tanta bonorum temporalium debitoris jactura: si tamen creditor similem jacturam pateretur, teneris restituere; quia in pari causa melior est conditio creditoris.

*Consect. 3.* Lapsus a priori statu juste obtento excusat a restitutione, modo creditor ex dilatione restitutionis similem jacturam non patiatur; irrationalis enim esset creditor, qui exigeret debitum, cujus solutio statum vel a piis parentibus acceptum, vel iustis mediis acquisitum omnino disturbaret; sufficit enim, ut debitor statum suum minuat, expensis parcat, & omnibus, quibus poterit, modis creditori satisfaciat: ut enim optime ait Scotus in 4. Dist. 15. qu. 2. *Creditor debet magis velle, ut vitetur magnum incommodum proximi restituentis, quam modicum incommodum suum in illa modica dilatione.*

Si tamen debitor statum acquisierit mediis iniustis, & publice notis, tenetur statim restituere etiam cum talis status dispendio; decidere enim a tali statu non infamia est, sed decus, inquit Sylvius: nec is dicendus est statum suum amittere, sed ad priorem reverti; nec ille amittit sua, sed reddit aliena.

Rarius si statum illum novum acquisierit mediis iniustis, sed incognitis, non tenetur statim a condicione illa, licet iniuste obtenta, cum sui diffamatione decidere, sed debet sumptibus parcere, sibi necessaria denegare, ut quam citissime eis, quibus occulte nocuit, occulte impendat quod eis debetur; iniustus enim esset creditor, qui exigeret publicum fieri crimen, quod occultum est: quod forte eveniret, si iste a statu suo volens decideret subito; sed aequissimus est creditor, qui exigit ei occulte reddi, quod occulte sublatum est.

*Consect. 4.* Cessio bonorum excusat debitorem a restitutione; est enim cessio dimissio bonorum omnium in manibus creditorum; iniustus esset autem creditor, qui a debitore restitutionem exigeret, cum omnia

nia ipsius debitoris bona in sua potestate haberet. Lex vero Julia illud beneficium debitoribus indullit, ut cedendo bonis, vinculorum, servitutis, carcerisque injurias subterfugere possint, inquit Cujacius, lib. 3. observ. c. 39. Qui cedunt bonis suis, debent omnia sua bona usque ad quadrantem indicare, & indicata relinquere; alias ut rei furti puniri possent: L. 4. Cod. Qui bonis cedere possunt; ex humanitate tamen vestes quotidianæ eis relinquendæ sunt: L. 1. C. ibid. Ex Caroli V. Constitutione præter vestem & lectum cum suis ornamentis, & ex rebus mobilibus, quantum satis est ad usus necessarios, minoris pretii relinquitur; durius enim esset debitorem omni veste & necessaria suppellectili spoliare: a fortiori relinquenda sunt ea, quæ sunt absolute necessaria ad sustentandam vitam, verb. gr. instrumenta artis, quibus, qui bonis cessit, victum & vestitum lucrabatur.

Cessio non liberat omnino debitorem a restitutione, sed tantum impedit, ne a creditoribus inquietari possit. Ideo qui cessit bonis, manet semper coram Deo obligatus ad restitutionem, donec creditores omne debitum acceperint: L. 4. ff. de Cessione bon. Si postea ad locupletiores fortunam perveniat, tenetur uti his bonis, quæ post cessionem acquisivit, ut creditoribus satisfaciat; obligatio enim restituendi fundatur in jure naturæ, quod utique semper viget.

*Consect. 5.* Legitima præscriptio excusat a restitutione: quia Respublica utpote bonorum domina transfert dominium legitime præscribentibus. Quæ sint conditiones legitimæ præscriptionis, diximus supra.

*Consect. 6.* Compensatio legitima excusat a restitutione; quia compensatio est actio, qua quis sumit quod suum est: quod licitum est cum certis conditionibus, ut jam dictum est ubi de furto.

*Consect. 7.* Condonatio libera, & non coacta excusat a restitutione; quia quilibet potest dare alteri quod suum est.

Condonatio debet habere sequentes conditiones. Debet fieri ab eo, qui sit dominus rei, cujus sit remissio: & ita filiusfamilias, pupilli, Religiosi, qui

, , non



non habent dominium, condonare non possunt; qui enim nihil habet, libertatem rei alienæ dare non potest: Can. Abbat. dist. 54. 2. Debet esse libera; quia qui coactus dat, non censetur dare: unde si quis vi, minis extorserit remissionem, non excusatur a restitutione. 3. Debet fieri sine fraude, sine mendacio, sincere exponendo omnia: v. g. qui petit condonationem, debet exponere qualitatem rei ablatae vel detentæ, statum suum sine furo, sine mendacio; quia nemini sua fraus patrocinari debet. 4. Personæ, quibus fiunt condonationes, non debent esse ex jure positivo incapaces hujus condonationis: sic visitatores, qui accipiunt aliquid præter sumptus necessarios; iudices, qui aliquid extorquent a clientibus; inquisitores, qui aliquid accipiunt ab his, qui accusantur; Canonici, qui accipiunt quotidianas distributiones, licet choro non interfuerint: hi omnes non excusantur a restitutione ob condonationem illis factam; quia lex vetat eis fieri condonationem.

*Consect.* 8. De condonatione circa famam. Diffamatus non potest condonare restitutionem famæ sibi ablatae, si sit persona publica, immo si sit persona privata, quando diffamatio vergit in præjudicium tertii; quia nemo potest condonare id, cuius non est dominus: qui autem gerit personam publicam, non est dominus suæ famæ; immo nec privatus, quando ejus diffamatio vergit in præjudicium tertii.

Sic Episcopus, Sacerdos, Parochus, Prætor civilis diffamati non possunt condonare restitutionem famæ, sed tenentur exigere reparationem.

Sic privatus homo diffamatus, cum ejus diffamatio vergit in præjudicium tertii, v. g. pater diffamatus cum præjudicio familiæ, non potest condonare restitutionem.

Sic homo privatus diffamatus circa crimen inducens diffamationem Ecclesiæ, vel Reipublicæ, non potest condonare restitutionem. Homo privatus diffamatus, quando nullum est præjudicium tertii, juxta Sotum & Sylvium potest condonare restitutionem; quia est dominus suæ famæ; juxta Cajetanum, non po-

potest; quia non est dominus famæ suæ, sicuti nec vitæ suæ.

## CAPUT V.

*De materia restitutionis, sive de rebus, in quibus fieri debeat restitutio.*

### ARTICULUS UNICUS.

*An res ablata, vel alia similis sit restituenda.*

*Prop. unica.* Quoties fit restitutio, toties res ipsa ablata debet restitui, si possit; vel si non possit, debet restitui alia æquivalens, & non longe absumilis.

*Prob. rat.* Restitutio est actus justitiæ commutativæ, per quam res aliena redditur vero domino, & damnum illatum reparatur: ergo, si res ablata existat, debet eadem reddi domino; si vero non subsistat, debet reddi æquivalens non longe absumilis, ut sic damnum compensetur.

### Confectaria hujus Doctrinæ.

*Consect. 1.* Quoties res aliena existit in natura, illa eadem restituenda est, & non sufficit, quod valor ejus restituatur; res enim quælibet domino clamat.

Sic qui lædit proximum in corpore, injuste incarcerando, debet ei reddere libertatem: qui lædit in honore, inhonorando, debet debitam reverentiam rependere: qui lædit in fama, diffamando, debet calumniam retractare: qui lædit, inducendo ad peccatum, debet scandalum reparare: qui lædit in bonis temporalibus, detinendo rem corporalem vel incorporalem, mobilem vel immobilem, debet statim rem detentam reddere.

*Consect. 2.* Quoties res ipsa ablata non potest restitui, debet restitui quid simile & æquivalens; quia aliter damnum reparari non potest: ideo ait Script. *Qui percusserit animal, reddet vicarium*: Lev. 24. Sic qui

qui damnum intulit proximo, bona illius destruendo; debet bona destructa reparare, si possint reparari.

Sic qui damnum intulit proximo, bona illius consumendo, debet bona consumpta æstimare & valorem illorum reddere.

*Consect. 3.* Quoties restitui non potest res ejus ordinis, cujus erat res ablata, v. g. amputato brachio, non potest reddi brachium, tunc reparatio debet fieri per rem alterius ordinis vel inferioris, vel superioris: hoc innuit Scriptura Exod. 21. *Si percusserit quispiam oculos servi, aut ancillæ, & lippos eos fecerit, dimittet eos liberos pro oculo, quem eruit; ubi oculus erutus libertate compensatur.* Et Divus Thom. *In quibus non potest recompensari æquivalens, sufficit, quod ibi recompensetur, quod possibile est.* Sicut patet de honoribus, qui sunt ad Deum & ad parentes: 2. 2. q. 62. a. 2.

Sic, ut optime monet Cajetan. post D. Thom. damna vitæ, membrorum, sanitatis, libertatis, honoris, famæ, jurium, fructuum, seminum, damni emergentis vel lucri cessantis, & similia, restituenda sunt, ut possibile est, in bonis aliquibus loco damnorum, ita ut boni viri arbitrio satisfactum reputetur, quantum ad quid.

Sic cum aliquis alicui abstulit membrum, debet ei recompensare vel in pecuniis, vel in aliquo honore, considerata conditione utriusque personæ, secundum arbitrium boni viri: D. Thom. ibid.

Sic cum aliquis sustulit alicui sanitatem corporalem, integritatem virginalem, debet illa bona per res alterius ordinis compensare, v. g. per pecunias, per exhibitionem honoris, per preces erga Deum fusas.

Sic cum quis lædit proximum in bonis animæ, v. g. inducendo vel in errorem, vel in peccatum, restitutio debet fieri hoc pacto, inquit Cajetan. v. restitutio. *De bonis autem animæ, inquit, si pertinent ad partem intellectivam, ut si quis damnificavit, docendo aliquem falsa, tenetur restituere, docendo vera, vel saltem significando illi, quod falsa sint, quæ docuit: si autem pertinent ad partem affectivam,*

ut



ut sunt illa, quæ pertinent ad mores, quæ non possunt ab invito tolli, nec ab altero restitui; tunc tenetur dare operam ad reducendum eundem ad bonos mores, si potest, vel saltem orationibus, jejuniis, eleemosynis juvare illum, ut resipiscat.

## CAPUT VI.

De quantitate restitutionis.

sive

Quantum crescere debeat restitutio, ut perveniatur ad æquale.

## ARTICULUS I.

Ostenduntur quædam notiones ad mensurandam quantitatem restitutionis necessaria.

## §. I.

De variis modis, quibus res aliena & acquiri, & possideri potest.

Res aliena & acquiri, & haberi potest tripliciter, scilicet, bona fide, mala fide, dubia fide

Res aliena acquiritur, & possidetur bona fide, quando ex ignorantia inculpabili credimus rem, quam acquirimus, vel possidemus, iusto titulo acquiri & possideri, licet in rei veritate res illa vel male acquiratur, vel male possideatur.

Res aliena acquiritur, & possidetur mala fide, quando eam vel falso titulo acquirimus, vel falso titulo possidemus, scientes rem illam vel male acquiri, vel inique possideri.

Res aliena acquiritur, & possidetur dubia fide, quando dubium probabile iugerit, locum esse timendi, ne res, quam acquirimus, vel possidemus, falso titulo acquisita fuerit, vel falso titulo possideatur.

Res aliena potest haberi vel in seipsa, vel in sui valore. Res habetur in seipsa, cum habetur res in sua natura, v. g. equus, liber, &c. Res habetur in sui valore, cum non habetur res in sua natura, sed habetur illius pretium, vel habetur res proprie conservata, quæ consumpta fuisset, nisi intervenisset usus rei alienæ.

## §. II.

*Qui & quot possint esse fructus unius & ejusdem rei?*

Fructus alii sunt naturales, alii industriales, alii mixti.

Fructus naturales sunt ii, quos res ipsa fert quasi sine ullo hominum labore, ut foetus animalium, arborum fructus, sylvarum, & pratorum germina.

Fructus industriales sunt illi, quos hominum profert industria, quasi sine ullo naturæ adjutorio, ut sunt fructus ex negotiatione percepti.

Fructus mixti sunt illi, qui æque ex industria hominum, quam ex germinatione rerum emanant, ut segetes, quæ serendo gignuntur, oleum, vinum, quæ non sine multa industria, istud ex uvis, illud ex olivis exprimitur.

## ARTICULUS II.

*De aequalitate, quæ reperiri debet in restitutione facienda.*

**Prop. unica.** In foro interiori restitutio debet solum fieri secundum damnum illatum proximo; sed in foro exteriori restitutio debet fieri, non solum secundum damnum illatum parti læsæ, sed secundum multam legitime inflictam a iudice.

**Prob. rat.** Restitutio in foro interiori debet reparare solum damnum illatum; in foro vero exteriori debet reparare culpam commissam: Ergo reus antequam sit condemnatus per iudicem, non tenetur restituere plus quam accepit; sed postquam condemnatus est, tenetur damnum solvere, & pœnam subire.

## Confessaria hujus Doctrinæ.

**Confess. 1.** Quamvis vita, honor, virginitas essent bona, quæ ablata nullam jure naturæ inducerent obligationem restituendi; tamen, post latam judicis sententiam, reus tenetur solvere quod præscripsit iudex, sive pro homicidio, sive pro mutilatione, sive pro deforatione, sive pro adulterio.

**Confess. 2.** Confessarius in foro interiori judicans, debet ad isthæc omnia attendere. I. An res ablata sit

fit sine pretio, ut vita hominis: an sit pretio æstimabilis, ut res in commercio hominum posita. 2. An sit certi pretii, ut fundus: an incerti, ut res, quæ consistunt in jure. 3. An sit sterilis, ut argentum: an frugifera, ut fundus, animalia. 4. An secum trahat lucrum cessans & damnum emergens, vel solam sui importet ablationem. Item attendat Confessarius, an qui debet restituere, sit possessor bonæ, vel malæ, vel dubiæ fidei; juxta enim illa omnia diversæ statuuntur regulæ, quibus restitutio ad æqualitatem reducitur.

### ARTICULUS III.

*De mediis, quibus restitutio reduci potest ad æqualitatem.*

*Prop. prima.* Ut restitutio fiat ad æqualitatem, & res quæ ablata est, & res quæ redditur, debent considerari in se, & in omnibus adjunctis, & juxta omnium illarum rerum circumstantias æstimari.

*Prob. rat.* Tunc restitutio fit ad æqualitatem, cum res ablata, & reddita, ad invicem comparata, æqualis sunt valoris apud homines, ut patet: Atqui sit sit æqualis valoris & res quæ ablata est, & res quæ redditur, debent in se & in adjunctis circumstantiis considerari, sit neutra aliam excedat: Ergo, cum sit restitutio, res quæ ablata est, & res quæ redditur, debent in se & in circumstantiis adjunctis æstimari, & ad æqualitatem reduci.

### Confessaria hujus Doctrinæ.

*Confess. 1.* Res, quæ sunt determinati pretii, ut pecuniæ; res omnes, quarum pretium fixum est a Republica; res, quæ sunt determinati numeri, ut oves mille, mille nummi, &c. determinata mensuræ, ut mille cadi vini, olei, &c. determinati ponderis, ut mille libræ plumbi, ferri, &c. debent primo restitui in eadem quantitate, secundo quantum fieri potest in eodem valore, ut sic res, quæ ablata est, & res, quæ redditur, non se excedant, sed ad perfectam æqualitatem reducantur.

*Confess. 2.* Res, quæ non sunt pretio æstimabiles apud homines, ut est vita, sanitas, integritas virginis,



honor, fama, debent ad aliquod pretium reduci ad arbitrium viri prudentis, & juxta illud pretium debet fieri restitutio parti læsæ. Arbitrium autem censetur prudens, quando vita, sanitas, honor, fama reducuntur ad idem circiter pretium, quod statuerunt judices infligentes mulctam parti læsæ attribuendam: atque ideo pro damno personali vitæ ablata, sanitatis alterata, virginitatis corruptæ, honoris læsi, famæ denigratæ; eadem circiter summa pecuniæ poterit exigi in foro interiori ab eo, qui læsit, ad quam judex eum damnaverit in foro exteriori, si actio illa deducta fuisset ad forum contentiosum; sic enim res, quæ ablata est, & res, quæ redditur, non censentur se excedere.

*Consect. 3.* Res, quæ sunt crescentis & decrescantis pretii, modo majoris, modo minoris emuntur, ut sunt res usuales, v. g. frumentum, vinum, oleum; res, quæ sunt materia artis, v. g. linum, lana, metalla, debent reddi juxta vulgare pretium, non ascendendo ad superpremium, nec descendendo ad infimum; eo enim pacto res ablata & reddita non se excedunt, sed, ut fieri potest, ad æqualitatem reducuntur.

*Consect. 4.* Res, quæ sunt voluntarii pretii, ut libri, picturæ, margaritæ, canes, si res similes haberi non possunt, debent reddi juxta pretium communius, quo ut plurimum emi, & vendi solent a cordatis hominibus; hoc enim pacto res ablata & reddita ad æqualitatem reducuntur.

*Consect. 5.* Res, quæ sunt frugiferæ, vel sponte sua, ut animalia fœcunda, qualia sunt oves, vaccæ, quales sunt etiam sylvæ, prata; vel quæ sunt frugiferæ partim ex natura, partim ex industria, ut fundus, qui aratur, & seritur: illæ, inquam, omnes res debent æstimari una cum fructibus, & valor tum rei, tum fructuum debet reddi deductis expensis; alias enim res non reducerentur ad justam æqualitatem.

*Consect. 6.* Res, quæ sunt in spe frugiferæ, ut arbores recens plantatæ, semina terræ mandata, merces negotiationi expositæ, animalia recenter nata, debent æstimari secundum probabilem earundem rerum utilitatem; tale enim damnum non oportet compensari ex æquo;

*æquo; quia minus est habere aliquid virtute, quam habere alicui,* inquit D. Th. 2. 2. q. 62. a. 4.

*Consect. 7.* Res, quæ sunt omnino steriles, ut res usuales, argentum, aurum, vinum, oleum, frumentum, si factæ sunt frugiferæ per industriam accipientis, debent æstimari secundum valorem, quem habent ex se, & non secundum utilitatem, quam ob industriam accipientis acquisierunt; res enim exacte ad æqualitatem reducuntur, si detur quod ablatum est, etsi non reddatur, quod per industriam acquisitum est.

*Consect. 8.* Res, quæ secum trahunt lucrum cessans, & damnum emergens, ut pecuniæ ablata negotiatori, instrumentum artis ablatum artifice, debent æstimari, non solum in se ipsis, sed etiam una cum lucris cessantibus & damnis emergentibus; alias non esset æqualitas inter rem ablatam, & redditam.

*Prop. 2.* Ut restitutio fiat ad æqualitatem, res ablata debet æstimari, non juxta utilitatem, quam lædens percipit, sed juxta detrimentum, quod læsus passus est.

*Prob. ratione.* Tunc restitutio fit ad æqualitatem, quando damnum illatum compensatur: Ergo in restitutione facienda non attendi debet emolumentum, quod lædens percipit, sed damnum, quod læsus patitur; solet enim plerumque evenire, ut lædens nihil lucri percipiat ex injusta sua actione, ut contingit in homicidio, stupro, adulterio, incendio.

### Consectaria hujus Doctrinæ.

*Consect. 1. De quantitate restitutionis propter lesionem corporalem.* Qui injuste occidit, mutilat, percutit, debet aliquid restituere, primo pro damno personali, deinde pro damno reali; alias enim restitutio non reduceret res ad æqualitatem, cum læsus & damnum personale, & damnum reale passus fuerit.

Damnum personale est ipsa vita ablata, membrum abscissum, vulnus inflictum: quæ omnia æstimari debent arbitrio viri prudentis, ut pro illis fiat restitutio.

Damnum reale est vel lucrum temporale cessans, vel damnum temporale emergens ob injustam illam

occisionem, mutilationem & percussionem : quod damnum pariter æstimari debet, ut pro illo pariter damno compensatio fiat.

Sic solvenda sunt non expensæ solitæ funeris, hæ enim evenissent, etiam si mors naturalis contigisset ; sed expensæ extraordinariæ funeris, si quæ factæ sint, expensæ factæ in curatione & medicamento vulnerati, vel occisi ; hæ enim damnum pariunt ex injusta actione emergens.

Sic rependenda sunt lucra, quæ homo occisus vel vulneratus, ex arte sua, vel suo commercio assecutus fuisset probabiliter ; tunc enim est lucrum cessans.

*Consect. 2. De quantitate restitutionis propter stuprum illatum.* Qui Virginem invitam & reluctantem vel vi, vel fraude defloravit, debet reparare & damnum personale, & damnum reale, & damnum honoris ; alias enim restitutio non reduceret res ad æqualitatem : ita D. Thom. 2. 2. q. 62. art. 2.

Damnum personale est ipsa viuginitas ablata injuriæ : damnum reale est lucrum temporale cessans, vel damnum temporale emergens ob talem deflorationem : damnum honoris est ipsa virginis & parentum diffamatio : hæc omnia æstimanda sunt, & juxta prudentium æstimationem compensanda.

*Sic pro virginitate erepta tenetur deflorator, inquit Sylvius, ad arbitrium prudentis viri, aliquid tribuere, ut se satisficiat pro injuria, nisi remissionem obtinuerit.* in 2. 2. q. 62. & Salmanatic. *In quocumque eventu debet confessorius, inquit, aliquam poenam pecuniariam violatoribus divitibus imponere virgini defloratæ solvendam.*

Sic pro damno reali, 1. Solvenda sunt a defloratore omnes expensæ necessariæ ad occultandam deflorationem, ad nutriendam & educandam prolem, si fœtus nascatur. 2. Solvendum est augmentum dotis necessarium, ut virgo deflorata æque decenter nubat, ac si hæc injuria ei violenter non illata fuisset.

Sic pro damno honoris ablati tum virgini, tum parentibus virginis, deflorator tenetur virginem a se corruptam, si non sit disparis conditionis, in uxorem ducere : aut si nolit virgo, aut ille sit longe superio-



ris conditionis, tenetur eam dotare; quia non potest aliter honoris illius reparare jacturam.

*Consect. 3. De quantitate restitutionis faciende propter adulterium.* Cum ex adulterio scitur certo secutam esse prolem, adulter & adultera tenentur ad restitutionem omnium damnorum realium, & ad reparationem injuriæ factæ parti læsæ, si ei hæc injuria innotuerit: alias enim restitutio non reduceret rem ad aequalitatem.

Dammum reale ex adulterio sequens est damnum illatum vel patri putativo, qui nutrit filium spurium, vel legitimis hæredibus, quibus substituitur spurius, quando ejus parentes non sunt pauperes.

Dammum personale est injuria illata adulteræ, si vi coierit, & injuria illata marito, si ipse resciverit adulterium, quamvis ipsa consenserit.

Sic reparanda est injuria tam marito, quam adulteræ illata; quia injuste ablati est honor: de quo ita Sylvius: *Etiam si ex adulterio non sequatur proles, ille, qui vim, fraudem, aut minas adhibuit, tenetur pro tali injuria satisfacere ad arbitrium viri prudentis. Si ex adulterio non sequatur proles, adulter & adultera tenentur satisfacere marito pro injuria, si ipse resciverit adulterium; si autem non resciverit, non tenentur; quia hæc satisfactio non est facienda, nisi per signa doloris, veniæ petitionem, quæ fieri non debent, quando hanc injuriam maritus ignorat: In 2. 2. q. 62.*

Sic adulter & adultera tenentur reparare omnia damna realia, quando secuta est proles: verb. g. 1. Adulter & adultera tenentur nutrire prolem, eamque educare. 2. Si proles spuria dotetur, vel hæres instituatur in damnum legitimorum hæredum, debent illud damnum reparare adulter & adultera. Singuli, inquit Sylvius, pro rata, uno autem deficiente alter in solidum obligatus est: quia uterque est illorum damnorum causa. Hæc conclusio, inquit idem Sylvius, debet intelligi, quando adulter & adultera invicem provocant. Alioquin si adulter adulteram provocavit, & ad adulterium induxit, ipse in solidum obligatur ad omnia damna, eo quod sit causa principalis -- ipso tamen deficiente, adultera tenetur in solidum; quia vo-

*luntarie fuit cooperata ad damnificationem. Sylvius.*

Adulter tenetur ex suis bonis satisfacere : adultera ex bonis paraphernalibus , si habeat, vel debet industria sua damnum compensare. 1. Diligentius administrando rem familiarem. 2. De cultu corporis detrahendo. 3. Spurium inducendo ad religionem , vel ad statum Ecclesiasticum , si idoneus sit. 4. Multis demum orationibus , & assidua pœnitentia Deum flectendo.

Dixi, si certo sciatur secutam esse prolem ex adulterio , obligatio est restituendi ; nam adulter & adultera ad nullam restitutionem tenentur , si moraliter certi sint prolem natam non ex adulterino concubitu provenisse : si dubitent cum fundamento , tenentur ad aliquam restitutionem ; res autem tamdiu est dubia , quamdiu non sunt certa argumenta contra suadentia , qualia essent , si maritus esset absens tempore conceptionis. Quamdiu res est dubia , filius non tenetur leviter credere matri asserenti eum esse spurium. Quod si mater in mortis articulo versata , & Ecclesiæ Sacramentis munita , nullo aliunde flagrans odio in filium , ei declararet eum esse spurium -- quamvis in foro externo semper præsumitur pro thoro , & filius pro hærede habeatur ; tamen filius in tam aperta & sincera matris confessione videtur obligari in conscientia , ut sese gerat , tamquam illegitimum.

*§. 4. De quantitate restitutionis faciende ob famam leam.* Ut restitutio famæ fiat ad æqualitatem , eadem fama debet reddi diffamato , quæ ei subtracta est : & damnum personale & reale , si quod creatum est , reparari ; alias non fieret ad æqualitatem , sicut in restitutione temporalium tanta summa restitui debet , quanta ablata est.

Sic , si falso proximum mendacem dixeris , debes eum declarare veracem ; si injustum asserueris , debes justum proclamare. Non sufficit ad reparationem famæ ablata narrare pœnitentiam ejus , qui diffamatus est ; quia narrando pœnitentiam , fama aliquando non reparatur , ut patet exemplo virginis desflorata , cujus fama non reviviscit , licet pœniteat. Ita Sylvius.

Sic, si diffamando proximum, tempore nocumentum ei attuleris: v. g. diffamando virginem, in causa sis, cur dos adaugenda sit, debes ipse dotem adaugere: si diffamando artificem, in causa sis, quod familiam nutrire non valeat, debes ipse familiam nutrire.

Sic, si proximum diffamando, injuste innocentem morti addici feceris, debes etiam cum vitæ propriæ dispendio innocentem a morte liberare; quia æquius est reum calumniatorem mori, quam innocentem perire.

Sic, si proximum diffamaveris calumniando, debes te calumniatorem declarare iis, ad quos pervenit calumnia; verbis, si calumnia facta sit verbis; scripto, si calumnia facta sit scripto.

*Consect. 5. De quantitate restitutionis faciendæ ob honorem læsum.* Ut restitutio honoris fiat ad æqualitatem, honor idem, qui ablati est, aut denegatus, debet reddi; quia alias non fieret ad æqualitatem.

Sic, qui ignoranter læsi honorem alterius, satisfacit, ignorantiam confitendo. Ita fecit Paulus, Act. 23. *Nesciebam fratres, quia princeps est Sacerdotum; addens statim, populi tui Principem non maledices.*

Sic qui *private* inhonoravit proximum, non exhibendo ei reverentiam, quam debebat, satisfacit debitam exhibendo reverentiam, v. g. salutando si omiserit salutationem, visitando si invisore omiserit.

Sic qui *positive* inhonoravit proximum, satisfacit vel per veniæ petitionem, vel per manifestationem amicitiae, prout opportunius iudicabitur; non enim ut plurimum decet, ut superior veniam petat ab inferiori in vulgaribus injuriis, ne, inquit Aug. Epist. 109. *dum nimia servatur humilitas, regendi frangatur auctoritas.* Tanta tamen potest esse injuria, ut non solum requiratur veniæ petitio, sed alia signa honoris, & submissio- nis adhibenda sint, non solum ab æquali, sed etiam a superiore.

#### ARTICULUS IV.

*De quantitate restitutionis faciendæ a possessoribus malæ fidei.*

*Prop. unica.* Ut restitutio reducatur ad æqualitatem, acceptor, & possessor malæ fidei tenentur & rem ipsam,



ipsam, & fructus rei nedum perceptos, sed etiam ex incuria neglectos, atamen a vero domino percipiendos; demum omne lucrum cessans, & omne damnum emergens reparare, siue possessor male fidei eo sit factus ditior, siue non, siue res ablata existant, siue non existant.

*Prob. primo ex jure canonico.* Mandamus, quatenus si vobis constiterit de præmissis, prædictum Archidiaconum ablata prænominati Monasterii fratribus cum integritate restituere, damna plenarie resarcire, & de illatis injuriis competenter satisfacere compellatis, provisiuri, ut non tantum fructus a novo & violento possessore perceptos, sed quos, si iis possidere fuisset licitum, possessores veteres percepissent, reddi faciat eisdem. De restitut. spoliatorum cap. gravis.

2. Ex jure civili. Domum, quam ex matris successione ad te pertinere, & ab adversa parte injuria occupatam esse ostendis, Præses Provinciæ cum pensionibus, quas percepit, aut percipere poterat, & omni causa damni dati, restitui jubebit: L. domum C. de rei vend.

3. Rat. Injustus acceptor & injustus detentor non potest aliter damnum illatum reparare: quippe cum rem alienam injuste acceperit, non potest eam detinere; & cum injuste detineat, non potest ejus fructus sibi attribuire, sed debet & rem & fructus rei vero domino reddere; quia res & domino clamat & domino fructificat.

### Confectaria hujus Doctrinæ.

*Confect. 1.* Qui accipit rem alienam injusta subreptione, v. g. occulte furando, vel palam rapiendo, tenetur & rem reddere, & omnia damna illata reparare; quia est injustus acceptor.

*Confect. 2.* Qui accipit rem alienam injusta donatione, v. g. hæres siue necessarius, ut filii, siue non necessarius, ut extranei, tenentur restituere bona omnia, & fructus bonorum, quæ ex hereditate obveniunt, si sciant esse injuste acquisita, v. g. fuito, rapina, usura; quia hereditatis aditio non dat jus ad bonum alienum: nemo enim transferre potest in alium plus juris, quam ipse habeat: quod adeo verum est, ut si quis hæ-

hæres crederet initio se accepisse hæreditatem, in qua nihil sit nisi iuste acquisitum, si tamen deinde advertat, esse aliquid iniuste acquisitum, debet reddere, quia cum sit successor universalis, unam & eandem personam facit cum testatore.

*Consect. 3.* Qui accipit rem alienam injusto contractu, v.g. emit mala fide rem furtivam, tenetur reddere rem furtivam una cum fructibus a vero domino percipiendis, nec potest pretium datum exigere a domino, sed solum a latrone; quia emptio facta mala fide non dat titulum: de quo ita sanctus Raymundus lib. 2. de raptoribus: *Quando quis mala fide emit, tenetur indistincte ad restitutionem, nec liberatur vendendo, vel alias rem alienando alteri, vel etiamsi res pereat morte, vel alio casu, vel sibi violenter auferatur, vel furtive subtrahatur, vel alio simili modo. Et hæc est ratio, quia furtum commisit, contrectando rem alienam invito domino, Et semper est in mora restituendi; unde nec pretium, quod dedit, poterit accipere ab illo, cujus est res, nec expensas, quas ibi fecit: Et omnem utilitatem, quam ex illa re habuit, tenetur restituere.*

*Consect. 4.* Qui rem alienam mala fide accipit aut possidet, v. g. furto, donatione injusta, contractu iniusto, si hæc res casu aliquo pereat, quo apud verum dominum non periisset, a fortiori, si pereat culpa iniusti possessoris, tenetur eam injustus possessor solvere domino; quia est injustus detentor: si vero æque periisset apud dominum, juxta Covarruviam, non tenetur solvere; quia si æque peritura erat, in hoc nullum damnum fecit domino.

*Consect. 5.* Qui rem alienam mala fide accipit, aut possidet, tenetur & omnes fructus perceptos extantes aut consumptos restituere; quia illi fructus domino clamant: tenetur etiam restituere omnes fructus percipiendos a vero domino, etsi ex negligentia non fuerint ab injusto possessore percepti; quia est causa injusta talis damni: denique debet omne lucrum cessans, & damnum emergens compensare; quia est causa illius nocimenti. Sic, si dominus, retenta sua re per culturam, per negotiationem accepturus fuisset centum florenos, etsi injustus possessor vel minus  
vel

vel omnino nihil perceperit, tenetur tamen centum florenos reddere. De fructibus vero, quos neque possessor male fidei percepit, neque verisimile est dominum percepturum fuisse, quamvis potuissent a diligentiori aliquo possessore percipi, probabile est, quod ante sententiam iudicis non teneatur in conscientia eos solvere: ita Sylvius.

*Consect. 6.* Qui rem alienam mala fide accipit aut possidet, tenetur eam una cum fructibus propriis expensis in manibus veri domini collocare, deductis tamen illis expensis, quas verus dominus fecisset; quia secus non repararetur damnum illatum proximo: aequitas enim postulat: ut qui damnum passus est, praestetur indemnitas, & qui damnum fecit, gravetur.

*Consect. 7.* Qui in ipso possessionis exordio bonam fidem habuit, & ex post facto in possessorem male fidei degeneravit, tenetur omnes restituere fructus, quos perixerante mala fide percepit, sicut & quilibet alius iniquus rei alienae possessor aut detentor; ab illo enim tempore est possessor male fidei.

*Consect. 8.* Qui initio mala fide accepit per errorem conscientiae, & postea, deposito errore conscientiae, videt se iustum habere titulum possidendi, poeniteat peccati, quod commisit possidendo contra conscientiam; sed non tenetur ad restitutionem, quia non possidet contra iustitiam.

## ARTICULUS V.

*De quantitate restitutionis faciendae a possessore bonae fidei.*

*Prop. unica.* Ut restitutio reducatur ad perfectam aequalitatem, acceptor & possessor bonae fidei non tenetur, durante bona fide, restituere rem alienam, neque fructus illius, sed potest & rem, & fructus rei, durante bona fide, alienare; consumere; sed cessante bona fide ante praescriptionis tempus tenetur & rem ipsam, quam habet, & totum illius rei, quod retinet, & id omne, in quo factus est ditior, restituere.

*Prob.*



*Prob. ratione.* Bona fides est iustus titulus acquirendi: ergo quamdiu durat bona fides, acceptor & possessor bonæ fidei potest de rebus alienis non secus ac de suis disponere, & ita absque onere restitutionis potest rem alienam vendere, dare, consumere, &c. sed cessante bona fide ante præscriptionis tempus res dignoscitur aliena: ergo hoc ipso tenetur & rem ipsam, & totum illius rei, quod retinet, & id omne, in quo factus est ditior, restituere, deductis expensis: alias enim injuste detineret alienam rem: tenetur rem restituere, quia res domino clamat: tenetur fructus restituere; quia res quavis domino suo fructificat: expensæ debent deduci; quia locupletari non debet aliquis cum alterius jactura.

### Confectaria hujus Doctrinæ.

*Confect. 1.* Si quis bona fide accipiat rem alienam, nesciens esse alienam, sive accipiat, quia ei gratis datur, vel quia ei venditur, potest de ea re & de eius fructibus quasi de suo disponere; quia est possessor bonæ fidei.

*Confect. 2.* Si quis bona fide consumat rem alienam usuaalem, nesciens esse alienam, & ipso usu non fiat ditior, ad nullam restitutionem tenetur; quia est consumptor bonæ fidei.

Sic manducans bona fide res furto subreptas, nesciens esse subreptas: utens bona fide vestibis subreptis, nesciens esse subreptas; si ob id rebus suis non pepercerit, ad nihil tenetur; si vero pepercerit, & aliquid lucrari fecerit, tenetur restituere lucrum perceptum & adhuc permanens.

Sic donatarius bonæ fidei, emptor bonæ fidei, non tenetur, 1. Rem donatam sibi, vel sibi venditam solvere, si consumpserit. 2. Non tenetur fructus naturales vel civiles ex re donata, vel emptæ provenientes, si consumpti fuerint; restituere.

*Confect. 3.* Si quis bona fide accipiat rem alienam, & advertat esse alienam re adhuc integra, hoc ipso tenetur eam reddere; quia alias detineret alienum.

Sic donatarius bonæ fidei, emptor bonæ fidei, hoc ipso quod advertit se detinere alienum, debet illud reddere tale, quale accepit.

Con.

*Consect. 4.* Si quis bona fide accipiat rem alienam, & re consumpta in se, sed remanente in valore, advertat se accepisse alienum, tenetur totum pretium illius rei reddere.

Sic, si donatarius vendiderit rem, quam dono acceperat, & pretium rei venditæ apud se habeat, tenetur non rem, quam non habet, sed pretium rei, quod habet, reddere.

Sic emptor bonæ fidei, qui vendidit rem furtivam pluris, quam emerat, non tenetur rem reddere, quam non habet, sed pretii excessum, quem habet, tenetur reddere.

## ARTICULUS VI.

*De quantitate restitutionis faciendæ a possessore dubiæ fidei.*

*Prop. unica.* Ut restitutio reducatur ad perfectam æqualitatem, possessor, qui initio fuit bonæ fidei, postea factus est dubiæ fidei, tenetur adhibere prudentem diligentiam, ut cognoscat, quisnam sit dominus verus rei, quam dubia fide possidet, & reddere eam vero domino hoc ipso, quod illum novêrit.

*Prob. ratione.* Dubium tollit bonam fidem, & facit iniquum possessorem; qui enim agit in dubio, peccat, quia se exponit periculo injustum detinendi, etiam si revera injustum non detineat: & peccat, quamdiu stante dubio non nititur verum inquirere dominum; qui enim amat periculum, peribit in illo. Ergo possessor dubiæ fidei tenetur adhibere prudentem diligentiam, ut cognoscat verum possessorem, & rem, quam dubia fide possidet, eidem reddere.

### Consectaria hujus doctrinæ.

*Consect. 1.* Qui bona fide accipiunt hæreditatem, quam putant juste partam, sive hæres sit necessarius, ut filius, sive non necessarius, ut extraneus; si postea dubitent, an delata hæreditas sit injuste parta, nec ne, tenentur diligenter inquirere dominum, eique restituere, quod injuste ablatum est.

*Consect. 2.* Emens bona fide, & postea dubitans, an res a se empti sit ablata, nec ne, tenetur inquirere verum dominum, & eique restituere.

*Consect. 3.* Cum initio possessio incepit a bona fide, & postea supervenit dubia fides, illis in casibus dubie fidei, si possessor adhibita diligenti inquisitione non possit verum dominum invenire, potest rem vel donatione acceptam, vel emptione acquisitam retinere, & fructus ejus facere suos, donec dubium magis elucidetur: immo potest eam vendere, modo emptorem pramoneat de dubio: nec tenetur ob solum dubium se spoliare, & rem alteri reddere; quia in dubiis melior est conditio possidentis, quando bona fide incepit possessionem.

*Consect. 4.* Qui dubitans rem esse alienam, tamen eam accipit, peccat mortaliter; quia agit in dubio, & tenetur diligenter inquirere, an vere furtiva sit: quo comperto, debet eam cum fructibus etiam conjunctis restituere illi, ad quem pertinet: neque potest eam tradere ei, a quo accepit; quia res domino clamat: ita Sylvius.

Si vero post diligentem inquisitionem remaneat dubium, tenetur cum eo, de quo dubitat, an sit ipse, plus minusve dividere pro quantitate dubii, & inclinationis, quam habet de illo, quod res ipsi debeat: & si sit persona notæ, suam partem ei tribuat; si ignotæ, pauperibus; ita Sylvius.

*Consect. 5.* Qui dubitat rem quampiam esse alienam, & tamen eam abripit per viam donationis, permutationis, emptionis, eo animo, ut veritatem inquirat, & cum constiterit esse alienam, eam suo domino tradat, non peccat; quia dominus non potest rationabiliter esse invitatus contra eum: potius ei beneficium facit, quam injuriam, cum alioquin ea res fortasse numquam esset ei restituenda; & tenetur veritatem inquirere, ut eam reddat domino; & interim potest eam retinere cum voluntate reddendi, quando constiterit esse alienam: ita Sylvius.



## CAPUT VII.

*Quo pacto debeat fieri restitutio.*

## ARTICULUS I.

*Cui persona debeat fieri restitutio.*

**Prop.** unica. In restitutione res ablata debet ei reddi, qui ex ablatione, vel detentione iniusta damnum patitur.

**Prob. 1.** Ex Scriptura. Luca 19. vers. 8. Zachæus --- protestatur se velle ei, quem læserit, compensationem excedentem exhibere: sic enim habet: *Ecce dimidium honorum meorum, Domine, do pauperibus: Et si quid aliquem defraudavi, reddo quadruplum:* Ergo restitutio facienda est ei, qui læsus est.

**2.** Ex D. Thom. 2. 2. q. 62. art. 6. *Qui habet ultra id, quod suum est, debet ei subtrahi, Et dari ei, cui deest, scilicet, iniuste ablatum, secundum formam commutativæ iustitiæ:* Ergo restitutio debet fieri ei, qui damnum passus est.

**3.** **Rat.** Restitutio eo tendit, ut damnum reparetur: Ergo res ablata debet reddi ei, qui ex iniusta ablatione, vel detentione damnum pateretur.

## Confectaria hujus Doctrinæ.

**Confect. 1.** In restitutione orta ex homicidio, mutilatione, percussione, pretium damni personalis debet dari læso; quia hic solus damnum ex homicidio passus est: & ita si obierit, debent pro illo fundi preces, offerri sacrificia: & si supervixerit mutilationi, & percussioni, pretium damni personalis illi dari debet.

Pretium damni realis debet dari læso, si supervixerit; quia hic damnum patitur: si obierit, dari debet suis hæredibus necessariis; quia hi damnum pati cipientur, cum sint una & eadem persona cum defuncto: immo debet dari hæredibus necessariis & creditoribus; quia homicidium istud est causa, cur illi hæreditatem sibi destinatam non optineant, & ceteri illi rem sibi debitam non acquirant.

**Confect. 2.** In restitutione orta ex adulterio, pretium damni realis debet dari illi, qui damnum patitur.

Pre-

Pretium nutritionis, & educationis debet dari illi patri putativo, qui infantem spurium sibi suppositum nutrit; quia non pater putativus, sed veri parentes debent nutrire filium. Pretium nutritionis dari debet Xenodochio, si Xenodochii expensis sustentetur; quia, ut optime monet Cajetan. *Bona hujusmodi hospitalium non in dictum, sed pauperum administriculum sunt; & quantum committitur a non pauperibus, tantum indigentibus committitur.* V. *Adulterium.*

Si filius spurius fuerit dotatus; aut hæres institutus ab eo, qui non est vere pater, in præjudicium legitime prolis, vel legitimi hæredis, pretium hæreditatis, aut donationis debet reddi vero hæredi; quia ille damnum passus est.

*Consect. 3.* In restitutione orta ex stupro, pretium virginitatis ablata, & honoris ablati debet dari virgini corruptæ: quia hæc damnum passa est: pretium vero dotis, quæ a parentibus adaugeri debuit ob stuprum violenter illatum, parentibus debet restitui in ea quantitate, juxta quam crevit dos ratione stupri.

*Consect. 4.* In restitutione orta ex diffamatione, fama debet restitui ei, a quo ablata est, & pretium damni realis facti ex diffamatione debet reddi diffamato: quia ille damnum reale patitur: & si damnum reale extendatur ad alios, puta, cum pater diffamatus ob diffamationem non potest aliquid lucrari, ut nutriet filios; tunc pretium damni realis debet dari pueris, qui damnum patiuntur ex illa patris sui diffamatione.

*Consect. 5.* In restitutione orta ex ablatione & detentione honorum temporalium, res ablata vel detenta debet reddi ei, a quo juridice exigi potest, etiam si non sit verus illius dominus; quia si ei res non redderetur, pateretur damnum, cum ab illo res exigi juridice posset.

Sic depositum reddi debet depositario; quia eius est illud custodire: pignus debet reddi creditori: quia ejus est in asservationem debiti: commodatum reddi debet commodatario, quia ejus est ad utrum: vestis laucianda est reddenda sartori, lintea lavanda lotori; quia ejus est quoad illum usum, & quia juridice procedendo, ab eis ea res ablata exigi potest, & tenentur eam reddere.

*Confess. 6.* In restitutione rei furtivae, acquisitae per emptionem vel donationem, res furtiva vel per emptionem, vel per donationem accepta, debet reddi vero domino; quia res domino clamat.

Sic qui emit mala fide rem furtivam, non potest eam retinere, non potest furi reddere; sed vero domino debet una cum damno emergenti restituere.

1. Non potest eam retinere, nec alieri dare aut vendere; quia aliena est.

2. Non potest furi reddere exigendo datum pretium; quia reddendo furi dominus re sua privatur, & particeps furtis fieret, qui eam in manibus furis poneret.

3. Debet eam vero domino reddere una cum suis fructibus, reparando lacrum cessant, & damnum emergens; quia res domino clamat, res domino fructificat.

4. Debet rem furtivam in manibus veri domini collocare suis expensis; quia participando furtum, debet poenam furto debitam subire.

Sic qui deb a fide emit rem furtivam a fure, stante dubio, debet verum dominum inquirere, & domino comperto rem reddere debet, nec datum pretium potest exigere a domino, sed solum a fure.

1. Emendo peccat, quia agit in dubio, nisi emeret eo fine, ut rem furtivam vero domino redderet; quia tunc negotium ageret illius, cui res ablata est.

2. Stante fide dubia debet verum dominum inquirere; quia dubia fides non dat titulum possidendi, sed imponit obligationem verum dominum inquirendi.

3. Non potest furi reddere; quia pro certo habet, quod non ad furem pertineat.

4. Non potest exigere pretium a domino, cui redditur; quia emens in dubio animo retinendi, potest tantum a fure pretium exigere, minime vero a domino, cujus negotium gerere nequaquam intendebat.

Sic qui emit rem furtivam bona fide, stante bona fide, potest de ea quasi de re sua disponere; sed cessante bona fide, non potest rem furtivam retinere, non potest eam vendere, vel dare, non potest furi reddere, ut ab eo exeat pretium; sed tenetur vero domino reddere, & pretium a fure exigere.



1. Stante bona fide, potest de ea re quasi de sua disponere; quia bona fides dat titulum possidendi.

2. Cessante bona fide, non potest rem furtivam retinere; quia non ejus est, nec ipsius reputatur, sed ut aliena haberi debet.

3. Non potest furi reddere; quia non pertinet ad furem. & quia dominus iuste exigit eam sibi reddi, & non furi; & si res deferatur ad iudicium, iudex jubebit eam reponi in manibus domini, & non in manibus furis.

4. Non potest exigere pretium a domino; quia nullum habet titulum, quin non emerit rem nomine domini, sed suo nomine.

5. Qui emit rem furtivam bona fide, eamque bona fide vendidit, si re a se vendita cognoscat eam esse furtivam, & habeat valorem rei vendite, debet rescindere contractum, exigere rem venditam ab emptore, reddendo ei perceptum a se pretium, & ipsam rem vero domino reddere: debet rescindere contractum; quia est invalidus, cum vendiderit rem non suam, sed alienam - - debet rem domino reddere: quia res domino clamat; sicuti qui dedit monetam adulteratam, debet falsam repetere, & dare bonam - - Si autem inique contrahente emptore, vel alio quocunque modo non possit recuperari res, debet extans illius pretium reddere.

*Consect. 7.* In restitutione facienda ignoto, mortuo, absenti; hæc sunt observanda. Quæcumque ex causa contingat restitutionem faciendam esse ignoto, mortuo, vel absenti: mortuo succedit hæres; quia hæres est una persona cum defuncto: ignoto omnino & simpliciter substituuntur pauperes: absenti nemo substituitur, sed absens debet admoneri, ut de re sibi restituenda disponat: ita D. Thom. 2.

2. q. 62. a. 5. ad 3.

Sic, si dominus, cui debebat fieri restitutio, obierit, inquirendi sunt hæredes, & eis debet bonum ablatum restitui juxta jus cujuslibet hæredis.

Si dominus sit ignotus in particulari, & non in communi, facienda est restitutio his, quibus probabiliter damnum illatum præsumatur: v. g. milites, qui urbem

vastaverant, tenentur restitutionem facere oppidanis: qui minutatim vendendo carnem, vinum, oleum fraudavit emptores, debet restituere illis, qui ad ejus officinam solebant accedere, considerans, qui plus minusve solitus esset emere: ita Sylvius.

Si dominus sit ignotus & in particulari, & in communi, post diligentem inquisitionem facienda est restitutio pauperibus, secundum judicium viri prudentis: *At enim si dominus sit vir probus, presumitur, inquit Sylvius, velle, ut illa bona data in elemosinam cedant in utilitatem spiritualem iuris: si sit malus, Republica censetur injustam domini voluntatem corrigere. Et ita bona illa pauperibus erogari, ut se cedant in bonum Reipublicæ.*

Quod si dominus aliquo tempore ignotus, postea compareat, ea quid opus facto. Si compareat post diligentem inquisitionem, pauperes monendi sunt, ut reddant, quod acceperunt, si non consumpserint, vel si eadem res in aliquo Xenodochio reperta fuerint. Si compareat, & diligens inquisitio non facta fuerit, ille, qui omisit talem diligentiam, debet restituere.

Si dominus, cui debetur restitutio, sit absens, is debet moneri, & isto pacto est procedendum. Si res restituenda absenti sit exigui momenti, & dominus tam remote distet, ut arbitrio viri prudentis censeatur ratum habendum a domino, quod res illa detur pauperibus, aut in pia opera expendatur, tunc danda est pauperibus.

Si res restituenda sit magni valoris, & mitti non possit nisi magnis sumptibus, debet mitti sumptibus eius, qui injuste accepit; quoniam ipse semper fuit in mora, & in causa iniqua, cur dominus rem suam non possideat. Si vero habeat rem sine injusta acceptione, puta, quia inventit, quia apud eum deposita est; debet mitti sumptibus domini, si dominus exigit eam sibi mitti; vel debet in loco tuto deponi, donec ea commodius reddi possit domino.

*Consect. 8.* In restitutione facienda de rebus inventis hæc sunt observanda. Res inventa, quæ non est primi occupantis, qualia sunt, quæ nullius sunt, & quæ non habentur pro derelictis a vero domino, sed quam  
verus

verus dominus præsumitur inquirere, reddenda est vero domino; quia res domino clamat: & si post diligentem inquisitionem verus dominus non compareat, pauperibus aut danda est, aut destinanda, deponendo eam in aliquo Xenodochio. Si inventor sit in extrema vel gravi necessitate, potest eam retinere, ut diximus, ubi de furto circa res inventas.

1. Si res inventa sit nullius, aut pro derelicto habeatur, potest retineri ab inventore; etenim ea est primi occupantis.

2. Si res inventa sit alicujus, qui eam non abjecerit, quin immo quarat, ei reddenda est; ad illum enim pertinet, qui eam nedum abjecit, sed etiam sollicite quærit.

3. Si dominus post diligentem inquisitionem non compareat, res danda est, vel destinanda pauperibus; præsumitur enim eam esse domini voluntatem, ut res perditæ convertatur in opera misericordiæ, ut profit ad salutem anime, cum non inservit ad bonum corporis.

a. Si inventor sit pauper, potest rem inventam, quæ pauperibus danda est, tamquam pauper retinere; quia ex eo quod invenerit, non est deterius conditionis, quam alii pauperes. Si tamen res magni sit pretii, habita ratione inventoris, debet eam aliis pauperibus communicare; solus enim ipse non totum jus habet ad rem inventam.

*Consect. 9.* De restitutione facienda circa res incertas, id est, quarum dominus ignoratur. In restitutione facienda circa res incertas hæc sunt observanda.

Si hæc bona incerta sint acquisita per contractus illicitos, v. g. per usuras, debent dari pauperibus: ita determinavit Alexander III. Cap. *cum tu De usuris*, ubi mandat, usuras his, a quibus extortæ sunt, vel eorum heredibus restitui, vel, his non superstitibus, pauperibus erogari: in hoc enim *Papa* sequitur sententiam Augustini relati canone. *Qui habetis* 14. q. 8. *Qui habetis*, inquit, *de malo, facite inde bonum*. Si bona incerta sunt acquisita mediis honestis, v. g. inventionem, dono, ubi apparent non esse nostra, danda sunt pauperibus, ubi diximus de rebus inventis.



## ARTICULUS II.

*Qualis ordo servandus, quando sunt plures, quibus fieri debet restitutio.*

*Prop. unica.* Quando debitor non potest omnibus & singulis creditoribus satisfacere, potest vero aliquibus, ille ordo servandus est. Illi prius fieri debet restitutio, qui intimius jus habet vel in re, vel ad rem.

*Prob. rat.* Ordo iustitiæ postulat, ut qui potior est in jure, prior etiam sit in accipienda solutione: Ergo illi prius debet fieri restitutio, qui habet jus intimius vel in re, vel ad rem.

## Confectaria hujus Doctrinæ.

*Confect. 1.* Quicumque habet rem alienam in specie, quocumque titulo habeat ante omnia rem illam alienam vero domino debet restituere; quia res domino clamat.

Sic res depositæ, res furto vel rapina occupatæ, si adhuc extant, sunt ante omnia restituendæ: quia huiusmodi res, ut notat Cajetan. non computantur inter bona restituentis; quia illarum dominium numquam fuit translatum in eum, qui eas occupat.

Sic res emptæ & possessæ, sed nondum soluta, si adhuc in sua specie extat, reddenda est illi, a quo emptæ est; quia, ut notat Cajet. licet translatum fuerit dominium in eum, qui emit; subjecta tamen manet ipsamet res emptæ obligationi, donec soluta fuerit, & censenda est quasi non fuerit inter bona emptoris.

Sic pignora extantia data ad assecurationem debiti, debent reddi soluto debito; quia pignoris dominium non translatum fuit in mutuo dantem.

*Confect. 2.* Prius solvenda sunt debita certa, quam incerta; quia debita certa jure naturæ debentur creditori, incerta vero jure positivo debentur pauperibus.

Sic si nocuisti Titio, teneris ei prius satisfacere, quam erogare pauperibus rem, quam invenisti, & cuius dominus est incognitus.

*Con-*

*Consect. 3.* Prius satisfaciendum est creditoribus realibus, quam personalibus, id est, his, qui habent actionem in rem, quam his, qui habent solum actionem in personam; quia jus in re intimius est, quam jus ad rem.

Sic si habes equum furtivum, qui a te bona fide emptus est, & quem daturum te Petro promissisti, debes equum illum prius restituere ei, a quo sublatu est, quam ei dare, cui a te promissus est.

*Consect. 4.* Prius solvenda sunt que debentur ex iustitia rigorosa, quam ea, que gratuito promittuntur; quia debitum est prius promissione; & quia nemo potest licite promittere ea, quae data cum eliciunt incapacem solvendi debita.

Sic si omnia tua bona vix sufficiunt ad satisfaciendum creditoribus: voluntarie promissisti te daturum centum florenos Titio, debes solvere prius debita, quam adimplere promissum.

*Consect. 5.* Inter creditores reales, privilegiatis, ut dicunt, prius satisfaciendum est, quam non privilegiatis; & inter creditores non privilegiatos, illis prius est satisfaciendum, qui priores sunt; quia qui prior est tempore, potior est jure, ut dictum est, ubi de hypotheca.

*Consect. 6.* Debita ex contractibus per se iustis, qui contrahentem faciunt ditiores, puta, contractus mutui accepti, emptionis &c. prius sunt solvendi, quam retinende sint usurae iniuste acceptae: si enim huiusmodi contractus iusti priores sunt tempore usuris iniuste acceptis, hoc ipso quod sunt priores, magis obligant contrahentem, quam restituende usurae; qui enim prior est tempore, potior est jure. Si vero praedicti contractus iusti superveiant usuris iniuste acceptis, magis iterum obligant contrahentem, quam restituende usurae iniuste acceptae; quia debita ex his iustis contractibus suscepta invito simpliciter domino retinentur: usurae vero quamvis iniuste acceptae, domino secundum quid consentiente, retinentur, nec pauperiorem faciunt contrahentem ad solvendas usuras minus potentem.

Sic usurarius vel ante, vel post usuras injuste acceptas, emit fundum, & non solvit pretium: post vero tactus dolore cordis, vult & usuras restituere, & pretium fundi empti solvere.

Si non potest singulis, quibus obligatur, facere factis, debet prius solvere pretium fundi empti, quam usuras injuste acceptas restituere; quia venditor jus habet intimius in bona usurarii, quam mutuarius.

*Consect. 7.* Debita ex contractu, qui contrahentem reddit pauperiorem, qualis est donatio, non sunt solvenda ante usuras reparatas, sed solum post usuras reparatas; quia mutuarius jus habet intimius in bona usurarii, quam donatarius; quia iste nihil damni passus est ab usurario, maxime vero mutuarius.

Sic si usurarius vel ante usuras, vel post usuras promittit aliquid, debet prius usuras reddere, quam promissis stare.

*Consect. 8.* In solutione & restitutione facienda servande sunt leges civiles, & municipales, quoties iuri naturae non adversantur; quia debent praestari ille leges latae ob publicam utilitatem: sic observanda sunt quae diximus ubi de hypotheca,

## ARTICULUS III.

### *De tempore quo debet fieri restitutio.*

**Prop.** unica. Quoad preparationem animi, statim restitutio decernenda est: quoad executionem, facienda est tempore congruo.

*Prob. 1.* Ex Scriptura. Ille qui conducit mercenarium, non potest differre restitutionem, juxta illud Levit. 16. *Non morabitur opus mercenarii tui usque mane apud te:* Ergo neque aliis restitutionibus faciendis potest fieri dilatio: ideo Abimelech restitutionem dare suo viro reddende non distulit, sed statim de nocte surgens tenuit omnes servos suos --- Et vocavit Alvanem, & addiditque illi Saram uxorem suam: Gen. 20. v. 8.

2. *Rat.* Non licet manere in peccato, etiam modico tempore, juxta illud: *Tamquam a facie colubri fuge pecca-*



*peccatum*: Ergo neque manere in animo non restituendi; quia animus non restituendi est peccatum, cum sit detentio rei alienæ invito domino, & præcepto negativo repugnet.

3. Præceptum restitutionis est secundum formam verborum affirmativum: *alienum restitues*; secundum sensum est negativum: *non detinebis alienum*: Ergo ut observetur præceptum restitutionis, *ad semper* & *pro semper* deponendus est animus non restituendi, & congruo tempore restitutio est exequenda; quia præcepta negativa obligant *ad semper* & *pro semper*; affirmativa vero obligant *ad semper*, sed non *pro semper*.

### Confectaria hujus Doctrinæ.

*Confect. 1.* Detentor rei alienæ tamdiu est in peccato, quamdiu non est in proposito sincero & efficaci data proxime occasione restituendi; quia restitutio est statim decernenda.

*Confect. 2.* Detentor rei alienæ potens restituere, & non restituens, non est absolvendus, quia est in statu peccati.

*Confect. 3.* Executio restitutionis debet fieri opportuno loco & tempore. Quod affirmativum est in præceptis negativis, prudenter est exequendum: *Non enim*, inquit Cajetanus, *oportet surgere media nocte ad restituendum, sed cum prudentia alium restituendi exercere, servando congruas circumstantias loci & temporis.* Abimelech autem etiam media nocte surrexit; erat etenim periculum incontinentiæ ex parte ipsius, quod promptissime erat removendum.

## ARTICULUS IV.

*Quandonam vel omnino omitti, vel ad tempus suspendi possit, & debeat restitutio necessario facienda?*

*Prop. univ.* Toties restitutio aut omnino omitti, aut saltem ad tempus suspendi potest, quoties imprudenter facta noceret spiritualiter vel ei, cui fieret,  
 N n 5 vel

vel ei, a quo fieret; & querenda media, quibus absque ullo nocumento spiritali fiat restitutio.

*Prob. 1.* Ex Script. Ex D. Paul. ad Rom. 3. Non sunt facienda mala, ut inde eveniant bona: ergo quantumvis preceptum restitutionis urgere videatur, non est facienda restitutio in his circumstantiis, in quibus noceret spiritualiter aut ei, cui fieret, aut ei, a quo fieret.

2. Ex D. Thom. 2. 2. qu. 62. a. 5. ad 1. ubi sic habetur: *Quando res restituenda apparet esse graviter nociva ei, cui restitutio facienda est, vel alteri, non ei debet tunc restitui; quia restitutio ordinatur ad utilitatem ejus, cui restituitur: omnia enim, que possidentur, sub ratione utilis cadunt. Ne tamen debet ille, qui detinet sic rem alienam, sibi appropriare, sed vel reservare, ut congruo tempore restituat, vel etiam alteri tradere tunc conservandam. Quod maxime debet intelligi, cum nocumentum est spirituale.*

3. *Rat.* Restitutio est actus virtutis moralis, scilicet iustitiæ: ergo debet regulari per rationem, quia virtus est recta ratio: debet etiam dirigi per charitatem: quia finis precepti est charitas: ergo toties potest, immo etiam debet omitti, aut suspendi, quoties nocitura est spiritualiter, vel ei, cui fieret, vel ei, a quo fieret: quippe & ratio, & charitas dicunt, tunc non urgere preceptum, quod sine detrimento spiritali observari non potest.

### Confectaria hujus Doctrinæ.

*Confect. 1.* Toties aut omittenda, aut suspendenda est restitutio, quoties res restituenda noceret ei, cui fieret, maxime si ei noceret spiritualiter: bonum enim spirituale proximi est preferendum bono temporali, quod ei ex restitutione posset evenire.

Sic non restituendus est liber hæreticus hæretico: liber lascivus impudico: argentum ei, qui illud consumpturus est ludis, commensationibus, impudiciis &c. tunc enim restitutio noceret spiritaliter ei, cui fieret.

Sic quando paterfamilias solet bona familiae dilapidare, restitutio non est facienda patrifamilias, qui

ea bona male consumit, sed uxori, quæ eadem bona in utilitatem familiæ impendit. Item quando Prelatus Ecclesiasticus bona Ecclesiæ in pravos usus infundit, non ei, sed pauperibus, quædam bona illa sunt, debet fieri restitutio. Item cum quis usus est bonis suis ad opprimendos innocentes, non ei restituenda sunt bona, quibus innocentes opprimat, sed alicui traenda, qui eis sancte utatur in bonum ipsiusmet possessoris: in istis tamen casibus ea cautela adhibenda, qua fiat, ut debitor bis idem solvere non obligetur.

*Consect. 2.* Tones aut omittenda est, aut differenda restitutio, quoties imprudenter facta nocet et spiritualiter restituenti; quia bonum nostrum spirituale preferendum est bono temporali proximi.

Sic si non potes restituere, nisi occultum tuum crimen detegendo, debes crimen tuum occultare, & interum per alium restituere: de quo ita D. Thom. 2. 2. q. 62. a. 6. ad 2. *Dicendum, quod homo, etsi non teneatur crimen suum detegere hominibus, tenetur tamen crimen suum detegere Deo in Confessione: et ita per Sacerdotem, cui confitetur, potest restitutionem facere rei alienæ.*

Sic si contra ordinem Juris prodidisti crimen proximi, verum quicquam, sed occultum; non potes famam restituere, nisi per mendacium, debes omnino a mendacio abstinere; & quantum poteris citra mendacium proximo satisficere: de quo ita D. Thom. 2. 2. q. 62. a. 2. ad 2. *Cum aliquis, inquit, prodit crimen alterius contra ordinem debitum, tunc tenetur ad restitutionem fame, quantum potest, sine mendacio tamen: utpote quod dicat si male dixisse, vel quod injuste eum diffamaverit; vel si non possit famam restituere, debet ei aliter recompensare, sicut in aliis dictum est.*





## TRACTATUS XVIII.

DE

## OCTAVO DECALOGI PRÆCEPTO.

**O**ctavum præceptum his verbis exprimitur : *Non loqueris contra proximum tuum falsum testimonium* : Exod. 20. v. 16. Hoc præceptum duo facit : unum jubet, & aliud vetat. Jubet, ut veritatem sectemur in communi colloquio, in judiciis, in patris, in doctrina. Vetat, ut omne mendacium fugiamus.

Jubet insuper, ut famam tum nostram, tum proximi illibatam servemus. Vetat vero, ne tantisper eam labefactemus. Itaque agemus de veritatis amore, & de odio mendacii, de cura boni nominis, & de fuga diffamationis,

## CAPUT I.

*De veritatis amore.*

## ARTICULUS I.

*Quando oporteat veritatem occultare aut manifestare?*

**N**ota 1. Quod veracitas est virtus, qua homo se talem exhibet exterius, qualis est interius.

Nota 2. Quod loquela, & silentium maximam prudentiam postulant; quia juxta Scripturam : *Tempus est tacendi, tempus est loquendi*. Tenemur veritatem tacere, dum nocet; manifestare, dum prodest. Liberum vero nobis est veritatem indifferentem aut manifestare aut occultare; ideo quo pacto gerere nos oporteat in veritatis manifestatione, aut occultatione, sequentibus expediemus.

*Prop. 1.* Homo non tenetur semper omnem veritatem præcognitam alteri manifestare; sed potest eam ali-

aliquando sapienter occultare, scilicet, quoties Jus habet eam occultandi.

*Prob. 1. Ex Script.* Totum spiritum suum profert stultus: sapiens differt, & reservat in posterum: Prov. 29. v. 11. Ergo sapientis est veritatem aliquando occultare.

2. *Ex August.* Verum occultavit Dominus, cum discipulis nondum idoneis dixit: Multa habeo vobis dicere, sed nunc non potestis portare illa. Et Apostolus cum ait: Non potui loqui vobis quasi spiritualibus, sed quasi carnalibus: Unde manifestum est non esse culpandum verum aliquando tacere: falsum autem dicere non videtur concessum esse perperis, super hæc verba: Perdes omnes qui loquuntur mendacium: Psal. 5. v. 6. Ergo &c.

3. *Rat.* Homo est dominus suæ cogitationis exteriorius exprimendæ: ergo non tenetur eam omnibus manifestare, sed tantum quando judicat prudenter eam esse manifestandam. Manifestare autem veritatem præcognitam est actus positivus, ut dicunt: Ergo non est in omni casu exercendus; quia præcepta affirmativa non obligant ad semper & pro semper, sed solum quoties ordo virtutis exigit.

### Consuetudina hujus Doctrinæ.

*Consuet. 1.* Quilibet homo potest in scientiis naturalibus ea, quæ labore suo cognovit, sibi secreta reservare, & iisdem pro libitu uti; quia jus habet utendi iis, quæ invenit studio suo. Sic Philosophus, Mathematicus, Medicus, &c. possunt sibi solis reservare secreta, quæ studio suo invenerunt; nec tenentur ea publici juris facere, nisi ita exigeret bonum universale: ita egisse videtur Jacob, dum non manifestavit Laban arcanum, quo sibi fœtus nascebantur unicolores, vel discolores; qui in pacificationem injunctam Laban præcaveret, ita omnia temperavit, ut & ipse sui laboris fructum acciperet, & Laban non penitus spoliaretur, inquit Hieron. in quest. Hebræica: secretum autem illud fuisse naturale concedit Hieronymus ibidem.

*Consuet. 2.* Quilibet homo potest ea occultare, quæ manifestata aut sibi, aut suis damnum aliquod positiva inducerent, aut lucrum aliquod impedirent; quia quilibet

quilibet habet jus præcavendi, quod sibi videtur nociturum.

Sic in bello ea, quæ ad impugnandos inimicos parantur, sunt eis occultanda. Unde inter cetera documenta rei militaris, hoc præcipue ponitur, de occultandis consiliis, inquit D. Thom. ne ad hostes perveniant: 2. 2. quæst. 40. art. 3. Ideo Josue occultavit insidias, quas paraverat contra urbem Hay.

Sic in mercandi exercitio non tenetur quis mercium vel penuriam vel abundantiam, quam solus cognitam habet, aliis pateracere; sed potest ea notitia uti, ut merces emat, qui scit brevi raras fore, aut eas vendat, quas novit brevi abundantes fore.

*Consect. 3.* Quilibet homo potest reticere veritatem, quoties ipsamet aut injus aut æquale damnum pateretur ex loquela, quam proximus ex silentio; quia ordo charitatis non exigit, ut magis amemus proximum quam nos ipsos.

Sic Abraham loquens de Sara partem veri dixit, scilicet, *foror mea est*, & partem tacuit, scilicet, quod coniux eius esset: Genes. 20: v. 2. & 12. Simile quid fecit Samuel: 1. Reg. 16. v. 5. ad duo venerat, scilicet, ad unguendum David, & ad sacrificandum; unctionem fecit. & sacrificium declaravit: *Ad immolandum Domino veni*. Idem præstitit Jeremias, dum totum colloquium, quod habuerat cum Sedechia, tacuit: Jerem. 33. v. 24.

*Consect. 4.* Quilibet homo potest etiam in donis supernaturalibus ea occultare, quorum manifestatio non judicatur aliis necessaria; ideo ait David Psal. 38. v. 8. *Obmutui, & humiliatus sum, & filius a bonis*.

*Prop. 2.* Homo tenetur præcognitam veritatem toties occultare, quoties ex veritatis manifestatione honor Dei & utilitas proximi contrarie fuotraherentur.

*Prob. 1.* Ex Scriptura. *Multa habeo*, inquit Christus, *vobis dicere, sed non potestis portare modo*. Quasi diceret: sed illa vobis non manifeste, quia honor Dei & utilitas vestra id modo non postulant.



2. Ex Greg. Magno. *Laudandi sunt simplices, quod studeant nunquam falsa dicere; sed admonendi sunt, ut noverint non nunquam vera retinere; sicut enim semper dicentem falsitas audit: ita non nunquam quibusdam audita veritas nocuit* ---- Sic ut fallaciam semper utiliter vitent; ita veritatem semper utiliter proferant: Pastor. parte 3. tituli n. 12. Ergo toties veritas debet occultari, quoties manifestata potest nocere.

3. Rat. Homo nihil potest agere, quod honori Dei vel utilitati proximi contrarietur: quia præceptum illud: *divinum honorem non retardabis, utilitatem proximi non impedies*, est negativum obligans ad semper & pro semper: Ergo oportet toties veritatem occultare, quoties ex ejus manifestatione sequeretur vel diminutio honoris divini, vel diminutio utilitatis proximi.

### Confessaria hujus Doctrinæ.

*Confess. 1.* Veritas est occultanda, quoties prævidetur deridenda ab audientibus; quia ita exigit honor Dei: ideo Christus ita Apostolos præmonuit: *Nolite dare sanctum canibus, neque mittatis margaritas vestras ante porcos*: idque exemplo suo ostendit; tacuit enim coram Herode, a quo veritatem spectum iri prævidebat.

*Confess. 2.* Veritas est occultanda, quoties excedit captum audientium; quia hoc exigit utilitas proximi, cui noceret circa veritates excedentes instrui: *Altiora te ne quæsieris*. Sic doctrinam suam temperabat Christus, qui dicebat discipulis: *Multa habeo vobis dicere, sed non potestis portare modo*; Joan. 16. v. 12.

*Confess. 3.* Veritas est occultanda, quoties ex veritatis manifestatione tumultus prævidetur secuturus; quia hoc exigit aut honor Dei, aut utilitas proximi: de quo ita D. Thom. *Si turbatio in fidei hominibus oriatur de confessione fidei manifesta, atque aliqua utilitate fidei, vel fidelium, non est laudabile in tali casu fidem publice confiteri*: 2. 2. q. 3. art. 2. ad 3.

*Confess. 4.* Veritas est occultanda, quoties ex veritatis manifestatione secutura est injusta denigratio

famæ proximi; quia charitas erga proximum exigit, ut ejus famam curemus: de hoc ita Sapiens: *Remove a te os pravum, & detrahentia labia sint procul a te: Proverb. c. 4. v. 24.*

*Consect. 5.* Veritas est occultanda quoties ex veritatis manifestatione sequeretur revelatio secreti naturalis, cum hanc revelationem non jubet vel bonum publicum, vel præjudicium tertii; quia fidelitas erga proximum postulat, ut arcana commissa occultentur: *Quæ ambulat fraudulentè, revelat arcana: qui autem fidelis est, celat amici commissum, inquit Sapiens, Proverb. 11. v. 13. & cap. 25. v. 9. Secretum extra-neo ne reveles.*

*Prop. 3.* Homo toties tenetur veritatem præcognitam manifestare, quoties id exigit ordo virtutis, seu ita postulant honor Dei promovendus, & utilitas proximo procuranda.

*Prob. 1.* Ex Script. ad Ephes. 4. v. 12. *Veritatem, inquit Paulus, facientes in charitate, crescimus in illo per omnia: v. 25. propter quod deponentes mendacium inquirimini veritatem unusquisque cum proximo suo, novimus sumus invicem membra: Ergo veritas est manifestanda, quoties id exigit ordo charitatis seu virtutis.*

*2.* Ex Chryl. sermo. *Veritatis proditor non solum ille habetur, qui transgrediens veritatem, palam mendacium pro veritate loquitur; sed etiam ille, qui non libere pronuntiat veritatem, quam libere pronuntiare oportet, aut non libere veritatem defendit: in Math. homil. 25.*

*3.* *Bat.* Tunc præcepta affirmativa urgent, quando ita exigit ordo virtutis; Ordo autem virtutis est, ut honor Dei promoveatur, & utilitas proximi procuretur: Ergo tunc manifestanda est veritas, cum ita postulant honor Dei promovendus, & utilitas proximi procuranda.

### Consectaria hujus Doctrinæ.

*Consect. 1.* Manifestanda est veritas, quoties per veritatis manifestationem virtus incrementum accipit, aut per ejus occultationem virtus damnum patitur; quia ita exigit ordo virtutis. Et ita non occultanda,

da, sed econtra manifestanda veritas est, cum per veritatis manifestationem docenda est fides, erigenda spes, fovenda charitas, defendenda religio, conservanda iustitia, aut aliquid explicandam, quod ad Evangelium pertineat. Exemplum huius veli habemus in Paulo dicente: *Non erubesco Evangelium*: ad Rom. I. v. 16. & rursus: *Væ mihi, si non evangelizavero*: I. Corinth. 9. v. 16.

*Confess. 2.* Manifestanda est veritas, quoties debita legitimis superioribus obedientia manifestationem præcipit veritatis, & occultationem veritatis vetat; quia ita exigit ordo virtutis. Et ita non occultanda, sed econtra manifestanda veritas est, cum ita jubet superior Ecclesiasticus vel politicus, vel domesticus, non propter privatum sui commodum, sed propter bonum commune: quapropter lapidatus est Acham, quia iussus a legitimo superiore, Josue scilicet, *veritatem* Reipubl. necessariam noluit prompte aperire, sed peccatum suum tunc solum confessus est, quando fors super ipsum cecidit: Jos. 7.

*Confess. 3.* Manifestanda est veritas, quoties bonum publicum vel Ecclesie, vel Reipublice manifestationem veritatis exigunt, & reticentiam veritatis prohibent. Et ita manifestanda est disseminatio occultorum errorum contra fidem, machinatio occulta contra religionem, occulta proditio contra Principem; sic Cusai remansit cum Absalon, ut machinationes Absalonis contra Dávid proderet: 2. Reg. 17.

*Confess. 4.* Manifestanda est veritas, quoties ex manifestatione veritatis secutura est liberatio innocentis, ex reticentia vero secutura est injusta condemnatio illius: sic Daniel innocentiam Susannæ contra duos calumniatores ostendit: Daniel 13.

*Confess. 5.* Manifestanda est veritas, quoties circa veritatem interrogamur secundum ordinem juris vel in foro contentioso per judicem tum politicum, tum Ecclesiasticum, quia ita exigit ordo virtutis: & ita illi tenentur dicere veritatem.

I. Pœnitens cum interrogatur a Confessario circa ea, quæ ad bonum spirituale ipsius conducunt.



2. Reus, cum interrogatur a iudice secundum ordinem juris, scilicet, cum adest semiplena probatio.

3. Testes, cum interrogantur circa ea, de quibus debent testimonium ferre.

*Prop. 4.* Quoties homo vult aliis suos conceptus vel verbo vel facto manifestare, ita debet esse sincerus, & candidus, ut nihil agat, aut dicat contra veritatem.

*Prob. 1.* Ex Script. *Veritatem tantum & pacem diligite*, ait Zach. 8. v. 19. *Propter quod*, inquit Paulus, *deponentes mendacium, loquimini veritatem unusquisque cum proximo suo; quoniam sumus invicem membra*: ad Ephes. 4. v. 25. Ergo homo ita sincerus esse debet, ut numquam laedat veritatem.

2. Ex Lactantio: *Est enim nefas eum*, id est Christianum, *qui veritati studeat, in aliqua re esse fallacem, atque ab ipsa, quam sequitur veritate discedere* ---- *Nec aliquando committet, ut lingua interpret animi a sensu & cogitatione discordet*: lib. 6. c. 18.

3. Rat. Div. Thom. *Dicendum quod quia homo est animal sociale, naturaliter unus homo alteri debet id, sine quo societas humana servari non posset. Non autem possent homines ad invicem convivere, nisi sibi invicem crederent, tamquam sibi invicem veritatem manifestantibus; & ideo virtus veritatis aliquo modo attendit rationem debiti*: 2. 2. quest. 109. art. 3. ad 1. Et ita cum homo alteri vult suos conceptus manifestare, ita debet esse sincerus & candidus, ut nihil agat contra veritatem.

### Confectaria hujus Doctrinæ.

Homo tenetur in omnibus, præcipue in sequentibus casibus, veritatem sectari.

1. In communibus colloquiis, sive de rebus necessariis, sive de rebus indifferentibus loquatur; alias periret omnis colloquiorum fiducia.

1. In omnibus actibus forensibus, sive sententiam pronuntiet, ut iudex; sive testimonium ferat, ut testis; sive aggrediatur, ut actor; sive se defendat, ut

reus : quia alias periret omnino iustitia , si in foro liceret mendaciis proximum opprimere.

3. In omnibus pactis & conventionibus , quibus ineuntur contractus ultro citroque obligatorii ; quia alias periret omnino commercium , si contrahentibus liceret sese mutuis dolis decipere.

4. In docendi exercitio ; quia alias magis noceret , quam prodesset docendi exercitium , si licitum esset Doctoribus discipulos falsa edocere.

In prædictis casibus tantus esse debet sinceritatis amor , ut ab æquivocatione & restrictione mentali abstinendum sit : quod ut magis pateat , sit

## ARTICULUS II.

### De Æquivocatione & Restrictione mentali.

Æquivocatio generatim est pravus usus terminorum , qui destinantur ad exprimendos mentis conceptus.

*Æquivocatio est duplex : verbalis , & mentalis.*

Æquivocatio verbalis fit , cum verba ambigua sumuntur in uno sensu a proferente , & in alio sensu ab audiente , intentione fallendi audientem : ut si de gente Gallus interrogatus , an sit Gallus , nec ne ? respondeat se non esse Gallum , id est pullum gallinaceum.

Æquivocatio mentalis est , cum verba , quæ unum & simplicem sensum patiuntur , per tacitam restrictionem aut reservationem in mente factam commutantur a loquente in sensum plane diversum : ut si Sacerdos interrogatus , an sit Sacerdos ? respondeat , se non esse Sacerdotem , subintelligendo Jovis , aut Balaam , aut alterius falsi Dei : interrogatus , an sit Rex in urbe ? respondeat , ita est , subintelligendo in sui imagine.

*Prop. I.* Quando verba sunt clara , & non ambigua , tum in se , tum ratione circumstantiarum , æquivocationes verbales , & restrictiones mentales sunt illicitæ.

*Probat. 1. Ex Script. Qui sophisticè loquitur, odibilis est: Eccl. 37. v. 23. quippe, ut ait Augustin. in Enchirid. cap. 17. Usque adio rationalis natura refugit falsitatem, & quantum potest devitat errorem, ut falli nolint etiam quicumque amant fallere.*

*2. Ex Augustin. Verba propterea sunt instituta, non per quæ invicem homines fallant, sed per quæ in alterius quisque notitiam cogitationes suas perferat: verbis ergo uti ad fallaciam, ut sit in æquivocatione & restrictione mentali, non ad quæ constituta sunt, peccatum est: in Enchirid. cap. 22.*

*3. Ex Fromacio anno 400. Dominus inter juramentum & loquelam nostram nullam vult esse distantiam; quia sicut in juramento nullam convenit esse perfidiam; ita quoque in verbis nostris nullum debet esse mendacium: Can. Juramenti hac causa: Ergo sicuti perjurium est peccatum, ita æquivocatio & restrictio mentalis.*

*4. Ex Clero Gallic. Æquivocatio & restrictio excusari non possunt exemplo alicujus Sancti; tum quia, ut ait Aug. lib. contra mendac. cap. 9. Non omnia quæ a sanctis, vel justis viris legimus facta, transferre debemus in mores; tum quia damnata est ista propositio a Clero Gallicano anno 1700. Patriarchæ, & Prophætæ, Angeli, ipse Christus, nedum viri justi & sancti æquivocationibus, sive amphibologiis, & restrictionibus mentalibus uti sunt.*

*5. Rat. Explicatio facta cum æquivocatione verbali & restrictione mentali, 1. Opponitur enuntiationis fini, qui est manifestare, quod habemus in mente. 2. Provenit ex intentione fallendi, cum opinionem veritati contrariam alterius animo nitatur ingenerare. 3. Omnem inter homines societatem dissolvit, cum, permixta æquivocatione, & restrictione, futuri simus semper inscii, an homines ita sentiant, ut loquuntur: Ergo & æquivocatio verbalis, & restrictio mentalis sunt peccata.*

### Confectaria hujus Doctrinæ.

*Confect. 1. Non est utendum æquivocatione vel restrictio-*



frictione, cum nulla subest causa, nisi sola voluntas, vel recreatio; quia damnata est hæc propositio ab Innocentio XI. & Clero Gallicano: *Si quis vel solus, vel coram aliis, sive interrogatus, sive propria sponte, sive recreationis causa, sive quocumque alio fine, juret se non fecisse aliquid, quod revera fecit, intelligendo intra se aliquid aliud, quod non fecit, vel a.iam viam ab ea, in qua fecit, vel quodvis aliud additum verum, revera non mentitur, nec est perjurus.* Ergo per æquivocationem & restrictionem committitur semper mendacium; & si interveniat juramentum committitur perjurium, ut definit Papa, & Gallicani Præsides.

*Consect. 2.* Non est utendum æquivocatione vel restrictione mentali, cum subest sola utilitas vel corporis curandi, vel honoris tuendi, vel rei familiaris conservandæ; quia damnata est sequens propositio: *Causa justa utendi his amphibologiis est, quoties id nec. jarium, aut utile ad salutem corporis, bonorum, vel familiares tuendas, vel ad quælibet alium actum virtutis, ita ut veritatis occultatio censeatur tunc expediens & studiosa.*

*Consect. 3.* Non est utendum æquivocatione vel restrictione mentali, cum a nobis exigitur juramentum autoritate publica; quia damnata est sequens propositio: *Qui, mediante commendatione, vel munere, ad magistratum, vel officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis; quia non tenetur fateri crimen occultum.*

*Consect. 4.* Non est etiam utendum æquivocatione vel restrictione mentali, cum interrogamur a legitimo superiore, etiam extra rigorem juris, & non exacto a nobis juramento: quia si in communi colloquio non liceat proximum æquivocationibus & restrictionibus fallere, a fortiori nec superiorem.

*Prop. 2.* Quando verba sunt aut in se ipsis, aut ex circumstantiis ambigua, tunc proferens potest ea sumere in eo sensu obvio, licet audiens ea recepturus sit in alio sensu obvio diverso ab eo, in quo sumuntur

tur a proferente, modo proferens, iustam causam habeat reticendi eam veritatem, quæ occultatur audienti.

*Prop. 1. Ex Script.* Hæc vox *soror*, juxta Orientales, in sensu obvio duo significat, & eam quæ ex eodem patre, vel eadem matre nata est, & eam, quæ nobis aliqua cognatione juncta est. Abraham dicens Saræ: *Dic obsecro, quod soror mea sis*, non est mentitus juxta Augustin. Enchyrid. c. 17. licet Abraham sumeret hanc vocem *soror* in uno sensu, audientes in alio: Ergo absque mendacio possumus sumere verbum ambiguum in uno sensu obvio, licet audiens sit accepturus in alio.

2. Ex Aug. lib. contra mendacium c. 17. In istis duobus casibus non est mendacium: *Sive ubi tacetur verum nec dicitur falsum; sive ubi significatio verax aliud ex alio vult intelligi: quod genus figuratorum, vel dictorum, vel factorum abundat in Prophetis*: Ergo non sum mendax, etsi verum taceam, & quamvis utar vocibus ambiguis diversa significantibus, etsi summam ea verba ambigua in uno sensu, & is, cui loquor, in alio.

3. *Rat.* Quando verba sunt ambigua, & in usu hominum diversa significant, potest eis quilibet uti juxta significationem obviam & sibi opportunam; jus enim habet: Sicuti quando res est publica, potest ea uti juxta utilitatem sibi opportunam, & convenientem, v. g. sitiens utitur aquis ad bibendum, dum alius eisdem utitur aquis ad lavandum corpus: Ergo & potest proferens uti termino juxta unam significationem obviam, dum audiens sumit eundem terminum juxta aliam significationem obviam.

Sic Athanasius interrogatus a satellitibus: an inde longe abesset Athanasius: respondit eum non longe abesse, & ita illos contrarium cursum tenentes effugit. Athanasius sumebat vocem illam *longe* in uno sensu, satellites vero in alio.

Sic Eliseus a Syriæ militibus, an hæc esset civitas, in qua erat Eliseus, dixit ad eos: *Non est hæc via, neque ista est civitas, sequimini me, & ostendam vobis virum quem queritis* - Duxit ergo eos in Samariam.

4. Reg. 6. v. 9. Hæc integra phrasis sumebatur in uno sensu ab Elisæo, in alio vero a militibus non habentibus jus interrogandi.

*Prop. 3.* Quando verba sunt ambigua aut in seipsis, aut in circumstantiis, tunc proferens debet ea sumere in eo sensu, in quo audiens ea recepturus est, si interveniant vel conventio, vel juramentum, vel proferens teneatur impedire aut ex charitate, aut ex justitia, ne proximus decipiatur per hæc verba ambigua.

*Prob. I.* Ex Script. *Non mentiemini, nec decipiet unusquisque proximum suum:* Lev. 19. v. II. id est, ut exponit Menochius, non negabitis veritatem in deposito, credito, aliove quovis contractu, aut debito: Ergo non licet uti verbis ambiguis in alio sensu, quam sumantur ab audiente, cum intervenit vel simplex conventio, vel conventio juramento firmata, vel obligatio impediendi, ne proximus verbis ambiguis decipiatur.

2. Ex August. lib. de conflictu vitiorum & virtutum cap. 19. can. *Nec artificioso*, ubi sic habetur: *Nec artificioso mendacio, nec simpliciter verbo oportet decipere quemquam: quia quolibet artis modo mentitur, os quod mentitur, occidit animam:* Ergo non licet artificiose uti verbis ambiguis ad decipiendum proximum in prædictis casibus.

3. *Rat.* Quoties intervenit vel conventio simplex, vel conventio juramento firmata, vel obligatio impediendi, ne proximus verbis nostris decipiatur, toties proximus juste præsumit, nos ad mentem ipsius interrogantis responsuros: Ergo in illis casibus non licet uti verbis ambiguis sumendo ea in uno sensu, dum proximus sumit in alio.

*Consect.* unicum. Numquam licet contrahere cum æquivocatione, jurare cum æquivocatione, docere cum æquivocatione, testari cum æquivocatione; quia in his casibus omnis ambiguitas fugienda est.

*Prop. 4.* Quando jocosè loquimur, & jocus noster audientibus obvius est, tunc possumus sumere verba contra sensum obvium sine mendacii vitio.

*Prob. I.* Ex Script. Joseph absque mendacio juxta



Interpretes ironice & jocosè alloquebatur fratres suos: *Cur sic agere voluistis? an ignoratis, quod non sit similis mei in augurandi scientia?* (Gen. 22. v. 15. Ergo licet absque peccato aliquando jocosè loqui exemplo Joseph. Quod si contenderet quis Joseph esse mentitum, tunc factum illud non esset imitandum.

2. Ex Aug. *Cum autem quæ non sunt, tamquam joco dicuntur, non reputantur mendacia:* in lib. q. Gen. c. 44. q. 145.

3. Ra. Tunc non est mendacium, quando audiens ex modo loquendi intelligit, nos aliter sentire quam loquimur.

Concl. unicuique. Cum advertimus his, quæ jocosè dicimus, proximum nostrum decipi, statim corrigendus est sermo noster; vetat enim charitas, ut proximum nostrum decipi permittamus.

## CAPUT II.

### De Mendacio.

## ARTICULUS I.

*An Mendacium sit semper illicitum?*

**M**endacium est vitium, quo homo aliter se exhibet exterius, quam sit interius.

*Prop. unica.* Mendacium semper & in omni casu est peccatum.

*Prob. I.* Ex Scriptura. *Mendacium fugies:* Exod. c. 23. v. 7. *Non mentiemini, nec decipiet unusquisque proximum suum:* Lev. 19. v. 11. *Propter quod deponentes mendacium loquimini veritatem unusquisque cum proximo suo:* Ephes. 4. v. 15. *Nolite mentiri invicem:* Coloss. c. 3. v. 9. Ergo mendacium est semper & in omni casu prohibitum.

2. Ex Iactantio an. 217. *Numquam mentiendum est; quia semper nocet, aut fallit:* Epit. c. 6.

3. Ex Aug. *Libet itaque discussis omnibus nihil aliud, illa testimonia Scripturarum monere, nisi numquam esse omnino mentiendum:* Lib. de Men. c. 21.

4. Rat. Mendacium multas includit deformitates.

1. Nocet mentienti; quia spoliatur mendacem omni au-

authoritate & fide, & inhabilem reddit ad officia tum christiana, tum civilia. *Melior est pauper, inquit Scriptura, quam vir mendax*: Prov. 19. v. 22.

2. Proximo non parum officit; quia eum falsitate inbuit: falsitas enim est malum mentis; veritas autem e contra est bonum mentis.

3. Reipublicæ obest; quia bonum Reipubl. consistit in mutuo hominum commercio, quod utique tollitur, si mutuis nos mendacis decipiamus, & aliter quam sentimus mente, verbis loquamur.

### Confectaria hujus Doctrinæ.

*Consect. 1.* Simulatio, adulatio, hypocrisis, jactantia, sunt peccata; quia vel sunt mendacia, vel includunt mendacium: non sunt tamen æqualis deformitatis; quia non æqualiter Deum offendunt, nec æqualiter proximo, vel Reipublicæ nocent.

Mendacium jocosum, officiosum, & perniciosum sunt peccata; quia ex Augustino, & D. Thom. sunt species mendacii: non tamen æqualis sunt deformitatis; quia non æqualiter offendunt Deum, nec æqualiter nocent vel proximo, vel Reipublicæ.

Mendacium jocosum est illud, quod nulli nocet, sed delectandi causa dicitur; & hoc est peccatum veniale, inquit Cajet. verbo *Mendacium*. Tale fuit mendacium Saræ negantis se risisse.

Mendacium officiosum est illud, quod sine ullius injuria dicitur, ut alicui profit; & hoc est peccatum veniale, ait Cajet. Tale fuit mendacium obstetricum Ægyptiarum, quæ mentiebantur Pharaoni, ut infantulos Judæorum conservarent: Exod. c. I. v. II. Item mendacium, quo Rahab exploratores liberavit, dicens: *Cum porta clauderetur in tenebris, & illi pariter exierunt - persequimini cito, & comprehenditis eos*: Josue c. 2. v. 5.

Mendacium perniciosum est illud, quod injuriosum, aut nocivum est aut Deo, aut homini, & hoc est mortale ex suo genere: ita Cajet. Tale fuit mendacium Diaboli tentantis primos parentes. *Dixit autem serpens ad mulierem: nequaquam morte moriemini*: Gen. 3. v. 4.

*Consect. 2.* Simulatio est peccatum; quia est mendacium consistens vel in facto solum, vel in facto simul

& verbo, quibus exterius exprimitur aliquid aliter, quam sit in mente. Simulationem Scriptura ita vituperat: *Simulator ore decipit amicum suum; iusti autem liberabuntur scientia*: Prov. II. v. 9. Talis fuit simulatio Ablalon, qui sinxit iter in Hebron, ut sacrificaret Domino; & tamen mente meditabatur concitare populum in patrem David: 2. Reg. 15. v. 6.

*Consect. 3.* Hypocrisis est peccatum; quia est mendacium consistens vel in facto solum, vel in facto simul & verbo, fingendo exterius sanctitatem fictam & simulatam: quippe hypocrisis est mendacium, quo quis simulat personam iusti vel iustioris, a quo nos deterret Scriptura dicens: *Ne fueris hypocrita in conspectu hominum*. Eccles. I. v. 26. & Christus: *Vae vobis, hypocrite*. Talis erat hypocrisis Phariseorum, qui festucam in aliis videbant, & in se trabem non attendebant; qui quod erat de foris mundabant, minime vero quod intus erat: Luca 6. v. 41.

*Consect. 4.* Adulatio est peccatum; quia est mendacium partim in facto, partim in verbo consistens, quo excedimus in laude, vel complacentia erga proximum. De hoc ita Scriptura: *Melius est a sapiente corrigi, quam stultorum adulatione decipi*: Eccl. 7. v. 65. Talis fuit adulatio Judæorum erga Herodem: *Populus autem acclamabat: Dei voces, & non hominis*: Act. 12. v. 22.

*Consect. 5.* Jactantia est peccatum; quia est species mendacii, qua quis jactat & extollit se supra id, quod habet. *Laudet te alienus, & non os tuum: extraneus, & non labia tua*, ait Sapiens, Prov. 27. v. 2. Talis fuit jactantia Goliath contra David 1. Reg. 17. v. 8.

*Consect. 6.* Ironia est peccatum; quia est species mendacii, quo quis affingit sibi defectus, quos non habet; vel negat de se dotes, quas habet. *Est qui nequiter se humiliat, interiora eius plena sunt dolo*, ait Eccles. 19. v. 23. Cum humilitatis causa mentiris, inquit Aug. si non eras peccator antequam mentireris, mentitatio efficeris - nam quomodo est humilitas, ubi regnat falsitas? Sermon de verbis Domini 182. alias 29.

*Consect.*



*Consect. 7.* Nulla est occasio, in qua mentiri liceat, ut vel nobis, vel proximo bona vel spiritualia, vel temporalia conferamus: Aug. lib. contra Mendacium 29. sicuti non est furandum ad dandam eleemosynam; *quia non sunt facienda mala, ut eveniant bona.* Ideo dicit Eccles. cap. 7. v. 14. *Noli velle mentiri omne mendacium: assiduitas enim illius non est bona.*

Et ita non licet mentiri

1. Pro conservanda vita hominis breviter morituri: v. g. moriturus est pater ægrotans, si ei annuntietur mors filii defuncti, dicendo contra veritatem: filius tuus non est mortuus: Aug. ibid. c. 18.

2. Pro conservanda vita innocentis inique conquesti ad mortem; sed dicendum: nec prodam, nec mentiar: Augustin. ibid. cap. 13.

3. Pro conservanda pudicitia involuntarie perdenda; quia castitas mentis, quæ servatur illæsa per veritatem, est præstantior, quam castitas corporis, si servetur intacta per mendacium: Aug. ibid. c. 7.

4. Pro æterna salute alicujus procuranda: ut obtineam per mendacium licentiam baptizandi puerum sine baptismo moriturum; sicuti non est mæchandum, ut baptizetur infans, ita nec mentiendum; Aug. ibid. c. 20. *Ad sempiternam vero salutem nullus ducendus est opitulante mendacio.*

5. Pro detegendis hæreticis Ecclesiam devastaturis, vel devastantibus. Sicuti non licet castitatem perdere, ut detegas hæreticum; ita nec veritatem: August. ibidem cap. 7.

6. Pro detractione reparanda. Si detraxeris, detegendo crimen verum, sed occultum, non potes dicere te mentitum; quia mendacium est malum: ita D. Thom. 2. 2. qu. 62. art. 2. ad 2. *Potest aliquis famam alicui auferre, verum dicendo, sed injuste: puta, cum aliquis prodit crimen alterius contra ordinem debitum, Et tunc tenetur ad restitutionem famæ, quantum potest, sine mendacio tamen, utpote quod dicat, se male dixisse, vel quod injuste diffamaverit.*

TRACT. XVIII. CAP. II.  
ARTICULUS II.

*Quandonam mendacium sit peccatum mortale*

**P**rop. unica. Toties mendacium est peccatum mortale, quoties opponitur non solum veracitati, sed insuper contrariatur virtuti ad salutem absolute necessariae, v. g. fidei, spei, charitati, iustitiae, religioni, bono publico; vel si mendacium cum scandalo, aut iuramento coniungatur.

**Prob. I.** Ex Script. Perdes omnes, qui loquuntur mendacium: Psal. 5. v. 7. scilicet, perniciosum, ut explicat Augustin. in istum Psal. *Omnibus mendacibus pars illorum erit in stagno ardenti & sulphure, quod est mors secunda*: Apoc. 21. v. 8. Ergo cum mendacium perniciosum mortem aeternam mereatur, debet esse peccatum mortale.

**2.** Ex D. Thom. 2. 2. q. 110. a. 4. in corp. ait: *Mendacium, quod non solum opponitur virtuti veritatis, sed etiam virtuti fidei, & Religionis, idem dicitur de aliis virtutibus ad salutem omnino necessariis, hoc mendacium est gravissimum & mortale.*

**3.** Rat. Toties actus legi difformis peccatum est mortale, quoties opponitur mediis ad salutem obtinendam simpliciter necessariis; quia grave peccatum est pracludere sibi viam regni coelestis: Ergo mendacium erit mortale, quoties opponetur praedictis virtutibus, quae sunt ad salutem consequendam omnino requisitae.

Confectaria hujus doctrinae.

**Consect. I.** Mendacium contrarium fidei, cujus veritatem aliquis tali mendacio occultat, vel corumpit, ut loquitur Div. Thom. est mortale; quia opponitur virtuti Theologicae.

Sic docere aliquid contra fidem est peccatum mortale. Tale est mendacium eorum, qui haeticorum perversa dogmata disseminant.

Sic docere aliquid contra bonos mores est peccatum mortale. Tale est mendacium Caluistiarum, qui ex privatis affectibus vel severiorem, vel laxiorem do-

tri-

Grinam tradunt. contra illud Scripturæ: *Ve qui dicitis bonum malum, & malum bonum*: Isaia 5. v. 20.

*Consect.* 2. Mendacium contrarium spei, quo quis vel desperationem, vel præsumptionem inducit, est peccatum mortale; quia opponitur virtuti theologicæ. Tale est mendacium eorum, qui falso asserunt, Deum non parciturum poenitentibus, quia est iustus; aut non puniturum impenitentes, quia est misericors.

*Consect.* 3. Mendacium contrarium charitati vel erga Deum, vel erga proximum, quo Deus vel proximus injuriam gravem patitur, est peccatum ex suo genere mortale; quia opponitur virtuti theologicæ.

Sic in sequentibus actibus mendacium est peccatum mortale.

1. Adulatio contra charitatem Dei, qua vitium laudatur, probitas vero vituperatur: de quo ita Psalmista: *Laudatur peccator in desideriis anime suæ, & iniquus benedicitur*. Talis erat adulatio Judæorum Christi Religionem infestantium, ut adularentur Cæsari. *Hæ omnes, id est Christiani (ajebant,) contra decreta Cæsaris faciunt, Regem alium dicentes esse Jesum*: Actor. 17. v. 7.

2. Hypocrisis contraria charitati erga Deum, qua vera pietas spernitur, & species virtutis ambitur, qua homo intendit esse malus, & simulat se esse bonum: de quo ita Paulus: *Sunt quidam habentes quidem speciem pietatis, virtutem autem ejus abnegantes, & hos devita*: 2. Tim. 3. v. 5. Talis erat hypocrisis Phariseorum, qui decimabant *Mentam & anctum, relinquentes quæ graviora sunt legis, judicium, misericordiam, & fidem*: Matth. 23. v. 23.

3. Adulatio contraria charitati erga proximum, qua palpatur proximus, ut ei noceatur; a quo nos ita debortatur Sapiens: *Meliora sunt vulnera diligentis, quam fraudulenta oscula odientis*: Prov. 27. v. 6. Talis erat adulatio Saulis erga Davidem, qui ut ei noceret blanditiis, eum alloquebatur.

4. Hypocrisis contraria charitati erga proximum, qua affectatur pietas, ut noceatur proximo, & paretur via ad officia civilia, vel Beneficia Ecclesiastica: de quibus hypocritis ita Bernard. *Intus Herodes, foris Joann-*



Joannes. Tales illi, quos ita Christus alloquitur: *Vae vobis hypocritæ, quia comeditis domos viduarum, orationes longas orantes; propter hoc amplius accipietis iudicium: Matth. 23. v. 14.*

5. Jactantia injuriosa Deo, qua quis sese extollit contra Deum. Talis fuit jactantia Regis Tyrrii dicens: *Deus ego sum: Ezech. 28. v. 2.*

6. Jactantia insultans proximo. Talis fuit jactantia Pharisei: *Non sum sicuti ceteri hominum, veluti etiam hic Publicanus: Luc. 18. v. 11.*

7. Jactantia pernicioſa virtuti, qua quis jactat & peccata quæ fecit, & quod pejus est, peccata quæ non fecit. Talis erat jactantia Augustini nondum baptizati, qui de peccatis, quæ non commiserat, gloriabatur.

*Confess. 4.* Mendacium contrarium religioni, quo vel negatur vera religio, vel falsa simulatur, est peccatum mortale; quia opponitur virtuti ad salutem simpliciter necessaria. *Primum est capitale mendacium longeque fugiendum, quod fit in Doctrina Religionis; ad quod mendacium nulla conditione debet quisquam adduci, inquit August. de mendacio c. 14.*

Sic peccant lethaliter,

1. Qui negant veram religionem. Talis fuit Petrus, qui ter Christum negavit, sed ad galli cantum resipuit.

2. Qui simulant falsam religionem, intus veram retinendo. Tales erant qui suadebant Eleazaro seni, ut simularet edere carnem porcinam.

3. Qui prædicant falsam religionem: uti faciunt politici, ut se accommodent Regum populorumque genio. Tales erant falsi Prophetæ, de quibus Jeremias c. 5. v. 31. *Prophetæ prophetabant mendacium, & Sacerdotes applaudebant manibus suis, & populus meus dilexit talia.*

4. Qui ventitant falsa ad religionem pertinentia: uti faciunt, qui falsa prædicant miracula, qui fictas proponunt indulgentias, qui falsas exponunt reliquias. Tales sunt illi, qui libros apocryphos scripserunt, quasi religio egeret mendaciis.

*Consect. 5.* Mendacium contrarium iustitiæ, quo nocetur notabiliter proximo vel quoad vitam, vel quoad honorem, vel quoad bona temporalia, est peccatum mortale; quia est contra virtutem ad salutem absolute necessariam.

Sic mendaces peccant mortaliter in sequentibus casibus.

1. Si noceant vitæ corporali. Tale fuit mendacium senum Susannam adulterii accusantium; lex enim adulteram morti addicebat. *Si quis machatus fuerit cum uxore alterius, Et adulterium perpetraverit cum conjugē proximi sui, morte moriantur Et machus, Et adultera: Lev. 20. v. 10.*

2. Si noceant vitæ spirituali, v. g. si proximum ad peccandum mortaliter suo mendacio alliciant. Tale fuit mendacium Pseudo-Prophetæ, de quo 3. Reg. v. 18. *Ait illi: Ego Propheta sum similis tui, Et Angelus locutus est mihi in sermone Domini dicens: Reduc eum in domum tuam, ut comedat panem Et bibat aquam, Et sedet eum.*

3. Si noceant bonis temporalibus proximi: ut si auferant a proximo, v. g. hereditatem, beneficium &c. Tale fuit mendacium Rachelis abscondentis idola patris sui, in sententia eorum, qui volunt Racheli verum furtum commisiisse auferendo idola patris. *Ne irascatur meus Dominus, quod coram te conjurare nequeo: quia juxta consuetudinem scaminarum nunc accedit mihi. Sic deluja sollicitudo querentis est: Genes. 31. v. 35.*

4. Si noceant honori proximi, injuste diffamando. Tale fuit mendacium uxoris Putipharis dicentis de Joseph: *Ingressus est ad me, ut coiret mecum: Genes. 39. v. 14.*

*Consect. 6.* Mendacium oppositum publicæ fidei, quo fides publica læditur, est peccatum mortale, præcipue cum res deducta est, aut deduci potest ad forum contentiosum; quia publica illa falsitate insigniter nocetur bono publico, quod fieri nequit absque peccato mortali: insuper mendacium hoc solet vocari crimen falsi, quod in utroque jure punitur severis pœnis: quod indicat peccatum esse mortale.

*Monit.*

*Monit.* Fit autem crimen falsi tribus modis.

1. Per dictum: ut si testis falsum deponat: uti fecerunt viri diabolici, qui dixerunt falsum testimonium contra Naboth, imponendo ei blasphemiam: 3. Reg. cap. 21. v. 13. vel si testis verum supprimat: ut fecerunt duo falsi testes contra Christum, dicentes, hic dixit: *Possum destruere templum hoc, & post triduum reedificare illud*: Matth. c. 26. v. 61. Siquidem reticebant, quod Christus de templo corporis sui, non de templo Jerusalem loqueretur. *Uterque enim reus est, & qui veritatem occultat, & qui mendacium dicit*: Augustin. canon. *Falsidicus*.

2. Per scriptum: ut si quis falsa consingat instrumenta, aut falsis utatur: item si quis vera instrumenta adversæ parti profutura sine causa abscondat, aut supprimat; quia illud mendacium est contra fidem publicam: de quo ita capitulare, libro 7. cap. 196. Qui falsa Principum scripta detulerint, ut falsarii puniantur. *Tam ille qui subripit instrumentum, quam qui adversario parem advocacionis copiam subtrahit, iniquam ostendit a se litem foveri*: & cap. *Pervenit*, extra de cogendis testibus: & ita non licet perditis primævis instrumentis similia consingere.

Ubi nota, quod instrumentum potest esse falsum vel in substantia, vel in circumstantiis: in substantia, ut si Titus scribatur heres loco Sempronii, in circumstantiis, ut si tempus pro tempore ponatur, quod Gallice solet dici, *antidate*: aut si locus pro loco ponatur.

3. Per factum: ut si quis monetam adulterinam cutat: si aurum vel argentum corrumper: si pondera vel mensuras minuatur: sigillum falsum apponat: si duobus in solidum rem eandem vendat; in quibus omnibus casibus mendacium est peccatum mortale, quia publicæ fidei opponitur.

*Consect.* 7. Mendacium, quod fit a persona publica, cui ex officio incumbit veritatem tueri, est peccatum mortale, etiam si non sit alicui privato noxium: ita D. Thom. *Quia tenentur veritatem conservare ex suo offi-*



officio in iudicio & doctrina, contra quæ si mentiantur, erit mendacium, quod est mortale: 2. 2. q. 110. a. 4. ad 5.

Et sic non excusantur a mortali Doctores, Theologi, Prædicatores, Iudices, qui veritatem eis depositam tueri negligunt, eamque vel occultant erubescen-tes Evangelium, vel corrumpunt adulterantes verbum Dei.

Et sic non excusantur a mortali magistri, qui ex negligentia indigniter culpabili, vel ex odio veritatis, vel ex timore mundano, falsas opiniones docent, Circa ea, quæ pertinent ad perfectionem scientiæ, & informationem morum, ut loquitur Dr. Thom. Minime vero si falsa opinio ex mendacio generata sit circa ali- quid, de quo non referat, utrum sic, vel aliter cog- noscatur: 2. 2. quæst. 110. art. 4. in C.

Consect. 8. Mendacium quodcumque, iuramento firmatum, est peccatum mortale; importat enim con- temptum Dei: & sic non excusantur a peccato mortali.

1. Notarius falsitatem aliquam inferens in instru- mento publico, etiam consentientibus partibus; quia iuravit se ab omni falsitate temperaturum; & quia vi- tæ, aut saltem honoris periculum subit, si coram ju- dice accusetur & falsitatis convincatur; exponere au- tem se libenter tali periculo est peccatum mortale.

2. Ministri iustitiæ, v. g. Advocati, Procuratores, Scribæ, Iudices, Testes; quia hi vulgo jurant, se ni- hil contra veritatem acturos.

Consect. 9. Mendacium quodcumque cum gravi scan- dalo conjunctum, est peccatum mortale. Sic menda- cium, inquit Divus Thom. erit etiam peccatum mor- tale, dum scilicet aliquis non veretur propter scan- dalum publice mentiri: 2. 2. q. 110. art. 4. in corp. Tale est mendacium publicum Episcopi, Sacerdotis, Religiosi, qui quocumque in casu mentiri non eru- bescunt; per hoc enim dignitatem suam maxime de- primunt: de quo Gregorius Papa VII. ad Alphons. Hispaniæ Reg. Mendacium, inquit, in Sacerdoti- bus quasi sacrilegium conjiçiat.

*Confess. 10.* Mendacium quodcumque coniunctum cum intentione mortaliter culpabili est peccatum mortale. Tale est mendacium etiam leve vel officiosum, & iocosum dictum intentione mœchandi, furandi, &c. ut supra diximus, ubi de distinctione inter peccatum mortale & veniale.

### ARTICULUS III.

*Quando mendacium sit peccatum veniale solum?*

**Prop.** unica. Toties mendacium est solum peccatum veniale, quoties vel est indeliberatio ex parte dicentis, vel non est insigne nocumentum in persona, contra quam dicitur mendacium, vel non est in dicente animus fallendi; quia tunc non interveniunt requisita ad peccatum mortale: de hoc ita Cajetanus, verbo Mendacium: *Potest autem mendacium officere, ut non pertingat ad peccati mortalis perfectionem tripliciter: vel propter imperfectionem actus ex parte dicentis, ut in primis motibus contingit, propter non deliberate consentire; vel propter imperfectionem actus ex parte nocumenti, ut in minimis contingit; vel propter imperfectionem ex parte formæ, ut contingit in detractione non animo detrahendi & similibus, ita quod mentiens in materia perniciofa; puta, in scientificis, non animo nocendi alicui, sed ex loquacitate, non putans inde aliquem notare, & concipere falsam doctrinam, quia non formaliter dicit perniciosum, non peccat mortaliter, nisi nocumentum sit adeo notabile, ut peccatum redeat in naturam suæ formæ, id est, fiat perniciosum.*

### CAPUT III.

*De fama & honore.*

**Fama** est existimatio, quam habemus de aliquo ob ejus probitatem; quia vera fama innititur probitati, & Deo, & hominibus cognitæ, juxta illud Pauli: *Providemus bona non solum coram Deo, sed etiam coram hominibus: 2. ad Cor. c. 8. v. 11.*

**Honor** est protestatio alteri exhibita ob virtutem & excellentiam illius; quia virtus & excellentia

merentur honorem, juxta illud Pauli ad Rom. 2. v. 10. *Gloria autem, & honor, & pax omni operanti bonum.* Diminutio famæ dicitur diffamatio. Diminutio honoris dicitur contumelia. Agemus 1. de cura conservandi famam. 2. De fuga diffamationis. Postea vero de cura conservandi honorem, & de fuga contumelia.

Fama absolute spectata acquiritur probitatis exercitio; perditur vitio.

Fama spectata, prout est in mente cogitantis, conservatur, dum de nobis, vel de proximo bene sentimus; minuitur vero, cum male vel de nobis, vel de proximo sentimus.

Fama spectata, prout est in auribus audientium, conservatur, dum de nobis, vel de proximo recte loquimur; minime vero, cum de nobis, vel de proximo male habemus.

## ARTICULUS I.

*Quæ sit obligatio conservandi propriam famam?*

*Prop. 1.* Qualibet persona publica tenetur propriam famam ex lege justitiæ conservare, & injustam infamiam repellere.

*Prob. 1.* Paulus 1. ad Timoth. 3. v. 2. ait: *Oportet Episcopum irreprehensibilem esse.* Et v. 7. *Oportet autem illum testimonium habere bonum ab iis, qui foris sunt, ut non in opprobrium incidat, & in laqueum Diaboli:* & ad Tit. 2. v. 15. *Nemo te contemnat:* Atqui hæc exigunt, ut Prælati sit bonæ famæ: Ergo tenetur bonam famam summo studio tueri: & quia persona publica non est sui commodi, sed aliorum; ejus pariter fama non est sua, sed aliorum: Ergo ex justitia tenetur eam illibatam servare.

2. Ex D. Thom. Illi, quibus incumbit ex officio, vel statu perfectionis, aliorum saluti providere, peccant, nisi infamiam propriam juxta posse repellant: Quodlib. 20. art. 13. in corp.



3. Rat. Persona publica debet singulari cura tueri id omne, quod est necessarium ad gloriam Dei, & hominum salutem promovendam; quia ad id præcipue statuitur persona publica: Atqui bona fama ad id est omnino necessaria, ut patet: Ergo persona publica debet singulari cura famam tueri; non eo fine, ut in ea fama sibi complaceat, hoc enim malum est; sed ut gloriam Dei promoveat, & ut aliis vel exemplo, vel opera magis prodesse possit. Sic Paulus ait ad Gal. 1. v. 25. *Ecclesie Judeorum in me clarificabant Deum*: & 1. ad Thessal. 1. v. 7. eos laudat, *quod forma facti sint omnibus credentibus in Macedonia & in Achaja*.

### Consektaria hujus Doctrinæ.

Hi, qui subjiuntur, debent speciali cura propriam famam tueri.

1. Prælati omnes spirituales. 2. Prælati omnes civiles. 3. Prælati omnes domestici; quia omnibus, sed præcipue Prælati dictum est: *Curam habe de bono nomine*.

Prop. 2. Quilibet etiam privatus tenetur propriam famam conservare motivo charitatis, quoties bonum Dei & utilitas proximi id exigunt, minime vero motivo cupiditatis, quando id solum suadet inanis gloria desiderium.

Prob. 1. Ex Script. *Curam habe de bono nomine*: Exod. 41. v. 15. *Conversationem vestram inter gentes habentes bonam, ut in eo, quod detrectant de vobis, tamquam de malefactoribus, ex bonis operibus vos considerantes, glorificent Deum in die visitationis*: 1. Petri 2. v. 12. Ergo privati tenentur famam suam conservare.

2. Ex D. Thom. *Fama non est necessaria homini propter se ipsum, sed propter proximum edificandum, & Deum honorandum. Appetere famam propter proximum, vel propter Deum, charitas est: appetere vero propter se ipsum, ad inanem gloriam pertinet*. Quodlib. 10. artic. 13. in corp. Ergo ex charitate tenemur famam nostram illibatam servare.

3. Rat.

3. *Rat.* Homo tenetur gerere curam honorum temporalium; quia etsi sit illorum dominus, non ita est dominus, ut possit pro libito ea dilapidare, sed eis uti debet in gloriam Dei, in utilitatem tum sui, tum proximi: Ergo & tenetur curam gerere propriæ famæ; quia *melius est nomen bonum, quam divitiæ multæ*: Prov. 22. v. 1. Ergo privatus quilibet tenetur propriam famam curare in gloriam & in utilitatem spiritualem tum sui tum proximi.

### Confectaria hujus doctrinæ.

*Confect. 1.* Debemus ambire gloriam, quæ in probitate consistit. *Qui gloriatur, inquit Paulus, in Domino gloriatur*: 1. Cor. c. 1. v. 31. *Amulani charismata meliora*: 1. Cor. c. 12. v. 31.

*Confect. 2.* Debemus spernere gloriam, quam pravi homines volunt sitam esse in vitio. *Quid, inquit David, gloriaris in malitia, qui potens es in iniquitate?* Psalmo 51. vers. 3. Et Isaias 3. vers. 9. objungat eos, qui *pescata sua sicut Sodoma prædicaverunt*.

*Confect. 3.* Debemus proximo subtrahere omnem occasionem diffamandi nos; quia non subtrahere hanc occasionem, esset scandalum activum, inquit D. Thom. quodlib. 10. art. 13.

*Confect. 4.* Debemus linguas detrahentium compescere eo modo, quo debemus impedire furtiva, scilicet, non alio modo, quam quo tenemur salutem proximi providere: D. Thom. ibidem.

*Confect. 5.* Debemus probitatem exterius exercere, non ex hypocrisis, ut laudemur, sed ex charitate, ut ædificetur proximus, & laudetur Deus. *Tos estis lux mundi, inquit Christus, luceat lux vestra coram hominibus, ut videant opera vestra bona, & glorificent Patrem vestrum, qui in cælis est*: Matth. 5. v. 16.

*Monit.* Ex D. Thom. Licet privato homini pati detrimentum famæ suæ, modo illud non vergat in præjudicium aliorum; quia tunc privatus non positi-

ve influit in sui ipsius diffamationem: sicut licet privato laceffito pati sui ipsius vulnerationem, aut occisionem, nunquam vero licet se ipsum vulnerare aut occidere. *Sui arbitrii est*, inquit D. Thom. *detrimendum suæ famæ pati, nisi hoc vergat in periculum aliorum*: 2. 2. q. 73. art. 4. ad 1. *Et ideo in hoc potest commendari, quod patienter proprias detractiones sustineat*: D. Thom. *ibid.*

## ARTICULUS II.

*Quam stricte prohibeatur diffamare se ipsum?*

*Prop. unica.* Nulli privato homini, a fortiori publico, licet se ipsum diffamare vel imponendo sibi falsum crimen, vel extra rigorem juris crimen verum, sed occultum manifestando.

*Prob. 1.* Ex Scriptura. *Non loqueris contra proximum falsum testimonium*: Exod. 20. vers. 16. Ergo neque contra te ipsum; quia debemus nos plus quam proximum diligere.

2. Ex August. *Prohibetur quemquam adversum se falso testari, sicuti adversus proximum; quemadmodum alio præcepto, Non occides, una Et proximi homicidium, Et proprium prohibetur*: lib. 1. de civit. Dei c. 20. v. 20. & rursus: *Qui fidens conscientie suæ negligit famam suam, crudeliter est*: August. ad fratres in eremo serm. 51.

3. *Rat.* Homo etiam privatus multo plus debet famam suam diligere, quam famam proximi; quia amor bene ordinatus incipit a te ipso: Atqui non possumus alios diffamare: Ergo multo minus nosmetipsos.

Homo etiam privatus non ita est dominus suæ famæ, ut possit eam pro libito prodigere, sed debet eam prudenter conservare; quia si ita non fecerit, Deus author famæ nostræ, Ecclesia custos ejusdem nostræ famæ, proximus nostræ famæ imitator, ex nostri diffamatione injuriam sustinent. Ideo dicit August. de bono viduit. cap. 22. *Nobis enim necessaria est vita nostra, aliis fama nostra: conscientiam bonam nobis debemus, bonam famam proxi-*



mo: Ergo non licet privato homini, a fortiori publico, se ipsum diffamare; quia persona diffamata ad omnia munia inutilis est.

**Confectaria hujus Doctrinæ.**

*Confect. 1.* Homo privatus diffamando se in materia gravi, peccat mortaliter juxta Cajetan. quia non est dominus suæ famæ: juxta Soto, peccat solum venialiter; quia etsi juxta ipsum sit dominus suæ famæ, non tamen potest eam pro libito prodigere.

*Confect. 2.* Homo privatus, etiam juxta Soto, peccat mortaliter diffamando se ipsum, si interveniat aliqua circumstantia, quæ mortaliter aggravet sui ipsius diffamationem, puta, si id faciat cum sequentibus circumstantiis. 1. Si turpitudinem suam jactet; quia laudare se ob peccatum suum, est ingens flagitium. 2. Si infanda crimina occulta manifestet; quæ dum crimen suum publicum facit, scandalum parit; nisi ex confessione publica tam ardens appareret penitentia, tam sincera humilitas, ut criminis manifestatio ædificationem potius quam scandalum pareret. 3. Si in judicio publico id faciat, etiam ob metum tormentorum; quia sicuti metus non excusat a voluntaria occisione sui, ita nec a sui ipsius diffamatione. 4. Si se ipsum diffamet calumniando se; quia mendacium est perniciosum. 5. Si se ipsum diffamet committendo perjurium; quia perjurium est peccatum mortale.

*Confect. 3.* Homo privatus diffamando se peccat multo gravius, si ejus diffamatio vergat in prejudicium tertii; quia tunc jus nullum habet supra suam famam cum fama aliorum conjunctam. Sic patrifamilias peccaret graviter, si crimen suum occultum publicum faceret, ex quo toti suæ familiæ ingens damnum enasceretur. Sic peccaret reus, qui complices occultos extra casus in jure expressos judici manifestaret. Quinam sint illi casus, diceretur ubi de reo.

*Consect.* 4. Persona publica diffamando se ipsam, multo gravius peccat quam persona privata; quia ejus diffamatio semper nocet bono publico. Sic Episcopus, Curatus, Religiosus, Magistratus diffamando se multo gravius peccant, quam si essent personæ privatae; quia hæc diffamatio nocet vel Ecclesiæ, vel Reipublicæ.

### ARTICULUS III.

*Quæ sit obligatio conservandi famam proximi?*

*Prop. unica.* Persona privata, a fortiori publica, debet gerere curam famæ proximi, & sese injustæ ejus diffamationi opponere quantum potest.

*Prob. 1.* Ex Scriptura. *Super argentum & aurum gratia bona:* Proverb. 22. v. 1. Sed tenemur curare bona temporalia proximi: ergo a fortiori ejus famam.

2. Ex August. Multo misericordius operantur erga animas infirmorum, qui famæ bonæ servorum Dei consulunt, quam erga corpora eorum, qui panem esurientibus frangunt: lib. de opere Monachali cap. 22.

3. *Rat.* Bona fama proximi intervit multum ad pietatem promovendam: Ergo & ea lege, qua tenemur pietatem promovere, tenemur & bonam proximi famam conservare.

*Consect.* 1. Quilibet tenetur bene sentire de proximo, omnem suspicionem, omne dubium, omne iudicium temerarium longe a mente abjicere, quibus labefactari possit fama proximi.

*Consect.* 2. Quilibet tenetur recte loqui de proximo, vitans omnem detractionem, omnem calumniam, quibus denigrari possit fama proximi.

### ARTICULUS IV.

*De prohibitione diffamandi proximum.*

*Quam stricte prohibeatur diffamare proximum?*

*Prop. unica.* Omnis actio, qua insigniter diffamatur proximus, est peccatum ex suo genere

mortale, tanto gravius, quanto atrocior est diffamatio.

*Prob. 1.* Ex Script. Actio nocens vitæ temporali proximi est peccatum mortale; quia est contra illud: *Non occides.* Actio nocens bonis temporalibus proximi est peccatum mortale; quia est contra illud: *Non furaberis.* Ergo actio nocens insigniter famæ proximi est peccatum mortale; quia est contra illud: *Non loqueris contra proximum falsum testimonium.*

*2.* Ex D. Thom. *Auferre alicui famam valde grave est; quia inter res temporales videtur fama esse pretiosior, per cujus ædificium homo impeditur a multis bene agendis; Et ideo detractio, et proinde diffamatio, per se loquendo, est peccatum mortale:*

*2. 2. qu. 73. art. 2.*

*3.* Rat. Quod pacem perturbat, justitiam & charitatem violat, est peccatum mortale; quia actio hæc opponitur virtutibus maxime necessariis: Atque diffamatio pacem perturbat; nemo enim æquo animo patitur societatem illius, quem improbum suspicatur: charitatem violat; quia alteri facimus quod nobis noilemus fieri: justitiam lædit; quia alienum bonum, famam scilicet violat: Ergo diffamatio est ex suo genere peccatum mortale, tanto gravius quanto atrocior diffamatio; quippe sicuti furti peccatum crescit juxta nocumentum illatum bonis temporalibus; ita & diffamatio crescit juxta nocumentum illatum famæ.

*Consect. 1.* Diffamatio interior, quæ fit per dubia, suspiciones, & judicia temeraria contra probitatem proximi, etiamsi non aliis manifestentur, est peccatum; quia per hoc proximus apud nos diffamatur.

*2.* Diffamatio exterior, quæ fit per detractionem & calumniam, est peccatum; quia per hæc proximum apud alios exterius diffamamus.



## CAPUT IV.

*De diffamatione proximi apud nos interius facta per suspiciones, per dubia, & judicia temeraria.*

## ARTICULUS I.

*Quale peccatum sint suspiciones, dubia, & judicia temeraria facta contra probitatem proximi?*

**P**rop unica. Diffamatio interior, qua proximum apud nos ipsos injuste diffamamus, est peccatum mortale, si interveniat plena deliberatio ex parte agentis, & gravitas ex parte rei, circa quam proximis apud nos diffamatur.

*Prob.* Ex dictis duo requiruntur ad peccatum mortale. 1. Deliberatio ex parte agentis. 2. Gravitas ex parte objecti: Ergo toties diffamatio etiam interior erit peccatum mortale, quoties hæc duo includit.

## Confectaria hujus Doctrinæ.

*Nota.* Dubium est hæsitatio intellectus in neutram partem inclinans.

*Confect. 1.* Qui sine fundamento dubitat de probitate proximi, etiam in materia gravi, peccat quidem, sed non mortaliter: peccat, quia non licet dubitare de probitate proximi; *Charitas enim non cogitat malum*: non peccat mortaliter, quia dubium non importat plenum assensum.

*Nota.* Suspicio est inclinatio intellectus in unam partem potius quam in aliam propendens.

*Confect. 2.* Qui ex levibus indiciis malam de proximo habet suspensionem, etiam in materia gravi, peccat quidem, sed non mortaliter.

Peccat, quia suspicio est actus voluntarius a recta ratione dissonans; non enim debemus indiciis levibus suspicari malum de proximo: ideo Paulus recenset suspensionem malam inter peccata: *Ex pugnis verborum oriuntur invidiæ, contentiones, blasphemie, suspensiones male*: 1. Tim. 6. v. 4.

Non

Non peccat mortaliter, quia suspicio non est plenum, sed inchoatum iudicium; suspicio enim ambiguitatem quamdam importat, iudicium vero plenam determinationem. *Suspicio*, inquit D. Thomas, *est quid imperfectum in genere iudicii, & ideo est imperfectus motus, atque ideo non est mortale ex genere suo; quamvis si fiat ex odio, erit aliquando mortale; Quodl. 12. qu. 22. art. 2.*

Nota. Iudicium diffamans proximum est assensus firmus malum aliquod affingens proximo.

*Consect. 3.* Qui male iudicat de proximo, peccat mortaliter, si diffamet in materia gravi: venialiter vero, si diffamet in materia levi.

Peccat mortaliter, si diffamet in materia gravi; quia adsunt omnia requisita ad peccatum mortale, scilicet, plenus consensus, & materie gravitas. Cum aliquis pro certo malitiam alterius æstimat, inquit D. Thomas, ex levibus indicis, & hoc si sit de aliquo gravi, est peccatum mortale, in quantum non est sine contemptu proximi; 2. 2. qu. 60. art. 3. in C.

Peccat vero venialiter, si diffamet, iudicando male in materia levi; quia levitas materie excusat a peccato mortali.

Nota. Iudicium usurpatum diffamans proximum est illud, quod fit ab eo, qui non habet auctoritatem.

*Consect. 4.* Iudicium usurpatum diffamans proximum apud nosmetipsos, iudicando circa ea, quæ Deus prohibuit a nobis iudicari, est peccatum mortale; quia est contra iustitiam, & contra vetitum Christi: *Nolite iudicare, ut non iudicemini; Matth. cap. 6. v. 1. Nolite condemnare, & non condemnabimini; Matth. 6. vers. 3.* Tale est iudicium, quo iudicamus de statu æterno, quem quis habiturus est post mortem; illud enim ad solum Christum pertinet, & post iudicium universale patebit: de quo iudicio ita Paulus: *Nolite iudicare ante tempus, quoad usque veniat Dominus, qui & illuminabit æquandita tenebrarum, & manifestabit consilia cordium; 1. Corinth. 4. vers. 5.* Tale est iudicium, quo de interna intentione proximi iudicamus; hoc enim ad solum Deum pertinet, juxta illud: *Scrutans corda & renes*

*renes Deus.* Tale est iudicium, quo personam proximi in his, in quibus non nobis subicitur, iudicamus. *Tu quis es*, inquit Paulus, *qui iudicas alienum servum?* Domino suo stat, aut cadit: ad Rom. 14. v. 4. *Tu quis es*, *qui iudicas proximum?* inquit Iacobus 4. v. 13.

Nota. Iudicium temerarium diffamans proximum est illud, quod fit sine fundamento.

*Consect.* 5. Iudicium temerarium, quo quis sine sufficienti fundamento affingit proximo aliquem defectum moralem, diffamans proximum, est peccatum mortale; quia sine sufficienti causa despicit proximum in corde suo. Iudicium temerarium in re gravi est peccatum mortale, ait D. Thom. Tale est iudicium, quo iudicamus aliquem peccatorem esse, quia exterius punitur a Deo; uti amici Job, qui iudicarunt Job incidisse in aliquod grave peccatum, quia manus Dei affligebat ipsum: uti Gentiles, qui iudicarunt Paulum esse homicidam, quia videbant viperam ex ejus manu pendentem: Act. 28.

Tale est iudicium, quo iudicamus proximum talem esse, qualis nobis exhibetur ab ejus accusatoribus: uti fecit Putiphar, qui Joseph Patriarcham detulit in carcerem, credulus nimium verbis mulieris, quae Joseph accusaverat: Genes. 19.

Tale est iudicium, quo ex actu exteriori vel bono, vel indifferenti, vel venialiter culpabili, intentionem longe scelestiorem affingimus proximo: v. g. opera exterius bona asserimus fieri hypocrisi: opera indifferentia dicimus fieri pravo motivo: opera venialiter mala, v. g. motus indeliberatos ire & impatientiae, &c. in obstinatum animum refundimus. Tale est iudicium stulti: de quo Eccl. 10. vers. 3. dicitur: *In ora stultus ambulans, cum ipse sit insipiens, omnes stultos aestimat.*

Nota. Iudicium malitiosum est illud, quod provenit ex pravo affectu.

*Consect.* 6. Iudicium malitiosum infamans proximum ex pravo affectu, est peccatum mortale, si materia sit gravis, & pravus affectus pertingat usque ad malitiam mortaliter culpabilem; quia interveniunt



duo requisita ad peccatum mortale, scilicet malitia agentis, & gravitas materiae.

Tale est iudicium illius, qui alieni vitio deditus idem vitium affingit proximo.

Tale est iudicium illius, qui affectus odio, invidia contra proximum, ea vitia affingit proximo, quæ optaret ab ipso committi.

## ARTICULUS II.

*De circumstantiis aggravantibus diffamationem interiorum factam per suspensionem, dubium, & iudicium injustum.*

**Prop. unica.** Gravitas suspensionis, dubii, & iudicii injusti crescit, vel decrescit ex triplici capite.

1. Ex qualitate signorum, quibus suspicio, dubium, & iudicium fundantur; quia hæc signa augent vel minuunt temeritatem in dubitante, suspicante, & judicante.

2. Ex pravitate cordis inclinantis ad suspensionem, dubium, & iudicium; quia juxta affectum bonum vel malum, graviora fiunt, vel leviora suspicio, dubium, & iudicium injustum.

3. Ex gravitate peccati, quod per suspensionem, dubium, & iudicium temerarium affingitur proximo; quia juxta illam gravitatem diffamatio crescit.

Sic gravius peccat, qui vel judicat, vel suspicatur, vel dubitat sine ullo fundamento, quam qui idem præstat cum levi fundamento.

Sic gravius peccat, qui dubitat, suspicatur, judicat ex odio, ex invidia, quam qui idem præstat ex levitate.

Sic gravius peccat, qui temerarie suspicando, dubitando, judicando, affingit proximo peccatum mortale, quam qui affingit peccatum veniale.

## ARTICULUS III.

*De casibus, in quibus sine peccato possumus de proximo dubitare, suspicari & judicare.*

**Prop.** unica. Dubium, suspicio, iudicium sunt sine peccato, si fiant non animo diffamandi proximum, sed animo præcavendi mala, quæ nobis, aut aliis possent accidere. (a)

**Prob.** 1. Ex Script. Christus jubet, ut fratrem peccantem arguamus: Matth. 18. v. 15. *Si peccaverit in te frater tuus, vade & corripe eum inter te, & ipsum solum.* Jubet Deus, ut subditos puniamus: *Maleficos non patieris vivere:* Exod. 22. vers. 18. Paulus monet, ut non communicemus operibus infructuosis: *Nolite communicare operibus infructuosis tenebrarum; magis autem redarguite:* Ad Ephes. cap. 3. vers. 11. Joannes vetat, ut non credamus omni spiritui: *Nolite omni spiritui credere, sed probate spiritus, si ex Deo sint:* 1. Joan. cap. 4. vers. 1. Ergo quilibet potest sine peccato dubitare, suspicari, & judicare, non animo diffamandi, sed animo præcavendi.

2. **Rat.** Actus, quo personas scelestas fugimus, quo sceleratos improbamus, disseminantes prava dogmata rejicimus, non est malus, sed est actus prudentiæ: Ergo licet prudenter dubitare, suspicari, & judicare, animo præcavendi mala, & non animo diffamandi proximum.

*Con-*

---

(a) Falsa est propositio, si intelligatur de dubio, suspicione, & iudicio positivis: hi enim actus sunt contra charitatem, de qua dicitur: *Non cogitat malum.* Sed vera est propositio in eo sensu, quod quilibet potest prudenter, & sibi, & rebus suis præcavere, prævidendo omnia, quæ sibi nocere possunt, & non æqualem omnibus fiduciam adhibendo.

## Confectaria hujus Doctrinæ.

*Consect. 1.* Licet examinare & judicare juxta regulas veritatis, & prudentiæ exteriora omnia proximi, quæ veram famam nec augment, nec minuant; quia id nullatenus diffamat: & ita licet examinare & judicare, an proximus sit dives vel pauper, robustus vel debilis, ingratus vel doctus, acutus vel tardus ingenio, agrotus an sanus, &c.

*Consect. 2.* Hæ cautiones adhibendæ sunt, dum de proximo judicamus.

1. Privatus debet in judicando de personis præmittere sui ipsius considerationem: *Hypocrita, ejice primum trabem de oculo tuo, & tunc videbis ejicere festucam de oculo fratris tui*: Matth. cap. 7. vers. 5. alias juxta Paulum non meretur excusationem, qui damnat in alio, quod in se ipso non damnat: *Propter quod inexcusabilis es, o homo omnis, qui judicas: in quo enim judicas alterum, te ipsum condemnas; eadem enim agis, quæ judicas*: ad Rom. 2. v. 1.

2. Debet maturam rei præmittere considerationem ad imitationem ipsius Dei, qui judicaturus Sodomitas ait: *Descendam & videbo*: Gen. 18 v. 21.

3. Debet res tales judicare, quales sunt: malas debet habere ut malas, bonas ut bonas; indifferentes ut indifferentes, juxta illud Joan. *Nolite judicare secundum faciem, sed justum judicium judicate*: cap. 7. v. 24.

4. Res dubiæ & ambiguae semper sunt in benigniorem partem interpretandæ: ita D. August. *Hoc loco: Nolite judicare, ut non judicemini: nihil aliud nobis præcipi existimo, nisi ut ea facta, quæ dubium est quo animo fiant, in meliorem partem interpretemur.* De sermone Domini in monte, lib. 2. c. 18. quia, ut inquit D. Th. *Melius est, ut aliquis frequenter fallatur, habens bonam opinionem de aliquo, quam ut rarius fallatur, habens malam opinionem de aliquo*: 2. 2. qu. 60, art. 4.



5. Nunquam pravitas, quæ in facto exteriori, vel in externa specie personæ apparet, debet attribui intentioni interius in corde latenti; quia, (ut optime monet Bernardus) si non possumus excusare actionem, debemus excusare intentionem; & quia, ut ait Cajetanus: *Judicium verum est licitum: judicium personarum quoad interius est illicitum.*

## CAPUT V.

*De diffamatione exteriori, quæ per calumniam & detractionem proximum apud alios diffamamus.*

### ARTICULUS I.

*Quale peccatum sit diffamatio exterior?*

*Prop.* unica. Diffamatio exterior, quæ proximum apud alios diffamamus, calumniando, vel detrahendo, est peccatum ex suo genere mortale, si adsit deliberatio ex parte agentis, & gravitas materiæ ex parte rei, circa quam fit diffamatio.

*Prob.* Ex dictis supra. Duo requiruntur ad peccatum mortale. 1. Deliberatio ex parte agentis. 2. Gravitas ex parte objecti: Ergo si in diffamatione exteriori facta hæc duo reperiuntur, diffamatio illa exterior erit peccatum mortale. Dux autem sunt species exterioris diffamationis, scilicet, calumnia & detrahtio, quæ his versibus continentur.

*Imponens, augens, manifestans, in mala vertens,  
Qui negat, aut minuit, reticet, laudatve remisit.*

### ARTICULUS II.

*De calumnia.*

**C**alumnia est impositio falsi malitiose, & scienter facta.

*Prop.* unica. Calumnia est peccatum mortale, si adsit gravitas materiæ, & plena deliberatio.

*Prob.* 1. Script. *Non eris criminator, nec susurro in populo. Ego Dominus: Lev. 19. v. 16.* Qua emphasi denotatur, criminationem ingens esse peccatum, quod divinam vindictam acceleret.

2. Ex

2. Ex Concilio Arelatensi primo an. 314. can. 14. De his, qui falso accusant fratres suos, placuit eos usque ad exitum vite non communicare: Ergo est peccatum mortale; quia hæc pœnitentia solis lethalius peccatis infligebatur.

3. Pat. Calumnia in materia gravi multum infamat proximum: Ergo est peccatum mortale. Fit autem calumnia quatuor modis. 1. Inponendo malum. 2. Augendo malum. 3. Negando bonum. 4. Minuendo bonum.

### Confectaria hujus Doctrinæ.

*Confect. 1.* Explicans vocem istam *imponens*. Peccat mortaliter, qui imponit crimen falsum proximo, quocumque motivo id faciat: sive motivo inhonorandi proximum, ut fecerunt senes Susannam accusantes adulteram: Daniel 13. sive motivo falsam accusationem depellendi, ut faciunt vulgo, qui defendunt se contra falsos testes aut accusatores. 1. Quia nunquam licet calumniari; cum calumnia sit natura sua malum. 2. Quia non sunt facienda mala, ut eveniant bona. 3. Quia Paulus ita jubet: *Benedicite persequentibus vo. & nolite maledicere.* 4. Quia debemus Christum imitari, qui cum malediceretur, non maledicebat, cum pateretur, non comminabatur; tradebat autem judicanti se injuste: 1. Pet. 2. 5. Quia damnata est sequens propositio: *Non peccat mortaliter, qui imponit falsum crimen alicui, ut suam justitiam & honorem defendat.*

*Confect. 2.* Explicans dictionem istam *augens*. Peccat mortaliter *augens*, id est, qui augeat insigniter crimen commissum a proximo, quocumque motivo augeat; quia quantum ad illas circumstantias, quibus aggravat malum a proximo commissum, est vere calumniator. Talis fuit calumnia eorum, qui aggravantes Absalonis factum, non unum Amnonem occisum, sed omnes fratres ab illo trucidatos Davidi nuntiarunt.

*Confect. 3.* Explicans dictiones istas *qui negat*. Peccat mortaliter, qui negat bonum factum a proximo, P. Bejombes Mor. Chr. Tom. II. Q q li

si ea negatione intendat nocere famæ proximi; quia non minus est calumniator, qui negat probitatem proximi, quam qui ei affligit vitium. Tales fuere Pharisei, qui dicebant: *Hic non estat dæmones, nisi in Beelzebub Principe Demoniorum*: Matth. 12. v. 24.

*Consect.* 4. Explicans dictionem istam aut minuit. Peccat mortaliter, qui in re gravi minuit bonum factum a proximo; quia quantum ad illud bonum, quod minuit, est vere calumniator. Talis fuit calumnia illius Architynagogi, de quo loquitur Lucas, qui cum vidisset, quod Jesus Sabbato curasset mulierem, quæ habebat spiritum infirmitatis annis decem & octo, & erat inclinata, nec omnino poterat sursum respicere, dicebat turbæ: *Sex dies sunt, in quibus oportet operari: in his ergo venite & curamini, & non in die Sabbati*; his verbis volens minuere miraculum Christi.

## ARTICULUS III.

### De Detractione.

**D**etractio est injusta manifestatio criminis veri, sed occulti, facta animo denigrandi proximum.

*Prop. unica.* Detractio est peccatum mortale, si adsit plena deliberatio, & materiæ gravitas (a).

*Prob. Ex Script.* *Acuminatio hominum detractor*: Prov. 24. v. 9. *Nolite detrahare alterutrum fratres mei*: Jacob 4. v. 11. Ergo cum detractio reddat nos abominandos, debet esse peccatum mortale.

2. Ex lib. de salutaribus documentis cap. 26. in appendice Augustini tom. 6. ubi sic habetur: *Detrahentis & audientis, utriusque esca mortis est anima detractio*; & ut brevius concludam, *detractor & libens auditor Diabolum portat in lingua*: Ergo detractio, cum sit mors anime & sedes diaboli, est peccatum mortale.

(a) Hoc est verum: sed in consecrariis sequentibus omni vocem illam graviter, quæ debet semper subintelligi, ut peccatum sit mortale.



mortale. Et ibid. cap. 32. *Detractio fornicatio est anime*: Ergo est peccatum mortale sicut fornicatio.

3. *Rat.* Detractio in materia gravi multum diffamat proximum; quippe manifestat ejus crimen occultum: Ergo est peccatum mortale. Fit autem detractio quatuor modis. 1. Manifestando malum occultum. 2. Occultando bonum, quod necessum est manifestare. 3. Bonum vertendo in malam intentionem. 4. Laudando segniter bonum proximi, cum laudari necessum est.

### Confectaria hujus Doctrinæ.

*Confect. 1.* Explicans dictionem istam *manifestans*, Peccat mortaliter *manifestans*, id est, qui sine causa manifestat malum proximi in his circumstantiis, in quibus nocet fame proximi, sive sit primus, qui malum illud aperit, sive malum illud ab alio jam manifestatum, aliis manifestet; quia per hoc multum detrahit fame proximi. Talis fuit actio Hebræi, qui homicidium a Moyse occulte, immo autoritate Dei commissum, publicum fecit, dicens: *Quis te constituit Principem & judicem super nos? num occidere me vis, sicut heri occidisti Ægyptium*: Exod. 2. vers. 14.

Ejusdem detractiois rei sunt.

1. Qui narrant amico injuriam sibi factam, ut consolationem accipiant; quia a Deo & non ab amico oportet consolationem expectare, uti faciebat David: *In me psallebant, qui biberant vinum; ego autem orabam*: Psal. 68. vers. 16.

2. Qui ex levitate, aut loquacitate narrant, quæ possunt lacerare famam proximi; quia argum retinere oportet. *Si quis in verbo non offendit, hic perfectus est vir*: Jacob. 3. v. 2.

3. Qui laudat in uno genere, & vituperat in alio: v. g. qui dixit, proximum esse quidem innocentem, sed tamen impudicum. Hac laus verum est vituperium. *Molliti sunt sermones super oleum, & ipsi sunt jacula*, inquit Psalmista.

4. Qui uni soli narrat crimen occultum; quia aliquando gravius est denigrari apud unum, quam apud multos.

5. Qui acensatus de crimine vero & sufficienter convictus, ita audacter negat, ut accusator & testes calumniatores habeantur. Hactenus Sylvius.

6. Qui sine causa manifestat crimen publicum ibi & apud eos, apud quos non erat delatum; quia tali manifestatione nocet famæ proximi: licet enim homo publice diffamatus, non habeat jus tuendi famam, ubi publica est ejus diffamatio; habet tamen jus eam conservandi & ibi & apud eos, ad quos diffamatio non pervenit. Ita Sylvius. Hac diffamatio est longe gravior, quando parentes rei diffamantur; quia tunc nocetur parentibus innocuis, qui habent jus conservandi famam. Hac diffamatio est etiam longe gravior, quando publice diffamatus per sanctitatem & poenitentiam famam priorem recuperaverat.

*Consect. 2.* Explicans voces istas *in mala vertens*. Peccat mortaliter *in mala vertens*, id est, qui in re gravi bonum opus proximi in pravam intentionem detorquet; quia & nocet famæ proximi, & sine causa male de proximo judicat.

Talis erat detractio Core, Dathan, & Abiron, qui populi Judaici exitum ab Aegypto detorquebant in pravam libidinem dominandi, qua & Moylen & Aaronem detineri mentiebantur: *Numquid*, inquebant, *parum est tibi, quod eduxisti nos de terra, quæ lacte & melle manabat, ut occideres in deserto, nisi & dominatus fueris nostri?* Num 16. vers. 13.

*Consect. 3.* Explicans voces istas *qui tacet, aut minuit bonum proximi*. Peccat, qui in re gravi bonum opus proximi aut tacet, cum necessum est, ut manifestetur, aut illud idem opus bonum minuit; quia eo silentio nocet famæ proximi. Talis erat detractio Judæorum Paulum insectantium, & bona ejus opera aut occultantium aut minuentium.

## ARTICULUS IV.

*De circumstantiis tum augmentibus, tum minuentibus  
diffamationem exterioriorem proximi.*

**Prop. unica.** Omnis diffamatio exterior crescit, vel  
decrescit juxta circumstantias exteriores.

**Prob.** Ex dictis in Tractatu II. Omne peccatum  
exteriorius crescit per circumstantias exteriores: Ergo  
diffamatio exterior debet per illas circumstantias cre-  
scere, vel decrescere. Percurrantur illæ circumstan-  
tiæ.

## Confectaria hujus Doctrinæ.

**Confect. 1.** Ex circumstantia *quis*. Diffamatio est  
eo gravior, quo dignior est persona diffamans, aut  
quo dignior est persona diffamata; quia quo persona  
diffamans est dignior, eo majorem meretur fidem;  
& quo dignior est persona diffamata, eo vilius deprimi-  
tur.

Sic Episcopus diffamans magis peccat quam Reli-  
giosus; Religiosus quam simplex Sacerdos; simplex  
Sacerdos magis quam Laicus; Magistratus magis quam  
plebejus.

Sic gravius peccat, qui diffamat Episcopum quam  
Religionum; Religionum quam simplicem Sacerdotem;  
Sacerdotem quam Laicum; nobilem quam plebejum.  
Ita nos a Magnatum detractione dehortatur Scriptura:  
**Diis non detrahes:** Exod. 22. v. 28. Et David **No-  
lite tangere Christos meos:** Psal. 104. In pœnam  
hujus detractionis exhibet nobis Scriptura Mariam  
lepra infectam, eo quod contra Moysen murmu-  
rasset.

Sic gravius peccat, qui diffamat Communitatem  
quam singularem personam: & inter Communitates  
gravius est diffamare Communitatem Religiosam quam  
Ecclesiasticam; Ecclesiasticam quam civilem.

**Confect. 2.** Ex circumstantia *quid*. Diffamatio eo  
est gravior, quo materia, in qua fit diffamatio, est  
gravior; quia per hoc ejus fama magis labefactatur.



Sic gravius peccat, qui diffamat de peccato mortali quam de veniali; & inter peccata mortalia gravius peccat, qui diffamat de peccato, quod nedum coram Deo, sed etiam coram hominibus turpe habetur, quam de eo, quod solum coram Deo exosum est.

Sic gravius peccat, qui diffamat de peccato, quod directe statui personæ opponitur, quam de peccato quod ejus statui non opponitur: v. g. gravius est dicere de iudice, quod venalem habeat iustitiam, quam dicere, quod sit superbus: gravius de Sacerdote dicere, quod sit impudens, quam dicere quod sit avarus: gravius dicere de Nobili, quod sit proditor patriæ, quam quod sit procius.

*Consect. 3. Ex circumstantia ubi.* Diffamatio eo est gravior, quo est magis publica: quia quo est magis publica, eo apud plures fama labefactatur.

Sic gravius est diffamare in foro coram multis, quam domi coram paucis.

*Consect. 4. Ex circumstantia quibus auxiliis.* Diffamatio eo est gravior, quo plura secum trahit nocumenta; nam diffamatio semper nocet famæ, sed aliquando nocet aliis bonis.

1. Vitæ corporali, ut si innocens damnetur morti ob diffamationem injustam.

2. Vitæ spirituali, ut si innocens ob diffamationem arceatur ab aliquo statu, in quo salutem eternam possit facilius vacare: v. g. Clericus arceatur ab Ordinibus, virgo a Monasterio.

3. Bonis fortunæ, ut si quis ob diffamationem privetur hereditate debita, vel dignitate aliqua aut Ecclesiastica, aut civili.

4. Bono publico, ut si ob diffamationem Respublica privetur Magistratu pio & erudito, Ecclesia privetur clerico bonæ frugis, & optimæ spei.

*Consect. 5. Ex circumstantia cur.* Diffamatio eo est gravior, quo intentio diffamantis est pejor, & malignior; quia maiorem includit malitiam.

Sic gravius peccat, qui diffamat ex odio & invidia, quam qui diffamat ex levitate & loquacitate: qui intendit honorem simul, & vitam, & fortunam auferre, quam qui intendit soli famæ nocere: de quo

quo ita D. Thom. 2. 2. qu. 72. art. 2. in corp. In peccatis verborum maxime considerandum videtur, ex quo affectu aliquis verba proferat.

*Consect. 6.* Ex circumstantia quomodo. Diffamatio eo est gravior, quo modus diffamandi est magis voluntarius; quia denotat animum nocendi magis obstinatum.

Sic gravius peccat, qui diffamat animo deliberato, quam qui diffamat leviter & imprudenter.

*Consect. 7.* Ex circumstantia quando. Diffamatio eo est gravior, quo est diuturnior; quia magis nocet.

Sic diffamatio coram loquacibus est gravior, quam coram cordatis; quia isti tacent, illi vero diffamationem aliis promulgant.

Sic diffamatio scriptis facta est gravior, quam diffamatio solis verbis expressa; quia scripta manent, verba vero volant.

## ARTICULUS V.

*De casibus, in quibus sine peccato possumus peccatum proximi manifestare.*

**Prop. unica.** Non peccat, qui prudenter patefacit malum proximi vel occultum, vel publicum, si talis manifestatio fiat ob utilitatem publicam, vel privatam.

*Prob. 1.* Ex Script. Christus Matth. 28. v. 16. jubet, ut post fraternam correctionem adhibitam, sic procedamus: Si te non audierit, adhibe tecum adhuc unum, vel duos, ut in ore duorum vel trium testium stet omne verbum: quod si non audierit eos, dic Ecclesie. Ergo Christus jubet, ut prudenter peccata proximi manifestemus, quando hæc manifestatio privata, vel publica potest esse utilis.

2. Ex D. Thom. Si verba, per quæ fama alterius minuitur, proferat aliquis propter aliquod bonum necessarium, debitis circumstantiis observatis, non est peccatum, nec potest dici detractio. 1. 2. qu. 73. art. 2. in corp.

3. *Rat.* Quod sit in bonum publicum multorum, aut in bonum privatum alicujus, non est peccatum, nec potest dici detractio; quia hoc non fit animo denigrandi proximum: Ergo manifestatio peccatorum proximi propter utilitatem publicam, vel privatam non est peccatum, nec vera detractio.

### Confessoria hujus Doctrinæ.

*Confess.* 1. Non peccant, qui manifestant peccata proximi ob utilitatem publicam, quales sunt,

1. Qui ex zelo fidei manifestat hæreticum, ne latius serpat hæresis: ut fecit Petrus Alexandrinus, qui prænuntiavit, quanta mala Arius Ecclesiæ causaturus erat.

2. Qui ex zelo charitatis manifestat peccatorem, cujus prava vita alios corrumpere; & ita impedit, ne virus illud latius serpat: imo fecit Basilus, qui pravam Juliani Apostatæ animam iis, quibuscum ille vitiosus adolescens studebat, aperuit.

3. Qui ex zelo Religionis manifestat impedimenta matrimonii, & per hoc impedit, ne partes inhabiles invalide matrimonium contrahant: ita fieri præcipit Ecclesia.

4. Qui ex zelo pro Ecclesia manifestat indignitatem Clerici, ut impediatur, ne indignus recipiatur in Clero.

5. Qui ex zelo pro Republica manifestat indignitatem laici, ut impediatur, ne indignus ad magistraturam admittatur.

6. Qui ex zelo justitiæ, cum non adest spes resipiscentiæ, accusat reum coram iudice, & efficit, ut puniantur illi, qui nos conturbant.

7. Qui ex amore veritatis historicæ narrat communia facta hominum, bella, homicidia, furta, & alia hujusmodi; quia fides historica non timet ea reticere, quæ videmus enarrari in Historia sacra. Sed infanda & turpia facta reticenda sunt. uti Moyses recessit crimen pessimum, quo filii Jacob fuere accusati a Joseph coram patre suo.

*Confess.* 2. Non peccant, qui ob utilitatem privatam manifestant malum proximi: quales sunt,

1. Qui



1. Qui ex zelo charitatis consulit, quo pacto corrigendus est qui peccavit. Basil. in Reg. Brev. interrog. 25.

2. Qui ex zelo charitatis monet, notatve peccatorem, ne quis cum eo commisceatur: ita Paulus præmonuit Timoth. dicens: *Alexander ararius multa mihi mala ostendit, quem & tu devita; valde enim restitit verbis nostris.*

3. Qui juxta regulas amicitiae præmonet amicum, ne hominem vitiosum introducat in domum suam, eumve hospitio recipiat, ne hominem infidelem in servum conducatur, ne foeminam rixosam in uxorem accipiat, ne homini loquaci arcanum suum committat &c.

4. Qui servando moderamen inculpatae tutelae manifestat crimen proximi, ut suam innocentiam teneatur: v.g. falso accusatus manifestat verum crimen accusatoris, judicis &c. si talis manifestatio intersit ad ejus defensionem, minime vero si ad hoc nihil conducatur. Procurator, Advocatus possunt pro clientibus facere, quidquid ipsis clientibus permittitur.

*Consect.* 3. Non peccat, qui aperit peccatum proximi ob spiritualem utilitatem vel illius, qui peccat, vel illius, cui manifestatur peccatum; quia hæc manifestatio non fit animo proximum denigrandi.

## C A P U T VI.

Diximus supra, quod honor religiosus debeat Deo, Sanctis, & rebus sacris. Diximus pariter, quod quidam specialis debeat patribus, magistratibus, & senatibus. Jam dicturi sumus, quod honor quidam communis omnibus debeat.

## A R T I C U L U S I.

*Quis honor debeat proximo.*

*Prop. unica.* Quilibet homo tenetur exhibere alteri homini honorem aliquem majorem, vel minorem juxta excellentiam, quam habet, qui honorandus est.

*Prob. 1. Script. Honore invicem prævenientes: ad Rom. 12. Omnes honorate: 1. Pet. 2. Ergo quilibet debet proximo honorem atque exhibere.*

*2. Ex D. Thom. In quolibet reperitur aliquid, ex quo potest aliquis eum superiorem reputare, secundum illud ad Philip. 2. In humilitate superiores invicem arbitantes, & secundum hoc etiam omnes se invicem debent honore prævenire: 2. 2. q. 103. a. 2. ad 3. Ergo quilibet debet proximo aliquem honorem exhibere.*

*3. Rat. Honor est attestatio quedam de excellentia bonitatis alicujus: Atqui nullus est homo, cui non insit aliqua excellentia, exceptis damnatis obstinatis in malo, qui ob talem obstinationem merentur non honorem, sed contemptum: Ergo nullus est, cui non debeamus honorem aliquem inpendere.*

### Confectaria hujus Doctrinæ.

*Confect. 1. Quilibet homo etiam Gentilis meretur aliquem honorem; quia ad imaginem Dei conditus est, & hæc imago non omnino deletur per infidelitatem: ita inquit D. Thom. Cuilibet habenti imaginem Dei est exhibendus honor, nisi sit confirmatus in malo: in 3. Sent. dist. 9. q. 2. a. 3. in corp.*

*Confect. 2. Quilibet homo Christianus majorem honorem meretur, quam Gentilis; quia nedum habet imaginem Dei in se acceptam a creatione, sed insuper habet characterem Christi: designatur enim, ut domesticus Dei per baptismum, ut miles Christi per confirmationem, ut præfectus Ecclesiæ, si sit in aliquo Ordine constitutus.*

*Confect. 3. Quilibet homo virtuosus meretur etiam majorem honorem, quam Gentilis, quam purus Christianus; quia majorem habet excellentiam, quam Gentilis, quam simplex Christianus.*

*Confect. 4. Omnis persona publica, etiamsi vitiosa, meretur honorem, non ratione peccati, quo inficitur, quia vitium meretur vituperium; sed ratione dignitatis, quam obtinet: de quo ita D. Thom. Persona publica gerit typum, & locum, non sui ipsius, sed alterius, scilicet Christi in Ecclesia, & Reipublicæ, ut dominus in secularibus dignitatibus: & sic valor ejus*

*non*

non computatur secundum personam, sed secundum eum, cuius loco præsidet --- Et ita ei honor exhibendus est, non propter se, sed propter eum, cuius locum obtinet; sicut adæratio imaginis refertur ad prototypon: quodlib. 8. a. 7.

## ARTICULUS II.

*De diminutione honoris, qui debetur proximo.*

**H**onor debitus proximo minuitur per contumeliam, convitium, & improprium.

Nota 1. Contumelia est actio, qua proximo præsentī manifestatur defectus culpæ.

Nota 2. Convitium est actio, qua proximo præsentī manifestatur defectus culpæ & pœnæ.

Nota 3. Improprium est actio, qua proximo præsentī manifestatur ejus indigentia & minoratio.

*Prop. unica.* Verba contumeliæ, convitii, & improprii prolata, non animo jocandi, vel corrigendi, sed animo inhonorandi proximum, sunt ex se peccata mortalia, si adsit plena deliberatio ex parte agentis, & gravitas materiæ ex parte rei, quæ sunt objectum illorum verborum; sunt vero peccatum veniale, si interveniat vel indeliberatio, vel levitas materiæ.

*Prob. 1. Script.* Qui dixerit fratri suo, fatue, reus erit gehennæ ignis: Matth. 5. Ergo verba contumeliæ, convitii, & improprii sunt peccata mortalia, cum addicant inferno.

2. Ex Aug. Enchirid. cap. 78. ubi sic habet: *Quædam sunt peccata, quæ levissima putarentur: nisi in Scripturis demonstrarentur opinione graviora. Quis enim dicentem fratri suo, FATUE, reum gehennæ putaret, nisi veritas diceret? Et lib. 21. de civ. cap. 27.* Si quis, inquit, præoccupatus fuerit hoc delicto, ut fratri suo fatue dicat: Ergo ex Aug. delictum est contra proximos verbis uti injuriosis, quando nec joci causa, nec correctionis gratia proferuntur: ergo peccatum mortale; quia delictum sonat peccatum mortale.

3. *Rat.* In peccatis verborum maxime considerandum videtur, ex quo affectu aliquis verba proferat: cum ergo convitium, vel contumelia de sui ratione im-



importet quamdam debonationem, si intentio proferentis ad hoc referatur, ut per verba, quæ profert, honorem alterius auferat; hoc proprie & per se est dicere convitium, vel contumeliam; & hoc est peccatum mortale, non minus quam furtum & rapina; non enim homo amat minus suum honorem, quam rem possessionem.

### Confectoria hujus Doctrinæ.

*Confess. 1.* Contumelia, seu omnis actio, qua quis obicit proximo præsentem peccata mortalia, quæ commisit, est peccatum mortale, v. g. si obiciat ipsi, quod sit fur, potator &c. quia ea actione insigniter offendit proximum.

*Confess. 2.* Convitium, seu omnis actio, qua quis obicit proximo peccata, quæ commisit, & poenas, quas ob talia peccata sustinuit, est peccatum mortale: ut si dicat proximo, quod sit impudicus, quod gerat in corpore signa impudiciæ &c.

*Confess. 3.* Improperium, seu omnis actio, qua quis obicit proximo paupertatem, miseriam, ignobilitatem, eique exprobrat, quas ei suppetias contulit, est peccatum mortale, si hoc ingentem afferat proximo tristitiam, & inhonationem: quia hæc exprobratio proximum gravi afficit tristitia: de hac actione ita Ecclesiast. 20. *Exigua dabit, & improperebit.*

Contumelia, convitium, improperium eisdem circumstantiis aggravantur, quibus aggravatur infamatio. Vide supra dicta.

### ARTICULUS III.

*De casibus, in quibus contumelia, convitium, improperium fiunt absque peccato.*

*Prop. unica.* Verba contumeliæ, convitiæ, improperii prolata animo jocandi vel corrigendi, modo id fiat prudenter, non sunt peccata.

*Prob. 1.* Script. Deus Adamum irrisit, dicens: *Ecce Adam quasi unus ex nobis factus est*: sic enim acius sue admonebatur stultitie, qua divinitatem affectaverat. Deus in morte obstinatos peccatores irrifus

rus est. Et ego, inquit, in interitu vestro ridebo & subsannabo: Prov. I. v. 26. Deus irridebit damnatos: Et innocens, inquit Job, subsannabit eos: Job. 22. v. 19. Sancti irridebunt reprobatores: Videbunt iusti, & timebunt, & super eum ridebunt: Psal. 51. v. 20. Christus irrisit Nicodemum: Tu es magister in Israel, & hæc ignoras? Joan. I. v. 10. Christus discipulis euntibus Emaus dixit: O stulti & tardi corde ad credendum: Luc. 24. v. 25. Et Paulus ad Galatas 3. v. I. ait: O insensati Galatæ! Ergo licet uti verbis contumeliæ, convitii, & improprietatis, cum ita iusta aliqua causa exigit.

2. Ex D. Thom. Sicut licet verberare aliquem, vel in rebus damnificare causa disciplinæ; ita etiam causa disciplinæ potest aliquis alteri, quem debet corrigere, verbum aliquod convitiosum dicere; & hæc modo Christus discipulos vocat stultos, & Apostolus Galatas insensatos: 2. 2. qu. 72. a. 2. ad 2. Tamen, ut monet Aug. raro & ex magna necessitate oburgationes sunt adhibendæ, in quibus non nobis, sed ut Domino serviatur, instemus: ita refertur a D. Thom. loco citato.

3. Rat. Quod fit in bonum publicum multorum, vel in bonum privatum proximi, si fiat secundum regulas prudentiæ, non potest esse peccatum: Ergo verba contumeliæ, convitii, improprietatis prolata eo fine, ut peccatores a peccato deterreantur, vel eo fine ut convertantur, & erubescant, non sunt peccatum.

### Confectoria hujus Doctrinæ.

Confess. I. Verba dura, & contumeliosa, ironica &c. contra peccatores non sunt peccata, si judicentur necessaria ad peccantium vel terrorem, vel conversionem; jubet enim aliquando charitas nonnumquam aberrationes hominum irridere, ut ab ipsis & rideantur & fugiantur. Inde præclara illa Augustini vox: Hæc tu misericorditer irride, ut eis ridenda & fugienda commendes. Inde etiam præclara illa Nazianzeni sententia: Habet quoque spiritus mansuetudinis & charitatis suam vehementiam, suam iracundiam.

Con-

*Consect. 2.* Verba dura, & contumeliosa, & ironica, &c. contra eos, qui perversa docent dogmata, non sunt peccata, si possint inservire vel veritati tuenda, vel conversioni errantium: de hoc ita Tertullianus: *Multa sunt, inquit, sic digna revinci, ne gravitate adorentur. Vanitati proprie festivitas cedit. Congruit & veritati ridere; quia letans: de amulis suis ludere; quia secura est. Curandum planene risus ejus rideatur, si fuerit indignus. Ceterum ubicumque dignus risus, officium est. Sacerdotes Baal sic Elias risu arguendos censuit: Cumque esset jam meridies, illudebat illis Elias dicens: clamate voce majore: Deus enim est, & forsitan loquitur, aut in diversorio est, aut in itinere, aut certe dormit, ut excitetur.* Et Christus ipse Nicodemi fastum hac irrisione repressit: *Tu es magister in Israel & hæc ignoras?* ut docent Chrysostomus, August. & Cyrillus.

## ARTICULUS IV.

*De cooperantibus diffamationi & contumelia.*

*Prop. unica.* Qui directe, vel indirecte cooperantur vel diffamationi, vel inhonorationi proximi, peccant tanto gravius, quanto actio est magis voluntaria, & magis influens in diffamationem.

*Prob. 1. Script.* *Digni sunt morte, & non solum qui ea faciunt, sed etiam qui consentiunt facientibus:* ad Rom. I. v. 32.

*2. Ex Innocent. I.* *Non multum interesse arbitror inter committentis animum, & consentientis furorem: addo amplius, plerumque dediscit errare, cui nemo consentit:* inter Epist. August. 93.

*3. Rat.* Qui cooperatur efficaciter malo, censetur causa mali: Ergo cooperatores vel diffamationis, vel inhonorationis, peccant tanto gravius, quanto efficacius concurrunt ad malum. Qui autem cooperantur, his versibus exprimuntur:

*Fussio, consilium, consensus, palpo, recursus,  
Participans, mutus, non obstans, non manifestans.*

Con-



**Confectoria hujus Doctrinæ.**

*Confect. 1.* Qui hic subjiuntur, directe influunt in diffamationem, vel inhonorationem proximi.

1. Qui expresse jubet alicui, ut detrahat proximo, & inhonoret proximum; aut qui implicite id jubet, ostendens gratam sibi fore detractionem, aut inhonorationem proximi.

2. Qui consulit detractionem, calumniam, contumeliam, convitium, aut improprium.

3. Qui consentit positive, dum sit calumnia, detractione, contumelia, aut convitium, aut improprium.

4. Qui ad calumniam, detractionem, contumeliam, convitium, improprium excitat, laudando eum, qui aliquid eorum præstat.

5. Qui addit animos detractori, calumniatori, convititori, fovendo illius pravum affectum, suppetias & auxilium promittendo.

6. Qui detrahit, calumniatur, convitiatur, aut improprieat simul cum eo, qui hæc profert.

*Confect. 2.* Qui hic subjiuntur, indirecte influunt in diffamationem, & inhonorationem proximi.

1. Potens & debens ex officio impedire denigrationem, & inhonestationem proximi, & non impediens, peccat contra justitiam, si sit persona publica, & habens auctoritatem supra loquentem: & quidem mortaliter, si taceat malo animo, & ex complacentia, & diffamatio aut contumelia gravis sit; quia hæc duo sufficiunt ad peccatum mortale: venialiter vero, si id fiat ex indeliberatione, & materia sit levis; quia peccatum ex suo genere mortale sit veniale vel ob indeliberationem agentis, vel ob levitatem materia: nullatenus vero peccat, si ex prudentia taceat, differens correctionem usque ad aliud tempus magis opportunum.

Sic peccant, qui prave loquentes non arguunt: v. g. superior, si non arguat sibi subditum, pater, si non arguat filium, dominus servum, præceptor discipulum, Episcopus Diocesenum, Curatus Parochianum: hujus correctionis exemplum dedit David,

vid, dicens: *Exigimasti inique, quod ero tui similis: arguam te, & statuiam contra faciem tuam: Ps. 49. v. 21.*

2. Potens & debens ex charitate impedire denigrationem & inhonorationem proximi, & non impediens, peccat contra charitatem, non arguendo maledicentem: mortaliter quidem, si correctio omittatur, 1. Ab eo, qui potest & debet. 2. Si omittatur in casu necessitatis. 3. Si omittatur ex defectu charitatis, v. g. ex timore mundano prevalente charitati, & materia diffamationis & inhonorationis sit gravis, ut dictum est, ubi de correctione.

Nullatenus vero, si correctio omittatur ex iusta causa, vel quia correctio praevidetur magis nocitura quam profutura, vel ob alias causas.


Tunc tamen diffamatio, & inhonoratio aliquo signo potest dissipari, v. g. signo tristitiae, ut monet Sapiens: *Ventus aquilo dissipat pluvias, & facies tristis linguam detrahentem: Prov. 15. v. 22.*


De restitutione famae & honoris, diximus ubi de restitutione.

FINIS TOMI SECUNDI.


*Emmanuel*

*Paulus Regius*









Biblioteka Jagiellońska



stdr0025129





*P* MORALIS *Q*  
CHRISTIANA  
BESOMBES *R*

TOM II.